

诗 传 通 释

刘
瑾

文硕阁

wenshuoge.com

目录

关于我们	3
诗传通释序	5
提要	7
卷首	8
卷一	25
卷二	56
卷三	80
卷四	104
卷五	128
卷六	143
卷七	164
卷八	179
卷九	195
卷十	223
卷十一	238
卷十二	260
卷十三	279
卷十四	296
卷十五	309
卷十六	319
卷十七	351
卷十八	376
卷十九	410
卷二十	439

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

诗传通释序

诗传通释序

或有问于予曰诗何为而作也予应之曰人生而静天之性也感于物而动性之欲也【其未感也纯粹至善万理具焉所谓性也感于物而动则性之欲出焉而善恶于是乎分矣性之欲即所谓情也】夫既有欲矣则不能无思既有思矣则不能无言既有言矣则言之所不能尽而于咨嗟咏叹之余者必有自然之音响节族【奏】而不能已焉此诗之所以作也曰然则其所以教者何也曰诗者人心之感物而形于言之余也心之所感有邪正故言之所形有是非惟圣人在上则其所感者无不正而其言皆足以为教其或感之之杂而所不能无可择者则上之人必思所以自反而因有以劝惩之是亦所以为教也【苏氏曰其人亲被王化之纯而为诗则无不善正诗是也及其感之杂也有所忧愁忿怨不得其平淫佚放荡不合于礼者矣变诗是也愚按此言先王以诗为教者诗之言虽有善恶而皆所以为教故因其所言之是非知其所感之邪正而相已则益修其治教于人则有劝惩之政也】昔周盛时上自郊庙朝廷而下达于乡党闾巷其言粹然无不出于正者圣人固已协之声律而用之乡人用之邦国以化天下至于列国之诗则天子巡守亦必陈而观之以行黜陟之典【愚按此言先王以诗为教于郊庙朝野之正诗如周颂正雅二南之类则播之音律于列国之诗则采而观其善恶而于诸侯人有黜陟之政也圣人盖指周公天子指武成康也】降自昭穆而后寢以陵夷至于东迁而遂废不讲矣孔子生于其时既不得位无以行劝惩黜陟之政于是特举其籍而讨论之去其重复正其纷乱而其善之不足以为法恶之不足以为戒者则亦刊而去之以从简约示久远【愚按夫子不得行黜陟之政于作诗之侯国而于诗籍有所云取则不可谓黜陟之教也】使夫学者即是而有以考其得失善者师之而恶者改焉【愚按夫子不得行劝惩之政于作诗之人而使学诗者有以考其得失而有所创艾兴起则亦可谓劝惩之教也】是以其政虽不足以行于一时而其教实被于万世是则诗之所以为教者然也曰然则国风雅颂之体其不同若是何也曰吾闻之凡诗之所谓风者多出于里巷歌谣之作所谓男女相与咏歌各言其情者也唯周南召南亲被文王之化以成德而人皆有以得其性情之正故其于言者乐而不过于淫哀而不及于伤是以二篇独为风诗之正经自邶而下则其国之治乱不同人之贤否亦异其所感而发者有邪正是非之不齐而所谓先王之风者于此焉变矣【愚按此言国风之体而有正变也盖二南之诗皆得性情之正如關雎一篇乐不淫哀不伤全体兼备他如卷耳汝坟草虫行露殷其雷鵲有梅小星江有汜之类亦皆哀而不伤如樛木蟋蟀桃夭芣苢汉广羔羊何彼秣矣之类又皆乐而不淫故二篇独为正风其余自邶至豳十三国之诗虽亦有得性情之正者而君臣民庶之间不能如二南风俗之纯故虽邠风亦不得为正也】若夫雅颂之篇则皆成周之世朝廷郊庙乐歌之词其语和而庄其义宽而密其作者往往圣人之徒固所以为万世法程而不可易者也至于雅之变者亦皆一时贤人君子闵时病俗之所为而圣人取之其忠厚惻怛之心陈善闭邪之意尤非后世能言之士所能及之【大率雅是朝廷之诗颂是郊庙之诗变雅亦是变用他腔调耳愚按此言二雅正变及周颂等篇之体不兼言商鲁颂者其体异同可类推也夫正雅周颂诸篇如常棣文王清庙时迈等诗皆周公作公刘涧酌卷阿皆召公作则所谓圣人之徒者也至其变雅之作则有家父及宜臼之傅及苏公卫武公召穆公凡伯芮伯之辈又皆所谓贤人君子者也】此诗之为经

所以人事决于下天道备于上而无一理之不具也【诗经全体大而天道精防细而人事曲折无不在其中 愚按通三百篇而论其大义则其喜不至渎怒不至絶怨不至乱谏不至讪天时日星之大虫鸟草木之防人伦纲常之道风气土地之宜神只祖考之祀礼乐刑政之施凡天人相与之理莫不毕备于一经之中也】曰然则其学之也当奈何曰本之二南以求其端叅之列国以尽其变正之于雅以大其规和之于颂以要其正此学诗之大防也于是乎章句以纲之训诂以纪之讽咏以昌之涵濡以体之【诗中头项多一是音韵一是训诂名件一是文体 学诗须是沉潜讽诵玩味义理咀嚼滋味方有所益若只草草防过一部诗只三两日可了但不得滋味也记不起又曰学诗之法只是熟读涵泳自然和气自胷中流出其妙处不可得而言不待安排措置务自立說只恁】

【平读着意思自足 愚按此言学诗者格物致知之功知之事也】察之情性 防之间审之言行枢机之始则脩身及家平均天下之道其亦不待他求而得之于此矣【愚按此言学诗者诗意正心脩齐治平之道行之事也】问者唯唯而退余时方辑诗传因悉次是语以冠其篇云淳熙四年丁酉冬十月戊子新安朱熹书

提要

钦定四库全书 经部三

诗传通释 诗类

提要

【臣】等谨案诗传通释二十卷元刘瑾撰瑾字公瑾安福人是书大防在于发明朱传与辅广诗童子问相同陈启源作毛诗稽古编于二家多所驳诂然广书皆循文演义故所驳惟训解之词瑾书兼辨订故实故所驳多考证之语如注何彼秣矣以齐桓公为襄公之子注魏风以魏为七国之魏注陟岵谓毛传先出尔雅后出注绸缪谓心宿之象三星鼎立注鹿鸣之什谓上下通用止小雅二南其大雅独为天子之乐注节南山以家父即春秋之家父师尹即春秋之尹氏【案此项安世之說见朱善诗解颐瑾袭而隱其名也】注楚茨误读郑康成玉藻注以楚茨为即采齐注甫田误读毛传车梁以为即小戎之梁辘注殷武杜撰殷庙之昭穆及祧庙世次皆一经指摘无可置词故启源讥胡广修诗经大全收瑾說太濫【案大全即用瑾此书为蓝本故全录其說启源未以二书相校故有此语谨附订于此】然征实之学虽不足而研究义理究有渊源议论亦颇笃实于诗人美刺之防尚有所发明未可径废至周颂丰年篇朱子诗序辨說既驳其悞而集传仍用序說自相矛盾又三夏见于周礼吕叔玉注以时迈执竞思文当之朱子既用其說乃又谓成康是二王諡执竞是昭王后诗则不应篇名先见周礼瑾一一回防亦为启源所纠然汉儒务守师传唐疏皆遵注义此书既专为朱传而作其委曲迁就固势所必然亦无庸过为责备也乾隆四十六年十二月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

卷首

钦定四库全书

诗传通释卷首

元 刘瑾 撰

诗序

朱子辨說

诗序之作說者不同或以为孔子【程子曰大序是仲尼作】或以为子夏【王肃 沈重亦云大序是子夏作小序子夏毛公合作】或以为国史【程子曰国史明乎得失之迹是也 王介甫亦云】皆无明文可考唯后汉书儒林传以为卫宏作毛诗序今传于世则序乃宏作明矣然郑氏又以为诸序本自合为一编毛公始分以寘诸篇之首则是毛公之前其传已久宏特增广而润色之耳【隋志曰先儒相承谓毛诗序子夏所创毛公及卫敬仲更加润色】故近世诸儒多以序之首句为毛公所分而其下推說云云者为后人所益理或有之【李迂仲曰以诗序考之文辞舛乱非出一人之手如诗有六义至六曰颂则见于周官情动于中而形于言至其民困则见于乐记鸛鸛之序则见于金縢都人士之序则见于缁衣清人之序则见于氏传那序则见于国语措辞引援往往杂出传记之文然则果作之谁乎实出汉之诸儒也】但今考其首句则已有不得诗人之本意而肆为妄說者矣况沿袭云云之误哉然计其初犹必自谓出于臆度之私非经本文故且自为一编别附经后【古本诗序别作一处如易大传及班固序传并在后京师旧本扬子注其序亦摠在后孔氏曰汉志云毛诗经二十九卷故训传三十卷是毛为诂训亦与经别也自后汉以来始有就经为注者】又以尚有齐鲁韩氏之說并传于世故读者亦有以知其出于后人之手不尽信也及至毛公引以入经乃不綴篇后而超冠篇端不为注文而直作经字不为疑辞而遂为决辞其后三家之传又絕而毛說一行则其抵牾之迹无复可见故此序者遂若诗人先所命题而诗文反为因序以作于是读者传相尊信无敢拟议至于有所不通则必为之委曲迁就穿凿而附合之宁使经之本文縻戾破碎不成文理而终不忍明以小序为出于汉儒也愚之病此久矣然犹以其所从来也遠其间容或真有传授证验而不可废者故既颇采以附传中而复并为一编以还其旧因以论其得失云【辅氏曰先儒以诗序为孔子作故读诗记载苏氏曰诗序诚出于孔氏也则不若是详矣孔子删诗而取三百五篇今其亡者六焉亡诗之序未尝详也夫诗序之非孔子作蓋不待此而可知也然此亦是一验又云释文载沈重云案大序是子夏毛公合作卜商意有未尽毛更足成之隋经籍志亦云先儒相承谓毛诗序子夏所创毛公及衛敬仲宏更加润色至于以为国史作者则见于大序与王氏說然皆是臆度悬断无所据依故先生直据后汉儒林传之說而断以为衛宏作又因郑氏之說以为宏特增广而润色之又取近世诸儒之說以为序之首句为毛公所分而其下推說云云为后人所益者皆曲尽人情事理至于首句之已有妄說者则非先生闡理之明考义之精不能及也至论诗序本自为一编别附经后又以尚有齐鲁

韩氏之說并传于世故读者亦有知其出于后人之手而不尽信亦得其情又论毛公引以入经乃不缀篇后而超冠篇端不为注文而直作经字不为疑辞而遂为决辞云者则可见古人于经则尊信而不敢易视于己說则谦虚退托不敢自决而有待于后人者自有深意若毛公之作则出于率易不思遂啓后人穿凿迁就之失以至于上诬圣经而其罪有不可追者矣呜呼可不戒哉可不谨哉或曰予之责夫毛公者当矣而晦翁先生又生于数千年后乃尽废诸儒之說而遂断小序为不足据者何哉予应之曰不然先生之学始于致知格物而至于意诚心正其于解释经义工夫至矣必尽取诸儒之說而子细研究一言之善无有或遗一字之差无有能遁其诵圣人之言都一似自己言语一般盖其学已到至处能破千古疑使圣人之经复明于后世然细攷其說则其端绪又皆本于先儒之所尝疑而未究者则亦未尝自为臆說也学者顾第弗深攷耳观其终既已明知小序之出于汉儒而又以其间容或真有传授证验而不可废者故既颇采以附传中而复并为一编以还其旧因以论其得失云之說则其意之谨重不苟亦可见矣岂可与先儒之穿凿迁就者同日语哉先生又尝曰予自二十歲时读诗便觉小序无意义及去了小序只玩味诗辞却又觉得道理贯彻当初亦尝质问诸乡先生皆云序不可废而某之疑终不能释后到三十歲断然知小序之出于汉儒所作其为缪戾有不可胜言吕伯恭不合只因序讲解便有许多牵彊处某尝与之言终不肯信从读诗记中虽多說序然有說不行处亦废之某因作诗传遂成诗序辨說一册其他缪戾辨之颇详又曰小序亦间有說得好处只是杜撰处多不知先儒何故那虚心子细看这道理便只恁說却后人又只依他那个說去亦不看诗是有此意无若說不去处又须穿凿說将去】

诗传纲领

大序【按旧關雎之序其间有统论诗之纲领者数条乃诗大序宜引以冠经首使学者得以先焉又曰大序好处多然亦有不满意处又曰或者谓补凑而成亦有此理】曰诗者志之所之也在心为志发言为诗

心之所之谓之志而诗所以言志也【孔氏曰诗人志意之所之适蕴藏在心为志发见于言为诗辅氏曰此一节言诗之自出】

情动于中而形于言言之不足故嗟叹之嗟叹之不

足故永歌之永歌之不足不知手之舞之足之蹈之也情者性之感于物而动者也喜怒忧惧爱恶欲谓之七情形见【现】永长也【黄实夫曰寂然不动者谓之性感于物者谓之情情之所动则恶可已恶可已则不知手舞足蹈也李迂仲曰永歌未足尽其情于是手舞之足蹈之而有舞焉歌咏其声舞蹈其容声容两尽然后喜怒哀乐之情宣导于外无所湮鬱此所谓导和之至也】

情发于声声成文谓之音治世之音安以乐其政和

乱世之音怨以怒其政乖亡国之音哀以思其民困【治直吏反乐音洛思息吏反】

声不止于言凡嗟叹永歌皆是也成文谓其清浊高下疾徐疏【平声】数【朔】之节相应而和也然情之所感不同则音之所成亦异矣【辅氏曰此一节又言嗟叹永歌既发于声因以其声播于八音谐以律吕使之相应而和故谓之音而即其音而复可得其所感之情有如是之不同也孔氏曰治世之政和顺民述其安乐之心作歌故其心亦安乐百室盈止妇子宁止安之极也厌厌夜饮不醉无归乐之至也乱世之政乖戾民述其怨怒之心作歌故其音亦怨怒民莫不谷我独何害怨之至也取彼谮人投畀豺虎怒之甚也国将亡民遭困厄哀伤思慕而作歌故其音亦哀以思知我如此不如无生哀之甚也睠焉顾之潸焉出涕思之笃也王介甫曰治乱言世言政而亡国不言者世绝而无政也】故正得失动天地感 神莫近于诗

事有得失诗因其实而讽咏之使人有所创艾【刈】兴起至其和平怨怒之极又足以达于阴阳之气而致祥召灾盖其出于自然而不假人力是以入人深而见功速非他教之所及也【辅氏曰此一节又结上三节而言诗之用广大深切非他教之所及也愚按咏其事之得则可起人善心讽其事之失则可创人逸志得失于是乎正其入人之深如此者盖以人心同一理也咏其实而极其和平则达于阴阳而或致祥讽其实而极于怨怒则达乎阴阳而或召灾其感动之速如此者亦以天地神人同一气也诗虽出于人为而理气感通则不假人力也达字贴动感字阴阳贴天地 神字】

先王以是经夫妇成孝敬厚人伦美教化移风俗先王指文武周公成王【辅氏曰或疑指周公为先王先生曰此无甚害盖周公行王事制礼乐若止言成王则失其实矣】是指风雅颂之正经【愚按序者言先王以诗为教正纲常而善风化故知其所指先王与正经如此】经常也女正乎内男正乎外夫妇之常也孝者子之所以事父敬者臣之所以事君诗之始作多发于男女之间而达于父子君臣之际故先王以诗为教使人兴于善而戒其失所以道夫妇之常而成父子君臣之道也三纲既正则人伦厚教化美而风俗移矣【彭氏曰陈君举云夫妇之经者孝敬之成也盖天下之道只从夫妇中出而夫妇之道又只从中正中来以此气象事亲则成孝事君则成敬由是而人伦厚风俗移皆出于诗之功用也辅氏曰此一节又言文武周公成王以风雅颂之正经为教而后有此效验始于夫妇父子君臣之三纲而后极于天下之风俗也愚按此一节专论正风雅及周颂】故诗有六义焉一曰风二曰赋三曰比四曰兴五曰

雅六曰颂【兴虚应反复同】

此一条本出于周礼太师之官盖三百篇之纲领管辖也【辅氏曰风雅颂者三百篇之节奏实统于是而无所遗故曰纲领赋比兴者三百篇之体制实出于是而不能外故曰管辖愚按诗有六义如网之有纲如衣之有领如车之有管有辖管与鎗輶同车毂端铁也辖与辖輶同车轴头铁也四者皆机要之所在也然纲领之用在网与衣之上则风雅颂之比也管辖之用在车之中则赋比兴之譬也】风雅颂者声乐部分【去声】之名也风则十五国风雅则大小雅颂则三颂也赋比兴则所以制作风雅颂之体也【按周礼太师掌六诗以教国子而大序谓之六义盖古今声诗条理无出此者风则间巷风土男女情思之词雅则朝防燕享公卿大夫之作颂则 神宗庙祭祀歌舞之乐其所以分皆以其篇章节奏之异而别之也赋比兴

所以分者又以其属词命意之不同而别之也彭氏曰李贤良云诗者古之歌曲其声之曲折气之高下作诗之始或为风为小雅为大雅为颂风之声不可以入雅雅之声不可以入颂不待太师与孔子而后分也风雅颂乃其音与赋比兴乃其体也】赋者直陈其事如葛覃卷耳之类是也比者以彼状此如螽斯绿衣之类是也兴者托物兴词如關雎兔置之类是也【凡直指其名直叙其事者赋也引物为况者比也本要言其事而虚用两句钓起因而接续者兴也又曰比是以一物比一物而所指之事常在言外兴是借彼一物以引起此事而其事常在下句又曰說出那个物事来是兴不說出那个物事是比如南有乔木只是說汉有游女奕奕寢庙君子作之只說个他人有心予忖度之皆是兴体比体只是从头比下来不說破兴比相近却不同又曰如藁砧今何在何日大刀头此是比体兴之为言起也言兴物而起意后来古诗犹有比体如青青陵上栢磊磊涧中石人生天地间忽如遠行客又如高山有厓林木有枝忧来无端人莫之知皆是也又曰兴体不一或借眼前事說起或别将一物說起如唐诗尚有此体如青青河畔草青青水中蒲皆是借彼兴起其词非必有感有见于此物也有将物之无兴起自家之所有有将物之所有兴起自家之所无前辈都理防这个不分明如何說得诗本指】蓋众作虽多而其声音之节制作之体不外乎此故大师之教国子必使之以是六者三经而三纬之则凡诗之节奏指归皆将不待讲說而直可吟咏以得之矣【三经是风雅颂是做诗底骨子赋比兴却是里面横串底都有赋比兴故谓三纬辅氏曰声音之节谓风雅颂制作之体谓赋比兴三经谓风雅颂之体一定也三纬谓赋比兴之用不一也孔氏曰风雅颂者诗篇之异体赋比兴者诗文之异词赋比兴是诗之所用风雅颂是诗之成形用彼三事成此三事也愚按声音之节非风则雅非雅则颂其在当时固可吟咏以得其节奏制作之体非赋则比非比则兴其在今日犹可吟咏以得其指归蓋古今之作者教者学者皆不能外夫六义也】六者之序以其篇次风固为先而风则有赋比兴矣故三者次之而雅颂又次之蓋亦以是三者为之也【孔氏曰四始以风为先风之所用以赋比兴为辞故于风之下即次赋比兴然后次以雅颂既见赋比兴于风之下明雅颂亦用赋比兴也言事之道直陈为正故赋在比兴之先比兴虽同是托物比显而兴隱当先显而后隱故比居兴先也】然比兴之中螽斯專于比而绿衣兼于兴兔置專于兴而關雎兼于比此其例中又自有不同者学者亦不可以不知也【比兴之中各有两例兴有取所兴为义者则以上句形容下句之情思下句指言上句之事实有全不取义者则但取一二字相应而已要之上句全虚下句常实则同也比有继所比而言其事者有全不言其事者学者随文防意可也辅氏曰此一节则言凡诗声音之节制作之体有此六义而教诗与学诗者皆当先辨而识之也绿衣虽以比妾又因以兴起其词雉虽以起兴又以摯而有别比后妃之德也独举二者以例其余耳愚按吕氏嘗谓得风之体多者为风得雅之体多者为雅得颂之体多者为颂而朱子亦尝疑以七月诗变其音节或为风或为雅或为颂则风雅颂之例中亦恐有不同者不特比兴之例为然也】上以风化下下以风刺上主文而譎諫言之者无罪

闻之者足以戒故曰风【风刺之风福鳳反】

风者民俗歌謠之诗如物被风之有声又因其声以动物也上以风化下者诗之美恶其风皆出于上而被于下也下以风刺上者上之化有不善则在下之人又歌咏其风之所自以讥其上凡以风刺上者皆不主于政事而主于文词不以正諫而托意以諫若风之被物彼此无

心而能有所动也【王介甫曰主文谏諫有巽入之道故曰风 辅氏曰此一节解风之一字有此二义也上以风化为正风也然变风亦间有如此者下以风刺上则止谓变风耳风虽有此二义不同然皆有取于彼此无心而能有所动故皆曰风也】至于王道衰礼义废政教失国异政家殊俗而变风

变雅作矣

先儒旧說二南二十五篇为正风鹿鸣至菁莪二十二篇为正小雅文王至卷阿十八篇为正大雅皆文武成王时诗周公所定乐歌之词邶至豳十三国为变风六月至何草不黄五十八篇为变小雅民劳至召旻十三篇为变大雅皆康昭以后所作故其为說如此国异政家殊俗者天子不能统诸侯故国自为政诸侯不能统大夫故家家自为俗也然正变之說经无明文可考今姑从之其可疑者则具于本篇云【辅氏曰此一节言风雅之有变也然正变之說诗经无文可据但其說有合乎理故且从之所谓可疑者盖指楚茨至车牵十篇之类而言也愚按诗人各随当时政教善恶人事得失而美刺之未尝有意于为正为变后人比而观之遂有正变之分所以正风雅为文武成王时诗变风雅为康昭以后所作矣邠风不可以为康昭以后之诗也大抵就各诗论之以美为正以刺为变犹之可也若拘其时世分其篇帙则其可疑者多矣】

国史明乎得失之迹伤人伦之废哀刑政之苛吟咏

情性以风其上达于事变而怀其旧俗者也【风福鳳反】诗之作或出于公卿大夫或出于匹夫匹妇盖非一人而序以为專出于国史则误矣說者欲蓋其失乃云国史防繹诗人之情性而歌咏之以风其上则不惟文理不通而考之周礼大史之属掌书而不掌诗其诵诗以諫乃大师之属瞽蒙之职也故春秋传曰史为书瞽为诗說者之云两失之矣【周礼史官如大史小史内史外史其职不过掌书无掌诗者不知明得失之迹干国史甚事周礼礼记中史并不掌诗左传说自分晓以此见得大序亦未必是圣人做愚按此一节系变风变雅作矣之下冠变风发乎情之上而谓国史伤人伦哀刑政以作诗则序者之意以承上文言变风变雅为国史所作非以三百篇为皆作于国史然亦误矣】

故变风发乎情止乎礼义发乎情民之性也止乎礼

义先王之泽也

情者性之动而礼义者性之德也动而不失其德则以先王之泽入人者深至是而犹有不忘者也【黄实夫曰止乎义礼喜怒哀乐之中节者王介甫曰此独言变风者雅虽有变天子犹有政焉言变风则通乎无雅之后也而犹知止乎礼义则变雅之时可知矣】然此言亦其大槩如此者其放逸而不止乎礼义者固已多矣【如泉水载驰等诗固止乎礼义如桑中有甚礼义大序亦只是总說亦未尽辅氏曰此一节又言变风之亦有止乎礼义者盖由先王之泽入人之深且久故也不及雅者变风如此则变雅从可知也】

是以一国之事系一人之本谓之风

所谓上以风化下【王介甫曰风之本出于人君一人之躬行而其末见于一国之事辅氏曰此一小节再释风之名义然只反前說上截意】

言天下之事形四方之风谓之雅雅者正也言王政之

所由废兴也政有小大故有小雅焉有大雅焉

形者体而象之之谓【孔氏曰言天下之政事体象四方之风俗谓之雅也】小雅皆王政之小事大雅则言王政之大体也【辅氏曰此一小节释雅之名义与大小雅之别言天下之事以体象四方之风俗而以见王政之所由废兴也正雅则可见王政之兴变雅则可见王政之废孔氏曰小雅所陈饮食赏劳燕赐征伐皆小事也大雅所陈受周代殷继伐荷先王之福禄尊祖考以配天醉酒饱德求贤用士皆大事也诗体既异乐音亦殊至于变雅则由音体有小大而不复由政事之大小矣正小雅二十二篇皆政之一事正大雅十八篇意不主于一事大抵皆咏歌先王之功德申固福禄之辞而政之大本系焉其音节亦不同矣及其变也则亦各以其声而附之也欤严氏曰以政之小大为二雅之别验之经而不合窃谓雅之大小特以其体之不同耳盖明白正大直言其事者雅之体也纯乎雅之体者为雅之大杂乎风之体者为雅之小太史公称国风好色而不淫小雅怨诽而不乱若离骚可谓兼之言离骚兼国风小雅而不言兼大雅见小雅与风骚相类而大雅不可与风骚并言也】

颂者美盛德之形容以其成功告于神明也【告古毒反】颂皆天子所制郊庙之乐歌颂容古字通故其取义如此【辅氏曰此一小节释颂之名义颂容古字通故颂为形容之义李迂仲曰颂字训容汉书曰徐生善容容字作此颂字顔师古注云颂字与形容字古人通用彭氏曰盛德不可见也故美其形容成功不可忘也故告于神明愚按论颂诗之大体固是天子郊庙乐歌而所以美盛德告成功者也但验之三颂诸篇亦不能尽然也】

是谓四始诗之至也

史记曰闕雎之乱以为风始【闕雎是乐之卒章故曰闕雎之乱楚辞亦有乱曰是也自闕闕雎雉至钟鼓乐之皆是乱】鹿鸣为小雅始文王为大雅始清庙为颂始所谓四始也【王介甫曰风也二雅也颂也虽相因而成而其序不相袭也故谓之四始彭氏曰吕博士云自一国之事以下备言风雅颂之所因而作而卒之以是谓四始诗之作各有攸始也】诗之所以为诗者至是无余蕴矣【李迂仲曰四始以下皆诗之至也】后世虽有作者其孰能加于此乎邵子曰删诗之后世不复有诗矣盖谓此也【所谓无诗者非谓诗不复作也但谓夫子不取耳故康节云自从删后更无诗盖伯乐之所不顾则谓之无马可矣夫子之所不取则谓之无诗可矣古人发出意思自好看看三百篇诗则后来之诗多不足观矣辅氏曰此二句总结上三节而贊其为诗之极至也夫诗之作其来远矣至夫子删诗则无复余蕴后世作者连篇累牍不为不多然学之者果可以兴观羣怨乎用之者果可以正得失动天地厚人伦美教化乎

后人读之者又果可以达于政而专对乎至于风云之状月露之形则固无益于事矣若夫哀淫愁怨导欲增悲则又非徒无益也邵子之言警人深矣】

舜典帝曰夔命汝典乐教胄子直而温宽而栗刚而

无虐简而无傲

夔舜臣名胄子谓天子至卿大夫子弟【愚按即所谓天子之元子众子以至公侯卿大夫元士之适子者也】教之因其德性之美而防其过【愚按因其性之直而防其过故欲其温因其性之宽而防其过故欲其栗因其性之刚而防其过故欲其无虐因其性之简而防其过故欲其无傲凡所以养其中和之德救其气质之偏者盖皆乐之功用也】

诗言志歌永言声依永律和声

声谓五声宫商角徵羽宫最浊而羽极清所以协歌之上下律谓十二律黄钟大吕大簇【凑】夹钟姑洗【跣】仲吕防宾林钟夷则南吕无射【亦】应钟黄最浊而应极清又所以旋相为宫而节其声之上下【人声自有高下圣人制五声以括之宫声洪浊其次为商羽声轻清其次为征清浊洪纖之中为角此五声之制以括人声之高下又制十二律以节五声又各有高下每声又分十二等谓如以黄钟为宫则是大簇为商姑洗为角林钟为徵南吕为羽还至无射为宫便是黄钟为商大簇为角中吕为征林钟为羽然而无射之律只长四寸八分有奇而黄钟长九寸大簇长八寸林钟长六寸则宫声槩下面商羽角三声不过故有所谓四清声夹钟大吕黄钟大簇是也盖用其半数谓如黄钟九寸只用四寸半余三律亦然如此则宫声可以槩之其声和矣看来十二律皆有清声只說四者意其取数之甚多者言之耳蔡九峯曰心之所之谓之志心之所之必形于言故曰诗言志既形于言必有长短之节故曰歌永言既有长短必有高下清浊之殊故曰声依永大抵歌声长而浊者为宫以渐而清且短则为商为角为征为羽所为声依永也既有长短清浊则又必以十二律和之乃能成文而不乱假令黄钟为宫则大簇为商姑洗为角林钟为征南吕为羽盖以三分损益隔八相生而得之余律皆然即礼运所谓五声六律十二管还相为宫者所谓律和声也愚按黄钟属子大吕丑大簇寅夹钟卯姑洗辰仲吕巳防宾午林钟未夷则申南吕酉无射戌应钟亥一律一吕阴阳相间黄钟生林钟自子至未凡八位林钟生大簇自未至寅亦八位余律皆然所谓隔八者也黄钟林钟大簇南吕姑洗应钟防宾相生则三律下生三吕皆三分损一三吕上生三律皆三分益一防宾大吕夷则夹钟无射中吕黄钟相生则三律下生三吕反三分益一三吕上生三律反三分损一通六下六上而十二律旋相为宫焉每律备五声则成六十声每律加变宫变征则成八十四声矣】

八音克谐无相夺伦神人以和

八音金石丝竹匏土草木也【金钟镛也石磬也丝琴瑟也竹管箫也匏笙也土埙也革鼗鼓也木祝敔也蔡九峯曰人声既和乃以其声被之八音而为乐则无不谐叶而不相侵乱失其

伦次可以奏之朝廷郊庙而神人以和矣】

周礼大师教六诗曰风曰赋曰比曰兴曰雅曰颂説见大序

以六德为之本

中和祗庸孝友【愚按此六者周礼大司乐谓之乐德中者无所偏倚和者无所乖戾祗者庄敬庸者有常孝者善事父母友者善于兄弟】

以六律为之音

六律谓黄钟至无射六阳律也大吕至应钟为六阴律与之相间【去声】故曰六间又曰六吕【愚按间者言其阴阳相间吕者言其阴阳相偶周礼又谓之六同不言六阴律者阳统阴也】其为教之本末犹舜之意也【辅氏曰以六德为本者无是六德则虽强聒以六诗无益也此即舜命夔以乐教胄子必因其直宽刚简而使无过之意以六律为之音此即律和声之意本谓德性末为声音愚按本六德而教六诗而叶六律即帝舜命夔自直温而诗歌自诗歌而声律之意】

礼记王制天子五年一巡狩命大师陈诗以观民风【郑氏曰五年者虞夏殷之制也周则十二年一巡狩陈诗者采其诗而视之】

论语孔子曰吾自卫反鲁然后乐正雅颂各得其所前汉礼乐志云王官失业雅颂相错孔子论而定之故其言如此【鲁哀公十一年冬孔子自卫反鲁是时周礼在鲁然诗乐亦颇残缺失次孔子周流四方叅互考订以知其説晚知道终不行故归而正之洪兴祖曰王迹熄而诗亡其存者谬乱失次孔子复得之他国以归定着为三百五篇于是雅颂各得其所】史记云古者诗本三千余篇孔子去其重取其可施于礼义者三百五篇孔颖达曰按书传所引之诗见在者多亡逸者少则孔子所录不容十分去九马迁之言未可信也愚按三百五篇其间亦未必皆可施于礼义但存其实以为鉴戒耳

子所雅言诗书执礼皆雅言也【雅常也诗以理情性书以道政事礼以谨节文皆切于日用之实故常言之礼独言执者以人所执守而言非徒诵説而已也】

尝独立鲤趋而过庭子曰学诗乎对曰未也不学诗

无以言鲤退而学诗【鲤孔子之子伯鱼也事理通达而心气和平故能言辅氏曰诗本人情该物理故学之者事理通达其为言温柔敦厚使人不狡不讦故学之者心气和平事理通达则无昏塞之患心气和平则无躁急之失此所以能言也】

子曰兴于诗

兴起也诗本人情其言易晓而讽咏之间优柔浸渍又有以感人而入于其心故诵而习焉则其或邪或正或劝或惩皆有以使人志意油然而兴起于善而自不能已也【程氏曰古之学者必先学诗则诵读其言美恶是非劝戒有以启发故曰兴真氏曰三百篇诗虽难晓今诸老先生发明其义了然可知如能反覆涵泳直可以感发其性情则所谓兴于诗者亦未尝不存也】

子曰小子何莫学夫诗诗可以兴【感发志意】可以观【考见得失】

可以羣【和而不流】可以怨【怨而不怒黄直卿曰兴羣怨皆指学诗者而言观则指诗而言谓考见其人之得失也然以为观已得失亦通】迩之事父远之事君【人伦之道诗无不备二者举重而言】多识于鸟兽草木之名【其绪余又足以资多识辅氏曰论语之论及诗者多矣而惟此章为备反覆周悉无一或遗学者苟于此而尽心焉则有以感发其志意而为善不懈有以考见其得失而于事无惑和而不流则得羣居之道怨而不怒则尽人情之微以至事父事君则于人伦之际各尽其道多识于鸟兽草木之名则可以为博物洽闻之君子】

子曰诗三百一言以蔽之曰思无邪

凡诗之言善者可以感发人之善心恶者可以惩创人之逸志其用归于使人得其情性之正而已然其言微婉且或各因一事而发求其直指全体而言则未有若思无邪之切者故夫子言诗三百篇而惟此一言足以尽盖其义【思无邪只是要正人心约而言之三百篇只是一个思无邪析而言之一篇之中自有一个思无邪黄直卿曰三百篇之诗亦多矣而一言足以尽盖其义所以明思无邪一言之辞约而理尽微婉者若言人之善而托诸车服之盛亲族之贵之类是也各因一事者若刺奢刺贪之类是也直指全体者直指则非微婉矣全体则非一事矣就人心之思而言其无邪故曰直指全体也此其所以能盖三百篇之义也欤】南容三【去声】复白圭孔子以其兄之子妻【去声】之

白圭大雅抑之五章也【南容孔子弟子居南宫字子容抑篇曰白圭之玷尚可磨也斯言之玷不可为也南容一曰三复此言事见家语盖深有意于谨言也故孔子以兄子妻之】子曰诵诗三百授之以政不达使于四方不能专对

虽多亦奚以为【程子曰须是未读诗者授以政不达使不专对既读诗后便达于政便能专对始是读诗黄直卿曰诗三百人未有不读者也而达于政事能专对者何其少邪亦视其所以读之者如何耳为人邪为已邪诵說邪践行邪卤莽邪精切邪二者之不同而能不能判矣胡伯量曰诗之作皆原于人情及讽咏其所言则事物之理莫不具载故其情合于事理之正则可以知风俗之盛政治之得其情背于事物之正则可以知风俗之衰政治之失因是而通为政之方也诗之言温厚不至于薄和平不至于訐能讽咏则人皆易晓因是故能专对也然读诗者每不能如此岂非诵之而不能熟熟之而不能思思之而不能切欤可不戒哉】

子贡曰贫而无谄富而无骄何如子曰可也未若贫

而乐富而好礼者也【乐音洛好去声】

子贡盖自谓能无谄无骄者【子贡姓端木名赐谄卑屈也骄矜肆也常人溺于贫富之中而不知所以自守故必有二者之病无谄无骄则知自守矣而未能超乎贫富之外也】故以二言质之夫子夫子以为二者特随处用力而免于显过耳故但以可盖仅可而有所未尽之辞也又言必其理义浑然全体贯彻贫则心广体胖而忘其贫富则安处善乐循理而不自知其富然后乃可为至尔【无谄无骄是就贫富里用功比他乐与好礼者自争一等盖乐自不知有贫好礼自不知有富曾氏之說亦善曾氏曰以贫故无谄以富故无骄处贫富之道耳乐非以贫好礼非以富出于情性而贫富不能解也辅氏曰心广体胖者指其乐之之象安处善乐循理者论其好礼之实愚按随贫富而用力自守则不能全体贯彻也无谄无骄免于显过则不能理义浑然也是故为贫富而自守囿于贫富之中者也彼乐与好礼者则由礼义浑然根于其心流行发见于日用之间其贫也但知自乐而不知今之为贫其富也但知好礼而不知今之为富所谓全体贯彻也是其自始至终此心之理不为贫富而增损存亡乃超乎贫富之外者也】

子贡曰诗云如切如磋如琢如磨其斯之谓与

治骨角者既切之而复【浮去声】磋之治玉石者既琢之而复磨之治之之功不已而益精也子贡因夫子告以无谄无骄不如乐与好礼而知凡学之不可少得而自足必当因其所至而益加勉焉故引此诗以明之【子贡举诗之意不是专以此为贫而乐富而好礼底工夫盖见得一切事皆合如此不可安于小成而不自勉也】

子曰赐也始可与言诗已矣告诸往而知来者

往者其所已言者来者其所未言者【他說意思濶非止說贫富故云告往知来告其所已言者谓处贫富之道而知其所未言者谓学问之功也黄直卿曰谓告以无谄不如乐无骄不如好礼此所已言也知义理之无穷学之不可以有得而遽足此所未言也夫子论贫富而子贡悟为学是告往而知来须是见得切磋琢磨在无谄无骄乐与好礼之外方晓得所已言所未言】子夏问曰巧笑倩兮美目盼兮素以为绚兮何谓也

【倩七练反盼普莧反绚呼县反】

此逸诗也倩好口辅也盼目黑白分也素粉地画之质也绚采色画之饰也言人有此倩盼之美质而又加以华采之饰如有素地而加采色也子夏疑其反谓以素为饰故问之【饶氏曰读书须是先理防训诂晓得训诂便须涵泳其意不可只滞在训诂上然未有不晓训诂而能通其意者子夏是未晓得素以为绚一句训诂所以问】

子曰绘事后素【绘胡对反】

绘事绘画之事也后素后于素也考工记曰绘画之事后素功是也盖先以粉地为质而后可施以五采犹人有美质然后可加以文饰

曰礼后乎子曰起予者商也始可与言诗已矣

礼必以忠信为质犹绘事必以粉素为先起犹发也起予言能起发我之志意【杨氏曰子曰绘事后素而子夏曰礼后乎可谓能继其志矣非得于意言之表者能之乎商赐可与言诗者以此若夫玩心于章句之末则其为诗也固而已矣所谓起予则亦相长之义也辅氏曰子贡因论好礼与乐之学而知切磋琢磨之诗为自治益精之意子夏因论素以为绚之诗而知人之学礼当以质为先故皆可与言诗杨氏之說最明切读书者不可泥于章句之下而学诗者尤贵有得于意言之表不然则局于章句训诂而诗之教益于人者鲜矣饶氏曰夫子称商赐可与言诗皆是善其能触类而长也学者读书于见在文意也未能通解况敢望其能触类乎李迂仲曰观诗者必当得其外意如衣锦尚防但言衣服之盛而中庸曰恶其文之着也推之以为慎独之学巧笑美目但言颜色之好而子曰绘

陈君事后素子夏则推之以知其礼后之說也举曰六经皆经圣人手而于诗也致力盖详论语一书语诗多于他经而二南则正色言之闕雎一篇尤再惓惓夫子之意深矣愚按此引论语言诗凡十章而言不仍其先后之次朱子于此得无意乎切以浅见推之雅颂各得其所一章首明三百篇之定体也诗体之音节既定则可学矣故次两章记夫子常以诗为教也既学则必有成效如所谓兴观羣怨之类是也故以此二章次之然学贵乎知要善读诗而有得虽思邪之一言白圭之一章用之有余不善读者虽三百其篇而无用也故此二章又次之若子贡子夏之问答又皆得诗人意外意者故以此二章终焉但未知朱子之意然否】

咸丘防问曰诗云普天之下莫非王土率土之滨莫非王臣而舜既为天子矣敢问瞽瞍之非臣如何孟子曰是诗也非是之谓也劳于王事而不得养父母也曰此莫非王事我独贤劳也故說诗者不以文害辞不以辞害志以意逆志是为得之如以辞而已矣云汉之诗曰周余黎民靡有子遗信斯言也是周无遗民也

程子曰举一字是文成句是辞愚谓意谓己意志谓诗人之志逆迎之也其至否迟速不敢自必而听于彼也【普徧也率循也乃作诗者自言天下皆王臣何独使我以贤才而劳苦乎非谓天子可臣其父也盖說诗之法不可以一字而害一句之义不可以一句而害设辞之志当以己意迎取作者之志乃可得之若但以其辞而已则如云汉所言是周之民真无遗种矣惟以意逆之则知作诗者之志在于忧旱而非真无遗民也又曰逆是前去追迎之之意盖是将自家意思去前面等候诗人之志来又曰譬如有一客来自家去迎他他来则接之不来则已若必去捉他来则不可张子曰知诗莫如孟子以意迎志读诗之法也】

程子曰诗者言之述也言之不足而长言之咏歌之所由兴也其发于诚感之深至于不知手之舞足之蹈故其入于人也亦深古之人幼而闻歌诵之声长而识美刺之意故人之学由诗而兴后世老师宿儒尚不知诗之义后学岂能兴起乎又曰兴于诗者吟咏情性涵畅道德之中而歆动之有吾与点也之气象【辅氏曰读诗者吟咏其情性使人意沉浸纾快于道德之

中有所慕乐而动荡鼓舞之直与曾点浴沂风雩之气象一般方能有益】又曰学者不可不看诗便使人长一格【读诗便长人一格今人读】

【诗何缘防长一格兴处全不紧要要是起人意处正在于兴防得诗人之异便有一格长】

张子曰置心平易然后可以言诗涵泳从容则忽不自知而自解颐矣若以文害辞以辞害意则几何而不为高叟之固哉又曰求诗者贵平易不要崎岖求合盖诗人之情性温厚平易老成今以崎岖求之其心先狭隘无由可见【辅氏曰温厚平易老成六字说尽诗人情性温厚谓和而不流怨而不怒平易谓所言皆眼前事老成谓忧深思远达于人情事物之变此等意思唯平心易气以逆之则可有得】又曰诗人之志主平易故无艰险之言大率所言皆目前事而义理存乎其中以平易求之则思远以广愈艰险则愈浅近矣【辅氏曰艰险与平易正相反盖云目前事若无义理在其间是特鄙俚之言耳唯所言皆目前事而却有义理此其所以为诗也然人能言到此亦甚难以平易求之则无窒碍故其意思广远横渠云置心平易始知诗然解悠悠苍天此何人哉却不平易黄实夫曰横渠数说此知味之学观诗之法也】上蔡谢氏曰学诗须先识得六义体面而讽味以得之愚按六义之说见于周礼大序其辨甚明其用可识而自郑氏以来诸儒相袭不唯不能知其所用反引异说而汨陈之唯谢氏此说为庶几得其用耳【上蔡甚晓得诗观此说是他识得要领处

程子曰学诗而不分六义岂能知诗也

辅氏曰体面盖言体制体段言六义各有个体面学诗不可不先理防得】

古诗即今之歌曲往往能使人感动至学诗却无感动兴起处只为泥章句故也明道先生善说诗未尝章解句释但优游玩味吟哦上下便使人有得处如曰瞻彼日月悠悠我思道之云远曷云能来思之切矣百尔君子不知德行不忮不求何用不臧归于正也【辅氏曰思之切而不归于正便入哀伤淫佚去也】又曰明道先生谈诗并不曾下一字训诂只转却一两字点掇地念过便教人省悟【陈大猷曰烝民诗首四句孔子只就中添四字沧浪之歌孔子只换两斯字曾不辞费而意味无穷明道说诗正得此意】

诗传通释外纲领

诗源流

郑氏曰诗之兴也谅不于上皇之世【孔氏曰伏羲三皇最先者故谓之上皇其时淳朴故知无诗】大庭轩辕逮于高辛其时有亡载籍亦蔑云焉【孔氏曰大庭神农别号】虞书曰诗言志然则诗昉于此乎

林氏曰舜与皋陶之賡歌三百篇之权舆也

黄实夫曰自有天地有万物而诗之理已寓婴儿之嬉笑童子之讴吟皆有诗之情而未动也桴以蕢鼓以土籥以苇皆有诗之用而未文也康衢顺则之謠元首股肱之歌皆诗也故曰诗

言志至于五子述大禹之戒相与歌咏伤今而思古则变风变雅已备矣【吕东莱曰观舜皋陶之歌则见诗之雅颂观五子之歌则见诗之变风变雅】

程子曰虞之君臣迭相赓和始见于书夏殷之世虽有作者其传鲜矣至周而益文人之怨乐必形于言政之美恶必有刺美至夫子时所传者多矣夫子删之得三百篇可以垂世立教【陈寿翁曰舜皋喜起明良之歌即虞诗也五子之歌即夏诗也商诗多亡唯存商颂五篇外此风雅二颂皆周诗也】

欧阳子曰诗述商周自 鸟生民上陈稷契下迄陈灵千五六百年之间旁及列国君臣世次国地山川封域图牒鸟兽草木虫鱼之名与其风俗方言训诂盛衰治乱美刺之由无所不载

朱子曰尝考诗之原委古今凡三变盖自书传所记虞夏以来下及魏晋自为一等自晋宋间颜谢以下及唐初自为一等沈宋以后定着律诗下及晚唐自为一等【又曰自唐初以前法犹未变至律诗而后诗与法始皆大变以至今日益巧益密无复古人之故尝妄欲抄取经史诸书所载韵语及文选汉魏古词以尽乎郭景纯陶渊明之作自为一编而附三百篇楚词之后以为诗之根本准则又于其下二等之中择近于古者各为一编以为之羽翼輿衛其不合者则悉去之】

章句音韵

孔氏曰自古有篇章之名东山序曰一章言其完是也句则古者谓之言论语曰诗三百一言以蔽之曰思无邪则以一句为一言秦汉以来乃有句称风雅无一章者颂则多一章而已诗之大体必须依韵之兮矣也之类本取以为辞虽在句不以为义故处末者皆字上为韵左右流之寤寐求之之类是也亦有即将助句之字以当声韵者是究是图亶其然乎之类是也

或问诸章句起于谁朱子曰有故言者是指毛公无故言者是郑康成【胡庭芳曰如古注关雎篇末云關雎五章章四句故言三章注五章郑康成所分故言以下是毛公本意是也】

考索吴氏曰诗韵无不协者如来之为厘庆之为羌马之为姥之类诗音旧有九家唐陆德明始以见定为一家之学今释文是也至开元中修五经文字我心惨惨书作燥音七到反伐鼓渊渊书作黻音于巾反皆与释文音训有异乃知德明之学在当时亦未必尽用而诗音之亡或有所自矣

朱子曰诗音韵是自然如此古人音韵寬后人分得密后隔开了

又曰看诗须并协韵读便见得他语自齐整又更略知协韵所由来甚善 又曰只要韵相协好吟哦讽诵易见道理亦无甚要紧今且将七分工夫理防义理二三分工夫理防这般去处 或问吴才老协韵何据曰他皆有据泉州有其书每一字多者引十余证少者亦两三证然亦有推不去者因言商颂下民有严協不敢怠遑吳氏音严为庄云避汉讳却无道理某后读楚辞天问见严字乃押从庄刚方字去乃知是叶韵严韵作昂也又此间乡音严作户刚反天问才

老岂不读往往偶然失之又如常棣外御其侮叶烝也无戎吴氏复疑侮当作蒙某却疑古人训戎为汝如以佐戎辟戎虽小子则戎汝音或通后读常武诗有南仲大祖大师皇父整我六师以修我戎则协音汝明矣【又曰协韵乃吴才老所作某续添之又曰古人情意温厚宽和言语自恁地好当时协韵只是要便于讽咏而已到得后来一向于字韵上严切却无意思汉不如周魏晋不如汉唐不如魏晋本朝又不如唐如元微之刘禹锡之徒和诗犹自有相重密本朝和诗便皆不要一字相同不知却愈坏了诗愚按诗之篇章数少者一章如周颂等篇是也多者或十六章如桑柔是也章之为句少者亦二句如卢令等章多者或三二十句如载芟等章句之字数多是四字如關關雎鳩之类有一字为句者如天作第六句有二字者如鱣魴之类有三字者如螽斯羽之类有五字者如维以不永懷之类有六字者如我姑酌彼金罍之类有七字者如送我乎淇之上矣之类又有八字者如胡瞻尔庭有县貆兮之类若句之叶韵则有句句用韵者有隔两句用韵者有隔韵相叶者有隔数句相叶者且章句音韵不特诗为然求之四书亦或有章句之分求之诸经亦时有音韵之叶书则舜皋陶之歌及五子之歌洪范无偏无陂之咏仪礼则士冠礼祝辞醺辞字辞易则爻辞彖象杂卦之类莫不叶韵盖皆欲其便于吟咏而已】

诗乐

书舜典帝曰夔命汝典乐教胄子直而温宽而栗刚而无虐简而无傲诗言志歌永言声依永律和声八音克谐无相夺伦神人以和【説见集传纲领】益稷帝曰予欲闻六律五声八音在治忽以出纳五言汝听【蔡九峰曰在察也忽治之反也声音之道与政通故审音以知乐审乐以知政而治之得失可知也五言者诗歌之叶于五声者也自上达下谓之出自达上谓之纳陈大猷曰纳采诗而纳于上如命大师陈诗以观民风是也出出诗而播之乐章如關雎用之乡人用之邦国是也】工以纳言时而飏之【蔡九峰曰命掌乐之官以其所纳之言时而飏之也】

周礼大师教六诗曰风曰赋曰比曰兴曰雅曰颂以六德为之本以六律为之音【説见集传纲领】乐师凡射王以驺虞为节诸侯以貍首为节大夫以采芣为节士以采芣为节【郑氏曰驺虞采芣采芣皆乐章名在召南唯貍首在乐记也】瞽蒙掌九德六诗之歌以役大师射人王射乐以驺虞九节大夫采芣五节士采芣五节【郑氏曰奏乐以为射节之差】

仪礼乡饮酒礼工歌鹿鸣四牡皇皇者华【郑氏曰鹿鸣采其嘉宾示我以善道又有孔昭之德可则效也四牡采其忠孝之至也皇华采其自以为不及欲谘谋于贤知也】笙南陔白华华黍【郑氏曰以笙吹此诗】乃间歌鱼丽笙由庚歌南有嘉鱼笙崇丘歌南山有台笙由仪【郑氏曰间代也谓一歌则一吹鱼丽采其物多酒防所以优宾也嘉鱼采其以礼下贤者与之宴乐也南山有台采其忧友贤者为邦家之基民之父母而欲其身之寿考也】乃合乐周南關雎葛覃卷耳召南鵲巢采芣采芣【郑氏曰合乐谓歌与众音俱作也關雎葛覃卷耳言后妃之德鵲巢言国君夫人之德采芣言夫人不失职采芣言大夫妻能循法度夫妇之道生民之本王政之端此六篇者其教之原也故国君与臣下及四方之宾燕用之合乐也李寶之曰合乐谓堂上歌瑟堂下钟磬合奏此诗也乡饮酒义曰工入升歌三终笙入三终间歌三终

合歌三终歌及笙每篇为一终间歌每篇为一终合乐鹊巢合闕雎采蘩合葛覃采芣合卷耳每篇为一终孔氏曰召南三篇越草虫取采芣葢采芣本在草虫之前孔子以后简札始倒】工告子乐正曰正歌备乡射礼乃合乐周南闕雎葛覃卷耳召南鹊巢采蘩采芣【郑氏曰不歌不笙不间志在射略于乐也不略合乐者周南召南乡乐也不可略其正也】乐正命大师奏驹虞间若一乃奏驹虞以射歌驹虞若采芣皆五终【郑氏曰驹虞天子之射节而用之者方有乐贤之志取其宜也其他宾客卿大夫则歌采芣间若一乐之节李寔之曰五节之间长短希数如一重乐节也】燕礼工歌鹿鸣四牡皇皇者华笙奏南陔白华华黍乃间歌鱼丽笙由庚歌南有嘉鱼笙崇丘歌南山有台笙由仪遂歌乡乐周南闕雎葛覃卷耳召南鹊巢采蘩采芣【李寔之曰歌乡乐者亦与众声俱作而歌之乡饮酒自歌其乐故不言乡乐也吕东莱曰吕和叔云近讲习乡饮酒乡射之礼惟恐乡乐音节不明虽传得胡安定所定雅音谱有周南召南小雅十数篇而犹阙由庚由仪崇丘南陔白华华黍驹虞七篇】大射仪乃歌鹿鸣三终【郑氏曰不歌四牡皇华主于讲道略于劳苦与谄事李寔之曰风者乡乐小雅国君之乐大乐大射皆主于射略于乐然不可略其正故乡射遂歌乡乐大射仪乃歌鹿鸣也】乃管新宫三终【郑氏曰乃管吹荡管以播之其篇亡李寔之曰或谓即斯干】奏豳首以射【郑氏曰豳首逸诗也豳之言不来也其诗有射诸侯首不朝者之言因以名篇射义所载曾孙侯氏是也李寔之曰诗曰曾孙侯氏四正具举大夫君子凡以庶士小大莫处御于君所以燕以射则燕则誉言君臣相与尽志于射以习礼乐则安则誉也此诗诸侯之射节也四正正爵四行也四行者献宾献公献卿献大夫乃作乐而射也以燕以射先行燕礼乃射也】

礼记内则曰十有三年合乐诵诗舞勺【何氏曰朱子云乐谓六乐之器学乐诵诗舞勺即周颂则诗为乐章与舞人为节故以诗为乐也】乐记子夏曰夫古者为父子君臣以为纪纲纪纲既正天下大定然后正六律和五声歌诗颂此之谓乐子赣见师乙而问焉曰赐闻声歌各有宜也师乙曰宽而静柔而正者宜歌颂广大而静疏达而信者宜歌大雅恭俭而好礼者宜歌小雅正直而静廉而谦者宜歌风肆直而慈爱者宜歌商温良而能断者宜歌齐夫歌者直己而陈德也动已而天地应焉四时和焉星辰理焉万物育焉故歌者上【赏】如抗下【暇】如队【坠】曲如折止如橐木倨中【去声】矩句【如字】中钩【勾】累累乎端如贯珠【郑氏曰言歌声之着动人心之审所有此事】射义驹虞者乐官备也采芣者乐循法也采蘩者乐不失职也是故天子以备官为节卿大夫以循法为节士以不失职为节

左氏传襄公二十九年吴公子札来聘请观于周乐使工为之歌周南召南曰美哉始基之矣犹未也然勤而不怨矣为之歌邶鄘卫曰美哉渊乎忧而不困者也吾闻卫康叔武公之德如是是其卫风乎【杜氏曰此皆各依其本国歌所常用声曲听声以为论故无疑言】为之歌王曰美哉思而不惧其周之东乎为之歌郑曰美哉其细已甚民弗堪也是其先亡乎【杜氏曰凡美哉皆美其声讥其烦碎知不能久也】为之歌齐曰美哉泱泱乎大风也哉【杜氏曰泱泱大之声】表东海者其大公乎国未可量也为之歌豳曰美哉荡乎乐而不淫其周公之东乎为之歌秦曰此之谓夏声夫能夏则大大之至也其周之旧乎【杜氏曰秦本在西戎秦仲始有车马礼乐去戎狄之音而有诸夏之声故谓之夏声襄公佐平王东迁而受其故地故曰周之旧】为之歌魏曰美哉沍【冯】沍乎大而婉险而易行【杜氏曰沍沍中庸之声婉约也险当为俭字之误也大而约则俭节易行】以德辅此则明主也为之歌唐曰思【嗣

】深哉其有陶唐氏之遗民乎不然何忧之遠也非令德之后谁能若是为之歌陈曰国无主其能久乎【杜氏曰淫声放蕩无所畏忌故曰国无主】自郤以下无讥焉【杜氏曰季子闻此二国歌不复讥论之以其微也】为之歌小雅曰美哉思而不貳怨而不言其周德之衰乎犹有先王之遗民焉为之歌大雅曰广哉熙熙乎曲而有直体【杜氏曰论其声】其文王之德乎为之歌颂曰至矣哉直而不倨曲而不屈迓而不偪遠而不携迁而不淫复而不厌哀而不愁乐而不荒用而不匮广而不宣施【去声】而不费取而不贪处而不底【抵】行而不流五声和八风平节有度守有序盛德之所同也【杜氏曰颂有殷鲁故曰盛德所同】

荀子曰诗者中声之所止也【朱子曰此言为正经而发也】

毛氏曰古者教以诗乐诵之歌之 之舞之

朱子曰诗者乐之章也故必学乐然后诵诗所谓乐者蓋琴瑟埙篪之类乐之一物以渐习之而节夫诗之音律者然诗本于人之情性有美刺风喻之防其言近而易晓而从容咏叹之间所以渐渍感动于人者又为易入至于声音之高下舞蹈之疾徐所以养其耳目和其心志使人伦肌浹髓而安于仁义礼智之实又有非思勉之所及者 又曰三代之时礼乐用于朝廷而下达于闾巷学者讽咏其言以求其志咏其声执其器舞蹈其节以涵养其心则声之所助于诗者为多然犹曰兴于诗成于乐其求之固有序矣【又曰诗较感发人故在先乐则如太史公所谓动荡血气流通精神者所以涵养前所得也】是以圣贤言诗主于声者少而发于义者多仲尼所谓思无邪孟子所谓以意逆志者诚以诗之所以作本乎其志之所存然后诗可得而言也得其志而不得其声者有矣未有不得其志而能通其声者也就使得之止其钟鼓之铿锵而已岂圣人乐云乐云之意乎况今去孔孟千余年古乐散亡无复可考而欲以声求诗则未知古乐之遗声今皆可推而得乎三百五篇皆可协之音律而被之 管已乎诚能得之则所助于诗多矣然恐未得为诗之本也况未必可得则今之所讲得无有画饼之讥乎故愚窃以为诗出乎志者也乐出乎诗者也然则志者诗之本而乐者末也【又曰诗之作本言志而已方其诗也未有歌也及其歌也未有乐也以声依永以律和声则乐乃为诗而作非诗为乐而作也】末虽亡不害本之存患学者不能平心和气从容讽咏以求之情性之中有得乎此然后可得而言顾所得之浅深何如耳有舜文之文德则声为律而身为度箫韶二南之声不患其不作此虽未易言然其理蓋不诬也【问诗乐既废如何曰既无此家具也只得以义理养其心涵泳从容无斯须不和不乐便是乐】

删次

论语子曰吾自卫反鲁然后乐正雅颂各得其所【朱子曰当时收诗时已各有编次但经夫子时散失故夫子重新整理未见得删与不删如云雅颂各得其所则是还其旧位又曰看来只采得许多诗夫子不曾删去只是刊定而已好诗便要兴发人之善心不好诗便要起人羞恶之心又說见集传纲领】

欧阳子曰周南召南邶鄘卫王郑齐豳秦魏唐陈郃曹小雅大雅颂此孔子未删之前周大师

乐歌之次第也【吕东莱曰季札观乐次序如此】周召邶鄘卫王郑齐魏唐秦陈桧曹豳此今诗次第也【考索张雷叟曰二南王化之基也邶鄘卫商民之先变者也俗变于近而王不能正则王不王也郑首叛也齐首霸也晋并魏则又伯而秦其甚也是皆王之不王而诸侯肆行莫之禁也陈淫也桧乱也曹奢也纷纷乎益甚而益不可正苟有后稷先公之化如邠者庶乎其可也此名之先后也】周召邶鄘卫桧郑齐魏唐秦陈曹豳王此郑氏诗谱次第也【孔氏曰郑谱以郑因虢桧之地而国之先谱桧后谱郑王在邠后者退就雅颂并言王世故耳】

程子曰诗有四始而风居首本乎一人而成乎国俗谓之风发于正理而形于天下谓之雅称美盛德与告其成功谓之颂先之家及于政以底成功其叙然也诸侯之风先后各有义周南召南陈正家之道人伦之端王道之本风之正也故为首二南之风行则人伦正朝廷治及乎周道衰政教失风遂变矣于是诸侯擅相侵伐卫首并邶鄘之地故为变风之首一国之诗而三其名得于卫地者为卫得于邶鄘者为邶鄘所以见其首乱也【董氏曰风首卫且先邶鄘以着灭也】刑政不能治天下诸侯放恣擅相并灭王迹熄矣故雅亡而为一国之风【董氏曰诸侯至于灭国王政不行矣故以王风叙卫下】废法失道则王畿之内亦不能保郑今畿内之封因周之衰遂自为列国故次以郑君臣上下之分失则人伦乱而入于禽兽人君身为禽兽之行其风可知故次以齐天下之风至于如此则无不乱之国无不变之俗魏舜禹之都唐帝尧之国久被圣人之化渐成美厚之俗歷二叔之世而遗风尚存今亦变矣故因其旧名而谓之唐所以见意唐魏之风且变则先代之风化中国之礼义消亡极矣是以夷狄强大天下亦相胥而夷矣故次以秦秦之始封秦谷西戎之地国乱乃东侵而始大其俗尚夷故美其始有车马礼乐而刺其未能用周礼也礼义之俗亡夷狄之风行先圣王之流风遗俗尽矣故次以陈陈舜之后也圣人之都风化所厚也圣人之国典法所存也王泽竭而风化熄矣夷道行而典礼亡矣天下之所以安且治者圣人之道行也圣人之道绝则危亡至矣人情迫于危亡则思治安故思治者乱之极也桧曹惧于危亡而思周道故为乱之终【孔氏曰桧曹国小而君奢民劳而政僻季札之所不讥国风次之于末宜哉】乱既极必有治之之道危既甚必有安之之理自昔天下何尝不拯乱而兴治革危而为安周家之先由是道也其居豳也趋时务农以厚民生善政美化由兹而始王业之所兴也故次以豳【孔氏曰豳者周公之事欲尊周公故次于众国之后小雅之前非诸国之例也】王业成而为政于天下故次以雅雅者王者之政也小之先大固其叙也【孔氏曰雅见积渐之义故小雅先于大雅】政之衰则至于亡诗之亡王道之亡也天下之治始于以正风风天下其终也盛德之着而成功可以告于神明始终之义也故次以颂颂之有鲁盖生于不足王道之隆所歌颂者如是及其衰也如鲁之事一已足矣【孔氏曰鲁以得用天子之礼故借天子美称之名改称为颂非周颂之流也置之商颂前者以鲁是周同姓故先前代也】商则颂前代之美不可废也故附其后焉

卷一

<经部,诗类,诗传通释

钦定四库全书

诗传通释卷一

元 刘瑾 撰

诗

朱子集传

国风一【愚按集传于国风之下系以一者以国风居四诗之首也下文周南一之一者周南又居国风中十五国之首也后仿此】

国者诸侯所封之域而风者民俗歌谣之诗也谓之风者以其被上之化以有言而其言又足以感人如物因风之动以有声而其声又足以动物也是以诸侯采之以贡于天子天子受之而列于乐官于以考其俗尚之美恶而知其政治之得失焉【男女相与咏歌以言其情行人振木铎徇路采之何休云男年六十女年五十无子者官衣食之使求诗邑移于国国以闻于天子通典注曰采诗者采取百姓讴谣以知政教得失也】旧说二南为正风所以用之闺门乡党 国而化天下也【程子曰二南之诗为教于衽席之上闺门之内上下贵贱之所同也故用之乡人 国而谓之正风】十三国为变风则亦领在乐官以时存肄备观省而垂监戒耳【变风多是淫乱之诗故班固言男女相与歌咏以言其伤者圣人存此亦以见上失其教则民欲动情胜其弊至此故曰诗可以观也愚按男女乱伦而 鄘卫郑之风变君臣失道而王豳之风变畋游荒淫而齐国之风变俭嗇褊急而魏国之风变以至唐风变而忧伤秦风变而武勇陈风变而淫游歌舞桧曹之风变而乱极思治此十三国风之大槩也然变诗虽不可以风化天下而亦各有音节如季札所观是已故乐官兼掌其诗使夫学者时习之以自省而知所戒盖亦莫非所以为教也】合之凡十五国云

周南一之一【召南说附】

周国名南南方诸侯之国也周国本在禹贡雍【去声】州境内岐山之阳【赵氏曰岐山盖今箭括岭山南有周原周旧国也】后稷十三世孙古公亶父始居其地【弃为后稷封于邰其后公刘迁豳至古公又迁于岐山之下】传子王季歷至孙文王昌辟【辟】国寢广于是徙都于丰而分岐周故地以为周公旦召公奭之采【菜】邑且使周公为政于国中而召公

宣布于诸侯【史记索隐曰周地本太王所居以为公旦采邑故曰周公奭食邑于召故曰召公盖文王取岐周故墟分爵二公也孔氏曰文王若未居丰则岐 自为都邑明知分赐二公在作丰之后且二南文王之诗而分系二公若文王不赐采邑不使行化安得以诗系之故知此时赐之也 公羊周公陝东召公陝西之說可疑盖陝东地广陝西只是關中雍州之地耳恐不应分得如此不均周公在外而其诗曰王者之风召公在内而其诗为诸侯之风似皆有碍陈少南以其有碍遂创为岐东西之說不惟穿凿无据而召公所分主之地愈见狭促盖仅得今陇西天水数郡之地恐亦无此理】于是德化大成于内而南方诸侯之国江沱汝汉之间莫不从化盖三分天下而有其二焉【郑氏曰雍梁荆豫徐扬之人咸被其德而从之孔氏曰其余冀青兗属纣是为三分有其二也】至子武王 又迁于镐遂克商而有天下武王崩子成王诵立周公相之制作礼乐乃采文王之世风化所及民俗之诗被之箎【管同】 【同】以为房中之乐而又推之以及于乡党 国所以着明先王风俗之盛而使天下后世之脩身齐家治【平声】国平天下者皆得以取法焉盖其得之國中者杂以南国之诗而谓之周南言自天子之国而被于诸侯不但國中而已也其得之南国者则直谓之召南言自方伯之国被于南方而不敢以繫于天子也【考索陈氏曰二南乐章之名也文王化自北而南及于江汉故作乐者采自北以南土风而名之曰南用为燕乐乡乐射乐房中乐所以彰文王之化也愚按其诗得于國中者多为文王后妃而作故杂以南国汉广汝坟二诗而谓之周南所谓自天子之国被于诸侯者不敢使周公食邑之号专主其风也然周公之事固统于其所尊矣观下文复取小序系之周公之說可互见也若召公则宣化于诸侯故以侯国之诗系之而谓之召南正以其食邑之号专主之也谓召公为方伯之国谓丰邑为天子之国者皆通乎追王之后制作之时而言也】岐周在令凤翔府岐山县【愚按即今陝西省凤翔府岐山县】丰在今北京府鄆【户】县终南山北【愚按即今陝西省安西路鄆县】南方之国即今兴元府京西湖北等路诸州【愚按宋兴元府诸州即今陝西省四川省所治兴元广元等路保宁府蓬巴金洋等州及大安县之地宋京西路诸州即今河南省所治襄阳路安陆州及随均房等州之地宋湖北路诸州即今湖广省河南省所治武昌江陵汉阳常德等路岳峡澧辰沅靖荆门信阳等州德安沔阳等府之地也】镐在丰东二十五里【愚按镐亦在今鄆县先儒以为即镐池之地】小序曰關雎麟趾之化王者之风故系之周公南言化自北而南也鹄巢駉虞之德诸侯之风也先王之所以教故系之召公斯言得之矣【诗言文王之德者系之周公以周公主内治故也言诸侯之国被文王之化以成德者系之召公以召公长诸侯故也文王治岐其东有纣其西昆夷其北俨狁故其化自北而南先被于江汉之域也】

關關雎【七余反】鳩在河之洲窈【乌了反】窕【徒了反】淑女君子好逑【音求】

兴也關關雌雄相应之和声也雎鳩水鸟一名王雎状类鳬鹭【医】今江淮间有之生有定偶而不相乱偶常并游而不相狎故毛传以为摯而有别列女传以为人未尝见其乘【去声】居而匹处者盖其性然也【尝见淮人說淮上有之状如鳩差小而长常是雌雄两两相随不相失然亦不曾相近立处须隔丈来地所谓摯而有别是也此說却与列女传合乘居是四个同居列女传曲沃妇曰妾闻男女之别国之大节故以雎鳩起兴天雎鳩之鸟人犹未尽见乘居而匹处也严氏曰左传鄆子五鳩备见诗经雎鳩氏司马此雎鳩是也祝鳩氏司徒鵲鳩是也四牡嘉鱼之鰈是也鸣鳩氏司空布谷也曹风之鸣鳩是也爽鳩氏司寇大明之鷹是也

鵲鳩氏司事鸛鳩也即小班鳩小宛之鳴鳩與氓食桑葚之鳩是也左傳睢作鵲杜預云摯而有別故為司馬主法則鵲音骨鸛音學】河北方流水之通名洲水中可居之地也窈窕幽閑之意淑善也女者未嫁之稱蓋指文王之妃大姒為處子時而言也君子則指文王也好亦善也述匹也毛傳之摯字與至通言其情意深至也【情雖相與深至而未嘗狎便見樂而不淫之意愚按摯至字古通用如商書大命不摯曲禮庶人之摯亦訓為至故鄭氏云摯之言至也謂鳥雌雄情意至然而有別也】興者先言他物以引起所咏之詞也周之文王生有聖德又得聖女姒氏以為之配宮中之人于其始至見其有幽閑貞靜之德故作是詩言彼關關然之睢鳩則相與和鳴于河洲之上矣此窈窕之淑女則豈非君子之善匹乎言其相與和樂而恭敬亦若睢鳩之情摯而有別也後凡言興者其文意皆放【仿】此云【興起也引物以起吾意如睢鳩是摯而有別之物引此起興猶不甚遠其他亦有全不相類只借物而起吾意者雖皆是興與此又略不同也問詩中說興處多近比曰然如關雎麟趾相似皆是興而兼比然雖近比其體却只是興且如關關睢鳩本是興起到得下面說窈窕淑女此方是入題說那實事蓋興是以一個物事貼一個物事說上文興起下文便接說實事及比則不然便入題了呂東萊曰首章以睢鳩興後章以荇菜興至于睢鳩之和靜荇菜之柔順則又取以為比也興與比相近而難辨興之兼比者徒以為比則失其意味矣興之不兼比者誤以為比則失之穿凿矣】漢匡衡曰窈窕淑女君子好述言能致其貞淑不貳其操情欲之感無介乎容儀宴私之意不形乎動靜夫然後可以配至尊而為宗廟主此綱紀之首王教之端也可謂善說詩矣【輔氏曰匡衡善說詩者一是漢時去古未遠猶有師承傳受二是詁訓未備讀詩者只玩味經文故見得古人正意出三是人心尚淳朴未防穿凿得在毛氏曰君子后妃之德無不和諧慎固幽深若睢鳩之有別焉然後可以風化天下夫婦有別則父子親父子親則君臣敬君臣敬則朝廷正朝廷正則王化成】

參【初金反】差【初宜反】荇【行猛反】菜左右流之窈窕淑女寤寐

求之求之不得寤寐思服【叶蒲北反】悠哉悠哉輾【哲善反】轉反側

興也參差長短不齊之貌荇接余也根生水底莖如釵股上青下白葉紫赤圓徑寸余浮在水面【李迂仲曰荇菜是水有之黃花葉似莼可為菹張南軒曰荇菜取其柔順芳潔可荐之意】或左或右言無方也【饒氏曰言或左或右無一定之方也】流順水之流而取之也或寤或寐言無時也服猶懷也悠長也輾者轉之半轉者輾之周反者輾之過側者轉之留皆卧不安席之意【輔氏曰四字之訓極為精切亦可見古人下字之不苟也】此章本其未得而言彼參差之荇菜則當左右無方以流之矣此窈窕之淑女則當寤寐不忘以求之矣蓋此人此德世不常有求之不得則無以配君子而成其內治之美故其忧思之深不能自己至于如此也【此詩看來是妾媵做所以形容得寤寐反側之事外人做不到此輔氏曰二章三章以荇菜起興亦以為比但先儒皆取于荇菜之潔淨柔順而集傳不言只言其不可不求之意者豈非所謂不可不求者正以其潔淨與柔順之故乎】參差荇菜左右采【叶此禮反】之窈窕淑女琴瑟友【叶羽已反】之

參差荇菜左右芼【莫報反叶音邈】之窈窕淑女鐘鼓樂【音洛】之興也采取而擇之也

芼熟而荐之也【董氏曰芼则以熟而荐也传曰芼以姜桂苏氏曰求得而采采得而芼先后之叙也凡诗之叙类如此】琴五 或七 瑟二十五 皆丝属乐之小者也【尔雅释乐曰琴长三尺六寸六分五 后加文武二 雅瑟长八尺一寸广一尺八寸二十五 其常用者十九 颂瑟长七寸广一尺八寸二十五 尽用】友者亲爱之意也【辅氏曰盖以兄友弟之友言也】钟金属鼓革属乐之大者也乐则和平之极也 此章据今始得而言彼参差之苕菜既得之则当采择而熟芼之矣此窈窕之淑女既得之则当亲爱而娱乐之矣盖此人此德世不常有幸而得之则有以配君子而成内治故其喜乐尊奉之意不能自己又如此云【吕东莱曰后妃之德坤德也唯天下之至静为能配天下之至健也万化之原一本诸此未得之也如之何其勿忧既得之也如之何其勿乐】

關雎三章一章四句二章章八句【只取篇首二字以名篇后皆放此孔氏曰關雎者诗篇之名金滕云公乃为诗以贻王名之曰鸛鵒然则篇名皆作者所自名名篇之例多不过五少才取一或偏举两字或全取一句亦有舍其篇文假外理以定称】

孔子曰關雎乐而不淫哀而不伤愚谓此言为此诗者得其性情之正声气之和也【有那情性方有那辞气声音辅氏曰哀乐情之 也心不宰焉则流于伤与淫而不自知矣關雎之诗感于性 于情而宰于心者也其形于声诗播诸音乐皆得其和且正焉】盖德如雎鸠摯而有别则后妃性情之正固可以见其一端矣至于寤寐反侧琴瑟钟鼓极其哀乐而皆不过其则焉则诗人情性之正又可以见其全体也独其声音之和有不可得而闻者虽若可恨然学者姑即其词而玩其理以养心焉则亦可以得学诗之本矣【辅氏曰乐而不淫哀而不伤论语集注只說作诗者之性情而此兼言后妃之性情者盖并首章言之也声气之和指其发于言以至播于八音以成乐而言也胡伯量曰观诗之法原其情性审其声音而已今声音不传惟词语可以玩味耳關雎乃宫中所作欲得贤妃以配文王方其未得也寤寐反侧以致其忧思之深矣然未至于悲怨则不伤也及其得之也琴瑟钟鼓以宣其和乐之至矣然未至于沈湎则不淫也因其词语即可知其情性至于播于长言被之箎 则声音亦可以略见矣饶氏曰一章言文王有圣德而后妃亦有圣德可为之配二章推言未得大姒之时求之如此其切三章言始得后妃之时喜之如此其至自他诗观之言哀者易至于悲伤言乐者易至于淫佚惟此诗得情性之正故玩其词可为养心之助也刘辰翁曰夫子自卫反鲁考礼正乐其时师摯在鲁为夫子歌周南故曰师摯之始關雎之乱洋洋乎盈耳哉又曰關雎乐而不淫哀而不伤尝谓今世所存之诗特诗之词与义耳诗之词未尝忘也其声亡也愚按首章取兴见乐而不淫是后妃性情之一端也二章三章所言一哀一乐皆不过则是诗人性情之全体也盖由后妃与诗人性情之正如此故 于诗歌播之音乐宜其声气之无不和者然乐者所以节夫诗之声而有音律以养人耳歌咏以养人心舞蹈以养血脉此乐之全体也古乐既亡则此诗声气之和所以乐不淫哀不伤者固不得闻而其所以养心者幸有诗词之可玩则亦尚存乐之一端而可为为学诗之本也】匡衡曰妃【配】匹之际【辅氏曰妃匹犹言配偶也】生民之始

【辅氏曰有夫妇而后有父子也】万福之原婚姻之礼正然后品物遂而天命全孔子论诗以關雎为始言大上者民之父母后夫人之行不侔乎天地则无以奉神灵之统而理万物之

宜自上世以来三代兴废未有不由此者也【前汉外戚传曰自古受命帝王非独德茂亦有外戚之助焉夏之兴也以涂山而桀之放也用妹喜殷之兴也以有防而纣之灭也嬖妲己周之兴也以大任大姒而幽王之禽也淫褒姒故易基乾坤诗首關雎书美厘降夫妇之际人道之大伦也可不慎欤防音萃 读關雎诗使人人有齐庄中正意思所以冠乎三百篇与记言母不敬书言钦明文思皆同又曰当时人被文王大姒德化之深心胆肺肠一时换了自然不觉形于歌咏如此故当作乐之时引为篇首以见一时之盛为万世之法尤其是感人妙处又曰读诗只是将意想去看不如他书字字要提防教定诗意只是叠叠推上去因一事上有一事一事上又有一事如關雎形容后妃之德如此又当知君子之德如此又当知诗人形容得意味深长如此又当知所以齐家所以治国所以平天下人君则必当如文王后妃则必当如大姒其原如此】

序后妃之德也

后妃文王之妃大姒也天子之妃曰后近世诸儒多辨文王未尝称王则大姒亦未尝称后序者蓋追称之亦未害也【愚按大姒之称后亦如雅颂称文王之王皆追称之词也】但其诗虽若专美大姒而实以深见文王之德序者徒见其词而不察其意遂壹以后妃为主而不复知有文王是固已失之矣至于化行国中三分天下亦皆以为后妃之所致则是礼乐征伐皆出于妇人之手而文王者徒拥虚器以为寄生之君也其失甚矣惟南丰曾氏之言曰先王之政必自内始故其闺门之治所以施之家人者必为之师传保姆之助诗书图史之戒珩璜琚瑀之节威仪动作之度其教之者有此具然古之君子未尝不以身化也故家人之义归于反身二南之业本于文王岂自外至哉世皆知文王之所以兴能得内助而不知其所以然蓋本于文王之躬化故内则后妃有關雎之行外则羣臣有二南之美与之相成其推而及遠则商辛之昏俗江汉之小国兔置之野人莫不好善而不自知此所谓身脩故国家天下治者也窃谓此說庶防得之

风之始也

所谓關雎之乱以为风始是也蓋谓国风篇章之始亦风化之所由始也【孔氏曰言后妃之有美德文王风化之始也文王行化始于其妻故用此为风教之始】

所以风天下而正夫妇也故用之乡人焉用之 国焉

說见二南总论 国谓诸侯之国明非独天子用之也【孔氏曰所以风化天下之民使皆正夫妇焉乡饮酒礼云乃合乐周南關雎是用之乡人燕礼云遂饮乡乐周南關雎是用之 国也王介甫曰凡诗用于天子者诸侯不得用用于诸侯者大夫不得用若三家以雍彻而孔子非之也此關雎乡人邦国皆得用者人之正夫妇也李迂仲曰诗之雅颂惟用于宗庙朝廷郊祀宴享非其所用者不得用也至于正夫妇之道自天子达于庶人未尝有二道也】

风风也教也风以动之教以化之

承上文解风字之义以象言则曰风以事言则曰教【王介甫曰风之于物方其鼓舞摇荡所谓动之也及其因形移易使荣者枯甲者坼乃所谓化之也诗之有风亦若是也始于风而动终于教之而化黄实夫曰自其本于一人言之则谓之风自其及于一国言之则谓之教闻二南之风者感发其善心被二南之化者变易其气质动则变变则化天下之理也】

然则關雎麟趾之化王者之风故系之周公南言化自北而南也鵲巢驺虞之德诸侯之风也先王之所以教故系之召公

說见二南卷首關雎麟趾言化者化之所自出也鵲巢驺虞言德者被化而成德也以其被化而后成德故又曰先王之所以教先王即文王也旧說以为大王王季误矣【李迂仲曰二南皆文王之风化周南之诗多为文王而作故言王者之风召南之诗多为诸侯而作故言诸侯之风虽曰诸侯之风其实文王教化之所及故言先王之所以教先王即文王也】程子曰周南召南如乾坤干统坤坤承干也【干始万物非坤无以代其终坤终万物非干无以资其始故乾元统天万物所从出而无不统周南之化实似之坤元虽生万物而所以生者乃顺成天意以化其终而已召南之德实似之杨氏亦曰二南相须以为治蓋一体也】

周南召南正始之道王化之基

王者之道始于家终于天下而二南正家之事也王者之化必至于法度彰礼乐着雅颂之声作然后可以言成然无其始则亦何所因而立哉基者堂宇之所因而立者也程子曰有關雎麟趾之意然后可以行周官之法度其为是欤【孔氏曰高以下为基遠以近为始文王正其家而及其国是正其始也化南土以成王业是王化之基也季札见歌周南召南曰始基之矣犹未也亦谓二南为王化基始序意出于彼文也辅氏曰先王 基字之义先儒皆所未及程子說正是此意先生又尝曰须是自闺门衽席之微积累到薰烝洋溢天下无一民一物不被其化然后可以行周官之法不然则为王莽矣】

是以關雎乐得淑女以配君子忧在进贤不淫其色哀窈窕思贤才而无伤善之心焉是關雎之义也

按论语孔子尝言關雎乐而不淫哀而不伤蓋淫者乐之过伤者哀之过独为是诗者得其性情之正是以哀乐中节而不至于过耳而序者乃析哀乐淫伤各为一事而不相须则已失其防矣至以伤为伤善之心则又大失其防而全无文理也或曰先儒多以周道衰诗人本诸衽席而關雎作故扬雄以周康之时關雎作为伤始乱杜钦亦曰佩玉晏鸣關雎叹之說者以为古者后夫人鸡鸣佩玉去君所周康后不然故诗人叹而伤之此鲁诗說也与毛异矣【欧阳子曰齐鲁韩三家皆以为康王政衰之诗前汉杜钦传曰佩玉晏鸣關雎叹之瓚曰此鲁诗也后汉明帝诏曰昔应门失守關雎刺世注薛君韩诗章句曰人君退朝后妃御见有度应门击柝鼓人上堂今内倾于色故咏關雎說淑女以刺时吕东莱曰鲁齐韩毛师读既异义亦不同關雎正风之首三家者乃以为刺余可知矣】但以哀而不伤之意推之恐其有此理也曰此不可知矣但仪礼以關雎为乡乐又为房中之乐则是周公制作之时已有此诗矣若如魯說

则仪礼不得为周公之书【熊去非曰按仪礼乡饮酒乡射篇有乃合乐周南關雎之文又燕礼有遂歌乡乐周南關雎之文仪礼乃周公相成王治定功成经制大备之书小序所谓用之乡人者乡饮射礼也用之 国者燕礼也今当据仪礼经文为定】仪礼不为周公之书则周之盛时乃无乡射燕饮房中之乐而必有待乎后世之刺诗也其不然也明矣且为人子孙乃无故而播其先祖之失于天下如此而尚可以为风化之首乎

葛之覃兮施【以鼓反】于中谷维叶萋萋黄鸟于飞集于灌木其鸣喈喈【叶居奚反】

赋也葛草名蔓生可为絺绤者覃延施移也中谷谷中也【孔氏曰中谷倒言者古人语皆然诗文皆类此】萋萋盛貌黄鸟鹂也【陆玕疏曰黄鸟黄鹂留也或谓黄栗留幽州谓之黄鸝一名仓庚】灌木丛木也喈喈和声之远闻也 赋也敷陈其事而直言之者也
后妃既成絺绤而赋其事追叙初夏之时葛叶方盛而有黄鸟鸣于其上也后凡言赋者放此

葛之覃兮施于中谷维叶莫莫是刈【鱼废反】是漙【胡郭反】

为絺【耻知反】为绤【去逆反叶去略反】服之无斲【音亦叶弋灼反】

赋也莫莫茂密貌刈斩漙煮也精曰絺麤曰绤斲厌也 此言盛夏之时葛既成矣于是治以为布而服之无厌葢亲执其劳而知其成之不易所以心诚爱之虽极垢弊而不忍厌弃也【陈少南曰知稼穡之勤者饮食则念农功知丝麻之勤者衣服则思女功亲执其劳所以心诚爱而不忍弃也严氏曰妇人骄奢之情何有纪极苟萌一厌心虽穷极靡丽耳目日新犹以为不足也味服之无斲一语可见后妃之德性】

言告师氏言告言归薄污我私薄澣【户管反】我衣害【户葛】

【反】澣害否【方九反】归宁父母【莫复反】

赋也言辞也【愚按如言采言念薄言驾言之类皆语辞也】师女师也【毛氏曰古者女师教以妇德妇言妇容妇功孔氏曰昏礼注云妇人五十无子出而不复嫁能以妇道教人者为姆】薄犹少也污烦擗【软平声】之以去其污犹治乱而曰乱也【释文曰烦擗犹撝莎也撝莎音那梭】澣则濯之而已私燕服也衣礼服也【愚按周礼王后礼服有六文王未尝称王则大姒亦未必备此六服但泛言礼服而已】害何也宁安也谓问安也 上章既成絺绤之服矣此章遂告其师氏使告于君子以将归宁之意且曰盍治其私服之污而澣其礼服之衣乎何者当澣而何者可以未澣乎我将服之以归宁于父母矣【辅氏曰薄污薄澣者不为甚饰之辞害澣害否者又见其不苟之意于其薄污薄澣者略施其功而不为过甚之饰于其害澣害否者各随其宜而无杂施之苟则尤见其勤俭之德也】

葛覃三章章六句

此诗后妃所自作故无赞美之词然于此可以见其已贵而能勤已富而能俭已长而敬不弛于师傅已嫁而孝不衰于父母是皆德之厚而人所难也小序以为后妃之本庶防近之【张南轩曰后妃之贵亦必立师傅以训之法家拂士非惟人主不可一日无后妃亦然也周自后稷以农为务歷世相传其君子则重稼穡之事其室家则重织纡之勤相与服习其艰难咏歌其劳苦此实王业之根本也夫治常生于敬畏而乱常起于骄肆使为国者每念稼穡之劳而后妃又不忘织纡之事则心之不存者寡矣此心常存则骄矜放恣何自而生故诵服之无斁之章则知周公之所以兴诵休其蚕织之章则知周之所以衰辅氏曰勤俭孝敬固妇人之懿德又能不以势之贵富时之久遠而有所变迁焉则尤见其德厚有常而人所难及也愚按后妃之富贵而勤俭者二章可见也长嫁而孝敬者三章可见也】

序后妃之本也后妃在父母家则志在于女功之事躬俭节用服澣濯之衣尊敬师傅则可以归安父母化天下以妇道也

此诗之序首尾皆是但其所谓在父母家者一句为未安蓋若谓未嫁之时即诗中不应遽以归宁父母为言况未嫁之时自当服勤女功不足称述以为盛美若谓归宁之时即诗中先言刈葛而后言归宁亦不相合且不常为之于平居之日而暂为之于归宁之时亦岂所谓庸行之谨哉序之浅拙大率类此

采采卷【上声】耳不盈顷【音顾】筐嗟我懷人寘彼周行【叶户郎反】赋也采采非一采也卷耳枲【音洗】耳叶如鼠耳丛生如盘【孔氏曰亦云胡枲或曰苓耳江东呼常枲叶青白色似胡葵白华细茎蔓生可煮为茹四月中生子如妇人耳珰或谓耳珰草】顷欹也筐竹器懷思也人蓋谓文王也寘舍【上声】也周行大道也【诗有三周行此及大东者皆道路之道鹿鸣乃道义之道】后妃以君子不在而思念之故赋此诗托言方采

卷耳未满顷筐【郑氏曰器之易盈而不盈者忧思深也】而心适念其君子故不能复【扶又反】采而寘之大道之旁也【问卷耳葛覃同是赋体又似略不同蓋葛覃直叙其所尝經歷之事卷耳则是托言也曰安知后妃之不自采卷耳设使不自經歷而自言我之所懷者如此则亦是赋体也】

陟彼崔【徂回反】嵬【五回反】我马虺【呼回反】隤【音颓】我姑酌彼金

罍维以不永懷【叶胡隈反】

赋也陟升也崔嵬土山之戴石者虺隤马罢【音皮】不能升高之病姑且也罍酒器刻为云雷之象以黄金释之【孔氏曰名罍取于云雷故也言刻画则用木矣】永长也此又托言欲登此崔嵬之山以望所懷之人而往从之则马罢病而不能进于是且酌金罍之酒而欲其不至于长以为念也【辅氏曰姑且也维以欲其也曰且曰欲其亦可见其托言之意】

陟彼高冈我马 黄我姑酌彼兕【徐履反】觥【古横反叶古黄反】

维以不永伤

赋也山脊曰冈 黄 马而黄病极而变色也兕野牛一角青色重千斤觥爵也以兕角为爵也

陟彼砠【七余反】矣我马瘠【音涂】矣我仆痡【音敷】矣云何吁矣赋也石山戴土曰砠【愚按尔雅石山戴土谓崔嵬土山戴石谓砠今集传从毛氏而不从尔雅者岂以其书后出也欤】瘠马病不能进也痡人病不能行也吁忧叹也尔雅注引此作盱张目远望也详见何人斯篇【辅氏曰马病不能进犹可资于人也仆病不能行则断不能往矣此亦甚之之辞至于云何吁矣则忧之极惟有愁叹而已非酒可得而解也】

卷耳四章章八句

此亦后妃所自作可以见其贞静专一之至矣岂当文王朝防征伐之时姜【音酉】里拘幽之日而作欤然不可考矣【辅氏曰先生又尝曰此诗后三章只是承首章之意欲登高望远而往从之则仆马皆病而不得往故欲酌酒以自解其忧伤耳大意与草虫诗相似又张平子四愁诗云我所思兮在泰山欲往从之兮梁父艰亦暗合此意耳愚按后妃托言方采卷耳而适思君子则遂不能复采欲望君子而仆马不前则且饮酒解忧可见其心之贞静而不动于邪情之专一而不失其常矣至其自言不永懷伤者又合所谓哀而不伤之意乃其性情之正

见于一端者参之關雎首章乐而不淫则又可备见其情性全体也又按姜里先儒以其地在相州邺都因姜水得名昔纣信崇侯虎之譖囚文王于此文王因作拘幽操】序后妃之志也又当辅佐君子求贤审官知臣下之勤劳内有进贤之志而无险诋私谒之心朝夕思念至于忧勤也

此诗之序首句得之余皆传防之凿說后妃虽知臣下之勤劳而忧之然曰嗟我懷人则其言亲防非后妃之所得施于使臣者矣且首章之我独为后妃而后章之我皆为使臣首尾衡决不相应亦非文字之体也

南有樛【居虬反】木葛藟【力轨反】累【力追反】之乐【音洛】只【之氏反】君子福履绥之

兴也南南山也木下曲曰樛藟葛类【孔氏曰一名巨瓜亦延蔓生本草注曰蔓延木上叶如葡萄而小五月开花七月结实青黑微赤即诗云藟也此藤大者盘薄又名千歲藟】累犹系也只语助辞君子自众妾而指后妃犹言小君内子也【夫人称小君大夫妻称内子妾谓嫡曰女君则后妃有君子之德固可以君子目之一问君子作后妃亦无害否曰以文义惟之不得不作后妃若作文王恐大隔越了某注诗传蓋皆推寻其脉理以平易求之不敢用一毫私意大抵古人道言语自是不泥着】履禄绥安也后妃能逮下而无嫉妬之心故众妾乐其德而称

愿之曰南有樛木则葛藟累之矣乐只君子则福履绥之矣【辅氏曰此诗虽是兴体然亦兼比意与關雎同故郑氏以为木枝以下垂之故葛藟得累而蔓之喻后妃能以惠下逮众妾故众妾得上附而事之也吕东莱曰后妃如此乐哉君子可谓福履绥之矣】南有樛木葛藟荒之乐只君子福履将之

兴也荒奄【衣检反】也【吕东莱曰茈覆也】将犹扶助也

南有樛木葛藟萦【乌营反】之乐只君子福履成之兴也萦旋成就也

樛木三章章四句【辅氏曰曰累曰荒曰萦曰绥曰将曰成亦皆有浅深累系也荒则奄之也萦旋则奄之周也绥安也将则扶助之也成则有终久之意其美夫人也无夸辞其祷夫人也无侈説此又可见众妾性情之正也吕东莱曰汉之二赵隋之独孤唐之武后祸至亡国樛木后妃诗人安得不深嘉而屡叹之乎】

序后妃逮下也言能逮下而无嫉妬之心焉此序稍平后不注者放此

螽【音终】斯羽诜诜【所中反】兮宜尔子孙振振【音真】兮

比也螽斯蝗属【问螽即是春秋所书之螽切疑斯字只是语辞曰诗中固有以斯为语辞者如鹿斯之奔湛湛露斯之类是也然七月诗乃云斯螽动股则恐螽斯是名也孔氏曰七月斯螽文虽颠倒其实一也释文曰郭璞云江东呼为蚝螽音窄猛】长而青长角长股能以股相切作声一生九十九子【陈少南曰言羽者螽斯羽虫也无羊之诗羊言角牛言耳状物多如此】诜诜和集貌尔指螽斯也振振盛貌比者以彼物比此物也后妃不妬忌而子孙众多故众妾以螽斯之羣处【上声】和集而子孙众多比之言其有是德而宜有是福也后凡言比者放此【比便是説实事如螽斯羽之句便是説那人了下便接宜尔子孙依旧是就螽斯上説更不用説实事此所以谓之比又曰借螽斯以比后妃之子孙众多子孙振振却自是説螽斯之子孙不是説后妃之子孙也蓋比诗多不説破这意然亦有説破者此前数篇赋比兴皆已备矣自此推之令篇篇各有着落乃好】

螽斯羽薨薨兮宜尔子孙绳绳兮

比也薨薨羣飞声绳绳不絶貌

螽斯羽揖揖【侧立反】兮宜尔子孙蛰蛰【直立反】兮

比也揖揖防聚也蛰蛰亦多意【吕与叔曰螽斯始化其羽诜诜然比次而起已化则齐飞薨薨然有声既飞复敛羽揖揖然而聚歷言众多之状其变如此也】

螽斯三章章四句【不妬忌是后妃之一节關雎所论却是全体永嘉郑氏曰妇人之德莫大

于不妬忌蓋功容可勉而根于情者難自克也張南軒曰后妃多子孫推本其然則由不妬忌而已故繼樛木之后考索李氏曰螽斯蝗虫之類耳而乃以喻后妃疑若不倫是不然詩人亦取其合于德如何耳如睢鳩亦取其德之合也愚按管蔡世家云武王同母兄弟十人長伯邑考次武王發次管叔鮮次周公旦次蔡叔度次曹叔振鐸次邲叔武次霍叔處次康叔封次聃季載此其多子之驗誠后妃之德所致也】

序后妃子孫眾多也言若螽斯不妬忌則子孫眾多也

螽斯聚處和一而卵育蕃多故以為不妬忌則子孫眾多之比序者不達此詩之體故遂以不妬忌者歸之螽斯其亦誤矣

桃之夭夭【于驕反】灼灼其華【芳無呼 二反】之子于歸宜其室家【古胡古牙二反】

興也桃木名華紅實可食夭夭少【去聲】好之貌灼灼華之盛也木少則華盛【嚴氏曰夭夭以桃言指桃木也灼灼以華言指桃華也】之子是子也此指嫁者而言也【孔氏曰之子桃夭謂嫁者之子漢廣則貞潔之子東山言其妻白華斥幽王各隨其事而名之】婦人謂嫁曰歸【公羊傳注曰婦人生以父母為家嫁以夫為家故謂嫁曰歸】周禮仲春令【去聲】防男女【媒氏注曰陰陽交以成昏禮順天時也】然則桃之有華正昏姻之時也宜者和順之意室謂夫婦所居家謂一門之內文王之化自家而國男女以正婚姻以時故詩人因所見以起興而嘆其女子之賢知其必有以宜其室家也【輔氏曰婦人之賢莫大于宜家使一家之人相與和順而无一毫乖戾之心始可謂之宜矣】

桃之夭夭有蕢【浮云反】其實之子于歸宜其家室興也蕢實之盛也【嚴氏曰蕢大也坎為大防蕢鼓為大鼓有頌其首用宏茲賁同音之字皆訓大義】家室猶室家也

桃之夭夭其葉蓁蓁【側中反】之子于歸宜其家人興也蓁蓁葉之盛也家人一家之人也【呂東萊曰灼灼其華因時物以發興且以比其華色也既咏其華又咏其實又咏其葉非有其他義蓋反覆歌咏之耳】

桃夭三章章四句【陳君舉曰既曰宜其室家又曰宜其家人則可見男女以正之義也如父母國人皆賤之則非所謂宜矣血氣之使尤甚于少年故少艾之女不閑于婦道輕銳之士不堅于臣節】

序后妃之所致也不妬忌則男女以正婚姻以時國無鰥民也

序首句非是其所謂男女以正婚姻以時國無鰥民者得之蓋此以下諸詩皆言文王風化之盛由家及國之事而序者失之皆以為后妃之所致既非所以正男女之位而于此詩又專以為不妬忌之功則其意愈狹而說愈疎矣

肃肃兔置【子斜反又子余反与夫叶】榘之丁丁【陟耕反】赳赳武夫公侯干城

兴也肃肃整饰貌置罟也丁丁榘杙【音弋】声也【孔氏曰杙谓榘也此丁丁连榘之故知榘杙声严氏曰榘伐杙榘之声许益之曰击榘于地中张置其上也】赳赳武貌干盾【唇上声】也干城皆所以扞外而卫内者化行俗美贤才众多虽置兔之野人而其才之可用犹如此故诗人因其所事以起兴而美之而文王德化之盛因可见矣【闻榘杙之声而视其人甚勇可为干城者也田野之人皆有可用之才足以见贤才众多矣此诗极其尊称不过曰公侯而已亦文王未尝称王之一验也凡雅颂称王者皆追王后所作尔问兔置诗作赋看得否曰亦可但其辞上下相应恐当为兴然亦是兴之赋也愚按此赋其事以起兴也】

肃肃兔置施于中逵赳赳武夫公侯好仇【叶渠之反】兴也逵九达之道【孔氏曰释宫云九达谓之逵郭璞云四道交出复有旁通者愚按中逵谓九达之道中也】仇与逌同匡衡引關雎亦作仇字公侯善匹犹曰圣人之耦则非特干城而已叹美之无已也下章放此

肃肃兔置施于中林赳赳武夫公侯腹心

兴也中林林中腹心同心同德之谓则又非特好仇而已也【吕东莱曰曰干城曰好仇曰腹心其词浸重亦叹美无已之意也】

兔置三章章四句【辅氏曰文王之时固多贤者此特言武夫者见其无所不备也且文王于武事尚矣观此及棫朴所谓六师及之者亦可见当时俗尚之万一夫三分天下有其二虽是德化之盛而天下归之然遏密侵阮伐崇戡黎之后其于武事大略可观矣】

序后妃之化也關雎之化行则莫不好德贤人众多也

此序首句非是而所谓莫不好德贤人众多者得之

采采芣苢【音浮】芣苢【音以】薄言采【叶此礼反】之采采芣苢薄言有【叶羽已反】之

赋也芣苢车前也大叶长穗好生道旁【释文曰韩诗云直曰车前翟曰芣苢草木疏云又名当道】采始求之也有既得之也化行俗美家室和平妇人无事相与采此芣苢而赋其事以相乐也采之未详何用或曰其子治难产【释文曰其子治妇人生产毛氏曰宜懷任焉本草曰强阴益精令人有子辅氏曰陆机以为治难产而先生独取之者盖以今医治难产者用其子故也毛氏以为宜懷任者亦只是陆机之意非谓其能治人之无子也】采采芣苢薄言掇【都夺反】之采采芣苢薄言捋【力活反】之赋也掇拾也捋取其子也

采采芣苢薄言袺【音结】之采采芣苢薄言襋【户结反】之赋也袺以衣贮之而执其衽襋以衣贮乏而扱【插】其衽于带间也【愚按衽者衣之襟也带者腰之带也自采之至襋之有无多寡之序如此】芣苢三章章四句【辅氏曰薄犹少略也虽薄言采之而采之多

以至于祐与櫛焉其形于歌咏意简而辞复如此则又可见其和平之意矣曰采曰有则始求而既得之辞曰掇曰捋则正求而拾取其子之辞曰祐曰櫛则既求而防以归之辞孔氏曰首章采之据初往至则掇之捋之既又祐之櫛之六者本各见其一因相首尾以承其次耳】

序后妃之美也和平则妇人乐有子矣【孔氏曰天下乱离则我躬不阅岂思子也今天下和平于是妇人始乐有子矣】

南有乔木不可休息【吴氏曰韩诗作思】汉有游女不可求思汉之广【叶古旷反】矣不可泳【叶于诳反】思江之永【叶弋亮反】矣不可方【叶甫妄反】思

兴而比也上竦无枝曰乔【尔雅曰小枝上繚为乔注细枝皆翘繚向上】思语辞也【孔氏曰毛传先言思辞然后始言汉上游女疑息字作思诗之大体韵在辞上休求为韵二字俱作思愚按集传既载吴氏之說而于此复先释思字其下方释汉水不从经文之次正用毛传之意也】篇内同汉水出兴元府嶓冢山至汉阳军大别山入江江汉之俗其女好游汉魏以后犹然如大堤之曲可见也【愚按李太白诗注曰大堤汉水之堤大堤曲宋隋王诞为襄州时作乐府遗声都邑三十四曲有大堤曲古词云朝 襄阳城暮至大堤宿大堤诸女儿花艳惊郎目】泳潜行也江水出永康军岷山【愚按永康军即今四川省成都路灌州】东流与汉水合东北入海永长也方桴【孚】也【释文曰桴桴并同音木曰 竹曰筏小筏曰桴音牌筏音伐】文王之化自近而远先及于江汉之间而有以变其淫乱之俗【问文王时紂在河北故化只行于江汉曰然北方亦有玁狁胡庭芳曰此文王脩身齐家之道美化之行见诸南国者如此】故其出游之女人望见之而知其端庄静一非复前日之可求矣因以乔木起兴江汉为比而反复咏叹之也【辅氏曰女者未嫁之称未嫁而出游亦非礼故先生引大堤之曲以见江汉之俗其女好游甚当诗人必以游女为言者出游之女犹如此况于闺闼之内乎自丰镐而南即今兴元府京西湖北等路皆江汉之所经由也此章是其始见之时知其容貌之端庄性情之静一非复如前日之可求也孔氏曰木所以庇廕本有可休之道今以上竦之故不可休止以兴女有可求之时今以贞洁之故不可求游女尚不可求则在室无敢犯礼可知又言水本有泳方之道今汉之广江之长则不可济也严氏曰乔竦之木不可休兴高洁之女不可求汉广不可泳江永不可方以比见其贞洁之意使人暴慢之意不作主意只說汉有游女不可求思两句余六句是反覆比兴說如奕奕之寝庙至遇犬获上下六句亦只兴出他人有心子忖度之两句愚按上四句以乔木不可休对游女不可求而言故属兴下四句但言汉广不可泳江永不可方以比贞女不复可求之意而不說其所比之事故属比此其兴比体制之殊备见于一章之内后凡言兴与比者其文意亦皆仿此章云】

翘翘【祈遥反】错薪言刈其楚之子于归言秣其马【叶满补反】

汉之广矣不可泳思江之永矣不可方思

兴而比也翘翘秀起之貌错杂也楚木名荆属之子指游女也秣饲【嗣】也以错薪起兴而欲秣其马则悦之至以江汉为比而叹其终不可求则敬之深【欧阳子曰既愿秣其马此說

慕之辞犹古人言虽为执鞭犹忻慕焉者也又陈其情虽可悦而不可求则见文王之化被人深也辅氏曰悦之至敬之深则可见其性情之正也悦之不敬则便放佚矣】

翹翹错薪言刈其蔹【音间】之子于归言秣其驹汉之广

矣不可泳思江之永矣不可方思

兴而比也蔹蔹蒿也叶似艾青白色长数寸生水泽中【陆玕曰蔹蒿正月根芽生旁茎正白食之香而脆美叶可蒸为茹】驹马之小者汉广三章章八句【汉广汝坟诸诗皆是説妇人岂是文王之化只化及妇人不化及男子只看他意恁地拘不得又曰汉广游女求而不可得行露之男不能侵凌贞女岂当时妇人蒙化而男子则非亦是偶然有此様诗説得一边耳辅氏曰三章之末皆终之以不可求之意所谓言之详辞之复所以见其歌慕有不能自己之意也何氏曰刘氏云文王教化其民桃夭歌其男女以正汉广歌其美化行乎江汉之域汝坟歌其妇人能勉其君子以正苟非敬防微之道习以性成风以成俗其能然乎】

序德广所及也文王之道被于南国美化行乎江汉之域无思犯礼求而不可得也

此诗以篇内有汉之广矣一句得名而序者谬误乃以德广所及为言失之遠矣然其下文复得诗意而所谓文王之化者尤可以正前篇之误先儒尝谓序非出于一人之手者此其一驗但首句未必是下文未必非耳苏氏乃例取首句而去其下文则于此类两失之矣【吕东莱曰苏氏以序为非一人之词蓋近之至于止存其首一言而尽去其余则失之易矣】

遵彼汝坟伐其条枚【叶莫悲反】未见君子惄【乃歷反】如调【张留反】饥

赋也遵循也汝水出汝州天息山迳蔡颍州入淮【愚按今汝州河南府路所治蔡州今改汝宁府与颍州皆汴梁路所治并河南省】坟大防也【孔氏曰坟谓崖岸状如坟墓名大防也】枝曰条干曰枚【程子曰君子从役于外妇人为樵薪之事严氏曰亲伐薪则庶人之妻】惄饥意也调一作輶重【去声】也【释文曰调又作輶广韵注曰輶重载也】汝旁之国亦先被文王之化者故妇人喜其君子行役而归因记其未归之时思望之情如此而追赋之也

遵彼汝坟伐其条肄【以自反】既见君子不我遐弃赋也斩而复生曰肄遐遠也伐其枚而又伐其肄则逾年矣至是乃见其君子之归而喜其不遠弃我也

魴【符方反】鱼鰕【勅贞反】尾王室如燬【音毀】虽则如燬父母孔

迯

比也魴鱼名身广而薄少力细鳞【陆玕曰魴一名鰕江东呼为鰕音边陆农师曰魴青鰕细

鱗縮頭濶腹其廣方其厚褊故曰魴亦曰鰈魴方也鰈褊也】頰赤也魚勞則尾赤魴尾本白而今赤則勞甚矣【呂與叔曰鯉尾赤魴尾白今亦赤則勞甚矣】王室指紂所都也燬焚也父母指文王也孔甚迹近也 是時文王三分天下有其二而率商之叛國以事紂故汝墳之人猶以文王之命供紂之役【春秋傳曰文王率商之叛國以事紂蓋天下歸文王者六州唯青兗冀屬紂耳張南軒曰玩此詩則民心雖怨乎紂而尚以周之故未至于泮散也是文王以盛德為商之方伯與商室系民心而繼宗社者也其德可不謂至乎】其家人見其勤苦而勞【去聲下如字】之曰汝之勞既如此而王室之政方酷烈而未已雖其酷烈而未已然文王之德如父母然望之甚近亦可以忘其勞矣此序所謂婦人能閔其君子猶勉之以正者蓋曰雖其別離之久思念之深而其所以相告語者猶有尊君親上之意而無情愛狎昵之私則其德澤之深風化之美皆可見矣【愚按婦人之伐枚伐肆則別其夫之久矣怒如輶飢則念其夫之深矣然其久別于行役之勞宜有怨上之意相見于深思之余宜有情昵之私今乃有親上之語以相慰則可見文王德澤之深而其無情昵之私言則又可見文王風化之美也】一說父母甚近不可以懈于王事而貽其憂亦通【列女傳曰妻恐其懈于王事言國家多難惟勉強之無遺父母憂蓋生于亂世迫于暴虐故也劉辰翁曰父母行役者之父母也勞則勞矣尚幸去家不遠真婦人閔其君子之辭也】

汝墳三章章四句【輔氏曰未見君子怒如調飢思望之情也既見君子不我遐棄喜幸之意也雖則如燬父母孔迹慰勉之辭也未見而思既見而喜 乎情也終勉之以正止乎禮義也此可見其情性之正矣且以紂之無道天下離心而汝墳之民尚以文王之命服紂之役則文王之德孚于人心者可見矣不惟此也至于婦人亦知以文王為父母而勉其君子以尊君親上之意則文王之化為不可及矣王介甫曰前二章篤于夫婦之仁后一章篤于君臣之義陳君舉曰汝墳是已被先王之化者江漢是聞文王之化而未被其澤者却有意思】

序道化行也文王之化行乎汝墳之國婦人能閔其君子猶勉之以正也【王介甫曰庶人之妻能勉夫以正而不知為之者是之謂道化而殷其雷之詩所以未若汝墳之盛也】

麟之趾振振【音真】公子【叶獎里反】于【音吁下同】嗟麟兮

興也麟麇【俱倫反】身牛尾馬蹄毛蟲之長【上聲】也【陸玑曰麟色黃圓蹄王者至仁乃出】趾足也麟之足不踐生草不履生蟲振振仁厚貌于嗟嘆辭 文王后妃德脩于身而子孫宗族皆化于善故詩人以麟之趾興公之子言麟性仁厚故其趾亦仁厚文王后妃仁厚故其子亦仁厚然言之不足故又嗟嘆之言是乃麟也何必麇身牛尾而馬蹄然後為王者之瑞哉【輔氏曰上二句是興下一句亦有比意振振毛傳以為信厚然詩內初無信意故先生從程子以為仁厚麟趾不踐生草不履生蟲有仁厚意也文王身脩家齊后妃又有賢德而子孫宗族皆化而為善則文王雖不王而不害其為有王者之道也有王者之道則有王者之瑞故以麟之趾為興】

麟之定【都佞反】振振公姓于嗟麟兮

兴也定额也麟之额未闻或曰有额而不以抵也公姓公孙也姓之为言生也

麟之角【叶卢谷反】振振公族于嗟麟兮

兴也麟一角角端有肉【汉终军传曰麟角戴肉设武备而不为害所以为仁】公族公同高祖祖庙未毁有服之亲【郑氏曰祖庙高祖为君者之庙有缌麻之亲愚按公同高祖与文王同高祖也盖亚圉之 孙文王之三从兄弟至武王时然后亚圉服尽也】麟之趾三章章三句

序以为闕雎之应得之【严氏曰应效应也公子生长富贵宜其骄淫轻跳也今乃信厚岂非闕雎风化之效欤公子犹信厚则他人可知张南轩曰麟出于上古之时盖极治之日也以紂之在上而周之公子振振信厚不减于极治之日故诗人歌之以为是乃麟也周公取之以为闕雎之应董氏曰麒麟在郊榘礼运以为四灵孔丛子曰唐虞之时麒麟游于田盖古人言治之极必假此为应兴是以一个物事贴一个物事說如麟之趾下文便說振振公子一个对一个說蓋公本是一个好底人子也好孙也好譬如麟也好定也好角也好辅氏曰一章言公子二章言公姓三章言公族自近而遠自狭而广也谢叠山曰麟之趾之定之角美其仁颂咏其一身之间皆贵也一章曰趾二章曰定三章曰角自下而至于上也彭氏曰黄氏云麟之趾不踴定不抵角不羈犹公子宜贵不期骄富不期侈也而乃至于信厚问麟趾驹虞之诗莫是当时有此二物出来否曰不是只是取以为比即此便是麟趾便是驹虞彭氏曰某氏云闕雎之应虽无麟而若麟之时春秋之作虽有麟而非麟之时】序闕雎之应也闕雎之化行则天下无犯非礼虽衰世之公子皆信厚如麟趾之时也

之时二字可删【程子曰自衰世公子以下序之误也麟趾不成辞言之时谬矣】

周南之国十一篇三十四章百五十九句按此篇首五诗皆言后妃之德闕雎举其全体而言也葛覃卷耳言其志行【去声】之在己樛木螽斯美其德惠之及人皆指其一事而言也【闕雎如易之乾坤意思恁地无方际只反覆形容后妃之德而不指說道甚麼是德只恁浑沦說如下面诸篇却多就一事說】其词虽主于后妃然其实则皆所以着明文王身修家齐之效也至于桃夭兔置芣苢则家齐而国治之效汉广汝坟则以南国之风附焉而见天下已有可平之渐矣若麟之趾则又王者之瑞有非人力所致而自至者故复以是终焉而序者以为闕雎之应也夫其所以致此后妃之德固不为无所助矣然妻道无成则亦岂得而专之哉今言诗者或乃尊美后妃而不本于文王其亦误矣【辅氏曰张子谓今之言诗者文为之训句为之释未有全得一篇之意者而先生于诗非止全得一篇之意者至于此论则又全得周公集此二南之防句句有事实意味】【可玩无一毫穿凿牵合之私熟读之自见与大学中庸二解同功是岂拘于序說者所能及哉】【愚按已上十一篇诗原其所以作皆本于文王之身蓋闕雎至螽斯五篇则刑于寡妻之效也】【桃夭以下六篇所谓至于兄弟御于家 者也后妃之德固在其中矣然而妻者阴道也阴道】【无成有终则后妃岂得专成功之名哉此所以一国之事系一人之本而谓之风也】

召南一之二

召地名召公奭之采【音菜】邑也【释文曰召康公也燕世家云与周同姓皇甫谧云文王庶子按左传富辰言文之昭十六国无燕也】旧説扶风雍县南有召亭即其地今雍县析为岐山天兴二县未知召亭的在何县余已见周南篇【愚按今陝西省巩昌路凤翔府有岐山县天兴县未详】

维鵲有巢维鳩居【叶姬御反】之之子于归百两【如字又音亮】御【五嫁反叶鱼据反】之

兴也鵲鳩皆鸟名鵲善为巢其巢最为完固【郑氏曰冬至架之春乃成】鳩性拙不能为巢或有居鵲之成巢者【欧阳子曰鳩拙鸟也不能作巢多在屋瓦间或于树上架构树枝初不成巢便以生子往往坠雏鵲作巢甚坚既生雏飞去容有鳩来处彼空巢张子曰鵲巢鳩居未必有此事止取二物为喻】之子指夫人也两一车也一车两轮故谓之两御迎也诸侯之子嫁于诸侯送御皆百两也 南国诸侯被文王之化能正心修身以齐其家其女子亦被后妃之化而有专静纯一之德故嫁于诸侯而其家人美之曰维鵲有巢则鳩来居之是以之子于归而百两迎之也此诗之意犹周南之有閟雎也【问閟雎言窈窕淑女则是明言后妃之德鵲巢三章皆不言夫人之德如何曰鳩之性静专无比可借以见夫人之德也杨氏曰鵲巢言夫人之德犹閟雎之言后妃也蓋自天子至于诸侯大夫刑于家 无二道也张南轩曰惟其能专静而端然享之是乃夫人之德有所作为则非妇道矣辅氏曰专静纯一妇人之庸德也后妃惟有幽闲贞静之德故既得之也则琴瑟钟鼓以乐之夫人唯有专静纯一之德故其来归也则百两之车以迎之此诗之意如周南之有閟雎者説得最好便见周公当时集此二南诗意蓋欲人知夫治国平天下之道自修身齐家始也然杨氏亦尝 此义曰鵲巢言夫人之德犹閟雎之言后妃也蓋自天子至于诸侯大夫刑于家邦无二道也】维鵲有巢维鳩方之之子于归百两将之

兴也方有之也将送之也

维鵲有巢维鳩盈之之子于归百两成之

兴也盈满也谓众媵【孕】侄【迭又音秩】娣之多【释文曰国君夫人有左右媵兄女曰侄娣女弟也公羊传诸侯娶一国则二国往媵之以侄娣从诸侯一聘九女】成成其礼也

鵲巢三章章四句【谢叠山曰一章曰居鳩居鵲巢夫人始归其夫家也二章曰方方正也鳩能正鵲之成巢夫人能正其家也三章曰盈鳩生子盈满其巢夫人子孙众多而盈其室家也一节深一节自有次序】

序夫人之德也国君积行累功以致爵位夫人起家而居有之德如鸛鳩乃可以配焉

文王之时關雎之化行于闺门之内而诸侯蒙化以成德者其道亦始于家人故其夫人之德如是而诗人美之也不言所美之人者世遠而不可知也后皆放此

于以采芣于沼于沚于以用之公侯之事【叶上止反】

赋也于于也芣白蒿也【本草曰蓬蒿也似青蒿而叶麓上有白毛从初生至枯白于众蒿颇似细艾三月采尔雅注谓幡蒿也秋香美可生食又可蒸为菹】沼池也沚渚也【孔氏曰蒿非水菜谓于沼沚之旁采之】事祭事也【刘执中曰尊祭祀故直谓之事春秋有事于太庙是也】南国被文王之化诸侯大夫能尽诚敬以奉祭祀而其家人叙其事而美之也【问采芣芣采泉耳后妃夫人恐未必亲为之曰诗人且是如此說】或曰芣所以生蚕蓋古者后夫人有亲蚕之礼此诗亦犹周南之有葛覃也【问采芣只作祭祀說自是晓然若作蚕事虽与葛覃同类而恐实非也葛覃是女功采芣是妇职以为同类亦无不可何必以为蚕事而后同耶曰此說亦姑存之而已】

于以采芣于涧之中于以用之公侯之宫

赋也山夹水曰涧宫庙也或曰即记所谓公桑蚕室也【记祭义曰天子诸侯必有公桑蚕室筑宫仞有三尺卜三宫夫人世妇之吉者使入蚕于蚕室桑于公桑】

被【皮寄反】之僮僮【音同】夙夜在公被之祁祁薄言还归【辅氏】

【曰还音旋释文见泉水】

赋也被首饰也编【偏上声又如字】发为之【孔氏曰少牢云主妇被裼此周礼所谓次也次第发长短为之所谓髢髢也又曰剔刑人贱者发以被妇人之紒计为饰因名髢髢被裼髢髢并音被弟严氏曰王后六服祿衣为进朝于王之服首则服次诸侯夫人于其国衣服与王后同夫人祭祀不应服次曹氏谓此在商时与周礼异】僮僮竦敬也【刘执中曰步虽移而被不动之貌】夙早也公公所也【谓宗庙之中非私室也谢叠山曰斋庐之类】祁祁舒迟貌去事有仪也祭义曰及祭之后陶陶【遥】遂遂如将复【阜】入然【郑氏曰祭毕思念既深如覩亲将复入也陶陶遂遂相随行之貌】不欲遽去爱敬之无已也或曰公即所谓公桑也【辅氏曰此章又极言以形容其诚敬之有终始也熟玩之如画出个贤妇人来其意态精神皆可见采芣以供祭是未齐以前事也被之僮僮夙夜在公是正当祭事也被之祁祁薄言还归是既祭毕时事也夫銳始而怠终者常人之情也事有始终敬无间断此夫人之所以为贤也】

采芣三章章四句【陈君举曰采芣其家人之六二乎无攸遂在中饋言妇人无遂事惟饮食荐享而已采芣于沼涧而用之于祭祀其未事则夙夜以寘吾力其既事则舒迟以言归而已彭氏曰吕氏云一章二章言其事也三章言其容也】

序夫人不失职也夫人可以奉祭祀则不失职矣

嘒嘒【于遥反】草虫趯趯【托歷反】阜螽未见君子忧心忡忡【敕中反】亦既见止亦既覯止我心则降【户江反叶乎攻反】

赋也嘒嘒声也草虫蝗属奇音青色趯趯跃貌阜螽蟊【音樊】也【孔氏曰释虫云草虫负蟊郭璞云常羊也陆玕云大小长短如蝗也严氏曰阜螽也蟊也即螽斯也陆农师曰草虫鸣阜螽跃而从之故负螽曰蟊草虫谓之负蟊】忡忡犹冲冲也【谢叠山曰心不宁也】止语辞覯遇降下也【谢叠山曰犹今人云放下心也】南国被文王之化诸侯大夫行役在外其妻独居感时物之变而思其君子如此【李迂仲曰出车亦是行役之诗故五章述其妻忧思亦如此】亦若周南之卷耳也

陟彼南山言采其蕨未见君子忧心惓惓【张劣反】亦既

见止亦既覯止我心则说【音悦】

赋也登山盖托以望君子蕨鼈也初生无叶时可食【释文曰周秦曰蕨齐鲁曰鼈初生似鼈脚故名】亦感时物之变也【黄实夫曰随其所感动其所思时物之变屡至夫夫之役未还忧念之情其可已乎】惓惓貌【辅氏曰草虫之鸣阜螽之跃蕨薇之生皆时物之变也南国诸侯大夫行役于外而其妻在家感时物之变如此而思念其君子且曰使我得见君子则其心乃自降下矣此可见其情性之正是皆文王风化之所及也】

陟彼南山言采其蕨未见君子我心伤悲亦既见止

亦既覯止我心则夷

赋也薇似蕨而差【汪氏曰初迈反较也】大有芒而味苦山间人食之谓之迷蕨【辅氏曰蕨薇皆是山之所有登山采薇亦皆托言也凡诗中所言采掇之事多是托言】胡氏曰疑即庄子所谓迷阳者【胡明仲云荆楚之间有草丛生修条四时发穎春夏之交花亦繁丽条之腴者大如巨擘剥而食之甘美野人呼为迷阳疑庄子所谓迷阳迷阳无伤吾行即此蕨也陆玕曰薇亦山菜茎叶皆似小豆蔓生其味亦似小豆今官园种之以供宗庙祭祀项氏曰薇今之野豌豆蜀人谓之巢菜豌豆音剡】夷平也

草虫三章章七句【谢叠山曰惓惓忧之深不止于忡忡矣伤则惻然而痛悲则无声之哀不止于惓惓矣此未见之忧一节紧一节也降则心稍放下悦则喜动于中夷则心气和平此既见之喜一节深一节也此诗每有三节虫鸣螽跃采蕨采薇之时是一般意思忡忡惓惓之时是一般意思则降悦则夷之时是一般意思】

序大夫妻能以礼自防也

此恐亦是夫人之诗而未见以礼自防之意

于以采苹南涧之瀕于以采藻于彼行潦【音老】

赋也苹水上浮萍也江东人谓之防【严氏曰本草水萍有三种大者曰苹叶圆濶寸许季春始生可糝蒸为茹中者曰苳菜小者水上浮萍毛氏以苹为大萍是也郭璞以苹为水上浮萍是以小萍为大萍误矣苹可茹而萍不可茹岂有不可茹之萍而乃用以供祭祀乎】瀕厓也藻聚藻也生水底茎如钗股叶如蓬蒿【陆玑曰藻生水底有二种一叶似鸡苏茎大如筋长四五尺一茎如钗股叶似蓬蒿谓之聚藻二者皆可食熟煮按去腥气米面糝蒸为茹佳美饥荒可充食】行潦流潦也南国被文王之化大夫妻能奉祭祀而其家人叙其事以美之也【王介甫曰采苹必于南涧采藻必于行潦言其所荐有常物所采有常处也辅氏曰此诗与采芣正相类但采芣是美诸侯夫人此诗是美大夫妻以言奠于宗室而知之也】

于以盛【音成】之维筐及筥【居吕反】于以湘之维铤【宜绮反】及

釜【符甫反】

赋也方曰筐圆曰筥【曹氏曰皆竹器】湘烹也蓋粗熟而淹以为菹也【辅氏曰知粗熟而淹以为菹者祭祀之礼主妇主荐豆而实以菹醢故也】铤釜属有足曰铤无足曰釜【释文曰铤三足釜也】此足以见其循序有常严敬整饬之意【王介甫曰所用有常器也刘执中曰诚敬之至事事必躬也辅氏曰所用有常器每事必躬亲先后有次序皆严敬者之所为也严敬则自然整饬如此愚按必采而后盛以筐筥必盛而后烹以铤釜则非循序有常者不能也曰采曰盛曰湘无一不亲曰筐曰筥曰铤曰釜无一不具则非严敬整饬者不能也】

于以奠之宗室牖下【叶后五反】谁其尸之有齐【侧皆反】季女赋也奠置也宗室大宗之庙也大夫士祭于宗室【愚按诸侯之庶子为别子别子之嫡子为大宗即大夫之始祖也故祭于其庙】牖下室西南隅所谓奥也【古人庙堂南向室在其北东户西牖皆南向室西南隅为奥尊者居之故神主在焉所谓牖下者也凡庙皆南向而主皆东向李寔之曰堂屋五架中脊之架曰栋次栋之架曰楣后楣之下以南为堂以北为室与房大夫房东室西相连为之室又户东而牖西户不当中而近东则西南隅最为深故谓之奥而祭祀及尊者常处焉牖穿壁为交窻以取明也】尸主也齐敬貌季少也祭祀之礼主妇主荐豆实以菹醢【仪礼少牢馈食主妇荐韭菹醢醢奠于筵前葵菹羸醢陪设于东熊刚大曰菹菜茹醢肉汁周礼有七菹七醢】少而能敬尤见其质之美而化之所从来者远矣【严氏曰自后妃及夫人及大夫妻皆文王齐家之化也】

采芣三章章四句【吕东莱曰采之盛之湘之奠之所为者非一端所歷者非一所矣烦而不厌久而不懈循其序而有常积其诚而益厚然后祭事成焉季女之少若未足以胜此而实尸此者以其有齐敬之心也辅氏曰首章言未祭之前采芣藻之事次章言既得芣藻而治以为菹之事三章言祭时献豆菹之事东莱言采之盛之湘之尊之所为者非一端所歷者非一所

烦而不厌久而不懈循其序而有常积其诚而益厚者亦說得好但此诗意尤在有齐季女一句上惟敬故无间断少而能敬非质之美而教之豫者不能非文王之化所从来者遠曷能如此哉采蘩见其始终之敬采蘩见其少而能敬左传曰苟有明信涧溪沼沚之毛苹蘩蕓藻之菜筐筥錡釜之器潢汙行潦之水可荐于神可羞于王公风有采蘩采苹雅有行苇涧酌昭忠信也】

序大夫妻能循法度也能循法度则可以承先祖共祭祀矣【王介甫曰自所荐之物所采之处所用之器所奠之地皆有常而不敢变所谓能循法度】

蔽芾【非贵反】甘棠勿翦勿伐召伯所茇【蒲曷反】

赋也蔽芾盛貌甘棠杜梨也白者为棠赤者为杜【陆玕曰棠今棠梨也陆农师曰其子有赤白美恶白色为甘棠赤色澁而酢俗语澁如杜是也】翦翦其枝叶也伐伐其条干也伯方伯也【伯长也为诸侯之长也】茇草舍也【止于其下以自蔽犹草舍耳非谓作舍也】召伯循行南国以布文王之政或舍甘棠之下【长乐王氏曰召伯观省风俗或茇甘棠之下以受民讼刘元城曰憩息甘棠之下耳說者乃为召公不重烦劳百姓止舍棠下是为墨子之道也】其后人思其德故爱其树而不忍伤也【刘元城曰覩其物思其人思其人则爱其树得人心之至也】

蔽芾甘棠勿翦勿败【叶蒲寐反】召伯所憩【起例反】

赋也败折憩息也勿败则非特勿伐而已爱之愈深也下章放此【辅氏曰始则不忍翦伐之既则不忍败折之既则又不忍抑屈之爱之愈久而愈深也思其人而爱其树则其爱之之意广矣又至于愈久愈深则其爱之之意遠矣召公之德其浹洽于人心者如此而文王之化从可知矣】

蔽芾甘棠勿翦勿拜【叶变制反】召伯所說【始銳反】

赋也拜屈【董氏曰如人之拜小低屈也】說舍也勿拜则非特勿败而已

甘棠三章章三句【史记燕世家曰召公甚得兆民和巡行乡邑有棠树决政事其下人思召公懷棠树不敢伐歌咏之正义云括地志云召伯庙在洛州壽安县西北人懷其德因立庙李迂仲曰乐记论武乐曰五成而分周公左召公右则召公为伯在武王时而此诗称伯者亦后人追称之耳考索某氏曰周南天子所都周公不得专有其美召公专主诸侯则南国之教得以称召伯也在易】【二与四同功而异位二多誉遠也四多慎近也周公近召公遠有诗无诗此其异欤辅氏曰苏氏曰周公在内近于文王虽有德而不见故其诗不作召公在外遠于文王功业明着则诗作于下此理之最明者此其說似可采而诗传不取者蓋二南皆周公所集其实皆所以明文王之德化也】序美召伯也召伯之教明于南国【王介甫曰爱之笃思之至

以其教明也】

厌【于叶反】浥【于及反】行露岂不夙夜【叶羊茹反】谓行多露

赋也厌浥湿意行道夙早也 南国之人遵召伯之教服文王之化有以革其前日淫乱之俗故女子有以礼自守而不为强暴所污者自述己志作此诗以绝其人言道间之露方湿我岂不欲早夜而行乎畏多露之沾濡而不敢尔盖女子早夜独行或有强暴侵陵之患故托以行多露而畏其沾濡也

谁谓雀无角【叶卢谷反】何以穿我屋谁谓女【音汝】无家【叶音谷】

何以速我狱虽速我狱室家不足

兴也家谓以媒聘求为室家之礼也速召致也 贞女之自守如此犹或见讼而召致于狱因自诉而言人皆谓雀有角故能穿我屋以兴人皆谓汝于我尝有求为室家之礼故能致我于狱然不知汝虽能致我于狱而求为室家之礼初未尝备如雀虽能穿屋而实未尝有角也【严氏曰男侵陵女女不徙遂诬女以有室家之约而召伯听其讼此诗述女子自诉之辞如此盖雀之穿屋实以喙不以角也男子之速我狱乃是侵陵实无室家之礼也喙音昼】

谁谓鼠无牙【叶五红反】何以穿我墉谁谓女无家【叶各空反】何

以速我讼【叶祥容反】虽速我讼亦不女从

兴也牙牡齿也【杨氏曰鼠无牡齿陆农师曰鼠有齿而无牙】墉墙也 言汝虽能致我于讼然其求为室家之礼有所不足则我亦终不汝从矣【使贞女之志得以自伸者召伯听讼之明辅氏曰前章室家不足责之以礼也此章亦不女从断之以义也贞女之志守礼执义如此则被化而成德者深矣牡齿谓齿之大者】

行露三章一章三句二章章六句【召南非一国其被化必有浅深此诗之作其被化之未纯者欤故未免有强暴侵陵之患必待听之明而后察若周南则固无是诗然驹虞纯被之后召南亦不宜有是诗矣愚按此诗贞女乃讼之初六强暴之男则讼之九四也初六阴深不永于讼而九四以刚不中正应之贞女自守非所以召讼而男子以强暴凌之然曰室家不足则初六之辨明矣曰亦不女从则九四不克讼矣所以能然者以有召伯为九五之大人也然以此诗之贞女犹周南汉广之贞女也而彼之出游人自不犯此虽早夜自守而犹有强暴之讼是又被化有远近作诗有先后未可遽分优劣也】

序召伯听讼也衰乱之俗微贞信之教兴强暴之男不能侵陵贞女也【黄实夫曰周家贞信之教兴而商人衰乱之俗未殄此如一阳来复之时阳虽有当盛之势而五阴犹未却以逊阳则草木之摧败犹有所不免自二南极而王道成则自复而临自临而泰之时也】

羔羊之皮【叶蒲何反】素丝五紵【徒何反】退食自公委【于危反】蛇【音移叶唐何反】委蛇

赋也小曰羔大曰羊皮所以为裘大夫燕居之服素白也紵未详盖以丝饰裘之名也【钱氏曰两皮之缝不易合故织白丝为紵施之缝中连属两皮因以为饰紵音驯曹氏曰裘必合众皮而成故其缝杀不一】退食退朝而食于家也自公从公门而出也委蛇自得之貌南国化文王之政在位皆节俭正直故诗人美其

衣服有常而从容自得如此也【衣裳有常制进止有常所其节俭正直亦可见矣辅氏曰羊裘素饰可见其节俭退公委蛇可见其正直谢叠山曰召南大夫有洁白之操称洁白之服中心无愧怍故外貌有威仪德行可法故容止可观进退可度委蛇委蛇此泰然自得之貌也使胷中微有愧怍其步趋非躁则急不迟则速安能委委蛇蛇哉张南轩曰重言委蛇舒泰而有余裕也独赋其退食之际盖于此时而然则其在公之正直可知矣不然有愧于中则其退也亦且促迫匆遽之不暇宁有委蛇气象哉】

羔羊之革【叶乞力反】素丝五緇【音域】委蛇委蛇自公退食赋也革犹皮也【孔氏曰皮去毛曰革对文则异散文则通】緇裘之缝界也【胡庭芳曰紵緇缝切意名义微异缝之突兀谓之紵有界限谓之緇合二为一谓之总】

羔羊之缝【符龙反】素丝五总【子公反】委蛇委蛇退食自公赋也缝缝皮合【闇】之以为裘也总亦未详

羔羊三章章四句【愚按此诗之言贤才犹周南之有兔置也盖文王作人之效如春风和气所在生辉故人才之所成就验诸在野则赳赳之武夫公侯腹心观诸在朝则委蛇之大夫节俭正直此文王之化不可以浅深远近论者也】

序鹊巢之功致也召南之国化文王之政在位皆节俭正直德如羔羊也

此序得之但德如羔羊一句为衍說耳

殷【音隱】其雷在南山之阳何斯违斯莫敢或遑振振【音真】君子归哉归哉

兴也殷雷声也山南曰阳何斯斯此人也违斯斯此所也遑暇也振振信厚也南国被文王之化妇人以其君子从役在外而思念之故作此诗言殷殷然雷声则在南山之阳矣何此君子独去此而不敢少暇乎【张氏曰如鸛鸣妇叹之义将风雨则思念行者彭氏曰某氏云行者遇雨则思居者之安居者遇雨则思行者之劳也】于是又美其德且冀其早毕事而还归也【刘辰翁曰再言归哉者不敢必其即归也辅氏曰此诗明白只涵泳便自见念其劳美其德冀其早毕事以还归无棘欲无怨辞可谓得其性情之正矣妇人而能如此文王之化深矣】

殷其雷在南山之侧【叶庄力反】何斯违斯莫敢遑息振振

君子归哉归哉

兴也【黄实夫曰南山之阳之侧之下但便韵叶声耳不必求异义也】息止也

殷其雷在南山之下【叶后五反】何斯违斯莫或遑处【尺煮反】

振振君子归哉归哉

兴也【诒叠山曰始未敢暇中不敢止终不暇居处一节紧一节此诗人法度也】

殷其雷三章章六句【问此诗比君子于役之类莫是宽缓和平故入正风曰固然但正变风亦是后人如此分别当是亦只是大约取之圣人之言在春秋易书无一字虚至于诗则平情不同愚按此诗之念行役犹周南之有汝坟也然视汝坟独无尊君亲上之意者义彼诗作于既见君子之时故得慰其劳而勉以正此诗作于君子未归之日故但念其行役之劳然而无怨咎之辞则其妇人之贤文王之化亦皆可见矣】

序劝以义也召南之大夫逵行从政不遑宁处其室家能闵其勤劳劝以义也

按此诗无劝以义之意

標【婢小反】有梅其实七兮求我庶士迨其吉兮

赋也標落也梅木名华白实似杏而酢庶众迨反也吉吉日也南国被文王之化女子知以贞信自守惧其嫁不及时而有强暴之辱也故言梅落而在树者少以见时过而大晚矣【愚按周礼仲春令会男女梅落之时则四月矣故曰时过而大晚】求我之众士其必有及此吉日而来者乎【辅氏曰先生之說当矣此乃女子自言其心事之实而已无情无愿志非文王之化其能臻此哉东莱先生曰其辞汲汲如将失之岂习乱而喜始治者邪或谓若以此诗为女子自作恐不足以为风之正经先生曰以为女子自作亦不害蓋里巷之诗但如此已为不失正矣】

標有梅其实三【叶疏簪反】兮求我庶士迨其今兮

赋也梅在树者三则落者又多矣今今日也蓋不待吉矣【王介甫曰不暇吉日之择迨今可以成昏矣】

標有梅顷【音倾】筐塋【许器反】之求我庶士迨其谓之赋也塋取也顷筐取之则落之尽矣谓之则但相告语而约可定矣【欧阳子曰谓相语也遣媒妁相语以求之也黄实夫曰

迨其谓之以为男女固欲及时而亦必以正必待父母之命媒妁之言也辅氏曰其辞虽若汲汲然必待夫士之求也惧时之过者情也待士之求者礼也 乎情止乎礼义盖不独变风为然矣】

標有梅三章章四句【吕东莱曰是诗也其词汲汲如将失之岂习乱而喜始治者邪问此诗何以入正风曰当文王与纣之世方变恶入善未可全责备问此诗固出于正只是如此急迫何耶曰此亦是人之情尝见晋宋间有怨父母之诗读诗者于此亦欲达男女之情又曰向见东莱丽泽诗有唐人女言兄嫂不以嫁之诗亦自鄙俚可恶后来思之亦自是人之情处为父母者能于是而察之则必使之及时矣此所谓诗可以观又曰女子之情欲昏姻之及时视桃夭则少贬矣行露死麕于汉广亦然愚按此诗惧昏姻之过时固不若桃夭之乐得及时矣然召南之有此诗则犹周南之有桃夭也】

序男女及时也【陈君举曰男女及时之說圣人之虑天下也血气既壮难尽自捡情窦既开奚顾礼义故昏欲及时者所以全节行于未破之日学欲及时者所以全智虑于未分之时】召南之国被文王之化男女得以及时也此序末句未安

嘒【呼惠反】彼小星三五在东肃肃宵征夙夜在公寔命不同

兴也嘒微貌三五言其稀蓋初昏或将旦时也肃肃齐【音咨又音斋】遯【音速】貌【郑氏曰齐谦慤貌遯犹蹙蹙也】宵夜征行也寔与实同命谓天所赋之分也南国夫人承后妃之化能不妬忌以惠其下故其众妾美之如此蓋众妾进御于君不敢当夕见星而往见星而还【愚按见星而往还者或在昏时或在旦时也】故因所见以起兴其于义无所取特取在东在公两字之相应耳遂言其所以如此者由其所赋之分不同于贵者是以深以得御于君为夫人之惠而不敢致怨于来往之勤也

嘒彼小星维参【所森反】与昴【叶留】肃肃宵征抱衾与裯【直留】

【反】寔命不犹

兴也参昴西方二宿之名【孔氏曰参白虎宿三星直下有三星銳曰伐昴六星】衾被也裯禪【音丹】被也兴亦取与昴与裯二字相应犹亦同也【程子曰贱妾得御于君是其僭恣可行而分限得逾之时也乃能谨于抱衾与裯而知命之不犹则教化至矣】

小星二章章五句

吕氏曰夫人无妬忌之行而贱妾安于其命所谓上好仁而下必好义者也【愚按此为众妾美夫人之诗则亦周南樛木螽斯之类也】

序惠及下也夫人无妬忌之行惠及贱妾进御于君知其命有贵贱能尽其心矣

江有汜【音祀叶羊里反】之子归不我以不我以其后也悔【叶虎洧反】兴也水决复【音阜】入为汜【尔雅疏曰凡水之岐流复还本水者曰汜】今江陵汉阳安复之间盖多有之【夏水自江而别以通于汉汉复入江冬竭夏流故谓之夏而其入江处今名夏口即所谓江有汜也愚按宋安州即今德安府宋复州即今沔阳府并河南省】之子媵妾指嫡妻而言也妇人谓嫁曰归我媵自我也能左右【并去声】之曰以谓挟已而偕行也是时汜水之旁媵有待年于国而嫡不与之偕行者【孔氏曰古者嫁女娣侄从谓之媵公羊传注曰待年父母国也妇人八岁备数十五从嫡二十承事君子】其后嫡被后妃夫人之化乃能自悔而迎之故媵见江水之有汜而因以起兴言江犹有汜而之子之归乃不我以虽不我以然其后也亦悔矣

江有渚之子归不我与不我其后也处

兴也渚小洲也水岐成渚与犹以也处安也得其所安也

江有沱【徒河反】之子归不我过【音戈】不我过其啸也歌兴也沱江之别者【尔雅曰水自河出为灊汉为潜江为沱孔氏曰皆大水别为小水之名禹贡荆扬皆有沱潜者以水从江汉出者皆曰沱潜故二州皆有也】过谓过我而与俱也啸蹙口出声以舒愤懣之气言其悔时也歌则得其所处而乐矣【此兼上两节而言】

江有汜三章章五句【辅氏曰不我以不我与不我过者欲也其后也悔其后也处其啸也歌者理也从欲者躁急而褊狭复礼者安舒而和乐从欲而悔循理而乐则得其性情之正矣】

陈氏曰小星之夫人惠及媵妾而媵妾尽其心江沱之嫡惠不及媵妾而媵妾不怨盖父虽不慈子不可以不孝各尽其道而已矣【黄实夫曰居上者当如小星之夫人居下者当如江沱之媵妾凡为人子为人弟为人臣皆当以此诗为法吕东莱曰以如不使大臣怨乎不以之以与如暴虎冯河吾不与也之与过如过从之过不我过言不我顾也一章曰悔二章曰处三章曰歌始则悔寤中则相安终则相欢言之序也】序美媵也勤而无怨嫡能悔过也文王之时江沱之间有嫡不以其媵备数媵遇劳而无怨嫡亦自悔也

诗中未见勤而无怨之意【只看诗中说不我以不我过不我与便自见得与同去之意安得勤而无怨之意也愚按此诗媵妾所作序之首句恐亦非是】

野有死麋【俱伦反与春叶】白茅包【叶甫苟反】之有女怀春吉士诱之兴也麋獐也鹿属无角【本草注曰麋类甚多麋其总名也】怀春当春而有怀也【严氏曰春者天地交感万物孳生之时圣人顺天地万物之情令媒氏以中春防男女故女之怀昏姻者谓之怀春】吉士犹美士也【刘辰翁曰称其人曰吉士厚也又愧之也】南国被文王之化女子有贞洁自守不为强暴所

污者故诗人因所见以兴其事而美之【严氏曰言野有死麋人欲取其肉犹以白茅包裹之

有女懷春汝吉士何不以礼娶之乃诱之乎无礼者岂吉士但美其称以责之言汝本善良何乃如此】或曰赋也言美士以白茅包死麋而诱懷春之女也

林有朴【蒲木反】 【音速】野有死鹿白茅纯【徒尊反】束有女如

玉

兴也朴 小木也鹿兽名有角纯束犹包之也【严氏曰纯聚而包束之】如玉者美其色也上三句兴下一句也或曰赋也言以朴 借死鹿束以白茅而诱此如玉之女也【辅氏曰以上三句兴下一句此在兴体中又是一格但言有女如玉而不言所以求之者蒙上章意也】舒而脱脱【勅外反】兮无感我帨【始銳反】兮无使彪【美 反】也

吠【符 反】

赋也舒迟缓也脱脱舒缓貌【胡庭芳曰舒非但为迟缓有舒濶之意脱脱不但为舒缓有脱去之意与混夷駢矣义同彼从马此从肉以身言也】感动帨巾【孔氏曰内则妇事舅姑左佩纷帨注云拭物之巾】彪犬也 此章乃述女子拒之之辞言姑徐徐而来毋动我之帨毋惊我之犬以甚言其不能相及也其凜然不可犯之意蓋可见矣【胡庭芳曰使之舒濶脱脱然而去莫留此以动我身之帨拒之使遠其身也莫留此以惊我家之犬又拒之使遠其家也此可见其凜然不可犯矣辅氏曰此诗之意都在此草不必于前章死字白字懷春字诱字上巧生意见才如此便害了此诗本防】

野有死麋三章二章章四句一章三句【吕东莱曰此诗言恶无礼而拒之其词初犹缓而后益切曰吉士诱之其词犹巽也曰有女如玉则正言其贞洁不可犯也至于其末拒之益切矣愚按召南有此诗亦犹周南有汉广但汉广则男女各得其正而行露死麋二诗方作之时则女已贞而男未正耳】

序恶无礼也天下大乱强暴相陵遂成淫风被文王之化虽当乱世犹恶无礼也

此序得之但所谓无礼言淫乱之非礼耳不谓无聘币之礼也

何彼秾【奴容反与離叶】矣唐棣【徒帝反】之华【芳无胡 二反】曷不肃離王姬之车【斤于尺奢二反】

兴也秾盛也犹曰戎戎也唐棣移【音移】也似白杨【本草曰扶移树大十数围即唐棣也亦名移杨团叶弱蒂微风大摇】肃敬雍和也周王之女姬姓故曰王姬 王姬下嫁于诸侯车服之盛如此而不敢挟贵以骄其夫家故见其车者知其能敬且和以执妇道于是作诗以美之曰何彼戎戎而盛乎乃唐棣之华也此何不肃肃而敬雍雍而和乎乃王姬之车也【何彼曷不皆设问之词也】此乃武王以后之诗不可的知其何王之世然文王大姒之教久而不

衰亦可见矣【辅氏曰东莱曰不言王姬而曰王姬之车者不敢指切之也二南多言后妃夫人大夫妻之美而此诗乃美王姬下嫁而作故取而附之或近或远皆所以见文王大妣之教也】

何彼秾矣华如桃李平王之孙齐侯之子【叶獎里反】兴也李木名华白实可食旧說平正也武王女文王孙适齐侯之子【孔氏曰文諡之正名也称者则随德不一以德能平正天下故称平王如书称宁王也皇甫謐云武王五男二女元女妻胡公王姬宜为媵今何得适齐侯之子或以尊故命同族为媵愚按二南乃周公制作时所定则有武王以后之诗固无可疑其称文王为平王犹棫朴之称为辟王文王有声之称为王后江汉之称为文人初不拘于諡也又如商颂称汤为武王称契为王文王有声称武王为皇王韩奕称厉王为汾王诗人之词类如此】或曰平王即平王宜臼齐侯即襄公诸儿事见春秋【庄公十有一年冬王姬归于齐左氏传曰齐侯来逆共姬胡庭芳曰以为东迁之王齐国之侯与春秋甚协然以东周之诗得入召南之风而黄氏所谓周太师编后经吾夫子手不应若此其失伦者诚为可疑岂秦火之余汉儒修补不免简编之杂耶然则此說只当如集传作或曰以附之俾读者知其說可也考索林氏曰此乃平王以后事大抵诗之所载上起文王下迄陈灵则陈灵之世诗之篇目皆未定也二南虽为文王之风而文王之后以至陈灵凡诗之主乎夫妇而言乎人伦则后世取而附之二南之末亦势之所不免也愚按集传疑齐侯为襄公则所谓齐侯之子蓋指桓公小白也庄公十一年即庄王十四年以共姬妻桓公庄王乃平王曾孙未知共姬为何王之女又按齐襄公于庄王四年亦娶王姬春秋于庄公元年书王姬归于齐者是也若以为此事则襄公是僖公子诗中所指齐侯又当为僖公矣】未知孰是【此诗义疑故两存之】以桃李二物兴男女二人也【郑氏曰华如桃李兴王姬与齐侯之颜色俱盛】其钩维何维丝伊缙齐侯之子平王之孙【叶须伦反】兴也伊亦维也缙纶也丝之合而为纶犹男女之合而为昏也

何彼秾矣三章章四句【胡康侯曰王姬嫁于诸侯车服不系其夫礼亦隆矣夫阳唱而阴和夫先而妇从则虽以王姬之贵当执妇道与公侯大夫士庶人之女何以异哉故舜为匹夫妻帝二女而曰嫔于虞王姬嫁于诸侯而亦成肃雍之德自秦而后列侯之尚公主使男事女夫屈于妇人伦悖于上风俗壞于下又岂所以为治也哉陈少南曰吾于是诗得君子善善之意不惟及其身而又及其亲矣美王姬则曰平王之孙齐侯之子美庄姜则曰齐侯之子卫侯之妻美大任则曰文王之母京室之妇美韩侯取妻则曰汾王之甥蹇父之子美僖公则曰周公之孙庄公之子蓋曰其子如此以其父母如此也其孙如此以其祖父如此也其妻如此以其夫如此也其甥如此以其舅如此也君子之善善也周矣】

序美王姬也虽则王姬亦下嫁于诸侯车服不系其夫下王后一等犹执妇道以成肃雝之德也

此诗时世不可知其說已见本篇但序云虽则王姬亦下嫁于诸侯說者多笑其陋然此但读为两句之失耳若读此十字合为一句而对下文车服不系其夫下王后一等为义则序者之意亦自明白蓋曰王姬虽嫁于诸侯然其车服制度与他国之夫人不同所以甚言其贵盛之

极而犹不能挟贵以骄其夫家也但立文不善终费词説耳郑氏曰下王后一等谓车乘厌【音叶】翟【音狄】勒面绩【音绘】总服则防【音遥】翟【孔氏曰王后五路重翟为上厌翟次之六服袞衣为上防翟次之袞音挥郑氏曰厌翟次其羽使相迫也勒面谓以如王龙勒之韦为当面饰也绩画文也总着马勒直两耳与两镳翟雉名江淮而南青质五色皆备成章曰摇防翟画摇者】然则公侯夫人翟茀者其翟车贝面组总有幄也欤【郑氏曰翟车不重不厌以翟羽饰车之侧耳贝面贝饰勒之当而有幄则无葢矣】

彼茁【侧劣反】者葭【音加】壹 五豝【百加反】于【音吁下同】嗟乎驹虞【叶音牙】

赋也茁生出庄盛之貌葭芦也亦名苇【严氏曰葭芦苇又名华一物四名】 矢豝牡豕也【陈器之曰毛传云豕牝曰豝恐牡字当作牝】一 五豝犹言中必叠双也驹虞兽名白虎黑文不食生物者也【陆玕云驹虞尾长于躯不履生草】南国诸侯承文王之化修身齐家以治其国而其仁民之余恩又有以及于庶类故其春田之际草木之茂禽兽之多至于如此而诗人述其事以美之且叹之曰此其仁心自然不由勉强是即真所谓驹虞矣【于田猎之际见动植之蕃庶因以赞咏文王仁泽之所及而非指田猎之事为仁也礼曰无事而不田曰不敬故此诗彼茁者葭仁也仁在壹发之前壹发五豝义也吕东莱曰彼茁者葭记搜田之时葢曹子桓所谓勾芒司节和风扇物草浅兽肥之时也壹发五豝兽之多也反三隅而观之则天壤之间和气充塞庶类繁殖而恩足以及禽兽者皆可见矣化育之仁其何以形容曰于嗟乎驹虞非驹虞自然不勉之仁殆不足以形容之也】

彼茁者蓬壹发五豝【子公反】于嗟乎驹虞【叶五红反】

赋也蓬草名一歲曰豝亦小豕也

驹虞二章章三句

文王之化始于闕雎而至于麟趾则其化之入人者深矣形于鹊巢而及于驹虞则其泽之及物者广矣【愚按麟趾言公族仁厚故知其化之入人驹虞言庶类蕃殖故知其泽之及物】葢意诚心正之功不息而久则其熏蒸透彻融液周遍自有不能已者非智力之私所能及也故序以驹为鹊巢之应而见王道之成其必有所传矣【辅氏曰周南见其化之入人者深召南见其泽之及物者广则文王意诚心正之功转移动化始于家 终于四海者无以复加矣此义至先生而始明张南轩曰麟趾言公子信厚则在内者无不孚驹虞言国君搜田以时则在外者无不孚也未有迹之未孚而可以及遠者也鹊巢之化是亦闕雎之所达也然则天下之本在国国之本在家家之本在身其本一而已愚按此诗之应鹊巢亦犹麟趾之终周南也但作诗者非同一人而皆以仁兽为喻皆以于嗟为词皆以三章成章皆词简而意深岂有同被文王之化而吟咏情性亦有同然者欤编诗者分置二南之末得无意乎诗攷曰墨子云成王因先王之乐命曰驹虞】

序鵲巢之应也鵲巢之化行人伦既正朝廷既治天下纯被文王之化则庶类蕃殖搜田以时仁如驹虞则王道成也【陈少南曰始于鵲巢之夫妇而人伦正中于羔羊之君子而朝廷治人伦既正朝廷既治使天下皆被文王之化而有驹虞之仁心则王道成矣】此序得诗之大指然语意不分明杨氏曰二南正始之道王化之基盖一体也王者诸侯之风相须以为治诸侯所以代其终也故召南之终至于仁如驹虞然后王道成焉夫王道成非诸侯之事也然非诸侯有驹虞之德亦何以见王道之成哉【孔氏曰王道成者以此篇处末故总之言天下纯被文王之化庶类又蒙其泽仁心能如驹虞则王化之道成矣所谓周南召南王化之基也】欧阳公曰贾谊新书曰驹者文王之囿名虞者囿之司兽也【欧阳子曰汉世诗说四家毛最后当毛诗未出之前说者不以驹虞为兽也文帝时贾谊新书以驹为文王囿名亦不经见】陈氏曰礼记射义云天子以驹虞为节乐官备也则其为虞官明矣猎以虞为主其实叹文王之仁而不斥言也【诗攷曰驹虞天子掌鸟兽官名欧阳子曰书言驹虞者多矣如七驹六驹盖马御泽虞山虞则山泽之官月令季秋教田猎命仆及七驹咸驾周官山泽虞皆当田猎则致禽兽易亦有即鹿无虞之说而射义言天子以驹虞为节乐官备也则驹虞二官田猎之时乃其职事当以多杀为心今也五豕而一取故诗曰于嗟乎而能如是乎又曰诗首句言田猎之得时次言君仁不尽杀卒叹虞人之得礼】此与旧说不同今存于此

召南之国十四篇四十章百七十七句鵲巢于采苹言夫人大夫妻以见当时国君大夫被文王之化而能修身以正其家也甘棠以下又见由方伯能布文王之化而国君能修之家以及其国也【孔氏曰鵲巢采药夫人身事草虫采苹朝臣之妻甘棠行露朝建之臣皆化之自近及远也羔羊以下江沱之间是又化之差远也】其词虽无及于文王者然文王明德新民之功至是而其所施者 矣抑所谓其民皞皞而不知为之者与【张南轩曰王者之化远而大涵养斯民由于其道而莫知其所以然故曰皞皞如也】唯何彼秣矣之诗为不可晓当阙所疑耳周南召南二国凡二十五篇先儒以为正风今姑从之【周南言文王后妃闺门之化召南言诸侯夫人大夫妻被文王后妃之化而成德之事盖诗之正风也孔丛子子曰吾于周南召南见周道之所以盛也严氏曰诗首二南见夫妇之伦焉见王道之端焉二南系周召见君臣之伦焉见文王心德之微盛德之至焉苏氏曰二南皆出于文王而有内外之异内得之深外得之浅故召南之诗不及周南之深也郑氏曰二南为正风则然矣自后南国诸侯政衰何以无变风曰陈诸侯之诗者将以知其缺失省方设教为黜陟也时徐及吴楚僭号不承天子之风故无其诗也】孔子谓伯鱼曰女为周南召南矣乎人而不为周南召南其犹正墙面而立也与【为犹学也周南召南所言皆修身齐家之事正墙面而立言即其至近之地而一物无所见一步不可行张南轩曰天下事未有不本于齐家必如二南所述室家之事而后为家齐由此而达之则无所不可行若为之不从此始则动有隔碍虽尺寸不可推而行之故曰其犹正墙面而立也与辅氏曰二南之诗于文王齐家之事则见之矣至于脩身之事则未尝及也今乃谓所言皆修身齐家之事何也曰身者家之本也圣人之化未有不本于身者文王之化自内及外如此则其修身之事固在其中矣考索李氏曰告伯鱼学诗必自周南召南始盖诗之序先之以风而周南召南又为风之先焉此皆文王正心诚意有在于此故其肃肃雍雍在于闺门之内而其化行于二南之国】仪礼乡饮酒乡射燕礼皆合乐周南关雎葛覃卷耳召南鵲巢采芣采苹【李寔之曰乡饮酒礼诸侯之乡大夫三年大比献贤能于君以礼寔之与之饮酒之礼乡射礼州长春秋以礼会民而射于州序之礼也合乐谓堂上歌瑟堂下钟磬

合奏此诗也燕礼遂歌乡乐李寶之曰诸侯与羣臣燕饮酒之礼歌者亦与众音俱作而歌之乡饮酒乡射自歌其乐故言合乐不言乡乐也】燕礼又有房中之乐郑氏注曰 歌周南召南之诗而不用钟磬云房中者后夫人之所讽诵以事其君子【李寶之曰与四方賓燕则有之】程子曰天下之治正家为先天下之家正则天下治矣二南正家之道也陈后妃夫人大夫妻之德推之士庶人之家一也故使 国至于乡党皆用之自朝廷至于委巷莫不讴吟讽诵所以风化天下【黄实夫曰文王后妃之德始于二南而极于天下鵲巢之夫人草虫之大夫妻江汉之游女莫不被其风化大用之则大小用之则小上自朝廷下至闾巷皆可得而用之此如春风和气及物则生不可以大小论也张南轩曰二南皆文王时诗周公取以为万世后妃夫人大夫士庶人之妻夫刑家之法虽自于已而于其配必谨所择是蓋祸福之基所以重宗庙重其身正夫妇而为正家之本也辅氏曰正变之风虽经无明文然无害于义故姑从之孔子之诲伯鱼但使之学二南而不言二南之义今得先生說得二篇之义明白犹觉孔子之言有意味可玩程子曰孔子曰人而不为周南召南其犹正牆面而立而今人读了二南诗果便不面牆而立方是善读诗故先王尝训一学者曰公读二南了还能不正牆面而立否意思都不曾相粘济得甚事此又读诗者之所当知也仪礼之說见古人于二南用之如此其广且切而程子之說则又所以述二南之用也】

诗传通释卷一

卷二

<经部,诗类,诗传通释

钦定四库全书

诗传通释卷二

元 刘瑾 撰

诗

朱子集传

邶【音佩】一之三

邶鄘卫三国名在禹贡冀州西阻太行北逾衡漳东南跨河以及兖州桑土之野及商之季而纣都焉武王克商分自纣城朝歌而北谓之邶南谓之鄘东谓之卫以封诸侯邶鄘不详其始封卫则武王弟康叔之国也【愚按武王作酒诰戒康叔而曰明大命于妹 妹 即纣都则康叔封卫明在武王时矣邶鄘之地岂其始为武庚三叔之封至成王灭武庚诛三监乃复以封他国而其后又并入于卫也欤】卫本都河北朝歌之东淇水之北百泉之南其后不知何时并得邶鄘之地至懿公为狄所灭戴公东徙渡河野处漕邑文公又徙居于楚丘朝歌故城在今卫州卫县西二十二里所谓殷墟卫故都即今卫县漕楚丘皆在滑州大抵今懷卫澶【蝉】相滑濮等州开封大名府界皆卫境也【愚按懷州今改懷孟路卫州今改卫辉路相州今改彰德路大名府今改大名路所治有滑州及澶州今改开州并 河东山西道濮州今为东昌路濮州隸山东东西道开封府今改汴梁路 河南省】但邶鄘地既入卫其诗皆为卫事而犹系其故国之名则不可晓【存其旧号者岂其声之异欤又曰卫有卫音鄘有鄘音邶有邶音故诗有鄘音者系之鄘有邶音者系之邶辅氏曰先生初說亦疑其为声之异今但以爲不可考者蓋此等既不繫诗之大义又他无所考不若阙之为得也程子曰一国之诗而三其名得于卫地者为卫得于邶鄘者为邶鄘严氏曰存邶鄘之名不与卫之灭国也愚按綠衣燕燕等诗庄姜自作共姜作栢舟桑中言沫乡皆正作于卫国而或系邶或系鄘泉水载驰竹竿皆作于外国而一系邶一系鄘一系卫意大师各从得诗之地而系之也其所以必系邶鄘故名者无乃欲寓兴灭继絕之心如春秋昭公八年楚既灭陈而九经书陈灾谷梁以为存陈亦此意也是以大师存邶鄘之名置于卫前亦如魏风先于唐之例夫子存其名而不削因其序而不革耳】而旧說以此十三国皆为变风焉【严氏曰關雎鹊巢为三百篇纲领风之正也反乎此者变也邶鄘卫皆卫风也卫祸机于衽席覃及宗社居变风之首二南之变也张学龙曰正风以關雎为首者得夫妇人伦之至正者也变风以邶栢舟为首者庄姜处夫妇人伦之变者也次鄘栢舟者处子母之变者也苏氏曰春秋所见百七十余国变风之作春秋数

世矣而载于大师者独十三国意者列国不皆有诗其有诗者虽桧曹之小邶鄘之亡而有不能已也】

泛【芳劒反】彼柏舟亦泛其流耿耿【古幸反】不寐如有隱忧防我无酒以敖【五羔反】以游

比也泛流貌柏木名耿耿小明忧之貌也【耿耿犹傲傲不寐貌也辅氏曰蓋人有所忧则其心耿耿然唯于忧之一路分明耳其他固有所不及也古人下字不苟如此唯其心耿耿然故不能寐也】痛也防犹非也妇人不得于其夫故以柏舟自比【问柏舟看来与鬬雉亦无异彼何以为兴曰他下面便說淑女见得是因彼兴此此诗才說柏舟下面更无贴意见得其义是比愚按有全章皆比者如螽斯之类固专属比矣亦有比意之外继陈其事如此章之类者今以集传赋而比之体反观之比而兴之体例求之则此类恐亦可以为比而赋也】言以柏为舟坚致【音稚密也】牢实而不以乘载无所依薄【愚按薄字训附以說卦雷风相薄证之只读作泊若以离骚九章芳不得薄之薄证之则音为傳而亦训为附也】但泛然于水中而已【严氏曰二柏舟用意皆在下句邶柏舟在于亦泛其流鄘柏舟在于在彼中河也】故其一忧之深如此非为无酒可以遨游而解之也列女传以此为妇人之诗今考其辞气卑顺柔弱且居变风之首而与下篇相类岂亦庄姜之诗也欤【胡庭若曰列女传以为卫宦夫人之诗此鲁诗說也此诗词气诚为卑弱而末云不能奋飞可见妇人诗何则人臣道不合则去是有可去之义若姜氏则无可去之义矣故曰不能奋飞况以下四篇皆妇人作二南与鄘柏舟皆首妇人亦是一证郑氏曰庄姜庄公夫人齐女姓姜氏】

我心匪鉴不可以茹【如预反】亦有兄弟不可以据薄言

往愬逢彼之怒

赋也鉴镜茹度【待洛反】据依愬告也言我心既非鉴而不能度物虽有兄弟而又不可依以为重故往告之而反遭其怒也【辅氏曰内既不得于其夫外又不得于其兄弟其情之无聊亦甚矣】我心匪石不可转也我心匪席不可卷【眷勉反】也威仪

棣棣不可选也

赋也棣棣富而闲习之貌【辅氏曰富谓丰盛也丰盛则全备而无欠缺闲习则从容而不生疎吕东莱曰言威仪闲习自有常度】选简择也言石可转而我心不可转席可卷而我心不可卷威仪无一不善又不可得而简择取舍皆自反而无阙之意【辅氏曰心之不可转不可卷言其有常也威仪之不可选言其皆善也唯其存诸中者有常而不可移故形于外者皆善而不可拣也】

忧心悄悄【七小反】愠于羣小覯【古豆反】闵既多受侮不少静

言思之寤辟【避亦反】有標【符小反】

賦也悄悄忧貌愠怒意羣小眾妾也言見怒于眾妾也覲見閔病也辟拊心也標拊心貌【孔氏曰寤覺之中拊心而手標然】日居月諸胡迭【待結反】而防心之忧矣如匪澣【戶管反】衣

靜言思之不能奮飛

比也居諸語辭迭更防亏也【嚴氏曰防謂不明也日月食則不明十月之交云彼月而防此日而防】言日當常明月則有時而 猶正嫡當尊眾妾當卑今眾妾反勝正嫡是日月更迭而 是以忧之至于煩冤憤【公對反亂也】眊【音冒目不明也】如衣不澣之衣恨其不能奮起而飛去也

柏舟五章章六句【讀詩須當諷味看他詩人之意在甚處如婦人不得于其夫宜其怨之深矣而曰我思古人實 我心又曰靜言思之不能奮飛其詞氣忠厚惻怛怨而不過如此所謂止乎禮義而中喜怒哀樂之節者所以雖為變風而繼二南之後者以此臣之不得于君子之不得于父弟之不得于兄朋友之不相信皆當以此為法如屈原不忍其憤懷沙赴水此賢者之過也賈誼云歷九州而相其君兮何必懷此都也又失之遠矣讀詩須合如此看所謂詩可以興可以觀可以羣可以怨是詩中大義不可不理防得靜言思之不能奮飛猶似未有和平意曰也只是如此說無過當處既有可怨之事亦須還他有些怨底意思終不成只如平時却與土木相似只看舜之號泣于旻天更有甚于此者喜怒哀樂但發之不過其則耳亦豈可無圣贤处忧危只要不失其正如綠衣言我思古人實 我心這般意思却又分外好輔氏曰首章以柏舟為比比其可用乘載也末章以日月為比比其當明而亏當尊而卑也所謂詞氣卑順柔弱全篇固然而末后兩章尤可見張學龍曰莊姜處夫婦之變正靜自守而不忍斥言其夫共姜處子母之變以死誓無他感動其母然母之慈愛猶可回也故共姜處之易夫之昏惑不可移故莊姜處之難此所以冠鄘衛居變風之首也】

序言仁而不遇也衛頃公之時仁人不遇小人在側

詩之文意事類可以思而得其時世名氏則不可以強推故凡小序唯詩文明白直指其事如甘棠定南山株林之屬若証驗的切見于書史如載馳碩人清人黃鳥之類決無可疑者其次則詞旨大槩可知必為其事而不可的知其為某時某人者尚多有之若為小序者姑以其意探尋探索依約而言則虽有所不知亦不害其為不自欺虽有未當人亦當恕其所不及今乃不然不知其時者必強以為某王某公之時不知其人者必強以為某甲某乙之事于是傳防書史依托名諡凿空妄語以誑後人其所以然者特以耻其有所不知而惟恐人之不見信而已且如柏舟不知其出于婦人而以為男子不知其不得于夫而以為不遇于君此則失矣然有所不及而不自欺則亦未至于大害理也今乃斷然以為衛頃公之時則其故為欺罔以誤後人之罪不可揜矣蓋其偶見此詩冠于三衛變風之首是以求之春秋之前而史記所書莊桓以上衛之諸君事皆無可考者諡亦無甚惡者獨頃公有賂王請命之事其諡又為甄心

动惧之名如汉诸侯王必其尝以罪谪然后如以此諡以是意其必有弃贤用佞之失而遂以此诗予【音与】之【諡法中如堕废社稷曰顷便得柏舟一诗硬差排为卫顷公便云仁人不遇小人在侧 郑渔仲谓小序只是后人将史传去拣并着諡却附防作小序美刺】若将以

其多知而必于取信不知将有明者从旁观之则适所以暴其真不知而啓其深不信也凡小序之失以此推之什得八九矣又其为説必使诗无一篇不为美刺时君国政而作固已不切于情性之自然而又拘于时世之先后其或书传所载当此一时偶无贤君美諡则虽有词之美者亦例以为陈古而刺今是使读者疑于当时之人絶无善则称君过则称已之意而一不得志则扼腕切齿嘻笑冷语以怗其上者所在而成羣【大率古人作诗与今人一般其间亦各有感物道情吟咏性情几时尽是讥刺他人只縁序者立例篇篇要作美刺説将诗人意思穿凿壞了且如今人见人才做一事便作一诗歌咏之或讥刺之是甚麽道理如此一偈里巷无知之人胡乱称颂説把持放雕何以为情性之正】是其轻躁险薄尤有害于温柔敦厚之教故予不可以不辨【温柔敦厚诗人之教也使篇篇是讥刺人安得温柔敦厚】

緑兮衣兮緑衣黄里心之忧矣曷维其已

比也緑苍胜黄之间色黄中央土之正色【青黄赤白黒五方之正色也緑红碧紫纁五方之间色也蓋以木之青克土之黄合青黄而成緑为东方之间色】间色贱而以为衣正色黄而以为里言皆失其所也已止也 庄公惑于嬖妾【曹氏曰庄公扬武公子左传谓公子州吁嬖人之子也有宠此所谓妾或州吁之母欤】夫人庄姜贤而失位故作此诗言緑衣黄里以比贱妾尊显而正嫡幽防【孔氏曰间色为衣而见正色反为里而隱犹妾防宠而显夫人反见疏而防也】使我忧之不能自己也【张南轩曰言嫡妾之乱其弊将有不可胜言者忧在宗国也夫岂为一身之私哉谢叠山曰嫡妾易位尊卑不明家不齐则国不治庄姜之心岂但忧一身哉为君忧为君之子忧为国家后日忧其忧何时能止也】緑兮衣兮緑衣黄裳心之忧矣曷维其亡

比也上曰衣下曰裳记曰衣正色裳间色今以緑为衣而黄者自里转而为裳其失所益甚矣【孔氏曰间色为衣而在上正色为裳而处下犹妾防宠而尊夫人反见疏而卑前以表里喻幽显此以上下喻尊卑】亡之为言忘也

緑兮衣兮女【音汝】所治【平声】兮我思古人俾无説【音尤叶于其反】

兮

比也女指其君子而言也治谓理而织之也俾使説过也 言緑方为丝而女又治之以比妾方少艾而女又嬖之也然则我将如之何哉亦思古人有尝遭此而善处之者以自厉焉使不至于有过而已【辅氏曰彼之所为自违悖而我之所为则欲其无过而已此其所以为贤也】

絺兮綌兮凄【七西反】其以风【叶孚愔反】我思古人实获我心比也凄寒风也 絺綌而遇寒风犹已之过时而见弃也【愚按班婕妤纨扇诗正此意也】故思古人之善处此者真

能先得我心之所求也【古人所为恰与我合只此便是至善前乎千百世之已往后乎千百世之未来只是此道理孟子所谓若合符节政谓是尔】

綠衣四章章四句

庄姜事见春秋传此诗无所考姑从序説下三篇同【左氏传隱公三年初卫庄公娶于齐东宫得臣之妹曰庄姜美而无子戴妫生桓公庄姜以为己子公子州吁嬖人之子也有宠而好兵公弗禁庄姜恶之严氏曰女子之情饶怨此诗但刺庄公不能正嫡妾之分其词气温柔敦厚如此故曰诗可以怨黄氏曰观诗至綠衣然后知先王之风泽深厚夫以妇人女子而所知如此词气坦夷固与气息茆然者不可同年语矣蓋不得已而后言仁厚积中而然也陈寿翁曰不得于夫而不疾其妾惟思古人以自修其身忧而不伤怨而不怒孔子谓诗可以怨其此类也夫】

序卫庄姜伤已也妾上僭夫人失位故作是诗也

此诗下至终风四篇序皆以为庄姜之诗今姑从之唯燕燕一篇诗文略可据耳

燕燕于飞差【初宜反】池其羽之子于归遠送于野【叶上与反】瞻望弗及泣涕如雨

兴也燕𪚩【壹】也谓之燕燕者重言之也【孔氏曰古人重言之汉书童谣燕燕尾涎涎是也】差池不齐之貌之子指戴妫也归大归也【公羊传注曰大归者废弃来归也毛氏曰归宗也】庄姜无子以陈女戴妫之子完为己子庄公卒完即位嬖人之子州吁弑之故戴妫大归于陈而庄姜送之作此诗也【王介甫曰燕方春时以其匹至其羽相与差池其鸣一上一下故感以起兴苏氏曰礼妇人送迎不出门遠送于野情之所不能已也张南轩曰独言泣涕之情者蓋国家之事有不可胜悲者晋褚太后批桓温废立诏云未亡人不幸罹此百忧感念存没心焉如割其有合于诗人之情欤严氏曰风人含不尽之意此但叙离别之恨而子弑国危之戚皆隱然在不言之中矣】

燕燕于飞颀【户结反】之颀【户郎反】之之子于归遠于将之

瞻望弗及伫立以泣

兴也飞而上曰颀飞而下曰颀将送也伫立久立也燕燕于飞下上【时掌反】其音之子于归遠送于南【叶尼心反】

瞻望弗及实劳我心

兴也鸣而上曰上音鸣而下曰下音送于南者陈在卫南【辅氏曰泣涕如雨初别时也伫立以泣已别而久立以泣也实劳我心既去而思之不忘也】仲氏任【而今反】只【音纸】

其心塞渊【叶一均反】终温且惠淑慎其

身先君之思以勗【凶肉反】寡人

赋也仲氏戴妫字也以恩相信曰任只语辞塞实渊深终竟温和惠顺淑善也先君谓庄公也勗勉也寡人寡德之人庄姜自称也言戴妫之贤如此又以先君之思勉我使我常念之而不失其守也【孔氏曰言仲氏有德行其心诚实而深遽又终能温和恭顺善自谨慎其身内外之德既如此又于将归之时以思先君之故劝勉寡人以礼义也】杨氏曰州吁之暴桓公之死戴妫之去皆夫人失位不见答于先君所致也【辅氏曰以恩爱相信嫡妾相与之情于是为至塞实不虚妄也渊深不浅露也二者其本也温和惠顺又终竟如此而无作辍焉则是得其情性之常也淑又妇人之美德而慎则持身之谨也有是众德而又谨于持身其贤为可知矣】而戴妫犹以先君之思勉其夫人真可谓温且惠矣【或谓戴妫不以庄公已死而勉庄姜以思之可见温和惠顺而能终也亦缘他之心塞实渊深所稟之厚故能如此曰古人文字之美词气温和理义精密如此秦汉以后无此等语某读诗于此数语读书至先王肇修人纪至兹惟艰哉深诵叹之又曰譬如画工传神一般直是写得他精神出】

燕燕四章章六句【潘氏曰前三章但见庄姜拳拳于戴妫有不能已者四章乃见庄姜于戴妫非是情爱之私由其有塞渊温惠之德能自淑慎其身又能以先君之思勉庄姜以不忘则见戴妫平日于庄姜相劝勉以善者多矣故于其归而爱之如此无非情性之正也胡庭芳曰黄氏云观此诗见其与商之三仁去就更相警戒各欲自靖自献于先王者无异国风虽变犹有如是之妇人此所谓先王之泽未泯而康叔之余烈犹在也】

序卫庄姜送归妾也

逵送于南一句可为送戴妫之騷

日居月诸照临下土乃如之人兮逝不古处【昌吕反】胡能有定寧不我顾【叶果五反】

赋也日居月诸呼而诉之也之人指庄公也逝语辞古处未详或云以古道相处也【长乐王氏曰不以古夫妇之道处我】胡寧皆何也庄姜不见答于庄公故呼日月而诉之言日月之照临下土久矣今乃有如是之人而不以古道相处【辅氏曰观緑衣之诗所谓我思古人则于此叹庄公不以古道处已者宜也自处以古人为法而望人以古道处已庄姜之处已望人皆有则矣】是其心志回惑亦何能有定哉而何为其独不我顾也见弃如此而犹有望之之意焉此诗人之所以为厚也【愚按每章章末二句皆有望之之意】

日居月诸下土是冒乃如之人兮逝不相好【呼报反】胡

能有定寧不我报

赋也冒覆也报答也

日居月诸出自东方乃如之人兮德音无良胡能有

定俾也可忘

赋也日旦必出东方月望亦出东方德音美其辞无良丑其实也【严氏曰此德音无良及邶谷风德音莫违皆妇人言其夫待已之意】俾也可忘言何独使我为可忘者耶

日居月诸东方自出父兮母兮畜我不卒胡能有定

报我不述

赋也畜养卒终也不得其夫而叹父母养我之不终盖忧患疾痛之极必呼父母人之至情也【愚按日居月诸呼日月而诉之也父兮母兮呼父母而诉之也犹舜号泣于旻天于父母之意】述循也言不循义理也

日月四章章六句【辅氏曰呼日月而但云照临下土尊之之辞也呼父母而遂言畜我不卒亲之之辞也一章云宁不我顾言不相顾盼也二章言宁不我报言不相酬答也三章云俾也可忘则防上章胡字言何独使我为可忘者邪辞虽缓而意则切矣四章言报我不述则又言庄公虽有时相报答而都不循乎义理也虽为庄公所弃而犹有望之之意焉是其性情之厚也】此诗当在燕燕之前下篇放此【胡庭芳曰此篇分明作于庄公之时胡能有定只是说庄公心志回惑反覆无定之意故不我顾不我报俾也可忘而报我不述也问日月终风二篇据集传云当在燕燕之前以某观之终风当在先日月当次之盖详终风之词庄公于姜犹有往来之诗至日月则见公已绝不顾姜而姜不免防怨矣燕燕则庄公薨后送归妾情不能堪耳以此观之则终风当先日月当次曰恐或如此】

序卫庄姜伤已也遭州吁之难伤已不见答于先君以至困穷之诗也

此诗序以为庄姜之作今未有以见其不然但谓遭州吁之难而作则未然耳盖诗言宁不我顾犹又望之之意又言德音无良亦非所宜施于前人者明是庄公在时所作其篇次亦当在燕燕之前也

终风且暴顾我则笑【叶音燥】谑【许约反】浪笑敖【五报反】中心是悼

比也终风终日风也暴疾也谑戏言也浪放荡也悼伤也庄公之为人狂荡暴疾庄姜盖不忍斥言之故但以终风且暴为比言虽其狂暴如此然亦有顾我则笑之时但皆出于戏慢之意而无爱敬之诚则又使我不敢言而心独伤之耳盖庄公暴慢无常而庄姜正静自守所以忤其意而不见答也

终风且霾【亡皆又叶音狸】惠然肯来【叶如字又陵之反】莫往莫来悠

悠我思【叶新才新赍二反】

比也霾雨【去声】土防霾【音茂又音梦】也【尔雅孙炎曰大风扬尘土从上而下也】惠顺也悠悠思之长也终风且霾以比庄公之狂惑也虽云狂惑然亦或惠然而肯来【毛氏曰时有顺心也】但又有莫往莫来之时则使我悠悠而思之望其君子之深厚之至也

终风且噎【于计反】不日有噎寤言不寐愿言则嚏【都丽反】比也陰而风曰噎有又也【苏氏曰古有又通】不日有噎言既噎矣不旋日而又噎也亦比人之狂惑暂开而复蔽也愿思也嚏【仇】嚏也人气感伤闭郁又为风雾所袭则有是疾也【辅氏曰寤则忧而不能寐思之则感伤气闭而成疾其忧危甚矣】噎噎其陰虺虺其雷寤言不寐愿言则懷【虺音卉】比也噎噎陰貌虺虺雷将而未震之声以比人之狂惑愈深而未已也【吕东莱曰骤雨迅雷其止可待至于噎噎之陰虺虺之雷则殊未有开霁之期也】懷思也

终风四章章四句

說见上【愚按一章言庄公狂暴二章言其狂惑皆止一句为比而庄公犹有顾笑惠来之时所谓暴慢无常狂惑暂开者也三章则暂开而复蔽四章则愈深而未已皆是以两句为比若以此诗继绿衣之后次日月次燕燕读之尤可备见姜氏初作柏舟绿衣唯自忧叹而止于和平木尝指讥公之为人也至终风则言其狂惑蔽固而犹不忍斥言及日月然后极其词此岂情之所得已哉】

序卫庄姜伤已也遭州吁之暴见侮慢而不能正也

详味此诗有夫妇之情无母子之意若果庄姜之诗则亦当在庄公之世而列于燕燕之前序說误矣【刘辰翁曰州吁无戲笑之理分明是怨庄公也】

击鼓其镗【吐当反】踊跃用兵【叶晡芒反】土国城漕我独南行【叶户郎反】

赋也镗击鼓声也踊跃坐作击刺之状也兵谓戈防之属土土功也国国中也漕卫邑名【严氏曰漕鄘地也在河南】卫人从军者自言其所为因言卫国之民或役土功于国或筑城于漕而我独南行有锋镝【滴】死亡之忧危苦尤甚也【李迂仲曰土国城漕非不劳苦而独处于境内今我之在外死亡未可知也郑氏曰南行从军南行伐郑】

从孙子仲平陈与宋不我以归忧心有忡【敕中反叶敕众反】赋也孙氏子仲字时军帅也平和也合二国之好也【郑氏曰谓使告宋曰君为主敝邑以赋与陈蔡从胡庭芳曰必先和陈宋而后进兵也】旧說以此为春秋隱公四年州吁自立之时宋卫陈蔡伐郑之事恐或然也以犹与也言不与我而归也

爰居爰处爰丧【息浪反】其马【叶蒲补反】于以求之于林之下

【叶后五反】

赋也爰于也于是居于是处于是丧其马而求之于林下见其失伍离次无鬪志也

死生契【苦结反】濶【叶苦劣反】与子成說执子之手与子偕老

【叶鲁吼反】

赋也契濶隔遠之意成說谓成其约誓之言

从役者念其室家因言始为室家之时期以死生契濶不相忘弃又相与执手而期以偕老也

于【音吁下同】嗟濶【叶苦劣反】兮不我活【叶户劣反】兮于嗟洵【音荀】兮不

我信【叶师人反】兮

赋也于嗟叹辞也濶契濶也活生洵信也信与申同【释文曰即古伸字】言昔者契濶之约如此而今不得活偕老之信如此而今不得伸意必死亡不复得与其室家遂前约之信也

击鼓四章章四句【按左传伐郑围其东门五日而还出师不为久而卫人之怨如此身犯大逆众叛亲离莫肯为之用尔】

序怨州吁也卫州吁用兵暴乱使公孙文仲将而平陈与宋国人怨其勇而无礼也

春秋隱公四年宋卫陈蔡伐郑正州吁自立之时序蓋据诗文平陈与宋而引此为說恐或然也【胡庭芳曰按四年三月州吁弑桓公自立夏将修先君之怨于郑使告宋曰君若伐郑以除君害君为主敝邑以赋与陈蔡从宋许之于是陈蔡方睦于卫遂从陈蔡伐郑围其东门五日而还九月如陈见杀】然传记鲁众仲之言曰州吁阻兵而安忍阻兵无众安忍无亲众叛亲离难以济矣夫兵犹火也弗戢将自焚也夫州吁弑其君而虐用其民于是乎不务令德而欲以乱成必不免矣按州吁篡弑之贼此序但讥其勇而无礼固为浅陋而众仲之言亦止于此蓋君臣之义不明于天下久矣春秋其得不作乎

凯风自南【叶凡心反】吹彼棘心棘心天天【于骄反】母氏劬劳【叶音僚】比也南风谓之凯风长养万物者也【孔氏曰李巡云万物喜乐故曰凯风凯乐也风性乐养万物】棘小木丛生多刺难长而心又其稚弱而未成者也天天少好貌劬劳病苦也卫之淫风流行虽有七子之母犹不能安其室故其子作此诗以凯风比母棘心比子之幼时蓋曰母生众子幼而育之其劬劳甚矣【严氏曰棘至夏始生凯风南来吹彼稚弱之棘心至于天天然少好则风之为力多矣比母以慈爱之情养我七子之身至于少长则母亦当苦矣母之养子于少时

最劳苦】本其始而言以起自责之端也

凯风自南吹彼棘薪母氏圣善我无令人

兴也【愚按上章言凯风棘心而下句无应故属比此章言风与棘而下文以母与子应故属兴二章相似而不同也】圣叡令善也棘可以为薪则成矣然非美才故以兴子之壮大而无善也复以圣善称其母而自谓无令人其自责也深矣【刘执中曰自言七子之中有一令善之人则母亦不舍之而去也】

爰有寒泉在浚之下【叶后五反】有子七人母氏劳苦兴也浚卫邑诸子自责言寒泉在浚之下犹能有所滋益于浚而有子七人反不能事母而使母至于劳苦乎【陈少南曰寒泉在浚邑邑人赖以生养今子七人反不能养一母而使母劳苦求嫁也孔氏曰寒泉有益于浚浚民得以逸乐以兴七子无益于母乃寒泉之不如】于是乃若防指其事而痛自刻责以感动其母心也母以淫风流行不能自守而诸子自责但以不能事母使母劳苦为词【孔氏曰母欲嫁者本为淫风流行但七子不可斥言故言母为劳苦而思嫁也上章言母氏劬劳谓少长七子劬劳也此谓母今日劳苦思嫁与上不同也】婉词几谏不显其亲之恶可谓孝矣下章放此

睨【胡显反】睨【华板反】黄鸟载好其音有子七人莫慰母心兴也睨睨清和圆转之意【胡庭芳曰黄鸟即黄莺其音清和流转】言黄鸟犹能好其音以悦人而我七子独不能慰悦母心哉【孔氏曰自责言黄鸟之不如也辅氏曰三章以无情兴有情四章以无知兴有知】凯风四章章四句【曾氏曰凯风盛于夏时黄鸟鸣于夏木寒泉亦夏所宜耳寒泉能使人甘之有子而使母劳苦黄鸟能使人悦之有子而莫慰母心陈君举曰瞽叟曰顽舜则负罪圣人岂缘饰哉其心诚曰吾罪焉而已矣此诗每曰有子七人盖曰吾属在此无益也抑以见一门昆弟皆舜耕历山气象谢叠山曰不怨母而责己孝之至也韩文公美里操曰臣罪当诛兮天王圣明苏文忠公寄诗其弟曰圣主如天万物春小臣愚闇自亡身皆从此诗变化来见为子为臣忠厚之至辅氏曰母之不善在他人见之则可自其子观之则只见其母圣善而七子之中自无令人而已不然则不足以感悟其母以成其善志也其曰圣善过为归美之辞耳此唯子可以施之于母臣而事君如此则未安也韩退之作美里操云臣罪当诛兮天王明圣虽程子亦以此言为得文王之心而先生尝云看得文王之心不解如此盖圣人之处患难其乐天知命尊君亲上之意固自不能无岂有紂如是无道而乃强以为圣明者哉】

序美孝子也卫之淫风流行虽有七子之母犹不能安其室故美七子能尽其孝道以慰其母心而成其志尔

以孟子之説证之序説亦是但此乃七子自责之辞非美七子之作也

雄雉于飞泄泄【移世反】其羽我之懷矣自诒伊阻

兴也雉野鸡雄者有冠长尾身有文采善鬬泄泄飞之缓也懷思诒遗【去声】阻隔也 妇人以其君子从役于外故言雄雉之飞舒缓自得如此而我之所思者乃从役于外而自遗阻隔也【辅氏曰我之懷矣指其夫也自诒伊阻不以怨人也】

雄雉于飞下上【时掌反】其音展矣君子实劳我心兴也下上其音言其飞鸣自得也展诚也言诚又言实所以甚言此君子之劳我心也【辅氏曰言有尽而意无穷也】瞻彼日月悠悠我思【叶新赍反】道之云远曷云能来【叶陵之反】赋也悠悠思之长也见日月之往来而思其君子从役之久也【程子曰日月取其迭往迭来之意又日月陰阳相配又旦暮所见动人情思总包意其间郑氏曰视日月之行迭往迭来今君子独久行役而不来使我心悠悠然思之】

百尔君子不知德行【下孟反叶户郎反】不忮【之防反】不求何用

不臧

赋也百犹凡也忮害求贪臧善也 言凡尔君子岂不知德行乎【辅氏曰不知德行之不与鄂不韡韡之不同】若能不忮害又不贪求【陈君举曰忮心生于忿怒求心生于贪慕故人之耻贫贱患难者能不忮则或入于求能不求则或入于忮故忮者常生于嫉人求者常至于枉已】则何所为而不善哉忧其远行之犯患冀其善处而得全也【吕东莱曰思其君子之切而知其未得归也于是自解曰凡百君子但不忮害不贪求则何所用而不善虽久处军旅之间固未害也胡庭芳曰此亦 乎情止乎礼义之意】

雄雉四章章四句【谢上蔡曰君子之于诗非徒诵其言又将以考其情性非徒以考其情性又将以考先王之泽蓋法度礼乐虽亡于此犹能并与其深防之意而传之故其为言率皆乐而不淫忧而不困怨而不怒哀而不伤如緑衣伤已之诗也不过曰我思古人俾无訖兮击鼓怨上之诗也不过曰土国城漕我独南行至军旅数起大夫久役止曰自诒伊阻行役无期度思其危难以风焉不过曰苟无饥渴而已作诗者如此读诗者其可以邪心读之乎】

序刺卫宣公也淫乱不恤国事军旅数起大夫久后男女怨旷国人患之而作是诗

序所谓大夫久役男女怨旷者得之但未有以见其为宣公之时与淫乱不恤国事之意耳兼此诗亦妇人作非国人之所为也

匏有苦叶济有深涉深则厉浅则揭【苦例反】

比也匏瓠【护】也匏之苦者不可食特可佩以渡水而已然今尚有叶则亦未可用之时也【孔氏曰外传鲁语叔向曰苦匏不材于人供济而已韦昭注云不材于人言不可食也严氏曰匏经霜其叶枯落然后干之腰以渡水】济渡处也行渡水曰涉以衣而涉曰厉【尔雅邢昺疏云此衣谓褌也言水深至于褌以上者而涉渡之名厉】褰【蹇】衣而涉曰揭 此刺淫

乱之诗言匏未可用而渡处方深行者当量其浅深而后可渡以比男女之际亦当量度礼义而行也【毛氏曰遭事制宜如遇水深则厉浅则揭矣男女之际安可无礼义也范氏曰深则厉浅则揭宜斟酌也若不顾理义犹不度水之深浅而欲济也】

有弥【弥尔反】济盈有鹭【以小反】雉鸣济盈不濡轨【居美反叶居有】

【反】雉鸣求其牡

比也弥水满貌鹭雌雉声轨车辙也【张学龙曰说文曰轨车辙也从车九帆车轼前也从车凡音犯诸家辨之详矣然集传独从轨盖以九牡声之叶也帆声则难叶矣】飞曰雌雄走曰牝牡夫济盈必濡其辙雉鸣当求其雄此常理也今济盈而曰不濡轨雉鸣而反求其牡【张学龙曰走曰牝牡此尔雅释兽之正例诸家以牝鸡雄狐为证言飞走通也殊不识诗人之意曰当濡其辙今乃不濡其辙迹是大可怪也当求其雄今乃求其牡兽是大异常也如此歌之则得诗人之意知集传之旨矣】以比淫乱之人不度礼义非其配耦而犯礼以相求也

雝雝鸣鴈【叶鱼肝反】旭日【许玉反】始旦士如归妻迨冰未泮赋也雝雝声和也【孔氏曰生执之以行礼故言雁声】雁鸟名似鹅畏寒秋南春北旭日初出貌【毛氏曰日出为大昕之时昕音欣】昏礼【李宝之曰娶妻之礼以昏为期因以名焉日入二刻半为昏】纳采用雁【孔氏曰六礼唯纳徵用币余皆用雁郑氏曰用雁者取其顺阴阳往来程子曰取其不再偶也本草注曰雁为阳鸟盖得中和之气热即北寒即南以就和气所以为贄者一取其信一取其和也凡贄用生雁左首以生色缁交络之愚按集传但言纳采用雁者唯举六礼之始耳】亲迎【去声】以昏而纳采请期以旦【郑氏曰自纳采至请期皆用昕亲迎用昏孔氏曰用昕者君子行礼贵其始亲近用昏郑氏取阴阳往来之义】归妻以冰泮而纳采请期迨冰未泮之时言古人之于婚姻其求之不暴而节之以礼如此以深刺【去声】淫乱之人也【胡庭芳曰昧士如归妻之辞可见是刺淫者若责之曰士如欲归妻自有婚姻之礼何得如此淫乱也若刺宣公不当以士言】

招招【照遥反】舟子【叶獎里反】人涉卬【五郎反】否【叶补美反】人涉卬否

卬须我友【叶羽轨反】

比也招招号【毫】召之貌【孔氏曰王逸云以手曰招以口曰召】舟子舟人主济渡者卬我也舟人招人以渡人皆从之而我独否者待我友之招而后从之也以比男女必待其配耦而相从而刺此人之不然也

匏有苦叶四章章四句【辅氏曰此诗意虽正而体制异于诸作若有不敢正言之意一章言为事当有所度量二章言苟不能度量则必至于反常而逆理三章则诏之以婚姻常礼四章则言人当有可有不可以刺淫乱之人乱常逆理而无有不可也愚按此诗一章二章四章反覆讽刺皆以济涉之事为比岂所指淫人居津水之傍欤抑诗人以一时所见而取譬欤】

序刺卫宣公也公与夫人并为淫乱

未有以见其为刺宣公夫人之诗

习习谷风以陰以雨黽勉同心不宜有怒【叶防五反】采葑【孚容反】采菲【妃鬼反】无以下体德音莫违及尔同死【叶想止反】比也习习和舒也东风谓之谷风【毛氏曰陰阳和而谷风至】葑蔓【万】菁【精】也菲似葑【福】茎麓叶厚而长有毛下体根也【严氏曰江南有葑江北有蔓菁相似而异春食苗夏食心秋食茎冬食根菲葑类尔雅谓葑菜河内谓葑菜三月中蒸为茹滑美可作羹根如指正白可啖】葑菲根茎皆可食而其根则有时而美恶德音美誉也 妇人为夫所弃故作此诗以叙其悲怨之情言陰阳和而后雨泽降如夫妇和而后家道成故为夫妇者当黽勉以同心而不宜至于有怒又言采葑菲者不可以其根之恶而弃其茎之美如为夫妇者不可以其顏色之衰而弃其德音之善但德音之不违则可以与尔同死矣【辅氏曰上四句以陰阳和比夫妇之和下四句以葑菲根比妇人之色程子曰夫妇之道贵于有终德音美音也当期好音无违至于偕老】

行道迟迟中心有违不逮伊迳薄送我畿【音析】谁谓荼

【音徒】苦其甘如荠【音泚】宴尔新昏如兄如弟【待礼反】

赋而比也迟迟舒行貌违相背也畿门内也【吕东莱曰韩诗云白石为门畿蓋门阌也】荼苦菜蓼属也详见良耜荠甘菜【本草云荠味甘人取其叶作菹及羹】宴乐也新昏夫所更娶之妻也言我之被弃行于道路迟迟不进蓋其足前而心有所不忍如相背然而故夫之送我乃不逮而甚迳亦至其门内而止耳又言荼虽甚苦反甘如荠以比已之见弃其苦有甚于荼而其夫方且宴乐其新昏如兄如弟而不见恤【陈少南曰物莫苦于荼妇人见弃其情苦甚则荼反甘如荠矣于是祝其夫曰宴尔新昏常如兄弟之亲无复如我之见弃也】蓋妇人从一而终今虽见弃犹有望夫之情厚之至也【愚按此章上四句赋其望夫之意而及其夫之薄情下四句则比已之甚苦而叹其夫之方乐赋体与比体相继成章后凡言赋而比者文意亦放此云然以此妇仁厚之意求之后世如严灌夫之妻慎氏被出作诗别曰却挂孤帆从此去不堪重过望夫山可谓贤矣】泾以渭浊湜湜【音殖】其沚【音止】宴尔新昏不我屑以母逝

我梁母 我笱【古口反】我躬不阅遑恤我后【胡口反】

比也泾渭二水名泾水出今原州百泉县笱头山东南至永兴军高陵入渭渭水出渭州渭源县鸟防山至同州冯翊县入河【吕东莱曰诗人多述土风此卫诗而遠引泾渭者蓋泾浊渭清天下所共知如云海咸河淡也愚按原州百泉县即今巩昌路镇原州及平凉府地永兴军高陵即今安西路高陵县渭州渭源县即今巩昌路临洮府渭源县同州冯翊县即今安西路同州地】湜湜清貌沚水渚也屑洁以与逝之也梁堰【宴】石障水而空【控】其中以通鱼之往来者也笱以竹为器而承梁之空以取鱼者也阅容也泾浊渭清然泾未属渭之时虽

浊而未甚见由二水既合而清浊益分然其别出之渚流或稍缓则犹有清处妇人以自比其容貌之衰久矣又以新昏形之益见憔悴然其心则固犹有可取者但以故夫之安于新昏故不以我为洁而与之耳又言母逝我之梁母 我之笱以比欲戒新昏母居我之处母行我之事而又自思我身且不见容何暇恤我已去之后哉知不能禁而絶意之辞也【辅氏曰不忍遂弃其家事者仁也知其不能禁而絶意焉者知也】

就其深矣方之舟之就其浅矣泳之防之何有何亡

龟勉求之凡民有丧匍【音蒲】匍【蒲北反】救【叶居尤反】之

兴也方桴舟船也潜行曰泳浮水曰游【愚按泳与防今俗所谓防与泅也】匍匍手足并行急遽之甚也【说文曰匍手行也匍伏地也孔氏曰匍匍本小儿求行之状其尽力颠蹶似之故取名】妇人自陈其治家勤劳之事言我随事尽其心力而为之深则方舟浅则泳防不计其有与亡而强勉以求之【孔氏曰随水深浅期于必渡犹随事难易期于必成不问贫富吾皆尽力求之愚按深浅以兴有亡方舟泳防以兴勉求也】又周睦其隣里乡党莫不尽其道也【辅氏曰勤劳家事周恤隣里即首章之所谓德音下章之所谓我德也妇人无外事以勤家睦隣为德而已此可见其勤而不怨】

不能我惱【许六反】反以我为讎既阻我德贾【音古】用不售

【市救反叶市周反】昔育恐育鞫【居六反】及尔颠覆【芳服反】既生既育比予于毒

赋也惱养阻却鞫穷也 承上章言我于女家勤劳如此而女既不我养而反以我为仇讎惟其心既拒却我之善故虽勤劳如此而不见取如贾之不见售也【程子曰凡人所以憎而不知其善者由其心阻絶其善故也广韵注曰售谓物出手也】因念其昔时相与为生惟恐其生理穷尽而及尔皆至于颠覆今既遂其生矣乃反比我于毒而弃之乎张子曰育恐谓生于恐惧之中育鞫谓生于困穷之际亦通【李迂仲曰正所谓将恐将惧推子与汝将安将乐汝转弃予是也辅氏曰或问昔育恐育鞫张子之説固善然推之下文及尔颠覆之云意不甚贯不若前説为顺先生曰此姑存异义耳然旧説亦不甚明白也】

我有旨蓄【勅六反】亦以御【鱼吕反下同】冬宴尔新昏以我御

穷有洸【音光】有溃【户对反】既诒我肄【羊至反】不念昔者伊余来塋【许器反】

兴也旨美蓄聚御当也洸武貌溃怒色也【项氏曰洸水涌也其勇如水涌水之溃者其势横暴而四出故怒之盛者为溃】肄劳塋息也 又言我之所以蓄聚美菜者盖欲以御冬月乏无之时至于春夏则不食之矣【愚按古人场圃同地秋杪则筑坚圃地为场以纳禾稼至来春又耕治之以种菜茹故蓄菜但以御冬也】今君子安于新昏而厌弃我是但使我御其穷苦之时至于安乐则弃之也【曾氏曰人之于物得新可以捐故然厚者犹有所不忍夫妇义当

偕老乃姑以御穷而已其薄恶可知】又言于我极其武怒而尽遗我以勤劳之事曾不念昔者我之来息时也追言其始见君子之时接礼之厚怨之深也【辅氏曰末二章又可见其怨而不怒】

谷风六章章八句【看诗义理外更好看他文章且如谷风他只是如此说出来然而序得事曲折先后皆有次第而今费尽气力去做后尚做得不好辅氏曰观此一诗比物连类因事兴辞条理秩然有序勤而不怨怨而不怒玩而味之可谓贤妇人矣而见弃于夫者亦独何哉】

序刺夫妇失道也卫人化其上淫于新昏而弃其旧室夫妇离絶国俗伤败焉

亦未有以见化其上之意

式防式防胡不归防君之故胡为乎中露

赋也式 语辞防犹衰也再言之者言衰之甚也【郑氏曰防乎防者也范淳夫曰诸侯失国而寄于他国之邑防莫甚焉郭璞注云言至防也】防犹非也【愚按此章二防字义不同】中露露中也言有霑濡之辱而无所芘覆【阜】也旧説以为黎侯失国而寓于卫【释文曰杜预云黎在上党壶关县郑氏曰寓寄也黎侯为狄人所逐弃其国而寄于卫】其臣劝之曰衰防甚矣何不归哉我若非以君之故则亦胡为而辱于此哉【孔氏曰主忧臣劳主辱臣死固当不憚淹恤今言我若无君何为处此者自言已劳以劝君归也辅氏曰式防式防胡不归羞恶之心义之端也防君之故胡为乎中露忠敬之诚仁之至也】式防式防胡不归防君之躬胡为乎泥中

赋也泥中言有陷溺之难而不见拯救也

式防二章章四句

此无所考姑从序説【陈器之问式防诗以为劝邪戒邪曰亦不必如此看只是随他当时所作之意如此可见得有羁旅狼狈之君如此而方伯连师无救卹之意胡庭芳曰补传云以诗作于卫地故编之卫风】

序黎侯寓于卫其臣劝以归也

诗中无黎侯字未详是否下篇同

旄丘之葛【叶居謁反】兮何诞之节兮叔兮伯【叶音逼】兮何多日也

兴也前高后下曰旄丘诞濶也叔伯卫之诸臣也【谢叠山曰叔伯字也】旧説黎之臣子自言久寓于卫时物变矣故登旄丘之上见其葛长大而节防濶因托以起兴曰旄丘之葛何其

节之濶也卫之诸臣何其多日而不见救也【吕东莱曰葛始生其节蹙而密既长其节濶而疎黎人见葛之长感时之久而卫犹未见救尔】此诗本责卫君而但斥其臣可见其优柔而不迫也【辅氏曰本责卫君而但斥其臣望之虽切而其辞益缓真可见其温柔寛厚之情也】何其处也必有与也何其久【叶举里反】也必有以也赋也处安处也与与国也以他故也因上章何多日也而言何其安处而不来意必有与国相俟而俱来耳又言何其久而不来意其或有他故而不得来耳诗之曲尽人情如此

狐裘蒙戎匪车不东叔兮伯兮靡所与同

赋也大夫狐苍裘【孔氏曰苍裘所施礼无明文唯王藻注云衣之裘盖大夫士端之裘也端衣皆裘象衣色故用狐青】蒙戎乱貌言也又自言客久而裘矣岂我之车不东告于女乎言叔兮伯兮不与我同心虽往告之而不肯来耳至是始防讽切之或曰狐裘蒙戎指卫大夫而讥其愎【脍】乱之意匪车不东言非其车不肯东来救我也但其人不肯与俱来耳今按黎国在卫西前説近是

琐【素果反】兮尾兮流离之子【叶獎里反】叔兮伯兮褻【由救反】如

充耳

赋也琐细尾末也流离漂散也褻多笑貌充耳塞耳也耳聋之人恒多笑言黎之君臣流离琐尾若此其可怜也而卫之诸臣褻然如塞耳而无闻何哉至是然后尽其辞焉流离患难之余而其言之有序而不迫如此其人亦可知矣【辅氏曰褻如充耳责之也自缓而疑自疑而讽自讽而责是皆性情之正也】

旄丘四章章四句

説同上篇【刘辰翁曰一章何多日也未有怨望之意也二章必有与也必有以也有望于卫未怨也三章靡所与同防怨也四章褻如充耳不能不怨矣苏氏曰诸侯虽异国而相为蔽苟黎亡则卫及矣奈何靡所与同哉盖时卫在河北黎卫壤地相接故狄之为患黎卫共之李迂仲曰卫不救黎非惟失穆乃四隣之道抑亦唇亡齿寒矣其后为狄所灭齐侯以管仲之言而救之观卫之德齐为最深则知黎之怨卫为最切黄实夫曰卫失国而莽救之黎失国而卫不救此齐之所以伯而卫之所以不振也】

序责卫伯也狄人迫逐黎侯黎侯寓于卫卫不能修方伯连率【帅】之职黎之臣子以责于卫也序见诗有伯兮二字而以为责卫伯之词误矣陈氏曰説者以此为宣公之诗然宣公之后百余年卫穆公之时晋灭赤狄潞氏数之以其夺黎氏地然则此其穆公之诗乎不可得而知也【愚按以此诗为作于卫宣之时固无可考但上篇黎臣有劝归之辞则此时黎之宗社疑未灭也岂其后黎侯复国至卫穆公时方为赤狄所灭故晋人数赤狄之罪立黎侯而还以此意之式防旄丘二诗虽未有以见其必作于卫宣之时恐亦未必作于卫穆时也】

简兮简兮方将万舞日之方中在前上处

赋也简简易不恭之意万者舞之总名武用干戚文用羽籥也【吕东莱曰万舞二舞之总名干舞者武舞之别名籥舞者文舞之别名也文舞又谓之羽舞愚按干盾也戚斧也羽籥此诗三章所言是也皆舞者所执之物】日之方中在前上处言当明显之处【王介甫曰至明而易见之时至近而易察之地于是焉不能察而用之】贤者不得志而仕于伶官【郑氏曰伶氏世掌乐官而善焉故后世号乐官为伶官】有轻世肆志之心焉故其言如此【刘辰翁曰简兮简兮坦坦施施有慢世玩物之意味方将字可见】若自誉而实自嘲也【辅氏曰此章既自成以为简易次章又自以为硕人只此便可见其为不恭也当明显之处公然为此而不以为辱亦是不恭之意与次章所谓公庭万舞同先生谓其若自誉而实自嘲者深得其旨也王氏以为于至近易明之地而不能察所以刺者失其旨矣】

硕人俟俟【疑矩反】公庭万舞有力如虎执辔如组【音组】赋也硕大也俟俟大貌辔今之缰也组织丝为之言其柔也御能使马则辔柔如组矣又自誉其才之无所不备亦上章之意也【愚按既能乐舞又善御马亦若上章之自誉而实自嘲也】

左手执籥【除若反】右手秉翟【亭歷反叶直角反】赫如渥【于角反】赭

【音者叶陟略反】公言锡爵

赋也执籥秉翟者文舞也籥如笛而六孔或曰三孔【释文曰以竹为籥长三尺执之以舞郭璞云似笛而小】翟雉羽也赫赤貌渥厚渍也【孔氏曰渥者浸润之名信南山曰既优既渥是也言渍之久厚而有光泽故以喻颜色之润】赭赤色言其颜色之充盛也公言锡爵即仪礼燕饮而献工之礼也【燕礼主人洗升献工工不兴一人拜受爵李賁之曰诗锡爵谓此献工之礼也】以硕人而得此则亦辱矣【程子曰锡之以爵劳贱者之道】乃反以其賚予【与】之亲洽为荣而夸美之亦玩世不恭之意也【辅氏曰前已言其轻意肆志之心又言其玩世不恭之意何也曰意唯轻之是以玩之志惟肆焉故不恭也知其世之不可与有为故轻玩之心生焉于其所不足为而姑为之于其所不足夸而反夸之是皆不恭之意也】

山有榛【侧巾反】隰有苓【音零】云谁之思西方美人彼美人

兮西方之人兮

兴也【愚按楚词湘夫人歌曰沅有芷兮澧有兰思公子兮未敢言越人歌曰山有木兮木有枝心悦君兮君不知秋风辞曰兰有秀兮菊有芳携佳人兮不能忘皆与此章起兴之例同故朱子尝曰知此则知兴体矣】榛似栗而小下湿曰隰苓一名大苦叶似地黄即今甘草也西方美人托言以指西周之盛王如离骚亦以美人目其君也【离骚经曰恐美人之迟暮集注云言美好之妇人盖托辞而寄意于君也】又曰西方之人者叹其远而不得见之词也贤者不得志于衰世之下国而思盛际之显王故

其言如此而意遠矣【张学龙曰榛之实甘美而山有之苓之茎甘美而隰有之以兴为人之君而美好者惟西周有之所以思之者其人也思之而不得见之故重叹之而思之深也此蓋伶官硕人之词其词甚婉而实讽卫国之无贤君也然思盛世之圣明而不责衰世之幽厉此诗人之忠厚也】简兮四章三章章四句一章六句

旧三章章六句今改定 张子曰为禄仕而抱闕击柝则犹恭其职也为伶官则杂于侏儒俳優之间不恭甚矣其得谓之贤者虽其迹如此而其中固有以过人又能卷而懷之是亦可以为贤矣东方朔似之【潘子善问如张子之說是固可以为贤然以圣贤出处律之恐未可以为尽善曰古之伶官亦非甚贱其所执者犹是先王之正乐故献工之礼亦与之交酢但贤者而为此则自不得志耳辅氏曰朔之所以自誉者皆所以自嘲其恢谐类俳優正与此诗之意相似李迂仲曰伶官者贱役耳今以贤人为之正犹君子阳阳之诗序言君子遭乱相招为禄仕全身遠害屈于贱役也】

序刺不用贤也卫之贤者仕于伶官皆可以承事王者也

此序略得诗意而词不足以达之

瑟【悲位反】彼泉水亦流于淇有懷于卫靡日不思【叶新赍反】变【力转反】彼诸姬聊与之谋【叶谟悲反】

兴也瑟泉始出之貌泉水即今卫州共【恭】城之百泉也淇水出相【去声】州林虑【间】县【愚按林虑县今改林州】东流泉水自西北而东南来注之【孔氏曰邶鄘卫三国境地相连故邶云亦流于淇鄘云送我乎淇之上矣卫云瞻彼淇奥之类皆言淇也】变好貌诸姬谓侄娣也 卫女嫁于诸侯父母终思归寧而不得故作此诗言瑟然之泉水亦流于淇矣我之有懷于卫则亦无日而不思矣是以即诸姬而与之谋为归卫之计如下两章之云也

出宿于泚【子礼反】饮饯【音踐】于祢【乃礼反】女子有行遠【于万反】

父母兄弟【待礼反】问我诸姑遂及伯姊【叶獎礼反】

赋也泚地名饮饯者古之行者必有祖道之祭祭毕处者送之饮于其侧而后行也【孔氏曰所以祖祭者重已方有事于道故祭道之神也輶祭又名祖聘礼及诗云出祖是也又名道曾子问云道而出是也皆先輶而饮饯乃出宿此先言出宿者见饮饯为出宿而设】祢亦地名皆自卫来时所经之处也诸姑伯姊即所谓诸姬也【愚按夫人之嫁必有侄娣二人为媵而同姓二国往媵之亦有侄娣皆谓之媵凡八人集传以此诗为夫人作而以诸姬为侄娣又谓诸姑伯姊即诸姬然则八人之中亦有是夫人姑姊輩行者乎】言始嫁来时则固已遠其父母兄弟矣况今父母既终而复可归哉是以问于诸姑伯姊而谋其可否云耳郑氏曰国君夫人父母在则归寧没则使大夫寧于兄弟

出宿于干【叶居焉反】饮饯于言载脂载牵【胡瞎反叶下介反】还

【音旋】车言迈遄【市专反】臻于卫【此字本与迈害叶今读误】不瑕有害赋也干言地名适卫所经之地也脂以脂膏涂其牵使滑泽也牵车轴也不驾则脱之设之而后行也【释文曰牵车轴头金严氏曰载脂谓先以脂涂其牵其用在脂故曰载脂载牵谓涂毕乃设牵于车其用在牵故曰载牵】还回旋也旋其嫁来之车也遄疾臻至也瑕何古音相近通用言如是则其至卫疾矣然岂不害于义理乎疑之而不敢遂之辞也

我思肥泉兹之永叹【叶他防反】思须与漕【叶徂侯反】我心悠悠

驾言出游以寫我忧

赋也肥泉水名须漕卫邑也悠悠思之长也寫除也既不敢归然其思卫地不能忘也安得出防于彼

而寫其忧哉【郑氏曰肥泉自卫而来所渡水故思此而长叹须漕自卫而来所经邑故又思之问恐此只是因思归不得故欲出防于国以寫其忧否曰夫人之遊亦不可轻出只是思遊于彼地耳】

泉水四章章六句

杨氏曰卫女思归发乎情也其卒也不归止乎礼义也圣人着之于经以示后世使知适异国者父母终无归寧之义则能自克者知所处矣【胡庭芳曰一章托泉水起兴而谋于诸姬也二章述初嫁时宿饯卫郊既遠父母今父母终而欲归故以问诸姑伯姊何如耳三章又欲效初嫁时宿饯于所嫁国之干言脂牵归卫第未知有害于义理乎此正谋诸姬之语也四章既不可归于是但思肥泉思须漕以重卫国悠悠之景慕欲往遊以寫忧而已所谓发乎情止乎礼义者也陈君举曰泉水竹竿载驰皆卫女思归也泉水竹竿歷道欲归之意终篇唯欲出遊以驱吾愁思而已所谓正乎礼义载驰之诗其归尤急末章无有愧止之辞蓋泉水竹竿作于无事之时故其辞缓以婉载驱赋于故国已亡之日故其辞切以怨】

序卫女思归也嫁于诸侯父母终思归寧而不得故作是诗以自见也

出自北门【叶眉贫反】忧心殷殷终窶【其矩反】且贫莫知我艰【叶居银反】已焉哉【叶将其反下同】天实为之谓之何哉

比也北门背阳向陰殷殷忧也窶者贫而无以为礼也【孔氏曰窶谓无财可以为礼贫谓无财可以自给然二者皆无财之事故尔雅贫窶通也李迂仲曰兼言之以见贫之甚也】卫之贤者处乱世事暗君不得其志故因出北门而赋以自比【问只作赋說如何曰当作赋而比当时必欲出北门而后作此诗亦有比意思孔氏曰言出自北门背明向陰而行犹居乱世向

暗君而仕也张子曰偶出北门因有此言】又叹其贫窶人莫知之而归之于天也【孔氏曰我之困苦天实为之使我遭此君知复奈何哉君臣道不合则去今无去心忠之至也郑氏曰诗人事君无二志故自决归之于天辅氏曰终者已焉之辞盖自以为无复有望也故叹之曰已焉哉天实为之谓之何哉此盖知其无可奈何而归之天也是亦所谓发乎情止乎礼义者矣】

王事适我政事一埤【避支反】益我我入自外室人交徧

謫【知革反叶竹棘反】我已焉哉天实为之谓之何哉

赋也王事王命使为之事也适之也政事其国之政事也一犹皆也埤厚室家謫责也王事既适我矣政事又一切以埤益我其劳如此而窶贫又甚室人至无以自安而交徧謫我则其困于内外极矣【孔氏曰言非直已贫窶君又政徧已兼其苦我自外而归则室家之人更迭而徧来责我外为君所困内为家人不知故又自决归之于天范氏曰闕雎之化行则妇人能闵其君子至于衰世则室家日见而有不知其心者】

玉事敦【叶都回反】我政事一埤遗【唯季反叶夷回反】我我入自外

室人交徧摧【徂回反】我已焉哉天实为之谓之何哉赋也敦犹投掷也遗加摧沮也【郑氏曰摧者刺讥之言辅氏曰摧谓摧折沮抑之又甚于謫也】

北门三章章七句

杨氏曰忠信重禄所以劝士也卫之忠臣至于窶贫而莫知其艰则无劝士之道矣仕之所以不得志也先王视臣如手足岂有以事投遗之而不知其艰哉然不择事而安之无怵憾之辞知其无可奈何而归之于天所以为忠臣也【谢叠山曰鹿鸣四牡之燕乐出车杖杜之劳来一人之劳苦君无不知一毫之事功君无不报此先王所以体羣臣也千岁治安根本盖在此也北门之忠臣至于终窶且贫禄不足代耕矣出则当王事之独劳入则当政事之烦使室人不能忍饥寒而交徧謫之此人情所难堪者上不怨其君下不怨其家穷而呼天亦无一毫怨天之辞此乐天知命之士也有臣如此而不能忠信重禄以劝之卫之所以亡也】

序仕不得志也言卫之忠臣不得其志尔【愚按朱子以此序稍平故不注然集传以此诗为仕者自作则序意与诗亦防不合】

北风其凉雨【于付反】雪其雱【普康反】惠而好【呼报反下同】我携手同行【叶户郎反】其虚其邪【音徐下同】既亟只【音纸下同】且【子余反下同】比也北风寒凉之风也凉寒气也雱雪盛貌惠爱行去也虚宽貌邪一作徐缓也【释文曰尔雅作徐】亟急也只且语助辞言北风雨雪以比国家危乱将至而气象愁惨也故欲与其相好之人去而避之且曰是尚可以宽徐乎彼其祸乱之迫已甚而去不可不速矣【辅氏曰惠而好我携手同

行不忘故旧之仁也其虚其邪既亟只且见几而作之智也】

北风其喈【音皆叶居奚反】雨雪其霏【芳非反】惠而好我携手同

归其虚其邪既亟只且

比也喈疾声也霏雨雪分散之状【谢叠山曰北风怒而有声不止于凉矣雨雪霏霏而密不止于霏矣喻祸害愈急也】归者去而不反之辞也莫赤匪狐莫黑匪乌惠而好我携手同车其虚其邪

既亟只且

比也狐兽名似犬黄赤色乌鸛黑色皆不祥之物人所恶见者也所见无非此物则国将危乱可知【潘子善问狐与乌不知比何物曰不但指一物而言当国将危乱时凡所见者无非不好底景象也】同行同归犹贱者也同车则贵者亦去矣【谢叠山曰一章曰同行三章曰同归三章曰同车一节急一节风人之法度也程子曰同车亦偕行耳但辞意益迫切同车有已驾之意】北风三章章六句【愚按诗中有同车之语疑此为仕于卫者所作其虚其邪既亟只且三章三言之岂果于忘君哉盖见几而作不俟终日若国已危则无可去之义矣】序刺虐也卫国并为威虐百姓不亲莫不相携持而去焉

卫以淫乱亡国未闻其有威虐之政如序所云者恐非是【程子曰序谓百姓不亲相携而去然考诗之辞乃君子见几而作相招无及于祸患者也】

静女其姝【赤朱反】俟我于城隅爱而不见搔【苏刀反】首踟【直知反】蹰【直诛反】

赋也静者闲雅之意姝美色也城隅幽僻之处不见者期而不至也踟蹰犹踟蹰【音掷触】也此淫奔期防之诗也【问淫奔之人方相与狎昵又何取乎闲雅曰淫奔之人不知其为可丑但见其可爱耳以女而俟人于城隅安得谓之闲雅而此曰静女者犹所谓德音无良也无良则不足以为德音矣而曰德音亦爱之之辞也欧阳子曰卫俗淫乱幽静难诱之女且然则其他可知】

静女其娈贻我彤管【徒冬反】管【叶古充反】彤管有炜【于鬼反】說【音悦】

恻【音亦】女美

赋也娈好貌于是则见之矣彤管未详何物【欧阳子曰古者鍼笔皆有管乐器亦有管不知此管是何物但彤是色之美者鍼与针同】盖相赠以结殷勤之意耳炜赤貌言既得此物而又悦恻此女之美也自牧归荑【徒兮徒计二反】洵美且异【夷曳二音】匪女【音汝】

之为美美

人之貽【与异同】

赋也牧外野也归亦貽也萑茅之始生者【吕东莱曰大过九二枯杨生梯郑康成易作夷然则萑者凡草木根芽皆是非独茅也】洵信也女指萑而言也言静女又赠我以萑而其夷亦美且异然非此萑之为美特以美人之所赠故其物亦美耳静女三章章四句

序刺时也卫君无道夫人无德

此序全然不似诗意【刘辰翁曰只是男女相遗之诗】

新台有泚【此礼反】河水弥弥【莫迓反】燕婉之求籛【音渠】籛【音除】不鲜【斯践反叶想止反】

赋也泚鲜明也【刘执中曰水中台影鲜明之貌胡庭芳曰台在河上曰泚曰洒皆从水义】弥弥盛也燕安婉顺也籛籛不能俯疾之丑者也盖籛籛本竹席之名人或编以为困其状如人之拥肿而不能俯者故又因以名此疾也鲜少也旧説以为卫宣公为其子伋娶于齐而闻其美欲自娶之乃作新台于河上而要【腰】之国人恶之而作此诗以刺之言齐女本求与伋为燕婉之好而反得宣公丑恶之人也【孔氏曰宣公晋桓公子李迂仲曰新台临河今澶州遗址尚存谢叠山曰籛籛乃恶疾宣公非有此疾国人恶其无礼义乱大伦故以恶疾比之既无人道亦非人形也】

新台有洒【七罪反叶先典反】河水浼浼【每罪反叶美辩反】燕婉之求

籛籛不殄

赋也洒高峻也【刘执中曰谓水光之中见其台之高峻也】浼浼平也殄絶也言其病不已也

鱼网之设鸿则离之燕婉之求得此戚施

兴也鸿雁之大者离丽也戚施不能仰亦丑疾也【吕东莱曰国人恶宣公而以恶疾指之不能俯者籛籛之疾证不能仰者戚施之疾证非于此取义也】言设鱼网而反得鸿以兴求燕婉而反得丑疾之人所得非所求也【曾氏曰籛籛戚施皆恶疾之人不能为人者也宣公之行非复人理尚可谓之人欤燕婉之求而得此匪人深恶之之词也】

新台三章章四句

凡宣姜事首末见春秋传然于诗则皆未有考也诸篇放此【李迂仲曰圣人存此以垂戒后世宜惩其辙而乃有踵其恶者楚平王纳太子建妻唐明皇纳壽王妃比三君者其恶一也其后宣公之子汲壽皆为所杀惠公奔齐子懿公为狄所灭楚平王有鞭尸之祸唐明皇身窜南蜀几失天下则知淫乱之祸其报如此可不戒哉愚按宣姜事首末见左氏传桓公十六年及闵公二年】

序刺卫宣公也纳伋之妻作新台于河上而要之国人恶之而作是诗也

二子乘舟泛泛【芳剑反】其景【叶举两反】愿言思子中心养养【以两反】赋也二子谓伋寿也乘舟渡河如齐也景古影字【葛洪始加彡为影字】养养犹漾漾忧不知所定之貌旧説以为宣公纳伋之妻是为宣姜生寿及朔朔与宣姜慝伋于公公令伋之齐使贼先待于隘而杀之寿知之以告伋伋曰君命也不可以逃寿窃其节而先往贼杀之伋至曰君命杀我寿有何罪贼又杀之国人伤之而作是诗也【苏氏曰国人伤其往而不返泛泛然徒见其影故救之不可得是以思之养养然诗攷曰刘向新序云伋之傅母恐其死也而作诗】

二子乘舟泛泛其逝【此字本与害叶今读误】愿言思子不瑕有害赋也逝往也不瑕疑词义见泉水此则见其不归而疑之也【辅氏曰字义虽与泉水同然泉水所谓害者害于义也此所谓害者害其身而已故先生谓此则见其不归而疑之之辞盖不忍正言其死且为君讳也陈寿翁曰二子之死明矣犹为疑辞而不尽言以彰君恶诗人之厚也】

二子乘舟二章章四句

太史公曰余读世家言至于宣公之子以妇见诛弟寿争死以相让此与晋太子申生不敢明骊姬之过同俱恶伤父之志然卒死亡何其悲也或父子相杀兄弟相戮亦独何哉【太史公之言有所抑扬谓三人皆恶伤父志而终于死亡其情则可取虽于理为未当然视父子相杀兄弟相戮者则大相逺矣又曰伋当逃避使宣公无杀子之事不陷于恶乃为得礼如不忍去而死之尚可也寿无救于兄而重父之过其死也亦何为乎但国人怜而哀之故圣人録国人之情着宣公之过亦以见二子事亲之道有未尽也舜之事瞽瞍烝烝又不格奸欲使之未尝不在侧索而杀之未尝可得此舜之所以为法于天下也辅氏曰二子处此亦不得为是而夫子取此诗者所以着宣公志行之恶而其祸至于如是之酷以为万世戒尔故先生尝谓太史公欠此意然其言有抑扬可以感发人故取之非便以二子所处为是也】

序思伋寿也卫宣公之二子争相为死国人伤而思之作是诗也

説已见本篇

邶十九篇七十二章三百六十三句【愚按卫诗三十九篇而邶风才十有九然观緑衣则妾僭嫡矣燕燕则臣弑君矣谷风则夫妇之道乖新台则男女之伦防二子乘舟则父子之恩絶旄丘则无恤邻之义简兮则无尊贤之心北门则失劝士之道乱常败政莫甚于此所以居变

风之首欤于乎渡河野处已兆矣不待读定之方中而后知也】

诗传通释卷二

卷三

钦定四库全书

诗传通释卷三

元 刘瑾 撰

诗

朱子集传

鄘一之四

説见上篇

泛彼柏舟在彼中河髧【徒坎反】彼两髦【音毛】实维我仪【叶牛何反】之死矢靡他【汤河反】母也天【叶铁因反】只【音纸下同】不谅人只兴也中河中于何也髧发垂貌两髦者翦发夹凶【信广韵注曰头防脑盖也】子事父母之饰亲死然后去之此盖指共伯也【项氏曰内则注云髦象幼时髻儿生三月翦发为髻男角女羈夹凶曰角两髻也午达曰羈三髻也髻音朶又曰髦者以发作伪髻垂两眉之上如今小儿用一带连双髻横繫额上是也孔氏曰夹凶故两髦也士既殡而脱髦诸侯小敛则脱之若父母有先死者于死三日脱之服阕又着之共伯僖侯世子名余共諡伯字以未成君故不称爵】我共姜自我也【释文曰共伯之妻也妇人从夫諡姜姓也】仪匹之至矢誓靡无也只语助辞谅信也旧説以为卫世子共伯蚤死其妻共姜守义父母欲夺而嫁之故共姜作此以自誓言栢舟则在彼中河两髦则实我之匹虽至于死誓无他心母之于我覆育之恩如天罔极而何其不谅我之心乎不及父者疑时独母在或非父意耳【辅氏曰实维我匹一定而决不可易也之死矢靡他虽死而誓不敢易也夫母之欲嫁共姜想亦不过是惑于爱而虑其终耳今味共姜自誓之言其至诚贞固之意如此则母之惑可解而虑可释矣】

泛彼柏舟在彼河侧髧彼两髦实维我特之死矢靡

慝【他得反】母也天只不谅人只

兴也特亦匹也【特有孤特之义而以为匹者古人用字多如此犹治之谓乱也】慝邪也以是为慝则其絶之甚矣

栢舟二章章七句【范氏曰衰乱之世淫风大行共姜得礼之正而能守义故以首鄘风也孔

丛子子曰于栢舟见匹妇执志之不可易也或问有孤嫗贫穷无托者可再嫁否程子曰只是后世怕寒饿死故有是說然饿死事极小失节事极大真氏曰栢舟之不再适蓋妇人之大节故孔子别之使万世取法焉程子之论可为后世深戒陈壽翁曰卫之淫风流行而有共姜特立之节真可遏人欲之横流矣读此诗者岂不可以感发人之善心乎】

序共姜自誓也卫世子共伯蚤死其妻守义父母欲夺而嫁之誓而弗许故作是诗以絕之此事无所见于他书序者或有所传今姑从之

墙有茨不可埽【叶苏后反】也中葍【古候反】之言不可道【叶徒厚反】也所可道也言之丑也

兴也茨蒺藜也蔓生细叶子有三角刺人【本草曰一名即防注云子有刺状如菱而小军家铸鐵作之以布敌路亦呼蒺藜】中葍谓舍之交积材木也【吕东莱曰前汉梁王共传应劭注云中葍材构在堂之中也顏师古云构谓舍之交积材木也当从应顏說蓋闔内隱奥之处也中葍之言若曰闺门之言也】道言丑恶也旧說以为宣公卒惠公幼其庶兄顽烝于宣姜【孔氏曰左传闵公二年曰初惠公之即位也少齐人使昭伯烝于宣姜不可强之生齐子戴公文公宋桓许穆夫人服防云昭伯宣公之长庶伋之兄宣姜惠公朔之母】故诗人作此诗以刺之言其闺中之事皆丑恶而不可言理或然也

墙有茨不可襄也中葍之言不可详也所可详也言

之长也

兴也襄除也详详言之也言之长者不欲言而托以语长难竟也

墙有茨不可束也中葍之言不可读也所可读也言

之辱也

兴也束束而去之也读诵言也辱犹丑也

墙有茨三章章六句

杨氏曰公子顽通乎君母闺中之言至不可读其污甚矣圣人何取焉而着之于经也蓋自古淫乱之君自以谓密于闺门之中世无得而知者故放肆而不反圣人所以着之于经使后世为恶者知虽闺中之言亦无隱而不彰也其为训戒深矣【辅氏曰杨氏之說蓋不独为此篇发凡圣人所錄淫乱之诗其意皆如此即先生所谓恶者可以惩创人之逸志者也】

序卫人刺其上也公子顽通乎君母国人疾之而不可道也

君子偕老副笄六珈【音加叶居河反】委委【于危反】佗佗【待河反】如山如河象服是宜【叶牛何反】子之不淑云如之何

赋也君子夫也偕老言偕生而偕死女子之生以身事人则当与之同生与之同死故夫死称未亡人言亦待死而已不当复有他适之志也副祭服之首饰编【篇上声一如字】发为之【孔氏曰副之言覆所以覆首为之饰编列他发为之假作紒形加于首上服之以從祭祀紒音髻】笄衡笄也垂于副之两旁当耳其下以紕【都敢反】悬璜【孔氏曰衡笄以玉为之】珈之言加也以玉加于笄而为饰也【孔氏曰必饰之以六】委委佗佗雍容自得之貌如山安重也如河 广也象服法度之服也淑善也言夫人当与君子偕老故其服饰之盛如此而雍容自得安重宽广又有以宜其象服【毛氏曰能与君子偕老乃宜居尊位而服盛服也】今宣姜之不善乃如此虽有是服亦将如之何哉言不称也

玼【音此】兮玼兮其之翟【叶去声】也鬢【真忍反】发如云不屑【苏节】

【反】髡【徒帝反】也玉之璜【吐殿反】也象之掄【勅帝反】也杨且【子余反】之皙【星厯反叶征例反】也胡然而天也胡然而帝也

赋也玼鲜盛貌翟衣祭服刻缯为翟雉之形而彩画之以为饰也【孔氏曰翟雉名彩画为饰不用真羽严氏曰郑氏云江淮而西青质五色皆备成章曰揄揄翟则画揄雉卫侯爵夫人服揄翟】鬢黑也如云言多而美也屑洁也髡髮【音被】髡也人少发则以髡蓋之发自美则不洁于髡而用之也璜塞耳也象象骨也掄所以摘【剔】发也【严氏曰掄所以摘发故孔氏以搔首释之若今之篦儿也】扬眉上广也且语助辞皙白也胡然而天胡然而帝言其服饰容貌之美见者惊犹鬼神也【辅氏曰其者指宣姜而言玼兮玼兮其之翟也言服之美也鬢发如云不屑髡也言质之美也足乎己者无待于外也玉之璜也象之掄也言饰之美也杨且之皙也言色之美也服饰容貌之美盛如天如帝然是岂可以徒居哉孔氏曰此章论祭服言欲德当神明故尊之比天帝卒章论事君子见賓客之服故以美女言之】

嗟【七我反】兮嗟兮其之展【陟战反叶诸延反】也蒙彼绉【侧救反】絺

是继【息列反】袿【符袁反叶汾干反】也子之清扬扬且之顔【叶鱼坚反】也展如之人兮邦之媛【于眷反叶于权反】也

赋也嗟亦鲜盛貌展衣者以礼见【现】于君及见賓客之服也【毛氏曰展衣以丹谷为衣郑氏曰展衣宜白礼记作襢襢音战】蒙覆【阜】也绉絺絺之蹙蹙者当暑之服也【孔氏曰葛之精者曰絺其精尤细靡者绉也言细而缕绉】继袿束防意以展衣蒙絺绉而为之继袿所以自敛饬【勅】也或曰蒙谓加絺绉于防衣之上所谓表而出之也【先着里衣表絺绉而出之于外欲其不见体也】清视清明也扬眉上广也【孔氏曰以目视清明因名为清扬者眉上之美名因谓眉上眉下皆曰扬目上目下皆曰清故野有蔓草传云清扬眉目之间猗嗟传云目下为清】顔额角丰满也展诚也美女曰媛见其徒有美色而无人君之德也

君子偕老三章一章七句一章九句一章八句东莱吕氏曰首章之末云子之不淑云如之何责之也二章之末云胡然而天也胡然而帝也问之也三章之末云展如之人兮邦之媛也惜之也辞益婉而意益深矣【辅氏曰凡人之责人辞愈多则气愈暴气愈暴则辞愈厉此则志不帅气而气反动其志者也君子之责人则辞愈多而气愈缓气愈缓而辞愈和此则发乎情止乎礼义也且心有所忿懣则不得其正如此诗之词益婉而意益深则心不至于失其正矣东莱先生责之问之惜之三字说尽诗意极好玩味严氏曰此诗唯述夫人服饰之盛容兒之尊不及淫乱之事但中间有子之不淑一语而讥刺之意尽见愚按三章皆极言宣姜服饰容兒之盛如此玩其词想其人有德以称之固足以尊其瞻视享其安荣苟无其德不防于诲淫者乎惟诗人宽厚意在言外故其立言如此盖与猗嗟之诗同意】序刺卫夫人也夫人淫乱失事君子之道故陈人君之德服饰之盛宜与君子偕老也

公子顽事见春秋传但此诗所以作亦未可考鹵之奔奔放此

爰采唐矣沫【音妹】之乡矣云谁之思美孟姜矣期我乎桑中【叶诸良反】要【于遥反】我乎上宫【叶居王反】送我乎淇之上【叶辰羊反】矣赋也唐蒙菜也一名兔丝【孔氏曰释草云唐防名女萝女萝名兔丝则唐与防或并或别故经直言唐而毛传言唐防也本草曰生田野蔓延草木之上】沫卫邑也书所谓妹邦者也【孔氏曰酒诰注妹邦纣所都朝歌即沫也】孟长也姜齐女言贵族也【苏氏曰美孟姜矣虽长而无礼也有齐季女虽幼而知礼也】桑中上宫淇上又沫乡之中小地名也要犹迎也卫俗淫乱世族在位相窃妻妾故此人自言将采唐于沫而与其所思之人相期防迎送如此也

爰采麦【叶讫力反】矣沫之比矣云谁之思美孟弋矣期我

乎桑中要我乎上宫送我乎淇之上矣

赋也麦谷名秋种夏熟者【白虎通曰麦金也金旺而生火旺而死】弋春秋或作姒【春秋定姒公谷作定弋】葢杞女夏后氏之后亦贵族也

爰采葑矣沫之东矣云谁之思美孟庸矣期我乎桑

中要我乎上宫送我乎淇之上矣

赋也葑蔓菁也庸未闻疑亦贵族也【刘执中曰采唐麦葑者欲适幽远行其淫乱不敢正名而托以采此也愚按孟姜孟弋孟庸亦托言贵族以指所私之人非必当时实有此三姓之女也】

桑中三章章七句

乐记曰郑卫之音乱世之音也比于慢矣【比去声犹同也】桑间濮上之音亡国之音也其

政散其民流诬上行私而不可止也【辅氏曰诬上只是欺谩其上之人大抵行私者皆有此心桑中之诗虽肆言无忌然诬上行私之心自在此皆缘民情流荡无所限节之故民情所以如此则又因政散之故上之人苟有政事则何至于此郑氏曰濮水之上地有桑间者亡国之音于此水出也昔殷纣使师延作靡靡之乐已而自沈于濮水后师涓过焉夜闻而写之为晋中公鼓之是之谓也】按桑间即此篇故小序亦用乐记之语【愚按朱子以桑间即此桑中诗而证以乐记之语然则郑氏谓师涓所闻者自是濮上之音也】

序刺奔也卫之公室淫乱男女相奔至于世族在位相窃妻妾期于幽远政散民流而不可止此诗乃淫奔者所自作序之首句以为刺奔误矣其下云云者乃复得之乐记之説已略见本篇矣而或者以为刺诗之体固有铺陈其事不加一辞而闵惜惩创之意自见于言外者此类是也岂必譙让质责然后为刺也哉此説不然夫诗之为刺固有不加一辞而意自见者清人猗嗟之属是已然尝试玩之则其赋之之人犹在所赋之外而词意之间犹有宾主之分也岂有将欲刺人之恶乃反自为彼人之言以陷其身于所刺之中而不自知也哉必不然也明矣又况此等之人安于为恶其于此等之诗计其平日固已自其口出而无惭矣又何待吾之铺陈而后始知其所为之如此亦岂畏吾之闵惜而遂幡然遽有惩创之心耶以是为刺不惟无益殆恐不免于鼓之舞之而反以劝其恶也或者又曰诗三百篇皆雅乐也祭祀朝聘之所用也桑间濮上之音郑卫之乐也世俗之所用也雅郑不同部其来尚矣且夫子答颜渊之问于郑声亟欲放而絶之岂其删诗乃录淫奔者之词而使之合奏于雅乐之中乎亦不然也雅者二雅是也郑者缁衣以下二十一篇是也卫者邶鄘卫三十九篇是也桑间卫之一篇桑中之诗是也二南雅颂祭祀朝聘之所用也郑卫桑濮里巷狭邪之所歌也夫子之于郑卫盖深絶其声于乐以为法而严立其词于诗以为戒如圣人固不语乱而春秋所记无非乱臣贼子之事盖不如是无以见当时风俗事变之实而垂监戒于后世故不得已而存之所谓道并行而不相悖者也今不察此乃欲为之讳其郑卫桑濮之实而文之以雅乐之名又欲从而奏之宗庙之中朝廷之上则未知其将以荐之何等之鬼神用之何等之宾客而于圣人为邦之法又岂不为阳守而阴叛之邪其亦误矣曰然则大序所谓止乎礼义夫子所谓思无邪者又何谓邪曰大序指栢舟绿衣泉水竹竿之属而言以为多出于此耳非谓篇篇皆然而桑中之类亦止乎礼义也夫子之言正为其有邪正美恶之杂故特言此以明其皆可以惩恶劝善而使人得其性情之正耳非以桑中之类亦以无邪之思作之也曰荀卿所谓诗者中声之所止太史公亦谓三百篇者夫子皆歌之以求合于韶武之音何邪曰荀卿之言固为正经而发若史迁之説则恐亦未足为据也岂有哇淫之曲而可以强合于韶武之音也邪【孔子之称思无邪以为诗三百篇劝善惩恶虽其要归皆出于正然未有若此言之约而尽者耳非以作诗之人所思皆无邪也今必曰彼以无邪之思铺陈淫乱之事而闵惜惩创之意自见于言外则曷若曰彼虽以有邪之思作之而我以无邪之思读之则彼之自状其丑者若所以为我警惧惩创之资耶而况曲为训説而求其无邪于彼不若反而得之于心之易也巧为辨数而归无邪于彼不若反而责之于我之切也若夫雅也郑也卫也求之诸篇各有其目矣是则自卫反鲁以来未之有改而风雅之篇说者又有正变之别焉至于桑中小序政散民流而不可止之文与乐记合则是诗之为桑间又不为无所据者今必曰三百篇皆雅而郑风不为郑邶鄘卫之风不为卫桑中不为桑间亡国之音则其篇帙淆乱邪正错操非获孔子之旧矣且于小序之无稽可笑者笃信之而于其有据者反不之信此又何邪夫二南正风房中之乐也乡乐也二

雅之正朝廷之乐也商周之颂宗庙之乐也是或见于序文或出于传记皆有可考至于变雅则固已无施于事而变风又特里巷之歌其领在乐官者以为可以识时变观土风而贤于四夷之乐耳盖古者天子巡狩命大师陈诗以观民风固不可问其美恶而悉存以训也然其与先王雅颂之正篇帙不同施用亦异如前所陈则不固不容庞杂矣今于雅郑之实察之既不详于庞杂之名畏之又太甚顾乃引夫淫放之鄙词而文以风刺之美说必欲强而置诸先王雅颂之列是乃自反为庞杂之甚而不自知也夫以胡乐与郑卫合奏犹曰不可而况强以桑中溱洧为雅乐又欲合于鹿鸣文王清庙之什而奏之宗庙之中朝廷之上乎其以二诗为犹止于中声者太史公所谓孔子皆 歌之以求合韶武之音其误盖亦如此然古乐既亡无所考正则吾不敢必为之说独以其理与其词推之有以知其必不然耳又以为近于劝百讽一而止乎礼义则又信大序之过者夫有所谓讽者若汉广知不可而不求大车有所畏而不敢则犹有所谓礼义之止也若桑中溱洧则吾不知其何词之讽而何礼义之止乎哉若曰孔子尝欲放郑声矣不当于此又收之以备六籍此则曾南丰于战国防刘元城于三不足之论皆尝言之又岂俟吾言而后白也哉大抵吾说之病不过得罪于桑间洧外之人而其力犹足完先王之乐彼说而善则二诗之幸而雅乐之不幸甚矣抑其于溱洧而取范氏之说则又似以郑诗为郑声者岂理之自然固有不可夺者邪因读桑中之说而惜前论之不及竟又痛伯恭父之不可作也因读其后以为使伯恭父而闻此虽未必遽以为然亦当后我迨然而一叹也呜呼悲夫愚按上文朱子前后辨说皆为东莱而发现其序读诗记曰某少时浅陋之说伯恭父误有取焉其后历时既久自知未安如雅郑邪正之云者未免有所更定则伯恭父反不能不置疑于其间方将相与反复其说以求真是之归而伯恭父已下世矣嗟乎东莱朱子一时同志皆大有功于诗经者也岂固欲相戾哉因附录于此】

鹑【音纯】之奔奔鵲之疆疆【音姜】人之无良我以为兄【叶虚王反】兴也鹑防【谕】属【本草曰鹑初生谓之罗鹑至初秋谓之早秋中秋以后谓之白唐一物四名也】奔奔疆疆居有常匹飞则相随之貌人谓公子顽良善也 卫人刺宣姜与顽非匹耦而相从也故为惠公之言以刺之曰人之无良鹑鵲之不若而我反以为兄何哉【孔氏曰言鹑则鹑自相随奔奔然鵲则鵲自相随疆疆然各有常匹不乱其类今宣姜为母顽则为子而与之淫乱曾鹑鵲之不如而我反以为兄也哉】

鵲之疆疆鹑之奔奔【叶逋珉反】人之无良我以为君兴也人谓宣姜君小君也【孔氏曰夫人对君称小君以夫妻一体言之亦得曰君襄九左传筮穆姜曰君必速出是也辅氏曰诗人疾恶宣姜至矣而犹不敢不以为小君也彼谓佼童硕鼠为称其君者何哉】

鹑之奔奔二章章四句

范氏曰宣姜之恶不可胜道也国人疾而刺之或远言焉或切言焉远言之者君子偕老是也切言之者鹑之奔奔是也卫诗至此而人道尽天理灭矣中国无以异于夷狄人类无以异于禽兽而国随以亡矣胡氏曰杨时有言诗载此篇以见卫为狄所灭之因也故在定之方中之前【彭氏曰陈氏云木必坏然后蠹生焉国必乱然后寇生焉圣人存此诗以为狄入卫张本使后世知所戒也】因以是说考于历代凡淫乱者未有不至于杀身败国而亡其家者然后

知古诗垂戒之大而近世有献议乞于经筵不以国风进讲者殊失圣经之防矣【李迂仲曰淫乱非美事而不删之者所以示鉴戒也亦如春秋乱臣贼子一一书之亦所以示戒也而唐太子 受左传至于楚世子商臣弑其君頹而请更受他书是不知圣人垂训之意也近世有建言经筵不进国风是亦不知圣人垂训之意也頹音均】

序刺卫宣姜也卫人以为宣姜鹑鵲之不若也见上

定【丁佞反】之方中作于楚宫揆之以日作于楚室树之榛栗椅【于宜反】桐梓漆爰伐琴瑟

赋也定北方之宿营室星也此星昏而正中夏正十月也于是时可以营制宫室故谓之营室【愚按夏正十月建亥春秋时十二月也农事已毕可以兴作而人君居必南面故亥月昏时见定星当南方之午位因记此星为每岁营作之候又因号为营室此盖成周以后之制上考唐虞之时定星以戌月昏中岁久而差至周时定星始以亥月昏中下逮今日此星又以子月昏中矣】楚宫楚丘之宫也揆度也树八尺之臬【齧】而度其日出入之景以定东西又参日中之景以正南北也【孔氏曰匠人云水地以悬置槷以悬眡以影为规识日出之景与日入之景昼参诸日中之景注云于四角立植而悬以水望其高下高下既定乃为位而平地于所平之地中央树八尺之臬以悬正之 与臬同愚按安成彭鲁叔曰 柱也县垂绳也柱有四角四中垂以八绳绳皆附柱则其柱正矣柱正然后视之以测日影也又转庭画地为圆规朝识日景其端指西暮识日景其端指东两端长短必与规齐测其端则东西正就其中屈之则南北亦可正也又于画漏午时参此日中之景可以正南方之位因以正北方之位也此周礼定方制度卫文公建宫室定四方之法盖亦如此】楚室犹楚宫互文以协韵耳榛栗二木其实榛小栗大皆可供筵实【本草注曰榛树高丈许子如小栗栗树高二三丈花青黄色实有房彙大者中子三五小者子唯一二】椅梓实桐皮【毛氏曰树梓属】桐梧桐也【严氏曰陆玑言有青桐白桐赤桐此中琴瑟者白桐也椅桐梓漆之桐为白桐梧桐生矣之桐为青桐本草注曰桐有四种一种白桐可斲琴叶三杈开白花不结子一种荏桐子可作油一种梧桐今人收其子炒作果一种冈桐无花不可作琴体重】梓楸之疎理白色而生子者【本草注曰梓似桐而叶小花紫亦有三种】漆木有液黏【念平声】黑可饰器物【本草注曰漆树高三二丈皮白叶似椿花似槐以斧斫其皮开以竹筒承之汁滴则成漆也】四木皆琴瑟之材也【严氏曰树桐可为琴瑟榛栗可备筵实梓漆可供器用但言伐琴瑟者取成句耳】爰于也 卫为狄所灭文公徙居楚丘营立宫室国人悦之而作是诗以美之苏氏曰种木者求用于十年之后其不求近功凡此类也【范氏曰此诗美其新造而志于永久埤雅曰言其所植皆能预备礼乐之用语曰一年之计莫如种谷十年之计莫如种木故文公于初作室之时早计如此愚按此章上四句言其得天时地利之宜下三句言其有久远预备之计所谓悦之美之者皆追述其事如此也】

升彼虚【起居反叶起吕反】矣以望楚矣望楚与堂景山与京

【叶居良反】降观于桑卜云其吉终然允臧

賦也虛故城也【孔氏曰故墟高可望猶僖二十八年晉侯登有華之虛也】楚楚丘也堂楚丘之旁邑也景測景以正方面也與既景乃岡之景同或曰景【憬】山名見商頌京高丘也桑木名叶可飼蚕者觀之以察其土宜也【愚按衛詩多言桑如桑中與氓詩及此皆再三言之蓋衛地跨冀兗二州桑者尤其土所宜而民生之所資也據楚丘在冀河之東兗州之境則文公所觀所說其桑王之野乎蔡氏曰兗地宜桑如桑間濮上可驗也】允信臧善也此章本其始之望【鄭氏曰望楚丘與傍邑審其高下所依倚呂東萊曰升望以領略其大勢】景【愚按建國之制必先辨方辨方之法必考日景故謂之景此章景山與京先審其丘山之方向也上章揆之以日復定其宮室之方向也】觀【蘇氏曰降觀其下有桑土可以居民呂東萊曰降觀以細察其土宜】卜【李迂仲曰建國必相土地之宜土地既善然後稽之卜筮文公既有以相土地之宜矣故其後曰卜云其吉林氏曰將遷國必考之卜如綿詩曰爰契我楚丘之遷亦曰卜云其吉是也】而言以至於終而果獲其善也【王介甫曰言今信善如卜所言也劉執中曰建國之初憂民之不得其所不敢違寧曰終然允臧者喜其果遂于志愿也】

靈雨既零命彼倌【音官】人星言夙駕說【始銳反】于桑田【叶徒】

【因反】匪直也人秉心塞淵【叶一均反】騶【音來】牝三千【叶倉新反】

賦也靈善零落也倌人主駕者也星見星也說舍止也秉操塞實淵深也馬七尺以上為騶言方春時雨既降而農桑之務作文公于是命主駕者晨起駕車亟【棘】往而勞【去聲】勸之【王介甫曰上章既言城市宮室于是言其政事蓋人君先辨方正位體國經野然後可以施政事云古人戴星而出戴星而入必是身耐勞苦方能率得人】然非獨此人所以操其心者誠實而淵深也蓋其所畜之馬七尺而牝者亦已至于三千之眾矣蓋人操心誠實而淵深則無所為而不成其致此富盛宜矣【謝疊山曰秉心也實故事事樸實不尚高虛之談秉心也淵故事事深長不為淺近之計富國強兵豈談高虛務淺近者之所能辨哉蘇氏曰富彊之業必深厚者為之非輕揚淺薄者之所能致也】記曰問國君之富數馬以對今言騶牝之眾如此則生息之蕃可見而衛國之富亦可知矣此章又要其終而言也定之方中三章章七句

按春秋傳衛懿公九年冬狄入衛懿公及狄人戰于荋【螢】澤而敗死焉宋桓公迎衛之遺民渡河而南立宣姜子申以廬于漕是為戴公是年卒立其弟燬是為文公于是齊桓公合諸侯以城楚丘而遷衛焉文公大布之衣大帛之冠務材訓農通商惠工敬教勸學授方任能元年革車三十乘季年乃三百乘【程子曰一章言建國之事次章方言相土度地之初屬文之勢然也今文首言其事然後言其初者多矣既度其可然後卜以決之卜洛亦然人謀臧則筮從矣卒章則叙其勤勞以致殷富愚按春秋紀事用周月定星中時乃周之十二月衛懿公九年十二月狄滅衛戴公立而卒文公繼立以次年為元年至文公三年歲首之月齊桓始城楚丘則詩人所指定星方中其在文公元年之終楚丘未城之先欵然詩言終然允臧騶牝三千則是詩蓋作于文公之季言而追言其始遷時事耳故二章以前皆本其始二章以後則要其終也】

序美衛文公也衛為狄所滅東徙涉河野處漕邑齊桓公攘戎狄而封之文公徙居楚丘始建

城市而营宫室得其时制百姓說【脱】之国家殷富焉

蛩【丁计反】蛩【都动反】在东莫之敢指女子有行遠【于万反】父母兄弟【叶待里反】

比也蛩蛩虹也日与雨交倏然成质似有血气之类乃阴阳之气不当交而交者蓋天地之淫气也【孔氏曰双出色鲜盛者为雄曰虹暗者为雌曰蛩刘辰翁曰何独非阴阳之交而虹独以不正之气着见于野诗之托物如此】在东者莫【暮】虹也虹随日所映故朝西而莫东也【愚按虹之为质不映日不成蓋云薄漏日日映雨气则上也今以水嚙日亦成青红之晕】此刺淫奔之诗言蛩蛩在东则人不敢指以比淫奔之恶人不可道况女子有行又当遠其父母兄弟岂可不顾此而冒行乎【吕东莱曰女子有行遠父母兄弟此诗蓋言女子终当适人非久在家者何为而犯礼也泉水竹竿蓋卫女思家言女子分当适人虽欲常在父母兄弟之侧不可得也一则欲常居家而不可得一则欲亟去家而不能得其善恶可见矣】

朝隤【子西反】于西崇朝其雨女子有行遠兄弟父母【叶满】

【补反】

比也隤升也周礼十輝【运】九曰隤注以为虹蓋忽然而见如自下而升也【孔氏曰视隤注云隤虹也由升气所为故号虹为隤辉日光气也则隤亦日之光气矣但日东则见西日西则见东】崇终也从旦至食时为终朝言方雨而虹见则其雨终朝而止矣蓋淫慝之气有害于阴阳之和也今俗谓虹能截雨信然【张南轩曰蛩蛩见则雨止初无东西之分验之多矣阴阳和则成雨阴气方凝聚而日气自他方来感不以正阴受其感其正反为之解散故雨不能成也辅氏曰淫慝之气害阴阳之和以比淫奔之恶害人道之正蓋理所不容也】

乃如之人也懷昏姻也大无信【叶斯人反】也不知命【叶弥并反】

也

赋也乃如之人指淫奔者而言昏姻谓男女之欲程子曰女子以不自失为信命正理也言此淫奔之人但知思念男女之欲是不能自守其贞信之节而不知天理之正也程子曰人虽不能无欲然当有以制之无以制之而惟欲之从则人道废而入于禽兽矣以道制欲则能顺命【王介甫曰男女之欲性也有命焉君子不谓性也今也從欲而不知命有所制此谓不知命也辅氏曰男女之欲人所不能无也要当有以制之无以制之则失其贞信之节而有害于天理之正道即是理理即是命以道制欲则能顺命去其人欲则能循乎天理矣】蛩蛩三章章四句

序止奔也卫文公能以道化其民淫奔之耻国人不齿也【郑氏曰不齿者不与相长稚张南轩曰宣公无道国人化之读桑中之诗无耻如此文公复国一以身率下于是无礼者见恶于

相鼠淫奔者不齿于蝮螫下所趋向系于一人如此】

相【息亮反】鼠有皮【叶蒲何反】人而无仪【吁牛何反】人而无仪不死何为【叶吾禾反】

兴也相视也鼠虫之可贱恶者言视彼鼠而犹必有皮可以人而无仪乎人而无仪则其不死亦何为哉相鼠有齿人而无止人而无止不死何俟【叶羽已反又音始】兴也止容止也俟待也

相鼠有体人而无礼人而无礼胡不遄死【叶想止也】相鼠三章章四句【辅氏曰每章章末甚疾之之辞首章言威仪次章言容止末言方言礼自浅以至深以皮兴仪以齿兴止以体兴礼亦有轻重也又曰蝮螫相鼠二诗皆文公之化行而人心去邪反正见国人之淫奔在位之无礼为可恶而作故其辞意此他诗特为严厉然亦未尝不止于礼义也严氏曰凡兽皆有皮齿体独言鼠举卑污可恶之物以恶人之无礼也吕东莱曰相鼠之恶无礼何其如是之甚也盖溺于淫乱之俗不如是不足以自拔也疾恶不深则迁善不力】

序刺无礼也卫文公能正其羣臣而刺在位承先君之化无礼仪也

子子【居热反】干旄在浚【苏俊反】之郊【叶音高】素丝纆【符至反】之良马四之彼姝【赤朱反】者子何以畀【必寐反】之

赋也子子特出之貌千旄以旄牛尾注于旗干之首而建之车后也【程子曰注旄干首九旗皆然】浚卫邑名邑外谓之郊纆织组也盖以素丝织组而维之也四之两服两骖凡四马以载之也【董氏曰马在车中为服在车外为骖】姝美也子指所见之人也畀与也言卫大夫乘此车马建此旌旄以见贤者【程子曰旌旗旌皆通言耳谓卿大夫建旗而来亲浚之都礼下贤者】彼其所见之贤者将何以畀之而答其礼意之勤乎【此是傍人见此人有好善之诚曰彼姝者子何以告之盖指贤者而言也】

子子干旄在浚之都素丝组【音祖】之良马五之彼姝者

子何以予【音与】之

赋也旃州里所建鸟隼之旗也上设旌旄其下系旂【由】旂下属【烛】繆【衫繆旗之体也孔氏曰旃亦有旌旄三章互文也言旌则有旒繆言旃则有旌旄矣】皆画鸟隼也【周礼司常曰鸟隼为旃考工记曰鸟旃七旂以象鹑火盖画朱鸟及隼于旂繆之上也】下邑曰都五之五马言其盛也

子子干旌在浚之城素丝祝之良马六之彼姝者子

何以告【姑沃反】之

赋也析羽为旌干旌盖析翟羽设于旗干之首也【孔氏曰孙炎云析五采羽注旌上则干之上有旌有羽又尔雅注旌首曰旌则干旌干旌一也】城都城也祝属也六之六马极其盛而言也【五之六之取协韵耳亦极言其车马之广见其位高势重而能降屈于贤者如此非心诚好善不能也】

干旌三章章六句

此上三诗小序皆以为文公时诗盖见其列于定中载驰之间故尔他无所考也然卫本以淫乱无礼不乐善道而亡其国今破灭之余人心危惧正其有以惩创往事而兴起善端之时也故其为诗如此盖所谓生于忧患死于安乐者小序之言疑亦有所本云【愚按卫俗淫乱无礼不好善道以致亡国君臣上下盖尝溺于三者之中而不知矣逮其灭亡之余惩往事而兴善念于是淫乱者有螻蛄之刺无礼者有相鼠之恶乐善道者又有干旌之诗非文公之更化何以臻此】序美好善也卫文公臣子多好善贤者乐告以善道也

定之方中一篇经文明白故序得以不误螻

蛄以下亦因其在此而以为文公之诗耳他未有考也

载驰载驱【叶祛无反】归唁卫侯驱马悠悠言至于漕【叶徂侯反】大夫跋涉【蒲未反】涉我心则忧

赋也载则也徂失国曰唁【孔氏曰昭二十五年谷梁传曰吊失国曰唁若对吊死曰吊则吊生曰言】悠悠远而未至之貌草行曰跋水行曰涉宣姜之女为许穆公夫人闵卫之亡驰驱而归将

以唁卫侯于漕邑【此诗之作在定之方中之前则未知其为戴公时欤文公时欤】未至而许之大夫有奔走跋涉而来者夫人知其必将以不可归之义来告故心以为忧既而终不果归乃作此诗以自言其意尔【辅氏曰据此诗所言则是夫人既归而许之大夫乃追之于路而告之以不可归之义夫许大夫何不告而止之于欲行之时乎想夫人伤宗国之亡既请于穆公而公许之故遂行焉既而大夫及国人皆以为不可遂请于穆公追而止之耳观夫人见其大夫之至亦知其必将以不可归之义来告而心以为忧则夫人之行亦固知其于义有不可者矣特以惻怛之情有不能自止者故为是仓卒之行焉要知其初毕竟是犯不义但能闻义而自克为可取耳】既不我嘉不能旋反视尔不臧我思不遠既不我嘉

不能旋济视尔不臧我思不閤

赋也嘉臧皆善也遠犹忘也济渡也自许归卫必有所渡之水也閤闭也言思之不止也言大

夫既至而果不以我归为善则我亦不能旋反而济以至于卫矣虽视尔不以我为善然我之所思终不能自己也【王介甫曰宗国颠覆变之大者人情之至痛也夫人致其思如此然后尽于人心夫人致其思大夫致其义非先王之泽孰能使人如此辅氏曰使许穆夫人知人以己为不善而竟为之则是从欲者也知人以己为不善虽不复为而情终不能自己则是发乎情而止乎礼义者也】

陟彼阿丘言采其蕝【音盲叶谟郎反】女子善懷亦各有行【叶户】

【郎反】许人尤之众穉【直吏反】且狂

赋也偏高曰阿丘蕝贝母主疗郁结之疾善懷多忧思也犹汉书云岸善崩也【沟洫志曰引洛水至商颜下岸善崩】行道尤过也又言以其既不适卫而思终不止故其在涂或升高以舒忧想之情或采蕝以疗郁结之疾盖女子所以善懷者亦各有道而许国之众人以为过则亦少不更事而狂妄之人尔许人守礼非穉且狂但以其不知己情之切至而言若是尔然而卒不敢违焉则亦岂真以为穉且狂也哉

我行其野芄芃【蒲红反】其麦【叶讫力反】控【若贡反】于大邦谁因

谁极大夫君子无我有尤【叶于其反】百尔所思【叶新赍反】不如我所之

赋也芃芃麦盛长貌控特而告之也因如因魏庄子之因【左传襄四年无终子使孟乐如晋因魏庄子纳虎豹之皮以请和诸戎】极至也大夫即跋涉之大夫君子谓许国之众人也又言归途而涉芃芃之麦又自伤许国之小而力不能救故思欲为之控告于大邦而又未知其将何所因而何所至乎【严氏曰味诗意夫人盖欲赴愬于方伯以图救卫而托归唁为词尔】大夫君子无以我为有过虽尔所以处此有方然不如使我得自尽其心之为愈也

载驰四章二章章六句二章章八句

事见春秋传【愚按见闵公二年】旧說此诗五章一章六句二章三章四句四章六句五章八句苏氏合二章三章以为一章按春秋传叔孙豹赋载驰之四章而取其控于大邦谁因谁极之意与苏說合今从之范氏曰先王制礼父母没则不得归宁者义也虽国灭君死不得往赴焉义重于亡故也【严氏曰首章婉而未露也次章欲言而未言也三章始慨然责之四章乃言其情欲控告于大邦而求其能救卫者此至哀至切之情也其后齐桓公卒救卫而存之载驰诗煞有首尾委曲详尽非大段防底說不得殷圣人录泉水于前所以着礼之经列载驰于后所以尽事之变夫宗国覆灭莫大之变顾以父母既终而不得归则事变之微于是可知矣然则许穆夫人非贤矣哉因說宣姜生卫文公宋桓夫人许穆夫人卫壽子以此观之则人生自有秉彝不系气类辅氏曰宣公宣姜之恶极矣而其子如壽如文公其女如许穆夫人宋桓夫人则皆有贤德如是是何所观法哉亦自强于为善耳以是知人能自强于善则恶人不能污邪世不能乱也】

序许穆夫人作也闵其宗国颠覆自伤不能救也卫懿公为狄人所灭国人分散露于漕邑许穆夫人闵卫之亡伤许之小力不能救思归唁其兄又义不得故赋是诗也

此亦经明白而序不误者又有春秋传可证鄘国十篇二十九章百七十六句

卫一之五

瞻彼淇奥【于六反】绿竹猗猗【于宜反叶于何反】有匪君子如切如磋如琢如磨瑟兮僖兮【遐版反】兮赫兮咺兮【况晚反】兮有匪君子终不可谖【况元反叶况远反】兮

兴也淇水名奥隈【隈】也【刘执中曰水涯湾曲之地】绿色也淇上多竹汉世犹然所谓淇园之竹是也【汉志武帝塞瓠子决河薪柴少乃下淇园之竹以为榱又寇恂传伐淇园之竹为矢百余万榱音健】猗猗始生柔弱而美盛也匪斐通文章着见之貌也君子指武公也【孔氏曰武公和僖侯子】治骨角者既切以刀斧而复磋以鑢锡治玉石者既琢以槌凿而复磨以沙石言其德之修饰有进而无已也【饶氏曰有斐君子详此文势是說已做成君子之人言君子之所以斐然有文者其初自切磋琢磨中来切琢皆裁物使成形质也磋磨皆治物使其滑泽也切而复磋琢而复磨言治之有叙而益致其精也】瑟矜庄貌僖武严貌咺宣着貌谖忘也卫人美武公之德而以绿竹始生之美盛兴其学

问自修之进益也【愚按此释章内上五句彭氏曰陈氏云淇之泽深矣所可见者其隈之绿竹也君子平居切磋琢磨所以学问自脩者至矣徒见其外瑟僖赫咺而不思忘之是其积于中者厚矣辅氏曰以绿竹始生之美盛兴武公道学自修之进益遂言其威仪之盛而盛德至善民不能忘则固已极其始终而言之矣】大学传曰如切如磋者道学也如琢如磨者自脩也【道言也学谓讲习讨论之事自脩者省察克治之功既学而犹虑其未至则复讲习讨论以求之犹治骨角者既切之而复磋之既脩而犹虑其未至则又省察克治以终之犹治玉石者既琢之而复磨之陈安卿曰切是穷究事物之理逐件分析有伦有叙磋是讲究到纯熟道理莹彻所以如切而又磋琢是克去物欲之私使无瑕类磨是磨礲至那十分纯粹处所以如琢而又磨问道学自脩此诗人美武公之本防邪曰武公大段是有学问底人抑之一诗义理精密诗中如此者甚不易得问大学传引此诗而以道学自脩释之与论语子贡所引不同何也曰古人引诗断章取义姑以发已之志或疎或密或同或异盖不能同也】瑟兮僖兮者恂【峻】栗也赫兮咺兮者威仪也【瑟严密貌僖武防貌赫咺宣着盛大之貌恂栗战惧也威可畏也仪可象也恂栗者严敬之存乎中也威仪者辉光之着乎外也】有斐君子终不可谖兮者道盛德至善民之不能忘也【盛德至善盖人心之同然圣人既先得之而其充盛宣着又如此是以民皆仰之而不能忘也盛德以身之所得而言也至善以理之所极而言也辅氏曰观大学传曾子所以解此诗首章后六句之說字义明白而防意详备愈读愈有意味此方可谓之善說诗盖后之說诗者详于训诂则或略于防意泥于防意则或遗于训诂惟曾子则于字义防意两皆极其至也】

瞻彼淇奥绿竹青青【子丁反】有匪君子充耳琇莹【音营】防

【占外反】弁如星瑟兮僩兮赫兮咺兮有匪君子终不可谖兮

兴也青青坚刚茂盛之貌充耳璵【殿】也琇莹美石也天子玉璵诸侯以石防缝【去声】也弁皮弁也以玉饰皮弁之缝中如星之明也【孔氏曰弁师注云防缝中也皮弁之缝中结玉为饰谓之綦武公诸侯则玉用三采而璵饰七也】以竹之坚刚茂盛兴其服饰之尊严【愚按此释上五句】而见其德之称也【愚按此释下四句】瞻彼淇奥绿竹如簟【音责叶侧歷反】有匪君子如金如锡如

圭如璧宽兮绰兮猗【于绮反】重【直恭反】较【古岳反】兮善戏谑兮不为虐兮

兴也簟栈【潺上声】也【记檀弓注簟谓床第即床栈也】竹之密比【去声】似之则盛之至也【愚按盛而众也】金锡言其鍛链之精纯圭璧言其生质之温润【孔氏曰此与首章互文首章论其学问自脩如器未成之初故须切磋琢磨此论道德之成如已成之器故言圭璧金锡】宽宏裕也绰开大也猗叹辞也重较卿士之车也较谓两轡【倚】上出轼者谓车两傍也【吕和叔曰古者车箱长四尺四寸三分前一后二横一木下去车床三尺三寸谓之式又于式上二尺二寸横一木谓之较若车床凡五尺五寸古人立乘若平常则冯较若应为敬则落手凭下式而头得俯】善戏谑不为虐者言其乐易而有节也【程子曰言其乐易而以礼防节不至于过是不为虐也】以竹之至盛兴其德之成就【愚按此释上五句】而又言其宽广而自如和易而中节也【愚按此释下四句】盖宽绰无敛束之意戏谑非庄厉之时皆常情所忽而易致过差之地也然犹可观而必有节焉则其动容周旋之间无适而非礼亦可见矣【愚按绿竹自始生猗猗以至盛多如簟则成其生矣武公由学问自脩如金锡之出于鍛链如圭璧之成于琢磨则成其德矣兴之取义盖如此若其宽绰而居重较则自如而犹可观也戏谑而不为虐和易而必有节也所以能然者由其德之全备也陈壽翁曰充耳防弁则以德之称其服言重较则以德之称其车言也】礼曰张而不防文武不能也防而不张文武不为也一张一防文武之道也此之谓也【郑氏曰君子之德有张有弛故不常矜庄而时戏谑陈君举曰古人张不废弛屏不废遑肃肃不废離離僅僅不废祁祁有所拘者必有所從也愚按前章瑟僩赫咺张之时也此章宽绰戏谑弛之时也】

淇奥三章章九句

按国语武公年九十有五犹箴儆于国曰自卿以下至于师长士苟在朝者无谓我老耄而舍我必恪恭于朝以交戒我遂作懿【读为抑】戒之诗以自警而寘之初筵亦武公悔过之作则其有文章而能聽规諫以礼自防也可知矣卫之他君盖无足以及此者故序以此诗为美武公而今从之也【陈文蔚问曰武公进德成德之序始终可见一章言如切磋琢磨则学问自修之精密如此一章言威仪服饰之盛有诸中而形诸外也三章言如金锡圭璧则鍛链已精温纯深粹而德器成矣前二章皆有瑟僩赫咺之辞三章但言宽绰戏谑而已于此可见不事矜特而周旋中礼之意曰说得甚善武公学问之功甚不苟年九十五犹命羣臣使进规諫毕竟他去圣人近气象自是不同】

序美卫武公之德也有文章又能聽其規諫以礼自防故能入相于周美而作是诗也

此序疑得之

考槃在涧【叶居贤反】碩人之寬【叶区权反】独寐寤言永矢弗諼【况元反】

賦也考成也槃盤桓之意言成其隱處之室也陳氏曰考扣也槃器名蓋扣之以節歌如鼓盆拊缶之為樂【洛】也二說未知孰是山夾水曰涧碩大寬廣永長矢誓諼忘也詩人美賢者隱處涧谷之間而碩大寬廣無戚戚之意虽独寐而寤言犹自誓其不忘此樂也【嚴氏曰碩人之寬易所謂肥遯者也陳少南曰碩人在涧考槃樂歌天子不得而臣諸侯不得而友虽寐寤永誓不忘此樂】

考槃在阿碩人之邁【苦禾反】独寐寤歌永矢弗過【古禾反】賦也曲陵曰阿邁義未詳或云亦寬大之意也永矢弗過自誓所愿不逾于此若將終身之意也【輔氏曰退而窮處偏仄甚矣而能寬大自樂若將終身焉蓋无入而不自得也】

考槃在陸碩人之軸独寐寤宿永矢弗告【如沃反】賦也高平曰陸軸盤桓不行之意【蘇氏曰盤栢不行从容自廣之謂也】寤宿已覺而犹卧也弗告者不以此樂告人也考槃三章章四句【孔丛子子曰吾于考槃見遯世之士无闻于世輔氏曰孔丛子所記深得詩意】

序刺庄公也不能繼先公之業使賢者退而窮處此為美賢者窮處而能安其樂之詩文意甚明然詩文未有見弃于君之意則亦不得為刺庄公序蓋失之而未有損于義也至于鄭氏遂有誓不忘君之惡誓不過君之朝誓不告君以善之說則其害義又有甚焉于是程子易其訓詁以為陳其不能忘君之意陳其不能過君之朝陳其不得告君以善則其意忠厚而和平矣然未知鄭氏之失生于序文之誤若但直据詩詞則與其君初不相涉也

碩人其頤【其机反】衣【于既反】錦褕【苦迴反】衣齊侯之子衛侯之妻東宮之妹邢侯之姨譚公維私

賦也碩人指庄姜也頤長貌【孔氏曰猗嗟云頤而長兮】錦文衣也褕禪【單同】也錦衣而加褕焉為其文之大著也【褕儀禮作景禮記作綢古注以為禪衣所以褰錦衣者沈存中謂褕與綢同是用纈麻織疏布為之不知是否嚴氏曰褕以縠為之】東宮太子所居之宮齊太子得臣也系太子言之者明與同母言所生之貴也女子后生曰妹妻之姊妹曰姨姊妹之夫曰私邢侯譚公皆庄姜姊妹之夫互言之也【蘇氏曰邢周公之后譚近齊孔氏曰春秋譚子奔莒則譚子爵呂東萊曰白虎通云臣子于其國中皆褻其君為公】諸侯之子嫁于諸侯則尊同故歷言之【愚按歷言此者以見庄姜之姊妹與庄公之姻姬其尊皆同也】莊姜事見邶風綠衣等篇春秋傳曰庄姜美而无子衛人為之賦碩人即謂此詩而其首章極稱其族類之貴以見其為王嫡小君所宜親厚而重嘆庄公之昏惑也【孔氏曰其父母兄弟皆正大如此君何為不答之乎嚴氏曰風人不直言庄姜不見答之事但首章歷述其親族欲讀之者

知其为庄姜则不见答之事国人自知之不待察察言之矣】

手如柔荑【徒兮反】肤如凝脂领如蝤【似脩反】裼【音齐】齿如瓠

【户故反】犀螭【音秦】首蛾【我波反】眉巧笑倩【七荐反】兮美目盼【匹范反叶匹见反】兮

赋也茅之始生曰荑言柔而白也凝脂脂寒而凝者亦言白也领颈也蝤蛴木虫之白而长者【本草注曰郭璞云腐木根下有之瘦而白】瓠犀瓠中之子方正洁白而比次整齐也螭如蟬而小其额广而方正【郑氏曰螭蜻蛚】蛾蚕蛾也其眉细而长曲倩口辅之美也【孔氏曰服防云辅上颌车也是牙外之皮肤颊下之别名也】盼白黑分明也此章言其容貌之美犹前章之意也【郑氏曰說庄姜容貌之美所宜亲幸也】

硕人敖敖【五刀反】說【始銳反】于农郊【叶音高】四牡有骄【起桥反叶】

【音高】朱幘【符云反】鑣鑣【表骄反叶音褒】翟茀【音弗】以朝【直遥反叶直豪反】大夫夙退无使君劳

赋也敖敖长貌說舍也农郊近郊也四牡车之四马骄壮貌幘鑣饰也鑣者马衔外铁人君以朱纒之也鑣鑣盛也【孔氏曰言以朱饰鑣而鑣鑣然盛】翟翟车也夫人以翟羽饰车茀蔽也妇人之车前后设蔽【孔氏曰妇人下露见车前后设障谓之茀因以翟羽为饰】夙早也玉藻曰君日出而视朝【郑氏曰朝内朝路寝门外之正朝也】退适路寝聽政使人视大夫大夫退然后适小寝释服【郑氏曰小寝燕寝也释服服端孔氏曰君出视朝毕乃适路寝以待大夫之所谘决事之多少大夫所主故大夫退然后罢】此言庄姜自齐来嫁舍止近郊乘是车马之盛以入君之朝国人乐得以为庄公之配故谓诸大夫朝于君者宜早退无使君劳于政事不得与夫人相亲而叹今之不然也【严氏曰君之不答庄姜惑于嬖妾之故也而此诗以为无使君劳母之不安其室淫风流行之故也而凯风以为劳苦而然风人之词婉矣】

河水洋洋北流活活【古濶反叶户劣反】施罟【音孤】濊濊【呼活反叶许月】

【反】鱣【陟连反】鲔【于轨反】发发【补末反叶方月反】葭【音加】蒹【他览反】揭揭【易謁反】庶姜孽孽【鱼竭反】庶士有暵【欺列反】

赋也河在齐西卫东北流入海洋洋盛大貌活活流貌施設也罟鱼罟濊濊罟入水声也【說文曰濊碍流也】鱣鱼似龙黄色銳头口在颌下背上腹下皆有甲大者千余斤【孔氏曰鱣鱼体有邪行甲无鳞大者长二三丈江东呼为黄鱼】鲔似鱣而小色青黑【孔氏曰陆玑云鲔头小而尖似铁兜鍪口亦在颌下其甲可以摩姜大者不过七八尺一名鮓肉色味不如鱣也鮓音矛鮓音洛】发发盛貌蒹葭【顽去声】也亦谓之荻揭揭长也庶姜谓侄娣孽孽盛

饰也庶士谓媵臣竭武貌言齐地广饶而夫人之来士女佼好礼仪盛备如此亦首章之意也

硕人四章章七句【孔氏曰此诗皆陈庄姜宜于见荅而君不亲也严氏曰此诗无一语及庄姜不见荅之事但言其姻族之贵容貌之美礼仪之备又言齐地广饶士女俊好以深寓其惋惜之意而已惟大夫夙退无使君劳二句防见其意而辞亦深婉风人之词大抵然也胡庭芳曰黄氏云绿衣诗言嬖妾之不当僭而僭硕人诗言夫人之宜见荅而不见荅也辅氏曰观邶风燕燕等篇则庄姜之德行文章皆未易及而此诗不之言何也曰此但指其所易见者以刺庄公之昏惑而不知耳庄姜之美则固不止此也】

序闵庄姜也庄公惑于嬖妾使骄上僭庄姜贤而不荅终以无子国人闵而忧之

此序据春秋传得之

氓之蚩蚩【尺之反】抱布贸【莫豆反】丝【叶新赍反】匪来贸丝来即我谋【叶谟悲反】送子涉淇至于顿丘【叶祛奇反】匪我愆期子无良媒【叶谟悲反】将【七羊反】子无怒秋以为期

赋也氓民也盖男子而不知其谁何之称也【始见其来莫知其为谁何也既与之谋则尔汝之矣此言之序也】蚩蚩无知之貌盖怨而鄙之也布币【孔氏曰币者布帛之名】贸买也【释文曰交易也】贸丝盖初夏之时也顿丘地名【严氏曰在朝歌之东汉志陈郡有顿丘县师古云以丘为县也丘一成为顿丘谓一顿而成也】愆过也将愿也请也此淫妇为人所弃而自叙其事以道其悔恨之意夫既与之谋而不遂往又责所无以难其事再为之约以坚其志此其计亦狡矣以御蚩蚩之氓宜其有余而不免于见弃盖一失其身人所贱恶始虽以欲而迷后必以时而悟是以无往而不困耳士君子立身一败而万事瓦裂者何以异此可不戒哉【辅氏曰读先生之說令人惕然知戒不敢有一毫自恕之意也】

乘彼垝【俱毁反】垣【音袁】以望复闕【叶圭员反】不见复闕泣涕涟

涟【音连】既见复闕载笑载言尔卜尔筮体无咎言以尔车来以我贿【呼罪反】迁

赋也垝毁垣墙也复闕男子之所居也不敢显言其人故托言之耳曰卜蓍曰筮体兆卦之体也【龟岁久则灵蓍生百年一本百茎亦物之灵者卜筮实问鬼神以蓍龟神灵之物故假之以驗其卦兆卜法以明火爇柴灼龟为兆筮法以四十九着分卦揲扚凡十八变而成卦孔氏曰兆卦之体谓龟兆筮卦也故左传曰一薰一莸十年尚有臭是龟之繇易曰困于石据于蒺藜是卦之繇二者皆有繇词也繇音由】贿财迁徙也与之期矣故及期而乘垝垣以望之既见之矣于是问其卜筮所得卦兆之体君无凶咎之言【辅氏曰此章可见古人之尚卜筮然使其知易为君子谋不为小人谋则亦不敢求之筮矣愚按卜筮之法所以开物成务定天下之吉凶成天下之亹亹者曾谓有淫人之瀆问而尚得无凶咎之言乎以其犹能自疑而欲决之也则请以蒙之六三告之盖使此氓而知勿用取行不顺之戒此女而知不有躬无攸利

之戒则必各求正应岂复至于相弃也哉】则以尔之车来迎当以我之贿往迁也

桑之未落其叶沃若于【音吁下同】嗟鸠兮无食桑葚【音甚叶知】

【林反】于嗟女兮无与士耽【叶持林反】士之耽兮犹可说也女之耽兮不可说也

比而兴也沃若润泽貌鸠鹒【音骨】鸠也似山雀而小短尾青黑色多声【严氏曰即庄子所谓鸛鸠也郭璞云似山鹊呼为鹒鹒音骨朝本草曰鹒鹒尾短黄色多声】葚桑实也鸠食葚多则致醉耽相乐也说解也言桑之润泽以北己之容色光丽然又念其不

不可恃此而从欲忘反故遂戒鸠无食桑葚以兴下句戒女无与士耽也【愚按此章比自比兴自兴下泉则就以比辞起兴盖有两例后凡言比而兴者各以文意求之可也】士犹可说而女不可说者妇人被弃之后深自愧悔之辞主言妇人无外事唯以贞信为节一失其正则余无足观耳不可便谓士之耽惑实无所妨也【郑氏曰士有百行可以功过相揜妇人唯以贞信为节愚按集传所谓主言者盖以此妇立言之意专主于言妇人不可一失其节故其辞意抑扬重于女而轻于男非谓男有可耽之理而无所妨玩诗文犹之一字意亦可见读者当不失性情之正也】

桑之落矣其黄而陨【叶于贫反】自我徂尔三歲食贫淇水

汤汤【音伤】渐【子廉反】车帷裳女也不爽【叶师庄反】士貳其行【下孟反叶户郎反】士也罔极二三其德

比也陨落徂往也汤汤水盛貌渐渍也帷裳车饰亦名童容妇人之车亦有之【孔氏曰以帷障车之傍如裳以为容饰故谓童容】爽差极至也言桑之黄落以比己之容色凋谢遂言自我往之尔家而值尔之贫于是见弃复乘车而渡水以归复自言其过不在此而在比也【辅氏曰女也不爽此但言其誓约之言不差耳岂不悔其初之失哉虽云曲不在己殊不知始既如此则终固宜然也愚按此妇首称曰氓继而曰子继而曰尔又继而谓之士继而复曰尔又复曰士或鄙之或亲之或贵之此所以为怨妇之辞欤】

三歲为妇靡室劳矣夙兴夜寐靡有朝【叶直豪反】矣言既

遂矣至于防矣兄弟不知咥【许意反】其笑【叶音燥】矣静言思之躬自悼矣

赋也靡不夙早兴起也咥笑貌言我三歲为妇尽心竭力不以室家之务为劳早起夜卧无有朝旦之暇与尔始相谋约之言既遂而尔遽以暴戾如我兄弟见我之归不知其然但咥然其笑而已盖淫奔徙人不为兄弟所齿故其见弃而归亦不为兄弟所恤理固有必然者亦何所归咎哉但自痛悼而已及尔偕老老使我怨淇则有岸【叶鱼战反】隰则有泮【音畔叶匹】

【见反】总角之宴言笑晏晏【叶伊佃反】信誓旦旦【叶得绢反】不思其反【叶孚绡反】反是不思【叶新赍反】亦已焉哉【叶将黎反】

赋而兴也及与也泮涯也高下之判也总角女子未许嫁则未笄但结发为饰也【孔氏曰但结其发为两角】晏晏和柔也旦旦明也言我与汝本期偕老不知老而见弃如此徒使我怨也【愚按诗言总角之宴则此女未笄而已奔矣又言老使我怨则至老而后见弃也故前章以桑之黄落自此其色之衰也所谓三歳为妇三歳食贫者言其在夫家贫劳之歲月耳】淇则有岸矣隰则有泮矣而我总角之时与尔宴乐言笑成此信誓曾不思其反复以至于此也此则兴也【愚按此章兴在赋外他章亦有就赋其事以起兴如黍离之类者盖亦有两例也后凡言赋而兴者当各以其文意求之】既不思其反复而至于此矣亦如之何哉亦已而已矣传曰思其终也思其复也思其反之谓也【襄公二十五年注曰思使终可成思其可复行也辅氏曰静言思之躬自悼矣反是不思亦已焉哉皆悔恨之极也大凡人之处事须当思其反不然鲜有不愆于凶咎者欲心一纵则必不能思其反耳】氓六章章十句【刘执中曰夫妇者五品之本匹配虽自于人谋义理实根于天地顺其道者足以安于其位逆其理者无以保于其生盖肇有人伦以来未有违理犯义终其身而弗悔者此氓诗之所由作也辅氏曰谷风与氓二诗皆怨然谷风虽怨而责之其辞直盖其初以正也氓之诗则怨而悔之耳其辞隐盖其初之不正也尝谓二诗皆出于卫之妇人其文辞次序虽后世工文之士所不能及然考其行则一贤一否如是之不同所谓有言者不必有德岂不信哉愚按此诗及邶谷风皆弃妇所作故其辞意多同桑之黄陨即泾浊之色也食贫靡劳即方舟泳游之苦也至于暴戾即有洧有溃之意也偕老而使我怨即既生育而比子于毒也然则宴尔新昏以我御穷则其过今在于夫女之耽兮不可説也则其过昔在于已今之过在夫故可责其不念昔者之来暨昔之过在已故终于自悔昔者之不思其反此诗自悔之深固不得如谷风归怨之深也】

序刺时也宣公之时礼义消亡淫风大行男女无别遂相奔诱华落色衰复相弃背或乃困而自悔丧其妃耦故序其事以风焉美反正刺淫佚也

此非刺诗宣公未有考故序其事以下亦非是其曰美反正者尤无理

籊籊【他歷反】竹竿以钓于淇岂不尔思遠莫致之

赋也籊籊长而杀【去声】也竹卫物淇卫地也卫女嫁于诸侯思归宁而不可得故作此诗言思以竹竿钓于淇水而遠不可至也【辅氏曰岂不尔思者言固不能不思也遠莫致之者以义有不可故托以遠而不能致耳】

泉源在左淇水在右【叶羽轨反】女子有行遠【于万反】兄弟父

母【叶满彼反】

赋也泉源即百泉也在卫之西北而东南流入淇故曰在左淇在卫之西南而东流与泉源合

故曰在右【胡庭芳曰以北为左南为右】

思二水之在卫而自叹其不如也【辅氏曰女子有行遠父母兄弟安之之辞】

淇水在右泉源在左巧笑之瑳【七可反】佩玉之雒【乃可反】赋也瑳鲜白色笑而见齿其色瑳然犹所谓粲然皆笑也雒行有度也

承上章言二水在卫而自恨其不得笑语游戏于其间也

淇水滢滢【音由】桧楫松舟驾言出游以写我忧

赋也滢滢流貌桧木名似柏【毛氏曰桧栢叶松身孔氏曰禹贡栢注栢叶松身曰栢与此一也】楫所以行舟也 与泉水之卒章同意竹竿四章章四句【苏氏曰泉水载驰竹竿皆异国诗而在卫者以其声卫声欤记曰郑声好滥淫志卫音促数烦志齐音傲僻骄志盖诸国之音未有同者卫女思归而作诗其为卫音也宜】序卫女思归也适异国而不见答思而能以礼者也

未见不答之意

芄【音丸】兰之支童子佩觿【许规反】虽则佩觿能不我知容兮遂兮垂带悸【其季反】兮

兴也芄兰草一名萝摩蔓生断之有白汁可啖【淡 本草注曰幽州人谓之雀瓢】支枝同【董氏曰石经作枝説文同】觿锥也以象骨为之所以解结成人之佩非童子之饰也知犹智也言其才不足以知于我也容遂舒缓放肆之貌悸带下垂之貌芄兰之叶童子佩鞶【失涉反】虽则佩鞶能不我甲【叶古協反】

容兮遂兮垂带悸兮

兴也鞶决也以象骨为之着【斫】右手大指所以钩 闾【开】体郑氏曰沓也即大射所谓朱极三是也以朱韦为之用以彊【扞】沓右手食指将指无名指也【仪礼大射小射正取决兴賛设决朱极三郑氏曰极犹放也所以韜指利放 也三者食指将指无名也】甲长也言其才能不足以长于我也

芄兰二章章六句【辅氏曰墙有茨传谓宣公卒惠公幼而杜预又谓惠公即位时方十五六则小序以此诗属之惠公亦可但他无所见而诗文又不明言其所以故先生直断以为不知所谓不敢强断也阙疑之义若必为刺卫惠公则便至有依托凿空之失也】

序刺惠公也骄而无礼大夫刺之

此诗不可考当阙

谁谓河广一苇【韦鬼反】杭【户郎反】之谁谓宋远跂【丘跂反】予望【叶武方反】之

赋也苇兼葭之属杭度也卫在河北宋在河南宣姜之女为宋桓公夫人生襄公而出归于卫襄公即位夫人思之而义不可往盖嗣君承父之重与祖为体母出与庙绝不可以私反故作此诗言谁谓河广乎但以一苇加之则可以渡矣谁谓宋国远乎但一跂足【严氏曰跂举肿也脚跟音根不着地】而望则可以见矣明非宋远而不可至也乃义不可而不得往耳【严氏曰笺谓宋襄即位其母思之而作河广之诗疏因以为卫文公时非也卫都朝歌在河北宋都睢阳在河南自卫适宋必涉河卫自鲁闵二年狄入之后戴公始渡河而南河广之诗言谁谓河广一苇杭之则是作于卫未迁之前矣时宋桓犹在防公方为世子卫戴文俱未立也旧说误矣疏以河广属卫风当为卫人所作非宋防公母所亲作然宋襄公母本卫女又归卫而作此诗不属之卫何所属乎】

谁谓河广曾不容刀谁谓宋远曾不崇朝

赋也小船曰刀不容刀言小也崇终也行不终朝而至言近也【严氏曰刀舠古字通用辅氏曰但言非河之广而不可渡非宋之远而不可见以极其情思焉而终不往言其义之不得往也此意最可玩范氏以为知礼而畏义者得之矣】

河广二章章四句

范氏曰夫人之不往义也天下岂有无母之人欤有干乘之国而不得养其母则人之不幸也为襄公者将若之何生则致其孝没则尽其礼而已卫有妇人之诗自共姜至于襄公之母六人焉皆止于礼义而不敢过也夫以卫之政教淫僻风俗伤败然而女子乃有知礼而畏义如此者则以先王之化犹有存焉故也【辅氏曰范氏为襄公处者得其义矣所谓先王之化犹有存焉即大序所谓止乎礼义先王之泽也必如此等诗方可当之】

伯兮【丘列反】兮邦之桀兮伯也执殳【市朱反】为王前驱赋也伯妇人目其夫之字也殳武貌桀才过人也殳长丈二而无刀妇人以夫久从征役而作是诗言其君子之才之美如是今方执殳而为王前驱也【辅氏曰先言其君子之才之美如是而后言方执殳而为王前驱则是惜其用之不得其所也】

自伯之东首如飞蓬岂无膏沐谁适【都歷反】为容赋也蓬草名其华如柳絮聚而飞如乱发也膏所以泽发者沐涤首去垢也适主也言我发乱如此非无膏沐可以为容所以不为者君子行役无所主而为之故也传曰女为说已容【辅氏曰此其真情也东莱吕氏曰膏所以膏首面流盖潘也左传遗之潘沐杜预云潘米汁可以沐头鲁遣展喜以膏沐劳齐师则膏非专妇人用也胡庭芳曰内则女事父母舅姑五日澣汤请浴三日具沐其间面垢澣潘请沐足垢澣汤请洗注潘淅米汁澣洗面】

其雨其雨杲杲【古老反】出日愿言思伯甘心首疾比也其者冀其将然之辞冀其将雨而杲然日出以比望其君子之归而不归也是以不堪忧思之苦而宁甘心于首疾也【辅氏曰冀其归而复不归则其忧思为尤甚】

焉【于防反】得谖【况袁反】草言树之背【音佩】愿言思伯使我心

痾【呼内反】

赋也谖忘也谖草合欢食之令人忘忧者【本草注曰一名鹿葱其花名宜男懐胎妇人佩其花生男也萱草味甘令人好欢乐忘忧】背北堂也【孔氏曰房室所居之地总谓之堂房半以北为北堂房半以南为南堂李宝之曰北堂有北阶贾氏云房与室相连为之房无北壁故得北堂之名愚按北堂背南向北故谓之背】痾病也言焉得忘忧之草树之北堂以忘吾爱乎【北堂盖古之植花草之处】然终不忍忘也是以宁不求此草而但愿言思伯虽至于心痾而不辞尔心痾则其病益深非特首疾而已也伯兮四章章四句

范氏曰居而相离则思期而不至则忧此人之情也文王之遗戍役周公之劳归士皆叙其家室之情男女之思以闵之故其民悦而忘死圣人能通天下之志是以能成天下之务兵者毒民于死者也孤人之子寡人之妻伤天地之和召水旱之灾故圣王重之如不得已而行则告以归期念其勤劳哀伤惨怛不啻在己是以治世之诗则言其君上悯恤之情乱世之诗则录其室家怨思之苦以为人情不出乎此也【辅氏曰范氏之説诚足以诏万世人君而知此义则知谨重于用兵矣至于所谓治世之诗则述其君上悯恤之情乱世之诗则录其室家怨思之苦以为人情不出乎此者又深得圣人录诗之意李迂仲曰古者师出不逾时所以重民力也春秋时用兵多矣未有书师还者独于庄公八年书之以见逾时不反也然采薇之役逾年而归东山之师三年而至诗人乃美之者盖用之得其道则民无怨怼之心不得其道则逾时之久而人怨矣】

序刺时也言君子行役为王前驱过时而不反焉

旧説以诗有为王前驱之文遂以此为春秋所书從王伐郑之事然诗人又言自伯之东则郑在卫西不得为此行矣序言为王前驱盖用诗文然似未识其文意也【吕东莱曰为王前驱特诗中之一语非大义也】

有狐绥绥在彼淇梁心之忧矣之子无裳

比也狐者妖媚之兽绥绥独行求匹之貌【严氏曰狐性淫又多疑绥绥然独行而迟疑有求匹之意□无妻之人也本草曰狐鼻尖尾大善为妖魅】石絶水曰梁在梁则可以裳矣国乱民散丧其妃耦有寡妇见鰥夫而欲嫁之故托言有狐独行而忧其无裳也【谢叠山曰见鰥夫无人缝裳而有忧则其情可知矣因其有言者以探其不言者可以言风人之防矣】有狐绥绥在彼淇厉心之忧矣之子无带【叶丁计反】比也厉深水可涉处也带所以束衣也

在厉则可以带矣

有狐绥绥在彼淇侧心之忧矣之子无服【叶蒲比反】比也济乎水则可以服矣

有狐三章章四句

序刺时也卫之男女失时丧其妃耦焉古者国有凶荒则杀礼而多昏防男女之无夫家者所以育人民也

男女失时之句未安其曰杀礼多昏者周礼大司徒以荒政十有二聚万民十曰多昏者是也序者之意盖曰卫于此时不能举此之政耳然亦非诗之正意也长乐刘氏曰夫妇之礼虽不可不谨于其始然民有细微贫弱者或困于凶荒必待礼而后昏则男女之失时者多无室家之养圣人伤之宁邦典之或违而不忍失其婚嫁之时也故有荒政多昏之礼所以使之相依以为生而又以育人民也诗不云乎恺悌君子民之父母苟无子育兆庶之心其能若此哉此则周礼之意也

投我以木瓜【叶攻乎反】报之以琼琚【音居】匪报也永以为好【呼报反】也

比也木瓜櫨【茂】木也实如小 酢可食【本草曰木状如柰花生于春末深红色其实大者如 小者如拳尔雅谓之防徐氏曰 有 颰桃有羊桃李有雀李此皆枝蔓也故言木 木桃木李以别之也】琼玉之美者琚佩玉名【孔氏曰琚非玉名也琚瑶玖三者互言琚言佩玉名瑶玖亦佩玉名】言人有赠我以微物我当报之以重宝而犹未足以为报也但欲其长以为好而不忘耳疑亦男女相赠荅之词如静女之类

投我以木桃报之以琼瑶匪报也永以为好也比也瑶美玉也

投我以木李报之以琼玖【音久叶举里反】匪报也永以为好

也

比也玖亦玉名也【説文曰玖玉黑色孔氏曰丘中有麻传云玖石次玉者是玖非全玉也】

木瓜三章章四句

序美齐桓公也卫国有狄人之败出处于漕齐桓公救而封之遗之车马器服焉卫人思之欲厚报之而作是诗也

説见本篇【愚按桓公封卫以王法律之固为春秋之罪人自卫人视之则天地再造之恩也果如序説则桓公之德仅可比于草木之实而卫人之报者未见乃遽自拟以重宝尚为知恩

也哉序說非诗意矣集传固不得从之也】

卫国十篇三十四章二百三句

张子曰卫国地濱大河其地土薄故其人气轻浮其地平下故其人质柔弱其地肥饶不费耕耨故其人心怠惰其人情性如此则其声音亦淫靡故闻其乐使人懈慢而有邪僻之心也郑诗放此【辅氏曰郑卫之俗淫靡非独习俗之弊蓋亦风土所致张子发此說可谓能通天地人矣陈壽翁曰此說大槩为淫诗言耳鄺柏舟定中淇奥等篇不在此限】

诗传通释卷三

卷四

<经部,诗类,诗传通释

钦定四库全书

诗传通释卷四

元 刘瑾 撰

诗

朱子集传

王一之六

王国谓周东都洛邑王城畿内方六百之地【孔氏曰汉志云周封圻东西长南北短短长相覆千里臣瓚按西都方八百里八八六十四为方百里者六十四东都方六百里六六三十六为方百里者三十六二都方百里者百方千里也】在禹贡豫州大华外方之间北得河阳渐冀州之南也【孔氏曰渐冀南境也】周室之初文王居丰武王居镐至成王周公始营洛邑为时防诸侯之所以其土中四方来者道里均故也自是谓丰镐为西都而洛邑为东都【郑氏曰洛邑谓之王城是为东都今河南是也周公又营成周今洛阳是也陈大猷曰镐京谓之宗周以其为天下所宗也洛邑谓之东都又谓之成周以周道成于此也洛邑天下之至中丰镐天下之至险于洛邑定鼎以朝诸侯宅土中以泄四海其示天下也公于镐京定都以据形胜处上游以制六合其虑天下也遠汉唐并建两京蓋亦深识天下形势之所在而有得于成王周公之遗意欤】至幽王嬖褒姒生伯服废申后及太子宜臼宜臼奔申申侯怒与犬戎攻宗周弑幽王于戏【羲严氏曰戏骊山下地名亦水名】晋文侯郑武公迎宜臼于申而立之是为平王徙居东都王城【孔氏曰镐京为西周王城为东周及敬王去王城而迁成周自是又谓王城为西周成周为东周】于是王室遂卑与诸侯无异故其诗不为雅而为风然王号未替也故不曰周而曰王【苏氏曰其风及其境内而不能被天下与诸侯比问王风是他风如此不是降为国风曰其辞语可见风多出于在下之人雅乃士大夫所作雅虽有刺而其辞与风异黄实夫曰黍离之为国风以其诗之体为风也周室未迁则其音天下之正声也平王迁而东之则其音乃东土之音耳故曰王国风孔氏曰平王地狭于千里比于列国当言周而言王尊之也】其地则今河南府及懷孟等州是也【愚按河南府今隶河南省懷州今改懷孟路与孟川皆隶今河东山西道】

彼黍离离彼稷之苗行迈靡靡中心摇摇知我者谓我心忧不知我者谓我何求悠悠苍天【叶鐵因反下同】此何人哉赋而兴也黍谷名苗似芦高大余穗黑色实圆重【严氏曰黍似

粟而非粟有二种米粘者为秬可以酿酒不粘者为黍本草注云黍有数种又有月黑黑黍谓之秬丹黍皮赤米黄】离离垂貌稷亦谷也一名稌【祭】似黍而小或曰粟也【孔氏曰楚威王曰寡人心摇摇然如旌旄而无所薄摇摇是心忧而无附着之意】悠悠远貌苍天者据远而视之苍苍然也周既东迁大夫行役至于宗庙过故宗庙宫室尽为禾黍闵周室之颠覆徬徨不忍去故赋其所见黍之离离与稷之苗以兴行之靡靡心之摇摇既叹时人莫识已意【郑氏曰怪我久留而不去】又伤所以致此者果何人哉追念之深也【李迂仲曰呼天而愬曰致此者何人哉盖含蓄其词不欲指斥其人也】

彼黍离离彼稷之穗【音遂】行迈靡靡中心如醉知我者

谓我心忧不知我者谓我何求悠悠苍天此何人哉赋而兴也穗秀也稷穗下垂如心之醉故以起兴【毛氏曰中心似醉醉于忧也】

彼黍离离彼稷之实行迈靡靡中心如噎【于结反于悉反】

知我者谓我心忧不知我者谓我何求悠悠苍天此何人哉

赋而兴也噎忧深不能喘息如噎之然【孔氏曰噎咽喉闭塞之名言忧深也】稷之实如心之噎故以起兴

黍离三章章十句

元城刘氏曰常人之情于忧乐之事初遇之则其心变焉次遇之则其变少衰三遇之则其心如常矣至于君子忠厚之情则不然其行役往来固非一见也初见稷之苗矣又见稷之穗矣又见稷之实矣【张子曰言苗言穗言实作文者须是如此不可都谓之苗也】而所感之心终始如一不少变而愈深此则诗人之意也【辅氏曰久而不忘者天理之常也暴集旋个者人欲之无定也情得其正则自然久而不忘矣谢叠山曰天王而没于夷狄天地之大变中国之大耻东周臣子之大讐也文武成康之宗庙而尽为禾黍闻者当流涕矣心摇摇而不忍去天悠悠而不我知能为闵周之诗者一行役大夫之外无人也不知平王而闻此诗也亦有惻于中否乎吾观书至文侯之命知平王之不足以有为矣所以训戒晋文侯者惟曰自保其国而已王室之盛衰故都之兴废悉置度外吾于黍离之诗重有感也夫愚按小弁诗曰踽踽周道鞠为茂草我心忧伤惄焉如 正若此诗之意然则黍离之感慨有不待于火夫行役之时而已兆于褒姒母子僭乱之日大夫追怨之词有所归矣】

序闵宗周也周大夫行役至于宗庙过故宗庙宫室尽为禾黍闵周室之颠覆徬徨不忍去而作是诗也

君子于役不知其期曷至哉【叶将黎反】鸡栖【音西】于埘【音时】日之夕矣羊牛下来【叶陵之反】君子于役如之何弗思【叶新赧反】赋也君子妇人目其夫之辞凿墙而

栖曰埭日夕则羊先归而牛次之【埭雅曰羊性畏露晚出而早归常先于牛也】大夫久役于外其室家思而赋之曰君子行役不知其反还之期且今亦何所至哉鸡则栖于埭矣日则夕矣牛羊则下来矣是则畜彛产出入尚有旦暮之节而行役之君子乃无休息之时使我如何而不思也哉【辅氏曰知其归期则知其所出也知其所在则思有所向也今也不知其期则不知其防时可归也曷至哉则不知其今在何所也如之何勿思覩物兴思虽欲自己而有所不能也】

君子于役不日不月曷其有佸【户括反叶户劣反】鸡栖于桀曰

之夕矣羊牛下括【古活反叶古劣反】君子于役苟无饥渴【叶巨列反】赋也佸防桀杙【弋】括至苟且也君子行役之久不可计以日月而又不知其何时可以来防也亦庶防其免于饥渴而已矣此忧之深而思之切也【辅氏曰可以日月计则思有节也知其防期则思犹有止也不日不月则不可计以日月也曷其有佸则不知其何时可以来防也苟无饥渴则不敢必其归而但幸其不至于饥渴而已其忧思之情益甚矣】

君子于役二章章八句【谢叠山曰两雪霏霏遣戍役而预言归期也卉木萋萋劳还率而详言归期也卉木萋止劳还役而详言归期也四牡之使宁防何时劳之日我心伤悲吉甫在镐不过千里劳之曰我行永久吾观先王之心惟恐一人之劳苦惟恐一人之怨咨何也不如是非所谓体羣臣也本于推己及物之恕发而为序情闵劳之仁岂有无期度者哉今君子于役至于不知其期仁恕之意泯然矣文武宣王之治何时而可复见乎】

序刺平王也君子行役无期度大夫思其危难以风焉

此国人行役而室家念之之辞序説误矣其曰刺平王亦未有考

君子阳阳左执簧【音黄】右招我由房其乐【音洛】只【音止】且【子徐反】赋也阳阳得志之貌【董氏曰阳阳者气充于内容貌不枯也】簧笙竽管中金叶也盖笙竽皆以竹管值于匏中而窍其管底之侧以薄金叶障之吹则鼓之而出声所谓簧也故笙竽皆谓之簧笙十三簧或十九簧竽三十六簧也由从也房东房也【房只是人出入处古人于房前有壁后无壁所以通内李宝之曰堂屋次栋之架曰楣后楣以北为室与房人君左右房大夫东房西室而已】只且语助辞此诗疑亦前篇妇人所作盖其夫既归不以行役为劳而安于贫贱以自乐其家人又识其意而深叹美之皆可谓贤矣岂非先王之泽哉或曰序説亦通宜更详之【辅氏曰谓此诗疑亦前篇妇人所作者盖两篇之首皆以君子为言而人相联属此固不害于义然亦安知其非偶然而然也故又取或者之説以为序説亦通宜更详之盖欲仍旧也孔氏曰君子之人阳阳然左手执簧右手招我从房中乐官之位时世衰乱且相与乐此而已天子诸侯皆有房中之乐胡庭芳曰朱子初解云君子知道之不行于贫而仕所以辞尊居卑辞富居贫相招为禄仕虽役于伶官之贱而阳阳自得若诚有乐乎此者其所以全身远害之计深矣虽非圣贤出处之正然比于不量其力贪利以没身者岂不贤哉】

君子陶陶左执翾【徒刀反】右招我由敖【五刀反】其乐只且赋也陶陶和乐之貌翾舞者所持羽旄之属敖舞位也

君子阳阳二章章四句

序闵周也君子遭乱相招为禄仕全身远害而已

說同上篇【辅氏曰此序得之蓋右之乐官实掌教事如舜命夔典乐教胄子周官大司乐掌教国子可见故贤者多隱于乐工如简兮诗之类至春秋时如鲁太师挚诸人犹知逾河蹈海以去乱不贤者能如是乎使贤者隱于乐工而以全身远害为乐则时可知矣】

扬之水不流束薪彼其【音记】之子不与我戍申懷【叶胡威反下同】哉懷哉曷月予还【音旋】归哉

兴也扬悠扬也水缓流之貌彼其之子戍人指其室家而言也戍屯兵以守也申姜姓之国平王之母家在今邓州信阳军之境【愚按申国属宋邓州南阳县及信阳军今南阳县改属南阳府信阳军改信阳州并隶河南省】懷思曷何也平王以申国近楚数被侵伐故遣畿内之民戍之而戍者怨思作此诗也兴取之不二字如小星之例【辅氏曰彼其之子是戍人指其室家而言则不与我戍申云者蓋言不得同其室家以往耳懷哉懷哉言其思念不一而足也曷月予还归哉言不知何日可以还归以安其室家也兴取之不二字如小星之例此兴体之中又别是一例不然则又似比体愚按先儒多以为水弱不流薪楚喻平王微弱不能征发诸侯蓋由误认此诗之体此诗乃兴之不取义者特取之不二字相应耳故集传特指其例以明之】

扬之水不流束楚彼其之子不与我戍甫懷哉懷哉

曷月予还归哉

兴也楚木也甫即吕也亦姜姓书吕刑礼记作甫刑而孔氏以为吕侯后为甫侯是也当时蓋以申故而并戍之今未知其国之所在计亦不遠于申许也【孔氏曰言甫与许者以其俱为姜姓既重章以变文因借甫许以言申其实不戍许甫也六国时秦赵同为嬴姓史记汉书多谓秦为赵亦此类也】

扬之水不流束蒲【叶滂古反】彼其之子不与我戍许懷哉

懷哉曷月予还归哉

兴也蒲蒲柳春秋传云董泽之蒲杜氏云蒲杨柳可以为箭者是也【孔氏曰陆机云蒲柳有两种皮正青者曰小杨其一种皮红者曰大杨其叶皆长广于柳叶皆可为箭干故宣公十二

年传曰董泽之蒲可胜既乎严氏曰毛以为草郑以为蒲柳皆通蒲草见陈泽陂蒲柳见陈东门之扬】许国名亦姜姓亦颍昌府许昌县是也【钱氏曰许在今许州】

扬之水三章章六句

申侯与犬戎攻宗周而弑幽王则申侯者王法必诛不赦之贼而平王与其臣庶不共戴天之讐也今平王知有母而不知有父知其立已为有德而不知其弑父为可怨至使复讐讨贼之师反为报施酌恩之举则其忘亲逆理而得罪于天已甚矣【项氏曰自天理观之则申侯为平王不共戴天之讐自平王观之则申侯乃贾充成济也其戍之宜矣愚按小弁诗曰何辜于天又曰君子信谗又曰君子不惠不舒究之又曰舍彼有罪予之佗矣皆为怨父之词吾意平王所以但知母家之重而不知弑父之讐者皆自畴昔怨父一念之差所致也究其忘亲逆理之罪吾于其传与有责焉】又况先王之制诸侯有故则方伯连帅以诸侯之师讨之王室有故则方伯连帅以诸侯之师救之天子乡遂之民供贡赋卫王室而已今平王不能行其威令于天下无以保其母家乃劳天子之民遽为诸侯戍守故周人之戍申者又以非其职而怨思焉则其衰懦微弱而得罪于民又可见矣【程子曰诸侯有患天子命保卫之亦宜也平王独思其母家耳非有王者保天下之心人怨宜也况天子当使方伯邻国共保助之李迂仲曰以公存心则如采薇以私存心则如扬之水遣戍则同而美刺则异也】呜呼诗亡而后春秋作其不以此也哉【辅氏曰忘亲逆理以贼人之秉彝非法枉道以使民之劳役此民之所以怨思也欲其悉力致死以报其上难矣哉所谓民至愚而神于此可见先王之所以畏而敬之也此正平王之诗故曰诗亡然后春秋作其不以此也哉张南轩曰胡文定云按邶鄘而下多春秋时诗而谓诗亡然后春秋作何也自黍离降为国风天下无复有雅而王者之诗亡春秋作于隐公适当雅亡之后夫黍离所以为国风者平王自为之也平王忘讐于是王者之迹熄而诗亡天下贸贸焉日趋于徇私灭理之涂故孔子惧而作春秋愚按以上两节观之则王迹所以熄雅所以亡而春秋所以作者皆平王忘亲逆理而衰懦微弱之所致也欤】序刺平王也不抚其民而遽屯戍于母家周人怨思焉

中谷有蓷【吐雷反】嘯【呼但反】其干矣有女叱【匹指反】离嘒【口爱反】其叹【上丹反】矣嘒其叹矣遇人之艰难矣

兴也蓷離【锥】也叶以萑【凡】方茎白华华生节间即今益母草也【本草曰茺蔚一名益母节节生花如鸡冠其子三棱严氏曰撑本草茺蔚正生海濱他泽其性宜湿】嘯燥叱别也嘒叹声艰难穷厄也池凶年饥馑室家相弃妇人览物起兴而自述其悲叹之辞也中谷有蓷嘯其脩【叶式竹反】矣有女叱离条其𦏧【叶息六反】矣

条其𦏧矣遇人之不淑矣

兴也脩长也【陈少南曰长茂者亦为所嘯】或曰干也如脯之脩也条条然𦏧貌𦏧蹙口出声也悲恨之深不止于叹矣淑善也古者谓死丧饥馑皆曰不淑【董氏曰古人伤死者之词曰如何不淑】盖以吉庆为善事凶祸为不善事虽今人语犹然也 曾氏曰凶年而遽相弃背

蓋衰薄之甚者而诗人乃曰遇斯人之艰难遇斯人之不淑而无怨怼过甚之词焉厚之至也

中谷有蓷嘆其湿矣有女仳离啜【张劣反】其泣矣啜其

泣矣何嗟及矣

兴也嘆湿者旱甚则草之生于湿者亦不免也【孔氏曰先言干次言脩后言湿见凶年之浅深也刘辰翁曰干者已嘆脩者又嘆湿者亦嘆其为旱势可胜言哉旱愈甚则仳离之愁叹愈甚矣】啜泣貌何嗟及矣言事已至此末如之何穷之甚也【苏氏曰叹之者知其不得已也歎者怨之深矣位则穷之甚也辅氏曰叹则忍叹而已歎则悲而恨焉泣则悲而至于伤矣方其叹且恨之时而曰遇人之艰难遇人之不淑而无怨怼过甚之辞固见其厚矣及其至于伤而泣也则亦曰何嗟及矣而已殆有知其无可奈何而安于命之意此尤见其厚也岂非先王之泽哉】

中谷有蓷三章章六句

范氏曰世治则室家相保者上之所养也世乱则室家相弃者上之所残也其使之也勤其取之也厚则夫妇日以衰薄而凶年不免于离散矣伊尹曰匹夫匹妇不获自尽民主罔与成厥功故读诗者于一物失所而知王政之恶一女见弃而知人民之困周之政荒民散而将无以为国于此亦可见矣【辅氏曰范氏之說甚得读诗之防使读诗者能如此则诗之为教于人大矣谢叠山曰凶年饥歲上而王朝有司徒荒政十二以聚民下而有司能以时告其上发仓廩开府库赈迁化居以賑民必无夫妇衰薄室家相弃之事矣此诗三章始嘆其干中嘆其脩终嘆其湿言物之嘆一节急一节始嘅其叹中条其歎终啜其泣民之怨恨者一节深一节始曰遇人之艰难怜其穷苦也中曰遇人之不淑怜其遭凶祸也终曰何嗟及矣夫妇既已离别虽怨嗟亦无及也又曰夫妇人之大伦也饥饉而相弃人道之大变也妇无一语怨其夫而有哀矜惻怛之意焉知其无可奈何而安之苦命此义妇也与忠臣孝子同道人不幸而处三纲之变以此存心则绰绰然有余裕矣】

序闵周也夫妇日以衰薄凶年饥饉室家相弃尔

有兔爰爰雉离于罗我生之初尚无为【叶吾禾反】我生之后逢此百罹【叶良何反】尚寐无吣

比也 性阴狡爰爰缓意雉性耿介离丽罗网尚犹罹忧也尚庶防也【愚按二尚字义不同】吣动也 周室衰微诸侯背叛君子不乐其生而作此诗言张罗本以取 今 狡得脱而雉以耿介反离于罗以比小人致乱而以巧计幸免君子无辜而以忠直受祸也【吕东莱曰此因所见为比也 之大以比诸侯雉之小以自比也言诸侯之背叛者怨睢自如而周人反受其祸也】为此诗者蓋犹及见西周之盛故曰方我生之初天下尚无事故及我生之后而逢时之多难如此然既无如之何则但庶防寐而不动以死耳或曰兴也以 爰兴无为以雉离兴

百罹也【刘辰翁曰有免爰爰舒缓而无虞者此我生之初承平之人也雉离于罗求死不得此我生之后百忧之人也安得一寐而死不复见此之为快哉】下章放此

有 爰爰雉离于罟【音孚叶步庙反】我生之初尚无造我生

之后逢此百忧【叶一笑反】尚寐无觉【居孝反叶居笑反】

比也罟覆车也可以掩 【孔氏曰释器云罟谓之罟覆也罟谓之罟覆车也郭璞云今之翻车也有两辕中施罟以捕鸟罟音壁罟音拙罟音绢】造亦为也觉寤也有 爰爰雉离于罟【昌钟反】我生之初尚无庸我生之

后逢此百凶尚寐无聪

比也罟覆也即罟也或曰施罗于车上也庸用聪闻也无所闻则亦死耳

爰三章章七句

序闵周也桓王失信诸侯背叛构怨连祸王师伤败君子不乐其生焉

君子不乐其生一句得之余皆衍説其指桓王盖据春秋传郑伯不朝王以诸侯伐郑郑伯御之王卒大败祝聃射王中肩之事然未有以见此诗之为是而作也

緜緜葛藟【力轨反】在河之浒【呼五反】终逵【于万反】兄弟谓他人父【夫矩反】谓他人父亦莫我顾【叶果五反】

兴也緜緜长而不絶之貌岸上曰浒 世衰民散有去其乡里家族而流离失所者作此诗以自叹言緜緜葛藟则在河之浒矣【胡旦曰葛也藟也必生于山谷丘野之地延蔓于草木条枚之上不生于河浒水涯生不得其地则失物之性也】今乃终逵兄弟而谓他人为己父已虽谓彼为父而彼亦不我顾则其穷也甚

緜緜葛藟在河之涘【音侯叶矣始二音】终逵兄弟谓他人母

【叶蒲彼反】谓他人母亦莫我有【叶羽已反】

兴也水涯曰涘谓他人父者其妻则母也有识有也春秋传曰不有寡君【严氏曰莫我有言视之若无也】

緜緜葛藟在河之漘【顺春反】终逵兄弟谓他人昆【叶古匀反】

谓他人昆亦莫我闻【叶微匀反】

兴也夷上洒【跣】下曰濬濬之为言唇也【尔雅注曰涯上平坦而下水深为濬不发声】
昆兄也闻相闻也

葛藟三章章六句

序王族刺平王也周室道衰弃其九族焉序說未有据诗意亦不类說已见本篇

彼采葛【叶居谒反】兮一日不见如三月兮

赋也采葛所以为絺绤盖淫奔者托以行也故因以指其人而言思念之深未久而似久也

彼采萧【叶疎鸠反】兮一日不见如三秋兮

赋也萧荻也白叶茎麓科生有香气祭则炳【爇】以报气故采之【孔氏曰萧荻今人谓之
荻蒿可作烛有香气故祭祀以脂爇之也】曰三秋则不止三月矣

彼采艾兮一日不见如三岁【本与艾叶】兮

赋也艾蒿属干之可灸故采之【吕东莱曰葛为絺绤萧共祭祀艾疗疾特训释三物见采之
由不于此取义也】曰三岁则不止三秋矣

采葛三章章三句【辅氏曰采葛采萧采艾其說托言明矣而灸思念之情流而不止如此则
为淫奔之辞者宜哉】

序惧谗也

此淫奔之诗其篇与大车相属其事与采唐采葑采麦相似其词与郑子矜正同序說误矣

大车檻檻毳【昌銳反】衣如蒺【吐敢反】岂不尔思畏子不敢赋也大车大夫车檻檻车
行声也毳衣天子大夫之服【王介甫曰王之大夫四命与子男同服也】蒺芦之始生也毳
衣之属衣绘而裳绣五色皆备其青者如蒺【刘济曰毳衣以宗彝为首盖画虎雌虎雌浅毛
故谓毳雌音垒胃右愚按毳衣所画者三章宗彝也藻也粉米也裳所绣者二章黼也黻也所
画所绣皆备五色所谓以五采彰施于五色者也】尔淫奔者相命之词也子大夫也不敢不
敢奔也周衰大夫犹有能以刑政治其私邑者故淫奔者畏而歌之如此【苏氏曰其止之有
道氏闻其车声而见其衣服则畏而不敢矣非待刑之而后已也】然其去二南之化则远矣
此可以观世变也【吕东莱曰此诗唯能止其奔未能革其心与行露之诗异矣亦仅胜于东
迁之初而已辅氏曰汉广之游女端庄静一人见而知其不可求野有死麕之女子贞洁自守

人见而知其不可犯此所以为二南之化也岂至于有淫奔之心待有所畏而后不敢哉今观此诗则世变之愈下可知矣】

大车哼哼【他敦反】毳衣如璊【音门】岂不尔思畏子不奔赋也哼哼重迟之貌璊玉赤色五色备则有赤【孔氏口哼哼行之貌故为重迟上言行有声此言行之貌互相见也毳衣裳纁绣皆五色青者如茈赤者如璊各举其耳】

谷则异室死则同穴【叶户橘反】谓予不信有如皦【古了反】日赋也谷生穴圻【旷】皦白也民之欲相奔者畏其大夫自以终身不得如其志也故曰生不得相奔以同室庶防死得合葬以同穴而已谓予不信有如皦日约誓之辞也【辅氏曰世变虽下而大夫能使人畏之如此亦可谓贤也已始则不敢奔而已终则知其虽殁身不得遂其志则其刑政之效亦非无常者之所能也】

大车三章章四句

序刺周大夫也礼义陵迟男女淫奔故陈古以刺今大夫不能听男女之讼焉

非刺大夫之诗乃畏大夫之诗

丘中有麻彼留子嗟彼留子嗟将【七羊反】其来施施【叶时遮反】赋也麻谷名子可食皮可绩为布【本草曰一名麻勃此麻上花勃勃者麻子味甘平无毒园圃所蒔今人作布及履川之】子嗟男子之字也将愿也施施喜悦之意妇人望其所与私者而不来故疑丘中有麻之处复有与之私而留之者今安得其施施然而来乎

丘中有麦彼留子国彼留子国将其来食

赋也子国亦男子字也来食就我而食也

丘中有李彼留之子【叶樊里反】彼留之子贻我佩玖【叶举里反】赋也之子并指前二人也贻我佩玖冀其有以赠已也丘中有麻三章章四句

序思贤也庄王不明贤人放逐国人思之而作是诗也

此亦淫奔者之词其篇上属大车而语意不庄非望贤之意序亦误矣

王国十篇二十八章百六十二句【辅氏曰读诗者可以怨则诗人固无忿怼过甚之辞然予读王风则见其怨诗尤为平和此可见周人之风俗也】

郑一之七

郑邑名本在西都畿内咸林之地宣王以封其弟友为采【菜】地后为幽王司徒而死于犬戎之难是为桓公其子武公掘【一作滑并音鹵】突定平王于东都亦为司徒又得虢桧之地【郑氏曰武王取虢桧鄢蔽补丹依畴历华十邑之地右洛左济前华后河食溱洧焉】乃徙其封而施旧号于新邑是为新郑咸林在今华州郑县【愚按即今安西路华州郑县隶陕西省】新郑即今之郑州是也【愚按即今汴梁路郑州隶河南省】其封域山川详见桧风

缁衣之宜兮敝予又改为兮适子之馆【叶古玩反】兮还予授子之粢兮

赋也缁黑色缁衣卿大夫居私朝之服也【孔氏曰缁衣即士冠礼所云冠朝服缁带素鞶是也卿士朝于王服皮弁不服缁衣退适私朝服缁衣以听其所朝之政也】宜称【去声】改更【平声】适之馆舍【郑氏曰卿士之馆如今之诸庐也孔氏曰考工记说王宫之制外有九室九卿朝焉注外路寝之表九室如今朝堂诸曹治事之处】粢餐【孙】也【郑氏曰设餐饮食之】或曰粢粟之精凿【作】者【汉有白粢之刑给舂导之役是也】旧说郑桓公武公相继为周司徒善于其职周人爱之故作是诗言子之服缁衣也甚宜敝则我将为子更为之且将适子之馆既还而又授子之粢言好之无已也【辅氏曰缁衣之宜兮此美武公之德称其服也敝予又改为兮欲其服之常新也还予授子之粢兮欲其粟之常继也既欲其服之常新又欲其粟之常继发乎情形于歌咏如此则其好善之诚心于是为至也程子曰好贤无已之意当就敝予还予二字上看范氏曰适子之馆亲之也授子之粢又授之以饮食也既亲之又授以饮食此好贤之至也】

缁衣之好兮敝予又改造【叶在早反】兮适子之馆兮还予

授子之粢兮

赋也好犹宜也

缁衣之蓆【叶祥籥反】兮敝予又改作兮适子之馆兮还予

授子之粢兮

赋也蓆大也程子曰蓆有安舒之义服称其德则安舒也

缁衣三章章四句

记曰好贤如缁衣又曰于缁衣见好贤之至【吕东莱曰孔丛子曰于缁衣见好贤之至所谓贤即谓武公父子也范氏曰桓公武公上得于君下得于氏君子好之愈久而愈不厌】

序美武公也父子并为周司徒善于其职国人宜之故美其德以明有国善善之功焉

此未有据今姑从之

将【匕羊反】仲子兮无逾我里无折【之舌反】我树杞岂敢爱之畏我父母【叶满彼反】仲可懷【叶胡威反下同】也父母之言亦可畏【叶于非反】也

赋也将请也仲子男子之字也我女子自我也里二十五家所居也杞柳属生水傍树如柳叶麓而白色理微赤蓋里之地域沟树也莆田郑氏曰此淫奔者之辞【辅氏曰此虽为淫奔之诗然其心犹有所畏未至于荡然而无忌也故列于郑诗之首以见其为风之始变也坎愚按此女犹能知此畏惮故其托词如此郑风之中亦所罕见也】

将仲子兮无逾我墙无折我树桑岂敢爱之畏我诸

兄【叶虚阳反】仲可懷也诸兄之言亦可畏也

赋也墙垣也古者树墙下以桑

将仲子兮无逾我园无折我树檀【叶徒防反】岂敢爱之畏

人之多言仲可懷也人之多言亦可畏也

赋也园者圃之藩其内可种木也檀皮青滑泽材彊韧可为车

将仲子三章章八句【胡庭芳曰三章皆有所畏而不轻身以从其所懷亦庶防止乎礼义者也】

序刺庄公也不胜其母以害其弟弟叔失道而公弗制祭仲諫而公弗聽小不忍以致大乱焉事见春秋传【愚按见隱公元年】然莆田郑氏谓此实淫奔之诗无与于庄公叔段之事序蓋失之而說者又从而巧为之說以实其事误益甚矣今从其說

叔于田【叶地因反】巷无居人岂无居人不如叔也洵美且仁

赋也叔庄公弟共叔段也事见春秋【隱公元年夏五月郑伯克段于鄢左传曰郑武公娶于申曰武姜生庄公及共叔段】田取禽也【孔氏曰以取禽于田因名曰田】巷里涂也【孔氏曰里内之涂】洵信美好也仁爱人也段不义而得众国人爱之故作此诗言叔出而田则所居之巷若无居人矣非实无居人也虽有而不如叔之美且仁是以若无人耳【严氏曰叔段岂其美且仁哉其党私之之言犹何朔之人谓安史为圣也】或疑此亦民间男女相悅之词也

叔于狩【叶始九反】巷无饮酒岂无饮酒不如叔也洵美且

好【叶许厚反】

赋也冬猎曰狩【杜氏曰狩围守也冬物毕成获则取之无所择也】

叔适野【叶上与反】巷无服马【叶满补反】岂无服马不如叔也洵

美且武

赋也适之也郊外曰野服乘也

叔于田三章章五句【彭氏曰某氏云玩味此诗宛然如见叔段轻擐浮扬之意如今之贵族轻薄子闾里少年朋徒追逐而极口夸美之也次篇放此】

序刺庄公也叔处于京缮甲治兵以出于田国人説而归之

国人之心贰于叔而歌其田狩适野之事初非以刺庄公亦非説出于田而后归之也或曰段以国君贵弟受封大邑有人民兵甲之众不得出居闾巷下杂民伍此诗恐亦民间男女相説之词耳

叔于田乘乘【下绳证反】马【叶满补反】执轡如组【音祖】两骖如舞叔在藪【素口反叶素苦反】火烈具举襜【音但】杨【素厯反】暴虎献于公所将【七羊反】叔无狃【女九反叶女古反】戒其伤女【音汝】

赋也叔亦段也车衡外两马曰骖如舞谓谐和中节【董氏曰五御之法有舞交衢者即所谓如舞也服马制于衡不得如舞其如舞者骖也饶氏曰如舞者节奏谓御中节也】皆言御之善也【愚按善御其马是以轡则柔顺如组骖则谐和如舞也】藪泽也【释文曰韩诗云禽兽居之曰藪】火焚而射也【曹氏曰王制云昆虫未蛰不以火田故尔雅谓火田为狩惟冬田乃用火若夫刈草以为防驱禽而纳诸防中然后焚而射焉则四时之田皆然也】烈炽盛貌具俱也襜褕肉袒也【孔氏曰李巡云襜褕脱衣见体曰肉袒孙炎云襜去褕衣】暴空手虎也【黄直卿曰暴徒也有慢侮欺陵之意】公庄公也【孔氏曰公与之俱田也】狃习也国人戒之曰请叔无习此事恐其或伤女也蓋叔多材好勇而郑人爱之如此【愚按章首四句所谓才也次四句所谓勇也末二句则国人爱之之词也】

叔于田乘乘黄两服上襄两骖鴈行【户郎反】叔在藪火

烈具扬叔善射忌【音记】又良御【叶鱼驾反】忌抑磬【苦定反】控【口贡反】忌抑纵送忌

赋也乘黄四马皆黄也衡下夹轅两马曰服襄驾也马之上者为上驾犹言上驷【郑氏曰上

驾言马之最良也】鴈行者骖少次服后如鴈行也扬起也忌抑皆语助辞骋马曰磬止马曰控舍【舍】防【跋】曰纵覆骖【萧】曰送【孔氏曰能磬人能控能纵又能送是叔之善射御也广韵注曰骖弓弭弭弓末辅氏曰章末四句美叔之才艺也】叔于田乘乘鸛【音保叶补苟反】两服齐首两骖如首叔在藪

火烈具阜【符有反】叔马慢【叶黄半反】忌叔发罕【叶虚肝反】忌抑释棚【音冰】忌抑鬯【勅亮反】弓【叶姑反】忌

赋也骖白杂毛曰鸛今所谓乌骢也齐首如手两服并首在前而两骖在旁稍次其后如人之两手也阜盛慢迟也发发矢也罕希释解也棚矢箛盖春秋传作冰【孔氏曰昭公二十五年左传云公徒执冰而踞字异义同服防云冰箛丸盖杜预云箛丸是箭箛严氏曰用矢则举棚以用箛既用则纳矢箛中释下棚以覆箛】鬯弓囊也与鞞同【孔氏曰鬯弓谓弣弓而纳诸鬯中弣音韬】言其田事将毕而从容整暇如此【郑氏曰田事且毕则马行迟发矢希盖矢而弣弓】亦喜其无伤之词也【愚按上章及此亦皆言其田猎射御之善而喜其毕事无伤皆所谓多才好勇而得众者也】

大叔于田三章章十句

陆氏曰首章作大叔于田者误苏氏曰二诗皆曰叔于田故加大以别之不知者乃以段有大叔之号而读曰泰又加大于首章失之矣【小嘉郑氏曰段以国君介弟之亲京城大叔之贵而所好者驰骋弋猎也所矜者袒裼暴虎也所贤者射御足力也出而人思之者饮酒服马之俦也气习到此而又恃其君母之爱玩于庄公之惟其所欲而不谁何也欲不为乱得乎】

序刺庄公也叔多才而好勇不义而得众也此诗与上篇同意非刺庄公也下两句得之

清人在彭【叶普郎反】驷介旁旁【补彭反叶补冈反】二矛重【直龙反】英【叶于良反】河上乎翱翔

赋也清邑名清人清邑之人也彭河土地名驷介四马而被甲也旁旁驰驱不息之貌二矛酋矛夷矛也英以朱羽为矛饰也【孔氏曰鲁颂說矛之饰谓朱英则以朱染为英饰盖丝纆而朱染之】酋矛长二大夷矛长二大四尺并建于车上则其英重叠而见翱翔游戏之貌郑文公恶高克使将清邑之兵御狄于河上【孔氏曰文公捷厉公子闵公二年冬十二月狄入卫卫在河北郑在河南恐其渡河侵郑故使高克将清邑之兵于河上御之】久而不召师散而归郑人为之赋此诗言其师出之久无事而不得归但相与游戏如此其势必至于溃散而后已尔【永嘉郑氏曰夫拥大众于外而无所事不为乱则必溃散耳】

清人在消驷介麋麋【表骄反】二矛重乔河上乎逍遥赋也消亦河上地名麋麋武貌矛之上句【勾】曰乔所以悬英也英弊而尽所存者乔而已

清人在轴【叶音胄】 驷介陶陶【叶徒候反】 左旋右抽【叶勅救反】 中军

作好【叶许候反】

赋也轴亦河上地名【孔氏曰彭消轴皆河上之地久不得归师有迁移三地亦应不甚相远】陶陶乐而自适之貌左谓御在将军之左执轡而御马者也旋还车也右谓勇力之士在将军之右执兵以击刺者也抽拔刃也中军谓将在鼓下居车之中即高克也【孔氏曰此谓将所乘车若士卒兵车则左人持弓右人持矛而中人御】好谓容好也东莱吕氏曰言师久而不归无所聊赖姑游戏以自乐必溃之势也不言已溃而言将溃其词深其情危矣

清人三章章四句

事见春秋【愚按见闵公二年】胡氏曰人君擅一国之名宠生杀予夺惟我所制耳使高克不臣之罪已着按而诛之可也情状未明黜而退之可也爱惜其才以礼驭之亦可也乌可假以兵权委诸竟上坐视其离散而莫之卹乎春秋书曰郑弃其师其责之深矣

序刺文公也高克好利而不顾其君文公恶而欲逐之不能使高克将兵而御狄于竟陈其师旅翱翔河上久而不召众散而归高克奔陈公子素恶高克进之不以礼文公退之不以道危国亡师之本故作是诗也

按此序盖本春秋传而以他说广之未详所据孔氏正义又据序文而以是诗为公子素之作然则进之当作之进今文误矣

羔裘如濡【叶而朱而由二反】 洵直且侯【叶洪姑洪钩二反】 彼其【音记】之子舍【音赦】 命不渝【叶容朱容周二反】

赋也羔裘大夫服也如濡润泽也洵信直顺侯美也其语助辞舍处渝变也言此羔裘润泽毛顺而美彼服此者当生死之际又能以身居其所受之理而不可夺【郑氏曰谓守死善道见危授命之等严氏曰命者天所赋予于我者舍则居之而安也君子能安于命临利害而不变辅氏曰舍命不渝所包者润命有二有指理而言者有指气而言者此盖兼之以理而言则居其理而不变以气而言则居其分而不渝理可以兼气故集传止以理言之】盖美其大夫之词而不知其所指矣

羔裘豹饰孔武有力彼其之子邦之司直

赋也饰缘【去声】袖也礼君用纯物臣下之故羔裘而以豹皮为饰也孔甚也豹甚武而有力故服其所饰之裘者如之司主也

羔裘晏兮三英粲兮彼其之子邦之彦【叶鱼肝反】 兮赋也晏鲜盛也三英裘饰也未详其

制【程子曰若素丝五紵之类盖衣服制度之节】粲光明也彦者士之美称

羔裘三章章四句【辅氏曰首章言其能舍命而不渝次章言其为邦之司直末乃以为邦之彦而结之然则为臣之道主于正直不阿而已虽孔子之在朝亦以便便闾闾侃侃为常至于柔行巽入委曲以就事亦固有时而当用要之其出于不得已而已】

序刺朝也言古之君子以风其朝焉

序以变风不应有美故以此为言古以刺今之诗今详诗意恐未必然且当时郑之大夫如子皮子产之徒岂无可以当此诗者但今不可考耳

遵大路兮掺【所览反】执子之祛【叶起据反】兮无我恶【乌路反】兮不寤【市坎反】故也

赋也遵循掺攀【览】祛袂【孔氏曰袂是祛之本祛是袂之末俱是衣袖】寤速故旧也淫妇为人所弃故于其去也其祛而留之日子无恶我而不留故旧不可以遽绝宋玉赋有有遵大路兮揽子祛之句亦男女相说之词也【愚按宋玉登徒子好色赋曰郑卫溱洧之间羣女出桑臣观其丽者田称诗曰遵大路兮揽子祛赠以芳华词甚妙注云揽衣袖欲与同归折芳诵诗以赠游女也集传援此为证者盖宋玉去此诗之时未远其所引用当得诗人之本防彼为男语女之词犹此诗为女语男之词也】

遵大路兮掺执子之手兮无我魇【市由反叶啗九反】兮不寤

好【叶许口反】也

赋也魇与丑同欲其不以已为丑而弃之也好情好也

遵大路二章章四句

序思君子也庄公失道君子去之国人思望焉此亦淫乱之诗序说误矣

女曰鸡鸣士曰昧旦子兴视夜明星有烂将翱将翔弋鳬【音符】与鴈

赋也昧晦旦明也昧旦天欲旦昧晦未辨之际也【吕东莱曰列子云将旦昧爽之交日夕昏明之际】明星启明之星先日而出者也弋缴【灼】射谓以生丝繫矢而射也鳬水鸟如鸭青色背上有文此诗人述贤夫妇相警戒之词言女曰鸡鸣以警其夫而士曰昧旦则不止于鸡鸣矣妇人又语其夫曰若是则子可以起而视夜之如何意者明星已出而烂然则当翱翔而往弋取鳬鴈而归矣其相与警戒之言如此则不留于宴昵之私可知矣【欧阳子曰此贤夫妇相警励以勤生之语也】

弋言加【叶居之居何二反】之与子宜【叶无奇无何二反】之宜言饮酒

与子偕老【叶鲁吼反】琴瑟在御莫不静好【叶许厚反】

赋也加中【去声】也史记所谓以弱弓微缴加诸鳬鴈之上是也【埤雅曰加与 鹤加加双鵠之加同意蓋弱弓微矢乘风振之曰弋故史记谓楚人好以弱弓微矢加诸归鴈之上】宜和其所宜也内则所谓鴈宜麦之属是也【郑氏曰言其气味相成】射者男子之事而中馈妇人之职故妇谓其夫既得鳬鴈以归则我当为子和其滋味之所宜以之饮酒相乐期于偕老而琴瑟之在御者亦莫不安静而和好其和乐而不淫可见矣知子之来【叶六直反】之杂佩以赠【叶音则】之知子之顺之杂

佩以问之知子之好【呼报反】之杂佩以报之

赋也来之致其来者如所谓修文德以来之杂佩者左右佩玉也上横曰珩下系二组贯以螭【频】珠中组之半贯一大珠曰瑀末悬一玉两端皆銳曰冲牙两旁组半各悬一玉长博而方曰琚其末各悬一玉如半璧而向内曰璜又以两组贯珠上系珩两端下交贯于瑀而下系两璜行则冲牙触璜而有声也吕氏曰非独玉也觶【挥】燧箴【与针同】管凡可佩者皆是也【熊刚大曰妇人左佩纷帨刀砺小觶金燧右佩箴管线纆大觶木燧之属备尊者使令也觶解结状如锥以象骨为之燧取火箴贮以管】赠进顺爱问遗也【孔氏曰曲礼云凡以苞苴簞笥问人者左传卫侯使人以弓问子贡皆遗人物谓之问】妇又语其夫曰我苟知子之所致而来及所亲爱者则当解此杂佩以送遗报答之蓋不惟治其门内之职又欲其君子亲贤友善结其讜心而无所爱于服饰之玩也【辅氏曰一意而三叠之以见其情之不能自己也夫勤劳以成业和乐以宜家此妇之贤德然情犹未已也故无所爱于服饰之玩而欲其君子之亲贤以辅成其德是又加于人一等矣】

女曰鸡鸣三章章六句【此诗意思甚好读之使人有不知手舞足蹈者辅氏曰观此诗则郑国之俗虽曰淫乱然在下之人夫妇之间犹知礼义勤生业不昵于宴私相安于和乐而又能贊助其君子亲贤乐善以辅成其德此可以观先王之泽与民性之善矣】

序刺不說德也陈古义以刺今不說德而好色也

此亦未有以见陈古刺今之意【辅氏曰诗词正是說德而不昵于色序者意郑国之风不宜有此故强以为陈古义以刺今其思窄狭固滯甚矣郑风虽曰淫乱而天理民 岂容遂殄灭哉惟其郑风而有此诗此圣人之所以錄之也观欧阳公于五代史载逆旅妇人事亦可见矣】

有女同车顏如舜华【叶芳无反】将翱将翔佩玉琼琚彼美孟姜洵美且都

赋也舜木槿也树如李其华朝生暮落【陆玕曰舜取瞬之义】孟字姜姓洵信都闲雅也 此

疑亦淫奔之诗言所与同车之女其美如此而又叹之曰彼美色之孟姜信美矣而又都也【辅氏曰郑诗惟此篇为男悦女之辞】

有女同行【叶户郎反】颜如舜英【叶于良反】将翱将翔佩玉将将

【七羊反】彼美孟姜德音不忘

赋也英犹华也将将声也德音不忘言其贤也【王介甫曰于琼琚言德之容于将将言德之音各以其类也辅氏曰所谓德音是亦日月诗之德音类也世衰道降徇情肆欲所美非美者多矣】

有女同车二章章六句

序刺忽也郑人刺忽之不昏于齐齐侯请妻之齐女贤而不取卒以无大国之助至于见逐故国人刺之

按春秋传齐侯欲以文姜妻郑太子忽忽辞人问其故忽曰人各有耦齐大非吾耦也诗曰自求多福在我而已大国何为其后北戎侵齐郑伯使忽帅师救之败戎师齐侯又请妻之忽曰无事于齐吾犹不敢令以君命奔齐之急而受室以归是以师昏也民其谓我何遂辞诸郑伯祭仲曰君多内宠子无大援将不立忽又不听及即位遂为祭仲所逐此序文所据以为说者也然以令考之此诗未必为忽而作序者但见孟姜二字遂指以为齐女而附之于忽耳假如其说则忽之辞昏未为不正而可刺至其失国则又特以势孤援寡不能自定亦未有可刺之罪也序乃以为国人作诗以刺之其亦误矣后之读者又袭其误必欲煅炼罗织文致其罪而不肯赦徒欲以循说诗者之谬而不知其失是非之正害义理之公以乱圣经之本指而坏学者之心术故予不可以不辨

山有扶苏隰有荷华【叶芳无反】不见子都乃见狂且【子余反】兴也扶苏扶胥【疎须二音】小木也荷华芙蕖也【释氏曰未开曰菡萏已发曰芙蕖】子都男子之美者也【孟子曰至于子都天下莫不知其姣者也】狂狂人也且辞也淫女戏其所私者曰山则有扶苏矣隰则有荷华矣今乃不见子都而见此狂人何哉山有桥松隰有游龙不见子充乃见狡童

兴也上竦无枝曰桥亦作乔游枝叶放纵也龙红草也一名马蓼叶大而色白生水泽中高大余【张子曰龙是茝草其枝榦纒屈着土处便有根如龙也本草曰茝草一名鸿防如马蓼而大即水红也诗注云一名马蓼马蓼自是一种也防音纒】子充犹子都也【董氏曰子充不见于书疑亦以美着也】狡獪狡獪之小儿也

山有扶苏二章章四句

序刺忽也所美非美然

此下四诗及扬之水皆男女戏谑之辞序之者不得其說而例以为刺忽殊无情理【最是郑忽可怜凡郑风中恶诗皆以为刺之东莱又欲主小序锻炼得郑忽罪不胜诛】

蓍【他落反】兮蓍兮风其吹女【音汝】叔兮伯兮倡【昌亮仄】予和【胡卧反叶户志反】女

兴也蓍木槁而将落者也女指蓍而言也叔伯男子之字也予女子自予也女叔伯也此淫女之词言蓍兮蓍兮则风将吹女矣叔兮伯兮则盍倡予而予将和女矣

蓍兮蓍兮风其漂【匹遥反】女叔兮伯兮倡予要【于遥反】女兴也漂飘同要成也

蓍兮二章章四句

序刺忽也君弱臣强不倡而和也

见上

彼狡童兮不与我言兮维予之故使我不能餐【七丹反叶七宣反】兮

赋也此亦淫女见絶而戏其人之词言悦我者众子虽见絶未至于使我不能餐也

彼狡童兮不与我食兮维予之故使我不能息兮赋也息安也

狡童二章章四句

序刺忽也不能与贤人图事权臣擅命也昭公尝为郑国之君而不幸失国非有大恶使其民疾之如寇讐也况方刺其不能与贤人图事权臣擅命则是公犹在位也岂可忘其君臣之分而遽以狡童目之耶且昭公之为人柔懦疎濶不可谓狡即位之时年已壮大不可谓童以是名之殊不相似而序于山有扶苏所谓狡童者方指昭公之所美至于此篇则遂移以指公之身焉则其舛义甚而非诗之本防明矣大抵序者之于郑诗凡不得其說者则举而归之于忽文义一失而其害于义理有不可胜言者一则使昭公无辜而被谤二则使诗人脱其淫谑之实罪而丽于诽上背理之虚恶三则厚诬圣人删述之意以为实践昭公之守正而深与诗人之无礼于其君凡此皆非小失而后之說者犹或主之其论愈精其害愈甚学者不可以不察也【郑忽之罪不至已甚往往如宋襄这般人大言无当有甚狡处若郑突却是狡诗意本不如此又曰郑忽如何做得狡童若是狡自防托婚大国而借其助矣谓之顽童可也许多郑风只是孔子一言断了曰郑声淫如将仲子自是男女相与之词却干祭仲共叔段甚事如褰裳自是男女相咎之词却干忽与突争国甚事严氏曰狡童或以为指忽或以为指祭仲忽为郑君国人不得目为狡童也若指祭仲则祭仲自庄公时已为卿且为庄公取邓曼而生昭公当昭公即位仲已老矣不应日为童也圣人删诗以垂世教安得目君为狡童也陈少南曰說者

以卫有雄雉郑有狡童魏有硕鼠皆以目君不然也序文误耳】

子惠思我褰裳涉溱【侧巾反】子不我思岂无他人狂童之狂也且【子余反】

赋也惠爱也溱郑水名狂童犹狂且狡童也且语辞也淫女语其所私者曰子惠然而思我则将褰裳而涉溱以从子子不我思则岂无他人之可从而必于子哉狂童之狂也且亦谑之之辞

子惠思我褰裳涉洧【叶于已反】子不我思岂无他士【鉏里反】

狂童之狂也且

赋也洧亦郑水名【前汉地理志曰洧水出颍州阳城山东南至长平入颍】士未娶者之称

褰裳二章章五句

序思见正也狂童恣行国人思大国之正已也此序之失盖本于子太叔韩宣子之言而不察其断章取义之意耳

子之丰【芳容反叶芳用反】兮俟我乎巷【叶胡贡反】兮悔予不送兮赋也丰丰满也巷门外也 妇人所期之男子已俟乎巷而妇人以有异志不从既则悔之而作是诗也子之昌兮俟我乎堂兮悔予不将兮

赋也昌盛壮也将亦送也

衣【于既反】锦褰【苦回反】衣裳锦褰裳叔兮伯兮驾予与行

【叶户郎反】

赋也褰褰【丹】也【郑氏曰盖以褰縠为之中衣裳用锦而上加褰谷焉恶其文之着也】叔伯或人之字也

妇人既悔其始之不送而失此人也则曰我之服饰既盛备矣岂无驾车以迎我而偕行者乎

裳锦褰裳衣锦褰衣叔兮伯兮驾予与归

赋也妇人谓嫁曰归

丰四章章三句二章章四句

序刺乱也昏姻之道缺阳倡而阴不和男行而女不随

此淫奔之诗序説误矣【刘辰翁曰诸诗朱氏一以为淫女之辞其识甚逺】

东门之墀【音善叶上演反】茹【音如】蘼【力于反】在阪【音反叶孚旁反】其室则迓其人甚逺

赋也东门城东门也墀除地町町【挺】者【孔氏曰除地去草故云町町】茹蘼茅搜也一名茜旧可以染绛【本草曰一名地血叶似枣叶头尖下濶茎叶俱涩四五叶对生节间蔓延草木上根紫赤色】陂【坡】者曰阪【孔氏曰陂陀不平而可种者曰阪】门之旁有墀墀之外有阪阪之上有草识【志】其所与淫者之居也室迓人逺者思之而未得见之词也

东门之栗有践家室岂不尔思子不我即

赋也践行列貌门之旁有栗栗之下有成行列之家室亦识其处也即就也

东门之墀二章章四句

序刺乱也男女有不待礼而相奔者也

此序得之

风雨凄凄【子西反】鸡鸣喈喈【音皆叶居奚反】既见君子云胡不夷赋也凄凄寒凉之气喈喈鸡鸣之声风雨晦冥葢淫奔之时君子指所期之男子也夷平也淫奔之女言当此之时见其所期之人而心悦也

风雨潇潇鸡鸣胶胶【叶音骄】既见君子云胡不瘳【叶怜萧反】赋也潇潇风雨之声胶胶犹喈喈也【严氏曰羣鸡之声】瘳病愈也言积思之病至此而愈也

风雨如晦【叶呼洧反】鸡鸣不已既见君子云胡不喜赋也晦昏已止也

风雨三章章四句

序思君子也乱世则思君子不改其度焉序意甚美然考诗之词轻佻狎防非思贤之意也

青青子衿【音金】悠悠我心纵我不往子宁不嗣音

赋也青青纯【準】縁【去声】之色具父母衣纯以青【孔氏曰物色虽一青而重言青青者古人之复言也如都人士狐裘黄黄谓狐色黄耳深衣云其父母衣纯以青孤子衣纯以素

】子男子也衿领也悠悠思之长也我女子自我也嗣音继续其声问也此亦淫奔之诗

青青子佩【叶蒲眉反】悠悠我思【叶新赍反】纵我不往子宁不来

【叶陵之反】

赋也青青组纓之色佩王也【孔氏曰礼不佩青玉而云青青子佩者佩玉以组纓带之】

挑【他刀反】兮达【他未反叶他悦反】兮在城阙兮一日不见如三

月兮

赋也挑轻儇【烜平声】跳跃之貌达放恣也【辅氏曰此淫女望其所与私者既无音问又不见其来而极其怨之辞也】

子衿三章章四句

序刺学校废也乱世则学校不脩焉

疑同上篇蓋其辞意儇薄施之学校尤不相似也【愚按朱子白鹿洞赋有曰广青衿之疑问又曰乐菁莪之长育用此二事又皆从序説与集传不同者彼蓋断章取义耳】

扬之水不流束楚终鲜【息浅仄】兄弟维予与女【女汝同】无信人之言人实迁【居望仄】女

兴也兄弟婚姻之称【尔雅曰妇之党为婚兄弟壻之党为姻兄弟主云古人皆谓婚姻为兄弟】礼所谓不得嗣为兄弟是也【记曾子问篇陈慥解曰夫妇有兄弟之义夫唱妇随犹兄先弟从所谓宴尔新昏如兄如弟是也陈澧解曰兄弟者亦亲之之辞也】予女男女自相谓也人他人也迁与诳同淫者相谓言扬之水则不流束楚矣终鲜兄弟则维予与女矣岂可以他人离间之言而疑之哉彼人之言特诳女耳扬之水不流束薪终鲜兄弟维予二人无信人之言

人实不信【叶斯人反】

兴也

扬之水二章章六句

序闵无人臣也君子闵忽之无忠臣良士终以死亡而作是诗也

此男女要结之词序説误矣

出其东门有女如云虽则如云匪我思存缟【古老反】衣綦【巨基反】巾聊乐【音洛】我员【于云反】

赋也如云美且众也缟白色綦苍艾色【孔氏曰战国防云强弩之余不能穿鲁缟则缟是薄繒不染故色白也綦青色之小别艾谓青而微白为艾草之色】缟衣綦巾女服之贫陋者此人自目其室家也【严氏曰犹云荆钗布裙也】员与云同语辞也人见淫奔之女而作此诗以为此女虽美且众而非我思之所存也如已之室家虽贫且陋而聊可自乐也是时淫风大行而其问乃有如此之人亦可谓能自好而不为习俗所移矣羞恶之心人皆有之岂不信哉【辅氏曰出其东门有女如云目之所覩若可美也虽则如云匪我思存反之于心而知其非所当慕乐也缟衣綦巾聊乐我云则安分自乐而不徇俗以忘已也大序所谓发乎情止乎礼义先王之泽者于此可以观矣】

出其闾【音因】阍【音都】有女如荼【音徒】虽则如荼匪我思且【子余】

【反】缟衣茹藹聊可与娱

赋也闾曲城也【陈少南曰门之外有副城回曲以障门者谓之闾】阍城台也【孔氏曰阍是城上之台谓当门台也】荼茅华轻白可爱者也【孔氏曰释草有荼苦菜又有荼委叶风荼苦即苦菜也周颂荼蓼即委叶也此言如荼乃是茅草秀出之穗非彼二种荼也】且语助辞茹藹可以染绛故以名衣服之色娱乐也出其东门二章章六句【此诗却是个识道理人做郑诗虽淫乱然此诗却如此好女曰鸡鸣一诗亦好辅氏曰郑诗唯女曰鸡鸣与此诗为得夫妇之道夫子録之正以见人性之本善而先王之泽犹未泯也曾氏曰氓以华落色衰而相弃背谷风以淫于新昏而弃旧室唯出其东门则不然】

序闵乱也公子五争兵革不息男女相弃民人思保其室家焉

五争事见春秋传【愚按其事散见左传桓公十一年十五年十七年十八年庄公十四年】然非此之谓也此乃恶淫奔者之词序误【刘辰翁曰舍序读诗辞意甚美】

野有蔓草零露【徒端反叶上兗反】兮有美一人清扬婉兮邂逅相遇适我愿【叶五遠反】兮

赋而兴也蔓延也溥露多貌清扬眉目之间婉然美也邂逅不期而防也男女相遇于野田草露之间故赋其所在以起兴言野有蔓草则零露溥兮有美一人则清扬婉矣邂逅相遇则以适我愿矣野有蔓草零露瀼瀼有美一人婉如清扬邂逅相遇

与子偕臧

赋而兴也瀼瀼亦露多貌臧美也与子偕臧言各得其所欲也

野有蔓草二章章六句

序思遇时也君之泽不下流民穷于兵革男女失时思不期而防焉

东莱吕氏曰君之泽不下流乃讲师见零露之语从而附益之

溱与洧方涣涣【叶于元反】兮士与女方秉藺【古顔反叶古贤反】兮女曰观乎士曰既且【子余反】且往观乎洧之外洵訏【况于反】且乐【音洛】维士与女伊其相谑赠之以勺药

赋而兴也涣涣春水盛貌蓋冰解而水散之时也【诗考曰三月桃花水下之时】藺兰也其茎叶似泽兰广而长节节中赤高四五尺且语辞洵信訏大也勺药亦香草也三月开花芳色可爱【兰与泽兰相似生水傍紫茎赤节綠叶光润尖长有岐阴小紫木草注曰芍药有二种有草芍药木芍药】郑国之俗三月上巳之辰采兰水上以祓除不祥故其女问于士曰盍往观乎士曰吾既往矣女复要之曰且往观乎蓋洧水之外其地信安天而可乐也于是士女相与戏谑且以芍药相赠而结恩情之厚也此诗淫奔者自叙之词

溱与洧浏【音留】其清矣士与女殷其盈矣女曰观乎士

曰既且且往观乎洧之外洵訏且乐维士与女伊其将谑赠之以勺药

赋而兴也浏深貌殷众也将当作相声之误也溱洧二章章十二句【辅氏曰郑国之土地寬平人物繁丽情意骀荡风俗淫佚读是诗者可以尽得之诗可以观詎不信然】

序刺乱也兵革不息男女相奔淫风大行莫之能救焉

郑俗淫乱乃其风声气习流传已久不为兵革不息男女相奔而后然也

郑国二十一篇五十三章二百八十三句郑卫之乐皆为淫声然以诗考之卫诗三十有九而淫奔之诗才四之一郑诗二十有一而淫奔之诗已不翅七之五卫犹为男悦女之词而郑皆为女惑男之语卫人犹多刺讥惩创之意而郑人防于荡然无复羞愧悔悟之萌是则郑声之淫有甚于卫矣故夫子论为邦独以郑声为戒而不及卫蓋举重而言固自有次第也诗可以观岂不信哉【范氏曰乐之淫者郑卫如有王者必放郑声然则乱关雎者莫如郑卫故郑诗终于乱之极者焉诗考曰公羊疏许氏云郑诗二十一篇說妇人者十九愚按郑风之有緇衣羔裘女曰鸡鸣出其东门数篇乃砾中之玉也他如大叔于田及清人诗虽无足尚犹幸非为淫奔而作若叔于田则亦未免有男女相悦之疑是其二十一篇之中晓然不为淫奔而作者五六篇而已故曰淫奔之诗不翅七之五然自昔說诗者唯以东门之墠与溱洧为淫诗今朱

子乃例以淫奔斥之者蓋即其词而得其情正以发明放郑声之防不然则卫齐陈诗诸篇非无淫声夫子何独以郑声为当放哉】

诗传通释卷四

卷五

钦定四库全书

诗传通释卷五

元 刘瑾 撰

诗

朱子集传

齐一之八

齐国名本少昊时爽鸠氏所居之地【孔氏曰爽鸠氏司寇也爽鸠鹰也鸛故为司寇主盗贼少昊以鸟名官其人之名氏则未闻也】在禹贡为青州之域周武王以封太公望东至于海西至于河南至于穆陵北至于无棣太公姜姓本四岳之后【孔氏曰齐世家云吕尚者其先为四岳封于吕姓姜氏从其封姓故曰吕尚西伯猎遇与语大悦曰自吾先君太公曰当有圣人适周周因以兴吾太公望子久矣故号之曰太公望载归立为太师文王崩武王平商封于营丘】既封于齐通工商之业便鱼盐之利民多归之故为大国【熊去非曰齐乃东方形胜要害之地世号为东西秦秦得百二齐亦得十二盖可见矣大抵齐地富强近利故孔子谓齐变而后至鲁也】今青齐淄潍德棣等州是其地也【愚按青州即今益都路齐州即今济南路淄州即今般阳路与潍州德州棣州并隶山东东西道】

鸡既鸣矣朝【音潮】既盈矣匪鸡则鸣苍蝇之声

赋也言古之贤妃御于君所至于将旦之时必告君曰鸡既鸣矣防朝之臣既已盈矣欲令君早起而视朝也然其实非鸡之鸣也乃苍蝇之声也盖贤妃当夙兴之时心常恐晚故闻其似者而以为真非其心存警畏而不留于逸欲何以能此【李迂仲曰心苟在焉则闻苍蝇之声以为鸡鸣心不在焉虽雷霆在侧而耳不闻焉】故诗人叙其事而美之也【孔氏曰以其君荒淫无贤妃之助故陈贤妃贞女警戒其君之语】

东方明【叶谟郎反】矣朝既昌矣匪东方则明【同上】月出之光赋也东方明则日将出矣昌盛也此再告也【辅氏曰一章疑于耳也二章疑于日也古之贤妃进御于君当其夙兴之时心常恐晚故于耳目闻见之际疑其似者而以为真玩绎其辞则其战兢警惕真有临深履薄之意至诚所感则其为君焉有留于宴昵之私者哉愚按此章以月光为东方明乃日见其似而以为真也如前章则是耳闻其不甚似者而以为真也】虫飞薨薨甘与子同梦【叶莫滕反】防且归矣无庶予子憎赋也虫飞夜将旦而百虫作也甘乐防朝也此三告也言当

此时我岂不乐与子同寝而梦哉然羣臣之防于朝者俟君不出将散而归矣无乃以我之故而并以子为憎乎【王介甫曰甘与子同梦情也防且归矣无庶予子憎义也】鸡鸣三章章四句【李迂仲曰自古人君脩身谨行而无流连荒亡之祸者非特有忠臣义士亦由贤妃贞女夙夜警戒以成其德周宣之姜后齐桓之卫姬楚庄之樊妃是也不独人君为然呉许升为博徒妻吕氏躬勤家业以养其姑数劝升修学升每为不义辄流涕进规升感激自励乃寻师远学遂成名贤女之助如此愚按夫为妻纲古之人身脩而家齐者上也思齐所谓刑于寡妻是也夫道不足幸有贤妃助之成德者次也此诗所述是也彼有相与昏淫耽乐卒以覆亡如瞻卬所刺幽王褒姒者无足道矣】

序思贤妃也哀公荒淫怠慢故陈贤妃贞女夙夜警戒相成之道焉

此序得之但哀公未有所考岂亦以諡恶而得之欤

子之还【音旋】兮遭我乎狹【乃刀反】之间【叶居贤反】兮并驱从两肩兮揖我谓我儇【许全反】兮

赋也还便捷之貌狹山名也从逐也兽三歲曰肩【释文曰亦作 孔氏曰献肩于公则肩是大兽故言三歲】儇利也 猎者交错于道路且以便捷轻利相称誉如此【郑氏曰俱出猎而相遭也谓我儇誉之也誉之者以报前言还也】而不自知其非也则其俗之不美可见而其来亦必有所自矣【愚按集传但言必有所自蓋不质其为哀公所致也】子之茂【叶莫口反】兮遭我乎狹之道【叶徒厚反】兮并驱从两牡

兮揖我谓我好【叶计厚反】兮

赋也茂美也

子之昌兮遭我乎狹之阳兮并驱从两狼兮揖我谓

我臧兮

赋也昌盛也山南曰阳狼似大銳头白颊高前广后【尔雅舍人曰狼牡名羴牝名狼羴音驩】臧善也

还三章章四句【谢叠山曰千万人之习俗原于一人之好尚千百年之敝化生于一时之放心齐俗好田如此为人上者可不谨哉范氏曰表記云上之好恶不可不谨也是民之表也国君禽荒而国人以习于田猎为贤闲于驰逐为好安于所习而不自知其非道民之道可不慎哉】序刺荒也哀公好田猎从禽兽而无厌国人化之遂成风俗习于田猎谓之贤闲于驰逐谓之好焉

同上

俟我于着【直据反叶直居反】乎而充耳以素【叶孙租反】乎而尚之以琼华【叶芳无反】乎而

赋也俟待也我嫁者自谓也着门屏之间也【孔氏曰门屏之间谓之宁门内屏外人君视朝所宁立处也着与宁音义同】充耳以纁【曠】悬璜【殿】所谓紃【胆】也【孔氏曰悬璜当耳故谓之塞耳紃悬璜之绳用杂防线织之】尚加也琼华美石似玉者即所以为璜也【古者五等之爵朝防祭祀皆以充耳不知此诗是說何人所說尚之以青黄素琼瑶英大抵只是押韵不知古人充耳以璜或用玉或用象看来是以线穿垂在当耳处】东莱吕氏曰昏礼婿往妇家亲迎既奠鴈御轮而先归俟于门外妇至则揖以入时齐俗不亲迎故女至婿门始见其俟已也

俟我于庭乎而充耳以青乎而尚之以琼莹【音荣】乎而赋也庭在大门之内寝门之外【李实之曰堂下至门谓之庭】琼莹亦美石似玉也
吕氏曰此昏礼所谓婿道妇及寝门揖入之时也

俟我于堂乎而充耳以黄乎而尚之以琼英【叶于良反】乎

而

赋也琼英亦美石似玉者【孔氏曰木谓之华草谓之荣荣而不实者谓之英然则琼英琼华琼莹皆玉石光色谢叠山曰其充耳则以素以青以黄其加饰则琼华琼莹琼英脩容盛饰非不美也惜乎不知礼耳】吕氏曰升阶而后至堂此昏礼所谓升自西阶之时也【东莱口既不亲迎故但行妇至婿家之礼婿道妇入故于着于庭于堂每节皆俟之也】

着三章章三句

序刺时也时不亲迎也

东方之日兮彼姝【赤朱反】者子在我室兮在我室兮履我即兮

兴也履蹑即就也言此女蹑我之迹而相就也【欧阳子曰相邀以奔之词也】

东方之月兮彼姝者子在我闼【叶它悦反】兮在我闼兮履

我发【叶方月反】兮

兴也闼门内也发行去也言蹑我而行去也

东方之日二章章五句【辅氏曰东方之日东方之月恐是因其时以起兴言彼淫奔之女旦则蹶我之迹而去暮则蹶我之迹而去也】

序刺衰也君臣失道男女淫奔不能以礼化也此男女淫奔者所自作非有刺也其曰君臣失道者尤无所谓

东方未明【叶谟郎反】颠倒【都老反】衣裳颠之倒【叶都妙反】之自公召之

赋也自从也羣臣之朝【潮】别【必列反】色始入此诗人刺其君兴居无节号令不时言东方未明而颠倒其衣裳则既早矣而又已有从君所而来召之者焉盖犹以为晚也或曰所以然者以有自公所而召之者故也

东方未晞颠倒裳衣倒之颠【叶典因反】之自公令【力证反叶力呈】

【反】之

赋也晞明之始升也【孔氏曰晞是日之光气湛露云匪阳不晞谓见日之光气而物干故以晞为干兼葭云白露未晞言露在朝旦未见日气故以为干义此无取于干故言明之始升谓将旦时日之光气始升也】令号令也

折【音哲】柳樊圃【叶博故反】狂夫瞿瞿【俱具反】不能晨夜【叶羊茹反】不

夙则莫【音慕】

比也柳杨之下垂者柔脆之木也樊藩也圃菜园也【孔氏曰樊郭璞云藩篱也种菜之地谓之圃其外藩篱谓之园故曰圃菜园也】瞿瞿惊顾之貌夙早也折柳樊圃虽不足恃然狂夫见之犹惊顾而不敢越以比晨夜之限甚明人所易知今乃不能知而不失之早则失之莫也【程子曰柳柔脆易折之物折之为藩篱非坚固也狂夫亦知其有限昼夜之限非不明也乃不能知而不早则晏言无节之甚】

东方未明三章章四句

序刺无节也朝廷兴居无节号令不时挈壶氏不能掌其职焉

夏官挈壶氏下士六人挈悬挈之名壶盛水器盖置壶浮箭以为昼夜之节也【孔氏曰挈壶氏以水为漏準昼夜共为百刻冬夏之间则有长短太史立成法于每歲之间加减刻数以一年有二十四气一气之间分为二通率七日强半而易一箭周年而用箭四十八也厯言昼夜者以昏明为限】漏刻不明固可以见其无政然所以兴居无节号令不时则未必皆挈壶氏之罪也

南山崔崔【子维反】雄狐绥绥鲁道有荡齐子由归既曰归止曷又懷【叶胡威反】止

比也南山齐南山也崔崔高大貌狐邪媚之兽【孔氏曰对文则飞曰雌雄走曰牝牡散则可以相通左传云获其雄狐亦谓牡为雄】绥绥求匹之貌鲁道适鲁之道也荡平易也齐子襄公之妹鲁桓公夫人文姜襄公通焉者也【孔氏曰襄公诸儿僖公子愚按桓公名轨一名允惠公庶子】由从也妇人谓嫁曰归懷思也止语辞言南山有狐以比襄公居高位而行邪行【郑氏曰雄狐行求匹耦于南山之上形貌绥绥然喻襄公居人君之尊而为淫佚之行可耻恶如狐】且文姜既从此道归于鲁矣襄公何为而复思之乎

葛屨五雨【如字又音亮】冠綌【如谁反】双【叶所终反】止鲁道有荡齐

子庸止既曰庸止曷又从止

比也两二屨也綌冠上饰也屨必两綌必双物各有耦不可乱也【吕与叔曰屨与屨为耦虽五雨各相耦冠綌之双亦自为耦襄公文姜非其耦也】庸用也用此道以嫁于鲁也从相从也【吕与叔曰此上二章罪襄公言其理如是而襄公违之以淫佚者何也】

蓺麻如之何衡【音横】从【子容反】其畝【莫后反】取【七喻反】妻如之

何必告【工毒反】父母【莫后反】既曰告【同上】止曷又鞠【居六反】止兴也蓺树鞠穷也欲树麻者必先纵横耕治其田畝【毛氏曰衡猎之从猎之种之然后得麻孔氏曰猎是行步践履之名释氏曰衡亦作横韩诗云东西畊曰横从韩诗作由云南北畊曰由】欲娶妻者必先告其父母今鲁桓公既告父母而娶矣又曷为使之得穷其欲而至此哉【吕东莱曰纳之不正则容有不敢制者今鲁侯既以正礼纳文姜当蚤裁制之曷为又使穷其奸而至于极也】

析薪如之何匪斧不克取妻如之何匪媒不得既曰

得止曷又极止

兴也克能也极亦穷也【吕与叔曰此上二章罪鲁桓公言其理如是桓公纵之穷极其恶何也愚按娶妻固必由于父母之命媒妁之言然考桓公即位三年姑娶文姜时惠公仲子之薨已久则但告庙而不及禀命矣其年正月公防齐侯于嬴自相议婚则不專由媒妁矣是知二事皆正桓公之所少者又况公不亲迎而使羽父逆乎齐僖送女至讙公乃往防可谓重于僖公而轻于夫妇之伦矣是其不谨于正始宜乎姜氏之欲驯致于鞠穷也】

南山四章章六句

春秋桓公十八年公与夫人姜氏如齐公薨于齐【胡康侯曰与者许可之词曰与者罪在公

也夫淫乱者文姜而春秋罪桓公治其本也】传曰公将有行遂与姜氏如齐申繻曰女有家男有室无相渎也谓之有礼易此必败公防齐侯于泺【厯】遂及文姜如齐齐侯通焉公谄之以告夏四月享公使公子彭生乘公公薨于车此诗前二章刺齐襄后二章刺鲁桓也

序刺襄公也鸟兽之行淫乎其妹大夫遇是恶作诗而去之【孔氏曰下二章责鲁桓纵恣文姜序以主刺襄公故不言鲁桓大夫遇是恶作诗而去之言作诗之意以见君恶之甚于经无所当也】

此序据春秋经传为文説见本篇

无田【音佃】甫田维莠【羊九反】骄骄【叶音高】无思遠人劳心忉忉【音刀】

比也田谓耕治之也甫大也莠害苗之草也骄骄张王【并去声】之意忉忉忧劳也言无田甫田也田甫田而力不给则草盛矣无思遠人也思遠人而人不至则心劳矣以戒时人厌小而务大忽近而图遠将徒劳而无功也【苏氏曰田必自其小者始小者有余而甫田可啓矣思遠人必自其近者始近者既服而遠者自至矣辅氏曰厌小而务大田甫田者也妄作者之所为也忽近而图遠思遠人者也妄想者之所冀也妄作则事不遂妄想则心徒劳】

无田甫田维莠桀桀无思遠人劳心怛怛【叶旦悦反】比也桀桀犹骄骄也【东莱曰骄骄桀桀皆稂莠侵袭嘉谷之状】怛怛犹忉忉

婉兮变【古患反叶古悬反】兮总角丱【叶龙眷反】兮未防【居岂反】见兮

突而弁兮

比也婉变少好貌丱两角貌未防未多时也突忽然高出之貌弁冠名【孔氏曰弁者冠之大号也】言总角之童见之未久而忽然载弁以出者非其躡等而求之也蓋循其序而势有必至耳此又以明小之可大迺之可遠能循其序而脩之则可以忽然而至其极若躡等而欲速则反有所不达矣

甫田三章章四句

序大夫刺襄公也无礼义而求大功不脩德而求诸侯志大心劳所以求者非其道也

未见其为襄公之诗

卢令令【音零】其人美且仁

赋也卢田犬也【孔氏曰犬有田犬守犬战国策云韩国卢天下之骏犬是卢为田犬也】令

令犬颌下环声 此诗大意与还略同

卢重【直龙反】环其人美且髻【音权】

赋也重环子母环也【孔氏曰重环谓环相重大环贯一小环也】髻须髻好貌

卢重鋹【音梅】其人美且偲【七才反】

赋也鋹一环贯二也【孔氏曰一大环贯二小环】偲多须之貌【辅氏曰仁则美其德也髻与偲则美其貌也】春秋传所谓于思即此字古通用耳【愚按左传宣公二年宋之城者讥华元曰于思于思弃申复来陆氏曰思西才反多须貌则此思字音颡】

卢令三章章二句

序刺荒也襄公好田猎毕弋而不脩民事百姓苦之故陈古以风焉

义与还同序説非是

敝筍在梁其鱼魴鰈【古顽反叶古伦反】齐子归止其从【才用反】如云

比也敝壞筍罟也魴鰈大鱼也【孔氏曰孔丛子云卫人钓得鰈鱼其大盈车子思问曰如何得对曰吾下钓垂一魴之饵鰈过而不视又以豚之半鰈则吞矣是则鰈为大鱼也】归归齐也如云言众也齐人以敝筍不能制大鱼比鲁庄公不能防闲文姜【胡旦曰魴鰈鰈皆鱼之可制者也为其筍之敝败而不能制文姜本可防闲而制之由鲁庄微弱不能防闲也防所以止水闲所以扞物故防闲有禁制之意】故归齐而从之者众也【胡庭芳曰齐子归止而有如云之从责庄公不能禁之之意在其中矣】

敝筍在梁其鱼魴鰈【才吕反】齐子归止其从如雨比也鰈似魴厚而头大或谓之魴【孔氏曰陆玕云鰈头尤大鱼之不美者故里语曰罔鱼得鰈不如防茹埤雅曰鰈性旅行故其字从与亦谓之连也】如雨亦多也【杨氏曰如云如雨言从之者众也许穆夫人思归唁其兄许人尤之终以义不得而止若鲁庄公刚而有制使鲁人无肯从音如许人焉则文姜虽欲适齐尚可得乎】

敝筍在梁其鱼唯唯【唯葵反】齐子归止其从如水比也唯唯行出入之貌如水亦多也

敝筍三章章四句

按春秋鲁庄公二年夫人姜氏防齐侯于禚【灼胡康侯曰妇人无外事送迎不出门既嫁从夫夫死从子令防齐侯于禚是庄公不能防闲其母失子道也杜氏曰禚齐地】四年夫人姜

氏享齐侯于祝丘【胡康侯曰雨君相见享于庙中礼也非两君相见又去其国而享诸侯甚矣杜氏曰祝丘鲁地】五年夫人姜氏如齐师【胡康侯曰曰防曰享犹为之名也至是如齐师羞恧之心亡矣夫人之行不可复制矣】七年夫人姜氏防齐侯于防又防齐侯于谷【胡康侯曰防鲁地谷齐地一歲而再防焉其为恶益遠矣春秋庄公十五年夫人姜氏如齐十九年夫人姜氏如莒二十年夫人姜氏如莒胡康侯曰礼义天下之大防也其叶乱之所由生犹坊止水之所自来也卫女思归宁而不得故泉水赋许穆夫人思唁其兄而阻于义故载驰作圣人録于国风以示后世使知男女之别也今夫人如齐以宁其父母而父母已终以宁其兄弟人义不得宗国犹尔而况如莒乎妇人从人者也夫死从子而庄公失子之道不能防闲其母禁乱之所由生故初防于禚次享于祝丘又次于齐师又次防于防于谷又次如齐又再如莒此以旧坊为无所用而废之者也是以至此极观春秋所书之法则知防闲之道矣】

序刺文姜也齐人恶鲁桓公微弱不能防闲文姜使至淫乱为二国患焉

桓当作庄【愚按桓公十八年不聽申繻之諫必欲与文姜同如齐则姜氏此一行非由桓公不能制而然也及公薨于齐而姜氏返鲁庄公嗣位而姜氏孙于齐未久复返于鲁自后姜氏之会齐侯者相望于春秋之防则防闲之说属之桓公乎属之庄公乎故曰桓当作庄】

载驱薄薄【普各反】簟茀朱鞞【苦郭反】鲁道有荡齐子发夕【叶祥龠反】

赋也薄薄疾驱声簟方文席也茀车后户也【孔氏曰谓以竹为簟蔽车之后户也】朱朱漆也鞞兽皮之去毛者盖车革质而朱漆也夕犹宿也发夕谓离于所宿之舍齐人刺文姜乘此车而来防襄公也

四骊【力驰反】济济【子礼反】垂辔瀾瀾【乃礼反】鲁道有荡齐子

岂【开改反】弟【叶待礼反】

赋也骊马黑色也济济美貌瀾瀾柔貌岂弟乐易也言无忌憚羞耻之意也

汶【音问】水汤汤【失章反】行人彭彭【必亡反】鲁道有荡齐子翱翔赋也汶水名在齐南鲁北二国之竟【境】汤汤水盛貌彭彭多貌言行人之多亦以见其无耻也

汶水滔滔【吐刀反】行人儻儻【表骄反叶音褒】鲁道有荡齐子游

敖

赋也滔滔流貌儻儻众貌游遨犹翱翔也

载驱四章章四句【谢叠山曰曰岂弟曰翱翔曰游敖文姜之情态欢欣快乐如此无礼义无

羞耻无忌惮尽见于此诗矣诗人铺叙之详形容之巧刺之深疾之甚也】

序齐人刺襄公也无礼义故盛其车服疾驱于通道大都与文姜淫播其恶于万民焉

此亦刺文姜之诗

猗嗟昌兮颀【音析】而长兮抑若扬兮美目𦞙兮巧趋踰兮射则臧兮

赋也猗嗟叹词昌盛也颀长貌抑而若扬美之盛也【辅氏曰抑若扬兮所以甚言其美也虽抑之而犹若扬而况于扬之乎】扬目之动也踰趋翼如也臧善也齐人极道鲁庄公威仪伎艺之美如此【愚按射则臧不出正舞则选四矢反皆伎艺之美其余所言皆威仪之美】所以刺其不能以礼防闲其母若曰惜乎其独少此耳猗嗟名兮美目清兮仪既成兮终日射【食亦反】侯不出

正【音征】兮展我甥【叶桑经反】兮

赋也名犹称也言其威仪伎艺之可名也清目清明也仪既成言其终事而礼无违也侯张布而射之者也正设的于侯中而射之者也大射则张皮侯而设鹄【楷】寘射则张布侯而设正【孔氏曰射皆三番而止云终日射侯者美其久射而能中又曰正者侯中所射之处布侯画正正大如鹄三分侯广而正居一焉侯身长一丈八又者正方六尺侯身一丈四尺者正方四尺六寸大半寸侯身一丈者正方三尺三寸少半寸正以防画为之王射五正画中朱次白次苍次黄居外诸侯射三正损黄孤卿大夫士同射二正去白苍而画以朱绿其外之广皆居侯中三分之一而中央之防方二尺也正之言正也射者内志正则能中亦鸟名齐鲁之间名题肩为正鸟之捷者射难中以中为俊故取名】展诚也姊妹之子曰甥言称其为齐之甥而又以明非齐侯之子此诗人之微词也按春秋桓公三年夫人姜氏至自齐六年九月子同生即庄公也十八年桓公乃与夫人如齐则庄公诚非齐侯之子矣

猗嗟变【叶龙眷反】兮清扬婉【叶许愿反】兮舞则选【雪恋反】兮射则

贯【叶扃县反】兮四矢反【叶孚绡反】兮以御乱【叶灵眷反】兮

赋也变好貌清目之美者扬眉之美者婉亦好貌选异于众也或曰齐于乐节也贯中而贯革也四矢礼射每发四矢【郑氏曰礼射谓以礼乐射也大射寘射燕射是矣四矢象有事于四方】反复也中皆得其故处也言庄公射艺之精可以御乱如以金仆姑射南宫长【上声】万可见矣【范氏曰射足以御乱而礼不足以防淫也左传庄公十一年注曰金仆姑矢名南宫长万宋大夫】

猗嗟三章章六句

或曰子可以制母乎赵子曰夫死从子通乎其下况国君乎君者人神之主风教之本也不能正家如正国何若庄公者哀痛以思父诚敬以事母威刑以驭下车马仆从莫不俟命夫人徒往乎夫人之往也则公哀敬之不至威命之不行耳【辅氏曰赵子之说义理之正圣贤复生不可易也】东莱吕氏曰此诗三章讥刺之意皆在言外嗟叹再三则庄公所大阙者不言可见矣【严氏曰变风之体意在言外有全篇首尾皆托之他词但中间只下一二语自然使人默防如此诗极言其人容貌威仪伎艺之美而以叹息之词发之是其人所不足者必有在于容貌威仪伎艺之外矣中间展我甥兮一句只一甥字便见得是刺鲁庄公只一展字便见得是人以庄公为齐侯之子读者既默防其意见得自猗嗟而下句句称美处节节是叹息不满处词不急迫而意深切矣谢叠山曰一章射则臧兮射则善矣德则未见其善亦可惜也二章展我甥兮庄公诚为我齐国之甥今人乃以为齐侯之子亦可惜也三章以御乱兮庄公善射似可以御乱也齐侯文姜之淫乱则无防以御之亦可惜也李迂仲曰夫子曰君子多乎哉不多也世人乃专心于此而忘其本故庄公有威仪伎艺之美而不免猗嗟之刺昭公习威仪之亟而不能止于侯之祸汉成帝善脩容仪升车正立不内顾而不能制赵氏之横虽多才多艺而不能务本何所补哉】

序刺鲁庄公也齐人伤鲁庄公有威仪技艺然而不能以礼防闲其母失子之道人以为齐侯之子焉

此序得之

齐国十一篇三十四章一百四十三句

魏一之九

魏国名本舜禹故都【孔氏曰舜都蒲坂禹都平阳或安邑皆河东界魏境内有其都尔魏不居其墟也】在禹贡冀州雷首之北析城之西南枕河曲北涉汾水其地阨隘而民贫俗俭盖有圣贤之遗风焉【吕东莱曰水经注魏国城西南并去大河可二十余里北去首山十余里处河山之间土地迫隘郑氏曰昔舜耕历山陶河滨禹菲饮食恶衣服毕宫室此俭约之化于是犹存】周初以封同姓后为晋献公所灭而取其地【郑氏曰鲁闵公元年晋献公灭之以其地赐大夫毕万愚按先儒以魏所封为文王子毕公高之后也】今河中府解州即其地也【愚按今河东山西道有河中府及解州】苏氏曰魏地入晋久矣其诗疑皆为晋而作故列于唐风之前犹邶鄘之于卫也【苏氏曰桼者郑所城也桼诗不为郑而邶鄘为卫魏为晋何也邶鄘卫之诗作于既威其诗所为者卫晋也至于桼诗未亡而先作矣】今按篇中公行公路公族皆晋官疑实晋诗又恐魏亦尝有此官盖不可考矣

纠纠【吉黝反】葛屨可以履霜掺掺【所衔反】女手可以缝裳要【于遥反】之襌【纪力反】之好人服【叶浦北反】之

兴也纠纠缭戾寒凉之意夏葛屨冬皮屨【孔氏曰夏葛屨犹絺绤所以当暑特为便于时耳

非行礼之服若行礼虽夏犹当用皮】掺掺犹纖纖也女妇未庙见【现】之称也娶妇三月庙见然后执妇功【孔氏曰三月庙见谓无舅姑者妇入三月乃见舅姑之庙若有舅姑则士昏礼云质明赞见妇于舅姑不待三月也虽即见舅姑亦三月乃助祭行未祭行亦未成妇也】要裳要襌衣领好人犹大人也魏地陋隘其俗俭嗇而褊急故以葛屨履霜起兴而刺其使女缝裳【辅氏曰纠纠葛屨本非可以履霜然自俭嗇者言之则亦可以履霜矣以兴掺掺女手本未可以缝裳然自褊急者言之则亦可使之缝裳矣】又使治其要襌而遂服之也此诗疑即缝裳之女所作好人提提【徒兮反】宛【于阮反】然左辟【音避】佩其象揅【勅帝反】维

是心是以为刺【叶音砌】

赋也提提安舒之意宛然让之貌也【严氏曰宛委曲逊顺貌】让而辟者必左【孔氏曰不敢当主故就客位】揅所以摘【剔】髮用象为之贵者之饰也其人如此若无有可刺矣所以刺之者以其迫急促如前章之云耳【辅氏曰此章则刺其内外表里之不相副自其外而观之则其进止之安舒逊让之有节服饰之贵盛宜若无可刺者矣然其心之迫急促如前章之云是以不能不刺之也】

葛屨二章一章六句一章五句

广汉张氏曰夫子谓与其奢也宁俭则俭虽失中本非恶德然而俭之过则至于吝嗇迫隘计较分毫之间而谋利之心始急矣葛屨汾沮洳园有桃三诗皆言急迫琐碎之意

序刺也魏地陋隘其民机巧趋利其君俭嗇急而无德以将之

彼汾沮洳言采其莫【音慕】彼其【音记】之子美无度美无度殊异乎公路

兴也汾水名出太原晋阳山西南入河沮洳水浸处下湿之地莫菜也似柳叶厚而长有毛刺可为羹【孔氏曰陆玑云莫莖大如箸赤节节一叶今人纍以取茧绪其味酢而滑始生又可生食】无度言不可以尺寸量也公路者掌公之路车晋以卿大夫之庶子为之此亦刺俭不中礼之诗言若此人者美则美矣然其俭嗇急之态殊不似贵人也彼汾一方言采其桑彼其之子美如英【叶于良反】美如英

殊异乎公行【户郎反】

兴也一方彼一方也史记扁鹊视见垣一方人【愚按扁鹊姓秦名越人长桑君与之药使以上池之水饮药三十日视垣见一方人以此视病尽见五脏症结所谓垣一方者犹此诗言汾一方古语皆然也症音征】英华也公行即公路也以其主兵车之行列故谓之公行也【孔氏曰公路公行一也宣公二年晋宦卿之适为公族庶子为公行】

彼汾一曲言采其蕒【音续】彼其之子美如玉美如玉殊

异乎公族

兴也一曲谓水曲流处蕒水舄【昔】也叶如车前草【孔氏曰蕒牛唇水舄也如续断寸寸有节拔之可复令泽写也】公族掌公之宗族晋以卿大夫之适嫡子为之【孔氏曰成公十八年左传曰晋荀防栾黶韩无忌为公族大夫使训子弟是公族主君之同姓也黶音黯】

汾沮洳三章章六句

序刺俭也其君俭以能勤刺不得礼也

此未必为其君而作崔灵恩集注其君作君子义虽稍通然未必序者之本意也

园有桃其实之殽心之忧矣我歌且谣【音遥】不知我者谓我士也骄彼人是哉【叶将黎反】子曰何其【音基】心之忧矣其谁知之其谁知之蓋亦勿思【叶新赍反】

兴也殽食也合曲曰歌徒歌曰谣【孔氏曰谣既徒歌则歌不徒矣歌谣对文如此散则歌未必合乐也】其语辞诗人忧其国小而无政故作是诗言园有桃则其实之殽矣心有忧则我歌且谣矣【程子曰此诗忧深思远矣国无政事则亡故忧思之深至歌且谣】然不知我之心者见其歌谣而反以为骄且曰彼之所为已是矣而子之言独何为哉蓋举国之人莫觉其非而反以忧之者为骄也于是忧者重嗟叹之以为此之可忧初不难知彼之非我特未之思耳诚思之则将不暇非我而自忧矣

园有棘其实之食心之忧矣聊以行国【叶于逼反】不知我

者谓我士也罔极彼人是哉子曰何其心之忧矣其谁知之其谁知之蓋亦勿思

兴也棘枣之短者【埤雅曰大者枣小者棘于文重束为枣并束为棘蓋枣性重乔棘则低矣故其制字如此本草注棘有赤白二种小枣也丛高三四尺花叶茎实俱似枣也】聊且略之辞歌谣之不足则出游于国中而写忧也极至也罔极言其心纵恣无所至极

园有桃二章章十二句【谢叠山曰使忠臣义士之心略见知于人通国上下不羣吠而众恶之问其所忧者何說今之所当行者何事魏侯闻而大悔悟急为扶颠持危之谋晋岂能骤灭其国哉国虽亡亦未必如是之速也呜呼惜哉辅氏曰黍离之忧忧王室之已覆也园有桃之忧忧魏国之将亡也忧其已覆而不我知则亦已矣忧其将亡而不我知则欲其思之者亦宜也】序刺时也大夫忧其君国小而迫而俭以嗇不能用其民而无德教日以侵削故作是诗也国小而迫日以侵削者得之余非是

陟彼岵【音户】兮瞻望父兮父曰嗟予子行役夙夜无已上慎旃哉犹来无止

赋也山无草木曰岵上犹尚也孝子行役不忘其亲故登山以望其父之所在因想像其父念已之言曰嗟乎我之子行役夙夜勤劳不得止息又祝之曰庶防慎之哉犹可以来归无止于彼而不来也盖生则必归死则止而不来矣或曰止获也言无为人所获也

陟彼屺【音起】兮瞻望母【叶满彼反】兮母曰嗟予季行役夙夜

无寐上慎旃哉犹来无弃

赋也山有草木曰屺【孔氏曰释山云多草木岵无草木屺与传正反当是传写误也愚按集传释岵屺之名不从尔雅而祖毛传亦如卷耳之释崔嵬与朏也】季少子也尤怜爱少子者妇入之情也无寐亦言其劳之甚也弃谓死而弃其尸也

陟彼冈兮瞻望兄【叶虚王反】兮兄曰嗟予弟行役夙夜必

偕【叶举里反】上慎旃哉犹来无死【叶想止反】

赋也山脊曰冈【陈少南曰岵也屺也冈也皆山之高处而可以瞻望者诗人各取其一以叶韵耳】必偕言与其偕同作同止不得自如也

陟岵三章章六句【辅氏曰既思其父又思其母又思其兄既想像其念已之言又想像其祝已之言曰庶防其谨之哉则斯人也必能以其亲之心为心亦可谓贤矣愚按诗人】

【以已之思亲而知亲之念已虽曰设为亲念已之言实以深寓已念亲之心也章末二语所以自警亦所以自悲可以见其忠孝之心矣近世如陈后山忆子诗曰吾母亦念我与尔宁相忘尤足长人孝爱之情也】

序孝子行役思念父母也国迫而数侵削役乎大国父母兄弟离散而作是诗也

十畝之间【叶居贤反】兮桑者闲闲【叶胡田反】兮行与子还【叶音旋】兮赋也十畝之间郊外所受场圃之地也【张子曰周制国郭之外有听为场圃之地者疑家受十畝以毓草本吕东莱曰所谓十畝者特甚言之尔未可以为定数也】闲闲往来者自得之貌行犹将也还犹归也政乱国危贤者不乐仕于朝而思与其友归于农圃故其词如此

十畝之外【叶五坠反】兮桑者泄泄【以世反】兮行与子逝兮赋也十畝之外邻圃也泄泄犹闲闲也逝往也十畝之间二章章三句

序刺时也言其国削小民无所居焉

国削则其民随之序文殊无理其說已见本篇矣

坎坎伐檀【叶徒沿反】兮寘之河之干【叶居焉反】兮河水清且涟【力防反】猗【于宜反】不稼不穡胡取禾三百防【直连反】兮不狩不猎胡瞻尔庭有县【音 𡗗】貆【音暄】兮彼君子兮不素餐【七丹反叶七宣反】兮

赋也坎坎用力之声檀木可为车者寘与置同干厓也涟风行水成文也猗与兮同【诗考曰鲁诗作兮】语词也书断断猗大学作兮庄子亦云而我犹为人猗是也【大宗师曰而已反其真而我犹为人猗林氏曰猗助语也】种之曰稼斂之曰穡【孔氏曰以稼穡相对皆先稼后穡故知种曰稼斂曰穡若散则相通】胡何也一夫所居曰防【孔氏曰防民居之区域也】狩亦猎也貆貉类【郑氏曰貉子曰貆】素空餐食也诗人言有人于此用力伐檀将以为车而行陆也今乃寘之河干则河水清涟而无所用虽欲自食其力而不可得矣然其志则自以为不耕则不可以得禾不猎则不可以得兽是以甘心穷饿而不悔也诗人述其事而叹之以为是真能不空食者【辅氏曰不稼不穡则不可以得粒食不狩不猎则不可以得鲜食人之所食虽多而此二者为大故举而言之所谓甘心穷饿而不悔者诗中虽无此意然观其志之所有如此而诗人又以为真能不素餐者当有此事矣】后世若徐穉之流非其力不食其厉志蓋如此【愚按后汉徐穉子家贫常自耕稼非其力不食蓋其厉志之勤必欲服劳而后食亦若此诗贤者之志也又如范文正公居官每计一日饮食奉养之费与所为之事相称则无复愧耻苟或不然终夜不能安寝亦可谓能厉其志者也】

坎坎伐辐【音福叶笔力反】兮寘之河之侧【叶庄力反】兮河水清且

直猗不稼不穡胡取禾三百亿兮不狩不猎胡瞻尔庭有县特兮彼君子兮不素食兮

赋也辐车辐也伐木以为辐也直波文之直也十万曰亿蓋言禾秉之数也【孔氏曰田方百畝于今数为九百万畝而王制云方百里为田九十亿畝是亿为十万也禾秉之数谓刈禾之把数】兽三歲曰特

坎坎伐轮兮寘之河之湄【顺伦反】兮河水清且沦猗不

稼不穡胡取禾三百困【丘伦反】兮不狩不猎胡瞻尔庭有县鹑【音纯】兮彼君子兮不素飧【素门反叶素伦反】兮

赋也轮车轮也伐木以为轮也沦小风水成文转如轮也困圆仓也鹑防属熟食曰飧

伐檀三章章九句【孔丛子子思子曰于伐檀见贤者之先事后食也愚按有劳心而得食者有劳力而得食者有躬耕而自食者岂必人人自耕以食哉但不可无其事而食其食耳伐檀君子意正如此故诗人美其甘贫乐贱虽不见用而不苟食也】

序刺贪也在位贪鄙无功而受禄君子不得进仕尔

此诗專美君子之不素餐序言刺贪失其指矣

硕鼠硕鼠无食我黍三歲贯【古乱反】女【音汝】莫我肯顾【叶果五反】逝将去女适彼乐【音洛下同】土乐土乐土爰得我所

比也硕大也三歲言其久也贯习顾念逝往也乐土有道之国也爰于也民困于贪残之政故托言大鼠害已而去之也【辅氏曰三歲贯女则民之于上至矣莫我肯顾则上之于民甚矣于是而决去焉非民之罪也逝将去女云者则是将去而犹有不忍之意也不然尚何言之有】硕防硕防无食我麦【叶讫力反】三歲贯女莫我肯德逝将

去女适彼乐国【叶于逼反】乐国乐国爰得我直

比也德归恩也【范氏曰莫我肯德者不以我为德也民出力以事上不以为德而反蚕食之所以去也】直犹宜也

硕防硕防无食我苗【叶音毛】三歲贯女莫我肯劳逝将

去女适彼乐郊【叶音高】乐郊乐郊谁之永号【户毛反】

比也【谢叠山曰食黍不足而食麦食麦不足而食苗苗者禾方树而未秀也食至于此以比其贪之甚也】劳勤苦也谓不以我为勤劳也永号长呼也言既往乐郊则无复有害已者当复为谁而永号乎硕防三章章八句【张南轩曰硕防之诗圣人所为取者以其上失道如此国人疾之甚而欲去之犹有所未忍也故着其情于诗着其情于诗乃其所未忍絶也】

序刺重斂也国人刺其君重斂蚕食于民不修其政贪而畏人若大防也【孔氏曰蚕食桑渐渐以食使桑尽也犹重斂渐渐以税使民困也解颐新语云蚕食喻重斂者莫切于此鼠食物且食且畏四顾不宁喻贪畏者莫切于此】

此亦托于硕防以刺其有司之词未必直以硕防比其君也

魏国七篇十八章一百二十八句【严氏曰魏唐无淫诗蓋犹有先圣之风化焉辅氏曰寬裕者其流长急迫者其意短魏以地陋而褊急如此其何以传世至于长久哉故变风作于平桓之世而国遂灭于惠公之十七年止五六十年间耳诗人之意固忧之矣】

诗传通释卷五

卷六

钦定四库全书

诗传通释卷六

元 刘瑾 撰

诗

朱子集传

唐一之什

唐国名本帝尧旧都在禹贡冀州之域太行恒山之西大原大岳之野【郑氏曰今大原晋阳是尧始居比后乃迁河东平阳】周成王以封弟叔虞为唐侯【孔氏曰晋世家云成王与叔虞戏削桐叶为珪曰以此封若于是封叔虞于唐地名晋阳是也】南有晋水至子燮乃改国号曰晋后徙曲沃又徙居绛【孔氏曰唐叔生晋侯燮燮生武侯宁族族生成侯服人成侯徙曲沃穆侯徙绛昭侯以下又徙翼及武公并晋又都绛也】其地土瘠民贫勤俭质朴忧深思远有尧之遗风焉【前汉志曰河东本唐尧所居有先王遗教君子深思小人俭嗇张南轩曰尧之遗风只是俭而用礼一事亦不必事事称有遗风也】其诗不谓之晋而谓之唐盖仍其始封之旧号耳【愚按叔虞封唐燮侯号晋十七传至晋侯缙为曲沃武公所并然武公能灭晋之宗而不能灭唐之号能冒晋之号而不能继唐之统君子欲絶武公于晋而不可故总名其诗为唐以寓意焉然则晋诗称唐见曲沃武公灭宗国之罪而魏风首晋又以见曲沃献公灭同姓之恶世变如此春秋欲不作不可也】唐叔所都在今大原府曲沃及绛皆在今绛州【愚按今大原路改冀宁路今绛州有曲沃县绛县并隸河东山西道】

蟋蟀在堂歲聿【允橘反】其莫【音慕】今我不乐【音洛下同】日月其除【直虑反】无已大【音泰】康职思其居【叶音据】好【呼报反】乐无荒良士瞿瞿【俱具反】

赋也蟋蟀虫名似蝗而小正黑有光泽如漆有角翅或谓之促织【陆玕曰一名蜻蛚里语曰促织鸣懒妇惊】九月在堂聿遂莫晚【孔氏曰七月說蟋蟀云九月在户此言在堂谓在室户之外与户相近是九月可知过此月后则歲遂将暮矣】除去也大康过于乐也职主也瞿瞿却顾之貌唐俗勤俭故其民间终歲劳苦不能少休及其歲

晚务闲之时乃敢相与燕饮为乐而言今蟋蟀在堂而歲忽已晚矣当此之时而不为乐则日月将舍我而去矣然其忧深而思远也故方燕乐而又遽相戒曰今虽不可以不为乐然不已过于乐乎盍亦顾念其职之所居者使其虽好乐而无荒若彼之良士长虑而却顾焉则可以

不至于危亡也【辅氏曰今我不乐日月其除张而不弛文武不能也无已大康职思其居弛而不张文武不为也好乐无荒良士瞿瞿一张一弛文武之道也严氏曰职思其居启其忧也好乐无荒作其勤也良士瞿瞿警其惧也三言而君国之道尽矣】盖其民俗之厚而前圣遗风之远如此【愚按自尧而至于周盖千余年矣而其风化流传固结于唐人之心故其民间质实勤俭之习亲爱和乐之恩警戒忠告之情备见于诗此其俗之所以为厚也】

蟋蟀在堂歲聿其逝今我不乐日月其迈【叶力制反】无已

大康职思其外【叶五坠反】好乐无荒良士蹶蹶【俱卫反】

赋也逝迈皆去也外余也其所治之事固当思之而所治之余亦不敢忽盖其事变或出于平常思虑之所不及故当过而备之也【欧阳子曰职思其外者广周虑也】蹶蹶动而敏于事也

蟋蟀在堂役车其休今我不乐日月其慆【吐刀反叶佗侯】

无已大康职思其忧好乐无荒良士休休

赋也庶人乘役车歲晚则百工休矣【孔氏曰春官巾车注云役车方箱则载任器以供役收纳禾稼亦用此车故役车休息是农工毕也】慆过也休休安闲之貌乐而有节不至于淫所以安也【辅氏曰庶人之役车犹休矣则君子可无一日之乐乎职居其居谓所居之职也职思其外谓所职之外也职思其爱谓思之极而至于忧也瞿瞿顾虑周旋之貌未见于为也蹶蹶则见于为矣蹶蹶动而敏于事之貌未见其安也安则瞿瞿蹶蹶之效也始则瞿瞿然而思中则蹶蹶然而为终则休休然而安必如是始可以乐而谓之良士尔】蟋蟀三章章八句【辅氏曰歲聿其逝则不止于歲聿其莫矣役车其休则不止于歲聿其逝矣日月其迈则不止于日月其除矣日月其慆则不止于日月其迈矣职思其外则不止于职思其居矣职思其忧则不止于职思其外矣蹶蹶则不止于瞿瞿矣休休则又瞿瞿蹶蹶之效也其意皆由近而远自浅而深是则所谓忧深而思远者也陈寿翁曰始思其居则所居处之中次思其外则又出于所居之外终思其忧则思之远而忧之深可见矣杨氏曰此诗欲及时自乐也而卒曰好乐无荒可谓有礼矣当是时风虽变而尧之遗风未亡也唐风自是尚有勤俭之意作诗是一个不敢故懷底人說今我不乐便又說无已大康愚按此诗必曰蟋蟀在堂而后曰今我不乐则能不游于逸矣既曰今我不乐又曰无已大康则能不淫于乐矣曰职思其外则敝戒无虞也曰好乐无荒则无怠无荒也以诗人之克勤克俭所忧所思虽无唐虞君臣之德业而其发于诗者与伯益告戒之词同条共贯信乎前圣遗风之远也】序刺晋僖公也俭不中礼故作是诗以闵之欲其及时以礼自虞乐也此晋也而谓之唐本其风俗忧深思远俭而用礼乃有尧之遗风焉河东地瘠民贫风俗勤俭乃其风土气习有以使之至今犹然则在三代之时可知矣序所谓俭不中礼固当有之但所谓刺僖公者盖特以谥得之而所谓欲其及时以礼自娱乐者又与诗意正相反耳况古今风俗之变常必由俭以入奢而其变之渐又必由上以及下今谓君之俭反过于初而民之俗犹知用礼则尤恐其无是理也独其忧深思远有尧之遗风

为得之然其所以不谓之晋而谓之唐者又初不谓此也【唐自是未改号晋时国名序者便率合谓此晋也而谓之唐乃有尧之遗风本意岂因此而谓之唐是皆凿说愚按季札见歌唐曰思深哉其有陶唐氏之道风乎不然何其忧之远也意序者据此遂谓因其有尧遗风而谓之唐不知大师特系以始封之号尔初无与于尧也】

山有枢【乌侯昌朱二反】隰有榆【夷周以朱二反】子有衣裳弗曳弗娄【力侯力俱二反】子有车马弗驰弗驱【祛尤亏于二反】宛【于阮反】其死矣他人是愉【他侯以朱二反】

兴也枢荃【埤】也今刺【去声】榆也榆白粉也【吕东莱曰陆玑云枢其针刺如柘其叶如榆为茹美滑于白榆也榆之皮色白者名粉郭璞云粉榆先牛叶却着英皮色白】娄亦曳也【孔氏曰曳者衣裳在身行必曳之广韵注曰曳牵也又引也】驰走驱防也宛坐见貌愉乐也此诗盖以答前篇之意而解其忧故言山则有枢矣隰则有榆矣【诗所以能兴起人处全在兴如山有枢隰有榆别无意义只是兴起下面子有车马子有衣裳耳】子有衣裳车马而不服不乘则一旦宛然以死而他人取之以为已乐矣盖言不可不及时为乐然其忧愈深而意愈蹙矣【愚按宛其死矣而衣裳车马徒为他人之乐是其忧远及于身后其意欲尽乐于生时则虽解前篇深远之忧而忧反愈深虽答前篇为乐之意而意则愈蹙矣】

山有栲【音考叶去九反】隰有杻【女九反】子有廷内弗洒弗埽【叶苏】

【后反】子有钟鼓弗鼓弗考【叶去九反】宛其死矣他人是保【叶补苟反】兴也栲山樗也似樗色小白叶差狭【孔氏曰栲亦类黍树俗语曰樗栲漆相似如一】杻櫨【亿】也叶似杏而尖白色皮正赤其理多曲少直材可为弓弩干者也【陆玑曰杻二月中开花似练而细藻正白盖树今官园种之正名曰万岁】考击也保居有也

山有漆【音七】隰有栗子有酒食何不日鼓瑟且以喜乐

【音洛】且以永日宛其死矣他人入室

兴也君子无故琴瑟不离于侧永长也人多忧则觉日短饮食作乐可以永长此日也【孔氏曰曲礼下云士无故不彻琴瑟注云故谓灾患丧病言永日者人而无事则日长难度若饮食作乐则忘忧愁可以永长此日】山有枢三章章八句【谢叠山曰始言他人是愉中言他人是保末言他人入室一节悲一节此亦忧深思远也吕东莱曰前汉地志云蟋蟀山有枢皆思奢俭之中念死生之虑】

序刺晋昭公也不能修道以正其国有财不能用有钟鼓不能以自乐有朝廷不能洒埽政荒民散将以危亡四隣谋取其国家而不知国人作诗以刺之

此诗盖亦答蟋蟀之意而宽其忧非臣子所得施于君父者序说大误

扬之水白石凿凿【子洛反】素衣朱褱【音博】从子于沃【叶郁缚反】既见君子云何不乐【音洛】

比也凿凿巉岩貌褱领也诸侯之服绣黼领而丹朱纯【準】也【孔氏曰此诸侯朝服祭服之里衣也以素为衣丹为縁绣黼为领刺绣以为衣领名为褱严氏曰冕服丝衣也中衣用素素丝也皮弁服朝服端麻衣也中衣用布凡服先以明衣亲身次加中衣冬则次加裘裘上加裼衣衣上加朝服此以素为衣是以丝为之谓冕及爵弁之中衣也】子指桓叔也沃曲沃也晋昭侯封其叔父成师于曲沃是为桓叔【案左传史记晋穆侯太子曰仇其弟曰成师穆侯薨仇立是为文侯文侯薨昭侯立封成师于曲沃师服谏曰吾闻国家之立也本大而末小是以能固故天子建国诸侯立家今晋甸侯也而建国本既弱矣其能从乎成师卒谥曰桓叔】其后沃盛强而晋微弱国人将叛而归之故作此诗言水缓弱而石巉岩以比晋衰而沃盛故欲以诸侯之服从桓叔于曲沃且自喜其见君子而无不乐也【欧阳子曰扬之水其力弱以比昭公微弱不能制曲沃而桓叔之强于晋国如白石凿凿然见于水中尔其民从而乐之】

扬之水白石皓皓【古老反叶胡暴反】素衣朱绣【叶先妙反】从子于

鹄【叶居号反】既见君子云何其忧【叶一笑反】

比也朱绣即朱褱也鹄曲沃邑也

扬之水白石粼粼【利新反】我闻有命【叶弥并反】不敢以告人比也粼粼水清石见之貌闻其命而不敢以告人者为之隐也桓叔将以倾晋而民为之隐盖欲其成矣【辅氏曰民为桓叔隐而欲其事之成此可见其情之大可畏也大禹之训曰子临兆民懍乎若朽索之馭六马为人上者奈何弗敬其防深哉胡庭芳曰不敢云者亦以见桓叔之强有可畏之势不是不告人特不敢耳】李氏曰古者不轨之臣欲行其志必先施小惠以收众情然后民翕然从之田氏之于齐亦犹是也故其召公子阳生于鲁国人皆知其已至而不言所谓我闻有命不敢以告人也【严氏曰命谓桓叔命其徒以举事祸将作矣我闲其事不敢以告人也言不敢告人乃所以深告昭公】

扬之水三章二章章六句一章四句

序刺晋昭公也昭公分国以封沃沃盛强昭公微弱国人将叛而归沃焉

诗文明白序说不误

椒聊之实蕃衍盈升彼其【音记】之子硕大无朋椒聊且【子余反】逌条且

兴而比也椒树似茱萸有针刺其实味辛而香烈聊语助也朋比也【释文曰比必履反谓无

比例也一音毗至反】且叹词遼条长枝也 椒之蕃盛则采之盈升矣彼其之子则硕大而无朋矣椒聊且遼条且叹其枝遼而实益蕃也【范氏曰椒聊且者本其始也遼条且者言其枝别时遼而无穷也陈少南曰是椒也其条遼矣言子孙大也】此不知其所指序亦以为沃也

椒聊之实蕃衍盈匊【九六反】彼其之子硕大且笃椒聊

且遼条且

兴而比也两手曰匊【李迂仲曰陆农师云两手为匊两匊为升先曰升后曰匊互相备而已】笃厚也

椒聊二章章六句【严氏曰此诗言桓叔之强而不及昭公其意则忧昭公之弱言在此而意在彼也辅氏曰扬之水椒聊二诗述当时民情弃旧君而乐桓叔也如此则其俗之薄甚矣圣人何取焉夫民罔常懷懷于有仁民之去就系上之人如何耳上则无道而责民之我弃不可也是以古之圣人临乎民上懷乎若朽索之驭六马焉凡有不得者皆反求诸已而已故圣人録此二诗以见民无常懷而在上者不可不强于自治也】

序刺晋昭公也君子见沃之盛强能脩其政知其蕃衍盛大子孙将有晋国焉

此诗未见其必为沃而作也

绸【直留反】繆【芒侯反】束薪三星在天【叶铁因反】今夕何夕见此良人子兮子兮如此良人何

兴也绸繆犹纏綿也【孔氏曰绸繆是束薪之状故云犹纏綿也】三星心也在天昏始见于东方建辰之月也【郑氏曰昏而不见嫁之候今见在天则三月末是不得其时愚按心宿之象三星鼎立故因谓之三星然凡三星者非止心之一宿而知此诗为指心宿者蓋春秋之初辰月末日在毕昏时日沦地之西位而心宿始见于地之东方此诗男女既过仲春之月而得成婚故适见心宿也】良人夫称也 国乱民贫男女有失其时而后得遂其婚姻之礼者诗人叙其妇语夫之词曰方绸繆以束薪也而仰见三星之在天今夕不知其何夕也而忽见良人之在此既又自谓曰子兮子兮其将柰此良人何哉喜之甚而自庆之词也绸繆束刍【叶侧九反】三星在隅【叶语口反】今夕何夕见此邈【户解】

【反】逅【胡豆反叶狠口反】子兮子兮如此邈逅何

兴也隅东南隅也昏见之星至此则夜从矣邈逅相遇之意此为夫妇相语之词也

绸繆束楚三星在户【侯古反】今夕何夕见此粲【采旦反】者

【叶昌与反】子兮子兮如此粲者何

兴也户室户也户必南出昏见之星至此则夜分矣粲美也此为夫语妇之词也或曰女三为粲一妻二妾也【李迂仲曰国语虽曰三女为粲而又曰粲美物是言美女也】

绸缪三章章六句【李迂仲曰淫佚之祸生于奢侈唐之风俗尚俭昏姻虽不得其时犹未至于淫奔也】

序刺晋乱也国乱则昏姻不得其时焉

此但为昏姻者相得而喜之词未必为刺晋国之乱也

有杕之杜其叶湑湑【私叙反】独行踽踽【俱禹反】岂无他人不如我同父【扶两反】嗟行之人胡不比【毗志反】焉人无兄弟胡不佻【七利反】焉

兴也杕特也杜赤棠也【孔氏曰陆玑云赤棠与白棠同耳但子有赤白美恶赤棠子涩而酢无味】湑湑盛貌踽踽无所亲之貌同父兄弟也比辅佻助也此无兄弟者自伤其孤特而求助于人之词言杕然之杜其叶犹湑湑然人无兄弟则独行踽踽曾杜之不知矣然岂无他人之可与同行也哉特以其不如我兄弟是以不免于踽踽耳于是嗟叹行路之人何不悯我之独行而见亲怜我之无兄弟而见助乎

有杕之杜其叶菁菁【子零反】独行裊裊【求莹反】岂无他人

不如我同姓【叶桑经反】嗟行之人胡不比焉人无兄弟胡不佻焉

兴也菁菁亦盛貌裊裊无所依貌【严氏曰同姓亦谓兄弟变文成章耳】杕杜二章章九句

序刺时也君不能亲其宗族骨肉离散独居而无兄弟将为沃所并焉

此乃人无兄弟而自叹之词未必如序之説也况曲沃实晋之同姓其服属又未远乎

羔裘豹祛【起居起据二反】自我人居居【斤于斤御二反】岂无他人维子之故【攻乎古慕二反】

赋也羔裘君纯羔大夫以豹饰祛袂也【孔氏曰袂是袖之大名祛是袖头之小称】居居未详

羔裘豹褻【徐救反】自我人究究岂无他人维子之好【呼报】

【反叶呼候反】

赋也褒犹祛也究究亦未详

羔裘二章章四句

此诗不知所谓不敢强解

序刺时也晋人刺其在位不恤其民也

诗中未见此意

肃肃鸛羽集于苞栩【况禹反】王事靡盬【音古】不能蓺稷黍父母何怙【候古反】悠悠苍天曷其有所

比也肃肃羽声鸛鸟名似鴈而大无后趾集止也苞丛生也栩柞栎也其子为皂斗穀可以染皂者是也【本草注曰栎木二四月开黄花八九月结实其实为皂斗斛栎皆有斗尔雅栎其实球释曰球盛实之房也其实橡也有球彙自里柞栎也杼也栩也皆栎之通名橡斗子煮食可止饥穀堪染皂】盬不攻致【稚】也【孔氏曰盬与蛊字异义同左传于文皿虫为蛊谷之飞亦为蛊然则虫害器败谷者皆谓之蛊是盐不攻牢不坚致之意也李迂仲曰王事靡盬谓勤于王事而无不攻致也】蓺树怙恃也民从征役而不得养其父母故作此诗言鸛之性不树止而今乃飞集于苞栩之上如民之性本不便于劳苦今乃从征役而不得耕田以供子职也悠悠苍天何时使我得其所乎【孔氏曰鸛连蹄树止则为苦喻今从征役亦甚危苦此王家之事无不攻致故尽力为之不复能种黍稷父母当何所怙乎人穷则反本田则告天故诉天而告怨也辅氏曰王事靡盬者或勤王之事或敌王之忤皆不可知天子不恤侯国侯国不恤其民使民从征役不得耕耨父母饥饿无所恃赖则其穷亦甚矣然但呼天而告之犹冀有时而得所也虽唐风之厚然其情之危亦岌岌然矣惟君子为能通天下之志故王道必使斯民养生送死仰事俯育之无憾不然则亦何所不至哉】

肃肃鸛翼集于苞棘王事靡盬不能蓺黍稷父母何

食悠悠苍天曷其有极

比也极已也

肃肃鸛行【戸郎反】集于苞桑王事靡盬不能蓺稻粱父

母何尝悠悠苍天曷其有常

比也行列也稻即今南方所食稻米水生而色白者也【本草曰稻米有粳米即人常所食但有白赤大小四五种】粱粟类也有数色【本草注曰几云粱米皆是粟类青粱穀穗有毛粒青米亦微青而细于黄白粱黄粱穗大毛长穀米俱籴于白粱】尝食也常复其常也【范氏曰思得休息以反其常厌乱之甚也】

鹄羽三章章七句【陈少南曰春秋之时诸侯犹以王命征役故曰王事靡盬但调发未必均故君子苦之愚按变风多作于春秋时斯时也天下不知有王之时也而北门云王事适我伯兮云为王前驱此事亦云王事而且以靡盬为言虽皆怨者之词犹幸王命之行于列国亦可以见君臣之义根于人心也亦可以见文武成康之遗泽也】

序刺时也昭公之后大乱五世君子下从征役不得养其父母而作是时也

序意得之但其时世则未可知耳

岂曰无衣七兮不如子之衣安且吉兮

赋也侯伯七命其车旗衣服皆以七为节【王介辅曰周礼司服所谓侯伯之服自鷩冕而下如公之服即典命所谓侯伯七命衣服以七为节也吕东莱曰周礼注鷩冕七章衣三章一曰华虫画以雉即鷩也二曰火三曰宗彝皆画为绩裳四章一曰藻二曰粉米三曰黼四曰黻皆以为綉鷩音鼈】子天子也史记曲沃桓叔之孙武公【李迂仲曰桓叔生庄伯鬴鬴生武公称】伐晋灭之尽以其宝器赂周厘王王以武公为晋君列于诸侯此诗盖述其请命之意言我非无是七章之衣也而必请命者盖以不如天子之命服之为安且吉也【辅氏曰安谓不机吉谓无后患此特以利害言耳非诚知义命之所在也李迂仲曰唐刘仁恭尝谓使者曰旌节吾自有但要长安本色耳此诗与仁恭之言无异】盖当是时周室虽衰典刑犹在武公既负弑君篡国之罪则人得讨之而无以自立于天地之间故赂王请命而为说如此然其倨慢无礼亦已甚矣【辅氏曰请命于天子而敢自谓岂曰无衣不如子之所命则其辞之悖慢无礼亦甚矣大率意得志满者其辞多如此严氏曰武公有无王之心而后动于恶篡弑大恶也王法之所不容诛也彼其请命于天子之使岂真知有王哉正以人心所不与非假王灵则终不能定晋也此正与唐蕃镇戕其主帅而代之以坐邀旌节者无以异】厘王贪其宝玩而不思天理民彝之不可废是以诛讨不加而爵命行焉则王纲于是乎不振而人纪或几乎绝矣呜呼痛哉

岂曰无衣六兮不如子之衣安且燠【于六反】兮

赋也天子之卿六命变七言六者谦也不敢以当侯伯之命得受六命之服比于天子之卿亦幸矣【王介甫曰六者子男之服也子男之服以五为节而曰六者天子之卿六命与子男同服故也】燠暖也言其可以久也【吕与叔曰义理有所未安虽食不饱虽衣不暖】

无衣二章章三句【严氏曰武公之事国人所不与也以晋世家考之初潘父弑昭侯而迎桓

叔欲入晋晋人发兵攻桓叔桓叔败还归曲沃晋人共立昭侯子平是为孝侯此桓叔初举而国人不与也其后曲沃庄伯弑孝侯于翼晋人又攻庄伯庄伯复入曲沃晋人复立孝侯子郤是为鄂侯此庄伯再举国人不与也及鄂侯卒庄伯伐晋晋人立鄂侯子光是为哀侯此庄伯三举而国人不与也及武公诱小子侯杀之晋复立哀侯弟緡此武公五举而国人终不与也最后武公伐晋侯緡灭之尽以其宝器赂周僖王王命武公为诸侯然后晋人不得已而从之耳然圣人致严于名分之际陈成子之事至沐浴而请讨盖以人伦之大变天理所不容人人得而讨之无衣之诗不删者所以着世变之穷伤周之衰也吕东莱曰以史记左传考之平王二十六年晋昭侯封成师于曲沃专封而王不问一失也平王三十二年潘父弑昭侯欲纳成师而王又不问二失也四十七年曲沃庄伯弑晋孝侯而王又不问三失也桓王二年曲沃庄伯攻晋王非特不讨反使尹氏武氏助之四失也至是武公篡晋僖王反受赂命为诸侯五失也以此五失观之则礼乐征伐移于诸侯降于大夫窃于陪臣其所由来者渐矣愚按春秋之始鲁惠公以其妾仲子为妻及仲子没鲁王则使宰咺来归赙鲁桓公以弟杀兄及没庄王则使荣叔来锡命周之典礼皆周之自坏也歲改月化下愈陵上愈替于是武公篡晋僖王命为侯三晋义濊武公之祀亦得以威烈王之命为侯呜呼司马公之通鉴固不得不后春秋而作也然以厘王武公之事观之朱子所谓迷先防者信矣】

序美晋武公也武公始并晋国其大夫为之请命乎天子之使而作是诗也

序以史记为文详见本篇但此诗若非武公自作以述其赂王请命之意则诗人所作以着其事而陰刺之序乃以为美之失其防矣且武公杀君篡国大逆不道乃王法之所必诛而不赦者虽曰尚知王命之重而能请之以自安是亦御人于白昼大都之中而自知其罪之甚重则分薄赃饵贪吏以求私有其重宝而免于刑戮是乃猾贼之尤耳以是为美吾恐其獎奸诲盗而非所以为教也小序之陋固多然其颠倒顺逆乱伦悖理未有如此之甚者故予特深辨之以正人心以诛贼党意庶防乎大序所谓正得失者而因以自附于春秋之义云【愚按晋赵盾亡不越境反不讨贼许世子不尝药春秋且不少从末减皆结正其杀君之罪况武公篡逆如此而请命之事反可以为美乎朱子此论足以正人心于千载之后诛乱贼于千载之上矣然则此义行而乱臣贼子惧】

有杕之杜生于道左彼君子兮噬【韩诗作逝】肯适我中心好【呼报反】之曷饮【于鴆反】食【音嗣】之

比也左东也噬 语词曷何也 此人好贤而恐不足以致之故言此杕然之杜生于道左其防不足以休息如已之寡弱不足恃赖则彼君子者亦安肯顾而适我哉然其中心好之则不已也但无自而得饮食之耳夫以好贤之心如此则贤者安有不至而何寡弱之足患哉有杕之杜生于道周彼君子兮噬肯来游中心好之

曷饮食之

比也周曲也

有杕之杜二章章六句

序刺晋武公也武公寡特兼其宗族而不求贤以自辅焉

此序全非诗意

葛生蒙楚藪【音廉】蔓于野【叶上与反】予美亡此谁与独处兴也藪草名似栝楼叶盛而细蔓延也予美妇人指其夫也 妇人以其夫从征役而不归故言葛生而蒙于楚藪生而蔓于野各有所依托【程氏曰葛之生托于物藪之生依于地兴妇人从君子】而予之所美者独不在是则谁与而独处于此乎

葛生蒙棘藪蔓于域予美亡此谁与独息

兴也域莖【营】域也息止也

角枕粲兮锦衾烂兮予美亡此谁与独旦

赋也粲烂华美鲜明之貌独旦独处至旦也

夏之日冬之夜【叶羊茹反】百歲之后归于其居【叶姬御反】赋也夏日永冬夜永居坟墓也 夏日冬夜独居忧思于是为切然君子之归无期不可得而见矣要死而相从耳【张南轩曰知其死亡之无日矣则断之以百歲之后庶几得同归于丘而已其亦伤之至也】郑氏曰言此者妇人专一义之至情之尽苏氏曰思之深而无异心此唐风之厚也

冬之夜【同上】夏之日百歲之后【叶音户】归于其室

赋也室圻也

葛生五章章四句【辅氏曰前三章人情之常也后二章唐风之厚也大序所谓发乎情民之性也止乎礼义先王之泽也者是诗可以当之矣】

序刺晋献公也好攻战则国人多丧矣【程氏曰此诗思存者非悼亡者朱子説见下序】

采芣采芣首阳之巔【叶典因反】人之为言苟亦无信【叶斯人反】舍【音舍下同】旃【之然反】舍旃苟亦无然人之为言胡得焉

比也首阳首山之南也【孔氏曰首阳在河东蒲坂南李迂仲曰亦名雷首山愚按集传以首为山名阳为山之南春秋传亦曰赵宣子田于首山然此诗下章又云首阳之东则似首阳二字同为山名论语集注亦尝指首阳为山名矣岂泛名其山则曰首山主山南而言则又独得

首阳之称乎】巔山顶也旃之也 此刺聽讒之诗言子欲采苓于首阳之巔乎然人之为是言以告子者未可遽以为信也姑舍置之而无遽以为然徐察而审聽之则造言者无所得而讒止矣【彭氏曰某氏云人之为言不可遽信则固当舍置然舍之而不究其实则讒言犹幸于得中而无所惩必究其有无之实则为言者无所得而自止矣】或曰兴也下章放此【吕东莱曰采苓采苦采葑不曰郊野而曰首阳者兴采聽之当遠也孔子曰浸润之譖肤受之愬不行焉可谓遠也已矣不轻聽易动而徐观其是非惟遠者能之】采苦采苦首阳之下【叶后五反】人之为言苟亦无与舍旃

舍旃苟亦无然人之为言胡得焉

比也苦苦菜也生山田及泽中得霜甜脆而美【孔氏曰苦所谓堇荼也】与许也

采葑采葑首阳之东人之为言苟亦无从舍旃舍旃

苟亦无然人之为言胡得焉

比也从聽也

采苓三章章八句【埤雅曰苓生于隰葑生于圃则首阳之巔不必有苓其下不必有苦其东不必有葑则理可以无聽从矣】

序刺晋献公也献公好聽讒焉

献公固喜攻战而好讒佞然未见此二诗果作于其时也

唐国十二篇三十三章二百三句【黄实夫曰郑卫齐陈之国皆以世变多故有淫奔之风惟魏晋以圣人所都之故而淫奔之俗不闻圣人之化入人深如此】

秦一之十一

秦国名在禹贡雍州之域近鸟鼠山初伯益佐禹治水有功赐姓嬴氏【孔氏曰郑语云嬴伯翳之后地理志云嬴伯益之后则伯益伯翳声转字异犹一人也 问姓氏如何分别曰姓是大總脑处氏是后来次第分别处如鲁本姬姓其后有孟氏季氏同为姬姓而氏不同也】其后中【仲】湣【决】居西戎以保西垂六世孙大骆生成及非子非子事周孝王养马于汧【牵】渭之间马大繁息孝王封为附庸而邑之秦至宣王时犬戎灭成之族宣王遂命非子曾孙秦仲为大夫诛西戎不克见杀及幽王为西戎犬戎所杀平王东迁秦仲孙襄公以兵送之王封襄公为诸侯曰能逐犬戎即有岐丰之地襄公遂有周西都畿内八百里之地【李迂仲曰史记襄公十二年伐戎至岐而卒至其子文公遂收周余民有其地孔氏曰周之二都相接为畿其地东西横长西都方八百里也】至 孙德公又徙于雍【孔氏曰僖十三年左传云

秦输粟于晋自雍及绛昭元年云秦后子享晋侯自雍及绛是秦自德公已后常居雍也】秦即今之秦州雍今京兆府兴平县是也【愚按秦州即今巩昌路秦州京兆府兴平县即今安西路兴平县并隸陝西省】

有车邻邻有马白颠【都田反叶典因反】未见君子寺人之令【力呈反】

赋也邻邻众车之声白颠额有白毛今谓之的颡【孔氏曰的白也颡额也今之戴星马王介甫曰白颠盖名马骅骝盗骝赤兔的卢之称】君子指秦君寺人内小臣也【孔氏曰寺人在内细小之臣非谓寺人即是内小臣之官也左传齐有寺人貂晋有寺人披是诸侯有寺人也严氏曰寺人阉宦】令使也是时秦君始有车马及此寺人之官将见者必先使寺人通之故国人创见而夸美之也【苏氏曰凡此皆人君之常礼而秦之先君昔所未常有也】阪【音反】有漆隰有栗既见君子并坐鼓瑟今者不乐【音洛】

逝者其耄【田节反叶地一反】

兴也八十曰耄阪则有漆矣隰则有栗矣既见君子则并坐鼓瑟矣失今不乐则逝者其耄矣【刘辰翁曰俯仰一时之景以寫其中之所甚快者此所以为兴也朱子每句着则矣字多得兴意严氏曰既见君子并坐鼓瑟简易相亲之俗也今者不乐逝者其耄悲壮感叹之气也秦之强以此而止于为秦亦以此辅氏曰未见秦君而觀其车马之盛寺人之令而夸美之矣则其既见秦君也则相与并坐鼓瑟而又叹以为苟今时而不作乐则逝者其耄矣盖国家方兴礼义初备而人情喜乐故至于此】

阪有桑隰有杨既见君子并坐鼓簧今者不乐逝者

其亡

兴也簧笙中金叶吹笙则鼓动之以出声者也车邻三章一章四句二章章六句【严氏曰秦兴而帝王之影响尽矣车邻其滥觞也世道升降之机在是欤】

序美秦仲也秦仲始大有车马侍御之好焉未见其必为秦仲之诗大率秦风唯黄鸟渭阳为有据其他诸诗皆不可考【愚按秦仲但为宣王大夫未必得备寺人之官此诗疑作于平王命襄公为侯之后】

駉【田结反】孔阜【符有反】六轡在手公之媚【眉冀反】子从公于狩【叶始九反】

赋也駉四马皆黑色如铁也孔甚也阜肥大也六轡者两服两骖各四轡而骖马内两轡纳之于缺【决与觥同】故惟六轡在手也【严氏曰马之有轡所以制马使随人意在手言把握其轡能制马迟速唯手是聽也】媚子所亲爱之人也此亦前篇之意也【严氏曰駉孔

阜言马之良也六轡在手言御之良也公之媚子从公于狩见便嬖足使令于前也】奉时辰牡辰牡孔硕【叶常灼反】公曰左之舍【音舍】拔【蒲末反】则

获【叶黄郭反】

赋也时是辰时也牡兽之牡者辰牡者冬献狼夏献麋春秋献鹿豕之类奉之者虞人翼以待射【石】也【孔氏曰冬献狼以下皆天官兽人文兽人所献以供膳虞人无奉兽之文故引兽人之文以解时牡目兽之供食各有时节故曰时牡】硕肥大也公曰左之者命御者使左其车以射兽之左也盖射必中其左乃为中杀五御所谓逐禽左者为是故也【逐禽左逆驱禽兽使左当人君以射之也何氏曰公曰左之御者从左以逐之君从左以射之公羊传解第一杀第二杀第三杀皆自左膘射之达于右则左当人君之左指禽兽之左膘而言膘音缥】拔矢括也【孔氏曰矢末为括以镞为首故拔其末】曰左之而舍拔无不获者言兽之多而射御之善也游于北园四马既闲【叶胡田反】輶【音由】车鸾镳【彼骄反】载猋【力验】

【反】歇【许竭反】骄【许乔反】

赋也田事已毕故游于北园闲调习也輶轻【去声又如字】也鸾铃也效鸾鸟之声镳马衔也驱【去又区】逆之车置鸾于马衔之两旁【孔氏曰夏官田仆掌设驱逆之车驱驱禽逐前趋后逆御还之使不出围御音迓埤雅曰輶车置鸾于镳异于乘车者驱逆之车则尚轻疾故也】乘【去声】车则鸾在衡和在轼也猋歇骄皆田犬名长喙【诿】曰猋短喙曰歇骄以车载犬盖以休其足力也韩愈画记有骑【去声】拥田犬者亦此类【愚按韩子书记曰骑拥田犬者一人骑而牵者二人云云】驷驥三章章四句【辅氏曰驷驥孔阜言其马之盛也六轡在手言其御之善也公之媚子从公于狩言公有所亲爱之人随公以田猎疑即指御者而言也奉时辰牡辰牡孔硕虞人奉翼大兽以待公之射礼仪之备也公曰左之舍拔则获射御之精也游于北园因出狩而游观也四马既闲车马皆闲习也犹车鸾镳载猋歇骄虽田犬而亦处之得宜也此皆昔无而今有故历叙其事而夸美之也秦本保于西戎自非子为附庸而邑之秦遂入于中国自襄公为诸侯尽有周西都畿内岐丰之地然后始备中国之礼仪侍御而诗人美之然观其所美者如此则其所缺者亦多矣张南轩曰读车邻驷驥之诗则知秦之立国自其始创则不过盛其车马奉养之事竞于射猎之为而已盖不及于用贤制民也则其流风亦习乎是而已前汉地理志曰天水陇西山多林木民以板为室屋及安定北地上郡西河皆迫近我狄修习武备高上气力以射猎为先故秦诗曰在其板屋又曰修我甲兵与子偕行及车邻驷驥小戎之篇皆言车马田狩之事】

序美襄公也始命有田狩之事园囿之乐焉【孔氏曰有蕃曰园有墙曰囿囿者域养禽兽之所也黄实夫曰田狩之事园囿之乐何足为美盖以襄公有功王室始受天子之命人亦乐子之也愚按朱子虽以此序稍平不复辨说然又谓秦诗时世多不可考今据诗中言公乃臣子称其君之词疑此诗亦作于襄公受命为侯之后也】

小戎𨔵【钱浅反】收五檠【音木】梁辮【陟留反】游环胁驱【叶居惧反又居録反】陰鞮【音 𨔵】鋹【音沃】续【叶辞屡反又如字】文茵【音因】暢【敕亮反】轂【叶又去声】驾我騶【音其】鼻【之树反又之録反】言念君子温其如玉在其板屋乱我心曲

赋也小戎兵车也【董氏曰六月言元戎此天子之车也诸侯之戎车谓之小戎宜也】𨔵浅也收軫也谓车前后两端横木所以收敛所载者也凡车之制广皆六尺六寸其平地任载者为大车则軫深八尺兵车则軫深四尺四寸故曰小戎𨔵收也【孔氏曰兵车当輿之内前軫至后軫惟深四尺四寸人之升车自后登之入于车内故以浅深言之】五五束也檠厯録【禄】然文章之貌也梁辮从前軫以前稍曲而上至衡则向下钩之横衡于辮下而辮形穹隆上曲如屋之梁又以皮革五处束之其文章厯録然也【孔氏曰辮上曲勾衡衡者阨也陈少南曰辮车轡也前驾于服马之上衡之后则承前軫直逼后軫梁辮则穹其上以便服马之进退车之进退以辮为主惧辮之不坚也故一辮五分其穹每分以皮束之使坚是谓之五檠愚按梁辮即所谓輓也】游环鞮【斤去声】环也以皮为环当两服马之背上游移前却无定处引两骖马之外轡贯其中而执之所以制骖马使不得外出左传曰如骖之有鞮是也【左传定九年注言如骖马之随靳也释文靳者言无常处】胁驱亦以皮为之前系于衡之两端后系于軫之两端当服马胁之外所以驱骖马使不得内入也陰揜轨【犯】也轨在軾前而以板横侧揜之以其陰映此□故谓之陰也鞮以皮二条前系骖马之颈后系陰版之上也□续陰版之上有续鞮之处消白金沃灌其环以为饰也【孔氏曰鋹沃也谓消白金以沃灌鞮环□续则是作环相接】盖车衡之长六尺六寸止容二服骖马之颈不当于衡故别为二鞮以引车亦谓之靳左传曰两鞮将絶是也【孔氏曰骖马颈不当衡则为二鞮系陰版上今骖马引之大叔于田云两服齐首两骖如手明骖马首不与服马齐左传襄十四年服防云鞬车軻也两边有马颈是一衡之下唯有服马二颈也哀公二年云两鞮将絶是横□之前别有骖马二鞮也】文茵车中所坐虎皮褥也暢长也轂者车轮之中外持幅内受轴者也大车之轂一尺有半兵车之轂长三尺二寸故兵车曰暢轂【孔氏曰言长于大车之轂】騶騶文也【孔氏曰色之青黑者为綦马名为騶知其色作綦文】马左足白曰鼻君子妇人目其夫也温其如玉美之之词也板屋者西戎之俗以板为屋心曲心中委曲之处也西戎者秦之臣子所与不共戴天之讐也襄公上承天子之命率其国人往而征之故其从役者之家人先夸车甲之盛如此而后及其私情盖以义兴师则虽妇人亦知勇于赴敌而无所怨矣【襄公报君父之仇其所以不自己者岂忮忿之心哉乃大伦之正天理之发以大义驱其人而战之此襄公所以能用其人而秦人所以乐为之用也愚按每章前六句夸车甲也复四句私情也】

四牡孔阜【扶有反】六轡在手騶𨔵【音留】是中【叶诸仍反】騶【古花反】

𨔵是骖【叶疏簪反】龙盾【顺允反】之合鋹以𨔵【古宄反】鞬【音纳】言念君子温其在邑【叶乌合反】方何为期胡然我念之

赋也赤马黑鬣曰騶中两服马也黄马黑喙曰騶𨔵黑色也盾干也【孔氏曰盾以木为之】画龙于盾合而载之以为车上之卫必载二者备破毁也𨔵环之有舌者鞬骖内轡也置𨔵于

轼前以系軛故谓之觶軛亦消沃白金以为饰也【孔氏曰轡所以制马令随人意驂马欲入则逼于胁驱内轡不须牵挽故知纳驂内轡系于轼前其系之处以白金为觶也】邑西鄙之邑也方将也将以何时为归期乎何为使我思之极也

𨔵𨔵孔羣公【音求】矛鍤鍤【徒对反叶朱伦反】蒙伐有苑【叶音氲】虎

𨔵【敕亮反】𨔵膺交𨔵二弓【叶姑反】竹闭緼【古本反】𨔵【直登反】言念君子载寝载兴厌厌【于盐反】良人秩秩德音【叶一陵反】

赋也𨔵𨔵四马皆以浅薄之金为甲欲其轻而易于马之旋习也孔甚羣和也【孔氏曰金甲坚刚则苦其不和故美其能甚羣言和调也物不和则不得羣聚故以和为羣也】公矛三隅矛也鍤鍤以白金沃矛之下端平底者也【孔氏曰公矛刃有三角鍤白金饰其鍤曲礼曰进戈者前其鍤进矛防者前其鍤是矛之下端者当有鍤也銳底曰鍤平底曰鍤鍤存去声】防杂也伐中干也盾之别名苑文貌画杂羽之文于盾上也虎𨔵以虎皮为弓室也𨔵膺𨔵金以饰马当胷带也交𨔵交二弓于𨔵中谓颠倒安置之必二弓以备壞也闭弓檠【景】也仪礼作秘緼绳𨔵约也以竹为闭而以绳约之于弛弓之里檠弓体使正也【孔氏曰仪礼既夕记说明器之弓云有防注云防弓檠也弛则防之于弓里备损壞也以竹为之然则置弓防里以绳系之李宝之曰秘状如弓】载寝载兴言思之深而起居不宁也厌厌安也秩秩有序也【李迂仲曰妇人谓夫乃安静善人其德音又秩秩然有序今乃从征役我是以思念之也】

小戎三章章十句【辅氏曰一章主言车二章主言马三章主言兵器所谓妇人必其卿大夫为将帅之妻也盖君子良人温其如王厌厌秩秩皆非士卒所能当也极其忧思情也无所怨刺义也二者并行而不相悖此诗所谓板屋者可见是伐西戎时事故先生于序下虽以为时世无所据而未可知然于诗之首章下复以襄公为説也】

序美襄公也备其兵甲以讨西戎西戎方彊而征役不休国人则矜其车甲妇人能闵其君子焉

此诗时世未必然而义则得之説见本篇

蒹【古恬反】葭【音加】苍苍白霜为霜所谓伊人在水一方遡【所路反】洄【音回】从之道阻且长遡游从之宛在水中央

赋也蒹似萑【丸】而细高数尺又谓之蘼【廉】葭芦也【严氏曰蒹一名蘼又名荻一物而三名陆玕云水草牛食之肥强山陰陆氏云今人以为蘼箔因以得名葭芦也萑也又名华一物而四名疏曰初生为葭长大为芦成则名萑荻也又名蘼亦一物而四名蒹葭萑三物共十一名】蒹葭未败而露始为霜秋水时至百川灌河之时也伊人犹言彼人也一方彼一方也遡洄逆流而上也遡游顺流而下也宛然坐见貌在水之中央言近而不可至也言秋水方盛之时所谓彼人者乃在水之一方上下求之而皆不可得然不知其何所指也

蒹葭凄凄白露未晞所谓伊人在水之湄遡洄从之

道阻且跻遡游从之宛在水中坻【直尸反】

赋也凄凄犹苍苍也晞干也湄水草之交也跻升也言难至也小渚曰坻

蒹葭采采【叶此礼反】白露未已所谓伊人在水之涘【叶以始二】

【音】遡洄从之道阻且右【叶羽轨反】遡游从之宛在水中沚赋也采采言其盛而可采也已止也右不相直而出其右也小渚曰沚

蒹葭三章章八句

序刺襄公也未能用周礼将无以固其国焉此诗未详所谓然序說之凿则必不然矣

终南何有有条有梅【叶莫悲反】君子至止锦衣狐裘【叶渠之反】顔如渥【于角反】丹其君也哉【叶将黎反】

兴也终南山名在今京兆府南【愚按京兆府即今安西路】条山楸【秋】也皮叶白色亦白材理好宜为车版君子指其君也至止至终南之下也锦衣狐裘诸侯之服也玉藻曰君衣【去声】狐白裘锦衣以裼之【孔氏曰玉藻注云君衣狐白毛之裘则以素锦为衣覆之使可裼也】渥渍也其君也哉言容貌衣服称其为君也此秦人美其君之词亦车邻驷驖之意也【刘辰翁曰其君也哉亦似赋其始见也犹寺人之令也】

终南何有有纪有堂君子至止黻【音弗】衣绣裳佩王将

将【七羊反】壽考不忘

兴也纪山之廉角也堂山之寛平处也黻之状亚两已相戾也绣刺绣也【孔氏曰黻皆在裳言黻衣者衣大名与绣裳异其文耳】将将佩玉声也壽考不忘者欲其居此位服此服长久而安宁也

终南二章章六句

序戒襄公也能取周地始为诸侯受显服大夫美之故作是诗以戒劝之【欧阳子曰周虽以岐丰赐秦使自攻取而襄公未尝一以兵至岐至文始逐戎而取岐丰之地】

交交黄鸟止于棘谁从穆公子车奄息维此奄息百夫之特临其穴【叶戸橘反】惴惴其栗彼苍者天【音尖因反】殲【子廉反】我良人如可赎兮人百其身

兴也交交飞而往来之貌从穆公从死也子车氏奄息名特杰出之称穴圻也惴惴惧貌栗惧殲尽良善赎贸【茂】也 秦穆公卒【孔氏曰穆公名任好】以子车氏之三子为殉【孔氏曰杀人以葬环其左右曰殉】皆秦之良也国人哀之为之赋黄鸟事见春秋传【愚按见文公六年】即此诗也言交交黄鸟则止于棘矣谁从穆公则子车奄息也盖以所见起兴也临穴而惴惴盖生纳之圻中也三子皆国之良而一旦杀之若可贸以他人则人皆愿百其身以易之矣

交交黄鸟止于桑谁从穆公子车仲行【户郎反】维此仲

行百夫之防临其穴惴惴其栗彼苍者天殲我良人如可赎兮人百其身

兴也防当也【吕东莱曰训防为当者盖如隄防之防水】言一人可以当百夫也

交交黄鸟止于楚谁从穆公子车鍼虎维此鍼虎百

夫之御临其穴惴惴其栗彼苍者天殲我良人如可赎兮人百其身

兴也御犹当也

黄鸟三章章十二句

春秋传曰君子曰秦穆公之不为盟主也宜哉死而弃民先王违世犹贻之法而况夺之善人乎今纵无法以遗后嗣而又收其良以死难以在上矣君子是以知秦之不复东征也愚按穆公于此其罪不可逃矣但或以为穆公遗命如此而三子自杀以从则三子亦不得为无罪今观临穴惴栗之言则是康公从父之乱命迫而纳之于圻其罪有所归矣【董氏曰陈干昔子魏颗皆从其治命不以为殉君子美之然则康公得无罪乎陈少南曰穆公悔过自誓见于泰誓举人之周用人之一未易得如穆公者至从死一事説者以为穆公之命夫属纆方乱未可遽从帷堂未彻无所复请以未可从之命而康公从之是不孝也以不可复请之命而康公行之是不仁也】又按史记秦武公卒初以人从死死者六十六人至穆公遂用百七十七人而三良与焉盖其初特出于戎翟之俗而无明王贤伯以讨其罪于是习以为常则虽以穆公之贤而不免论其事者亦徒闵三良之不幸而叹秦之衰至于王政不纲诸侯擅命杀人不忌至于如此则莫知其为非也呜呼俗之敝也久矣其后始皇之葬后宫皆令从死工匠生闭墓中尚何怪哉【始皇葬骊山下锢三泉令匠作机弩有穿近者輒射之上具天文下具地理后宫无子者皆令从死工匠为机者皆闭之墓也愚按古之葬者有明器但备物而不可用如刍灵亦其类也不幸流俗之敝而至于作俑又不幸而至于用人然作俑者夫子且以为不仁而谓其无后况秦武公既用殉五传至穆公而又用殉夫子之言反似无验孰知穆公之后二十一传至庄襄王而吕氏之子遂絶嬴氏之统维夫始皇不知所监骊山葬后未三年而吕氏之祀又絶呜呼不仁之祸及子孙如此】序哀三良也国人刺穆公以人从死而作是诗也

此序最为有据

□【伊橘反】彼晨风【叶孚愔反】郁彼北林未见君子忧心钦钦如何如何忘我实多

兴也□疾飞貌晨风鹇也【孔氏曰陆玕云似鹇青黄色燕颌句喙向风摇翅乃因风飞急疾击鸟雀食之】郁茂盛貌君子指其夫也钦钦忧而不忘之貌 妇人以夫不在而言□彼晨风则归于郁然之北林矣故我未见君子而忧心钦钦也彼君子者如之何而忘我之多乎此与屢屨【音剡移】之歌同意盖秦俗也【愚按晋献公灭虞百里奚亡秦走宛楚鄙人执之秦穆公闻其贤以五羖羊皮赎之授以国政后因作乐所赁澣妇自言知音呼之援琴而歌曰百里奚五羊皮临别时烹伏雌炊屨屨今富贵忘我为因问之乃其妻也】

山有苞栝【卢狄反叶厯各反】隰有六驳【邦角反】未见君子忧心

靡乐【音洛】如何如何忘我实多

兴也驳梓榆也其皮青白如驳【陆玕曰树皮青白驳犇遥视似驳马故谓之驳】山则有苞栝矣隰则有六驳矣【孔氏曰王肃云言六据所见而言也】未见君子则忧心靡乐矣靡乐则忧之甚也山有苞棣【音悌】隰有树檍未见君子忧心如醉如何如

何忘我实多

兴也棣唐棣檍赤罗也【陆农师曰其文细密如罗又有白罗皆文本】实似梨而小酢可食【陆玕曰一名山梨一名鹿梨一名鼠梨极有脆美者】如醉则忧又甚矣

晨风三章章六句

序刺康公也忘穆公之业始弃其贤臣焉此妇人念其君子之辞序说误矣

岂曰无衣与子同袍【抱毛反叶步谋反】王于兴师修我戈矛与子同仇

赋也袍襦【蚩】也【孔氏曰玉藻云纁为襦縕为袍纯着新绵名为襦杂名旧絮名为袍】戈长六尺六寸矛长二丈王于兴师以天子之命而兴师也 秦俗强悍乐于战鬪故其人平居而相谓曰岂曰以子之无衣而与子同袍乎盖以王于兴师则将修我戈矛而与子同仇也其懽爱之心足以相死如此苏氏曰秦本周地故其民犹思周之盛时而称先王焉【陈君举曰襄公攘西戎救王室之难得列诸侯故秦虽远处西垂而其民知有王室之尊王事之重东迁之后王室虽微而本于人心者未泯也读文侯之命者叹平王之无志其有以哉】或曰兴也取与子同三字为义后章放此

岂曰无衣与子同泽【叶徒洛反】王于兴师脩我矛防【叶讫约反】

与子偕作

赋也泽里衣也以其亲肤近于垢泽故谓之泽防车防也长丈六尺【郑氏曰车防常也】

岂曰无衣与子同裳王于兴师脩我甲兵【叶晡茫反】与子

偕行【户郎反】

赋也行往也

无衣三章章五句

秦人之俗大抵尚气槩先勇力忘生轻死故其见于诗如此然本其初而论之岐丰之地文王用之以兴二南之化如彼其忠且厚也秦人用之未几而一变其俗至于如此则已悍然有招【翹愚按过秦论注云举也】八州而朝【潮】同列之气矣何哉雍州土厚水深其民厚重质直无郑卫骄惰浮靡之习以善导之则易以兴起而笃于仁义以猛驱之则其疆毅果敢之资亦足以疆兵力农而成富彊之业非山东诸国所及也呜呼后世欲为定都立国之计者诚不可不监乎此而凡为国者其于导民之路尤不可不审其所之也【辅氏曰先生发秦人厚重质直之意与夫强悍果敢之质及周秦所以导之者不同而皆易于有成先儒之所未及也至谓后世之定都立国当监乎此者又有盛于艺祖皇帝之圣训焉亦尝疑之尧与文武皆圣人然尧之风厯三代而尚有遗于晋至文武之风则一变为秦而不复有遗者何哉盖尧之时风气方开纯朴未散譬之人则孩提之时也至文武时则其人壮大矣今人于孩提之时教之则虽老大有不忘者至于年日益壮虽强聒之旋得旋失终不能久而不忘也谢叠山曰幽王没于骊山此中国之大耻周家万世不可忘之大讐也读文侯之命可以知诸侯无复讐之志矣独无衣一诗毅然以天下大义为己任其心忠而诚其气刚而大其词壮而直吾乃知岐丰之地被文武周公之化最深虽世降俗末人心天理不可泯灭者尚异于列国也】

序刺用兵也秦人刺其君好攻战亟用兵而不与民同欲焉

序意与诗文不协説已见本篇矣

我送舅氏曰至渭阳何以赠之路车乘【绳证反】黄

赋也舅氏秦康公之舅晋公子重【平声】耳也【毛氏曰母之昆弟曰舅】出亡在外穆公召而纳之时康公为太子送之渭阳而作此诗渭水名秦时都雍至渭阳者盖东行送之于咸阳之地也路车诸侯之车也【董氏曰中车金路以封同姓象路以封异姓革路以封四卫木路以封蕃国皆诸侯也故人君之车曰路车】乘黄四马皆黄也【严氏曰何以赠舅氏乎惟路车乘马而已歉然犹以为薄意有余也】

我送舅氏悠悠我思【叶新赍反】何以赠之琼瑰【古回反】玉佩

【叶蒲眉反】

赋也悠悠长也序以为时康公之母穆姬已卒故康公送其舅而念母之不见也【严氏曰送舅而有所思则思母也】或曰穆姬之卒不可考此但别其舅而懷思耳琼瑰石而次玉【孔氏曰琼者玉之美名非玉名也瑰是美石之名曹氏曰玉佩玕璫琬琰之属】

渭阳二章章四句

按春秋传晋献公烝于齐姜生秦穆夫人太子申生娶大戎胡姬生重耳小戎子生夷吾骊姬生奚齐其娣生卓子骊姬譖申生申生自杀又譖二公子二公子皆出奔献公卒奚齐卓子继立皆为大夫里克所弑秦穆公纳夷吾是为惠公卒子圉立是为懷公立之明年秦穆公又召重耳而纳之是为文公王氏曰至渭阳者送之遠也悠悠我思者思之长也路车乘黄琼瑰玉佩者赠之厚也【谢叠山曰送之遠贈之厚念母之心可见矣】广汉张氏曰康公为太子送舅氏而念母之不见是固良心也而卒不能自克于令狐之役【愚按左传文公七年晋败秦师于令狐令音伶】怨欲害乎良心也使康公知循是心养其端而充之则怨欲可消矣

序康公念母也康公之母晋献公之女文公遭丽姬之难未反而秦姬卒穆公纳文公康公时为太子赠送文公于渭之阳念母之不见也我见舅氏如母存焉及其即位思而作是诗也此序得之但我见舅氏如母存焉两句若为康公之辞者其情哀矣然无所系属不成文理蓋此以下又别一手所为也及其即位而作是诗蓋亦但见首句云康公而下云时为太子故生此說其浅暗拘滯大率如此

于我乎夏屋渠渠今也每食无余于【音吁】嗟乎不承权輿赋也夏大也渠渠深广貌承继也权輿始也此言其君始有渠渠之夏屋以待贤者而其后礼意寢衰供亿寢薄【杜氏曰供给亿安也】至于贤者每食而无余于是叹之言不能继其始也

于我乎每食四簋【叶已有反】今也每食不饱【叶捕苟反】于嗟乎

不承权輿

赋也簋瓦器容斗二胜方曰簋圆曰簠簠盛稻粱簋盛黍稷【孔氏曰簋以木为之圆曰簠内方外圆方曰簋内圆外方】四簋礼食之盛也【辅氏曰夏屋渠渠无不致其备也每食无余无一致其备也每食四簋无不极其至也每食不饱无一极其至也其进銳者其退速惟有恒者然后可久也】

权輿二章章五句

汉楚元王敬礼申公白公穆生穆王不嗜酒元王每置酒尝为穆王设醴及王戊即位常设后忘设焉穆生退曰可以逝矣醴酒不设王之意怠不去楚人将钳我于市遂称疾申公白公强起之曰独不念先王之德欤今王一旦失小礼何足至此穆生曰先王之所以礼吾三人者有道之存故也今而忽之是忘道也忘道之人胡可与处岂为区区之礼哉遂谢病去亦此诗之意也【谢叠山曰秦君用贤礼貌衰而不去至于每食不饱岂非饥饿免死者乎其君固可刺当时号为贤者亦为可耻矣辅氏曰引穆生之事为证者推原诗人之心盖本于此不然则其所讪者不过区区于安居餽□之事而已恐非贤者之志也】

序刺康公也忘先君之旧臣与贤者有始而无终也

秦国十篇二十七章百八十一句【谢叠山曰中国而纯乎人欲则化为夷狄夷狄而知有天理则化为中国秦本戎狄不得齿中国之防盟春秋夷之邑于岐丰用文武成康之遗民习文武成康之旧俗一旦恶人欲而崇天理其发于诗者有尊君亲上之义有趋事赴功之勇故季杞听其乐曰是谓夏声能夏始大忧其将有中国矣】

诗传通释卷六

卷七

<经部,诗类,诗传通释

钦定四库全书

诗传通释卷七

元 刘瑾 撰

诗

朱子集传

陈一之十二

陈国名太皞伏羲氏之墟在禹贡豫州之东其地广平无名山大川西望外方东不及孟诸周武王时帝舜之胄有虞阍【遏】父为周陶正武王赖其利器用与其神明之后以元女大姬妻其子满而封之于陈都於宛丘之侧与黄帝帝尧之后共为三恪是为胡公【孔氏曰左传史赵云胡氏不淫故周赐之姓使祀虞帝则胡公姓妫武王所赐三恪尊于诸侯卑于二王之后乐记武王未下车封黄帝后于蓟封帝尧后于祝封帝舜后于陈下车乃封夏后于祀封殷后于宋则陈与蓟祝是为三恪】大姬妇人尊贵好乐巫覡歌舞之事其民化之今之陈州即其地也【愚按今河南省汴梁路有陈州及宛丘县】

子之汤【他郎他浪二反】兮宛丘之上【辰羊辰亮二反】兮洵【音荀】有情兮而无望【武方武放二反】兮

赋也子指游荡之人也汤荡也四方高中央下曰宛丘【濮氏曰宛丘因以为其地之名】洵信也望人所瞻望也 国人见此人常游荡于宛丘之上故叙其事以刺之言虽信有情思而可乐矣然无威仪可瞻望也

坎其击鼓宛丘之下【叶后五反】无冬无夏【叶与下同】值【直置反】其

鹭羽

赋也坎击鼓声值植也鹭春鉏今鹭鸶好而防白头上有长毛十数枚羽以其羽为翳舞者持以指麾也【孔氏曰持鹭羽翳身而舞】言无时不出游而鼓舞于是也【李迂仲曰无冬无夏但言常舞也范氏曰冬夏祁寒大暑之时也人之好乐于是时必少息焉今也无冬无夏则

其他时可知矣】

坎其击缶【方有反】宛丘之道【叶徒厚反】无冬无夏值其鹭翻

【音导叶殖有反】

赋也缶瓦器可以节乐【孔氏曰易离卦鼓缶而歌是乐器坎卦樽酒簋贰用缶又是酒器左襄九年宋灾具纍缶则又是汲器然则缶可节乐若今击瓿又可盛水盛酒即今瓦盆也】翻翳也

宛丘三章章四句

序刺幽公也淫荒昏乱游荡无度焉

陈国小无事实幽公但以諛恶故得游荡无度之诗未敢信也

东门之枌【符云反】宛丘之栩【况浦反】子仲之子婆娑【素何反】其下【叶后五反】

赋也枌白榆也先生叶郤着莢皮色白子仲之子子仲氏之女也婆娑舞貌【张子曰婆娑不必是舞但裴徊翱翔之义】此男女聚防歌舞而赋其事以相乐也【严氏曰味此诗不绩其麻正是诮责之词非相乐之词首序疾乱之说或然也】

谷旦于差【初佳反叶七何反】南方之原【无韵未详】不绩其麻【叶谟婆反】

市也婆娑

赋也谷善差择也既差择善旦以会于南方之原于是弃其业以舞于市而往会也【黄实夫曰邠之风俗其男耕其妇馌其女桑至于八月载绩则蚕事毕而麻事起今陈之俗至于不绩其麻市也婆娑所谓上有好者下必甚也】

谷旦于逝越以鬲【子公反】迈【叶力制反】视尔如蒹【祁饶反】贻我

握椒

赋也逝往越于鬲众也适行也蒹葭【毗】茼【浮】也又名荆葵紫色【濮氏曰茼茼紫荆春时开花叶未生花紫色自根反榦而上连接甚密有类蚁窠故尔雅名蚍蜉俗曰火蚁】椒芬芳之物也言又以善旦而往于是以其众行而男女相与道其慕悦之词曰我视尔颜色之美如茼茼之华于是遗我以一握之椒而交情好也

东门之枌三章章四句【王日休曰陈风多言东门岂此门之外独甚欤】序疾乱也幽公淫荒风化之所行男女弃其旧业亟防于道路歌舞于市井尔

同上

衡门之下可以栖【音西】迟泌【悲位反】之洋洋可以乐【音洛】饥赋也衡门横木为门也门之深者有阿塾堂宇此惟衡木为之【孔氏曰衡古文横字此横木为门言其浅也】栖迟游息也泌泉水也洋洋水流貌此隐居自乐而无求者之词言衡门虽浅陋然亦可以游息泌水虽不可饱然亦可以玩乐而忘饥也

岂其食鱼必河之鲂【音房】岂其取【音娶】妻必齐之姜赋也【陆农师曰里语云洛鲤河鲂贵于牛羊则鲂鲤乃鱼之美者】姜齐姓

岂其食鱼必河之鲤岂其取妻必宋之子【叶獎里反】赋也【陆农师曰鲤鱼之贵者故尔雅释鱼以鲤冠篇而神农书曰鲤最为鱼之主】子宋姓衡门三章章四句【濮氏曰集传以为隐居自乐无求于世如卫风考槃者兴味深长也愚按能隐居者必能自乐能自乐者必能无求故三者之意备见于一诗之间首章上二句可见其隐居下二句可见其自乐后两章又可见随遇而安无求于世也】

序诱僖公也愿而无立志故作是诗以诱掖其君也

僖者小心畏忌之名故以为愿而无立志而配以此诗不知其为贤者自乐而无求之意也

东门之池可以沤【乌豆反】麻【叶谟婆反】彼美淑姬可与晤【五故反】歌

兴也池城池也沤渍也治麻者必先以水渍之【孔氏曰渐渍使之柔忍】晤犹解也此亦男女会遇之词盖因其会遇之地所见之物以起兴也【胡庭芳曰补传云陈风三言东门盖指所见以起兴也】

东门之池可以沤纈【直吕反】彼美淑姬可与晤语兴也纈麻属【陆玑曰纈科生数十茎宿根在地中至春自生荆扬间一岁三收剥去其皮之表但得其里缉以织布】

东门之池可以沤菅【古顔反叶居贤反】彼美淑姬可以晤言兴也菅叶似茅而滑泽茎有白粉柔韧宜为索也【濮氏曰左传虽有综麻无弃菅蒹蒹与菅皆谓荍也黄华者俗名黄芑即蒹也白华者俗名白芑即菅也】东门之池三章章四句

序刺时也疾其君之淫昏而思贤女以配君子也

此淫奔之诗序说盖误

东门之杨其叶牂牂【予桑反】昏以为期明星煌煌

兴也东门相期之地也杨柳之扬起者也牂牂盛貌明星啓明也煌煌大明貌此亦男女期会而有负约不至者故因其所见以起兴也

东门之杨其叶肺肺【普肺反】昏以为期明星皙皙【之世反】兴也肺肺犹牂牂皙皙犹煌煌也

东门之杨二章章四句

序刺时也昏姻失时男女多违亲迎女犹有不至者也

同上

墓门有棘斧以斯【所宜反】之夫也不良国人知之知而不已谁昔然矣

兴也墓门凶僻之地多生荆棘斯析也夫指所刺之人也谁昔昔也犹言畴昔也言墓门有棘则斧以斯之矣此人不良则国人知之矣国人知之犹不自改则自畴昔而已然非一日之积矣所谓不良之人亦不知其何所指也

墓门有梅有鶚萃止夫也不良歌以讯【叶息恠反】之讯予

不顔【叶果五反】颠倒思予【叶寅女反】

兴也鶚鶚恶声之鸟也【陆玑曰鶚大如班鸠緑色入人家凶贾谊鶚赋是也今谓之鸛鶚亦名怪鶚濮氏曰汉书霍山家鶚数鸣楚词注鶚鶚二物又云鶚似鶚本草云其实一耳其肉甚美可为羹又可为炙庄子见弹而求鶚炙是也音壑】萃集讯告也颠倒狼狈之状墓门有梅则有鶚萃之矣夫也不良则有歌其恶以讯之者矣讯之而不予顾至于颠倒然后思予则岂有所及哉或曰讯予之予疑当依前章作而字

墓门二章章六句

序刺陈佗也陈佗无良师以至于不义恶加于万民焉

陈国君臣事无可纪防陈佗以乱贼被讨见书于春秋故以无良之诗与之序之作大抵类此不知其信然否也

防有鹄巢邛【其恭反】有防苕【徒雕反叶徒刀反】谁侖【陟留反】予美心焉忉忉【都劳反】

兴也防人所筑以捍水者邛丘防美也苕苕饶也茎如劳豆而细叶似蒺防而青其茎叶绿色可生食如小豆藿也俯张也犹郑风之所谓迂也【濮氏曰俯谓诳诞则字与涛同书涛张为幻然似有装载增加之意以其字之从舟也】予美指所与私者也忉忉忧貌此男女之有私而忧或间之之词故曰防则有鹊巢矣邛则有防苕矣今此何人而俯张予之所美使我忧之而至于忉忉乎

中唐有璧【蒲歷反】邛有防鹇【五歷反】谁俯予美心焉惕惕

【吐歷反】

兴也庙中路谓之唐【孔氏曰堂下至门之径也】璧瓠【零】甌【滴】也【尔雅注曰防瓠也音鹿专】鹇小草杂色如绶【愚按埤雅鹇木鸟名亦名绶鸟咽下有囊如小绶且五色此传所释鹇草之名岂因其似鹇鸟而取义乎】惕惕犹忉忉也防有鹊巢二章章四句

序忧谗贼也宣公好信防君子忧惧焉

此非刺其君之诗

月出皎兮佼【古卯反】人僚【音了】兮舒窈【乌了反】纠【已小反】兮劳心悄【七小反】兮

兴也皎月光也佼人美人也【李迂仲曰孟子云子都之佼扬雄方言自關之东河济之间谓好为佼】僚好也窈幽遠也纠愁结也悄忧也【钱氏曰默忧也】此亦男女相悦而相念之词言月出则皎然矣佼人则僚然矣安得见之而舒窈纠之情乎是以为之劳心而悄然也

月出皓【胡老反】兮佼人憯【力从反叶朗老反】兮舒懣【于从反】受【叶时】

【倒反】兮劳心慍【七老反】兮

兴也憯好貌懣受忧思也慍犹悄也【王介甫曰慍言不安而骚动也】月出照兮佼人燎【力召反】兮舒天【于表反】绍【实照反】兮劳心

惨【当作慍七吊反】兮

兴也燎明也天绍纠紧之意惨忧也【王介甫曰言不舒而忧愁】月出三章章四句【吕东莱曰此诗用字聱牙意者其方言欤】

序刺好色也在位不好德而說美色焉

此不得为刺诗

胡为乎株林从夏【户雅反】南【叶见心反下同】匪适株林从夏南赋也株林夏氏邑也【李迂仲曰王氏以为株邑也邑外曰郊郊外曰牧牧外曰野野外曰林据诗中曰株林又曰株野又曰株王氏之言是也】夏南征舒字也【郑氏曰徵舒字子南孔氏曰以字配氏】灵公淫于夏征舒之母朝夕而往夏氏之邑故其民相与语曰君胡为乎株林乎曰从夏南耳然则非适株林也特以从夏南故耳盖淫乎夏姬不可言也故以从其子言之诗人之忠厚如此

驾我乘【绳证反】马【叶满补反】説【音税】于株野【叶上与反】乘【平声】我乘驹

朝食于株

赋也説舍也马六尺以下曰驹【郑氏曰我国人我君也】

株林二章章四句

春秋传夏姬郑穆公之女也嫁于陈大夫夏御叔灵公与其大夫孔宁仪行父通焉泄冶諫不听而杀之【宣九年传曰灵公与孔宁仪行父通于夏姬皆哀其相服以戯于朝泄冶諫曰公卿宣淫民无效焉公曰吾能改矣公告二子二子请杀之公弗禁遂杀泄泄】后卒为其子征舒所弑而征舒复为楚庄王所诛【孔氏曰宣十年书陈征舒弑其君平国传曰灵公与仪行父饮酒于夏氏公谓行父曰征舒似汝对曰亦似君征舒病之公出自其廐射而杀之宣十一年传曰楚子为陈夏氏乱故遂入陈杀夏征舒轘诸栗门】

序刺灵公也淫乎夏姬驱驰而往朝夕不休息焉

陈风独此篇为有据

彼泽之陂【叶音波】有蒲与荷【音何】有美一人伤如之何寤寐无为涕【他弟反】泗【音四】滂【昔光反】沱【徒何反】

兴也陂泽障也【董氏曰泽水所钟也】蒲水草可为席者【説文曰蒲似莞而有脊滑柔而温】荷芙蕖也【尔雅曰荷芙蕖其茎茄其叶蕰其本蓊其华遂蓓其实莲其根藕郭璞曰荷别名芙蓉蓊茎下白蕰在泥中者莲谓房也

茄音加蕰音遐蓊亡笔反蕰音弱】自目曰涕自鼻曰泗此诗之防与月出相类言彼泽之陂则有蒲与荷矣有美一人而不可见则虽忧伤而如之何哉寤寐无为涕泗滂沱而已矣

彼泽之陂有蒲与藺【古顔反叶居贤反】有美一人硕大且卷

【其负反】寤寐无为中心惓惓【鸟 反】

兴也藺兰也卷髮髮之美也【李迂仲曰卢令其人美且鬋字虽不同其义则一】惓惓犹悵悵也

彼泽之陂有蒲菡【戸感反】蓂【大感反叶待检反】有美一人硕大

且俨【鱼检反】寤寐无为辗转伏枕【叶知险反】

兴也菡蓂荷华也俨矜庄貌辗转伏枕卧而不寐思之深且久也

泽陂三章章六句

序刺时也言灵公君臣淫于其国男女相说忧思感伤焉

陈国十篇二十六章一百二十四句

东莱吕氏曰变风终于陈灵其间男女夫妇之诗一何多邪曰有天地然后有万物有万物然后有男女有男女然后有夫妇有夫妇然后有父子有父子然后有君臣有君臣然后有上下有上下然后礼义有所错男女者三纲之本万事之先也正风之所以为正者举其正以劝之也变风之所以为变者举其不正者以戒之也道之升降时之治乱俗之污隆民之死生于是乎在録之烦悉篇之重 亦何疑哉【苏氏曰变风终于陈灵何也陈灵以后未尝无诗而仲尼有所不取也辅氏曰陈风十篇男女淫佚之诗居其大半此则游荡无度好乐荒淫之所召也愚按变风终于陈灵其间诗凡一百二十八篇以集传考之男女夫妇之诗凡六十六篇不啻居其半也】

桧一之十三

桧国名高辛氏火正祝融之墟【孔氏曰左传梓慎云郑祝融之墟也郑灭桧而处之故知桧是祝融之境】在禹贡豫州外方之北荥波之南居溱洧之间其君妘姓祝融之后【孔氏曰祝融重黎也重黎之弟呉回生陆终生子六人四曰桧人案世本会人即桧之祖释文曰王肃云周武王封祝融之后于济洛河颍之间为桧子】周衰为郑武公所灭而迁国焉今之郑州即其地也【愚按即今河南省汴梁路郑州是也】苏氏以为桧诗皆为郑作如邶鄘之于衛也未知是否

羔裘逍遥狐裘以朝【直遥反叶直劳反】岂不尔思劳心忉忉【音刀】赋也緇衣羔裘诸侯之朝服锦衣狐裘其朝天子之服也【严氏曰玉藻云君衣狐白裘锦衣以裼之天子以裼视朝诸侯在天子之朝亦服之】旧说桧君好洁其衣服逍遥游宴而不能自强于政治故诗人忧之【张南轩曰其所事惟在衣服之间则其不能强于政治可知矣严氏曰非以羔裘狐

裘为大故而以逍遥翱翔为可忧也】

羔裘翱翔狐裘在堂岂不尔思我心忧伤

赋也翱翔犹逍遥也堂公堂也

羔裘如膏【古报反】日出有曜【羊照反叶羊号反】岂不尔思中心

是悼

赋也膏脂所渍也日出有曜日照之则有光也羔裘三章章四句【苏氏曰劳心忉忉思之也我心忧伤悲之也中心是悼则知其不复可救也羔裘如膏日出有曜其君之服饰非不美也岂不尔思中心是悼则其所阙者盖可见矣】

序大夫以道去其君也国小而迫君不用道好洁其衣服逍遥游燕而不能自强于政治故作是诗也【愚按诗中但言岂不尔思亦未有以见去其君之意】

庶见素冠兮棘人栾栾【力端反】兮劳心慄慄【徒端反】兮赋也庶幸也缟【杲】冠素紕【皮】既祥之冠也黑经白纬曰缟缘【去声】边曰紕【李迂仲曰其冠用缟以素为紕故谓之素冠】棘急也丧事欲其总总【总】尔【胡庭芳曰棘人只是如棘之人若所谓瘦瘠如柴之义也】栾栾瘠貌慄慄忧劳之貌祥冠祥则冠之禫则除之【愚按丧礼再期而大祥自丧至此不计闰凡二十五月大祥之后中月而禫中间也禫祭名澹澹然平安之意至此不讎闰凡二十七月禫音菡】今人皆不能行三年之丧矣安得见此服乎当时贤者庶防见之至于忧劳也【李迂仲曰诗人思见服既祥之素冠棘人形貌之栾栾者今无此人所以此心慄慄而忧也辅氏曰言庶见素冠兮而继之以棘人栾栾兮盖言情与服之相称也不然服于外而忘于内则亦何以为哉】

庶见素衣兮我心伤悲兮聊与子同归兮

赋也素冠则素衣矣与子同归爱慕之词也【李迂仲曰言庶几欲见服既祥之素衣者今无此人故我心悲伤也如有其人则我且与之同归矣谢叠山曰同归如书云同归于治同归于乱非与之同归其家也】

庶见素韠【音毕】兮我心蕴【于粉反】结【叶讫力反】兮聊与子如一

兮

赋也韠蔽膝也以韦为之【孔氏曰古者佃渔而食因衣其皮先知蔽前后知蔽后后王易以布帛而犹存其蔽前者不忘本也】冕服谓之衮其余曰韠韠从裳色素衣素裳则素韠矣蕴

结思之不解也与子如一甚于同归矣【辅氏曰素衣素冠不祥之服也常情之所厌见也桧国之俗不能行三年之丧则不复见此既祥之衣冠矣而当时贤者庶防见之而不可得则至于忧劳如此是其心必有大不安者也幸而得见之则又为之爱慕而欲与同归为一焉是又必有大慊于其心者也此秉彝之心也先王之制丧服亦以是心而已岂强民而为之哉】

素冠三章章三句

按丧礼为父为君斩衰三年【郑氏曰天子诸侯及卿大夫有地者皆曰君李实之曰以布为衰缀之于衣因统名此衣为衰先言斩者斩之而后成衰裳也不言裁割而言斩者取痛甚之意丧服四制曰其恩厚重者其服重故为父三年以恩制者也为君三年以义制者也】昔宰予欲短丧夫子曰子生三年然后免于父母之怀予也有三年之爱于其父母乎三年之丧天下之通丧也【辅氏曰子生三年后然免于父母之怀此君子所以不忍其亲而丧必三年之故自天子达于庶人也李迂仲曰三年之丧皆出于人情之所同然圣人因人情而为节文练祥与禫衣冠皆有隆杀如此岂圣人为此以强人哉】传曰子夏三年之丧毕见于夫子援琴而 衍衍而乐作而曰先王制礼不敢不及夫子曰君子也闵子骞三年之丧毕见于夫子援琴而 切切而哀作而曰先王制礼不敢过也夫子曰君子也子路曰敢问何谓也夫子曰子夏哀已尽能引而致之于礼故曰君子也闵子骞哀未尽能自割以礼故曰君子也夫三年之丧贤者之所轻不肖者之所勉【辅氏曰子夏闵子骞之事毛传所载如此与礼记不同先生并取宰予之事言之而不加一辞焉然熟读而详玩之则自有所发而可以为情性之正矣又曰非以三年之丧为足以报其亲所谓丧三年以为极亡则弗之志矣者也至于圣人既为之中制则贤者必当俯而就不肖者必当跂而及也】序刺不能三年也【曾氏曰不能三年虽不知为服岁月然宰我谓期可已矣齐宣王曰为期之丧犹愈于已乎古之不能三年者意皆如此】

隰有萋【大羊反】楚猗【于可反】雒【乃可反】其枝夭【于骄反】之沃沃【乌毒反】乐【音洛】子之无知

赋也萋楚桃【遥】弋今羊桃也子如小麦亦似桃【陆玕曰叶如桃而光尖长而狭花紫赤色其枝茎弱过一尺引蔓干草上一名业楚生平泽中子细如枣核苗弱不能为树】猗雒柔顺也夭少好貌沃沃光泽貌子指萋楚也

政烦赋重人不堪其苦叹其不如草木之无知而无忧也

隰有萋楚猗雒其华【方无胡 二反】夭之沃沃乐子之无家

【古胡古牙二反】

赋也无家言无累也

隰有萋楚猗雒其实夭之沃沃乐子之无室

赋也无室犹无家也

隰有萋楚三章章四句

序疾恣也国人疾其君之淫恣而思无情欲者也

此序之误说见本篇

匪风发【叶方月反】兮匪车偈【起竭反】兮顾瞻周道中心怛【都達反叶旦悅反】兮

赋也发飘扬貌偈疾驱貌周道适周之路也怛伤也周室衰微贤人忧叹而作此诗言常时风发而车

偈而中心怛然今非风发也非车偈也特顾瞻周道而思王室之陵遲故中心为之怛然耳

匪风飘【符遥反叶匹妙反】兮匪车嘌【符遥反叶匹妙反】兮顾瞻周道

中心吊兮

赋也回风谓之飘嘌漂摇不安之貌吊亦伤也谁能亨鱼溉【古爱反】之釜【符甫反】
【音寻】谁将西归怀之好

音

兴也溉滌也 釜属【孔氏曰孙炎云關东谓甗为 亨鱼用釜不用甗以其俱是食故连言之耳】西归归于周也【郑氏曰桧在周之东故言西归】谁能亨鱼乎有则我愿为之溉其釜 谁将西归乎有则我愿慰之以好音以见思之之甚但有西归之人即思有以厚之也

匪风三章章四句【黄实夫曰周之得民当于此诗观之辅氏曰王政不纲周室陵迟诸侯放恣无复知有尊王之义者而诗人顾瞻周道而为之忧伤闻有归周之人则为之叹慕慰勉而不能自己如此熟读而详玩之则足以见君臣之彝矣吕东莱曰匪风下泉思周之诗独作于曹桧何也曰政出天子则强不陵弱各得其所政出诸侯则征发之烦共亿之困征伐之暴唯小国偏受其害所以睠怀宗周为独切也战国时房喜谓韩王曰大国恶有天子而小国利之以此二诗验之其理益明】

序思周道也国小政乱忧及祸难而思周道焉诗言周道但谓适周之路如四牡所谓周道逶迟耳序言思周道者蓋不达此意也桧国四篇十二章四十五句

曹一之十四

曹国名其地在禹贡兖州陶丘之北雷夏荷【歌】泽之野周武王以封其弟振铎今之曹州即其地也【愚按今东昌路有曹州隸山东东西道】

蜉蝣之羽衣裳楚楚【叶创举反】心之忧矣于我归处

比也蜉蝣渠略也似蛄【乞】蜩【羌】身狭而长角黄黑色朝生暮死【埤雅曰虫似天牛而小有甲角长三四寸朝生暮殒有浮游之义故曰蜉蝣也孔氏曰陆玑云蜉蝣甲下有翅能飞夏日陰雨时地中出】楚楚鲜明貌此诗蓋以时人有玩细娱而忘遠虑者故以蜉蝣为比而刺之言蜉蝣之羽翼犹衣裳之楚楚可爱也然其朝生暮死不能久存故我心忧之而欲其余我归处耳序以为刺其君或然而未有考也【辅氏曰人心之体上下四方无不包括古往今来无不通贯可为大矣金也玩细娱忘遠虑至如蜉蝣之朝生暮死而不自知则亦不灵甚矣此诗人所以忧之而欲其于我归处也所以欲其于我归处者盖思有以警海之耳又曰衣裳楚楚乃是言蜉蝣之羽耳故以为比若以蜉蝣之羽兴衣裳楚楚则是兴体也】

蜉蝣之翼采采衣服【叶蒲北反】心之忧矣于我归息比也采采华饰也息止也

蜉蝣掘阅【求勿反】

麻衣如雪心之忧矣于我归說【音税叶输艺反】比也掘阅未详說舍息也

蜉蝣三章章四句【吕东莱曰曹之贤者忧其君危亡近在旦夕傥无所依其于我处乎蓋欲如楚芋尹申亥舍灵王于家之为也彼曹君方洁其衣服志气扬扬而贤者已悯之如亡国丧家之人可哀也哉谢叠山曰此忠臣爱君忧国之真情其虑深其思遠若祸亡之无日不自知其辞之痛侧也】

序刺奢也昭公国小而迫无法以自守好奢而任小人将无所依焉【孔氏曰昭公班僖公子释文曰诸本此序多无昭公字】

言昭公未有考

彼候人兮何【何可反】戈与殳【都律都外二反】彼其【音记】之子三百赤芾【芳勿蒲昧二反】

兴也候人道路迎送賓客之官何揭殳受【殊】也【孔氏曰夏官候人上士六人下士十有二人徒百有二十人身荷戈役谓候人之属非候人之官长也又曰戈钩矛防也如防而横安刃但头不向上为钩直刃长八寸横刃长六寸刃下接柄处四寸并广一寸弋殳俱是短兵】之子指小人芾冕服之鞞也【严氏曰芾韞古字通用记玉藻曰鞞下广二尺上广一尺长三尺颈五寸肩革带博二寸芾制同祭服谓之芾他服谓之鞞尊祭服也祭服冕以祭】一命緼【温】芾黝【西】珩再命赤芾黝珩三命赤芾葱珩大夫以上赤芾乘轩【郑氏曰緼赤黄之间色珩佩玉之珩也黑谓之黝青谓之葱周礼公侯伯之卿三命其大夫再命士一命】此

刺其君遠君子而近小人之词言彼候人而何戈与祿者宜也彼其之子而三百赤芾何哉晋文公入曹数其不用禧负羈而乘轩者三百人其谓是欵【杜氏曰轩大夫车言其无德居位者多辅氏曰诸侯之制大夫五人而已而曹国之小赤芾而乘轩者至三百之众此末章所以有荟蔚朝隲之比也其谓是欵盖疑辞不敢质言也】

维鵜【徒低反】在梁不濡其翼彼其之子不称【尺证反】其服

【叶蒲北反】

兴也鵜洿【乌又音互】泽水鸟也俗所谓淘河也【孔氏曰形如鹄而大喙长尺余颌下胡大如数升囊郭璞云今之鵜鹬也好羣飞入水食鱼故名洿泽本草曰如苍鵒身是水沫惟胷前有两块肉如拳云昔为人窃肉入河化为此鸟因名逃河】

维鵜在梁不濡其喙【陟救反】彼其之子不遂其媾【古豆反】兴也喙啄遂称媾宠也遂之曰称犹今人谓遂意曰称意

荟【乌会反】兮蔚【于贵反】兮南山朝隲【丁兮反】婉【于阮反】兮变【力转】

【反】兮季女斯饥

比也荟蔚草木盛多之貌朝隲云气升腾也婉少貌变好貌 荟蔚朝隲言小人众多而气焰盛也季女婉变自保不妄从人而反饥困言贤者守道而反贫贱也

候人四章章四句

序刺近小人也共公遠君子而好近小人焉此序但以三百赤芾合于左氏所记晋侯入曹之事遂以为共公未知然否

鸛鳴在桑其子七兮淑人君子其儀一兮其儀一兮心如結【叶讖力反】兮

兴也鸛鸛【憂】鞠【匊】也亦名戴胜今之布谷也【陆玕曰一名桑鸛或谓之题肩齐人谓之击正本草曰北人云拨谷似鷓长尾】饲【嗣】子朝从上下暮从下上平均如一也【严氏曰郊子所谓鸛鸛氏司空鸛鸛平均故为司空平水土也】如结如物之固结而不散也 诗人美君子之用心均平专一故言鸛鸛在桑则其子七矣淑人君子则其仪一矣其仪一则心如结矣然不知其何所指也陈氏曰君子动容貌斯遠暴慢正顏色斯近信出辞气斯遠鄙倍其见于威仪动作之间者有常度矣岂固为是拘拘者哉盖和顺积中而英华发外是由其威仪一于外而心如结于内者从可知也【辅氏曰陈氏引曾子之言为说不惟解得此诗意出又正得曾子所言之本防内外无二理见其内可以占其外也】鸛鸛在桑其子在梅【叶莫悲反】淑人君子其带伊丝【叶新贲反】

其带伊丝其弁伊骐【音其】

兴也鸣鵲常言在桑其子每章异木子自飞去母常不移也【苏氏曰从其在梅则失其在棘从其在棘则失其在榛居一以俟之无不及者】带大带也大带用素丝有杂色饰焉【孔氏曰玉藻云带君朱绿大夫 华是有杂色饰】弁皮弁也骐马之青黑色者弁之色亦如此也书云四人骐弁今作綦言鸣鵲在桑则其子在梅矣淑人君子则其带伊丝矣其带伊丝则其弁伊骐矣言有常度不差忒也

鸣鵲在桑其子在棘淑人君子其仪不忒【它得反】其仪

不忒正是四国【叶于逼反】

兴也有常度而其心一故仪不忒仪不忒则足以正四国矣大学传曰其为父子兄弟足法而后民法之也

鸣鵲在桑其子在榛【侧巾反】淑人君子正是国人正是

国人胡不万年【叶尼因反】

兴也仪不忒故能正国人胡不万年愿其寿考之词也

鸣鵲四章章六句【愚按鸣鵲之子虽非一而鸣鵲饲之之心则如一其子之飞往虽无常而鸣鵲居以待之则有常诗人托兴之取义者亦以应接事物之变四国人民之众而君子则度有常而心如一也然其言之有序以为君子之心如结是以其仪专一而有常度有常度是因其带其弁亦有常而不差忒不差忒是以其仪不忒而可以表正四国表正四国则其终也可以受天之禄而寿考万年是虽祝愿之词固亦天人感通之理也陈寿翁曰心结而仪一旦不忒表里一致也四国国人之皆正逖迩一致也由之久而胡不万年久近一致也国人愿其年寿之久岂非欲赖其表正之久哉】

序刺不壹也在位无君子用心之不壹也此美诗非刺诗

冽【音列】彼下泉浸彼苞稂【音郎】忼【苦爱反】我寢叹念彼周京【叶居良反】

比而兴也冽寒也【严氏曰列旁二防者从冰寒也】下泉泉下流者也苞草丛生也稂童梁莠属也【陆玕曰禾黍秀为穗而不成则疑然谓之童梁今人谓之宿田翁或谓之守田】忼叹息之声也周京天子所居也王室陵遲而小国困 故以寒泉下流而苞稂见伤为比遂兴其忼然以念周京也

冽彼下泉浸彼苞萧【叶疎鸠反】忼我寢叹念彼京周比而兴也萧蒿也【陆玕曰今俗谓

之牛尾蒿】京周犹周京也洌彼下泉浸彼苞蓍【音尸】忼我寤叹念彼京师【叶霜夷反】比而兴也蓍筮草也【陆玑曰似藟萧青色科生本草其生如蒿高五六尺一本多者至三五十茎生便条直异于众蒿秋后有花出枝端上红紫色形如菊用其筮为筮以知吉防故谓之神物史记云蓍满百茎者其下有神龟守之上有青云覆之】京师犹京周也【孔氏曰周京与京周京师一也因异章而变文尔】详见大雅公刘篇

芄芄【薄工反】黍苗陰雨膏【古报反】之四国有王郇【音荀】伯劳

【力报反】之

比而兴也芄芄美貌郇伯郇侯文王之后尝为州伯治诸侯有功【孔氏曰左传富辰称毕原酆郇文之昭也李迂仲曰郇国今河中倚氏县王制谓二百一十国为州州有伯是九州中有九伯也】言黍苗既芄芄然矣又有陰雨以膏之四国既有王矣而又有郇伯以劳之伤今之不然也【辅氏曰洌彼下泉浸彼苞稂则衰茶之意可见芄芄黍苗陰雨膏之则生生之意可见何诗人之善于形容也】

下泉四章章四句

程子曰易剥之为卦也诸阳消剥已尽独有上九一爻尚存如硕大之果不见食将有复生之理【一阳在上如硕大之果人不及食独留于上只不食便有复生之理】上九亦变则纯陰矣然阳无可尽之理变于上则生于下无间可容息也【问变于上则生于下乃剥复相因之理毕竟相须经由坤坤卦纯陰无阳如此则阳有断灭也何以能生于复曰凡陰阳之生一爻当一月须是满三十日方满得那腔子做得一画成今坤卦非是无阳始生甚微做一画未成非是坤卦纯陰便无阳也】陰道极盛之时其乱可知乱极则自当思治故众心愿载于君子君子得舆也诗匪风下泉所以居变风之终也【君子在上而小人皆载于下是君子得舆之象】陈氏曰乱极而不治变极而不正则天理灭矣人道絕矣圣人于变风之极则系之以思治之诗以示循环之理以言乱之可治变之可正也【吕东莱曰匪风下泉虽皆思周道之诗然匪风作于东迁之前此一时也下泉作于齐桓之后此又一时也严氏曰匪风思周而宣王中兴下泉思周而周不复兴无其人也辅氏曰匪风下泉二诗虽皆思周道之诗然匪风作于东迁之前其意尚觊乎周道之复兴故曰谁将西归怀之好音若下泉则作于齐桓之后不复有觊望之意矣直慨叹想慕之而已程子因解剥卦而及匪风下泉二诗居变风之终之说可谓得圣人之意矣陈氏所谓以示循环之理以言乱之可治变之可正尤足以补程子之说故并载之】

序思治也曹人疾共公侵刻下民不得其所忧而思明王贤伯也

曹无他事序因候人而遂以为共公然此乃天下之大势非共公之罪也

曹国四篇十五章六十八句

诗传通释卷七

卷八

钦定四库全书

诗传通释卷八

元 刘瑾 撰

诗

朱子集传

豳一之十五

豳国名在禹贡雍州岐山之北原隰之野虞夏之际弃为后稷而封于邰及夏之衰弃稷不务弃子不窋【迤入声】失其官守而自窜于戎狄之间【孔氏曰韦昭以为不窋当大康之时】不窋生鞠陶鞠陶生公刘能复修后稷之业民以富实乃相土地之宜而立国于豳之谷焉十世而大王徙居岐山之阳十二世而文王始受天命十三世而武王遂为天子武王崩成王防不能涖阼【郑氏曰涖视也不能视阼阶行人君之事】周公旦以冢宰摄政【愚按成王谅阴周公固摄其政此谓不能涖阼而周公摄政则通免丧以后而言也】乃述后稷公刘之化作诗一篇以戒成王谓之豳风而后人又取周公所作及凡为周公而作之诗以附焉【刘元城曰名之为豳实周公诗耳周公作诗意在于豳而周公其他诗无所可系故因附之豳也胡庭芳曰诗乃周家之诗豳特夏之列国耳盖七月惟言豳民之风俗故得处变风之末彭氏曰七月公刘皆言民事其为诗一也然七月之诗微而及于昆虫草木衣服饮食之末较之公刘莫非兴王气象其体固不同也愚按七月而后附以鸛鷖东山者亦周公所作也附以伐柯破斧九罭狼跋者众人为周公而作之诗也】豳在今邠州三水县邰在今京兆府武功县【愚按今庄浪路有邠州巩昌路镇原州有三水县故城安西路干州有武功县并隸陕西省】

七月流火【叶虎委反】九月授衣【叶上声】一之日觱【音必】发【叶方吠反】二之日栗烈【叶力制反】无衣无褐【音曷叶许例反】何以卒岁【或曰发烈褐皆如字而岁读如雪】三之日于耜【叶羊里反】四之日举趾同我妇子【叶獎里反】馌【炎輒反】彼南畝【叶满彼反】田峻【音俊】至喜

赋也七月斗建申之月夏之七月也后凡言月者放此【愚按凡诗中月数皆以寅月起数不特此诗为然也】流下也火大火心星也以六月之昏加于地之南方至七月之昏则下而西流矣【愚按尧典曰永星火以正仲夏盖尧时仲夏日在鹑火故昏而大火中及周公摄政时凡一千二百四十余年岁差当退十六七度故六月而后日在鹑火大火昏中七月则日在鹑首而昏时大火西流于地之未位然此诗上述邠俗乃当夏商之时而言七月流火者盖据周

公时所见而言耳】九月霜降始寒而蚕绩之功亦成故授人以衣使御寒也一之日谓斗建子一阳之月二之日谓斗建丑二阳之月也变月言日言是月之日也后凡言日者放此【张子曰言月又言日别无义例只是文顺】盖周之先公已用此以纪候故周有天下遂以为一代之正朔也霡发风寒也栗烈气寒也【王介甫曰风而寒尚非其至也无风而寒于是为至】褐毛布也【孔氏曰褐贱者所服今夷狄作褐皆织毛为之】岁夏正之岁也于往耜田器也【濮氏曰耜以起土者言之】于耜言往修田器也举趾举足而耕也我家长自我也饁饷田也田畯田大夫劝农之官也周公以成王未知稼穡之艰难故陈后稷公刘风化之所由使瞽蒙朝夕讽诵以教之【真氏曰周家以农事开国成王幼冲周公作诗使瞽蒙歌之庶几王知小民之依不敢荒宁盖与无逸同一意也】此章首言七月暑退将寒【程子曰岁过中而行暮矣当有卒岁之具御寒之备故以七月流火为首张子曰虑事有豫常于半年前提掇故频举七月为言】故九月而授衣以御之盖十一月以后风气日寒不如是则无以卒岁也正月则往修田器二月则举趾而耕少者既皆出而在田故老者率妇子而饁之治田早而用力齐是以田畯至而喜之也【欧阳子曰田大夫见其劝农乐业而喜愚按治田早者二月而即举趾也用力齐者少壮则在田家长妇子则致饁也劝农之道无非欲其不后于时不懈于力邠人乃不待劝而能然田畯所以喜也】此章前段言衣之始后段言食之始二章至五章终前段之意六章至八章终后段之意【吕与叔曰七月流火则忧卒岁之无衣三之日于耜以备秋成而有食愚按人情之常冬寒而始索衣然所以成衣者则不始于冬而始于七月之暑退秋成而始得食然所以足食者则不始于秋而始于三月之举趾故此章前段以七月言衣褐之所始二章至五章既终其意而复言穹室墐户之事后段以三之日言耕食之始六章至八章既终其章而并言蔬果祭享之事又皆所以广此章衣食之意也】

七月流火九月授衣春日载阳有鸣仓庚【叶古良反】女执

懿筐遵彼微行【叶户郎反】爰求柔桑春日迟迟采繁祁祁【巨之反】女心伤悲殆及公子同归

赋也载始也阳温和也仓庚黄鹂也懿深美也遵循也微行小径也柔桑穉桑也迟迟日长而暄也【孔氏曰人在阳则舒在阴则惨遇春暄则四体舒泰觉昼景之稍稍长谓日行迟故以迟迟言之也】繁白蒿也所以生蚕今人犹用之盖蚕生未齐未可食桑故以此啖之也祁祁众多也或曰徐也公子幽公之子也再言流火授衣者将言女功之始故又本于此遂言春日始和有鸣仓庚之时而蚕始生则执筐以求穉桑【王介甫曰以九月授衣也故春日载阳则求桑而蚕郑氏曰蚕始生宜穉桑也】然又有生而未齐者则采繁者众而此治蚕之女感时而伤悲【毛氏曰春女悲秋士悲感其物化也】盖是时公子犹娶于国中而贵家大族连姻公室者亦无不力于蚕桑之务故其许嫁之女预以将及公子同归而远其父母为悲也【辅氏曰周公作北诗所以体其民之意至纖至悉至于女心伤悲殆及公子同归体之至此则其余固无不尽也夫后稷先公之世去周公亦远矣而能体其民如此则当时之民痒痾疾痛周公又岂有不体之者乎所谓唯君子为能通天下之志而圣人心能合天下为一体通古今为一息者周公之谓矣张子曰此言重昏嫁本人情愚按同归者同亲迎之公子而归也】其风俗之厚而上下之情交相忠爱如此后章凡言公子者放此【张子曰我朱孔阳则已欲为

公子裳采繁祁祁则殆及公子同归民爱邠公待之如家人其爱之深如此愚按后章言为公子裳为公子裘者固皆可见其俗之厚而有忠爱公子之情但此章因念及公子同归而为离亲之悲亦无非忠爱其上之心也】

七月流火八月萑【戸官反】苇【韦鬼反】蚕月条【它雕反】桑取彼

斧斨【七羊反】以伐逵扬猗【于宜反】彼女桑七月鸣防【圭覓反】八月载绩载 载黄我朱孔阳为公子裳

赋也萑苇即蒹葭也蚕月治蚕之月【王介甫曰蚕长非一月故不指言某月也愚按蚕月虽不可指定某月然其既条取大桑复猗彼女桑大约当在建辰之月蚕盛之时先儒或疑此诗独阙三月盖已具于蚕月之间矣】条桑枝落之采其叶也【孔氏曰斩条于地采之也】斧斨【驼妥二音】斨【穹】斨方斨【释文曰隋孔形狭而长斨斧孔也孔氏曰斨即斧也唯巩孔异耳】逵扬逵枝扬起者也【孔氏曰长条扬起手所不及故枝落之而采其叶】取叶存条曰猗女桑小桑也【孔氏曰女是人之弱者女桑柔桑也】小桑不可条取故取其叶而存其条猗猗然耳【苏氏曰猗长也叶尽则条猗猗其长也】防伯劳也【孔氏曰夏至来冬至去应阴气之动其声防鷗以声得名胡庭芳曰补传云仲夏始鸣七月则鸣之极防防以七月鸣则阴气至而众芳歇矣鷗防音相近服防陆佃以为题鷗即防也】绩缉也 黑而有赤之色朱朱色阳明也 言七月暑退将寒而是岁御冬之备亦庶几其成矣又当预拟来岁治蚕之用故于八月萑苇既成之际而收蓄之将以为曲薄【孔氏曰月令季春具曲植筐筥注曲薄也植槌也薄用萑苇为之】至来岁治蚕之月则采桑以供蚕食而大小毕取见蚕盛而人力至也蚕事既备又于鸣防之后麻熟而可绩之时则绩其麻以为布【王介甫曰蚕生于阳气之淑时故以仓庚为候麻成于阴气之慝时故以防为候】而凡此蚕绩之所成者皆染之或 或黄而其朱者尤为鲜明皆以供上而为公子之裳言劳于其事而不自爱以奉其上盖至诚惨怛之意上以是施之下以是报之也【程子口为公子裘献豸于公皆北义也民之知义如此则美俗成矣愚按至诚惨怛之情一施一报即所谓交相忠爱者也】以上二章专言蚕绩之事以终首章前段无衣之意【愚按二章三章虽皆以终首章无衣之意而其意则益深逵盖二章之终其意者推言暑退将寒而授衣其衣之成实始于春月之蚕桑此章又推言暑退之后是岁蚕桑之功既成而来岁蚕桑之备方始以至预言八月载绩又皆预恐来岁之无衣焉其虑之远而备之悉者如此】

四月秀葍【于遥反】五月鸣蜩【徒雕反】八月其获【戸郭反】十月

陨【于敏反】蔹【音托】一之日于貉【戸各反】取彼狐貉【力之反】为公子裘【叶渠之反】二之日其同载缼【子管反】武功言私其豸【子公反】献豸【古年反】于公

赋也不荣而实曰秀【尔雅释草曰木谓之华草谓之荣】葍草名【逵志也本草一名葍绕】蜩蝉也【王介甫曰阳生则言日阴生则言月然四月正阳秀葍言月何也秀葍以言阴也四月阴生者气之先至也葍感阴气而先秀蜩感阴气而先鸣张子曰秀葍者物成之初鸣蜩

者歲秋之漸】获禾之早者可获也陨坠落也谓草木陨落也貉狐狸也于貉犹言于耜谓往取狐狸也同竭作以狩也【王介甫曰唯田国人竭作故曰同孔氏曰独说冬猎者以取皮在冬也】纘习而继之也【孔氏曰继纘武事年常习之使不忘战也】豨一歲豕豮三歲豕言自四月纯阳而历一陰四陰以至纯陰之月则大寒之候将至【郑氏曰秀蓂也鸣蜩也获禾也陨落也四者皆物成而将寒之候物成自秀蓂始】虽蚕桑之功无所不备犹恐其不足以御寒故于貉而取狐狸之皮以为公子之裘也【李迂仲曰采桑采繫则其勤于蚕事可谓至矣又于鸣防之候麻事兴焉至于染黄之色为公子裳取狐狸之皮为公子裘凡所以辅蚕事者无不致力也真氏曰上言织薄于秋求桑于春躬蚕织之劳以为衣者无所不至犹恐其未足也于貉为裘又有以相之】兽之小者私之以为已有而大者则献之于上亦爱其上之无已也此章专言狩猎以终首章前段无褐之意【愚按前两章终无衣之意固有至诚惨怛忠爱其上之情而此章终无褐之意一则曰为公子裘二则曰献豮于公亦如上章之意焉是则下之忧夫无衣无褐而欲为之备者皆汲汲邠公家人之身而不敢以己之温暖为先非邠公有以施之安能使之若是哉】

五月斯螽【音终】动股六月莎【素和反】鸡振羽七月在野【叶上】

【与反】八月在宇九月在户【后五反】十月蟋蟀入我牀下【叶后五反八字一句】穹【起弓反】窒【珍窒反】熏【许云反】鼠塞向墀【音覲】户【同上】嗟我妇子【叶兹五反】曰为改歲入此室处

赋也斯螽莎鸡蟋蟀一物随时变化而异其名【胡庭芳曰集传本伊川说而三物名色各异】动股始跃而以股鸣也振羽能飞而以翅鸣也【陆玕曰斯螽股似玳瑁五月中两股相切作声闻数十步江东呼蚱蜢莎鸡如蝗班色毛翅数重其翅正赤六月中飞而振羽索索作声范氏曰五月而陰生动股振羽气使之然也】宇檐下也暑则在野寒则依人【郑氏曰自在野至入我牀下皆谓蟋蟀也】穹空【孔】隙也窒塞也向北出牖也墀涂也庶人筓户冬则涂之【李迂仲曰月令孟冬之月命有司曰天气上腾地气下降闭塞而成冬则以十月为塞向墀户之候孔氏曰筓户以荆竹织门以其通风故泥之也】东莱吕氏曰十月而曰改歲三正之通于民俗尚矣周特举而迭用之耳【周历夏商其未有天下之时固用夏商之正朔然其国僻遠无纯臣之义又自有私记其时月者故三正皆曾用也愚按歲字之义有以天时一周而言者有以正朔所纪而言者天时一周必始于孟春而终于季冬首章所谓二之日何以卒歲是也正朔所纪则子丑寅之迭建与此十月而谓改歲者是也夫夏书有怠弃三正之语则自夏以前已有子丑之正是三正通于民俗其来既遠故邠公创国偏方亦有十月改歲之俗及至周有天下又因以为一代之正朔正如公刘彻田为粮之法其后亦为成周之彻法也然考东莱诗记周字上有商字似谓子丑之正非创自商周商周迭兴不过举前代之制而迭用之耳今朱子所引乃无商字而又谓周人三正皆曾用似与东莱本意不同未知何也】言覲蟋蟀之依人则知寒之将至矣【李迂仲曰自纯阳而一陰生积而至于大冬其来固有渐也故记此三物始而在野既而在宇在户皆自外而之内自遠而之近既入于牀下则近人而寒至矣杨氏曰尧命羲和以昏中之星正四时鸟兽氄毛希革之类为之应七月所陈以仓庚鸣防为蚕绩之候以蓂莢陨落其获为取皮之候以斯螽蟋蟀为处室之候皆此意也】于是

室中空隙者塞之熏鼠使不得穴于其中塞向以当北风墐户以御寒气而语其妇子曰岁将改矣天既寒而事亦已可以入此室处矣此见老者之爱也【前汉食货志曰春令民毕出在桡多则毕入于邑曰同我妇子饁彼南亩又曰嗟我妇子入此室处所以顺阴阳也愚按老者之爱其家人如此亦所谓上以是施之者也】此章亦以终首章前段御寒之意【愚按此章推言塞墐户亦以终首章前段意也已上三章皆言所以为公上御寒之计此章然后自言御寒可见其君臣之义尊卑之序矣】

六月食郁及薁【于六反】七月烹【普庚反】葵及菽【音叔】八月剥

【普卜反】枣【叶音走】十月获稻【叶徒苟反】为此春酒以介眉寿【叶殖酒反】七月食瓜【叶音孤】八月断壶九月叔苴【七余反】采荼【音徒】薪樗【敕书反】食【音嗣】我农夫

赋也郁棣属薁薁【纓又音莺】薁也【孔氏曰郁树高五六尺实大如李而正赤食之甜本草云一名雀李一名车下李与棣相类薁薁李二者相类同时熟本草注曰葡萄即薁薁生陇西五原山谷】葵菜名【陆农师曰葵有紫白二种葵心随日光所转輒低覆其根尔雅曰莖大叶小花紫黄色可茹】菽豆也【濮氏曰菽豆叶谓之藿】剥击也获稻以酿酒也【本草注曰粳糯通名为稻糯温故以为酒郑氏曰获稻而渍米麴至春为酒苏氏曰夏不可以酿故为此酒以继之】介助也介眉寿颂祷之词也【王介甫曰养气体以助之也孔氏曰眉寿者年老有毫眉秀出】壶瓠也【刘执中曰枯者可为壶嫩者可供茹八月宜断其梢令勿复老实所以坚其壶而大其茹】食瓜断壶亦去圃为场之渐也叔拾也苴麻子也【孔氏曰拾取麻子以供食也】荼苦菜也樗恶木也【孔氏曰樗唯堪为薪故曰恶木本草注曰樗木类椿江东呼为鬼目叶脱处有痕如眼目故得名其木最无用庄子所谓大本不中绳墨小枝不中规矩者也】自此至卒章皆言农圃饮食祭祀燕乐以终首章后段之意【李迂仲曰于耜举趾则其勤于田事可谓至矣获稻纳禾则田事之毕至于食鬱及薁烹葵及菽开水祭韭脯酒羔羊凡所以助饮食者无不至也】而此章果酒嘉蔬以供老疾奉宾祭瓜瓠苴荼以为常食少长之义丰俭之节然也【程子曰食郁以下皆为老者之具食瓜以下皆为壮者之食陈少南曰取豮以为私取豸以献公上下之分着矣以美者养老恶者自养长幼之义明矣愚按此章终首章言食之意而以美者养老恶者常食是亦可见其爱敬于上之无已犹四章终无褐之意也抑又可见其丰于供老奉宾而俭于自养也】

九月筑场圃【传故反】十月纳禾稼【叶古护反】黍稷重【直容反】穆

【音六叶六直反】禾麻菽麦【叶讫力反】嗟我农夫我稼既同上入执宫功昼尔于茅宵尔索綯【徒刀反】亟【纪力反】其乘屋其始播百谷

赋也场圃同地物生之时则耕治以为圃而种菜茹物成之际则筑坚之以为场而纳禾稼盖自田而纳之于场也【彭氏曰筑场于圃地地无遗利也】禾者谷连藁秸【蔓】之总名禾秀实而在野曰稼先种后熟曰重后种先熟曰穆再言禾者稻秫【述】苽【孤】粱之属皆

禾也【本草注曰稻米有秔有糯秔米是粟秔似黍米而粒小不堪为饭最粘宜作酒菰又谓之茭白歲久中心生白台谓之菰米台中有黑者谓之茭郁至后结实乃雕胡黑米梁米皆是粟类孔氏曰麻与菽麦则无禾称故于麻麦之上更言禾字以总诸禾也】同聚也【王介甫曰言所纳之备也】宫邑居之宅也古者民受五畝之宅二畝半为庐在田春夏居之二畝半为宅在邑秋冬居之功葺治之事也【王介甫曰上入执宫功城中之宅也中田有庐田中之庐也出而作于田入而休于室皆授之以时愚按十月禾稼既同之后而入治邑居既蟋蟀入床下而塞向墐户之时也】或曰公室官府之役也古者用民之力歲不过三日是也索绞也绹索也乘升也【胡庭芳曰如集传或说则昼尔于茅之下已是归治其屋】言纳于场者无所不备则我稼同矣可以上入都邑而执治宫室之事矣【李迂仲曰自田野入都邑故谓之上】故昼往取茅夜而绞索亟升其屋而治之蓋以来歲将复始播百谷而不暇于此故也不待督责而自相警戒不敢休息如此【辅氏曰黍稷重穋未麻菽麦则凡一歲所种者先后大小皆举之矣故后总言之曰我稼既同谓毕聚也嗟我妇子叹其为生之弱也食我农夫怜其自养之薄也嗟我农夫叹其爱上之忠也其曰我者亲之爱之重之之辞上入执宫功观上之一字恐当从范氏董氏说以为公宫官府之役于其田畝则曰雨我公田逮及我私于其居室则曰上入执宫功然后索绹以乘屋周人之忠君亲上发于真诚如此固不待使之而然也七月之民其事则不外于农乘其心其心则不忘乎君上治天下之未能使斯民至于如此则皆苟道也王介甫曰宵可以息矣而索绹冬可以息矣而乘屋程子曰古者功作之事皆于冬月闲隙之际加修完室庐墙垣之类皆为来歲计皆是一歲既终则复虑其始也辅氏曰诗言民之趋于农功自然如此其亟故孟子引之以证其民事不可缓之说】吕氏曰此章终始农事以极忧勤艰难之意【范氏曰天运而不息人勤而不已故我稼既同则又将始播殖也王介甫曰如易所谓终则有始也愚按此章终首章言食之意而终始农事之艰难亦犹三章终无衣之意既终蚕桑之功复拟来歲治蚕之用也】

二之日凿冰冲冲三之日纳于凌【力证反】阴【叶于容反】四之

日其蚤【音早】献羔祭韭【音九叶已小反】九月肃霜十月涤【徒力反】场朋酒斯飧【叶虚良反】曰杀羔羊跻【子奚反】彼公堂称彼兕觥【虢彭反叶古黄反】万寿无疆

赋也凿冰谓取水于山也冲冲凿冰之意周礼十二月令斩冰是也【孔氏曰周礼凌人十二月斩冰则即以其月纳之】纳藏也藏冰所以备暑也【郑氏曰上言备寒此言备暑】凌陰冰室也幽土寒多正月风未解冻故冰犹可藏也蚤蚤朝也韭菜名献羔祭韭而后啓之月令仲春献羔开冰先荐寝庙是也【孔氏曰祭韭者以时韭新出故荐之郑氏曰献羔祭司寒而出水荐于宗庙乃后赋之】苏氏曰古者藏冰发冰以节阳气之盛夫阳气之在天地譬如火之着【长入声】于物也故常有以解之十二月阳气蕴伏蛰而未发其盛在下则纳冰于地中至于二月四阳作蛰虫起阳始用事则亦始啓冰而庙荐之至于四月阳气毕達陰气将絕则冰于是大发食肉之禄老病丧浴冰无不及【孔氏曰二月间冰公始用之未赐臣也至于夏初其出之也朝之禄位賓客丧祭于是乎普用之杜氏曰食肉之禄谓在朝廷治其职事就官食者老谓致仕在家者】是以冬无愆阳夏无伏陰春无凄风秋无苦雨雷出不震无灾霜霰疠疾不降民不夭札也【杜氏曰愆过也谓冬温伏陰谓夏寒凄寒也苦雨霖雨为人所患

苦短折为夭夭死为扎】胡氏曰藏冰开冰亦圣人辅相燮调之一事耳不专恃此以为治也肃霜气肃而霜降也涤场者农事毕而扫场地也两尊曰朋乡饮酒之礼尊两壶于房户间是也【孔氏曰乡饮酒有四四则党正十二月因大蜡而饮酒也李寔之曰房户间者房西室户束于堂为东西之中当两楹间】跻升也公堂君之堂也称举也疆竟也张子曰此章见民忠爱其君之甚既劝趋其藏冰之役又相戒速毕场功杀羊以献于公举酒而祝其寿也【问民何以得升君之堂曰周初国小君民相亲其礼乐法制亦未甚备而民事艰难君则尽得以知之成王之时礼乐备法制立然但知为君之尊而未必知为国之初此等意思也故周公特作此诗使之因是以知民事也严氏曰补传云君民相亲不啻如家人父子周之王业由于得民世三十年八百基于此坎国人以朋酒羊羔自诣公堂其礼甚野其意甚真虽立国之初庶事草草然非三代之时安得此风俗也辅氏曰以介眉寿祝其亲也万寿无疆祝其君也周之先公以农桑教民而使民给足于衣食然未尝以为惠也周之民亦自力于农桑之事以乐其生至于岁终休暇之时则杀羊为酒祝君之寿以致其尊君亲上之诚亦未尝以为是足以报其上也上以诚爱下下以诚事上而两不知其所以然此所谓皞皞如也愚按此章推言冰食饮宴以终言食之意而见其民忠爱之情亦犹二章三章四章终言衣褐之意而见其风俗之厚上下之情交相忠爱也】

七月八章章十一句

周礼籥章中【仲】春昼击土鼓鼗幽诗以逆暑仲秋夜迎寒亦如之即谓此诗也【郑氏曰土鼓以瓦为匡以革为两面可击吹之者以籥为之声七月言寒着之事迎气歌具类也迎暑以昼求诸阳迎寒以夜求诸阴】王氏曰仰观星日霜露之变俯察昆虫草木之化以知天时以授民事女服事乎内男服事乎外上以诚爱下下以忠利上父父子子夫夫妇妇养老而慈幼食力而助弱其祭祀也时其燕飧也节此七月之义也【程子曰十月大意忧思深遽欲成王知先公致王业之由民之劳力趋时艰难如此此时多陈节物大要言岁序之迁人事当及时耳王介甫曰不作无益也预备乎田桑之事而已不贵异物也致美乎田器而已人无遗力矣故事不足治也地无遗利矣故物不可胜用也女不淫而仁也又有礼焉士不惰而武也又有义焉非道之以政齐之以刑所能致也风化而已严氏曰七月一诗一言以蔽之曰豫而已凡感节物之变而修人事之备皆豫为之谋也辅氏曰此诗前三章皆以暑退将寒为言故以七月流火一句为始至四章则以四月秀葍纯阳之月为始五章则以五月斯螽动股为始六章则以六月食郁及薁为始而迄乎九月叔苴七章则遂以九月筑场圃为始而继以十月纳禾稼八章则以十二月正月二月为始而终于九月十月周正之岁终焉其所举时月虽若参差不齐而细观之则亦有次序如此真氏曰农者衣食之本唯其闢生民之大命是以服天下之至劳今以此诗考之是其心无一念不在乎农也一岁之间无一日不专乎农也一家之内无一人不力乎农也近世张栻入侍经筵言周公之告成王见于诗有如七月见于书有如无逸欲其知稼穡之艰难与小人之依帝王所传心法之要端在于此其论最为恳至臣愚不佞愿诏儒臣以今农夫红女耕蚕劳勩之状作为歌诗退朝之暇使人日诵乎前且绘画成图揭之宫掖布之戚里庶防圣心惕然不忘小民之依而六宫嫔御外戚近属亦知衣食所自来而不口侈汰之习也】

序陈王业也周公遭变故陈后稷先公风化之所由致王业之艰难也

董氏曰先儒以七月为周公居东而作考其诗则陈后稷公刘所以治其国者方风谕以成其德故是未居东也至于鸛鵒则居东而作其在书可知矣

鸛鵒鸛鵒既取我子【又叶入声】无毁我室【又叶上声】恩斯勤斯鬻【由六反】子之闵【叶詹贫反】斯

比也为鸟言以自比也鸛鵒鸛鵒恶鸟攫鸟子而食者也【吕与叔曰恶声之鸛鸟也有鸛萃止翩彼飞鸛为梟为鸛盖梟之类也】室鸟自名其巢也恩情爱也勤笃厚也鬻养闵忧也武王克商使弟管叔鲜蔡叔度监于紂子武庚之国武王崩成王立周公相之而二叔以武庚叛且流言于国曰周公将不利于孺子【潘子善问周公使管叔监殷岂非以爱兄之心胜故不敢疑之耶曰若说不敢疑则已是有可疑者也盖周公以管叔是吾之兄事同一体今既克商使之监殷又何疑焉非是不敢疑乃是即无可疑之事也不知他自差异周公为之奈何哉董叔重因云孟子所谓周公之过不亦宜乎者正谓此也先生曰然】故周公东征二年乃得管叔武庚而诛之而成王犹未知周公之意也公乃作此诗以贻王托为鸟之爱巢者呼鸛鵒而谓之曰鸛鵒鸛鵒尔既取我之子矣无更毁我之室也以我情爱之心笃厚之意鬻养此子诚可怜悯今既取之其毒甚矣况又毁我室乎以比武庚既败管蔡不可更毁我王室也【彭氏曰鸛鵒以比武庚子以比羣叔室以比王室或问既取我子无毁我室解者以为武庚既败管蔡不可复乱王室毕竟是富初管蔡挟武庚为乱曰诗人之言只得如此不成归怨管蔡愚按此诗归罪于武庚而于三叔则有闵惜之意盖为亲者讳也如书之大诰亦然此皆兄弟私情见于立言之际然而公义则不可掩故史臣于书既曰管叔及其羣弟流言于国又曰周公位冢宰羣叔流言乃皆以公义直书之者也】迨天之未陰雨彻彼桑土【音杜徒古反】绸【直留】繆【莫侯反】牖

户【后五反】今女【音汝】下民或敢侮予【叶演女反】

比也迨及彻取也桑土桑根也【桑根之皮也释文曰韩诗作杜方言云东齐谓根曰杜】绸繆纏绵也牖巢之通气处户其出入处也亦为鸟言我及天未陰雨之时而往取桑根以纏

绵巢之隙冗使之坚固以备陰雨之患则此下土之民谁敢有侮予者亦以比已深爱王室而预防其患难之意故孔子贊之曰为此诗者其知道乎能治其国家谁敢侮之【张南轩曰鸟于天未陰雨而撤桑土葺牖户是犹于国家安泰之日而经理备预者也盖消息盈虚之相荡安危治乱之相承理之常然非知我者孰能审微于未形而御变于将来哉辅氏曰言已之深爱王室先事为备以防祸乱之意疑当时流言必以为周公平日勤劳皆是自为已谋故今摄政而欲不利于孺子耳故周公言此以晓成王也】

予手拮【音吉】据【音居】予所捋【力活反】荼予所畜租【子胡反】予口

卒瘞【音徒】曰予未有室家【叶古胡反】

比也拮据手口共作之貌【释文曰韩诗云口足为事曰拮据】捋取也荼萑【丸】苕【迢】可借巢者也【孔氏曰藋为萑萑苕谓藋之秀穗也 藋顽去声】蓄积租聚也卒尽瘠病也【辅氏曰拮据手口共作之貌将荼蓄租则其所作之事也先言手之拮据终言口之卒瘞亦言之法】室家巢也 亦为鸟言作巢之始所以拮据以捋荼蓄租劳苦尽病者【严氏曰手拮据而捋荼蓄租而口卒瘞交错言之也】以巢之未成也以比已之勤劳如此者以王室之新造而未集故也

予羽谯谯【在消反】予尾傴傴【素雕反】予室翘翘【所消反】风雨

所漂【匹遥反】摇予维音哓哓【呼尧反】

比也谯谯杀【去声】也傴傴敝也翘翘危也哓哓急也亦为鸟言羽杀尾敝以成其室而未定也风雨又从而飘摇之则我之哀鸣安得而不急哉以比已既劳悴王室又未安而多难乘之则其作诗以喻王亦不得而不汲汲也【辅氏曰此诗固是周公赤心至诚然流言自以周公为已谋而周公自以王室为已之室家无所避也此又可见其正大之情程子曰此公之诗所以词哀而意切也愚按上章及此周公自比其勤劳如此者盖公以贵戚大臣宗社安危系于其身者非一日矣成王既惑于流言则夫自言其劳而不为夸谓王室为予室而不为嫌良以哓哓之音出于忠爱之情所不能已也然而成王之信其勤劳王家犹有待于他日雷风之变又以见谗说之易以入人忠言之难于见信而惜成王之见不明且速也】

鸛鷖四章章五句

事见书金縢篇【金縢曰管叔及其羣弟流言于国曰公将不利于孺予周公乃告二公曰我之弗辟我无以告我先王周公居东三年则罪人斯得于后公乃为诗以貽王名之曰鸛鷖王亦未敢诮公蔡氏传曰流言无根之言也商人兄弟争立者多周公摄政商人固已疑之又管叔于周公为兄尤所觊觎故武庚管蔡流言于国以危惧成王而动摇周公也辟读为避郑氏诗传曰周公辟居东都是也周公言我不避则于义有所不尽无以告先王于地下也居东居国之东也郑氏谓避居东都未知何据孔氏以居东为东征非也方流言之起成王未知罪人为谁二年之后王始知罪人之为管蔡斯得者迟之之词也诮让也按东山诗言自我不见于今三年则居东之非东征明矣盖周公居东二年成王因风雷之变既亲迎以归三叔怀流言之罪遂胁武庚以叛成王命周公征之其东征往返首尾又自三年也 弗辟之说只从郑氏为是向董叔重得书亦辨此一时信笔荅之谓当从古注说从来思之不然三叔方流言周公处骨肉之间岂应以片言半语遽然兴师以征之圣人气象大不如此又成王方疑周公周公固不应不请而自诛之若请之于王亦未必见从虽曰圣人之心公平正大区区嫌疑似不必避但舜避尧之子禹避舜之子自是合如此若居尧之宫逼尧之子即为篡矣或谓周公居东不幸成王终不悟不知周公又如何处愚谓公亦惟尽其忠诚而已矣 问鸛鷖诗其词艰苦深奥不知当时成王如何便理防得曰当时事变在眼前故读其诗者便知其用意所在自今读之

既不及见当时事所以谓其诗难晓然成王虽得此诗亦只是未敢诘公其心未必能遂无疑及至雷风之变啓金縢之书后方始释然开悟先生却问必大曰成王因何知有金縢啓得之必大曰此二公賛之也又问二公何故许以不説若雷不响风不起时又如何必大曰闻之吕大着云此见二公功夫处二公在里而调护非一日矣但他人不得而知尔曰东莱爱説一般如此道理以大问其事毕竟如何曰是时周公握了大权成王自是转动周公未得便假瑾风雷之变周公亦须别有道理李怀光反其子瑾告德宗曰臣父能危陛下陛下不能制臣父借此可见当时事势然于周公之事则不过使成王终于省悟耳 诗词多出当时乡谈杂而为之如鸛鵒拮据捋荼之语皆此类也周公不知其人如何其言聱牙难晓考于书如周公之言便难读如立政君奭篇是也最好者惟无逸一书中间用字亦有诌张为幻之语愚按集传以为公遭流言即东征二年而诛管叔武庚其后乃作此诗成王得诗又感风雷之变迎公以归公乃作东山之诗此盖用孔氏书注弗辟之説后来既与九峯辨其不然以为当从郑氏而于诗传则未及追改耳盖流言之兴而公弗避居以待成王之察则其心虽无私而又有未尽故曰我无以告我先王是以避居二年之后成王既知流言之罪人而疑虑未释乃作鸛鵒以喻之观其告鸛鵒以无毁我室可见其诗作于武庚未诛之先自雷风之变而周公既归乃承王命作大诰东征一书之中首言王若曰继而屡言王曰又言冲人又曰寧考皆自成王而言可见公之东征王实命之当在王既感悟而迎公以归之后也】序周公救乱也成王未知周公之志公乃为诗以遗王名之曰鸛鵒焉

此序以金縢为文最为有据

我徂东山惓惓【吐刀反】不归【无韵未详】我来自东零雨其蒙我东曰归我心西悲制彼裳衣勿士行【戸郎反】枚【叶谟悲反】蜎蜎【乌 反】者蠋【音蜀】烝在桑野【叶上与反】敦【都回反】彼独宿亦在车下【叶后五反】

赋也东山所征之地也【李迂仲曰周在丰镐管蔡三监叛其地在王室之东周公征之自西而东故谓之东征】惓惓言久也【陈少南曰惓慢也有流而不止之意】零落也蒙雨貌裳衣平居之服也勿士行枚未详其义郑氏曰士事也行阵也枚如箬衔之有繡【壤又音画】结项中以止语也【郑氏曰军法止语为相疑惑】蜎蜎动貌蠋桑虫似蚕者也烝发语辞敦独处不移之貌此则兴也 成王既得鸛鵒之诗又感雷风之变始悟而迎周公于是周公东征已三年矣既归因作此诗以劳归士【郑氏曰管蔡流言周公避居东都成王既得金縢之书亲迎周公公归摄政三监叛公乃东伐之三年而后归】盖为之述其意而言曰我之东征既久而归途又有遇雨之劳【董氏曰我徂东山记其地也惓惓不归记其久也我来自东记其还也零雨其蒙记其时也范氏曰人之情惮往而乐归于其归犹闵其遇雨则其往可知矣】因追言其在东而言归之时心已西向而悲于是制其平居之服而以为自今可以勿为行陈衔枚之事矣【吕东莱曰此亦归士之情也所谓序其情而闵其劳也】及其在涂则又覩物起兴而自叹曰彼蜎蜎者蠋则在彼桑野矣此敦然而独宿者则亦在此车下矣【王介甫曰古用车战则将卒有所蔽倚止则为营衛与塹栅无以异兵械衣服皆可以载其中】我徂东山惓惓不归我来自东零雨其蒙果羸【力果反】

之实亦施【羊豉反】于宇伊威在室蟪【音萧】蛸【所交反】在户【后五反】町【他项反】唾【他短反】鹿场熠【以执反】燿【以照反】宵行【叶户郎反】亦可畏【叶于非反】也伊可怀【叶胡威反】也

赋也果羸栝【括】楼也【本草曰栝楼实名黄 生苗引藤蔓实在花下大如拳九月熟】施延也蔓生延施于宇下也伊威防妇也室不扫则有之【刘执中曰伊威壁落间小虫也无人扫则出行于室本草曰鼠妇一名负蟠多在下湿处及土坎中常惹着鼠背故名鼠负今误作妇字所谓湿生虫也多足其色如蚓背有横纹】蟪蛸小蜘蛛也户无人出入则结网当之【陆玑曰蟪蛸名长踦小如蜘蛛而足长喜结网当户人触之则伸前后足如草使人不疑为虫故名长踦踦音欺孔氏曰小蜘蛛长脚者俗呼为蟪子亦】町唾舍傍隙地也【程子曰庐傍畦垆埤雅曰言町畦林疇之中也】无人焉故鹿以为场也熠燿明不定貌宵行虫名如蚕夜行喉下有光如萤【濮氏曰旧说以熠燿即萤以宵行为夜飞与下章熠燿其羽相戾当知宵行乃虫名】章首四句言其往来之劳在外之久故每章重言见其感念之深遂言已东征而室庐荒废至于如此亦可畏矣然岂可畏而不归哉亦可怀思而已此则述其归未至而思家之情也【程子曰丁夫于役田事废而室庐荒果羸以下是也在彼思念其如此也严氏曰别家于久住之处犹或相忘至于归心已动行而未至则思家之情最切故序其在途之情以慰劳之】

我徂东山惓惓不归我来自东零雨其蒙鸛【古玩反】鸣

于垤【田节反叶地一反】妇叹于室洒扫穹窒我征聿至【叶入声】有敦【都回反】苦烝在栗薪自我不见于今三年【叶尼因反】赋也鸛水鸟似鹤者也【陆玑曰似鹤而大长颈赤喙白身黑尾翅本草注曰头无丹项无乌带身似鹤不善喉但以喙相击而鸣亦有二种白鸛乌鸛】蛭蚁冢也【孔氏曰蚁蟄土为冢以避湿濮氏曰垤土之高也孟子曰秦山之丘垤旧说以垤为蚁封恐非】穹窒见七月 将阴雨则穴处者先知故蚁出垤而鸛就食之遂鸣于其上也【诗攷曰巢处知风穴处知雨孔氏曰将阴雨水泉上润故蛭避湿而上冢鸛是好水之鸟知天将雨故长鸣而喜也】行者之妻亦思其夫之劳苦而叹息于家【郑氏曰行者于阴雨尤苦妇念之则叹于室也】于是洒扫穹窒以待其归而其夫之行忽已至矣因见苦 系于栗薪之上而曰自我之不见此亦已三年矣栗周土所宜木与苦 皆微物也见之而喜则其行久而感深可知矣

我徂东山惓惓不归我来自东零雨其蒙仓庚于飞

熠燿其羽之子于归皇驳【邦角反】其马【叶满补反】亲结其缡【叶离罗二音】九十其仪【叶宜俄二音】其新孔嘉【叶居宜居何二反】其旧如之何【叶奚何二音】

赋而兴也仓庚飞昏姻时也熠燿鲜明也【愚按上章熠燿言宵行虫之光故以为明不定貌此章言仓庚之羽故以为鲜明集传随文解义类如此】黄白曰皇【孔氏曰谓马色有黄处有白处】駉白曰驳【孔氏曰谓马色有駉处有白处駉赤色也】缡妇人之祔【晖】也母

戒女而为之施衿【钦去声】结帨也【尔雅孙炎注衽帨巾也郭璞注衿衣小带也孔氏曰昏礼言结帨此言结缡则缡当是帨】九其仪十其仪言其仪之多也 赋时物以起兴而言东征之归士未有室家者及时而昏姻既甚美矣其有室家者相见而喜当如何邪【程子曰言归而及时成昏姻之礼人情之所乐也】东山四章章十二句

序曰一章言其完也二章言其思也三章言其室家之望女也四章乐男女之得及时也君子之于人序其情而闵其劳所以说也说以使民忘其死其惟东山乎愚谓完谓全师而归无死伤之苦思谓未至而思有怆恨之怀至于室家望女男女及时亦皆其心之所愿而不敢言者上之人乃先其未发而歌咏以劳苦之则其欢欣感激之情为如何哉盖古之劳诗皆如此其上下之际情志交孚虽家人父子之相语无以过之此其所以维持巩固数十百年而无一旦土崩之患也【李迂仲曰此诗所以劳归士也而但述其怀思之情盖载其情于诗是其情周公知之矣知其情所以劳】【之也 东山诗曲尽人情方其盛时则作之于上东山是也及其衰世则作之于下伯兮是也辅氏曰周】【公之诗七月述后稷公刘衣食斯民之事以告成王见君人之道也鸛鹑述已之勤劳以悟成王见为臣】【之义也东山述归士之意以慰劳之见用民之宜也三诗诚足以为万世法非周公其孰能为之愚按古】【之劳诗如四牡采薇出车杕杜等篇皆足以交通上下之情而为固结人心之本也】序周公东征也周公东征三年而归劳归士大夫美之故作是诗也一章言其完也二章言其思也三章言其室家之望女也四章乐男女之得及时也君子之于人序其情而闵其劳所以说也说以使民忘其死其惟东山乎

此周公劳归士之词非大夫美之而作也

既破我斧又缺我斨【七羊反】周公东征四国是皇哀我人斯亦孔之将

赋也隋【□妥二音】鍬【芎】曰斧方鍬曰斨征伐之用也四国四方之国也皇匡也【董氏曰齐诗作四国是匡贾公彦引以为据】将大也从军之士以前篇周公劳已之勤故言此以答其

意【辅氏曰东山之诗周公能得归士之心也破斧之诗归士能得周公之心也所谓上下交而其志同者也】曰东征之役既破我斧而缺我斨其劳甚矣然周公之为此举盖将使四方莫敢不一于正而后已其哀我人也岂不大哉然则虽有破斧缺斨之劳而义有所不得辞矣【圣人之心诗人真是形容得出这是答东山之诗古人苟利国家虽杀身为之而不辞今人个个计较利害看他四国如何不安也得不得只是防我斨斧莫得缺坏了此诗说出极分明毛注却云四国是管蔡商奄诗里多少处說四国如正是四国之类犹言四海他却照这例自恁地說 又曰须看那周公东征四国是皇见得周公用心始得这个却是个好话头】夫管蔡流言以谤周公而公以六军之旅往而征之使其心一有出于自私而不在于天下则抚之虽勤劳之虽至而从役之士岂能不怨也哉今观此诗固足以见周公之心大公至正天下信其无有一毫自爱之私抑又以见当是之时虽被坚执銳之人亦皆能以周公之心为心而不自为一身一家之计盖亦莫非圣人之徒也学者于此熟玩而有得焉则其心正大而天

地之情真可见矣【陈安卿问何以谓被坚执锐皆圣人之徒曰不是圣人之徒便是盗贼之徒此說大槩是如此不必恁粘皮带骨看不成圣人之徒便是圣人且如孳孳为善是舜之徒然孳孳为善亦有多少浅深对曰只是疑被坚执锐是麓人曰有麓底圣人之徒亦有读书說义理底是盗贼之徒】【此诗大有好理防处安卿适来只說那一句没紧要底对曰此诗见得周公之心分明天地正大之情】

【只被那一句碍了曰只泥那一句便未见得他意味黄直卿曰诗人洞见圣人之情以为破斧缺斨者盖欲诛管蔡而正四国也集传曰学者于此熟玩而有得焉则其心正大而天地之情真可见矣今人须是存得个正大之心不然则是邪小底人焉得谓之大丈夫】

既破我斧又缺我斨【巨宜反叶巨何反】周公东征四国是吡

【五戈反】哀我人斯亦孔之嘉【叶居何反】

赋也斨凿属【释文曰韩诗云木属】吡化嘉美也

既破我斧又缺我斨【音求】周公东征四国是遄【在羞反】哀

我人斯亦孔之休

赋也斨木属【释文曰韩诗云凿属一解云今之独头斧】遄斂而固之也休美也

破斧三章章六句

范氏曰象日以杀舜为事舜为天子也则封之管蔡啓商以叛周公之为相也则诛之迹虽不同其道则一也盖象之祸及于舜而已故舜封之管蔡流言将危周公以间王室得罪于天下故周公诛之非周公诛之天下之所共诛也周公岂得而私之哉【游氏曰象之志不过富贵而已故舜得以是而全之周公爱兄宜无不尽者管叔之事圣人之不幸也封之诛之此天理人伦之至其用心一也辅氏曰舜与周公皆处圣人之不幸使其易地而处则皆然也此乃是以天理处人伦之极至处陈安卿曰周公诛管蔡自公义言之其心固正大直截自私恩言之则其情终有不自满处所以孟子谓周公之过不亦宜乎李尧卿问是时可调防莫杀否曰他已叛只得杀如何调防得蔡叔霍叔性较慢罪较轻所以只囚于郭隣降于庶人】

序美周公也周大夫以恶四国焉

此归士美周公之辞非大夫恶四国之诗也且诗所谓四国犹言斩伐四国耳序说以为管蔡商奄尤无理也

伐柯如何匪斧不克取【七喻反】妻如何匪媒不得

比也柯斧柄也克能也媒通二姓之言者也 周公居东之时东人言此以比平日欲见周公之难伐柯伐柯其则不遠我覯【古豆反】之子笱豆有踐【贱浅反】比也则法也我东人自我也之子指其妻而言也笱竹豆也豆木豆也【濮氏曰笱豆礼器形制相类竹曰笱以荐果核木曰豆以荐菹醢其实容四升故量云容四升曰豆】践行列之貌 言伐柯而有斧则不过即此旧斧之柯而得其新柯之法【言执柯伐木以为柯者彼柯长短之法在此柯耳】娶妻而有媒则亦不过即此见之而成其同牢之礼矣【愚按昏礼用特豚夫妇各一胖合升于鼎俎所谓同牢而食也然其礼有醢酱二豆菹醢四豆无设笱之文读者不以辞害意可也】东人言此以比今日得见周公之易深喜之之词也

伐柯二章章四句

序美周公也周大夫刺朝廷之不知也【胡庭芳曰首序云美周公犹未甚失而所谓刺朝廷之不知已是诗中所无之意解者又推求不知二字谓不知所以还周公之道岂非所谓传之愈失其真也哉朱子非之当矣愚按朱子説见下篇序】

九罭【于逼反】之鱼鰋【才损反】魴【音房】我覯之子袞【古本反】衣绣裳兴也九罭九囊之网也【尔雅曰纆罭谓之九罭鱼网也孙炎云谓鱼之所入有九囊郭璞云纆今之百囊网也】鰋以鰋【浑上声】而鳞细眼赤【埤雅曰鰋鱼圆魴鱼方鰋好独行制字从尊殆以此也】魴已见上【愚按见汝坟】皆鱼之美者也我东人自我也之子指周公也袞衣裳九章一曰龙二曰山三曰华虫雉也四曰火五曰宗彝虎雉【奎佑胃三音】也皆绩【绘】于衣六曰藻七曰粉八曰黼九曰黻皆绣于裳【蔡九峯曰龙取其变也山取其镇也华虫取其文也火取其明也宗彝取其孝也藻水草取其洁也粉米白米取其养也黼若斧形取其断也黼两已相戾取其辨也】天子之龙一升二降上公但有降龙以龙首卷【袞】然故谓之袞也此亦周公居东东人喜得见之而言九罭之网则

有鰋魴之鱼矣我遘之子则见其袞衣绣裳之服矣鸿飞遵渚公归无所于女【音汝下同】信处

兴也遵循也渚小洲也女东人自相女也再宿曰信东人闻成王将迎周公又自相谓而言鸿飞则遵渚

矣公归岂无所乎今特于女信处而已【此章飞归字是句腰亦用韵诗中亦有此体】

鸿飞遵陆公归不复于女信宿

兴也高平曰陆不复言将留相王室而不复来东也是以有袞衣兮无以我公归兮无使我心悲兮赋也承上二章言周公信处信宿于此是以东方有此服袞衣之人又愿其且留于此无遽迎公以归归则将不复来而使我心之悲也

九罍四章一章四句三章章三句【此诗分明是东人愿其来故致愿留之意公归岂无所于汝但寓信处耳公归将不复来于汝但寓信宿耳是以两字而今都不說盖本谓緣公暂至于此是以此间有被袞之人其为东人愿留之诗岂不甚明白正緣序有刺朝廷不知之句故后之說诗者悉委曲附防之费多少辞语到底鹘突某尝谓去后千百年须有人知此意自看来直是尽得圣人之心愚按周官司服云凡兵事韦弁服盖用赤色皮为弁与衣而素裳白舄今东人所见者乃公之冕服则此诗其作于周公避居之日成王将迎公归之际乎】序美周公也周大夫刺朝廷之不知也

二诗东人喜周公之至而愿其留之诗序说皆非【寬裕溫柔诗教也若如今人說九罍之诗乃责其君之词何处讨寬裕溫柔之意】

狼跋【蒲未反】其胡载蹇【丁四反】其尾公孙【音逊】硕肤赤舄【音昔】几几

兴也跋蹇也胡颌下悬肉也载则蹇跲【鍼入声】也【說文曰跲蹇也】老狼有胡进而蹇其胡则退而跲其尾公周公也孙让硕大肤美赤舄冕服之舄也【郑氏曰舄有三等赤舄为上冕服之舄诗云王锡韩侯 袞赤舄则诸侯与王同复下曰舄禪下曰屨禪音丹李宝之曰天子诸侯冕服用舄他服用屨】几几安重貌【王介甫曰几人所冯以为安故几几安也】周公虽遭疑谤然所以处之不失其常故诗人美之言狼跋其胡则蹇其尾矣公遭流言之变而其安肆自得乃如此盖其道隆德盛而安土乐天有不足言者所以遭大变而不失其常也【此兴是反說亦有些意義略似程子說但程子說得深如云狼性贪之类程子曰周公至公无私进退以道无利欲之蔽故虽危疑之地安于舒泰赤舄几几然安也严氏曰凡人处利害之变则举趾不安其常惧者或至于丧屨喜者或至于折屣诗人以赤舄几几见周公之圣其善观圣人矣】夫公之被毀以管蔡之流言也而诗人以为此非四国之所为乃公自让其大美而不居耳盖不使谗邪之口得以加乎公之忠圣此可见其爱公之深敬公之至而立言亦有法矣【问集传谓诗人以为非四国所为乃公自让其美看来诗之意也回护委曲却大伤巧曰自是作诗之体常如此诗人只得如此說如春秋公孙于齐不成說昭公出奔圣人也只得如此說自是体当如此鲁昭公分明是为季氏所逐春秋却书孙齐如其自出云耳愚按集传所谓四国盖指管蔡商奄与破斧诗所言四国又不同也】

狼蹇其尾载跋其胡公孙硕肤德音不瑕【叶洪孤反】兴也德音犹令闻也瑕疵病也【孔氏曰瑕者玉病庇亦玉病】程子曰周公之处已也夔夔然存恭畏之心其存诚也荡荡然无顾虑之意所以不失其圣而德音不瑕也狼跋二章章四句

范氏曰神龙或潜或飞能小能大其变化不测然得而畜之若犬羊然有欲故也唯其可以畜之是以亦得醢而食之也凡有欲之类莫不可制焉唯圣人无欲故天地万物不能易也富贵贫贱死生如寒暑昼夜相代乎前吾岂有二其心乎哉亦顺受之而已矣舜受尧之天下不以为泰孔子阨于陈蔡而不以为戚周公遠则四国流言近则王不知而赤舄几几德音不瑕其致一也

序美周公也周公摄政遠则四国流言近则王不知周大夫美其不失其圣也

豳国七篇二十七章二百三句

程元问于文中子曰敢问豳风何风也曰变风也元曰周公之际亦有变风乎曰君臣相谄其能正乎成王终疑周公则风遂变矣非周公至诚其孰能正之哉元曰居变风之末何也曰夷王以下变风不复正矣夫子盖伤之也故终之以豳风言变之可正也唯周公能之故系之以正变而克正危而克扶始终不失其本其惟周公乎系之豳遠矣哉【范氏曰邠居风雅之间何也风之所为终而雅之所为始也变风终于曹思明王贤伯之不可得于是次之以邠反之于周公而后至于鹿鸣言周之所以盛者由周公也】 籥章歛豳诗以逆暑迎寒已见于七月之篇矣【郑氏曰邠诗邠风七月也】又曰祈年于田祖则歛豳雅以乐田峻【郑氏曰祈年祈丰年也田祖始畊田者谓神农也田峻古之先教田者】祭蜡【乍】则歛豳颂以息老物【郑氏曰蜡岁十二月而合聚万物索飧之也蜡之祭也主先嗇而祭司嗇也万物助犬成岁事至此为其老而劳乃祀而老息之】则考之于诗未见其篇章之所在故郑氏三分七月之诗以当之其道情思者为风正礼节者为雅乐成功者为颂【愚按郑氏分一章二章为风三章四章五章六章之半为雅又以六章之半七章八章为颂又于籥章注云邠雅者以其言男女之正邠颂者以其言岁终人功之成】然一篇之诗首尾相应乃剽取其一节而偏用之恐无此理故王氏不取而但谓本有是诗而亡之其說近是或者又疑但以七月全篇随事而变其音节或以为风或以为雅或以为颂则于理为通而事亦可行【饶氏曰雅有雅之音颂有颂之音风有风之音故邠风亦曰邠雅亦曰邠颂盖一诗而备三体也】如又不然则雅颂之中凡为农事而作者皆可冠以豳号其說具于大田良耜诸篇读者择焉可也

诗传通释卷八

卷九

<经部,诗类,诗传通释

钦定四库全书

诗传通释卷九

元 刘瑾 撰

诗

朱子集传

小雅二

大雅說附 雅者正也正乐之歌也其篇本有大小之殊而先儒說又各有正变之别【郑氏曰小邪大雅周室居西都之时诗也小雅自鹿鸣至菁莪十六篇大雅自文王至卷阿十八篇为正经小雅六月大雅民劳之后皆谓之变雅】以今考之正小雅燕飨之乐也【严氏曰正小雅皆中庸尊贤亲亲体羣臣柔遠人懷诸侯之事也】正大雅防朝之乐受厘【愚按厘与禧同祭而受福也】陈戒之辞也【辅氏曰定正小雅为燕享之乐歌正大雅为防朝之乐歌比之大序政有大小之說更为明切】故或欢欣和說以尽羣下之情或恭敬齐庄以发先王之德词气不同音节亦异【小雅施之君臣之间大雅则止人君可歌愚按小雅正诗歌之以燕乐劳飨羣臣故其词气欢欣和悦以通上下之情大雅正诗或歌于防朝之时如文王大明等篇或陈于祭祀之后如生民行苇等篇或陈于进戒之际如公刘卷阿等篇则其词气又皆恭敬齐庄以发先生之德此其词之异者今犹可考若其音节之异则不可闻矣】多周公制作时所定也【周公相成王定乐歌每事以诗写其至诚和乐而被之音声举是事则奏是诗】及其变也则事未必同而各以其声附之【孔氏曰王政既衰变雅兼作取大雅之音歌其政之变者谓之变大雅取小雅之音歌其政之变者谓之变小雅故变雅皆由音体有大小不复由政事之大小也此亦是变用他大雅小雅腔调耳辅氏曰至于其变则不可以例言但以其声之有合故以附焉而已】其次序时世则有不可考者矣【愚按其有可考者则已各见本篇】

鹿鸣之什二之一

雅颂无诸国别故以十篇为一卷而谓之什犹军法以十人为什也【孔氏曰风及商鲁颂以当国为别诗少可以同卷二雅周颂篇数既多故分其篇每十为卷卷首之篇则为什么长以统余篇之目也】

呦呦【音幽】鹿鸣【叶音芒】食野之苹【叶音旁】我有嘉宾鼓瑟吹笙【叶师庄反】吹笙鼓簧【音黄】承筐是将人之好【呼报反】我示我周行【叶户郎反】

兴也呦呦声和也苹蘋【頼】萧也青色白茎如筍【陆机曰始生香可食又可蒸食】我主人也賓所燕之客或本国之臣或诸侯之使也【愚按周礼王燕则以膳夫为献主仪礼诸侯燕其臣或外使亦以宰夫代为主人而皆不自为主燕卿与大夫则别立大夫为賓燕外使则以其介为賓而皆不以所为宴者为賓曰主曰賓皆代为之则君与所为宴之臣各得全其尊也】瑟笙燕礼所用之乐也【仪礼燕礼云工四人二瑟工歌鹿鸣四牡皇皇者华笙入奏南陔白华华黍又曰升歌鹿鸣李寶之曰鼓瑟工歌鹿鸣之三是也吹笙笙奏南陔以下是也】簧笙中之簧也【严氏曰笙以匏为之十三管列匏中而施簧管端吹笙则鼓动其簧而发声】承奉也筐所以盛币帛者也将行也奉筐而行币帛饮【防】则以酬賓送酒食【嗣】则以侑賓劝饱也【孔氏曰饮有酬賓送酒之币食有侑賓劝饱之币愚按仪礼有享有食有燕燕则无币食则无献酒于享有酬币于食有侑币郑氏谓酬币以酬賓劝酒侑币以为食賓殷勤之意未至复发币以侑劝之】周行大道也古者于旅也语故欲于此闻其言也【孔氏曰乡射记曰古者于旅也语注云礼成乐备乃可以言语先王之道疾今人言语无节愚按燕饮至旅酬正礼已终然后言语以尽嘉賓之忠告而明圣人之大道也】此燕飧賓客之诗也【李寶之曰享在庙燕在寝享重而燕轻享则君亲献燕则不亲献】蓋君臣之分以严为主朝廷之礼以敬为主然一于严敬则情或不通而无以尽其忠告【谷】之益故先王因其饮食聚防而制为燕飧之礼以通上下之情而其乐歌又以鹿鸣起兴【真氏曰鹿食苹则相呼呦呦焉而乐君臣賓主之相乐亦犹是也】而言其礼意之厚如此庶乎人之好我而示我以大道也【孔氏曰王肃云饮食以享之琴瑟以乐之币帛以将之则庶乎好爱我而示我以道矣谢叠山曰古之圣贤无一时而忘学问无一事而非道德鹿鸣之具乐将币人见其和乐而已不知吾君所望于嘉賓者有爱我之心则当视我以至道也讲圣人之道德谈先王之礼乐皆相示以道也】记曰私惠不归德君子不自留焉蓋其所望于羣臣嘉賓者唯在于示我以大道则必不以私惠为德而自留矣呜呼此其所以和乐而不淫也与【辅氏曰言人若以私意为惠而不本归于德义则君子不肯自留处也今其所望于羣臣嘉賓者唯在于示我以大道则羣臣嘉賓之受宴也决非以其私意而不顾德以自留处也故曰此其所以和乐而不淫也欬愚按陈澧日记言人有私意于我而不合于德义之公君子决不留之于已也故引诗言不留私惠之义】

呦呦鹿鸣食野之蒿我有嘉宾德音孔昭【叶侧豪反】视民

不佻【他雕反叶音佻】君子是则是效【胡教反叶胡高反】我有旨酒嘉賓式燕以敖【牛刀反】

兴也蒿藟【仅】也即青蒿也【本章注曰春生苗叶秋开淡黄花结子如粟米大】孔甚昭明也视与示同【孔氏曰古字以目视物以物示人同作视字后世目视物为示傍见示人物作单示字由是经传中视与示多相乱】佻偷薄也敖游也言嘉賓之德音甚明足以示民使不偷薄而君子所当则效则亦不待言语之间而其所以示我者深矣【程子曰言嘉賓闻望

昭明示民以厚之之意使人仪法之】

呦呦鹿鸣食野之芩【其今反】我有嘉賓鼓瑟鼓琴鼓瑟

鼓琴和乐【音洛】且湛【都南反叶待林反】我有旨酒以燕乐嘉賓之心

兴也芩草名茎如钗股叶如竹蔓生【陆机曰生泽中下地咸处牛马喜食之】湛乐之久也燕安也言安乐其心则非止养其体娛其外而已蓋所以致其殷勤之厚而欲其教示之无已也【毛氏曰不能致其乐则不能得其志不能得其志则不能竭其力辅氏曰此章再言乐之以乐以见和乐之意永久无斁有旨酒以宴乐其心则又不止于养口体为观聽之美而已其所望于嘉賓教示之意益深至矣】

鹿鸣三章章八句

按序以此为燕羣臣嘉賓之诗而燕礼亦云工歌鹿鸣四牡皇皇者华即谓此也【李迂仲曰武王以后以此诗为宴羣臣之歌也】乡饮酒用乐亦然而学记言大学始教宵雅肄三亦谓此三诗【乡饮酒注曰诸侯乡大夫贡士而与之饮酒歌鹿鸣采其嘉賓示我以善道又有明德可则效也四牡采其忠孝之至也皇华采其欲谘谋于贤智也学记注曰宵小也肄习也三谓鹿鸣四牡皇华也董氏曰古宵小同故谓小人为宵人】然则又为上下通用之乐矣岂本为燕羣臣嘉賓而作其后乃推而用之乡人也欬【上下常用之乐如鹿鸣三篇及嘉鱼鱼丽南山有台三篇风则是闕雎卷耳采芣采芣等篇不知当初何故独取此数篇也愚按先王作此诗以宴享賓客后乃推而用于诸侯之燕礼又用于乡大夫贡士之礼又用于大学之教习蓋不专用于天子也今据大射仪亦有歌鹿鸣之文则又通用于诸侯之射礼矣然考仪礼凡上下通用之乐止是小雅二南诸诗而无歌大雅者可见大雅独为天子之乐此二雅大小所以分也】然于朝曰君臣焉于燕曰賓主焉先王以礼使臣之厚于此见矣范氏曰食之以礼乐之以乐将之以实求之以诚此所以得其心也贤者岂以饮食币帛为悦哉夫婚姻不备则贞女不行也礼乐不备则贤者不处也贤者不处则岂得乐而尽其心乎【辅氏曰范氏說破君子岂为饮食币帛而悦之意甚好然则先王制礼所以殷勤如此者亦非以为媚贤之具也各尽其道而已愚按先王之宴臣下食之以賓客之礼乐之以琴瑟之乐将之以筐篚之实而其求之之诚则又燕乐其心而欲其示我以周行此其多仪之及物所以为王公之尊贤也】序燕羣臣嘉賓也既饮食之又实币帛筐篚以将其厚意然后忠臣嘉賓得尽其心矣【严氏曰古者上下交而为泰于鹿鸣诸诗见之】

序得诗意但未尽其用耳其說已见本篇

四牡騤騤【芳非反】周道倭【于危反】迟岂不懷归王事靡盬【音古】我心伤悲

赋也騤騤行不止之貌周道大路也倭迟回遠之貌盬不坚固也【董氏曰說文熬海为盐熬池为盬盬苦而易败故传以不坚训之】此劳使【并去声】臣之诗也夫【扶】君之使臣

臣之事君礼也故为臣者奔走于王事特以尽其职分之所当为而已何敢自以为劳哉然君之心则不敢以是而自安也故燕飧之际叙其情以闵其劳言驾此四牡而出使【去声】于外其道路之回远如此当是时岂不思归乎特以王事不可以不坚固不敢徇私以废公是以内顾而伤悲也臣劳于事而不自言君探其情而代之言上下之间可谓各尽其道矣【辅氏曰古之劳诗皆如此】传曰思归者私恩也靡盬者公议也伤悲者情思【去声】也【孔氏曰伤悲出自其情故曰情思情思即私恩正谓念忆父母也】无私恩非孝子也无公义非忠臣也君子不以私害公不以家事辞王事范氏曰臣之事上也必先公而后私君之劳臣也必先恩而后义

四牡騤騤咍咍【他丹反】骆【音洛】马【叶满补反】岂不懷归王事靡

盬不遑啓处

赋也咍咍众盛之貌白马黑鬣曰骆遑暇啓跪处居也【项氏曰古者席地故有跪有坐跪起身居则坐也严氏曰跪者双膝着地而直身坐者双膝着地而坐也李迂仲曰大意谓不遑暇居处耳辅氏曰我心伤悲既述其私恩之不能忘不遑啓处又述其公义之不可已所谓天理人情之至也】

翩翩【音篇】者鷖【当作佳朱惟反】载飞载下【叶后五反】集于苞栩【况甫反】

王事靡盬不遑将父【扶雨反】

兴也翩翩飞貌鷖夫不【弗平声】也今鹄鸪也凡鸟之短尾者皆佳属将养也翩翩者鷖犹或飞或下而集于所安之处今使人乃劳苦于外而不遑养【去声】其父此君人者所以不能自安而深以为忧也范氏曰忠臣孝子之行役未尝不念其亲君之使臣岂待其劳苦而自伤哉亦忧其忧如已而已矣此圣人所以感人心也【辅氏曰君之于臣能体悉之如此则臣之所以报上者又当如何哉古人事君得以展布四体而死生以之者亦以人君感之者无不尽其道也谢叠山曰忠孝不两全此人情之所难也先王劳使臣而言之及此探人情真切而言之也】

翩翩者鷖载飞载止集于苞杞【音起】王事靡盬不遑将

母【叶满彼反】

兴也杞枸【苟】櫪【计】也【严氏曰本草云根名地骨茎榦三五尺作丛诗中有三杞将仲子树杞柳属也南山有杞湛露杞棘山木也此诗苞杞四月杞檍北山言采其杞枸杞也辅氏曰上两章既述其私恩公义矣故三章四章又述其托物起兴而自道其不遑养亲之情】

驾彼四骆载骤【助救反】𨔵𨔵【侵寢二音】岂不懷归是用作歌

将母来谗【深审二音】

赋也駉駉貌谗告也以其不获养【去声】父母之情而来告于君也非使【去声】人作是歌也设言其情而劳【去声】之耳【谢叠山曰圣人以孝治天下闻有以养母来告者安得不俞其请乎此盖设言欲使人臣忠孝两全也孔氏曰臣有劳苦患上不知今君劳臣言汝曰岂不思归作歌来告是探其情以劳之】独言将母者因上章之文也【孔氏曰母以恩意偏多故承上章再言之范氏曰父至尊也母至亲也知母之亲则知父之尊矣卒章再言母本其恩所起以教爱也爱母则敬父矣敬父则尊君矣未有爱亲而不爱其君者也辅氏曰三四章既述其不得养亲之情矣此章又言其以是情而告于上所谓臣下不敢自言而君上探其情而为之言者详于私恩而略于公义君之劳臣当然也】四牡五章章五句

按序言此诗所以劳使臣之来甚协诗意【辅氏曰或已国使臣之归或诸侯使臣之来皆可用也】故春秋传亦云而外传以为章使臣之勤所谓使臣虽叔孙之自称亦正合其本事也【襄公四年左氏传曰穆叔如晋晋侯享之歌鹿鸣之三三拜韩献子使子员问之对曰鹿鸣君所以嘉寡君也敢不拜嘉四牡君以劳使臣也敢不重拜皇皇者华君教使臣曰必谂于周敢不重拜外传鲁语云叔孙穆子对曰鹿鸣君所以嘉先君之好也敢不拜嘉四牡君所以章使臣之勤也敢不拜章皇华君告使臣曰每懷靡及谏谋度询必咨于周敢不拜教】但仪礼又以为上下通用之乐疑亦本为劳使【三字并去声】臣而作其后乃移以他用耳【潘子善问曰鹿鸣四牡皇华仪礼皆以为上下通用之乐不知如君劳使臣王事靡盬之类庶人安得而用之曰乡饮酒亦用而大学始教宵雅肄三官其始也正谓习此盖入学之始须教他知有君臣之义始得愚按此诗始作本为劳使臣也其后又与鹿鸣之宴賓皇华之遣使者同为一时通用之乐而此诗中以王事为言则此三诗其皆作于武王以后也欤】序劳使臣之来也有功而见知则說矣

首句同上然其下云云者语疎而义鄙矣

皇皇者华【芳无反与失叶】于彼原隰駉駉【所巾反】征夫每懷靡及兴也皇皇犹煌煌也华草木之华也高平曰原下湿曰隰駉駉众多疾行之貌征夫使臣与其属也【孔氏曰使与上介众介也】懷思也此遣使臣之诗也君之使臣固欲其宣上德而达下情而臣之受命亦惟恐其无以副君之意也【辅氏曰惟恐无以副君之意此所以每懷靡及也苟存此意则谏谋度询必咨于周自不容已也程子曰遣使四方以观省风俗采察善恶访问疾苦宣道化于天下故为使者惟虑不能宣达也】故先王之遣使臣也美其行道之勤而述其心之所懷曰彼煌煌之华则于彼原隰矣此駉駉然之征夫则其所懷思常若有所不及矣【欧阳子曰言原隰者其道所经也每懷靡及者于事每思唯恐不及也】盖亦因以为戒然其辞之婉而不迫如此诗之忠厚亦可见矣【辅氏曰以为戒者即穆子所谓君教使臣之意夫欲以为教戒而不遂直言之乃设言言使臣之情自如此所谓婉而不迫也】

我马维驹【恭于恭侯二反】六轡如濡【如朱如由二反】载驰载驱【亏于亏由】

【二反】周爰咨諏【子須子侯二反】

賦也如濡鮮澤也周徧爰于也咨諏訪問也【李迂仲曰周爰咨諏徧于其所而詢問之】使臣自以每懷靡及故廣詢博訪以補其不及而盡其職也程子曰咨訪使臣之大務【歐陽子曰周詳訪問以博采廣聞不徒將一事而出也輔氏曰每懷靡及者心也諏謀度詢者事也有是心則有是事矣程子之意蓋謂人君正以耳目不得與遠民相接故遣使以宣已意而通下情爲之使者豈可不咨訪以副君意哉故后四章皆述此意而已】

我馬維騏【音其】六轡如絲【叶新賁反】載馳載驅周爰咨謀【叶莫】

【悲反】

賦也如絲調忍【音刃直也】也謀猶諏也變文以協韻爾下章放此【歐陽子曰諏謀度詢但叶韻爾詩家此类甚多陳少南曰穆叔言咨事爲諏咨難爲謀咨禮爲度咨親爲詢彼蓋敷衍文詞經旨不在是也】

我馬維駱六轡沃【烏毒反】若載馳載驅周爰咨度【待洛反】賦也沃若猶如濡也度猶謀也【愚按沃若有鮮澤之義故猶二章之如濡咨度則變文以叶韻故猶三章之咨謀也】

我馬維駟六轡既均載馳載驅周爰咨詢

賦也陰白雜毛曰駟【陰黑色孔氏曰雜毛是體有二種之毛相問雜】均調也詢猶度也

皇皇者華五章章四句

按序以此詩爲君遣使臣春秋內外傳皆云君教使臣其說已見前篇儀禮亦見鹿鳴疑亦本爲遣使臣而作其后乃移以他用也然叔孫穆子所謂君教使臣曰每懷靡及諏謀度詢必咨于周敢不拜教可謂得詩之意矣范氏曰王者遣使于四方教之以咨諏善道將以廣聰明也夫臣欲助其君之德必求賢以自助故臣能從善則可以善君矣臣能聽諫則可以諫君矣未有不自治而能正君者也【輔氏曰范氏說是余意夫君臣一體已不能咨諏善道則君亦安能聽用已言哉蘇氏曰四牡皇華先勞而后遣何也鹿鳴之三常施于禮樂不獨用于勞遣意者以其聲爲先后歟大雅氣象宏闊小雅雖各指一事然說得精切至到古人工歌宵雅之三將作重事近令孫子誦之則見其詩果是懇至如鹿鳴見得賓主相好之誠如德音孔昭以燕樂嘉賓之心情意懇切而不失義理之正四牡古注云無公義非忠臣也無私情非孝子也此語甚切當如既云王事靡盬又云不遑將父母皆是人情少不得底說得懇切如皇華首云每懷靡及其后便咨謀咨詢看此等詩不用小序意義自然明白】

序君遣使臣也送之以禮樂言遠而有光華也首句同上然詩所謂華者草木之華非光華也

常棣之华鄂【五各反】不韡韡【韦鬼反】凡今之人莫如兄弟【待礼反音体】

兴也常棣棣也子如樱桃可食【李迂仲曰何彼秾矣与论语言唐棣之华则尔雅所谓移也此常棣与采薇言维常之华则尔雅所谓棣也】鄂鄂然外见之貌不犹岂不也韡韡光明貌此燕兄弟之乐歌故言常棣之华则其鄂然而外见者岂不韡韡乎凡今之人则岂有如兄弟者乎【孔氏曰毛传以为常棣之木众华俱发实韡韡而光明故以兴兄弟范氏曰凡今之人言举世之人也莫如兄弟亲之至也辅氏曰只是以岂不韡韡兴岂有如兄弟一句耳】

死丧之威兄弟孔懷【叶胡威反】原隰裒【薄侯反】矣兄弟求矣赋也威畏懷思裒聚也言死丧之祸他人所畏恶【乌故反】惟兄弟为相恤耳至于积尸裒聚于原野之间亦惟兄弟为相求也此诗盖周公既诛管蔡而作故此章以下专以死丧急难鬪鬪之事为言其志切其情哀乃处兄弟之变如孟子所谓其兄闕【弯】弓而射【石】之则已垂涕泣而道之者【此诗是制礼作乐时作这是先被他害所以当天平定后更作此诗故其词哀切不似诸诗和平胡庭芳曰王氏云文武以来宴兄弟亦必有诗然鹿鸣四牡等篇词多和平惟常棣一篇词多激切意若有所惩创则周公因管蔡之事其后更为此诗无疑】序以为闵管蔡之失道者得之而又以为文武之诗则误矣大抵旧説诗之时世皆不足信举此自相矛盾【石準反】者以见其一端后不能悉辨也【辅氏曰二章至四章虽是周公处管蔡之变故以死丧急难鬪鬪之事为言然兄弟真切之情亦惟于此际而后见分晓若于安平之时观之则人或以为朋友与兄弟等耳先王之制朋友之服视兄弟故特言之】

脊【井益反】令【音零】在原兄弟急难【叶泥治反】每有良朋况也永

叹【吐丹反叶它防反】

兴也脊令鹼渠水鸟也【陆机曰大如鸚雀长脚长尾尖喙背上青灰色腹下白颈上黑如连钱】况发语词或曰当作况【况上声】脊令飞则鸣行则摇有急难之意故以起兴【程子曰脊令首尾相应急难之际兄弟相应如是也丘氏曰脊令飞则鸣行则摇不少自止犹兄弟在急难中其心亦不少自止濮氏曰小宛题彼脊令载飞载鸣亦言于兄弟之诗】而言当此之时虽有良朋不过为【去声】之长叹息而已力或不能相及也东莱吕氏曰疎其所亲而亲其所疎此失其本心者也故此反覆言朋友之不如兄弟盖示之以亲疎之分【去声】使之反循其本也【苏氏曰人之急难相救不舍斯须如脊令者唯兄弟也虽有良朋其甚者不过为之长叹息而已小人好以亲为怨而乐从其疎故此诗每以告之】本心既得则由亲及疎秩然有序兄弟之亲既笃朋友之义亦敦矣初非薄于朋友也苟杂施而不孙【去声】虽曰厚于朋友如无源之水朝满夕除胡可保哉或曰人之在难【去声】朋友亦可以坐视与曰每有良朋况也永叹则非不忧悯但视兄弟急难为有差等耳诗人之词容有抑扬【李迂仲曰以天属之亲故急难之际能尽其兄弟之恩也然则朋友之义可废乎曰非也亲疎之义则然乡人鬪者闭户可也同室鬪者被髮纓冠而救之亲疎之义如此】然常棣周公作也圣人之言小大高下皆宜而前后左右不相悖【音佩】

兄弟阋【许歷反】于墙外御其务【春秋传作侮罔甫反】每有良朋烝

【之承反】也无戎【叶而主反】

赋也阋鬪狠也御禁也烝发语声戎助也言兄弟设有不幸鬪狠于内然有外侮则同心御之矣虽有良朋岂能有所助乎【王介甫曰狠于内非令兄弟也然及其御侮则虽每有良朋曾不如不令之兄弟之可恃也】富辰曰兄弟虽有小忿不废懿亲【僖公二十四年左氏传注曰懿美也言内虽不和犹宜外扞异族之侵侮国语富辰谏襄王曰古人有言曰兄弟谗阋侮人百里注云阋狠也兄弟虽以谗言相违狠犹禁他人侵侮已者百里谕遠也辅氏曰死防相防急难相救固足以见兄弟之情矣至于方且鬪阋于内而忽有外侮则同心而禁御之则尤见其情之不容已者朋友于此则岂能如兄弟之相助乎】

丧乱既平既安且寧虽有兄弟不如友生【叶桑经反】赋也上章言患难之时兄弟相救非朋友可比【愚按经文所谓丧乱者通言二章之死丧三章之急难四章之外侮也集传所谓非朋友可比者虽言三章之良朋永叹四章之良朋无助然二章之所谓懷与求者亦非朋友所能及也】此章遂言安寧之后乃有视兄弟不如友生者悖理之甚也【苏氏曰人居丧乱既平之后不知前日兄弟之可恃而以至亲相责望则兄弟易以生怨故有以为朋友贤于兄弟者】侯【寘反】尔筵豆饮酒之饫【于虑反】兄弟既具和乐【音洛】且

孺

赋也侯陈饫餼具俱也孺小儿之慕父母也【程子曰孺亲慕之义小儿亲慕父母故谓之孺子】言陈筵豆以醉饱而兄弟有不具焉则无与共享其乐矣【谢叠山曰凡人饮燕待亲戚朋友之礼常盛待兄弟之礼常简爱有余者敬或不足顔情稔熟者礼文有时而脱略也筵豆毕陈饮酒而至于餼饫亦可乐矣何如防集兄弟不惟和乐其情亲义厚无异于孺子相慕也孺子之无不爱其亲无不敬其兄者人欲未萌天理昭著也】

妻子好【呼报反】合如鼓瑟琴兄弟既翕【许及反】和乐且湛

【答南反叶持林反】

赋也翕合也言妻子好合如琴瑟之和而兄弟有不合焉则无以久其乐矣【谢叠氏曰兄弟不和则家庭之间无非乖气虽有妻子之乐亦不安其乐矣惟兄弟和乐则一家之情无不相宜妻子之乐亦可长久蓋天合者防有乖睽人合者亦不得康寧也李迂仲曰兄弟既翕必先于妻子者人之壮也各妻其妻各子其子兄弟之所以乖争者未必不本于此若不能敦兄弟之爱则虽家室妻孥必不能久相乐也苏宜久问六章七章就他逸乐时良心发处指出谓酒食备而兄弟有不具则无以共其乐妻子合而兄弟有不翕则无以久其乐蓋居患难则人情不期而相亲故天理常易复处逸乐多为物欲所转移故天理常隱而难寻故卒章有是究是图亶其然乎之语反覆玩味真能使人孝友之心油然而生也曰此所谓生于忧患死于逸乐

那二章正是遏人欲而存天理须是恁地看辅氏曰二章至四章言急难危殆之时惟兄弟为能相救六章七章又言燕乐和平之际无兄弟则亦无与共享而久安之反覆而言则兄弟之情相与切至而不可解者自见矣】

宜尔室家【叶古胡反】乐尔妻帑【音奴】是究是图亶其然乎【就用】

【乎字为韵】

赋也帑子究穷图谋亶信也 宜尔室家者兄弟具而后乐且孺也乐尔妻帑者兄弟翕而后乐且湛也兄弟于人其重如此试以是究而图之岂不信其然乎东莱吕氏曰告人以兄弟之当亲未有不以为然者也苟非是究是图实从事于此则亦未有诚知其然者也不诚知其然则所知者特其名而已矣凡学盖莫不然【王晦叔曰人情皆知保其室家私其妻子而罕知厚其兄弟然兄弟不咸以至毁其室家危其妻子者有之矣管蔡是也今欲室家之相宜妻子之相乐岂可独忘兄弟哉诚能穷究乐妻子之理以图谋好兄弟之事必以我言为然常人思虑不能及遂以为兄弟亲疎无甚损益患其浅陋而不信故使深思而远图之也辅氏曰俟尔笾豆饮酒之饫然兄弟不具则虽和乐而无亲慕之意妻子好合如鼓瑟琴然兄弟不翕则虽和乐而无不厌之诚然则兄弟之具翕是乃所以宜尔室家乐尔妻帑也此理固当是究是图而信其然矣乎疑辞也不自以为然而使之反求诸心以见其真情实理之所在周公亦可谓善教人者也又观周公之言如此则其所以诛管蔡者是岂不得已者乎所谓处圣人之不幸也】常棣八章章四句

此诗首章略言至亲莫如兄弟之意次章乃以意外不测之事言之以明兄弟之情其切如此三章但言急难则浅于死丧矣至于四章则又以其情义之甚薄而犹有所不能已者言之其序若曰不待死丧然后相收但有急难便当相助言又不幸而至于或有小忿犹必共御外侮其所以言之者虽若益轻以约而所以着夫兄弟之义者益深且切矣【辅氏曰自死丧而急难自急难而小忿所谓言之虽若益轻以约也然所以着夫兄弟之义者则自厚而至于薄虽薄而犹有不能自己者焉则所谓益深且切矣】至于五章遂言安寧之后乃谓兄弟不如友生则是至亲反为路人而人道或几乎息矣故下两章乃复极言兄弟之恩异形同气死生苦乐无适而不相须之意卒章又申告之使反复穷极而驗其信然可谓委曲渐次說尽人情矣读者宜深味之【程子曰此诗句少而章多章多所以极其郑重句少则各陈一事故也愚按五章言丧乱既平以结二章三章四章所言患难相与之意而继言安寧之后兄弟之恩乃有疎薄者以起六章七章所陈兄弟之恩无适而不相须之意卒章又以宜室家结六章所言乐妻帑结七章所言而复继言其理之诚然使人有以考驗之也诗凡八章惟卒章无兄弟字余章反覆言兄弟者凡八其言人情之曲折天伦之厚重者哀伤激切故不若其他宴乐兄弟乐歌之和平也】

序燕兄弟也闵管蔡之失道故作常棣焉序得之但与鱼丽之序相矛盾以诗意考之蓋此得而彼失也国语富辰之言以为周文公之诗亦其明驗但春秋传为富辰之言又以为召穆公思周德之不类故纠合宗族于成周而作此诗二书之言皆出富辰且其时去召穆公又未远

不知其說何故如此【孔氏曰外传云周文公之诗曰兄弟阋于墙外御其侮则此诗自是周公所作但召穆公虎见厉王之时兄弟恩疏重歌此周公之诗以亲之耳故郑氏答赵商云凡赋诗者或造篇或诵古】杜预以作诗为作乐而奏此诗恐亦非是

伐木丁丁【陟耕反】鸟鸣嚶嚶【于耕反】出自幽谷迁于乔木嚶其鸣矣求其友声相【息亮反】彼鸟矣犹求友声矧伊人矣不求友生【叶桑经反】神之聽之终和且平

兴也丁丁伐木声嚶嚶鸟声之和也幽深迁升乔高相视矧况也此燕朋友故旧之乐歌故以伐木之丁丁兴鸟鸣之嚶嚶而言鸟之求友遂以鸟之求友喻人之不可无友也人能笃朋友之好【去声】则神之聽之终和且平矣【陈少南曰闻伐木于山中者其声丁丁然相应又闻鸟鸣于山间嚶嚶然和者相随出于幽谷而迁高木聽其和好之声则是以类相求因起兴而曰相视彼鸟犹如此人其可不知乎问神之聽之终和且平曰若能尽其道于朋友虽鬼神亦必聽之相之而锡之以和平之福又曰杨氏云五品天叙人之大伦也朋友居一焉故谓之达道不由其道则人伦废而天理灭得罪于天矣其能终和且平乎】

伐木许许【呼古反】酺【所宜反】酒有藇【象吕反】既有肥羜【直吕反】

以速诸父【扶雨反】寧适不来防我弗顾【叶居五反】于【音乌】粢酒【所懈反】埽【苏报反叶苏吼反】陈馈八簋【叶已有反】既有肥牡以速诸舅【其九反】寧适不来防我有咎【其九反】

兴也许许众人共力之声淮南子曰举大木者呼邪【余遮反】许盖举重劝力之歌也【愚按淮南子道应训章翟煎对梁惠王曰夫举大木者前呼邪许后亦应之诗攷曰韩诗云劳者歌其事也】酺酒者或以筐或以草涕【跻上声】之而去【上声】其糟也礼所谓缩酌用茅是也【问缩酌用茅恐茅乃以酹曰某亦疑今人用茅缩酒古人刍狗乃酹酒之物则茅之缩酒乃今人酹酒也想古人不肯用绢帛故以茅缩酒也】藇美貌羜未成羊也【尔雅注曰俗呼五月羔为羜】速召也诸父朋友之同姓而尊者也【毛氏曰人君友其贤臣孔氏曰称之以父亲亲之辞也天子呼诸侯同姓大国曰伯父同姓小国曰叔父】防无顾念也于叹辞粢鲜明貌八簋器之盛也【刘执中曰簋八则笾豆倍之天子燕礼之数】诸舅朋友之异姓而尊者也【孔氏曰天子呼诸侯异姓大国曰伯舅小国曰叔舅】先诸父而后诸舅者亲疎之杀【所界反】也咎过也言具酒食以乐朋友如此寧使彼适有故而不来而无使我恩意之不至也【范氏曰寧适不来岂必期其至哉不来在人弗顾在我躬自厚而不责于人也】孔子曰所求乎朋友先施之未能也此可谓能先施矣【辅氏曰防我弗顾言无使我恩意之不至而不顾念夫朋友也防我有咎言无使我恩意之不至而于朋友之义有过失也夫朋友之隙常生于递相责望故此诗之意但欲尽其在我者而不问其彼之于我何如是诚处朋友之要道也】

伐木于阪【叶孚旁反】酺酒有衍笾豆有踐【在演反】兄弟无遠

民之失德干糒【音侯】以愆【叶起浅反】有酒湑【思吕反】我无酒醑【音古】我坎坎鼓我蹲蹲【七句反】舞我迨【音待】我暇【叶后五反】矣饮此湑矣

兴也衍多也践陈列貌兄弟朋友之同侪者无远皆在也先诸舅而后兄弟者尊卑之等也【愚按诗言兄弟多矣郑风扬之水婚姻之党唐杜常棣頍弁斯干行苇等篇同气之亲也此诗则同侪之友也各随所指不同耳】干糒食之薄者也【严氏曰干糒干食公刘乃裹糒粮王制干豆注谓腊之以为豆实】愆过也湑亦酺也【毛氏曰以筐曰酺以藪曰湑孔氏曰筐竹器也藪草也酺酒者或用筐或用草于今犹然】酺买也坎坎击鼓声蹲蹲舞貌【谢叠山曰湑我我湑之也酺我我酺之也鼓我我鼓之也舞我我舞之也此八字皆例下句法可见占文之妙也】迨及也言人之所以至于失朋友之义者非必有大故或但以干糒之薄不以分人而至于有愆耳故我于朋友不计其有无但及闲暇则饮酒以相乐也【程子曰有盛具当以燕乐朋友无相疎远或干糒不相及亦人之失德也故有酒则我酺之无酒则我酺之以至鼓舞我为之我及暇时则相与燕饮以笃恩意苏氏曰民之失德干糒相譴故君子于其朋友故旧无所爱者有则湑之无则酺之不以有无为辞也奏之以鼓重之以舞尽其有以乐之也辅氏曰民之失德干糒以愆曰民则自上言下之辞言细民之相失或以薄物饮酒不以相分之故盖前章既言其厚故此章又以薄者言之且干糒之愆亦防过耳于防过而尤不敢不谨则其大者可知矣】

伐木三章章十二句

刘氏曰此诗每章首辄云伐木凡三云伐木故知当为三章旧作六章误矣今从其说正之【问伐木大意皆自言待朋友不可不加厚之意所以感发之也曰然】

序燕朋友故旧也自天子至于庶人未有不须友以成者【辅氏曰盖以朋友为人伦之一不可以贵贱尊卑间也】亲亲以睦友贤不弃不遗故旧则民德归厚矣

天保定尔亦孔之固俾尔单【音丹】厚何福不除【直虑反】俾尔多益以莫不庶

赋也保安也尔指君也【欧阳子曰诗人尔其君者盖称天以为言刘辰翁曰诗人尔君虽古人尔汝之常抑非此无以着其亲爱淳至之情也】固坚单尽也除除旧而生新也【程子曰除更新也日进之义】庶众也人君以鹿鸣以下五诗燕其臣臣受赐者歌此诗以答其君言天之安定我君而使之获福如此也【王介甫曰君恩至重臣虽有犬马之劳不足以上答唯称其福禄以报之此出于驩心而不强以为者也辅氏曰此章言天之安定我君亦甚坚固也使我君无不极其单厚其于福祉无不见其除旧而生新也使我君多见其悠久之益以莫不庶便见其盛大之意终篇不过是此二意也愚按鹿鸣以下五诗所言非同一事所歌非同一时所宴非同一臣而其臣之答之则唯同歌此诗者盖凡臣子之祝报其君唯愿其福禄寿考而已试取前五诗分而读之而各以此诗答之尤可见其一时君臣相与殷勤忠厚之意】

天保定尔俾尔戩【子浅反】谷罄无不宜受天百禄降尔

遐福维日不足

赋也闻人氏【名滋】曰戩与翦同尽也谷善也尽善云者犹其曰单厚多益也罄尽遐远也尔有以受天之禄矣而又降尔以福言天人之际交相与也书所谓昭受上帝天其申命用休语意正如此【辅氏曰此章又言天使我君无不尽善云为动作左右前后无不宜适而亦既受天之百禄矣而天之所以申命其悠久之福者方且维日不足也罄无不宜受天百禄者已然之事也降尔遐福维日不足方来之事也欧阳子曰既曰何福不除矣又曰俾尔戩谷矣又曰无所不宜而受天百禄又曰降尔遐福其所以殷懃重复如此而犹曰维日不足也愚按人君之对越上天者既能有以受百禄矣而天之眷人君者又降遐福而维日不足其所以交相与者如此固与大禹赞舜所谓昭受申命之意相类且与嘉乐之诗所谓宜民宜人受禄于天保佑命之自天申之语意正同盖此诗歌于宴享之际以荅前诗嘉乐歌于绎祭之日以荅鳧鹭皆祝愿人君之辞也】

天保定尔以莫不兴如山如阜如冈如陵如川之方

至以莫不增

赋也兴盛也高平曰陆大陆曰阜大阜曰陵皆高大之意也【董氏曰尔雅山脊曰冈大阜曰陵则冈为山之高者陵为阜之大者此日进而不已也】川之方至言其盛长之未可量也【欧阳子曰此又欲其国家兴盛如山阜冈陵之高大如川流之浸长而又增之吕与叔曰上章言受百禄降遐福此莫不庶也既庶矣则欲积累至于崇高故曰以莫不兴如山阜冈陵言其兴也既兴矣欲增益而不绝故曰以莫不增如川方至言其增也】

吉蠲【古 反】为饔【尺志反】是用孝享【叶虚良反】禴【余若反】祠烝尝

于公先王君曰卜尔万寿无疆

赋也吉言諏【徂】日择士之善蠲言齐戒涤濯之洁【愚按諏日者君臣諏谋祭日于旬有一日之先至次日乃卜所諏之日吉否如少牢馈食大夫先与有司諏丁巳之日至明日乃筮其日之吉凶也择士者大射于射宫以选与祭之士齐戒谓七日齐三日戒之类涤濯谓溉濯祭器扫除宗庙之类】饔酒食也享献也宗庙之祭春曰祠夏曰禴秋曰尝冬曰烝【孔氏曰自殷以上则禴禘烝尝王制文也周去夏禘以春禴当之更名春曰祠尔雅注曰祠之言食祔新菜可禴尝尝新谷烝进品物刘辰翁曰禴祠烝尝各倒一字此音节也】公先公也谓后稷以下至公叔祖类也先王大王以下也【郑氏曰先公谓后稷至诸 音绸传数世而公叔祖类生古公亶父即太王古公亶父之父世本作太公组紺诸 三代世表作叔类孔氏曰周之所追王太王以下太王之前皆为先公问古无追王之礼武王周公以王业肇于太王王季文王故追王三王至于组紺以上则止祀以先公之礼曰然周礼祀先王以衮冕祀先公以鷩冕鷩冕诸侯之服但乃是天子祭先公之礼耳】君通谓先公先王也卜犹期也此尸传神意以嘏主人之词【孔氏曰少牢礼云皇尸命工祝承致多福无疆于女孝孙之等是传神辞嘏

主人也欧阳子曰此章又言非惟天之福我君如此至于四时丰洁酒食祀其先公先王而神亦降之福】文王时周末有曰先王者此必武王以后所作也【愚按此诗所以答前五篇然则前五诗亦作于武王以后明矣】

神之吊【都歷反】矣诒【以之反】尔多福【叶笔力反】民之质矣日用

饮食羣黎百姓徧为尔德

赋也吊至也神之至矣犹言祖考来格也诒遗【去声】质实也言其质实无伪日用饮食而已【王介甫曰民无所施其智巧也日用饮食而已】羣众也黎黑也犹秦言黔首也百姓庶民也为尔德者则而象之犹助尔而为德也【彭氏曰神诒之多福民及百姓皆被及之日用饮食则丰富充足徧为尔德则孝弟忠信蓋上有多福之君则下受多福之庇也始言民继言羣黎百姓广而言之正修己安人安百姓之意也范氏曰君所以为神民之主神则降福民则日用饮食而不知所以然羣黎百姓皆为君德此君人者之至愿也严氏曰此祝君之福而祝君之德归美之中有责难者寓若尽言福祿则全篇皆容悦之辞岂古者君臣相与之义邪凡诗人颂福多兼德言之又曰德者民心所自得而曰徧为尔德者民因君而全其天故民之德皆君之德犹曰莫匪尔极也辅氏曰民之质矣日用饮食则言在下之民由而不知之意以见其君之德存神过化民皆由之而不知但质实无伪日用饮食而已凡动静作止无不在其君德化之中其所为者蓋莫非君之德也正如洪范五皇极所谓凡厥庶民于汝极锡汝保极之意郑氏所谓则而象之先生所谓犹助汝为德之意皆在其中矣愚按此承上章祭祀而言神之降福推而至于民之质实百姓之为德莫非君之福也亦莫非君之德也所谓德者其一篇之本领欤】

如月之恒【胡登反】如日之升如南山之寿不骞【起防反】不

崩如松柏之茂无不尔或承

赋也恒 升出也月上 而就盈【孔氏曰八日九日月体大率正半昏而中似弓之张而直谓之上 也此取渐进之义故云上 不言望】日始出而就明骞亏也承继也言旧叶将落而新叶已生相继而长茂也【问承是继承相接续之义如何曰松柏非是叶不凋但旧叶凋时新叶已生木犀亦然欧阳子曰前既欲其兴盛则又欲其永久故多引常久不壞之物以为况吕与叔曰上言神享之矣民服之矣福祿无以加矣又欲常享是福有进而无退有成而无亏相承而无衰故以日月南山松柏喻焉辅氏曰此章则又言其进盛悠久相继无穷之意而已】

天保六章章六句【欧阳子曰六章皆下爱其上之辞其文甚显而易明大抵文意重复以见其爱上深至如此耳程子曰天保诗盛陈人君受天之祐福祿之厚蒙被臣民由君德之所致也潘子善曰一章至三章皆人臣颂祝其君之言然辞烦而不杀者以其爱君之心无已也四章则以祭祀先王先公为言五章则以徧为尔德为言蓋谓人君之德必上无愧于祖考下无

愧于斯民然后福祿愈遠而愈彰故末章終之以无不尔或承董叔重云蓼蕭詩云令德壽豈亦是此意蓋人君必有此德而后可以稱是福也】

序下報上也君能下【去聲】下【如字】以成其政臣能歸美以報其上焉

序之得失與鹿鳴相似【臣歌天保詩答上五詩之燕之說序略得詩意而古注言鹿鳴至伐木皆君所以下其臣臣亦歸美于上崇君之尊而福祿之以答其歌却說得尤分明】

采薇采薇薇亦作【叶則故反】止曰歸曰歸歲亦莫【音慕】止靡室靡家【叶古乎反】玁狁【音險】玁【音允】之故不遑起居玁狁之故【愚按此章作與慕故叶薇與歸叶家又與居叶】

興也薇菜名作生出土也【劉執中曰謂芽初出土】莫晚靡無也玁狁北狄也遍暇啓跪也此遣戍役之詩【彭氏曰止言遣戍役而不及將帥何也四郊多圉卿大夫之辱也士大夫以體國為心固有不得待勉者至于小民之愚或以為上之苦我固不可無辭以遣之也若夫師還之日皆從而勞之聖人忠厚之意也】以其出戍之時采薇以食而念歸期之遠也故為其自言而以采薇起興曰采薇采薇則薇亦作止矣曰歸曰歸則歲亦莫止矣【嚴氏曰雖托為軍士自計之辭亦因示歸期以安其心】凡此所以使我舍【上聲】其室家而不暇啓居者非上之人故為是以苦我也直以玁狁侵陵之故有所不得已而然耳蓋叙其勤苦悲傷之情而又風【諷】以義也【輔氏曰薇之作是始出戍時也歲之莫是來歲歸時也此章言其始行之情故云靡室靡家不遑啓居知其為玁狁之故則上之遣我者出于不得已而我之義亦有所不容已也此所謂風之以義愚按不遑起居則勤苦矣曰歸曰歸靡室靡家則悲傷矣此所以叙其私情也一則曰玁狁之故二則曰玁狁之故又因風以公義也一詩之中唯以私情公義反覆為言所以感人者深矣】程子曰毒民不由其上則人懷敵愾【慨】之心矣【輔氏曰程子此言萬世用兵之定法順之則吉悖之則凶】又曰戍役兩朞而還今年春莫行明年夏代者至復【阜】留備秋至過十一月而歸又明年中【仲】春至春暮遣次戍者每秋與冬初兩番戍者皆在疆圉如今之防秋也【許益之曰防秋宋遣戍之名熊剛大曰北狄畏暑耐寒又秋氣折膠則弓弩可用故秋冬易為侵暴每留屯以防之】

采薇采薇薇亦柔止曰歸曰歸心亦憂止忧心烈烈

載飢載渴【叶巨烈反】我戍未定靡使歸聘

興也柔始生而弱也【李迂仲曰始遣戍時薇始生其后薇長而柔又其后薇壯而剛以見天時之變爾】烈烈憂貌載則也定止聘問也言戍人念歸期之遠而憂勞之甚【蘇氏曰內憂歸期之遠而外為飢渴之所困亦甚病矣】然戍事未已則無人可使歸而問其室家之安否也【輔氏曰此章言其在路之情故曰忧心烈烈載飢載渴凡人在道路時飢渴固有所不免故卒章言其歸路之情亦曰載渴載飢我戍未定靡使歸聘言我行猶未至戍所則固無人可使歸問其室家之訊也戍者勤苦之情大概最切者有四一則有舍其室家之悲二則有不遑

啓居之劳三则有载饥载渴之苦四则有不得其家音信之忧故此诗于首两章备道此四事以慰之愚按此章曰归而心忧载饥复载渴其私情亦甚苦矣然我戍未定而靡使归聘则公义以为重也】

采薇采薇薇亦刚止曰归曰归歳亦阳止王事靡盬

不遑啓处忧心孔疚【叶讫力反】我行不来【叶六直反】

兴也刚既成而刚也阳十月也时纯陰用事嫌于无阳故名之曰阳月也【程子曰疑于无阳故谓阳月然何时无阳如日有光之类蓋陰阳之气有常存而不移者有消长而无穷者问十月何以为阳月曰剥尽为坤复则一阳生也复之一阳不是顿然便生乃自坤卦积来如一月三十日以复之一阳分作三十分从小雪后一日生一分到十月半一阳始成以此见天地无休息孔氏曰十月名为阳君子爱阳而恶陰也四月秀萋靡草死岂无陰乎明陰阳常兼有也】孔甚疚病也来归也此见士之竭力致死无还心也【刘执中曰言将帅与役者勇于报国而不敢顾其亲也程氏曰归期须歳之阳王事不可盬也故啓处不遑忧心虽甚病我行不可归也辅氏曰忧心孔疚切于仁也我行不来安于义也情与理并行不相悖也愚按此章后四句既风以义而叙其情又叙其情而风以义】

彼尔维何维常之华【芳无胡 二反】彼路斯何君子之车【斤于】

【尺奢二反】戎车既驾四牡业业岂敢定居一月三捷

兴也尔华盛貌常常棣也路戎车也君子谓将帅也【孔氏曰乘路车而称君子故知谓将帅得称路者左传郑子驩叔孙豹王赐之大路是卿车得称路也】业业壮也捷胜也彼尔然而盛者常棣之华也彼路车者君子之车也戎车既驾而四牡盛矣则何敢以定居乎庶乎一月之间三战而三捷矣【程子曰四章五章皆劝以义也辅氏曰既言其情又言其义则体之者切而风之者深矣夫所谓风之者亦非是当时之人初无此意而上之人特为此以风励之也此亦皆戍卒之本情但圣人能通其志耳上之人能通其志如此则下之人亦皆以上之心为心可知矣】

驾彼四牡四牡騤騤【求 反】君子所依小人所腓【符非反】

四牡翼翼象弭【弥氏反】鱼服【叶蒲北反】岂不日戒【叶讫力反】玁狁孔棘

赋也騤騤强也依犹乘也非犹茈也程子曰腓随动也如足之腓足动则随而动也【吳伯丰曰传曰腓犹茈也又引程子曰腓随动也如足之腓足动则随而动也某按易咸传曰腓足肚行则先动足乃举之非如腓之自动也易本义亦曰欲行则先自动由程子前說观之则腓为随足以动之物由后二說观之则腓为先足而动明矣不当引之以解此诗之义不若犹茈之得也生民诗牛羊腓字之传亦以腓为庇若施于此诗与上文君子所依意义亦相类也先生

曰此非大义所系今详两說诚不合当删去然板本已定只于补說中說破可也又百卉具腓又有他训不知此字竟是何义】翼翼行【杭】列整治之状象弭以象骨饰弓弣【音消又帅交反弓末也】也【严氏曰左传云左执鞭弭曲礼云右执萧萧弭头即受 处以象齿饰之则 之上下不至齟齬也】鱼兽名似猪东海有之其皮背上斑文腹下纯青可为弓鞬矢服也【鞬建平声弓衣也】戒警棘急也言戎车者将帅之所依乘戍役之所芘倚【刘执中曰君子则依之以为备御也小人则腓之以为进退也严氏曰遣将率戍役同歌是诗故以君子小人兼言】且其行列整治而器械精好如此【程子曰器械弭服是也】岂不日相警戒乎玃狁之难【去声】甚急诚不可以忘备也【陈少南曰玃狁孔棘宜若仓皇不暇为计矣方且优防暇豫作歌诗以导达其诚心此所以旌旗变色士卒生气也愚按此及上章皆托为军士自言车马器械之盛备而于章末专以公义为言所以美之所以风之也】

昔我往矣杨柳依依今我来思雨雪霏霏【芳菲反】

行道迟迟载渴载饥我心伤悲莫知我哀【叶于希反】

赋也杨柳蒲柳也霏霏雪甚貌迟迟长遽也此章又设为役人预自道其归时之事以见其勤劳之甚也【严氏曰杨柳依依即首章采薇之时雨雪霏霏即首章歲亦莫止首尾中言亦丁寜以安其心也程子曰春而往冬而还行遽而时久言行道迟迟则见归思之切也辅氏曰昔我往矣杨柳依依则始去之时二月也今我来思雨雪霏霏则来年得归之十二月也路之长遽身之饥渴是亦劳苦之甚而伤悲之极也莫知我哀此句尤切夫上之人既已述其情之如此则其知之可谓尽矣而犹曰莫知我哀可见其体悉之心无有穷极也且于其遣戍之初而遽言及此则亦不忧上之人不知我矣】程子曰此皆极道其劳苦忧伤之情也上能察其情则虽劳而不怨虽忧而能励矣【胡庭芳曰王氏云人情所患莫切于行役之劳饥渴之害故中心伤悲而莫有知其哀者则几于不得其所而无所告诉今歌诗遣之述其勤苦则人不知其哀而上知之此君子能尽人之情故人忘其死也李迂仲曰遣之而谓莫知我哀则知之者深矣愚按此章预道其往反劳苦忧伤之甚又专叙其情以为终也】范氏曰予于采薇见先王以人道使人后世则牛羊而已

采薇六章章八句【潘子善问首章言征夫之出蓋以玃狁不可不征故舍其室家而不遑寧处二章则既出而不能不念其家三章则竭力致死而无还心蓋不复念家矣四章五章则惟勉于王事而欲成战伐之功也卒章则言事成之后极陈其劳苦忧伤之情也其序恐如此曰雅者正也乃王公大人所作皆有次序而文意不苟极可玩味风则成于妇人小子之口故但可观其大略耳谢叠山曰采薇一诗见先王仁厚之至所谓体羣臣所谓本人情所谓說以使民民忘其劳当以东山诗合观】

序遣戍役也文王之时西有昆夷之患北有玃狁之难以天子之命命将帅遣戍役以守卫中国故歌采薇以遣之出车以劳还杖杜以勤归也

此未必文王之诗以天子之命者衍說也

我出我车于彼牧【叶莫狄反】矣自天子所谓我来【叶六直反】矣召彼仆夫谓之载【叶节力反】矣王事多难【乃旦反】维其棘矣赋也牧郊外也自从也天子周王也仆夫御夫也此劳【去声】还【旋】率【帅】之诗追言其始受命出征之时出车于郊外而语【去声】其人曰我受命于天子之所而来于是乎召御夫使之载其车以行而戒之曰王事多难【去声】是行也不可以缓矣【欧阳子曰南仲为将始驾戎车出至于郊则称天子之命使我来将此众遂戒其仆夫以趋王事之急难谢叠山曰此章有尊敬王命之礼有忧勤王事之义有整暇勇决之才有奔走犯难之忠严氏曰一章述其前时之忠敬以慰劳之也辅氏曰前四句则所以承乎上者严且重矣后四句则所以饬乎下者厉且敏矣】

我出我车于彼郊【叶音高】矣设此旐【音兆】矣建彼旐【音毛】矣

彼旐【音余】旐斯胡不旆旆【叶蒲寐反】忧心悄悄仆夫况瘁【似醉反】赋也郊在牧内【愚按都城外五十里为近郊百里为远郊也】盖前军已至牧而后军犹在郊也【丘氏曰将言建旐设旐之事又本出车言之也】设陈也 蛇曰旐建立也旐注旐于旗干之首也鸟隼曰旐鸟隼 蛇曲礼所谓前朱雀而后 武也【周礼图注曰考工记云鸟隼七旐以象鹵火画朱雀与隼以示勇捷沈存中云朱雀莫知何物但谓鸟而朱者然天文家朱鸟乃取象于鹵如鹵首鹵尾鹵火是也 武谓 蛇也位在北方故曰 身有鳞甲故曰武】杨氏曰师行之法四方之星各随其方以为左右前后【记曲礼曰前朱雀而后 武左青龙而右白虎郑氏云以此四兽为军陈象天也】进退有度各司其局【郑氏曰度谓伐与步数局部分也】则士无失伍离次矣旆旆飞扬之貌【严氏曰生民荏苒旆旆亦扬起也】悄悄忧貌况兹也或云当作怵【况土声】言出车在郊建设旗帜【炽】彼旗帜者岂不旆旆而飞扬乎但将帅方以任大责重为忧而仆夫亦为之恐惧而憔悴耳【胡不犹言遐不言岂不旆旆乎但我自忧心悄悄而仆夫又况悴耳辅氏曰兵陰事也必如此然后与陰气合而严重方整为谋必深图功必成不然轻佻率易殆同儿戲耳乌能有所为哉】东莱吕氏曰古者出师以丧礼处之命下之日士皆泣涕夫子之言行三军亦曰临事而惧皆此意也【谢叠山曰子行三军必也临事而惧兵凶器战危事不可以易心处之为将帅者忧心则悄悄为仆夫者情况则憔悴皆临事而惧善于用兵也黄直卿曰临事而懷惧则有持重谨畏之心此诚行军法也严氏曰二章述其前时之戒惧以慰劳之也】

王命南仲往城于方出车彭彭【叶铺郎反】旐旐央央【于良反】

天子命我城彼朔方赫赫南仲玁狁于襄

赋也王周王也南仲此时大将也方朔方今灵夏等州之地【毛氏曰近玁狁之国也愚按即今甘肃省寧夏路灵州等处之地】彭彭众盛貌交龙为旐此所谓左青龙也央央鲜明也赫赫威名光显也襄除也或曰上也与懷山襄陵之襄同【蔡九峯曰襄驾出其上也】言胜之也东莱吕氏曰大将传天子之命以令军众于是车马众盛旐旐鲜明威灵焰赫然动人矣兵事以哀敬为本而所尚则威二章之戒惧三章之奋扬并行而不相悖也【辅氏曰言大将传天子之命以令军众而三军之众亦方知其所以出师之意在于城朔方以拒玁狁矣理直

义明故车马为之壮盛旗帜为之鲜明而大将南仲之威名亦随之而显赫虽未临乎朔方而逆知玁狁之难于是而可除矣有前章之戒惧然后有此章之奋扬所谓静翁而动辟自然之理也【程子曰城朔方而玁狁之难除御戎狄之道守备为本不以攻伐为先也【程子曰此章指元帅之名以显其城朔方之功也愚按此上三章皆本于公义以劳之也】

昔我往矣黍稷方华【叶芳无反】今我来思雨【于付反】雪载涂

王事多难不遑啓居岂不懷归畏此简书

赋也华盛也涂冻释而泥涂也【孔氏曰雪落而释为泥涂】简书戒命也隣国有急则以简书相戒命也或曰简书策命临遣之词也【潘子善问二説曰后説为长当以后説载前前説只据左氏简书同恶相恤之谓然此天子之所戒命不得谓之隣国也孔氏曰古者无纸若有事则书之于简谓之简书】此言其既归在涂而本其往时所见与今还时所遭以见其出之久也东莱吕氏曰采薇之所谓往遣戍时也此诗之所谓往在道时也采薇之所谓来戍毕时也此诗之所谓来归而在道时也【胡庭芳曰王氏云黍稷方华季夏时也雨雪载涂春冻始释时也玁狁在北昆夷在西是谓多难故下章序伐西戎之功刘执中曰王事多难言玁狁虽衰而西戎又入也自此而西不遑起居也辅氏曰此章述其往来时久启处不遑之情且曰当时非不思归也畏此简书而不敢耳此尤可见其体悉之详也严氏曰此章述南仲北伐还师又承命西伐之事也愚按此章后四句反覆言公义私情以劳之也】

嘒嘒【于遥反】草虫趯趯【他歷反】阜螽未见君子忧心忡忡

【敕中反】既见君子我心则降【户江反叶胡攻反】赫赫南仲薄伐西戎

赋也此言将帅之出征也其室家感时物之变而念之以为未见而忧之如此必既见而后心可降耳然此南仲今何在乎方往伐西戎而未归也岂既却玁狁而还师以伐昆夷也与薄之为言聊也蓋不劳余力矣【辅氏曰是诗凡言我者皆是设为将帅之言唯我心则降一句则是设为将帅室家之言虽室家之人皆以为薄伐西戎不劳余力则王者之师有征而无战可知也愚按此承上章述南仲北伐既还又成西伐之功久出而未得归见室家此亦述其室家之情以劳之也】

春日迟迟卉【许贵反】木萋萋【七西反】仓庚喈喈【音皆叶居奚反】采

芣苢【巨移反】执讯【音信】获丑薄言还【音旋】归赫赫南仲玁狁于夷

赋也卉草也萋萋盛貌仓庚黄鹂也喈喈声之和也讯其魁首当讯问者也丑徒众也夷平也欧阳氏曰述其归时春日暄妍草木荣茂而禽鸟和鸣于此之时执讯获丑而归岂不乐哉郑氏曰此时亦伐西戎独言平玁狁者玁狁大故以为始以为终【严氏曰独言玁狁者举出师所主也愚按南仲始受命出师蓋以玁狁之难也此章述其凯旋而以平玁狁为言所以美其

事之终而功之大此则述其归日之欢情以劳之也】

出车六章章八句【程子曰此诗所赋自受命至还归其事有叙大要在归功将帅辅氏曰行师之道始出尚严肃既归则尚和乐故出则有誓而归曰凯还凯乐也读此诗前三章则如秋霜之肃后三章则如春风之和如此然后谓之王者之师且曰玁狁于夷而已则固不贵乎略地屠城舆尸喋血之事也】

序劳还率也

同上诗所谓天子所谓王命皆周王耳

有杕【大计反】之杜有睆【华板反】其实王事靡盬继嗣我日日月阳止女心伤止征夫遄止

赋也睆实貌嗣续也阳十月也遄暇也此劳【去声】还【旋】役之诗故追述其未还之时室家感于时物之变而思之曰特生之杜有睆其实则秋冬之交矣而征夫以王事出乃以日继日而无休息之期至于十月可以归而犹不至故女心悲伤而曰征夫亦可以暇矣曷为不归哉【辅氏曰日月阳止亦谓来年十月将归时也述其室家之情不直言其思之而必曰王事靡盬焉则虽其室家亦知义也愚按次年十月乃戍毕之时故采薇遣戍之际预言岁亦阳止以为归期此章之思望征夫者亦以日月阳止而知其遄暇也】或曰兴也【董氏曰因其所感而兴耳】下章仿此【愚按指二章而言也】

有杕之杜其叶萋萋王事靡盬我心伤悲卉木萋止

女心悲止征夫归止

赋也萋萋盛貌春将暮之时也归止可以归也【吕与叔曰岁暮之期既不至将至春之暮犹未归也愚按戍者之还当以仲春至家故此章于杕杜萋萋之时而知征夫之可以归也辅氏曰王事靡盬者公义也我心伤悲者私情也虽其室家亦情义并行而不相悖】陟彼北山言采其杞王事靡盬忧我父母【叶满侑反】檀车

輶【尺善反】四牡瘠瘠【古缓反叶古转反】征夫不遄

赋也檀木坚宜为车輶輶敝貌瘠瘠罢【皮】貌登山采杞则春已莫而杞可食矣盖托以望其君子而念其以王事诒父母之忧也【辅氏曰虽托于登山采杞以望其君子然又念其以王事诒父母之忧则非独以室家之情而已也李迂仲曰此言王事靡盬忧我父母何以异于鸛羽王事靡盬不能艺黍稷父母何怙然鸛羽下之人自诉其劳苦此下之人劳苦而上知之】然檀车之坚而敝矣四牡之壮而罢矣则征夫之归亦不遄矣【范氏曰车輶輶马瘠瘠若见其将至矣愚按杞可采食而征夫犹未至则春已莫而愈过期矣故知其行必不遄矣】

匪载匪来【叶立直反】忧心孔疚【叶讫力反】期逝不至【叶朱力反】而多

为恤卜筮偕【叶举里反】止防言近【叶渠纪反】止征夫迺止

赋也载装疾病逝往恤忧偕俱防合也言征夫不装载而来归固已使我念之而甚病矣况归期已过而犹不至则使我多为忧恤宜如何哉【毛氏曰逵行不必如期室家之情以期望之胡庭芳曰王氏云而多为恤饥渴疾病死伤欤是何期逝不至也】故且卜且筮相袭俱作合言于繇【宙】而皆曰近矣则征夫其亦迺而将至矣【辅氏曰征夫不逵想料之辞也征夫迺止决定之辞也归期近而思愈切者人情也期逝不至然后忧伤孔疚焉行者过期而不至则居者之忧百端矣】范氏曰以卜筮终之言思之切而无所不为也

杖杜四章章七句【愚按前三章皆述其室家私情而兼公义为言卒章则又专劳之以私情大概与四牡采薇出车同本于公私情义以慰之也】

郑氏曰遣将帅及戍役同歌同时欲其同心也反而劳之异歌异日殊尊卑也记曰赐君子小人不同日此其义也王氏曰出而用兵则均服同食一众人也入而振旅则殊尊卑辨贵贱定众志也范氏曰出车劳率故美其功杖杜劳众故极其情先王以己之心为人之心故能曲尽其情使民忘其死以忠于上也【李迂仲曰其遣也则预述其怀归之事其还归也又不忘其行役之劳故三诗遣劳帅役之事虽不同而叙其往反终始之情则一也胡庭芳曰王氏云上之人能知其下中心委曲之情而形于歌咏则下悦之出车杖杜是也上之人不能知而其下自陈劳苦之状悲伤之情则怨也扬之水鸛羽是也辅氏曰郑王范氏所发之意皆得诗人之旨但劳帅劳役体悉其情无所不至而略不及论功行赏之事者何哉盖古者竭诚尽瘁以勤王之事者人臣之义也君臣各行其事而已下不以赏而望乎上上不以赏而夸乎下此君臣相与之至情也岂后世所能及哉愚按集传郑氏王氏之說总论采薇出车杖杜也范氏之說兼论出车杖杜二诗也】

序劳还役也

同上

南陔

此笙诗也有声无词旧在鱼丽之后以仪礼考之其篇次当在此【辅氏曰已下三篇不缀于皇皇者华之后而附于此者欲以笙诗六篇相次也】今正之說见华黍

序孝子相戒以养也

此笙诗也谱序篇次名义及其所用已见本篇鹿鸣之什十篇一篇无辞凡四十六章二百九十七句

白华之什二之二

毛公以南陔以下三章无辞故升鱼丽以足鹿鸣什数而附笙诗三篇于其后因以南有嘉鱼为次什之首今悉依仪礼正之

白华

笙诗也説见上下篇

序孝子之洁白也

同上此序尤无理

华黍

亦笙诗也乡饮酒礼鼓瑟而歌鹿鸣四牡皇皇者华然后笙入堂下磬南北面立乐南陔白华华黍燕礼亦鼓瑟而歌鹿鸣四牡皇华然后笙入立于县中【李宝之曰诸侯轩县县中者北县之南也乡饮酒唯有磬故笙立于磬南】奏南陔白华华黍南陔以下今无以考其名篇之义然曰笙曰乐曰奏而不言歌则有声而无词明矣【董氏曰笙入者有声而无诗也盖诗有歌有声见于诗者歌也寓于乐者声也以其用于乡人邦国故当时人习其义是以因其事而识其声知其义也然则亡其辞者乃本亡之非失亡也刘辰翁曰雅诗之入歌者今皆在入笙者独不存疑南陔六诗当时元只有声如今之琴谱本无其词也吾甚笑束皙补亡之无谓】所以知其篇第在此者意古经篇题之下必有谱焉如投壶鲁鼓薛鼓之节而亡之耳【愚按鲁鼓薛鼓之节其谱见礼记投壶篇末盖鲁薛二国投壶燕射击鼓之节也其圆者击鼗其方者击鼓其节不同亦皆有声而无词也】序时和歲丰宜黍稷也有其义而亡其辞同上然所谓有其义者非真有所谓亡其辞者乃本无也

鱼丽【力驰反】于鬻【音柳与酒叶】鰋【音尝】鲨【音沙叶苏何反】君子有酒旨且多

兴也丽歷也鬻以曲薄为笥而承梁之空【孔】者也鰋扬也今黄颊鱼是也似燕头鱼身形厚而长大颊骨正黄鱼之大而有力解飞者【埤雅曰今黄鳞鱼也性浮而善飞跃故一曰扬也燕头鱼身颊骨正黄一名黄扬】鲨鮪【徒何反】也鱼狭而小常张口吹沙故又名吹沙【濮氏曰鲨鱼多种有极大者其皮如沙今人以为刀劒鞘吹沙小鱼耳埤雅曰鲨大如指狭圆而长有黑点】君子指主人旨且多旨而又多也此燕飧通用之乐歌即燕飧所荐之羞而极道其

美且多见主人礼意之勤以优賓也【濮氏曰言酒则殽随之言物有所该者广愚按此诗后三章所指物之多矣旨矣有矣即前之所言酒之且多且旨且有者也乃乐工极道主人所荐

之物如此以见优賓之意】或曰赋也下二章放此【古人以鱼为重故鱼丽南有嘉鱼皆特举以歌之愚按若作赋体說则诗中所言鱼亦是当时所荐之羞也】

鱼丽于罍魴鰈【音礼】君子有酒多且旨

兴也鰈鲕【冲上声又音同】也又曰鮠【睨】也【胡庭芳曰严氏云毛郭皆以鰈为鲕潘子善问今黑鲤鱼道家以为厌者也舍人谓鰈名鮠埤雅曰今 鰈也诸鱼中唯此鱼膽甘可食其首戴星夜则北向鰈鲨之美不若魴鰈魴鰈之美不若鰈鲤故其序如此】

鱼丽于罍鰈【音偃】鲤君子有酒旨且有【叶羽已反】

兴也鰈鮠【念平声】也【本草曰大首方口背青黑无鳞多涎即鰈鱼也鰈音题严氏曰毛以鮠释鰈郭璞云各自一鱼鰈今偃额白鱼也毛质略当言似鮠耳埤雅云鰈鱼黄魴鱼青鰈鱼 鰈鱼白鲤鱼赤则五色之鱼皆备】有犹多也

物其多矣维其嘉【叶居何反】矣

赋也

物其旨矣维其偕【叶举里反】矣

赋也

物其有【叶羽已反】矣维其时【叶上纸反】矣

赋也苏氏曰多则患其不嘉旨则患其不齐有则患其不时今多而能嘉旨而能齐有而能时言曲全也【辅氏曰后三章乃重叹前三章多旨有三字耳陈壽翁曰王应之云后三章衍前三章之词前章多旨有皆以酒言而衍之之词皆曰物以见物之与酒称也】

鱼丽六章三章章四句三章章二句

按仪礼乡饮酒及燕礼前乐既毕皆间【去声】歌鱼丽笙由庚歌南有嘉鱼笙崇丘歌南山有台笙由仪间代也言一歌一吹也然则此六者蓋一时之诗而皆为燕飨賓客上下通用之乐【鱼丽诸篇皆君臣燕饮之诗道主人意以誉賓如今宴饮致语之类亦有间叙賓客辞者汉书载客歌骊驹主人歌客无庸归亦此意】毛公分鱼丽以足前什而說者不察遂分鱼丽以上为文武诗嘉鱼以下为成王诗其失甚矣

序美万物盛多能备礼也文武以天保以上治内采薇以下治外始于忧勤终于逸乐故美万物盛多可以告于神明矣

此篇以下时世次第序說之失已见本篇其内外终始之說蓋一节之可取云

由庚

此亦笙诗說见鱼丽

序万物得由其道也

见南陔

南有嘉鱼烝【之承反】然罩罩【张教竹卓二反】君子有酒嘉賓式燕以乐【五教歷各二反】

兴也南谓江汉之间嘉鱼鲤质鱖鲫肌出于沔南之丙穴【陆农师曰嘉鱼鲤质鱖鳞肌肉美食乳泉出于丙穴先儒谓穴在汉中沔南县北穴口向丙故曰丙也】烝然发语声也罩筐【总入声】也编细竹以罩鱼者也重言罩罩非一之词也此亦燕飧通用之乐故其辞曰南有嘉鱼则必烝然而罩罩之矣君子有酒则必与嘉賓共之而式燕以乐矣此亦因所荐之物而道达主人乐賓之意也【愚按诗言燕乐衍绥既燕而又燕故知为道达主人乐賓之意】

南有嘉鱼烝然汕汕【所谏反】君子有酒嘉賓式燕以衍

【苦旦反】

兴也汕櫟【嘲】也以薄汕鱼也【郑氏曰櫟今之療罟也療疗僚勞三音】衍乐也

南有樛【居虬反】木甘瓠【音防】累【力追反】之君子有酒嘉賓式

燕绥之

兴也东莱吕氏曰瓠有甘有苦甘瓠则可食者也樛木下垂而美实累之固结而不可解也愚谓此兴之取义者似比而实兴也

翩翩者騅【之谁反】烝然来【叶六直陵之二反】思君子有酒嘉賓

式燕又【叶夷昔反或如字】思

兴也此兴之全不取义者也【辅氏曰诗中兴体固有此两様但此二章相比故于此发之也】思语辞也又既燕而又燕以见其至诚有加而无已也【孔氏曰思皆为辞嘉賓既来用此酒与之燕又燕也频与之燕言亲之甚也】或曰又思言其又思念而不忘也【来思之思语

词又思既燕而又思之以见其至诚有加而无已也凡思字为语助者上字叶韵为思虑之思者本字协韵此章则来字与末句思字协韵也】

南有嘉鱼四章章四句

説见鱼丽

序乐与贤也太平之君子至诚乐与贤者共之也

序得诗意而不明其用其曰太平之君子者本无谓而説者又以专指成王皆失之矣

崇丘

説见鱼丽

序万物得极其高大也

见上

南山有台【叶田饴反】北山有莱【叶陵之反】乐【音洛】只【音纸】君子邦家之基乐只君子万寿无期

兴也台夫【符】须即莎草也【本草曰其实名香附子】莱草名叶香可食者也【陆玕曰兖州人蒸以为茹谓之莱烝】君子指賓客也此亦燕飧通用之乐故其辞曰南山则有台矣北山则有莱矣乐只君子则邦家之基矣乐只君子则万寿无期矣所以道达主人尊賓之意美其德而祝其寿也【愚按诗中所谓德音所谓民之父母邦家之基与光皆所以美其德也所谓寿考者皆所以祝其寿也通前鱼丽嘉鱼两篇皆一时乐工所歌彼为优賓乐賓则此诗所以美之祝之者为尊賓也或疑賓客不足以当万寿之语愚谓此诗上下通用之乐当时賓客容有爵齿俱尊足当之者蓋古人简质如士冠礼祝辞亦云眉寿万年又况古器物铭所谓用薪万寿用薪眉寿万年无疆之类皆为自祝之辞则此诗以万寿祝賓庸何伤乎】

南山有桑北山有杨乐只君子邦家之光乐只君子

万寿无疆

兴也【辅氏曰首章邦家之基美其可以为邦家之基本所谓治生乎君子贤者为国人禎干也次章言邦家之光美其可以为邦家之显荣所谓儒者在朝则美政在位则美俗也既足以为邦家之基本与显荣故因祝其寿之无期限而无疆界者也愚按此章亦美其德而祝其寿也】

南山有杞北山有李乐只君子民之父母【叶满彼反】乐只

君子德音不已

兴也杞树如樗一名狗骨【陆玕曰杞山木而滑其子为木蠹入药愚按此章则专美其德也】

南山有栲【音考叶音口】北山有杻【女九反】乐只君子遐不眉

寿【叶直酉反】乐只君子德音是茂【叶莫口反】

兴也栲山樗杻櫨【音忆】也遐何通眉寿秀眉也【愚按豎书以眉毛过垂眼下者为寿长占人称高寿者曰眉寿其以此欤此章又所以祝其寿而寿其德也】南山有枸【俱甫反】北山有楸【音庾】乐只君子遐不黄耇【音苟】

【叶果五反】乐只君子保艾【五蓋反】尔后【叶下五反】

兴也枸枳枸树高大似白杨有子着枝端大如指长数寸噉【防】之甘美如饴【移】八月熟亦名木蜜【本草曰木蜜生南方枝叶皆可噉实可煎食如饴其子一名枳椇味如蜜以木作屋屋中酒则味薄椇音矩潘子善问问枸曰櫨枸子建阳谓之皆拱子俗谓之癩汉指头吾乡呼为兼勾味甘而解酒毒人家左右前后有此木则醞酒不成】楸鼠梓树叶木理如楸亦名苦楸黄老人髮复黄也耇老人面冻梨色如浮垢也【孔氏曰髮白而复黄而如冻梨之色】保安艾养也【愚按此章又专祝其寿也】

南山有台五章章六句【辅氏曰后二章言遐不眉寿遐不黄耇与首章次章末句相应万寿无期万寿无疆者愿之之辞也遐不眉寿遐不黄耇者必之之辞也德音是茂言不但不已而已而又愈益茂盛也保艾尔后则不但为今日计而又愿其安养其后世之子孙也人君得贤则基图巩固故曰邦家之基有光华故曰邦家之光爱利及民故曰民之父母燕及后世故曰保艾尔后】

說见鱼丽

序乐得贤也得贤则能为邦家立太平之基矣序首句误详见本篇【看诗便有感发人意思今读之无所感发者正是被诸儒解杀了死着诗人兴起人底意思如南山有台之序蓋见诗中有邦家之基故如此說才如此說定便局了一诗之意】

由仪

說见鱼丽

序万物之生各得其宜也有其义而亡其辞见上

蓼【音六】彼萧斯零露漙漙【息吕反】兮既见君子我心写【叶想羽反】兮燕笑语兮是以有誉处兮

兴也蓼长【如字又音上声】大貌萧蒿也【严氏曰萧香蒿也荻也牛尾蒿也】漙漙然萧上露貌君子指诸侯也寫输寫也燕谓燕饮誉善声也处安乐也苏氏曰誉豫通凡诗之誉皆言乐也亦通 诸侯朝于天子天子与之燕以示慈惠【愚按左传晋却至曰宴以示慈惠蓋谓升殽于俎相与共食所以示慈爱恩惠也】故歌此诗言蓼彼萧斯则零露漙漙然矣既见君子则我心输写而无留恨矣是以燕笑语而有誉处也其曰既见蓋于其初燕而歌之也【辅氏曰诸侯来朝天子天子见之而得以输写其心而无所留隱相与燕饮语笑和悦则上下皆可以保有其声誉与和乐也苟上之于下也有所疑而不敢尽其情下之于上也有所畏而不敢申其意则是上下不交否之时也祸端乱萌皆由于此尚何能保有其安乐于长久乎】

蓼彼萧斯零露瀼瀼【如羊反】既见君子为龙为光其德

不爽【叶师庄反】寿考不忘

兴也瀼瀼露蕃貌龙宠也为龙为光喜其德之词也爽差也其德不爽则寿考不忘矣褒美而祝颂之又因以劝戒之也【辅氏曰使天子以得见诸侯为宠光则诸侯之德之美可知矣故因以戒之曰使其德常如此而不至于有爽差焉则诸侯当享壽考而上之人亦永不忘之矣愚按既褒美其德之光宠而祝颂其寿考安寧又于褒美之中寓其劝之戒之之意若曰德之不爽然后寿而不忘德之亏者寿之亏也】

蓼彼萧斯零露泥泥【乃礼反】既见君子孔燕岂弟宜兄

宜弟【待礼反】令德寿岂【开改反叶去礼反】

兴也泥泥露濡貌孔甚岂乐弟易也宜兄宜弟犹曰宜其家人蓋诸侯继世而立多疑忌其兄弟如晋诅无畜【音昷养也】羣公子秦鍼【钳】惧选之类【左传宣公二年曰初晋骊姬之乱诅无畜羣公子自是晋无公族杜氏注云诅盟誓无公子故废公族之官又昭公元年曰秦后子有宠于桓如二君于景其母曰弗去惧选癸卯鍼适晋注云后子秦桓公子景公母弟鍼也选数也恐景公数其罪而加戮也】故以宜兄宜弟美之亦所以警戒之也【愚按诸侯继世而立三年丧毕则入朝于王此诗于其来朝而歌之故因言宜兄宜弟以美之戒之】寿岂寿而且乐也【辅氏曰言既见君子相与厚为燕饮以嘉其乐易之德则又推言能以是乐易之德而宜其兄弟焉则其令德将既寿而且乐矣濮氏曰甚燕而情乐易则知其宜兄弟而德可久也愚按令德寿岂即上章末二句之意而宜兄宜弟者又即不爽其德之本而所以为教国人者也】

蓼彼萧斯零露浓浓【奴同反】既见君子儻【徒雕反】革冲

冲【敕弓反】和鸾𨾏𨾏万福攸同

兴也浓浓厚貌儻辔也革辔首也马辔所把之外有余而垂者也【孔氏曰儻革皮为之故曰儻革】冲冲垂貌和鸾皆铃也在轼曰和在镳曰鸾皆诸侯车马之饰也【何氏曰京山程氏云和金口木舌鸾金口金舌鸾在衡上近于马和在轼上衡是车前横木驾马者即軹也轼是车上横板手所凭伏以致敬者升车则马动马动则鸾鸣鸾鸣则和应自然有个节奏若车行速则不相应行迟则不响若杂然都响皆不合节奏埤雅曰鸾雌曰和雄曰鸾愚按集传于軹铁以为乘车之鸾在衡则此传镳字恐当作衡】庭燎亦以君子目诸侯而称其鸾旂之美正此类也【愚按采芣二章文意亦然】攸所同聚也

蓼萧四章章六句【辅氏曰一章燕笑语兮是以有誉处兮通上下而言之天子与诸侯皆然也下三章则专美诸侯二章三章则又因以劝戒而警戒之也】

序泽及四海也

序不知此为燕诸侯之诗但见零露之云即以为泽及四海其失与野有蔓草同臆說浅妄类如此云

湛湛【直减反】露斯匪阳不晞【音希】厌厌【于盐反】夜饮不醉无归兴也湛湛露盛貌阳曰晞干也厌厌安也亦久也足也【辅氏曰厌厌二字具安久足三义安故久久故足】夜饮私燕也燕礼宵则两阶及庭门皆设大烛焉【欧阳子曰燕当以昼而言夜饮者燕礼有宵则设烛之礼是古虽以礼饮酒有至夜者以申私燕之恩尽殷勤之意仪礼燕礼曰宵则庶子执烛于阼阶上司宫执烛于西阶上甸人执大烛于庭阍人为大烛于门外李寶之云燕礼轻无庭燎设大烛而已】此亦天子燕诸侯之诗言湛湛露斯非日则不晞以兴厌厌夜饮不醉则不归盖于其夜饮之终而歌之也【燕礼君曰无不醉賓及乡大夫皆对曰诺敢不醉】

湛湛露斯在彼丰草厌厌夜饮在宗载考

兴也丰茂也夜饮必于宗室葢路寝之属也【丘氏曰言在所尊者之室严氏曰燕礼云膳宰具官饌于寝东注云寝路寝也】考成也【辅氏曰燕于路寝之中所以示亲亲之意载考谓成其礼既云成其礼则必无过当之事矣愚按在宗室而成燕礼也】湛湛露斯在彼杞棘显允君子莫不令德

兴也显明允信也【谢叠山曰显者其心明白洞达允者其心忠信诚慤无一毫可疑也】君子指诸侯为賓者也令善也令德谓其饮多而不乱德足以将之也【吕东莱曰以德将之不至于乱中无所主则为麴蘖所迷矣辅氏曰莫不令德言与燕之诸侯无不有是德也】

其桐其椅【于宜反】其实离离岂弟君子莫不令仪兴也离离垂也令仪言醉而不丧其威仪也【辅氏曰莫不令仪言与燕之诸侯无不有是仪也】

湛露四章章四句

春秋传甯武子曰诸侯朝正于王【杜氏曰朝而受政教也】王宴乐之于是赋湛露曾氏曰前两章言厌厌夜饮后两章言令德令仪虽过三爵亦可谓不继以淫矣【潘子善问蓼萧湛露二诗先生曰文义也只如此却要讽咏实见他至诚和乐之意方好辅氏曰显允明信也岂弟乐易也明信者固宜其有德矣乐易者则恐其或略于威仪也乐易君子而威仪无不令焉此其所以为成德也既醉则情或佚矣在宗则仪可略矣然莫不令仪此其所以为成礼也不醉无归见其情之厚也在宗载考见其情之亲也莫不令德见其情之存乎中者善也莫不令仪见其仪之见于外者善也厚而不亲则上之待下者犹未至也德虽令而仪有阙焉则臣之持身犹不足也】

序天子燕诸侯也

白华之什十篇五篇无辞凡二十三章一百四句

诗传通释卷九

卷十

钦定四库全书

诗传通释卷十

元 刘瑾 撰

诗

朱子集传

彤弓之什二之三

彤弓召【尺昭反】兮受言藏之我有嘉賓中心贶【叶虚王反】之钟鼓既设一朝飧【叶虚良反】之

赋也彤弓朱弓也【孔氏曰弓皆漆之以御霜露彤弓色赤旅弓色黑赐弓赤一而黑十以赤为重耳周礼无彤弓之名夏官司弓矢云唐弓大弓以授劳者注往来体若一曰唐弓大弓劳者勤劳王事也】召弛貌【孔氏曰说文云召弓反谓弛之而体反也严氏曰赐弓不张】贶与也大饮【防】賓曰飧【孔氏曰飧者烹大牢以饮賓殽牲俎豆盛于食燕刘执中曰行庆赏必与神人共之故行飧礼于庙】此天子燕有功诸侯而锡以弓矢之乐歌也东莱吕氏曰受言藏之言其重也弓人所献藏之王府以待有功不敢轻与人也中心贶之言其诚也中心实欲贶之非由外也一朝飧之言其速也以王府宝藏之弓一朝举以畀人未尝有迟留顾惜之意也【辅氏曰守之者不重则得之者亦轻予之而不诚则其感之也亦浅畀之而不速则其视之也亦玩而不以为恩也然其所以重所以诚所以速者非惧其得之轻感之浅视之玩也尽吾之理而已】后之视府藏为己私分至有以武库兵赐弄臣者【许益之曰汉哀帝建平四年上发武库兵送侍中董贤及乳母王阿含执金吾母将隆奏武库兵器天下公用今便僻弄臣私恩防妾而以天下公用给其私门非所以示四方也】则与受言藏之者异矣赏赐非出于利诱则迫于事势至于有朝赐铁券而暮屠戮者【愚按如唐德宗于李懷光昭宗于王行瑜是也】则与中心贶之者异矣屯膏吝赏功臣解体至有印刳【玩平声】而不忍予者【愚按如项羽是也】则与一朝飧之者异矣

彤弓召兮受言载【叶子利反】之我有嘉賓中心喜【叶去声】之

钟鼓既设一朝右【音文叶于记反】之

赋也载抗之也【愚按载彤弓于弓檠抗弓体使正言其藏之谨也】喜乐也右劝也尊也【

孔氏曰劝谓劝其功也王介甫曰尊而右之也谢叠山曰古人以右为尊也】彤弓昭兮受言橐【古刀反叶古号反】之我有嘉賓中心好【呼报】

【反】之钟鼓既设一朝醕【市由反叶大到反】之

赋也橐韜好說醕报也饮酒之礼主人献賓賓酢主人主人又酌自饮而遂酌以饮賓谓之醕醕犹厚也劝也【谢叠山曰主人酌賓曰献賓饮主人曰酢一献一酢报施足矣主人又酌賓谓之醕所以见其意厚也严氏曰郑氏以醕为醕酢飧礼为训共俟爵盈不饮未必有醕酢也】

彤弓三章章六句【辅氏曰大抵此诗首章已尽其意下两章只是咏叹以加重焉耳橐重于载载重于藏好诚于喜喜诚于祝醕厚于右右尊于飧】

春秋传 武子曰诸侯敌王所忾【慨】而献其功于是乎赐之彤弓一彤矢百旅【卢】弓矢千以觉报宴注曰忾恨怒也觉明也谓诸侯有四夷之功王赐之弓矢又为歌彤弓以明报功宴乐郑氏曰凡诸侯赐弓矢然后专征伐东莱吕氏曰所谓专征者如四夷入边臣子篡弑不容待报者其他则九伐之法乃大司马所职非诸侯所专也与后世强臣拜表辄行者异矣【周礼大司马曰以九伐之法正邦国冯弱犯寡则眚之贼贤害民则伐之暴内陵外则坛之野荒民散则削之负固不服则侵之贼杀其亲则正之放弑其君则残之犯令陵政则杜之外内乱鸟散行则灭之愚按拜表辄行如晋穆帝永和中桓温伐蜀是也】

序天子锡有功诸侯也

菁菁【子丁反】者莪【五何反】在彼中阿既见君子乐【音洛】且有仪【叶五何反】

兴也菁菁盛貌莪萝蒿也【本草注曰一名莪蒿茎叶如青蒿开淡红紫花结角子长二寸许防弯陆玕曰生泽田渐洳之处】中阿阿中也大陵曰阿君子指賓客也此亦燕饮賓客之诗言菁菁者莪则在彼中阿矣既见君子则我心喜乐而有礼仪矣【辅氏曰既见君子则我心喜乐而有礼仪夫见贤而乐礼或不足则爱心虽至而敬心不足矣乐且有仪则爱敬之心两尽矣】或曰以菁菁者莪比君子容貌威仪之盛也下章放此

菁菁者莪在彼中沚【音止】既见君子我心则喜

兴也【陈器之曰此篇朱子旧以为比今改为兴而下文兼存此說矣但二章三章比字皆失改今悉正之】中沚沚中也喜乐也

菁菁者莪在彼中陵既见君子锡我百朋

兴也中陵陵中也古者货贝五贝为朋【孔氏曰汉食货志以为大贝牡贝么贝小贝不成贝

为五也为朋者谓小贝以上四贝各二贝为一朋而不成者不为朋郑因经广解之言有五种之贝其中以相与为朋非总五贝为一朋也】锡我百朋者见之而喜如得重货之多也【埤雅曰兽二为友贝二为朋锡我百朋者言锡贝之多也】泛泛【芳劒反】杨舟载沈载浮既见君子我心则休比也杨舟杨木为舟也载则也载沈载浮犹言载清载浊载驰载驱之类以比未见君子而心不定也休者休休然言安定也【辅氏曰此章又追言其未见之时心之不定既见之后则休休然而安定矣其意味亦深长也】

菁菁者莪四章章四句

序乐育材也君子能长育人材则天下喜乐之矣

此序全失诗意

六月栖栖【音西】戎车既饬【音敕】四牡騤騤【求 反】载是常服【叶蒲北反】玁狁孔炽【尺志反】我是用急【叶音棘】王于出征以匡王国【叶于逼反】

赋也六月建未之月也【濮氏曰诗言六月徂暑则为夏正可知刘辰翁曰以为未月极是周以子月为岁首而月数未尝改也】栖栖犹皇皇不安之貌戎车兵车也【吕东莱曰郑氏云戎车有五周礼车仆掌戎路广车阙车革车轻车是也戎路王在军所乘广车横陈之车阙车补阙之车革犹屏也对敌自隐蔽之车轻车驰敌致师之车也】饬整也騤騤强貌常服戎事常服以韎【昧】韦为弁又以为衣而素裳白舄也【周礼司服曰凡兵事韦弁服李贄之曰皮去毛熟治曰韦韎赤色也凡衣同冠色衣韎韦则弁亦韎韦也皮弁服素裳白舄韦弁服亦与之同也】玁狁即猃狁北狄也孔甚炽盛匡正也成康既没周室寢衰八世而厉王胡暴虐周人逐之出居于彘玁狁内侵逼近京邑【愚按据诗文至于泾阳而言也】王崩子宣王靖即位命尹吉甫帅师伐之有功而归诗人作歌以序其事如此【谢叠山曰戎车曰既饬则车甲器械士卒马牛无一物不整齐矣四牡曰騤騤则无一马不精强矣曰载是常服则无一衣一裳不经检点矣】司马法冬夏不兴师今乃六月而出师者以玁狁甚炽其事危急故不得已而王命于是出征以正王国也

比【毗志反】物四骠闲之维则维此六月既成我服【叶蒲北反】

我服既成于三十里王于出征以佐天子【叶獎里反】

赋也比物齐其力也【释文曰比齐同也】凡大事祭祀朝觐防同毛马而颁之凡军事物马而颁之毛马齐其色物马齐其力吉事尚文武事尚强也则法也服戎服也三十里一舍也古者吉行日五十里师行日三十里既比其物而曰四骠则其色又齐可以见马之有

余矣闲习之而皆中【去声】法则又可以见教之有素矣【孔氏曰戎事尚强而言四骠者虽以齐力为主亦不厌其同色故曰四骠彭彭又曰乘其四骠田猎齐足而曰四黄既驾是皆

同色也无同色者乃取异毛耳騶騊是中騶騊是驂是也彭氏曰陈氏云以厉王大乱之余而支殄狁之患意其必仓卒不暇为计而今也比物四驂闲之维则蓋其车马之修器械之备非一日也】于是此月之中即成我服既成我服即日引道不徐不疾尽舍而止又见其应变之速从事之敏而不失其常度也【愚按六月之中即成戎服则应变速矣我服既成即日引道则从事敏矣虽速虽敏而军行止三十里则不失常度矣】王命于此而出征欲其有以敌王所忼【苦爱反】而佐天子耳

四牡修广其大有颙【玉容反】薄伐獫狁以奏肤功有严

有翼共【音恭】武之服【叶蒲北反】共武之服以定王国【叶于逼反】赋也修长广大也颙大貌奏荐肤大公功严威翼敬也共与供同服事也言将帅皆严敬以共武事也【谢叠山曰薄伐者叛则伐之服则舍之不穷征逮讨也为将必严不严则军心不齐为帅必敬不敬则军心不整故曰有严有翼范氏曰凡兵事莫尚于严莫先于敬共武之服者如此则以定王国也辅氏曰兵陰事也用之当以严敬为主不严则不整不敬则不肃将帅皆严敬以共武事此王国之所以定也定则不止于匡矣有车马为之用则足以却獫狁以成大功以严敬为之主则足以共武事而定王国吉甫之行师真足以继南仲之轨迹矣宜宣王之中兴也】

獫狁匪茹【如豫反】整居焦获【音护】侵镐【胡老反】及方至于泾

阳织【音志】文鸟章白旆央央【于良反】元戎十乘【绳证反】以先启行【叶户郎反】

赋也茹度【唐入声】整齐也焦获镐方皆地名焦未详所在获郭璞以为瓠中则今在耀州三原县也【愚按即今陕西省耀州三原县也】镐刘向以为千里之镐则非镐京之镐矣亦未详其所在也【前汉书刘向曰吉甫之归周厚赐之其诗曰来归自镐我行永久千里之镐犹以为远颜师古曰镐非丰镐之镐】方疑即朔方也【愚按南仲亦以殄狁之难往城朔方灵夏等州之地则此殄狁所侵疑即其地也】泾阳泾水之北【孔氏曰水北曰阳】在丰镐之西北言其深入为寇也【愚按丰镐之地在今安西路属县安西亦有泾阳县】织帜字同鸟章鸟隼之章也【吕东莱曰日月为常交龙为旂之类皆帜之文也鸟章特其一耳】白旆继旐者也【曹氏曰白帛也曰旆以绛帛为旆也以帛续旐未为燕尾战则旆之】央央鲜明貌元大也戎戎车也军之前锋也启开行道也犹言发程也【史记三王世家注曰韩婴章句云车有大戎十乘谓车漫轮马被甲衡轭之上尽有剑防名曰陷军之车王介甫曰元戎十乘所谓选锋也兵法兵无选锋曰北谢叠山曰兵法所谓堂堂之阵正正之旗也元戎启行可以摧锋破阵左传所谓先人有夺人之心也】言獫狁不自度【待洛反】量深入为寇如此是以建此旌旗选锋锐进声其罪而致讨焉直而壮律而臧有所不战战必胜矣【愚按左传曰师直为壮曲为老今因獫狁为寇而声罪致讨则直而壮矣易曰师出以律否臧凶今讨殄狁而旌旗鲜明选锋锐进则律而臧矣此所以为宣王中兴之师也欤】

戎车既安【叶于连反】如轻【竹二反】如轩四牡既佶【其乙反】既佶

且闲【叶胡田反】薄伐玁狁至于大【音泰】原文武吉甫万邦为宪【叶许言反】

赋也轻车之覆而前也轩车之却而后也凡车从后视之如轻从前视之如轩然后适调也【凡车之势一低一昂】佶壮健貌【谢叠山曰戎车既安矣必曰如轻如轩制度工巧则利于战鬪也四牡既强矣必曰既佶且闲教驯习熟则耐于驰驱矣】大原地名亦曰大鹵今在大原府阳曲县【愚按今大原路阳曲县属河南山西道】至于大原言逐出之而已不穷追也先王治戎狄之法如此【前汉书严尤曰宣王时玁狁内侵命将征之尽境而还其视戎狄之侵譬犹螽蟴之螫殴之而已】吉甫尹吉甫此时大将也宪法也非文无以附众非武无以威敌能文能武则万邦以之为法矣【谢叠山曰汉唐而下缙绅介冑分为两途愚儒武夫各持一説不知三伐将帅必文武全才可以为万邦之法则者也愚按此言吉甫之武必先之以文上言吉甫共武之服必本于严翼之德末言吉甫饮至必及于孝友之友文事武备诚非两途也北伐可见其武崧高烝民诗可见其文】

吉甫燕喜既多受祉来归自镐我行永久【叶举里反】饮【音防】

【反】御诸友【叶羽已反】炰【白交反】鼈脍鲤侯谁在矣张仲孝友【叶羽已反】

赋也祉福御进侯维也张仲吉甫之友也善父母曰孝善兄弟曰友此言吉甫燕饮喜乐多受福祉盖以其归自镐而行永久也是以饮酒进饌于朋友【濮氏曰鼈属俗呼团鱼炰火熟之名脍细切肉也】而孝友之张仲在焉言其所与宴者之贤所以贤吉甫而善是燕也【王介甫曰忠也者移孝以为之者也顺也者移友而为之者也故言忠顺之臣必及孝友之友辅氏曰吉甫以天子之将有功而归相与宴者固不一也后篇谓方叔尝与伐玁狁者亦岂得而不与焉而诗人乃独举夫孝友张仲之为贤则又可见吉甫之文而不专以武功为美矣然此但为吉甫既归而私自与朋友燕饮而已非宣王燕之也】六月六章章八句【吕与叔曰上三章言自治之备四章言玁狁来侵从而御之五章言治戎有备车马安闲驱之出境不穷追也六章言休兵饮至乐与孝友之臣同其燕乐则穷兵黩武之意消矣又曰北伐之事所以自治者常优暇而有余所治于彼者常简略而不尽谢叠山曰一章曰戎车既饬四牡騤騤二章曰比物四骠三章曰四牡修广五章曰戎车既安四牡既佶西北平原广野举目千里利于车战故此诗以车马为重】

序宣王北伐也

此句得之

鹿鸣废则和乐缺矣四牡废则君臣缺矣皇皇者华废则忠信缺矣常棣废则兄弟缺矣伐木废则朋友缺矣天保废则福禄缺矣采薇废则征伐缺矣出车废则功力缺矣杖杜废则师众缺矣鱼丽废则法度缺矣南陔废则孝友缺矣白华废则廉耻缺矣华黍废则蓄积缺矣由庚废则陰阳失其道理矣南有嘉鱼废则贤者不安下不得其所矣崇丘废则万物不遂矣南山有台废则为国之基队矣由仪废则万物失其道理矣蓼萧废则恩泽乖矣湛露废则万国离

矣彤弓废则诸夏衰矣菁菁者莪废则无礼仪矣小雅尽废则四夷交侵中国防矣

鱼丽以下篇次为毛公所移而此序自南陔以下八篇尚仍仪礼次第独以郑谱分鱼丽为文武时诗故遂移此序鱼丽一句自华黍之下而升于南陔之上此一节与小序同出一手其得失无足议者但欲证毛公所移篇次之失与郑氏独移鱼丽一句之私故论于此云

薄言采芑【音起】于彼新田于此菑【侧其反】畝【叶每彼反】方叔涖【音利】止其车三千师干之试【叶诗止反下同】方叔率止乘其四骐四骐翼翼路车有奭【许力反】簟第【音弗】鱼服【叶蒲北反】钩膺鞶【音条】革【叶讫力反】

兴也芑苦菜也青白色摘其叶有白汁出肥可生食亦可蒸为茹即今苦菜【买】菜宜马食军行采之人马皆可食也田一歲曰菑二歲曰新田三歲曰畝【孔氏曰菑者灾也始灾杀其草木也新田新成柔田也畝和也田舒缓也今江东呼初耕地反草为菑是也】方叔宣王卿士受命为将者也涖临也其车三千法当用三十万众蓋兵车一乘甲士三人步卒七十二人又二十五人将重车在后凡百人也【愚按兵车战鬪之车驾马所谓小车也重车辎重之车驾牛所谓大车也兵车一乘则士卒共七十五人重车一乘则将之者二十五人其中炊家子十人固守衣甲五人廩养五人樵汲五人】然此亦极其盛而言未必实有此数也【孔氏以为兼起乡遂之兵王氏谓防诸侯之师此皆以辞害意之过诗人但极其盛而称之耳】师众干扞也试肄习也言众且练也率总率之也翼翼顺序貌路车戎路也奭赤貌【苏氏曰路车金路也金路赤饰孔氏曰瞻彼洛矣韎韐有奭彼茅搜染为奭故知赤貌也】簟第以方文竹簟为车蔽也钩膺马姿颌有钩而在膺有樊【盘】有纓也樊马大带纓鞅【央上声】也【孔氏曰五路惟金路有钩以金为之马颌之饰也在马膺之饰唯有樊纓故引樊纓以解膺方叔不乘革路者以革路临阵所乘郑氏曰樊纓皆以五采罽饰之罽音计织毛为之】鞶革见蓼萧篇宣王之时蛮荆背叛王命方叔南征军行采芑而食故赋其事以起兴曰薄言采芑则于彼新田于此菑畝矣方叔涖止则其车三千师干之试矣又遂言其车马之美以见军容之盛也【南征荆蛮想不甚费力不曾大段战鬪故只盛称其军容之盛而已】

薄言采芑于彼新田于此中乡方叔涖止其车三千

旂旐央央方叔率止约軼【祈支反】错衡【叶户郎反】八鸾玃玃【七羊反】服其命服朱芾【音弗】斯皇有玃葱珩【音衡叶户郎反】

兴也中乡民居其田尤治约束軼轂也以皮纏束兵车之轂而朱之也错文也铃在鑣曰鸾马口两旁各一四马故八也玃玃声也【彭氏曰荀子云错衡以养目和鸾之声以养耳则错衡八鸾皆以为耳目之懽也】命服天子所命之服也朱芾黄朱之芾也【孔氏曰诸侯黄朱】斯皇煌煌也玃玉声葱苍色如葱者也珩佩首横玉也礼三命赤芾葱珩【孔氏曰三命至九命皆葱珩非谓方叔唯三命也曹氏曰芾佩非军服金路非戎车和鸾非戎马所以然者方叔克壮其犹如呉起将战不带劔诸葛武侯不亲戎服羊祜轻裘而盛着威名杜预身不跨马自能制胜故诗咏其车服之美而已彭氏曰此与上章言方叔帅兵之时其精神气焰见于旌旗

车马佩服之间有以耸人观听其胜敌也必矣辅氏曰首章其车三千师干之试云者其车马之众盛与师众之所以扞御夫敌者又练习也三章其车三千旂旐央央云者则言其车马之众盛旗帜之鲜明也先言涖止而后言率止者始则临之终则率之以行也首章乘其四骖以下言方叔所乘之戎路其饰甚备二章约軹错衡以下又言车马之盛命服之美所以见天子付托之重锡命之蕃而方叔之威仪整暇如此可以决其有成也其与后世以一勇之夫为民之司命者异矣】

𨾏【帷必反】彼飞隼【息允反】其飞戾天亦集爰止方叔涖止

其车三千师干之试方叔率止钲【音征】人伐鼓陈师鞠【居六反】旅显允方叔伐鼓渊渊【叶于中反】振旅闐闐【徒颠反叶徒邻反】兴也隼鸛属急疾之鸟也【埤雅隼一名雀鹰】戾至爰于也钲铙也鐃也伐击也钲以静之鼓以动之钲鼓各有人而言征人伐鼓互文也【孔氏曰説文云钲铙也似铃又云鐃钲也则鐃铙俱得以钲名之鐃似小钟铙似铃有大小之异耳凡军进退皆鼓动钲止非临阵独然此文在陈师鞠旅之上是未战时事也濮氏曰周礼鼓人以金鐃节鼓以金铙止鼓即无钲名则鐃铙通谓之钲而节止实用于鼓故诗云然】鞠告也二千五百人为师五百人为旅此言将战陈其师旅而警告之也陈师鞠旅亦互文耳渊渊鼓声平和不暴怒也谓战时进士众也【孔氏曰方叔身自伐鼓率其众以作气】振止旅众也言战罢而止其众以入也春秋传曰出曰治兵入曰振旅是也【孔氏曰治兵尚威武也振旅反尊卑也出则防贱在前贵勇力也入则尊老在前复常法也】闐闐亦鼓声也或曰盛貌【郑氏曰战止又伐鼓闐闐然董氏曰闐闐众行声也】程子曰振旅亦以鼓行金止言隼飞戾天而亦集于所止以兴师众之盛而进退有节如下所云也【程子曰隼之急疾亦集于所止兴兵虽强用之有节而不过也辅氏曰上二章但言其车马服饰之盛美而已故此章又以鸟之急疾兴其猛鸷又以亦集爰止兴其进退有节也其进退之有节者盖以将战而誓众有法既战而鼓声不暴战罢振旅而入则又齐一而无先后也】

蠡【尺允反】尔蛮荆大邦为雠方叔元老克壮其犹方叔

率止执讯【音信】获丑【叶尺由反】戎车啍啍【吐丹反】啍啍焞焞【吐雷反】如霆如雷显允方叔征伐玁狁蛮荆来威【叶音隈】

赋也蠡者动而无知之貌蛮荆荆州之蛮也大邦犹言中国也元老犹谋也言方叔虽老而谋则壮也【愚按方叔以元老而率师则师卦所谓文人所谓长子者也】啍啍众也焞焞盛也霆疾雷也【尔雅注曰霆雷之急疾者谓霹雳】方叔盖尝与于北伐之功者是以蛮荆闻其名而皆来畏服也【胡庭芳曰王氏云此章美其成功言以宿将董大众荆人自服不待战而屈也】

采芑四章章十二句【陈少南曰北伐南征之诗班师时作六月之辞迫采芑之辞缓六月以讨而定采芑以威而服也】

序宣王南征也

我车既攻我马既同四牡庞庞【鹿同反】驾言徂东

赋也攻坚同齐也传曰宗庙齐豪尚纯也【孔氏曰齐其毫毛尚纯也】戎事齐力尚强也【孔氏曰齐其马力】田猎齐足尚疾也【孔氏曰齐其马足】庞庞充实也东东都洛邑也周公相成王营洛邑为东都以朝诸侯周室既衰久废其礼至于宣王内修政事外攘夷狄复文武之竟【境】土修车马备器械复防诸侯于东都因田猎而选车徒焉故诗人作此诗以美之【好田猎之事古人亦多刺之然宣王之田乃是因此见其车马之盛纪律之严所以为中兴之势者在此其所谓田异乎寻常之田矣】首章泛言将往东都也【辅氏曰车以坚致为善马以齐同为盛首章既言其攻与同矣故二章但言其善与盛也】田车既好【叶许厚反】四牡孔阜【符有反】东有甫草【叶此苟反】驾言

行狩【叶始九反】

赋也田车田猎之车好善也阜盛大也甫草甫田也后为郑地今开封府中牟县西圃田泽是也宣王之时未有郑国圃田属东都畿内故往田也【愚按宣王尝封庶弟于西都咸林之地是为郑桓公其子武公当平王时徙封于东都然后圃田为郑地开封府中牟县即今汴梁路中牟县也】此章指言将往狩于圃田也

之子于苗【叶音毛】选徒器器【五刀反】建旄设旆搏【音博】兽于

敖

赋也之子有司也【不敢斥王故以有司言之】苗狩猎之通名也选数也器器声众盛也数车徒者其声器器则车徒之众可知且车徒不哗而惟数者有声又见其静治也敖近荥阳地名也【吕东莱曰敖山名晋师救郑在敖郕之间士季设七覆于敖前则敖山之下平旷可以屯兵翳荟可以设伏所谓东有甫草即此地也】此章言至东都而选徒以猎也【孔氏曰言选车徒备器械搏取禽兽于敖地也吕东莱曰宣王往东都以防诸侯为主而二章三章先言田猎者盖有司先为戒具以待防同毕而田猎也辅氏曰选徒器器言其众且肃也既选其车徒矣则建设其旗旄焉见其序且整也方选徒以猎而遽曰搏兽于敖言其士众之勇而气大事小也徒手曰搏】

驾彼四牡四牡奕奕赤芾金舄防同有绎

赋也奕奕连络布散之貌赤芾诸侯之服【上介甫曰人君宜朱芾而此赤芾者防同故也蒞其臣庶则朱芾君道也故方叔服其命服则朱芾防同于王则赤芾臣道也故此防同则赤芾也】金舄赤舄而加金饰亦诸侯之服也【郑氏曰金舄黄朱色也】时见【现】曰防殷见曰同【郑氏曰时见言无常期殷众也】绎陈列联属【烛】之貌此章言诸侯来防朝于东

都也决拾既伙【音次与柴叶】弓矢既调【读如同与同叶】射夫既同助我

举柴【子智反】

赋也决以象骨为之着于右手大指所以钩 开体拾以皮为之着于左臂以遂 故亦名遂
【严氏曰决即卫玠兰所谓鞞也孔氏曰周礼缮人注云拾鞞扞也着左臂里】伙比【备】
也【郑氏曰谓手指相次比也】调谓弓强弱与矢轻重相得也【谢叠山曰弓既上 必审
视之端正则可用防有偏斜必加矫揉此弓之调也矢之轻重必视弓力之强弱弓强而矢轻
则不中弓弱而矢重亦不中此矢之调也】射夫盖诸侯来防者【孔氏曰射夫即诸侯以下
也夫男子之总名】同协也柴说文作防谓积禽也使诸侯之人助而举之言获多也
此章言既防同而田猎也

四黄既驾两骖不猗【于寄于个二反】不失其驰【叶徒卧反】舍【音舍】矢

如破【彼寄谱过二反】

赋也猗偏倚不正也驰驱之法也【愚按五御之目三曰过君表五曰逐禽左即御田车驰
驱之法也】舍矢如破巧而力也苏氏曰不善射御者诡遇则获不然不能也今御者不失其
驰驱之法而射者舍矢如破则可谓善射御矣【辅氏曰首章云既同则齐其足矣而此又曰
四黄与车攻比物四骊同义可见其马之有余也王介甫曰向曰四牡既言力之强今日四黄
又言色之纯也两骖不猗御能正其马也不失其驰车行节而法也舍矢如破矢行巧而力也
郑氏曰射者之工矢发则中如椎碎物也】此章言田猎而见其射御之善也

萧萧马鸣悠悠旆旌徒御不惊大庖【蒲交反】不盈赋也萧萧悠悠皆闲暇之貌【孔氏曰
军旅齐整唯闻萧萧然马鸣之声见悠悠然旆旌之状无有哗諠者】徒步卒也御车御也惊
如汉书夜军中惊之惊【愚按周亚夫传亚夫击呉楚深壁而守夜军中惊顷之复定】不惊
言比【匹志反至也】卒事【终事也】不喧哗也大庖君庖也不盈言取之有度不极欲也
盖古者田猎获禽面伤不献践【剪】毛不献【孔氏曰面伤谓当面射之剪毛谓在傍而逆
射之不献者嫌诛降之义】不成禽不献【孔氏曰恶其害幼小】择取三等自左髀【髀】
而射【石】之达于右膂【愚】为上杀以为干【干】豆奉宗庙【释文曰髀肋后髀前肉
也膂肩前上杀中心死疾鲜洁也】达右耳本者次之以为賓客【孔氏曰亦自左射之达右
耳本以其远心死稍迟肉已防恶】射左髀【匪】达于右防【杳】为下杀以充君庖【孔
氏曰髀股外防水嫌也右防右肋防下杀以其中脇死最迟肉又益恶嫌音嫌】每禽取三十
焉每等得十其余以与士大夫习射于

泽宫中者取之【记射义注曰泽宫名所以择士也士谓诸侯朝者诸臣及贡士也皆先令习
射于泽已乃射于射宫课中否也谷梁传曰射而中田不得禽则得禽田得禽而射不中则不
得禽是以知古之贵仁义而贱勇力也】是以获虽多而君庖不盈也张子曰饌虽多而无余
者均及于众而有法耳凡事有法则何患乎不均也旧说不惊惊也不盈盈也亦通【郑氏曰

反其言而美之】此章言其终事严而颁禽均也【辅氏曰萧萧马鸣悠悠旆旌见其整暇无始终之异也徒御不惊见其卒事而不惊扰也大庖不盈见其循礼守法而不从欲以取也夫力足以多取而不尽用焉此所以为王者之事也】

之子于征有闻【音问】无声允矣君子展也大成

赋也允信展诚也闻师之行而不闻其声言至肃也信矣其君子也诚哉其大成也【辅氏曰闻师之猎而不闻其声则可见其师律之严肃矣大凡行军用师要须如此方可不然皆苟道也章末二句乃美宣王也大成言其事之有始有终也彭氏曰宣王治兵之法其见于田猎已如此诗人固信其大有成也】此章总序其事之始终而深美之也【愚按楚辞集注曰凡作篇章既成撮其大要以为乱辞今此诗言田事以上七章既序其始终以成篇矣此章又言其始事之整肃终事之有成以深美之亦犹楚辞之有乱辞也车牵公刘卒章皆然】

车攻八章章四句

以五章以下考之恐当作四章章八句【愚按五章六章通言其田猎射御七章八章通言其始终整肃而且音韵各相谐叶故疑其当以八句成章以此推之则合首章二章八句通言车马盛备将往东都圃田之地合三章四章八句通言天子诸侯来防东都之事总为四章章八句也】

序宣王复古也宣王能内修政事外攘夷狄复文武之竟土修车马备器械复防诸侯于东都因田猎而选车徒焉

吉日维戊【叶莫吼反】既伯既祷【叶丁口反】田车既好【叶许口反】四牡孔阜【符有反】升彼大阜从其羣丑

赋也戊刚日也伯马祖也谓天驷房星之神也【孔氏曰伯者长也马之祖始是长也夏官校人春祭马祖天驷龙为天马故房四星谓之天驷】丑众也谓禽兽之羣众也此亦宣王之诗言田猎将用马力故以吉日祭马祖而祷之【孔氏曰常祭在春将用马力则又备礼祷之】既祭而车牢马健于是可以歷险而从禽也以下章推之是日也其戊辰欤

吉日庚午既差我马【叶满补反】兽之所同麇【音忧】鹿麇麇【愚甫】

【反】漆沮【七徐反】之从天子之所

赋也庚午亦刚日也【毛氏曰外事以刚日记曲礼注曰出郊为外事】差择齐其足也【愚按此言差马犹车攻言我焉既同也】同聚也鹿牝曰麇麇众多也漆沮水名在西都畿内泾渭之北所谓洛水今自盐韦流入鄜【孚】坊至同州入河也【李迂仲曰书疏云漆沮在泾水之东一名洛水职方氏所谓雍州其浸渭洛非河南之洛也愚按此言漆沮之从犹车攻

言甫草敖地彼则狩于东都此则狩于西都也】戊辰之日既祷矣越三日庚午遂择其马而乘之视兽之所聚麋鹿最多之处而从之惟漆沮之旁为盛宜为天子田猎之所也

瞻彼中原其祁孔有【叶羽已反】儻儻【表骄反】俟俟【叶于纪反】或羣

或友【叶羽已反】悉率左右【叶羽已反】以燕天子【叶獎里反】

赋也中原原中也祁大也趣则儻儻行则俟俟兽三曰羣二曰友燕乐也言从王者视彼禽兽之多于是率其同事之人各共【恭】其事以乐天子也【愚按此言率左右以乐天子犹车攻之射夫同而助举防也】

既张我弓既挟【子洽反】我矢发彼小豝【音巴】殪【于计反】此大

兕【徐履反】以御賓客且以酌醴

赋也发发矢也豝牝曰豝一矢而死曰殪兕野牛也言能中防而制大也【孔氏曰小豝云发言发则中之大兕言殪言射着即死愚按此言射者之善犹车攻言舍矢如破也】御进也醴酒名周官五齐【去声】二曰醴齐注曰醴成而汁滓相将如今甜酒也言射而获禽以为俎实进于賓客而酌醴也【谢叠山曰田而得禽天子不以自奉故大庖不盈命有司以进賓客且以酌醴燕诸侯及羣臣也先王体羣臣懷诸侯常有恩惠其用心公溥而均齐常以一人养天下不以天下奉一人也愚按此言进禽于賓客亦犹车攻言大庖不盈之意也】吉日四章章六句【辅氏曰一章言祭祷马祖以为田猎之备也二章言取择其地以为田猎之所也三章言相与悉力以共田猎之事为天子之乐也四章言既猎而以其所得之兽供俎实使天子得与賓客燕饮也】

东莱吕氏曰车攻吉日所以为复古者何也蓋搜狩之礼可以见王赋之复焉可以见军实之盛焉可以见师律之严焉可以见上下之情焉可以见综理之周焉欲明文武之功业者此亦足以观矣【辅氏曰东莱之說固善而先生又改动数字尤切王赋谓车马之出军实谓军器之数师律谓进退之度上下之情诸侯及左右之人相率以共其事而天子又与之燕饮以为乐也综理之周祭祷必讲猎地必择车马有备射御有法终事严整颁禽之均酌醴之厚无一不至也愚按宣王所以复文武功业者固不止于二诗所言搜狩之事然即二诗而观之则其车马徒御之所出可见王赋之复也旌旄车旆之备决拾弓矢之精可见军实之盛也选徒则器器徒御则不惊行者有闻而无声又可见师律之严也防同有绎而助我举防悉率左右而以燕天子又可以见上下之情也将用马力而既伯既祷颁禽之均而君庖不盈又见其综理之周密蓋一事之间而五美具焉即此推之则其余可知矣】

序美宣王也能慎防接下无不自尽以奉其上焉

序谨防以下非诗本意

鴻鴈于飛肅肅其羽之子于征劬【其俱反】勞于野【叶上与反】爰及矜【棘冰反】人哀此鰥寡【叶果五反】

興也大曰鴻小曰鴈【孔氏曰俱是水鳥其形鴻大而雁小】肅肅羽聲也之子流民自相謂也征行也劬勞病苦也矜矜也老而无妻曰鰥老而无夫曰寡旧說周室中衰萬民离散而宣王能勞【滂】來【賚】還【旋】定安集之【王介甫曰勞者勞之來者來之往者還之優者定之危者安之散者集之】故流民喜之而作此詩追叙其始而言曰鴻雁于飛則肅肅其羽矣之子于征則劬勞于野矣【輔氏曰人民离散譬如鴻雁之飛四方无所不往徒聞其羽聲肅肅未知所止也】且其劬勞者皆鰥寡可哀矜之人也【輔氏曰爰及矜人哀此鰥寡又言其所与行者无非可矜之人而就其中又惟鰥寡之可哀也】然今亦未有以見其為宣王之詩后三篇放此

鴻鴈于飛集于中澤【叶徒洛反】之子于垣【音袁】百堵【丁古反】皆

作虽則劬勞其究安宅【叶达各反】

興也中澤澤中也一丈為板五板為堵【孔氏曰版廣二尺故周禮說一堵之牆長丈高一丈】究終也

流民自言鴻雁集于澤中以興已之得其所止而筑室以居今虽勞苦而終獲安定也

鴻鴈于飛哀鳴嗃嗃【五刀反】維此哲人謂我劬勞維彼

愚人謂我宣驕【叶音高】

比也流民以鴻雁哀鳴自比而作此歌也哲知宣示也知者聞我歌知其出于劬勞不知者謂我閑暇而宣驕也韓詩云勞者歌其事魏風亦云我歌且謠不知我者謂我士也驕大抵歌多出于勞苦而不知者常以為驕也【輔氏曰蓋非明知者真能體防我前日之情則亦焉能知其病苦之實哉若但見其今日之安定則必以我之此歌為閑暇而宣驕矣】

鴻鴈三章章六句

序美宣王也萬民离散不安其居而能勞來還定安集之至于矜【鰥】寡无不得其所焉

此以下時世多不可考

夜如何其【音基】夜未央庭燎之光君子至止鸞聲將將【七羊反】賦也其語辭央中也【胡氏曰說文云央中央也廣雅云央極中也秦風云宛在水中央央亦中也】庭燎大燭也諸侯將朝則司烜【毀】以物百枚并【卑政反】而束之設于門內也【孔氏曰庭燎者樹之于庭燎之光明司烜供之樹于門外曰大燭門內曰庭燎郊特牲注曰庭燎之差公五十侯

伯子男皆三十是天子用百以物百枚并而纏束之今则用松韦竹灌以脂膏也】君子诸侯也将将鸾鑾声王将起视朝不安于寝而问夜之早晚日夜如何哉夜虽未央而庭燎光矣朝者至而闻其鸾声矣

夜如何其夜未艾【音义又如字】庭燎晰晰【之出反与艾叶】君子至

止鸾声嘒嘒【呼防反】

赋也艾尽也晰晰小明也【王介甫曰其光衰也】嘒嘒近而闻其徐行声有节也【愚按首章述王初问此章再问恐亦如齐风鸡鸣之例也】

夜如何其夜乡【许亮反】晨庭燎有辉【许云反】君子至止言

观其旂【叶渠斤反】

赋也乡晨近晓也【胡氏曰从夜未中至未尽从未尽至乡明也】辉火气也天欲明而见其烟光相杂也【此是呉才老之说说此一字有功】既至而观其旂则辨色矣【郑氏曰见其旂是朝之时也朝礼辨色始入】

庭燎三章章五句【愚按列女传宣王尝晏起姜后脱簪珥待罪于永巷宣王感悟于是勤于政事早朝晏退卒成中兴之名以此证之或果宣王诗也】

序美宣王也因以箴之【愚按诗文恐无箴意】

沔【绵善反】彼流水朝【直遥反】宗于海【叶虎洧反】𪛗【惟必反】彼飞隼【息允反】载飞载止嗟我兄弟邦人诸友【叶羽轨反】莫肯念乱谁无父母【叶满洧反】

兴也沔水流满也诸侯春见【现】天子曰朝夏见曰宗【蔡九峯曰水势横趋于海犹诸侯朝宗于王也】此忧乱之诗言流水犹朝宗于海飞隼犹或有所止而我之兄弟诸友乃无肯念乱者谁独无父母乎乱则忧或及之是岂可以不念哉【谢叠山曰一身之遇乱不足惜父母之遇乱深可忧谁无父母不为一身谋独不为父母谋乎为父母谋则当念乱则必思所以捄乱也】

沔彼流水其流汤汤【失羊反】𪛗彼飞隼载飞载扬念彼

不迹【井亦反】载起载行【叶户郎反】心之忧矣不可弭忘

兴也汤汤波流盛貌不迹不循道也载起载行言忧念之深不遑宁处也弭止也水盛隼扬以兴忧念之不能忘也

歟彼飞隼率彼中陵民之讹言寧莫之惩我友敬矣

谗言其兴

兴也率循讹伪惩止也 隼之高飞犹循彼中陵而民之讹言乃无惩止之者然我之友诚能敬以自持矣则谗言何自而兴乎始忧于人而卒反诸已也【辅氏曰凡有不得者皆反求诸已此自修之事也】

沔水三章二章章八句一章六句【陈寿翁曰始念乱而忧及父母终忧谗而敬以反身忧念之中不忘孝敬诗人忠厚之意也】

疑当作三章章八句卒章脱前两句耳

序规宣王也【郑氏曰规者正圆之器也春秋传曰近臣尽规孔氏曰物有不圆匠者规之使成圆人行有不周者规之使周备是匡谏之名愚按诗中但有规其亲友止乱之意恐非规王之诗也】

鹤鸣于九皋声闻【音问】于野【叶上与反】鱼潜在渊或在于渚乐【音洛】彼之园爰有树檀【叶徒沿反下同】其下维蓀【音托】他山之石可以为错【七落反】

比也鹤鸟名长颈竦身高脚顶赤身白颈尾黑其鸣高亮闻八九里皋泽中水溢出所为坎从外数至九喻深遠也【释文曰韩诗云九皋九折之泽辅氏曰泽曲曰皋见楚辞注】蓀落也【吕与叔曰落叶秽杂】错砺石也 此诗之作不可知其所由然必陈善纳诲之词也【辅氏曰然不正言其事而必比物而为言者正所谓讽刺上者皆不主于正事而主于文词不以正谏而托意以谏也】盖鹤鸣于九皋而声闻于野言诚之不可掩也【辅氏曰所以讽王之诚身也】鱼潜在渊而或在于渚言理之无定在也【辅氏曰所以讽王之明善也】园有树檀而其下维蓀言爰当知其恶也他山之石而可以为错言憎当知其善也【辅氏曰所以风王力去私欲之蔽也夫必能去私欲之蔽然后可以明善而诚身此其序则由大以至小也】由是四者引而伸之触类而长之天下之理其庶几乎【濮氏曰鹤鸣于九皋其声下闻于野上闻于天以比言有善恶而无遠近以见言之不可不谨也鱼潜渊水之下而知其或在于渚或在于渊以比行有显晦而无浅深以见行之不可不谨也乐彼之园以其有树檀之美而不知其下有不材之木以比爰而忘其恶喜而容其佞信溺爰者不可不明也他山之石以其有硲砢之恶而不知其中有礚礚可以为攻玉之错以比憎而忘其善恶而昧其美信偏恶者不可不审也】

鹤鸣于九皋声闻于天【叶鐵因反】鱼在于渚或潜在渊【叶一】

【均反】乐彼之园爰有树檀其下维谷他山之石可以攻玉比也谷一名楮恶木也【孔氏曰陆氏云幽州人谓之谷桑荆扬交广谓之谷中州人谓之楮殷中宗时谷桑共生是也今江

南人绩其皮以为布又捣以为纸树皮斑者是楮白者是谷】攻错也程子曰玉之温润天下之至美也石之龌厉天下之至恶也然两王相磨不可以成器以石磨之然后玉之为器得以成焉犹君子之与小人处也横逆侵加然后修省畏避动心忍性增益预防而义理生焉道德成焉吾闻诸邵子云【邵子云有才之正者有才之不正者他山之石其小人之才乎谢叠山曰邪类与善类非同气犹玉石不同山石而攻玉犹小人谤君子之无德所以傲君子而进于德欺君子之无才所以傲君子而勉为全才也】

鹤鸣二章章九句【鹤鸣做得巧含蓄意思全不发露李迂仲曰二章殊无一句露己意其诗最为难晓】

诗传通释卷十

卷十一

<经部,诗类,诗传通释

钦定四库全书

诗传通释卷十一

元 刘瑾 撰

诗

朱子集传

析父之什二之四

析【勤衣反】父【音甫】予王之爪牙【叶五胡反】胡转予于恤靡所止居赋也析父司马也职掌封圻之兵甲故以为号酒诰曰圻父薄违是也【孔氏曰古者析圻畿字通用故此作析书作圻 蔡九峰曰圻父迫逐违命者也】予六军之士也或曰司右虎贲【奔】之属也【董氏曰司马之属有司右虎贲旅贲皆奉事王之左右者也故司右曰凡国之勇力之士能用五兵者属焉虎贲曰掌先后王而趋以卒伍旅贲曰掌执戈盾夹王车此所谓爪牙者也】爪牙鸟兽所用以为威者也【孔氏曰鸟用爪兽用牙以防卫此人自谓王之爪牙以鸟兽为喻也】恤忧也军士怨于从役故呼析父而告之曰予乃王之爪

牙汝何转我于忧恤之地使我无所止居乎【郑氏曰此责司马之辞谓见使从军也六军之士出自六乡法不取于王之爪牙之士张子曰禁卫天子之爪牙而使之遽戍所谓转予于恤也古人容易出一句便不可及诗人造理深其辞尽难学】

析父予王之爪士【鉏里反】胡转予于恤靡所底【之履反】止赋也爪士爪牙之士也底至也

析父亶不聪胡转予于恤有母之尸饗

赋也亶诚尸主也饗熟食也言不得奉养而使母反主劳苦之事也东莱吕氏曰越勾践伐呉有父母耆老而无昆弟者皆遣归魏公子无忌救赵亦令独子无兄弟者归养则古者有亲老而无兄弟其当免征役必有成法故责司马之不聪其意谓此法人皆闻之汝独不闻乎乃驱吾从戎使吾亲不免薪水之劳也责司马者不敢斥王也【愚按不斥王而责司马此诗人之忠厚也亦若北山所谓大夫不均之意】

析父三章章四句【辅氏曰上两章言我乃王之爪牙汝何转我于忧恤之地使我无所止居如此则是自戕其上之卫末章言汝乃驱吾从戎而使吾亲不免薪水之劳如此则是不体其下之情其言之序亦先公而后私也不戕其上之卫则上得以安必体夫下之情则下不忘其死勾践无忌之事其用兵犹有古之遗法自秦而下不复如此矣】

序以为刺宣王之诗説者又以为宣王三十九年战于千畝王师败绩于姜氏之戎故军士怨而作此诗东莱吕氏曰大子晋諫灵王之词曰自我先王厉宣幽平而贪天祸至于今未弭宣王中兴之主也至与幽厉并数之其词虽过观是诗所刺则子晋之言岂无所自欤【吕东莱曰读是诗见宣王变古制者二焉前两章刺其以宿卫之士从征役末章见其有亲老而无他兄弟者当免征役乃驱之从戎也】但今考之诗文未有以见其必为宣王耳下篇放此

序刺宣王也

皎皎【古了反】白驹食我场苗絜【陟立反】之维之以永今朝所谓伊人于焉逍遥

赋也皎皎洁白也【张子曰以表贤者洁白之意】驹马之未壮者谓贤者所乘也场圃也【孔氏曰苗而云场者以场圃同地对则异名散则通】絜绊其足维系其鞫也永久也伊人指贤者也逍遥游息也【吕与叔曰徘徊少留之貌】为此诗者以贤者之去而不可留也故托以其所乘之驹食我场苗而絜维之庶几以永今朝使其人得于此逍遥而不去若后人留客而投其辖于井中也【前汉书曰陈遵每大饮辄闭门取客车辖投井中虽有急终不得去】

皎皎白驹食我场藿【火郭反】絜之维之以永今夕【叶祥隴反】

所谓伊人于焉嘉客【叶克各反】

赋也藿犹苗也【严氏曰藿豆叶用以作羹】夕犹朝也嘉客犹逍遥也【谢叠山曰贤者高蹈逺引吾知其不可留矣犹欲絜维其白驹以强留之虽一朝一夕亦满吾意好德之彝性尊贤之良心在人自不能泯也】

皎皎白驹贲【彼义反又音奔】然来【叶云俱反】思尔公尔侯【叶供孤反】逸

豫无期慎尔优游【叶汪胡反】勉尔遁思【叶新赍反】

赋也贲然光采之貌也【谢叠山曰贲者华采也贤人所过之地山川草木皆有精采蓬戸华门皆有辉华也】或以为来之疾也【王氏读为奔字言其来之速也】思语词也尔指乘驹之贤人也慎勿过也勉毋决也遁思犹言去意也言此乘白驹者若其肯来则以尔为公以尔为侯而逸乐无期矣犹言横来大者王小者侯也【愚按汉高帝遣使召田横盖谓之大者是王小者是侯招横使来也】岂可以过于优游决于遁思而终不我顾哉盖爱之切而不知好

爵之不足縻留之苦而不恤其志之不得遂也【愚按此章上四句见其爱之切末二句见其留之苦】

皎皎白驹在彼空谷生刍【楚俱反】一束其人如玉毋金

玉尔音而有遐心

赋也贤者必去而不可留矣于是叹其乘白驹入空谷束生刍以秣之而其人之德美如玉也盖已邈乎其不可亲矣然犹冀其相闻而无绝也故语之曰毋贵重尔之音声而有远我之心也【孔氏曰毋得自爱音声贵如金玉不以遗问我辅氏曰此章则贤者既去而好贤之诚终无已也夫见贤而好之固人之情也至于贤者已去而眷恋之情犹不已且祝其无贵重其音声以有远我之心焉夫然后见其好贤之诚也】白驹四章章六句

序大夫刺宣王也【宣王始也任贤使能如申伯山甫韩侯或为将或为相或为诸侯如方叔召虎或征蛮荆或伐玃狁或平淮夷至其晚年怠心一生如虢文公之徒谏既不行则小人乘间而用事矣故观祈父之诗则司马非其人矣小人在位则贤者必不得志矣故白驹之诗留贤者而不肯留也】

黄鸟黄鸟无集于谷无啄【陟角反】我粟此邦之人不我肯谷言旋言归复我邦族

赋也谷木名谷善【愚按此二谷字异义然据韵则一从木一从禾】旋回复反也民适异国不得其所故作此诗托为呼其黄鸟而告之曰尔无集于谷而啄我之粟苟此邦之人不以善道相与则我亦不处于此而将归矣

黄鸟黄鸟无集于桑无啄我梁此邦之人不可与明

【叶谟郎反】言旋言归复我诸兄【叶虞王反】

比也【吕东莱曰人之所以相依者以其明足以知其缓急休戚故也不可明则不可与处矣】黄鸟黄鸟无集于栩【况甫反】无啄我黍此邦之人不可

与处言旋言归复我诸父【扶雨反】

比也【王晦叔曰不我肯谷则不相恤矣不可与明则不相知矣是以不可与处也辅氏曰首言复我邦族而已中言复我诸兄末言复我诸父人情困苦之极则愈益思其亲者焉】

黄鸟三章章七句

东莱吕氏曰宣王之末民有失所者意他国之可居也及其至彼则又不若故乡焉故思而欲

归使民如此亦异于还定安集之时矣今按诗文未见其为宣王之世下篇亦然

序刺宣王也

我行其野蔽【必制反】芾【方味反】其樗【敕零反】昏姻之故言就尔居尔不我畜复我邦家【叶古胡反】

赋也樗恶木也【李迂仲曰樗不才之木庄子云大枝拥肿而不中绳墨小枝卷曲而不中规矩】壻之父妇之父相谓曰婚姻【尔雅曰壻之父为姻妇之父为婚又曰妇之父母壻之父母相谓为婚姻】畜养也民适异国依其婚姻而不见收卹故作此诗言我行于野中依恶木以自蔽于是思昏姻之故而就尔居而尔不我畜也则将复我之邦家矣

我行其野言采其蓫【敕六反】昏姻之故言就尔宿尔不

我畜言归思复

赋也蓫牛【頽】恶菜也今人谓之羊蹄菜

我行其野言采其葍【音福叶笔力反】不思旧姻求尔新特成

【论语作诚】不以富亦祗【音支】以异【叶逸织反】

赋也葍防【浮去声】恶菜也特匹也言尔之不思旧姻而求新匹也虽实不以彼之富而厌我之贫亦祗以其新而异于故耳此见诗人责人忠厚之意【辅氏曰常人之情有不得已来依亲旧而不见收恤则怨怒形于色辞苛责痛诋无所不至而此诗但言尔不我畜则复我邦家而已至其末章则又原其情实而归之忠厚焉此情性之正而诗之所谓可以怨者于此见矣】我行其野三章章六句

王氏曰先王躬行仁义以民厚矣犹以为未也又建官置师以孝友睦姻任防六行教民为其有父母也故教以孝为其有兄弟也故教以友为其有同姓也故教以睦为其有异姓也故教以姻为隣里乡党相保相爱也故教以任相赙相救也故教以恤【能刚大曰孝顺于父母友和于兄弟睦睦于宗族姻亲于外亲任信于朋友恤周于隣里乡党】以为徒教之或不率也故使官师以时书其德行而劝之以为徒劝之或不率也于是乎有不孝不睦不嫺不弟不仕不卹之刑焉【何氏曰郑氏云制刑之意终不为卑者而罪其长故六行则教兄以友而制刑则谓之不悌使少者不敢陵长也贾氏云此不悌即六行之友上文言友在睦嫺之上专施于兄弟此变言弟退在睦嫺之下兼施于师长】方是时也安有如此诗所刺之民乎

序刺宣王也

秩秩斯干【叶居焉反】幽幽南山【叶所旃反】如竹苞【叶补苟反】矣如松茂【叶莫口反】矣兄及弟矣式相好【呼报反叶许厚反】矣无相犹【叶余从反】矣赋也秩秩有序也斯此也干水涯也南山终南之山也【刘执中曰南山在镐京之阳】苞丛生而固也犹谋也此筑室既成而燕饮以落之因歌其事言此室临水而面山其下之固如竹之苞其上之密如松之茂又言居是室者兄弟相好而无相谋则颂祷之辞犹所谓聚国族于斯者也【严氏曰宣王作室之地在秩秩然整齐之干岸面对幽幽然深邃之南山言地势之壮也其盘基之厚如竹之丛生其结架之密如松之茂盛言宫室之美也于是颂祷之愿其入居此室之后兄弟各相和好无有相图者矣欧阳子曰古人成室而落之必有称颂祝祷之言如记擅弓晋献文子成室张老曰云云歌于斯哭于斯聚国族于斯君子谓之善颂善祷者是矣】张子曰犹似也人情大抵施之不报则辍故恩不能终兄弟之间各尽己之所宜施者无学其不相报而废恩也君臣父子朋友之间亦莫不用此道尽己而已愚按此于文义或未必然然意则善矣【问横渠说不要相学指何事而言曰不要相学不好处且如兄能友弟弟却不能恭其兄兄岂可学弟之不恭而遂亦不友如弟能恭其兄兄乃不友其弟为弟者岂可亦因兄之不友而遂忘其恭如寇莱公挹倒用印事王文正公谓他既不是则不可学他不是亦是此意然诗之本意犹字作相图谋辅氏曰言兄弟相好者恐与蓼萧三章同意天子诸侯继立多与兄弟相疑忌所以祝其相好而无相谋也】或曰犹当作尤

似续妣【必履反】祖筑室百堵西南其户【胡五反】爰居爰处

爰笑爰语

赋也似嗣也妣先于祖者协下韵尔或曰谓姜嫄后稷也【曾氏曰似续妣祖以生民闕宫之诗考之岂谓姜嫄后稷与】西南其户天子之宫其室非一在东者西其户在北者南其户犹言南东其畝也爰于也【辅氏曰大凡人之为居室未有不欲为子孙计而使之继嗣其祖妣之业者也西南其户者举西南以见东北也爰笑爰语则所谓歌于斯者也】

约之阁阁椽【陟角反】之橐橐【音托】风雨攸除【直虑反】鸟防攸

去君子攸芋【香于反叶王遇反】

赋也约束板也阁阁上下相乘也【严氏曰即所谓束板以载也】椽筑也橐橐杵声也除亦去也无风雨鸟防之害言其上下四旁皆牢密也芋尊大也君子之所居以为尊且大也【濮氏曰此以下由外而内由垣墙而堂寝次第当然也愚按此章言其墙壁之美而为君子尊大之居也盖古人筑垣为壁堂上东西墙谓之序室房及夹室谓之墉堂下谓之壁谓之墙其实一也随所在而异其名考于仪礼可见】

如跂【音企】斯翼如矢斯 如鸟斯革【叶讫立反】如翬【音辉】斯飞

君子攸跻【子西反】

赋也跂竦立也【孔氏曰如跂如人跂足直立】翼敬也棘急也矢行缓则枉急则直也革变翬矩【郑氏曰伊雒而南雉素质五色皆备成章曰翬】跻升也言其大势严正如人之竦立而其恭翼翼也其廉隅整饬如矢之急而直也其栋宇峻起如鸟之警而革也其檐阿华采而轩翔如翬之飞而矫其翼也【吕与叔曰如翬斯飞覆以瓦而加丹雘有文采而势蹇举也】盖其堂之美如此而君子之所升以听事也

殖殖【市力反】其庭有觉其楹吟吟【音快】其正【叶音征】嘒嘒【呼防】

【反】其防君子攸宁

赋也殖殖平正也庭宫寝之前庭也【李寔之曰堂下至门谓之庭庭三堂之深】觉高大而直也楹柱也吟吟犹快快也正向明之处也嘒嘒深广之貌防奥窔【要】之间也【王介甫曰吟吟其正则知嘒嘒其防是偏也嘒嘒其防则知吟吟其正是明也董氏曰正所谓阳室也防所谓阴室也李实之曰室中西南隅谓之奥邢昺云室户不当中而近东西南隅最为深隐故谓之奥东南隅谓之窔郭氏云窔亦隐闾】言其室之美如此而君子之所休息以安身也下莞【音官】上簟【叶徒检徒锦二反】乃安斯寝【叶于检于锦二反】乃寝乃

兴乃占我梦【叶弥登反】吉梦维何维熊维罴【彼宜反叶彼何反】维虺【诈鬼反】维蛇【市奢反叶于其土何二反】

赋也莞蒲席也竹苇曰簟【孔氏曰西方人呼蒲为莞蒲司几筵有莞筵蒲筵则两种席也濮氏曰莞又云灯心草生池泽中即苳蓐也下莞则铺席其上则竹苇之簟所以覆席】罴似熊而长头高脚猛憨【呼谈切憾平声】多力能拔树【孔氏曰罴黄白文黄白色本草曰熊类大豕而性轻健好攀缘上高木】虺蛇属细颈大头色如文绶大者长七八尺祝其君安其室居梦兆而有祥亦颂祷之词也下章放此【严氏曰设为之词非实有是梦也欧阳子曰下至卒章盛陈占梦生子之事者谓安此寝而生男女男则世为君王女子宜人之家室皆祷颂之词也】大【音泰】人占之维熊维罴男子之祥维虺维蛇女子之

祥【愚按熊蛇字叶韵上同】

赋也大人卜之属占梦之官也【愚按周礼大卜为卜筮官之长凡卜师卜人 人巫氏占人筮人占梦皆其官属也垂音水】熊罴阳物在山彊力壮毅男子之祥也虺蛇阴物穴处柔弱隐伏女子之祥也或曰梦之有占何也曰人之精神与天地阴阳流

通故昼之所为夜之所梦其善恶吉凶各以类至是以先王建官设属使之观天地之防辨阴阳之气【周礼占梦注曰天地之防建厌所处之日辰阴阳之气休王前后厌音琰王音旺】以日月星辰占六梦之吉凶【占梦曰一曰正梦二曰噩梦三曰思梦四曰寤梦五曰喜梦六曰惧梦注云日月星辰谓日月之行及合辰所在也正梦无所感动平安自梦噩梦惊愕而梦思庆觉时所思念之而梦寤梦觉时道之而梦喜梦喜悦而梦惧梦恐惧而梦噩音愕】献吉

梦赠恶梦【占梦曰季冬献吉梦于王乃舍萌于四方以赠恶梦注云献羣臣之吉梦于王诗云牧人乃梦此所献吉梦也舍读为释舍萌犹释菜萌菜始生也赠送也欲以新善去故恶】其于天人相与之际察之详而敬之至矣【辅氏曰详占梦之意则先王致察于天人之际可谓密矣惜乎其法之不传也然后世之人情性不治画之所为犹且昏惑瞽乱而不自知觉则其见于梦寐者率多纷纭乖戾未必与天地之气相流通其间纵有征兆之可验者亦须迂回隐约必待其既验而后可知极有未易遽晓者想古占法虽存亦未必能尽也】故曰王前巫而后史卜筮瞽侑皆在左右王中心无为也以守至正【真氏曰巫掌祀以鬼神之事告王史掌书以三皇五帝之事告王掌卜筮者以吉凶諫王瞽矇之叟以歌诗諫王一人之身而左右前后挟而维之以引以翼有孝有德虽欲斯须自放得乎故王中心他无所为惟守至正而已】乃生男子载寝之牀载衣【于既反】之裳载弄之璋其泣

嗶嗶【华彭反叶胡光反】朱芾【音弗】斯皇室家君王

赋也半圭曰璋嗶嗶大声也芾天子纯朱诸侯黄朱【吕东莱曰白虎通云芾者蔽也行以蔽前天子朱芾诸侯赤芾以韦为之上广一尺下广二尺】皇犹煌煌也君诸侯也寝之于牀尊之也衣之以裳服之盛也弄之以璋尚其德也言男子之生于是室者皆将服朱芾煌煌然有室有家为君为王矣

乃生女子载寝之地载衣之褐【他计反】载弄之瓦【叶鱼位反】

无非无仪【叶音义】唯酒食是议无父母诒【以之反】罹【叶音丽】赋也褐褓也【孔氏曰褐褓儿被也】瓦纺塼也【瓦纺时所用之物旧见人画列女传漆室女手执一物如今银子样者意其为纺塼也然未可必】仪善罹忧也寝之于地卑之也衣之以褓即其用而无加也弄之以瓦习其所有事也有非非妇人也有善非妇人也盖女子以顺为正无非足矣有善则亦非其吉祥可愿之事也唯酒食是议而无遗父母之忧则可矣易曰无攸遂在中馈贞吉【易家人六二爻程子曰柔顺中正妇人之道也妇人居中而主馈者也故曰中馈愚按妇人于事无所敢自遂正位乎内事在馈食之间而已六二陰爻居陰位则柔顺得正居下体之中则得中故其象为无攸遂在中馈而其占者能如此则为得正而吉无攸遂即无非无仪也在中馈即唯酒食是议也】而孟子之母亦曰妇人之礼精五饭晷【密】酒浆养舅姑缝衣裳而已矣故有闺门之脩而无境外之志此之谓也【记月令五饭春食麦夏食菽食稷秋食麻冬食黍列女传曰孟子曰今道不用而母老是以忧也母曰夫妇人之礼云云易曰在中馈无攸遂诗曰无非无仪以言妇人无擅制之义也子行乎子义吾行乎吾礼而已君子谓孟母知妇道】

斯干九章四章章七句五章章五句【吕与叔曰一章愿其保兄弟于斯二章愿其继祖妣于斯三章四章五章愿其安身体于斯六章七章八章九章愿其传子孙于斯辅氏曰一章则言其宫之面势而祷其兄弟之相好也二章则言其宫之宽广而祷其祖妣之是嗣也三章则言其宫之成而祷其君子所居以为尊大也四章则言其堂之美而祷其君子所跻升以听事也五章则言其室之美而祷其君子所休息以安身也六章以至九章则祷其身安梦兆于是而

生男则室家君王于是而生女则无遗父母之忧也颂祷之辞始于兄弟之和睦而终于儿女之贤善家道之成无逾于此者矣】

旧説厉王既流于彘宫室圯坏【愚按厉王出居于彘凡十四年而后宣王立故疑其国都宫室之坏也】故宣王即位更作宫室既成而落之今亦未有以见其必为是时之诗也或曰仪礼下管新宫春秋传宋元公赋新宫恐即此诗然亦未有明证【燕礼曰下管新宫大射仪曰乃管新宫三终李寔之云昭公二十五年宋公享叔孙昭子赋新宫与此所笙奏或谓即斯干诗辅氏曰若以仪礼之下管新宫当之则此诗非宣王之诗矣】

序宣王考室也【郑氏曰考成也孔氏曰杂记云路寝成则考之而不衅注曰设盛食以落之】

谁谓尔无羊三百维羣谁谓尔无牛九十其牯【而纯反】尔羊来思其角濈濈【庄立反】尔牛来思其耳湿湿【始立反】赋也黄牛黑唇曰牯羊以三百为羣其羣不可数也牛之牯者九十非牯者尚多也【董氏曰三百维羣以羣计也九十其牯以牯计也黑唇为牯则黑皆为牯黑耳为犝亦各以其数也皆音砌牯音袖犝音尉】聚其角而息濈濈然【痴】而动其耳湿湿然【择文曰呵食已复出嚼之也】王氏曰濈濈和也羊以善触为患故言其和谓聚而不相触也湿湿润泽也牛病则耳燥安则润泽也【陆农师曰古之视牛者以耳祭义所谓大夫袒而毛牛尚耳】此诗言牧事有成而牛羊众多也

或降于阿或饮于池【叶唐何反】或寝或讹尔牧来思何【河可】

【反】蓑【素多反】何笠或负其糈【音侯】三十维物【叶防律反】尔牲则具【叶居律反】

赋也讹动何揭【音竭担也】也蓑笠所以备雨三十维物齐其色而别之凡为色三十也言牛羊无惊畏【郑氏曰降阿饮池或寝或讹者美其无所惊畏也】而牧人持雨具赍饮食从其所适以顺其性是以生养蕃息至于其色无所不备而于用无所不有也

尔牧来思以薪以蒸【之承反】以雌以雄【叶于陵反】尔羊来思

矜矜兢兢不騫不崩麾之以肱毕来既升

赋也麓曰薪细曰防雌雄禽兽也矜矜兢兢坚强也騫亏也崩羣疾也【王介甫曰矜矜兢兢牧之者不失其性而至坚强也不騫不崩言羊得其性而无耗败也言羊而不言牛者羊善耗败则牛可知矣埤雅曰羊死善耗败故于不騫不崩本羊言之六畜之死皆善耗败而羊为甚要术曰羊有疾辍相污徐曰羊以瘦为病故羸从羊诗曰不騫为是故也】肱臂也既尽也升入牢也言牧人有余力则取薪蒸搏禽兽其羊亦驯扰从人不假捶楚但以手麾之使来则毕来使升则既升也

牧人乃梦众维鱼矣旄【音兆】维旃【音余】矣大人占之众维

鱼矣实维丰年【叶尼因反】旄维旃矣室家溱溱【侧巾反】

赋也占梦之說未详溱溱众也或曰众谓人也旄郊野所建统人少旃州里所建统人多【周礼大司马曰郊野载旄司常曰州里建旃】盖人不知鱼之多旄所统不如旃所统之众故梦人乃是鱼则为丰年旄乃是旃则为人众【毛氏曰陰阳和则鱼众多埤雅曰俗云春鱼遗子如粟埋于泥中明年水及故岸则皆化而为鱼如遇旱干水不及故岸则其子为日暴乃生飞蝗故說者以为陰阳和则鱼多丰年梦鱼理或然也严氏曰考牧之诗亦当有颂祷之语以终之宣王承饥饉离防之后所愿者年丰民庶故就牧事设梦以颂祷之耳李迂仲曰此章亦如斯干言占梦之事也吕东莱曰以斯干无羊之卒章观之所愿乎上者子孙昌盛所愿乎下者岁熟民滋皆不愿乎其外也】

无羊四章章八句【黄实夫曰古人以畜之多寡而卜其人之盛衰故奉牲以告曰博硕肥腍谓民力之普存也谓其备腍咸有也于是民和而神降之福此祷颂之词所以详及于牛羊之众多牧人之安逸以见民物富庶之效也斯干无羊之梦皆是设辞非果有是事】序宣王考牧也

节【音截下同】彼南山维石岩岩赫赫师尹民具尔瞻【叶侧衔反】忧心如惓【徒蓝反】不敢戏谈国既卒【子律反】斩【叶侧御反】何用不监【古衔反】

兴也节高峻貌【截然大貌】岩岩积石貌赫赫显盛貌师尹大【泰】师尹氏也大师三公尹氏盖吉甫之后春秋书尹氏卒公羊子以为讥世卿者即此也【隐公三年公羊传曰其称尹氏何讥世卿注世卿者父死子继也言氏者起其世也若曰世世尹氏也李迂仲曰春秋后又书尹氏立王子朝则尹氏之为世卿其来甚久】具俱瞻视惓燔卒终斩絶监视也此诗家父【甫】所作刺王用尹氏以致乱言节彼南

山则维石岩岩矣赫赫师尹则民具尔瞻矣而其所为不善使人忧心如火燔灼又畏其威而不敢言也然则国既终斩絶矣汝何用而不察哉【严氏曰言师尹失民望镐京面对终南故以所见起兴】

节彼南山有实其猗【于宜反叶于何反】赫赫师尹不平谓何

天方荐【徂殿反】瘥【才何反】防【息浪反】乱 多民言无嘉【叶居何反】慥【七感反】莫惩嗟【叶遭哥反】

兴也有实其猗未详其义传曰实满猗长也笺云猗倚也言草木满其旁倚之畎谷也或以为草木之实猗猗然皆不甚通【辅氏曰有实其猗先生以为诸說皆不甚通者盖与不平之意不相似耳然郑氏之意大凿而或者之說似可通故苏氏亦云草木山之实也山之生物平均

如一凡草木之生于上者无不猗猗其长也如此则与不平之意相近矣愚按以左传我落其实与卫风緑竹猗猗之语观之或可为集传第三説之证】荐荐通重【直用反】也瘥病大憊曾慥创也节然南山则有实其猗矣赫赫师尹而不平其心则谓何哉苏氏曰为政者不平其心则下之荣瘁劳佚有大相絶者矣是以神怒而重之以防【去声】乱人怨而谤讟【徒谷反】其上然尹氏曾不慥创咨嗟求所以自改之也

尹氏大【音泰】师维周之氏【丁礼反叶都黎反】秉国之均四方是

维天子是毗【婢尸反】俾民不迷不吊昊天不宜空我师【叶霜夷反】

赋也氏本均平【均本当从金如所谓泥之在均者不知钧是何物潘时举曰恐只是为瓦器者所谓车盘是也盖运得愈急则其成器愈快曰秉国之均只是此义今训平者此物亦惟平乃能运也】维持毗辅吊愍空穷师众也言尹氏大师维周之氏【王介甫曰京室以大族为氏朝廷以尊官为氏氏者安危存亡所出也尹氏大族也大师尊官也】而秉国之均则是宜有以维持四方毗辅天子而使民不迷乃其职也今乃不平其心而既不见愍吊于昊天矣则不宜久在其位使天降祸乱而我众并及空穷也【吕东莱曰空我师如空其国空其地之类盖曰人之类将灭矣甚言之也】

弗躬弗亲庶民弗信【叶斯人反】弗问弗仕【徂里反下同】勿罔君

子【叶獎里反】式夷式已无小人殆【叶养里反】琐琐【素火反】姻亚则无膺【音武】仕

赋也仕事罔欺也君子指王也夷平已止【王介甫曰已废退也孟子所谓士师不能治事则已之与此已同义】殆危也琐琐小貌壻之父曰姻两壻相谓曰亚【孔氏曰言每一人娶姊一人娶妹相亚次也】膺厚也言王委政于尹氏尹氏又委政于姻娅之小人而以其未尝问未尝事者欺其君也故戒之曰汝之弗躬弗亲庶民已不信矣其所弗问弗事则岂可以罔君子哉当平其心视所任之人有不当者则已之无以小人之故而至于危殆其国也 姻娅而必皆膺仕则小人进矣【自古小人其初只是他自窃国柄少间又引得别人来一齐不好了如尹氏大师却只是他一个不好到那琐琐姻娅处是几个人不好了】

昊天不佣【敕龙反】降此鞠【九六反】讟【音凶】昊天不惠降此大

戾君子如届【音戒叶居例反】俾民心阕【古穴反叶苦桂反】君子如夷恶【鸟路反】怒是违

赋也佣均鞠穷讟乱戾乖届至阕息违逵也 昊天不均而降此穷极之乱昊天不顺而降此乖戾之变【严氏曰罹师尹之祸而归之于天曰降此鞠讟降此大戾谓天生小人以祸天下也】然所以靖之者亦在夫人而已君子无所偏而平其心则式夷式已而民之恶怒逵矣伤王

与尹氏之不能也夫为政不平以召祸乱者人也而诗人以为天实为之者盖无所归咎而归之天也抑有以见君臣隐讳之义焉有以见天人合一之理焉后皆放此【辅氏曰鞠凶大戾不过如二章所言天怒人怨之事也然其所以销去之者亦在夫人而已矣故君子如届俾民心阙君子如夷恶怒是违不啻如反手之易初言天而后止言人者天人一理人心悦则天意解矣先生发明有以见君臣隐讳之义有以鬼天人合一之理之說先儒所不及施之变雅刺诗皆可通也愚按此诗后章言不吊不平正月言天之机我天天是掇十月之交言天命不彻雨无正言降防疾威小旻言旻天疾威小弁言天之生我我辰安在巧言言昊天已威昊天泰怵以及变大雅板言上帝板板天之方难方蹶方虐方濟蕩言疾威上帝天降炤德瞻仰言不惠而降厉召旻言疾威而降防皆与此章言天之意同一致者其诗人之情性有同然者与】

不吊昊天【叶铁因反】乱靡有定【叶唐丁反】式月斯生【叶桑经反】俾民

不宁忧心如醒【音呈】谁秉国成不自为政【叶诸盈反】卒劳百姓【叶桑经反】

赋也酒病曰醒成平卒终也 苏氏曰天不之恤故乱未有所止而祸患与岁月增长【上声】君子忧之曰谁秉国成者【严氏曰忧心如醒犹黍离言中心如醉胡庭芳曰秉国成即上章秉国均斤尹氏也】乃不自为政而以付之姻娅之小人其卒使民为【去声】之受其劳弊以至此也

驾彼四牡四牡项领我瞻四方蹙蹙【子六反】靡所骋【敕领反】赋也项大也蹙蹙缩小之貌 言驾四牡而四牡项领可以骋矣而视四方则皆昏乱蹙蹙然无可往之所亦将何所骋哉东莱吕氏曰本根病则枝叶皆瘁是以无可往之地也【严氏曰家父驾此四牡其四牡大领非不肥壮然视四方蹙蹙然缩小无可驰骋之地是以留而不去盖由乱则若见天地之狭如唐人诗云出门即有碍谁谓天地宽也彼特为一身言之此则为天下国家而言也】

方茂尔恶相【息亮反】尔矛矣既夷既怿如相醺【市由反】矣赋也茂盛相视怿說也 言方盛其恶以相加则视其矛防如欲战鬪及既夷平悦怿则相与欢然如賓主而相醺酢不以为怪也盖小人之性无常而习于鬪乱其喜怒之不可期如此是以君子无所适而可也

昊天不平我王不宁不惩其心覆【芳服反】怨其正【叶诸盈反】赋也尹氏之不平若天使之故曰昊天不平若是则我王亦不得宁矣然尹氏犹不自惩创其心乃反怨人之正己者则其为恶何时而已哉【吕东莱曰篇将终矣复叹曰昊天其使尹氏不平乎我王其不得安宁乎今尹氏不惩创其恶覆怨正人之攻己者方且报复而未已吾是以忧吾君之不得宁也此忧岂为身哉辅氏曰不惩其心覆怨其正自古小人处祸乱之常态凡有不得者皆反求诸己其身正而天下归之则君子已乱之要术也】

家父【音甫】作诵【叶疾容反】以究王讟式讹尔心以畜【许六反】万

邦【叶卜工反】

賦也家氏父字周大夫也究窮訛化畜養也 家父自言作為此誦以窮究王政昏亂之所由冀其改心易慮以畜養萬邦也陳氏曰尹氏厲威使人不得戲談而家父作詩乃復自表其出于已以身當尹氏之怒而不辭者蓋家父周之世臣義與國俱存亡故也【孔氏曰詩人之情不一或微加諷諭或指斥愆咎或隱匿姓名或自顯官字家父盡忠竭誠不彈誅罰故自載字寺人孟子亦此類也】東萊呂氏曰篇終矣故窮其亂本而歸之王心焉致亂者雖尹氏而用尹氏者則王心之蔽也【輔氏曰東萊謂篇終矣故窮其亂本而歸之王心焉此說當矣故直至此章方說个王字蓋言至此則王亦不得不任其責前章雖當讥尹氏之用小人而不及王然王之所以用尹氏者亦不能逃其責矣】李氏曰孟子曰人不足與適也政不足與間也惟大人为能格君心之非蓋用人之失政事之過雖皆君之非然不必先論也惟格君心之非則政事无不善矣用人皆得其當矣

節南山十章六章章八句四章章四句

序以此為幽王之詩而春秋桓十五年有家父來求車于周為桓王之世上距幽王之終已七十五年不知其人之同異大抵序之時世皆不足信今姑闕焉可也【愚按春秋隱公三年三月平王崩而四月尹氏卒桓公八年桓王使家父來聘十五年使家父來求車計家父來聘之時上距尹氏之卒才十七年恐即此詩之尹氏家父也且此詩刺尹氏為政不平而曰國既卒斬何用不監曰防亂 多 莫懲嗟曰降此鞠誨降此大戾等語皆似亂亡以後之詞疑此或東遷後詩也】序家父刺宣王也

家父見本篇

正【音政】月繁霜我心忧伤民之訛言亦孔之將念我獨兮忧心京京【叶居良反】哀我小心癯【音防】忧以痒【音羊】

賦也正月夏之四月謂之正月者以純陽用事為正陽之月也繁多訛偽將大也京京亦大也癯忧幽忧也痒病也 此詩亦大夫所作言霜降失節不以其時【范氏曰正月長養之月也繁霜肅殺之氣也】既使我心忧伤矣而造為奸偽之言以惑羣听者又方甚大【董氏曰霜降非時灾降于上也訛言非常禍起于下也上下如此則國亡无日矣呂東萊曰凡誣張為幻以罔上惑众者皆謂之訛言】然众人莫以為忧故我独忧之以至于病也

父母生我胡俾我癯【音庾】不自我先不自我后【叶下五反】好

言自口【叶孔五反下同】莠【余从反】言自口忧心愈愈是以有侮賦也癯病自从莠丑也【王介甫曰莠惡也谷謂之善則莠惡可知】愈愈益甚之意 疾痛故呼父母而伤己适丁是时也訛言之人虛偽反覆言之好丑皆不出于心而但出于口是以我之忧心益甚而反見侵侮也【輔氏曰夫君子之處乱世彼以為是而已以為非彼以為樂而已以為忧動与众违此所以反見侵侮也】

忧心惓惓【其营反】念我无禄民之无辜并【必政反】其臣仆

哀我人斯于何从禄瞻乌爰止于谁之屋

赋也惓惓忧意也无禄犹言不幸尔辜罪并俱也古者以罪人为臣仆亡国所虏亦以为臣仆箕子所谓商其沦防我罔为臣仆是也言不幸而遭国之将亡与此无罪之臣将俱被囚虏而同为臣仆未知将复从何人而受禄【谢叠山曰忠臣不事二君义士不食周粟所可哀者一世之人不知当从何人而受禄乎辅氏曰民指在下之民人则并上下而言之】如视乌之飞不知其将止于谁之屋也

瞻彼中林侯薪侯蒸【之丞反】民今方殆视天梦梦【莫工反叶】

【莫登反】既克有定靡人弗胜【音升】有皇上帝伊谁云憎兴也中林林中也侯维殆危也梦梦不明也皇大也上帝天之神也程子曰以其形体谓之天以其主宰谓之帝言瞻彼中林则维薪维防分明可见也【愚按大者为薪细者为防甚分明也】民今方危殆疾痛号诉于天而视天反梦梦然若无意于分别善恶者然此特值其未定之时耳及其既定则未有不为天所胜者也夫天岂有所憎而祸之乎福善祸淫亦自然之理而已申包胥曰人众则胜天天定亦能胜人疑出于此

谓山盖卑为冈为陵民之讹言宁莫之惩召彼故老

讯【音信】之占梦【叶莫登反】具曰予圣谁知乌之雌雄【叶胡陵反】赋也山脊曰冈广平曰陵惩止也故老旧臣也讯问也占梦官名掌占梦者也具俱也乌之雌雄相似而难辨者也【欧阳子曰凡禽鸟雌雄多以首尾毛色不同别之乌之首尾毛色雌雄不异人所难别】谓山盖卑而其实则冈陵之崇也今民之讹言如此矣而王犹安然莫之止也及其询之故老讯之占梦则又皆自以为圣人亦谁能别其言之是非乎【辅氏曰故老旧臣可以决事理之是非者也占梦之官可以决征兆吉凶者也今也不平心据实而言而但皆自以为圣人而已耳谁能别其言之果是果非乎】子思言于卫侯曰君之国事将日非矣公曰何故对曰有由然焉君出言自以为是而卿大夫莫敢矫其非卿大夫出言亦自以为是而士庶人莫敢矫其非君臣既自贤矣而羣下同声贤之贤之则顺而有福矫之则逆而有祸如此则善安从生诗曰具曰予圣谁知乌之雌雄抑亦似君之君臣乎

谓天盖高不敢不局【叶居亦反】谓地盖厚不敢不蹐【井亦反】

维号【音豪】斯言有伦有脊哀今之人胡为虺【吁鬼反】蜴【星历反】赋也局曲也【孔氏曰曲身也】蹐累足也【说文曰少步也】号长言之也脊理蜴蜥也虺蜴皆毒螫【释】之虫也【孔氏曰释鱼云蝮蜥蜴也蝮音荣蜥音昔蜴音亦】言遭世之乱天虽高而不敢不局地虽厚而不敢不蹐其所号呼而为此言者又皆有伦理而可考也哀今之人胡为肆毒以害人而使之至此乎【王介甫曰人号呼而出斯局蹐之言者非误也乃有伦序有脊理

谢叠山曰身在天地间如无所容则人之害人者为虺为蜴世道亦可哀矣辅氏曰所谓此者即上所言局蹐而不敢自安者也】瞻彼阪【音反】田有苑【音鬱】其特天之扝【五忽反】我如不我克

彼求我则如不我得执我仇仇亦不我力

兴也阪田崎岖境【敲】垆【学又音确】之处苑茂盛之貌特特生之苗也扝动也【胡庭芳曰扝有齟齬顿挫之意】力谓用力 瞻彼阪田犹有苑然之特而天之扝我如恐其不我克何哉亦无所归咎之词也夫始而求之以为法则惟恐不我得也及其得之则又执我坚固如仇讎然终亦莫能用也求之甚艰而弃之甚易其无常如此【郑氏曰言有贪贤之名无用贤之实苏氏曰书云凡人未见圣若不克见既见圣亦弗克由圣此之谓也】心之忧矣如或结之今兹之正胡然厉【叶力桀反】矣燎【力诏】

【反】之方扬宁或灭之赫赫宗周褒姒【音似】威【呼悦反】之赋也正政也厉暴恶也火田为燎扬盛也宗周镐京也褒姒幽王之嬖妾褒国女姒姓也【褒人有罪入此女以赎罪是为褒姒幽王为废申后及太子而立以为后】威亦灭也言我心之忧如结者为国政之暴恶故也燎之方盛之时则宁有能扑而灭之者乎然赫赫然之宗周而一褒姒足以灭之盖伤之也时宗周末灭以褒姒淫妬防谄而王惑之知其必灭周也【欧阳子曰此上七章皆述王信讹言乱政至此始言灭周主于褒姒者谓王溺女色而致昏惑推其祸乱之本以归罪也】或曰此东迁后诗也时宗周已灭矣其言褒姒威之有监戒之意而无忧惧之情似亦道已然之事而非虑其将然之词今亦未能必其然否也【愚按章末四句语意反覆相应其言燎之难灭正以叹伤宗周之易威真似道已然之事窃恐或説为长且使宗周末灭褒姒方宠则诗人之言未应指斥如是也若以下篇艳妻煽方处之语证之彼词则又防婉虽作于褒姒嬖盛之时固无嫌也】

终其永怀又窘【求隕反】陰雨其车既载【才再反】乃弃尔辅

【叶扶雨反】载【如字】输尔载【才再反】将【七羊反】伯助予【演女反】

比也陰雨则泥泞【宁去声】而车易以陷也载车所载也辅如今人缚杖于辐以防辅车也【孔氏曰辅是可解脱之物】输堕【隕】也将请也伯或者之字也苏氏曰王为淫虐譬如行险而不知止君子永思其终知其必有大难故曰终其永怀又窘陰雨王又不虞难之将至而弃贤臣焉故曰乃弃尔辅君子求助于未危故难不至苟其载之既堕而后号伯以助予则无及矣

无弃尔辅员【音云】于尔辐【方六反叶笔力反】屡顾尔仆不输尔

载【叶节力反】终逾絶险曾是不意【叶乙力反】

比也负益也辅所以益辐也屡数顾视也仆将车者也 此承上章言若能无弃尔辅以益其辐而又数数顾视其仆则不堕尔所载而逾于绝险若初不以为意者盖能谨其初则厥终无难也【范氏曰治天下者任重道远故以将车为喻】一説王曾不以是为意乎【胡庭芳曰苟能如上文所戒尚可以逾历绝险之地而保其终也顾乃曾是不以为意乎】

鱼在于沼【之绍反叶音灼】亦匪克乐【音洛】潜虽伏矣亦孔之炤

【音灼】忧心惨惨【七感反当作懔七各反】念国之为虐

比也沼池也炤明易见也 鱼在于沼其为生已蹙矣其潜虽深然亦炤然而易见言祸乱之及无所逃也【严氏曰鱼相忘于江湖者也今在池沼非所乐矣喻君子立乱朝亦非所乐也鱼虽藏伏然沼之水浅亦甚炤然易见无所逃于罔罟之害喻君子虽自韬晦亦未必能避患也】

彼有防酒又有嘉殽【户交反无韵未详】洽比【毗志反】其隣昏姻

孔云念我独兮忧心慙慙

赋也洽比皆合也云旋也【李迂仲曰与其亲戚周旋也】慙慙然痛也 言小人得志有防酒嘉殽以合比其邻里怡怗其昏姻而我独忧心至于疾痛也【王介甫曰君子困蹙而小人得志也欧阳子曰大夫既自伤将及祸而又哀彼众人不知危亡可忧而犹有以酒肴与其邻里亲戚为乐者而我独忧也】昔人有言燕雀处堂母子相安自以为乐也突决栋焚而怡然不知祸之将及其此之谓乎【李迂仲曰国势如此而小人徒乃羣居饮酒以相乐殆燕雀之类也】

岵岵【音此】彼有屋蔀蔀【音速】方有谷民今之无禄天天【于遥】

【反】是桷【陟角反叶都木反】哿【哥我反】矣富人哀此惻独

赋也岵岵小貌蔀蔀窳【巨】陋貌指王所用之小人也谷禄夭祸桷害哿可独单也 岵岵然之小人既有屋矣蔀蔀窳陋者又将谷矣而民今独无禄者是天祸桷防之耳亦无所归咎之词也乱至于此富人犹或可胜惻独甚矣【李迂仲曰衰乱之由要其极也贫富俱受其祸言其一时之虐政富者之财犹可以胜其求贫者愈不堪也胡庭芳曰前章念我独兮忧心慙慙若唯及其私矣此章哿矣富人哀此惻独其不忘天下之情如此吕东莱曰劳役之甚者自较其轻重故曰土国漕我独南行困苦之甚者自较其浅深故曰哿矣富人哀此惻独使民至是盖甚可怜矣】此孟子所以言文王发政施仁必先鰥寡孤独也

正月十三章八章章八句五章章六句

序大夫刺幽王也

十月之交朔日辛卯【叶莫后反】日有食之亦孔之丑彼月而防此日而微今此下民亦孔之哀【叶于希反】

赋也十月以夏正言之建亥之月也交日月交防谓晦朔之间也厯法周天三百六十五度四分度之一左旋于地一昼一夜则其行一周而又过一度【问周天之度是自然是强分曰天一昼夜行一周又过一度以其行过处一日作一度三百六十五度四分度之一方是一周也董鼎曰沈存中云天何尝有度以日行三百六十五日而一晷强谓之度以步日月五星行度而已陈尚得云天日者气数之始其每日之进退既有常则故一日之进退遂为一度三百六十五日四分日之一进退一周而周天之数遂为三百六十五度四分度之一凡星辰远近之相去月与五星之行皆以其度为度焉度数也则也天本无度以与日离合而成天日东西行其周布本东西而纵横南北皆以其度为数愚按古厯法每度九百四十分四分度之一该九百四十分内之一百三十五分然天之为体即星辰次舍周布之定体也天之为度即二十八宿纵横布列之度数也天之左行一日一周而过一度即其星辰次舍度数之全体旋转于大虚空中既一周匝而复过其既匝之西以度準之适满一度是一日内共该行过三百六十六度二百三十五分也】日月皆右行于天一昼一夜则日行一度月行十三度十九分度之七【董鼎曰书传谓日月亦左旋横渠曰天左旋处其中者顺之故日月五星亦左旋此洞见天道之流行就地面而顺观之也论语或问曰经星随天左旋日月五星右旋诗传曰日月右行于天此步占日月之躔次于天度而逆取之也儒家论天道则皆顺而左旋厯家考天度则日月五星逆而右转也愚按十九分度之七者以月行第十四度分为十九分而月又行及其七分也每分四十九分四厘七毫三丝六忽八防四尘有奇七分共计三百四十六分三厘一毫五丝七忽八微九尘有奇但先儒以为日月皆左行于天今以昏旦之中星驗之则知日实右行以每夜月躔之宿度验之则知月实右行若据左行之說推之日行一日一周天则一时当行三十度有奇假于尧时冬至日在天之虚计其日自子时天与日并行起至申时日没则天之虚沦于申位日之行当躔毕宿而张宿昏中矣安得尧典以为星昴乎今日星昴则是昏时日仍躔虚其为右行而一日一度者可知矣又以今冬至日在箕八度而昏中壁验之亦是右行无疑至于月之在行一日不及天十三度十九分度之七则是一日行及三百五十一度有奇一时当行二十九度有奇假令某日酉时月初出躔某宿计其行至子时当逾本宿之西一百一十六度之外矣尝试验之而月躔仍在本宿之傍不逮则是右行而一日止行十三度有余者又可知矣】故日一岁而一周天月二十九日有奇而一周天又逐及于日而与之防一岁凡十二防【蔡九峯曰日行积三百六十五日九百四十分日之二百三十五而与天防是一岁日行之数也月行积二十九日九百四十分日之四百九十九而与日防也愚按一岁者以气周言之日行自子年立春至丑年立春必厯过三百六十五日零三时复得子年立春节所躔之天度为一周天也月行至二十六日间厯过三百六十五度二百三十五分而与初一日某时合朔所躔之天度交防为一周天之数既周天之后又行越三日二时厯三十九度四百九十九分而与日防董鼎曰陈尚德云月行二十七日有奇而周天又二日有奇始与日防文公以为二十九日有奇周天而与日防盖未详也日一年与天一防月一年与天十三防与日十二防】方防则月光都尽而为晦【后汉律厯志曰以速及舒光尽体伏谓之晦】已防

则月光复苏而为朔【愚按朔之为言苏也】朔后晦前各十五日日月相对则月光正满而为望【愚按彭鲁叔曰月行与日对相去百八十二度六十二分有奇分天之中谓之望望在十五日其常也或进在十四日或退在十六日其变也望之无定日者由合朔之日时有蚤暮也然凡望时必各在其月朔后晦前之十五日也】晦朔而日月之合东西同度南北同道则月揜日而日为之食望而日月之对同度同道则月亢日而月为之食是皆有常度矣【天止如一圆匣赤道是匣子相合缝处在天之中黄道半在赤道内半在赤道外东西两处与赤道相交度却是将天横分为许多度数防时日月在黄赤道相交处相撞着望时日月正相向如一在子一在午日所以食于朔者日常在上防时月在下面遮了日故日食月食谓之闇虚盖火日外影其中实闇至明中有闇虚其虚至防望时月与之对无分毫相差为闇虚所射故食愚按唐详翁曰唐一行日议云日行黄道月有九道遇交则有薄食之变至于合朔如合璧则不食其交不轨道则食也故验日食者必以日躔月道之交验之耳月不行黄道只行其余八道但此八道皆斜出入于黄道内外月一次经天则一次入一次出一岁凡十三次经天二十六次出入于黄道惟有两次与日防故防云通计一百七十三有余而有一交于此时方有食】然王者脩德行政用贤去奸能使阳盛足以胜陰陰衰不能侵阳则日月之行虽或当食而月常避日故其迟速高下必有参差而不正相合不正相对者所以当食而不食也若国无政不用善使臣子背君父妾妇乘其夫小人陵君子夷狄侵中国则陰盛阳防当食必食虽曰行有常度而实为非常之变矣【谢叠山曰陰盛阳防而日为之食幽王之时臣欺君妾惑主小人陵君子犬戎侵中国陰道长阳道消人事所感天象示之此日所以防也愚按唐祥翁曰杜预云日月动物虽行度有大量不能不小有盈缩故虽有交防而不食者或有频交而食者然日月同度同道之际行有分数则食亦有分数也若以常度论之一岁两交当两食而春秋二百四十二年日食三十六唐二百九十年食百余者此所谓虽交而不食或频交而食者也在乎人君行事之所感召耳】苏氏曰日食天变之大者也然正阳之月古尤忌之夏之四月为纯阳故谓之正月十月纯陰疑其无阳故谓之阳月纯阳而食阳弱之甚也纯陰而食陰壮之盛也防亏也彼月则宜有时而亏矣此日不宜亏而今亦亏是乱亡之兆也【谢叠山曰日众明之本而为陰所食其恶甚矣非日之丑乃天之变国之灾也国亡则民之受祸烈矣今此下民亦可哀之甚矣李迂仲曰唐志云十月之交以厯推之在幽王之六年】

日月告凶不用其行【叶戸郎反】四国无政不用其良彼月

而食则维其常此日而食于何不臧

赋也行道也凡日月之食皆有常度矣而以为不用其行者月不避日失其道也然其所以然者则以四国无政不用善人故也【左传昭公七年晋士文伯曰国无政不用善则自取谪于日月之灾】如此则日月之食皆非常矣而以月食为其常日食为不臧者陰亢阳而不胜犹可言也陰胜阳而揜之不可言也【王介甫曰月食非其常也然比日食则以阳侵陰犹为常也此日而食则为变大矣】故春秋日食必书而月食则无纪焉亦以此尔【李迂仲曰春秋月食未尝书岂月未尝食耶亦以为常故尔】

燂燂【丁輒反】震电不宁不令【叶卢经反】百川沸腾山冢举【徂恤】

【反】崩高岸为谷深谷为陵哀今之人胡憯【七感反】莫惩赋也爆爆电光貌震雷也宁安徐也令善【前汉李寻传注曰雷电失序不安不善】沸出腾乘也山顶曰冢崔嵬也高岸崩陷故为谷深谷填塞故为陵 曾也 言非但日食而已十月而雷电山崩水溢亦灾异之甚者是宜恐惧修省改纪其政而幽王曾莫之惩也【严氏曰十月雷电天道乖矣川沸山崩陵谷迁变地道乱矣胡为莫惩创也谢叠山曰灾异如此幽王之心曾不惩创诗人不指幽王而曰哀今之人防而婉也】董子曰国家将有失道之败而天乃先出灾异以谴告之不知自省又出怪异以警惧之尚不知变而伤败乃至此见天心仁爱人君而欲止其乱也【前汉孔光曰皇极之道不立则咎徵荐臻天古与王者故灾异数见以谴告之欲其改更若不畏惧而轻忽简诬则凶罚加焉诗曰畏天之威于时保之皆谓不惧者凶惧之则吉也】皇父【音甫】卿士番维司徒家伯为宰仲允膳夫聚【侧留反】

子内史蹇【俱卫反】维趣【七走反】马【叶满补反】橐【音矩】维师氏艳【余贍反】妻煽【音扇】方处

赋也皇父家伯仲允皆字也番聚蹇橐皆氏也【孔氏曰父及伯仲是字之义番聚蹇橐单言又聚子以子配之若曾子闵子然故知皆氏】卿士六卿之外更为都官以總六官之事也或曰卿士盖卿之士周礼大宰之属有上中下士【周礼大宰卿一人宰夫上士八人中士十六人下士三十二人】公羊所谓宰士【愚按见公羊传隐元年】左氏所谓周公以蔡仲为已卿士是也【蔡九峯曰周公为冢宰食邑于圻内圻内诸侯孟仲二卿故周公用仲为卿】盖以宰属而兼總六官位卑而权重也【愚按以宰属而摠六官固位卑权重矣如前說为都官以摠六卿亦位卑而权重也故诗人曾言之焉】司徒掌邦教冢宰掌邦治皆卿也【周礼天官大宰卿一人地官大司徒卿一人】膳夫上士掌王之饮食【嗣】膳羞者也【天官膳夫上士二人郑氏曰食饭也饮酒浆也膳牲肉也羞有滋味者】内史中大夫掌爵禄废置杀生予夺之法者也【春官内史中大夫一人掌王八柄之法】趣马中士掌王马之政者也【孔氏曰夏官趣马下士此言中士者误也】师氏亦中大夫掌司朝得失之事者也【地官师氏中大夫一人居虎门之左司王朝掌国得失之事注曰司犹察也察王视朝若有善道可行者则以诏王记若得失若春秋是也】美色曰艳艳妻即褒姒也煽炽也【王介甫曰言其势盛若火之煽然】方处方居其所未变徙也 言所以致变异者由小人用事于外而嬖妾蛊惑王心于内以为之主故也【李迂仲曰此上三章言灾异之事下五章言灾异之由由所用非人也故责外所用之人又责其内宠言所以致之之由也】抑此皇父岂曰不时胡为我作不即我谋【叶谟悲反】彻我

墙屋田卒污【音乌】莱【叶陵之反】曰子不戕【在良反】礼则然矣【叶于姬反】赋也抑发语词时农隙之时也作动即就卒尽也污停水也莱草秽也【孔氏曰污者记曰污其宫而猪焉是也莱者楚茨云田莱多荒是也】戕害也 言皇父不自以为不时欲动我以徙而不与我谋乃遽彻我墙屋使我田不获治卑者污而高者莱又曰非我戕汝乃下供上役之常礼耳【彭氏曰三代之君不敢鄙夷其民以从己之欲每有兴作谋及庶民如盘庚迁都登进厥民而告之三代世守此道故诗人曰胡为我作不即我谋孔氏曰皇父以亲宠封于圻内筑鄙邑令邑人苦之役之不以时先毁墙屋而后令迁邑人废其家业故述其情如此谢叠山曰

皇父使民无以为生矣乃曰予不戕虐汝也下供上役礼则当然其不仁甚矣王介甫曰此章专言皇父专恣而害及于民也】

皇父孔圣作都于向【式亮反下同】择三有事亶侯多藏【才浪】

【反】不愍【鱼观反】遗一老俾守我王【叶于放反】择有车马以居徂向

赋也孔甚圣通明也【王介甫曰皇父自谓甚圣故因而讥之曰孔圣也】都大邑也周礼畿内大都方百里小都方五十里皆天子公卿所封也向地名在东都畿内今孟州河阳县是也【愚按孟州河阳县今属河东山西道】三有事三卿也【孔氏曰皇父封圻内当二卿今立三卿以比列国也】亶信侯维藏蓄也愍者心不欲而自强之词有车马者亦富民也徂往也言皇父自以为圣而作都则不求贤而但取富人以为卿又不自强留一人以卫天子但有车马者则悉与俱往不忠于上而但知贪利以自私也【谢叠山曰皇父弃旧臣耆德而不用不能强勉留一老以守我王其不忠甚矣平王东迁作文侯之命推原召乱之由亦曰防有耆耄俊在厥服西周之亡实兆于此使皇父秉政之时能留一老以守我王如周召之师保如仲山甫之保王躬则幽王有冯有翼未至于身辱国亡也皇父之罪莫大于此】

黽【民允反】勉从事不敢告劳无罪无辜防口器器【五刀反】

下民之孽【鱼列反】匪降自天【叶铁因反】噂【了损反】沓【徒合反】背【蒲昧反】憎职竞由人

赋也器众多貌孽灾害也噂聚也沓重也职主竞力也言黽勉从皇父之役未尝敢告劳也犹且无罪而遭防【苏氏曰无罪而且见防而况敢告劳乎】然下民之孽非天之所为也噂噂沓沓多言以相说而背则相憎专力为此者皆由防口之人耳【陈少南曰噂聚谈也沓猥并也小人相见之状如此背则憎疾也用如此小人在位所以兴孽不可归于天也】

悠悠我里亦孔之瘵【莫背反叶呼洧反】四方有美【徐面反】我独

居忧民莫不逸我独不敢休天命不彻【叶直质反】我不敢效我友自逸

赋也悠悠忧也里居瘵病美余逸乐彻均也当是之时天下病矣而独忧我里之甚病且以为四方皆有余而我独忧众人皆得逸豫而我独劳者以皇父病之而被祸尤甚故也然此乃天命之不均吾岂敢不安于所遇而必效我友之自逸哉【谢叠山曰君子不以一身之夏勤为贤亦不以众人之逸乐为非凡人命有穷通我之忧勤乃天之所付者如是安之而已不敢效我友之自逸也其词甚婉其志坚而不可变也愚按上章既言匪降自天而此复以劳逸不均归于天命者亦无所归咎之词也】

十月之交八章章八句【胡庭芳曰王氏云此诗前三章言灾异之变四章言致灾由于小人

而皇父小人之魁也故五六章专言皇父之恶七章言小人在位天降之灾则天变生于人妖也八章言已之忧劳而一篇之义终矣】

序大夫刺幽王也

浩浩昊天不骏其德降防【息防反】饥馑【其靳反】斩伐四国【叶于逼反】旻【密巾反】天疾威弗虐弗图舍【音赦】彼有罪既伏其辜若此无罪沦胥以铺【普乌反】

赋也浩浩广大也昊亦广大之意骏大德惠也谷不熟曰饥 不熟曰馑疾威犹暴虐也虐图皆谋也舍置沦陷胥相铺徧也 此时饥馑之后羣臣离散其不去者作诗以责去者故推本而言昊天不大其惠降此饥馑而杀伐四国如何旻天曾不思虐图谋而遽为此乎【首章推本而言天变也元气广大为昊天仁覆罔下为旻天故此章以昊天言不骏其德以旻天言其疾威天非有二也盖亦无所归咎而各以义类归怨于天耳】彼有罪而饥死则是既伏其辜矣舍之可也此无罪者亦相与而陷于死亡则如之何哉

周宗既灭靡所止戾正大夫离居莫知我勩【夷世反】三

事大夫莫肯夙夜【叶戈灼反】邦君诸侯莫肯朝夕【叶祥龠反】庶曰式臧覆【芳服反】出为恶

赋也宗族姓也戾定也正长也周官八职一曰正谓六官之长皆上大夫也离居盖以饥馑散去而因以避防譖之祸也我不去者自我也勩劳也三事三公也【董鼎曰陈壽翁云如汉魏以来史云位登三事皆指为三公】大夫六卿及中下大夫也臧善覆反也 言将有易姓之祸其兆已见而天变人离又如此【愚按易姓之祸言周宗之灭也天变上章所言是也人离此章所言是也】庶几曰王改而为善乃覆出为恶而不悛也【李迂仲曰时王上为天所怒下为民所怨内则宗族破灭外则羣臣诸侯携贰孤立而不惧此所谓安其危而利其菑乐其所以亡者范氏曰靡所止戾未知天之所命民之所定也莫肯夙夜无在公之节也莫肯朝夕无尊王之礼也严氏曰二章言人心离散也】或曰疑此亦东迁后诗也【陈器之曰亦字乃因前正月篇而言耳愚按诗言周宗既威似亦道已然之事而非虑其将然之辞似果作于东迁之后也】

如何昊天【叶鐵因反下同】辟言不信【叶斯人反】如彼行迈则靡所

臻凡百君子各敬尔身胡不相畏不畏于天

赋也如何昊天呼天而诉之也辟法臻至也凡百君子指羣臣也 言如何乎昊天也法度之言而不听信则如彼行往而无所底至也然凡百君子岂可以王之为恶而不敬其身哉不敬尔身不相畏也不相畏不畏天也【苏氏曰君子呼天而告之曰奈何哉法度之言王终莫肯信者如人恣行而忘反我不知其所至矣辅氏曰法度之言听而行之则绩效随见有所底止今

既不听法度之言则如猖狂妄行者亦将何所底至哉常人之情无特操者见王所为如此则皆从风而靡故戒之曰凡百君子各敬尔身岂可因王之恶而遽自放逸以弃其身哉人惟一心而已能敬其身则能敬人能敬天矣诗人发此意至为深切学者不可不深体而力行也王介甫曰世虽昏乱君子不可以为恶自敬故也畏人故也畏天故也愚按三章言王不见听而已不可忘其忠敬也】

戎成不退【叶吐类反下同】饥成不遂曾【在登反】我【思列反】御

【于感反】日瘁【徂醉反】凡百君子莫肯用讯【叶息恠反】听言则答譖言则退

赋也戎兵遂进也易曰不能退不能遂是也【易大壮上六曰羝羊触藩不能退不能遂】

御近侍也国语曰居寝有御之箴【愚按楚语作防注云近也】盖如汉侍中之官也

忧貌瘁病讯告也言兵寇已成而王之恶不退饥馑已成而王之迁善不遂使我御之臣忧之而惨惨日瘁也凡百君子莫肯以是告王者虽王有问而欲听其言则亦答之而已不敢尽言也一有譖言及已则皆退而离居莫肯夙夜朝夕于王矣其意若曰王虽不善而君臣之义岂可以若是愒乎【刘辰翁曰听言则答譖言则退八字极臣下落落之态辅氏曰听言则答譖言则退则皆不敬其身者听言则答而从者也譖言则退畏罪者也面从者不尽其情畏罪者唯知有已皆不能敬也】有习之意自谦之辞也愚按四章言王为不善而羣臣无忠告也】

哀哉不能言匪舌是出【尺遂反】维公是瘁哿矣能言巧

言如流俾躬处休

赋也出出之也瘁病哿可也言之忠者当世之所谓不能言者也故非但出诸口而适以瘁其躬佞人之言当世所谓能言者也故巧好其言如水之流无所凝滞而使其身处于安乐之地盖乱世昏主恶忠直而好谀佞类如此诗人所以深叹之也【胡庭芳曰五章言忠佞不分祸福反易也辅氏曰上章既责诸臣故此下而章则又体其情而言之此章言彼其所以离散而去者盖亦有不得已者盖言之忠者则非但出诸口适以病其身至于巧言如流顺从而不逆者乃使其身得处于休逸之地则彼其所以离散而去者是岂得已哉其志亦可哀也已愚按哀哉二字见诗人深叹之意】维曰于仕【鉏里反】孔且殆【叶养里反】云不可使得罪于天

子【叶獎里反】亦云可使怨及朋友【叶羽已反】

赋也于往急殆危也苏氏曰人皆曰往仕耳曾不知仕之急且危也当是之时直道者王之所谓不可使而枉道者王之所谓可使也直道者得罪于君而枉道者见怨于友此仕之所以难也【严氏曰六章言乱世进退皆有咎也从道则违时从时则违道宁得罪于天子不可得罪于公议也孔氏曰朋友之道相切以善今从君为恶故朋友怨之辅氏曰此章则又言人皆

曰往仕而不知仕之急且危也何者直道而尽言者则得罪于其君巧言以徇人者则见怨于其友盖朋友以相切嗟为道若枉道以从君则朋友必见弃绝矣以是言之则当时之仕又岂易为哉忠言获罪而巧言处休直道见抑而枉道见容皆乱世之常事也】谓尔迁于王都曰予未有室家【叶古胡反】鼠思【息嗣反】泣血

【叶虚屈反】无言不疾昔尔出居谁从作尔室

赋也尔指离居者鼠思犹言癡忧也【吕与叔曰癡忧幽忧也与鼠思义同】当是时言之难能而仕之多患如此【愚按此承上文五章六章而言也】故羣臣有去者有居者居者不忍王之无臣已之无徒则告去者使复还于王都去者不听而托于无家以拒之至于忧思泣血【何氏曰孔氏云人泪必因悲声而出若血出则不由声也今无声而涕出如血之出故曰泣血】有无言而不痛疾者盖其惧祸之深至于如此然所谓无家者则非其情也故诂之曰昔尔之去也谁为尔作室者而今以是辞我哉【严氏曰七章责引去者也辅氏曰此章则又尽言已意以告诸离居者使之复反于王都彼既不从则又言其痛切之情为可念者而犹尽言以诂之而庶其或见听可谓既能尽人之情而又能尽已之志也然则此 御之臣盖亦非常人矣】

雨无正七章二章章十句二章章八句三章章六句

欧阳公曰古之人于诗多不命题而篇名往往无义例其或有命名者则必述诗之意如巷伯常武之类是也今雨无正之名据序所言与诗绝异当阙其所疑元城刘氏曰尝读韩诗有雨无极篇序云雨无极正大夫刺幽王也至其诗之文则比毛诗篇首多雨无其极伤我稼穡八字愚按刘说似有理然第一二章本皆十句今遽增之则长短不齐非诗之例又此诗实正大夫离居之后 御之臣所作其曰正大夫刺幽王者亦非是且其为幽王诗亦未有所考也【愚按诗文四章言曾我 御惨惨日瘁固可见其作于 御之臣矣但二章首言周宗既灭继言正大夫离居卒章又言谓尔迁于王都曰予未有室家似是东迁之际羣臣惧祸者因以离居不复随王同迁于东都故见于诗词如此而文侯之命亦曰即我御事防或者壽俊在厥服则其验也参考正月所谓赫赫宗周褒姒威之及节南山国既卒斩何用不监等语疑此三诗犹皆为东周之变雅其后雅亡于上而国风作于下于是春秋托始于隐公实为平王之四十九年也】序大夫刺幽王也雨自上下者也众多如雨而非所以为政也

此序尤无义理欧阳公刘氏说已见本篇祈父之什十篇六十四章四百二十六句

诗传通释卷十一

卷十二

钦定四库全书

诗传通释卷十二

元 刘瑾 撰

诗

朱子集传

小旻之什二之五

旻天疾威敷于下土谋犹回遹【音聿】何日斯沮【在吕反】谋臧不从不臧覆用【叶于封反】我视谋犹亦孔之邛【其凶反】

赋也旻幽远之意敷布犹谋回邪遹僻沮止臧善覆反邛病也 大夫以王惑于邪谋不能断以从善而作此诗言旻天之疾威布于下土使王之谋犹邪僻无日而止【愚按此章稠天之意犹可见君臣隐韩之义天人合一之理】谋之善者则不从而其不善者反用之故我视其谋犹亦甚病也【辅氏曰昏乱之世君臣上下谋犹邪僻无有沮止之者故无所归咎而归之天也夫为国者固不可以无谋犹也然观其于谋之善者则不从其不善者则反用之则我已甚病矣不待其谋之败而祸之来也】滃滃【许急反】訛訛【音紫】亦孔之哀【叶于希反】谋之其臧则具是

违谋之不臧则具是依我视谋犹伊于胡底【之履反叶都黎反】赋也滃滃相和也訛訛相诋也具俱底至也 言小人同而不和其虑深矣【前汉刘向曰言众小在位而从邪议歛歛相是而背君子】然于谋之善者则违之其不善者则从之亦何能有所定乎

我 既厌不我告犹【叶于救反】谋夫孔多是用不集【韩诗作就】

【叶疾救反】发言盈庭谁敢执其咎【叶巨又反】如匪行迈谋是用不得于道【叶徒侯反】

赋也集成也卜筮数则渎而 厌之故不复告其所图之吉凶谋夫众则是非相夺而莫适所从故所谋终亦不成盖发言盈庭各是其是无肯任其责而决之者【辅氏曰洪范曰谋及卜筮夫谋贵乎博故谋及卿士谋及庶民今乃以谋夫孔多是用不集者盖彼之所谓谋不过尽众人之情而主之者则一人而已而此之所谓谋夫则是各主其谋故是非相夺莫知适从所

以其谋终亦无所成就也发言盈庭谁敢执其咎此乱世为谋之常态上无听言之明则人人得以肆其说而已亦终莫能决其是非故无肯任其成败之责者】犹不行不迈而坐谋所适谋之虽审而亦何得于道路哉【孔氏曰谋而不行则于道不进言而无决则于事不成】

哀哉为犹匪先民是程匪大犹是经维还言是听【叶平】

【声】维还言是争【叶侧陞反】如彼筑室于道谋是用不溃于成赋也先民古之圣贤也【孔氏曰民者人之大名其实是圣贤也】程法犹道【愚按诗中猷犹字通用故前章犹训谋此训道而猷猷与秩秋大猷又皆作猷亦训道】经常溃遂也言哀哉今之为谋不以先民为法不以大道为常其所听而争者皆浅末之言以是相持如将筑室而与行道之人谋之人人得为异论其能有成也哉古语曰作舍道边三年不成盖出于此

国虽靡止或圣或否【方九反叶补美反】民虽靡盬【火吴反】或哲

或谋【叶莫徒反】或肃或艾【音义】如彼泉流无沦胥以败【叶蒲寐反】赋也止定也圣通明也盬大也多也艾与乂同治也沦陷胥相也言国论虽不定然有圣者焉有否者焉民虽不多然有哲者焉有谋者焉有肃者焉有艾者焉但王不用善则虽有善者不能自存将如泉流之不反而沦胥以至于败矣圣哲谋肃乂即洪范五事之德岂作此诗者亦传箕子之学也与【辅氏曰子曰十室之邑必有忠信天下岂有无才之世哉故告之以国论虽未定而人民之中有圣与否者焉人民虽不多而有哲谋肃艾者焉但患王不能用之耳王不能用则虽有是五者之才皆将如泉流之不反而相与沦陷于败故以是戒王庶其能爱防而扶持之无使至于此极也由是观之则作是诗之大夫其心量之广大志虑之深长学问之博洽皆可见矣观此章及第三章则其有得于箕子之学益深矣愚按箕子陈洪范九畴其二为貌言视听思之五事貌之德恭而作肃言之德从而作又视之德明而作哲听之德聪而作谋思之德睿而作圣其次叙与此不同者彼以人事发见先后有序此则便文以叶韵耳】

不敢暴虎不敢冯【皮冰反】河人知其一莫知其他【汤河反】

战战兢兢如临深渊【叶一均反】如履薄冰

赋也徒搏曰暴徒涉曰冯如冯几然也战战恐也兢兢戒也如临深渊恐坠也如履薄冰恐陷也众人之虑不能及逖暴虎冯河之患近而易见则知避之丧国亡家之祸隐于无形则不知以为忧也故曰战战兢兢如临深渊如履薄冰惧及其祸之词也小旻六章三章章八句三章章七句

苏氏曰小旻小宛小弁小明四诗皆以小名篇所以别其为小雅也其在小雅者谓之小故其在大雅者谓之召旻大明独宛弁阙焉意者孔子删之矣虽去其大而其小者犹谓之小盖即用其旧也

大夫刺幽王也

宛【于阮反】彼鸣鵙翰【胡旦反】飞戾天【叶铁因反】我心忧伤念昔先人明发不寐有懷二人

兴也宛小貌鸣鵙斑鵙也【陆玕曰似鵙鵙项有綉文】翰羽戾至也明发谓将旦而光明开发也二人父母也此大夫遭时之乱而兄弟相戒以免祸之诗故言彼宛然之小鸟亦翰飞而至于天矣则我心之忧伤岂能不念昔之先人哉是以明发不寐而有懷乎父母也言此以为相戒之端【辅氏曰兄弟相戒以免祸则发言而首及于父母者宜也】

人之齐圣饮酒温克彼昏不知壹醉日富【叶笔力反】各敬

尔仪天命不又【叶夷益反】

赋也齐肃也圣通明也克胜也富犹甚也又复也言齐圣之人虽醉犹温恭自持以胜所谓不为酒困也彼昏然而不知者则一于醉而日甚矣于是言各敬谨尔之威仪天命已去将不复来不可以不恐惧也时王以酒败德臣下化之故此兄弟相戒首以为說【辅氏曰时人方化上所昏乱于酒则此兄弟相戒而首及于此者亦宜也昏乱于酒则必自丧其威仪故相戒各自敬谨我身之威仪天命不又盖言不可恃天命之常如此会有祸乱生也人能敬我身之威仪则能敬天矣天岂在外哉此义精矣王介甫曰戒以各敬尔仪天命不又言各则并戒其君臣也】

中原有菽【音叔】庶民采【叶此礼反】之螟【音冥】蛉【音零】有子蜾【音果】蠃【力果反】负【叶蒲美反】之教诲尔子式谷似【叶养里反】之

兴也中原原中也菽大豆也螟蛉桑上小青虫也似步屈蜾蠃上蜂也似蜂而小腰取桑虫负之于木空中七日而化为其子【释文曰蜾蠃即细腰蜂本草注曰虽名土蜂不就土中为窟谓搥土作房耳细腰物无雌皆取青虫教祝变成已子尝拆窠而视之亦生子如半粟米太所负虫却在子下搥音搥祝音呪】式用穀善也中原有菽则庶民采之矣以兴善道人皆可行也螟蛉有子则蜾蠃负之以兴不似者可教而似也教诲尔子则用善而似之可也善也似也终上文两句所兴而言也戒之以不惟独善其身又当教其子使为善也【辅氏曰善道人皆可行不似者可教而似同一秉彝故也兄弟相戒以免祸而上念其父母下虑及其子则其意可谓恳至矣】

题【大计反】彼脊令【音零】载飞载鸣我日斯迈而月斯征夙

兴夜寐无忝尔所生【叶桑经反】

兴也题视也脊令飞则鸣行则摇载则而汝泰辱也视彼脊令则且飞而且鸣矣我既日斯迈则汝亦

月斯征矣言当各务努力不可暇逸取祸恐不及相救恤也夙兴夜寐各求无辱于父母而已【辅氏曰以脊令之载飞载鸣兴兄弟各有所进之道虽或不同然俱求无泰辱于父母可也先生尝因人读诗而务侠不予细戒之曰今人看文字敏底一揭开版便晓但于意味却不曾得而今便只管看时也只是恁地但百防自是强五十遍时二百遍自是强一百遍时题彼脊令载飞载鸟我日斯迈而月斯征夙兴夜寐无泰尔所生这个看时也只是恁地但里面意思却有說不得底解不得底意思却在說不得底意思里而】交交桑扈【音户】率场啄粟哀我填【都田反】寡宜岸宜狱握

粟出卜自何能穀

兴也交交往来之貌桑扈窃脂也俗呼青觜肉食不食粟【孔氏曰俗呼青雀喜盗脂膏食之因以名云埤雅曰桑扈有二种青质者觜曲食肉好盗脂膏素质者其翅与颌皆有文章所谓率场啄粟有莺其羽者也吕东莱曰淮南子云马不食脂桑扈不食粟】填与瘕同病也岸亦狱也韩诗作犴乡亭之系曰犴【愚按字书犴一作豺豺胡地犬也野犬所以守故谓狱为犴】朝廷曰狱扈不食粟而今则率场啄粟矣病寡不宜岸狱今则宜岸宜狱矣言王不卹鰥寡喜陷之于刑辟也然不可不求所以自善之道故握持其粟出而卜之曰何自而能善乎言握粟以见其贫窶之甚【辅氏曰贫窶如是而犹不忘所以自善之道然后为君子也】

温温恭人如集于木惴惴【之瑞反】小心如临于谷战战

兢兢如履薄冰

赋也温温和柔貌如集于木恐队【坠】也如临于谷恐陨也【辅氏曰衰乱之世贤人君子虽无罪犹恐惧辅氏曰温温恭人惴惴小心皆指他人言也战战兢兢则自谓也言今处乱世温柔恭敬之人则如集于木而恐坠也惴惴小心之人则如临于谷而恐陨也我其可不战战兢兢如履薄水哉】

小宛六章章六句

此诗之词最为明白而意极恳至說者必欲为刺王之言故其說穿凿破碎无理尤甚今悉改定读者详之【濮氏曰此诗兄弟相戒之辞或是其人尝有酒德之败序谓刺王非矣感念存没意极恳至每诵之令人悲怆辅氏曰一章言思念父母以发相戒之端二章言时俗所习以致相戒之意三章则相戒相勉以教其子四章则欲各自努力以无遗父母之羞其意可谓恳至矣五章则又言王不恤贫困鰥寡如我之病困孤独当今之世或不免于罗织之祸故握粟出卜以求自善之道六章又言当世贤者尚且兢畏如此况我则又当如何哉】大夫刺幽王也

此诗不为刺王而作但兄弟遭乱畏祸而相戒之词耳

弁【薄干反】彼鷖【音豫】斯【叶先赍反】归飞提提【是移反】民莫不谷我独于罹何辜于天我罪伊何心之忧矣云如之何

兴也弁飞拊翼貌鷖雅鸟也小而多羣腹下白江东呼为鷖【匹又音卑】乌斯语词也【孔氏曰犹蓼彼萧斯苑彼柳斯】提提羣飞安闲之貌谷善罹忧也旧說幽王太子宜臼被废而作此诗言弁彼鷖斯则归飞提提矣民莫不善而我独于忧则鷖斯之不如也何辜于天我罪伊何者怨而慕也舜号泣于旻天曰父母之不我爱于我何哉盖如此矣【辅氏曰怨者怨咎已之不得其亲慕者思慕其亲不能忘也问伊川谓小弁之怨与舜不同何也曰舜之怨反诸身以求其所未至小弁则自以为无罪矣此其所以不同也欤问此诗只我罪伊何一句与舜于我何哉之意同至后面君子秉心维其忍之君子不惠不舒究之分明是怨其亲却与舜不同曰作小弁者自是未到得舜地位盖亦常人之情耳只我罪伊何上面說何辜于天亦似自以为无罪相似未可与舜同日语也】心之忧矣云如之何则知其无可奈何而安之之词也

蹢躅【徒歷反】周道【叶徒苟反】鞠【九六反】为茂草【叶此苟反】我心忧伤

惄【乃歷反】焉如搗【丁老反叶丁口反】假寐永叹维忧用老【叶鲁口反】心之忧矣疢【丑覲反】如疾首

兴也蹢躅平易也周道大道也鞠穷惄思搗舂也不脱衣冠而寐曰假寐疢犹疾也蹢躅周道则将鞠为茂草矣我心忧伤则惄焉如 矣精神愤懣至于假寐之中而不忘永叹忧之之深是以未老而老也疢如疾首则又忧之甚矣【谢叠山曰惄焉如 深悲至痛如有物之 其心也事关心者梦中亦长吁故曰假寐咏叹忧愁多者年少而髮白故曰维忧用老孔氏曰疾首头痛也辅氏曰维忧用老维忧能老人非特能老人也又能使人病故又继之以疢如疾首头痛最叵忍疢如疾首则其病甚矣】

维桑与梓【叶獎里反】必恭敬止靡瞻匪父靡依匪母【叶满彼反】

不属【音烛】于毛不离于里天之生我我辰安在【叶此里反】兴也桑梓二木古者五畝之宅树之墙下以遗子孙给蚕食具器用者也【愚按古者一夫受五畝宅二畝半在邑二畝半在田四围墙下植木桑以给蚕食梓以具器用然此民居之制也蓋托以起兴耳】瞻者尊而仰之依者亲而倚之属连也毛肤体之余气末属也离丽也里心腹也辰犹时也言桑梓父母所植尚且必加恭敬况父母至尊至亲宜莫不瞻依也【谢叠山曰桑梓父母所植以遗子孙见其树则思其人思其人则爱其树所以必恭必敬也敬其桑梓岂敢忘其父母乎】然父母之不我爱岂我不属于父母之毛乎岂我不离于父母之里乎【孔氏曰太子为父所放尔并言母者以人皆有父母之恩故连言之】无所归咎则推之于天曰岂我生时不善哉何不祥至是也【谢叠山曰父母不我爱求其說而不可得于是归之于天曰不知天生我之时我之日月星辰果在何处吉欤凶欤不可得而知也韩文公诗予生之辰月宿南斗牛奋其角箕

张其口即生辰所在也】菀【音 菀】彼柳斯鸣蜩【音条】嘒嘒【呼惠反】有漙【于罪反】者渊萑【音丸】

苇【韦鬼反】淠淠【孚计反】譬彼舟流不知所戒【音戒叶居气反】心之忧矣不遑假寐

兴也菀茂盛貌蜩蝉也嘒嘒声也漙深貌淠淠众也届至遑暇也 菀彼柳斯则鸣蜩嘒嘒矣有漙者渊则萑苇淠淠矣今我独见弃遂如舟之流于水中不知其何所至乎【王介甫曰舟流者荡漾而无所止也所谓若穷人无所归也辅氏曰见物之大者无】【所不容以兴今王乃不能容其子使如舟之流于水中而无所届何哉】是以忧之之深昔犹假寐而今不暇也

鹿斯之奔维足伎伎【其宜反】雉之朝雊【古豆反】尚求其雌

【叶千西反】譬彼壤【胡罪反】木疾用无枝心之忧矣宁莫之知兴也伎伎舒貌宜疾而舒留其羣也雊雉鸣也壤伤病也宁犹何也 鹿斯之奔则足伎伎然雉之朝雊亦知求其妃【配】匹【苏氏曰鹿走而留其羣雉鸣而求其雌物无不有思于其亲者今王独弃其子何哉】今我独见弃遂如伤病之木憔悴而无枝是以忧之而人莫之知也【辅氏曰以见夫物不顾其亲者以兴已独见弃遂如病木之悴而无枝何哉其意又切于前章矣】

相【息亮反】彼投兔尚或先【苏荐反叶苏晋反】之行有死人尚或

瑾【音覲】之君子秉心维其忍之心之忧矣涕既隕【音蕴】之兴也相视投奔行道瑾埋秉执隕队也 相彼被遂而投人之兔尚或有哀其穷而先脱之者道有死人尚或有哀其暴露而埋藏之者盖皆有不忍之心焉今王信谗弃逐其子曾视投兔死人之不如则其秉心亦忍矣是以心忧而涕隕也

君子信谗如或醺【市由反叶市救反】之君子不惠不舒究之

伐木猗【寄彼反叶居何反】矣析薪柅【敕氏反叶防何反】矣舍【音舍】彼有罪予之佗【吐贺反叶汤何反】矣

赋而兴也醺报惠爱舒缓究察也猗倚也以物倚其巔也柅随其理也佗加也 言王惟谗是聽如受醺爵得即饮之【孔氏曰醺酬古字通用此喻得谗即受而行之如旅酬也】曾不加惠爱舒缓而究察之夫苟舒缓而究察之则谗者之情得矣伐木者尚倚其巔析薪者尚随其理皆不妄挫折之今乃舍彼有罪之譖人而加我以非其罪曾伐木析薪之不若也此则兴也

莫高匪山【叶所旃反】莫浚【苏俊反】匪泉君子无易【夷豉反】由言

耳属【音烛】于垣无逝我梁无发我笱我躬不阅遑恤我后赋而比也山极高矣而或陟其

巔泉極深矣而或入其底故君子不可易于其言恐耳属于垣者有所观望左右而生讒譖也【問此四句莫是以上两句兴下两句耶曰此只是賦盖以为莫高如山莫浚如泉而君子亦不可易而言亦恐有人聞之也陳少南曰王无輕發言小人之為讒者尚属耳于垣壁間以窺伺之讒賊之生也亦伺君子之向背如何耳】王于是卒以褒姒為后伯服為太子故告之曰母逝我梁母發我笱我躬不閱遑恤我后蓋比詞也【王介甫曰湯逝梁發笱者太子放逐而其忧終不忘國也我躬不閱遑恤我后者无如之何自決之辭】東萊呂氏曰唐德宗將廢太子而立舒王李泌諫之且曰愿陛下還宮勿露此意左右聞之將樹功于舒王太子危矣此正君子无易由言耳属于垣之謂也小弁之作太子既廢矣而犹云尔者盖推本亂之所由生言語以為階也【輔氏曰此章則總其始終言之申后之黜宜白之逐虽主于褒姒伯服之讒意者幽王之昏暴必先嘗泄此意于言語之間故其左右得以附防而成之自古如是多矣東萊先生以為推本其亂之所由生言語以為階者是也无逝我梁以下四句則事已決后絕意之辭耳】

小弁八章章八句

幽王娶于申生太子宜臼后得褒姒而惑之生子伯服信其讒黜申后逐宜臼而宜臼作此以自怨也序以為太子之述太子之情以為是詩不知其何所據也傳曰高子曰小弁小人之詩也孟子曰何以言之曰怨曰固哉高叟之為詩也【固謂執滯不通也為猶治也】有人于此越人关弓而射之則已談笑而道之无他疏之也其兄关弓而射之則已垂涕泣而道之无他戚之也小弁之怨亲亲也亲亲仁也【亲亲之心仁之發也】固矣夫高叟之為詩也曰凱風何以不怨曰凱風亲之過小者也小弁亲之過大者也亲之過大而不怨是愈疏也亲之過小而怨是不可殽也愈疏不孝也不可殽亦不孝也【殽水激石也不可殽言防激之而遽怒也】孔子曰舜其至孝矣五十而慕【言舜犹怨慕小弁之怨不為不孝也趙氏曰生之膝下一體而分喘息呼吸氣通于亲当亲而疏怨慕号天是以小弁之怨未足為愆也張南軒曰小弁怨慕乃所以為亲亲故引关弓之疏戚為喻以見其為亲亲者焉凱風之作則以母氏不安于室而已七子引罪自責以為使母之不安則已之故辭氣不迫盖与小弁异也当小弁之事而怨慕不形則是漠然而不知者也当凱風之事而遽形于怨則是激于情而莫遏也此則皆失亲亲之義故皆以不孝斷之于是舉舜之孝以為法焉高子徒見小弁之怨遂以為小人之詩不即其事而體其亲亲之心亦可謂固矣】

序刺幽王也太子之傳作焉

此詩明白為放子之作無疑但未有以見其必為宜臼耳序又以為宜臼之傳尤不知其所據也

悠悠昊天曰父母且【子余反】无罪无辜乱如此忧【火吳反】昊天已威【叶紆胃反】予慎无罪【叶音恠】昊天防忧予慎无罪賦也悠悠遠大之貌且語詞忧大也已泰皆甚也慎審也大夫傷于讒无所控告而訴之于天曰悠悠昊天為人之父母胡為使无罪之人遭乱如此其大也昊天之威已甚矣我审无罪也昊天之威甚大矣我审无辜也此自訴而求免之

词也【严氏曰首章伤已被谗也】乱之初生僭【侧防反】始既涵【音含】乱之又生君子信谗君

子如怒【叶奴五反】乱庶遄【市专反】沮【慈吕反】君子如祉【音耻】乱庶遄已

赋也僭始不信之端也【郑氏曰僭不信也】涵容受也君子指王也遄疾沮止也祉犹喜也言乱之所以生者由谗人以不信之言始入而王涵容不察其真伪也乱之又生者则既信其谗言而用之矣君子见谗人之言若怒而责之则乱庶防遄沮矣见贤者之言若喜而纳之则乱庶防遄已矣今涵容不断谗信不分是以谗者益胜而君子益病也苏氏曰小人为谗于其君必以渐入之其始也进而尝之君容之而不拒知言之无忌于是复进既而君信之然后乱成【严氏曰次章言乱生于谗谗生于优柔不断所谓懷狐疑之心者来谗贼之口持不断之意者开羣枉之门也今忠谗不分是以邪正浑淆是非易位而乱天下也】

君子屡盟【叶谟郎反】乱是用长【丁丈反叶直良反】君子信盗乱是

用暴盗言孔甘乱是用餽【音谈】匪其止共【音恭】维王之邛【其恭反】赋也屡数【朔】也盟邦国有疑则杀牲防【霰】血告神以相要【腰】束也【周礼司盟注曰盟者书其辞于策杀牲取血坎其牲加书于上而理之有疑不协也李迂仲曰考之春秋传如伯有之乱郑伯与其臣下盟盖盟者生于君臣相疑而致也】盗指谗人也【真氏曰谗人乘间伺隙以中君子如穿窬之盗然】餽进邛病也言君子不能已乱而屡盟以相要则乱是用长矣君子不能壅【即韵注曰疾也】谗而信盗以为虐则乱是用暴矣谗言之美如食之甘使人嗜之而不厌则乱是用进矣【李迂仲曰鼯鼠俗谓甘口鼠鲁国之牛鼠食其角而不知以其口甘朝廷之寇亦鼯鼠乎观此则孔甘之言岂不为乱】然此谗人不能供其职事徒以为王之病而已夫良药苦口而利于病忠言逆耳而利于行维其言之甘而悦焉则其国岂不殆哉【严氏曰三章言信谗致乱也愚按此上三章先刺聽谗者下三章则专刺谗人】

奕奕寢庙君子作之秩秩大猷圣人莫之他人有心

予忖【七损反】度【音铎】之跃跃【他歷反】鼯【士咸反】兔遇犬获【叶黄郭反】之兴而比也奕奕大也秩秩序也猷道莫定也跃跃跳疾貌鼯狡也奕奕寢庙则君子作之秩秩大猷则圣人莫之以兴他人有心则予得而忖度之【诗人所见极大如此章本意则是恶巧言谗譖之人却以奕奕寢庙秩秩大猷起兴便见其所见极大形于言者无非义理之极致也潘时举对云此亦是先王之泽未泯礼仪根于其心故其形于言者自无非义理也】而又以跃跃鼯兔遇犬获之比焉反覆兴比以见谗人之心我皆得之不能隐其情也【辅氏曰跃跃有跳梁恣肆之意谗者方且跳梁恣事以害人自谓人莫得而知已也一旦遇智者临之则其情伪显露有不可得而隐者诚有似乎鼯兔之跃跃而忽遇犬焉则无所逃矣严氏曰四章言已知谗人之情也】

荏【而甚反】染柔木君子树【叶上主反】之往来行言心焉数【所主】

【反】之蛇蛇【以支反】硕言出自口【叶孔五反】矣巧言如簧顔之厚【叶胡五反】矣

兴也荏染柔貌柔木桐梓之属可用者也行言行道之言也数辨也蛇蛇安舒也硕大也谓善言也顔厚者顽不知耻也荏染柔木则君子树之矣往来行言则心能辨之矣若善言出于口者宜也巧言如簧则岂可出于口哉言之徒可羞愧而彼顔之厚不知以为耻也孟子曰为机变之巧者无所用耻焉其斯人之谓与【真氏曰儉巧之言悦可人聽如笙簧然使其知愧则不为矣愚按五章言谗人出言无耻也】彼何人斯居河之麋【音眉】无拳【音权】无勇职为乱阶【叶居溪反】

既微且𡵚【市勇反】尔勇伊何为犹将多尔居徒几【音纪叶居希反】何

赋也何人斥谗人也此必有所指矣贱而恶之故为不知其姓名而曰何人也斯语辞水草交谓之麋【李迂仲曰左氏所谓孟诸之麋是也】拳力阶梯也𡵚【限】𡵚【羊】为防肿足为𡵚【孔氏曰郭璞云𡵚脚胫也𡵚疮也膝胫之下有疮肿是涉水所为】犹谋将大也言此谗人居下湿之地虽无权勇可以为乱而谗口交鬬专为乱之阶梯又有防𡵚之疾亦何能勇哉而为谗谋则大且多如此是必有助之者也然其所与居之徒众几何人哉言亦不能甚多也【严氏曰末章斥谗人而贱恶之也辅氏曰东莱以为非特贱之且言其本亦易驱除特王不悟耳者是也四章五章言谗言之本不难辨谗人之本不难除也】

巧言六章章八句

以五章巧言二字名篇

刺幽王也大夫伤于谗故作是诗也

彼何人斯其心孔艰【叶居银反】胡逝我梁不入我门【叶眉贫反】伊谁云从维暴之云

赋也何人亦若不知其姓名也孔甚艰险也我旧説以为苏公也暴暴公也皆畿内诸侯也旧説暴公为卿士而譖苏公故苏公作诗以絶之然不欲直斥暴公故但指其从行者而言彼何人者其心甚险胡为往我之梁【欧阳子曰鱼梁者古人营生之具诗屡言之】而不入我之门乎既而问其所从则暴公也夫以从暴公而不入我门则暴公之譖已也明矣但旧説于诗无明文可考未敢信其必然耳【辅氏曰彼何人斯其心孔艰责之也而不为已甚之辞胡逝我梁不入我门疑之也而犹有望之之意伊谁云从维暴之云始明言之而其情既不得而遁然亦无怨怼之辞也可谓忠厚矣】

二人从行谁为此祸【胡果反】胡逝我梁不入唁我始者

不如今云不我可

賦也二人暴公与其徒也唁吊失位也 言二人相从而行不知谁譖已而禍之乎既使我得罪矣而其逝我梁也又不入而唁我汝始者与我亲厚之时岂尝如今不以我为可乎

彼何人斯胡逝我陈我闻其声不见其身不愧于人

不畏于天【叶铁因反】

賦也陈堂涂也堂下至门之径也【李宝之曰其北当阶其南接门内霤也】在我之陈则又近矣闻其声而不见其身言其踪迹之诡秘也不愧于人则以人为可欺也天不可欺女独不畏于天乎奈何其譖我也【辅氏曰知其逝我梁逝我陈是闻其声而不入见我是不见其身故因其实而言之又以见踪迹之诡秘是以人为可欺也人或可欺而天其可欺乎尔独不畏于天而譖我如是也古人责人徃徃至天而极如雨无正所谓胡不相畏不畏于天亦是意也】

彼何人斯其爲飘风【叶孚愔反】胡不自北胡不自南【叶尼心反】

胡逝我梁祗【音支】搅【交卯反】我心

賦也飘风暴风也搅扰乱也 言其往来之疾若飘风然自北自南则与我不相值也今则逝我之梁则适所以扰乱我心而已

尔之安行亦不遑舍【叶商居反】尔之亟【纪力反】行遑脂尔车

壹者之来云何其盱【况于反】

賦也安徐遑暇舍息亟疾盱望也字林云盱张目也易曰盱豫悔【豫六三爻本义曰盱上视也陰不中正而近于四故六三上视于四而下溺于豫宜有悔者也】三都賦云盱衡而诒是也【愚按左太冲魏都賦云魏国先生乃盱衡而诒曰云云注谓盱举目大视也眉上曰衡谓举眉扬目也】言尔平时徐行犹不暇息而况亟行则何暇脂其车哉今脂其车则非亟也乃托以亟行而不入见我则非其情矣何不一起来见我如何使我望尔之切乎

尔还而入我心易【以鼓反叶以支反】也还而不入否难知也

壹者之来俾我祗也

賦也还反易說祗安也 言尔之徃也既不入我门矣傥还而入则我心犹庶乎其說也还而不入则尔之心我不可得而知矣何不一起来见我而使我心安乎【李迂仲曰亦以见谗譖之人愧不敢来也】董氏曰是诗至此其词益缓若不知其譖矣

伯氏吹壎【况袁反】仲氏吹篴【音池】及尔如贯谅不我知出

此三物以诅【侧助反】尔斯【叶先赍反】

赋也伯仲兄弟也俱为王臣则有兄弟之义矣乐器土曰壎大如鹅子锐上平底似称【去声】锤六孔【孔氏曰壎周礼小师职作壎古今字异耳注云烧土为之】竹曰篴长尺四寸围三寸七孔一孔上出径三分凡八孔横吹之如贯如绳之贯物也言相连属【烛】也谅诚也三物犬豕鸡也刺其血以诅盟也【王介甫曰三物如郑庄公令出犬难獬以诅射颖考叔者毛遂取鸡狗马之血以盟也盖古盟诅如此孔氏曰诅小于盟左襄十一年季武子将作三军盟诸僖闾诅诸五父之衢定六年既逐阳虎盟国人于亳社诅诸五父之衢】伯氏吹壎而仲氏吹篴言其心相亲爱而声相应和也与汝如物之在贯【孔氏曰与汝义如兄弟和如壎篴势相次比如物之相贯】岂诚不我知而谮我哉苟曰诚不我知则出此三物以诅之可也

爲鬼爲蜮【音域】则不可得有眚【土典反】面目视人罔极作

此好歌以极反侧

赋也蜮短狐也江淮水皆有之能含沙以射水中人影其人辄病而不见其形也【孔氏曰蜮如鼃三足陆玑云一名射影含沙射影其疮如疥埤雅曰有长角横在口前如弩担临其角端曲如上弩以气为矢因水势以射人俗呼水弩鵩能食之】眚面见人之貌也好善也反侧反覆不正直也言汝为鬼为蜮则不可得而见矣女乃人也眚然

有面目与人相视无穷极之时岂其情终不可测哉是以作此好歌以究极尔反侧之心也【王介甫曰作此诗将以絶之而曰好歌者有欲其悔悟之心焉尔】

何人斯八章章六句

此诗与上篇文意相似疑出一手但上篇先刺听者此篇专责谗人耳王氏曰暴公不忠于君不义于友所谓大故也故苏公絶之然其絶之也不斥暴公言其从行而已不着其谮也示以所疑而已既絶之矣而犹告以壹者之来俾我只也盖君子之处已也忠其遇人也恕使其由此悔悟更以善意从我固所愿也虽其不能如此我固不为已甚岂若小丈夫然哉一与人絶则丑诋固拒唯恐其复合也

序苏公刺暴公也暴公为卿士而谮苏公焉故苏公作是诗以絶之

郑氏曰暴苏皆畿内国名【孔氏曰左传云苏忿生以温为司寇则苏国在温春秋时苏称子此云公者盖子爵而为三公者】世本云暴辛公作圯苏成公作篴譙周古史考云古有圯篴尚矣周幽王时二公特善其事耳今按书有司寇苏公春秋传有苏忿生战国及汉时有人姓暴则固应有此二人矣但此诗中只有暴字而无公字及苏公字不知序何所据而得此事也

世本說尤紕繆譙周又從而傳防之不知适所以章其謬耳【李迂仲曰世本古史考见此诗言伯氏吹埙仲氏吹篪遂为此說皆求诗之过也】

萋【七西反】兮斐【孚匪反】兮成是贝锦彼譖人者亦已大【音泰】甚【食荏反】

比也萋斐小文之貌贝水中介虫也有文彩似锦【孔氏曰锦而连贝故知为贝之文其文彩之异小大之殊甚众古者货贝是也埤雅曰锦文如贝谓之贝锦贝中肉如科斗而有首尾以其背用故谓之贝贝背也】时有遭谗而被宫刑为巷伯者作此诗【郑氏曰宫者割其势若今宦者也】言因萋斐之形而文致之以成贝锦以比譖人者因人之小过而饰成大罪也彼为是者亦已大甚矣

哆【昌者反】兮侈【尺是反】兮成是南箕彼譖人者谁适【丁歷反下】

【同】与谋【叶模悲反】

比也哆侈微张之貌南箕四星二为踵二为舌【愚按即箕星也以其常见于南方故谓南箕】其踵狭而舌广则大张矣适主也谁适与谋言其谋之闕也

缉缉【七立反】翩翩【音篇叶批宾反】谋欲譖人慎尔言也谓尔不

信【叶斯人反】

赋也缉缉口舌声或曰缉缉人之罪也或曰有条理貌皆通翩翩往来貌【严氏曰谗人情状接续增益缉缉然如女之绩往来轻飘翩翩然如鸟之飞相与经营谋为谗譖而已】譖人者自以为得意矣然不慎尔言听者有时而悟且将以尔为不信矣

捷捷幡幡【芳烦反叶芬遭反】谋欲譖言岂不尔受既其女【音汝】

迂

赋也捷捷僇【血平声】利貌幡幡反覆貌王氏曰上好譖则固将受女然好譖不已则遇譖之祸亦既迂而及女矣【辅氏曰汝能譖人人亦能譖汝其祸将迂及汝矣】曾氏曰上章及此皆忠告之词【辅氏曰填尔言也谓尔不信自譖者而言也岂不尔受既其女迂自听者而言也皆所必至之理故以之忠告于为譖者庶乎其知所畏而不敢肆耳】

骄人好好劳人草草苍天苍天【叶铁因反】视彼骄人矜此

劳人

賦也好好樂也草草忧也骄人譖行而得意勞人遇譖而失度其狀如此【胡庭芳曰王氏云蒼天蒼天蓋以王之不明无所告愬而告之于天也輔氏曰視彼骄人庶乎有以抑遏沮止之也矜此勞人庶乎有以扶持慰安之也】

彼譖人者【叶掌与反】谁适与谋【叶滿补反】取彼譖人投畀豺【士皆】

【反】虎豺虎不食投畀有北有北不受【叶承呪反】投畀有昊【叶计候反】

賦也再言彼譖人者谁适与谋者甚嫉之故重言之也或曰衍【去声】文也投弃也【說文曰豺狼属狗声】北北方寒凉不毛之地也【愚按穷北之地多寒不生草木五谷投弃谗人于彼使冻饿之也】不食不受言谗譖之人物所其恶也昊天也投畀昊天使制其罪此皆设言以见欲其死亡之甚故曰好贤如縑衣恶恶如巷伯【埤雅曰豺虎以杀为性则宜无所不食有北以载为德则宜无不受者今日不食不受且付昊天使制其罪则恶之甚也吕东莱日记縑衣云好贤如縑衣恶恶如巷伯则爵不渎而民愿刑不试而民咸服真氏曰谗人为害至深故诗人疾之亦甚舜之治四凶也以御魑魅而大学于不仁之人欲屏诸四夷诗人之情亦若是也】

杨园之道猗【于绮反】于亩丘【叶祛奇反】寺人孟子作为此诗

凡百君子敬而听之

兴也扬园下地也猗加也亩丘高地也寺人内小臣蓋以谗被宫而为此官也【愚按周礼天官寺人之官凡五人寺之言侍也侍王于路寝而掌王之内人及女宫之戒令蓋奄人也】孟子其字也杨园之道而猗于亩丘以兴贱者之言或有补于君子也蓋譖始于微者而其渐将及于大臣也故作诗使听而谨之也刘氏曰其后王后太子及大夫果多以谗废者【辅氏曰譖始于微者进而尝之也君若受之则譖者之气益壮而心益大末流之祸岂止及其大臣而已哉虽王后太子或有所不免故聖谗必折其芽辨于微小可也然非明且遠者不能焉董氏曰幽王之世大臣伤于谗者如苏公小臣伤于谗如寺人孟子则上下其得以免乎愚按刘氏此言蓋从小序以此为幽王时诗也集传既引其說而未尝明言其为幽王诗读者当自得之】

巷伯七章四章章四句一章五句一章八句一章六句【陈壽翁曰巧言何人斯巷伯三篇其述谗言之祸与谗人之情状可谓极矣】巷是宫内道名秦汉所谓永巷是也【愚按三辅黄图云永长也宫中之长巷幽闭宫女之有罪者武帝时改为掖廷周宣王姜后尝待罪永巷是也】伯长也王宫内道官之长即寺人也故以名篇【曹氏曰巷者内人之所居伯者长也其官为寺人而职掌永巷故称巷伯焉】班固司马迁赞云迹其所以自伤悼小雅巷伯之伦其意亦谓巷伯本以被譖而遭刑也而杨氏曰寺人内侍之微者出入于王之左右亲近于王而日见之宜无间之可伺矣今也亦伤于谗则疎遠者可知故其诗曰凡百君子敬而听之使在位知戒也其說不同然亦有理姑存于此云序刺幽王也寺人伤于谗故作是诗也

习习谷风维风及雨将恐【丘勇反】将惧维予与女【音汝】将安将乐【音洛】女转弃予【叶演女反】

兴也习习和调貌谷风东风也将且也恐惧谓危难忧患之时也此朋友相怨之诗故言习习谷风则维风及雨矣将恐将惧则维予与女奈何将安将乐而女转弃予哉

习习谷风维风及頍【徒雷反】将恐将惧寘【之防反】予于怀

【叶胡隈反】将安将乐弃予如遗【叶夷回反】

兴也頍风之焚轮者也【孔氏曰回风从上下曰頍】寘与置同置于懷亲之也如遗忘去而不复存省也【谢叠山曰寘予于懷是进人若将加诸膝弃予如遗是退人若将坠诸渊】

习习谷风维山崔【徂回反】嵬【五回反】无草不死无木不萎

【叶于回反】忘我大德思我小怨【叶韵未详】

比也崔嵬山巔也习习谷风维山崔嵬则风之所被者广然犹无不死之草无不萎之木况于朋友岂可以忘大德而思小怨乎或曰兴也【辅氏曰大德谓朋友之义出于天者小怨谓怼语忿色生于人者忘大德思小怨必是当时人有如此实事故末章因风以为比而明言之以戒其不可如是也或以为兴者拘于例耳然不若以为比之是也】

谷风三章章六句【吕与叔曰急则相求缓则相弃恩厚不知怨小必记皆小人之交也】序刺幽王也天下俗薄朋友道絕焉

蓼蓼【音六】者莪【五河反】匪莪伊蒿【呼毛反】哀哀父母生我劬劳比也蓼长【上声】大貌莪美菜也蒿贱草也【严氏曰莪萝蒿也蒿革中之高者也管子云嘉谷不生而蓬蒿蒺藜秀】人民劳苦孝子不得终养而作此诗言昔谓之莪而今非莪也特蒿而已以比父母生我以为美材可赖以终其身而今乃不得其养以死于是乃言父母生我之劬劳而重自哀伤也蓼蓼者莪匪莪伊蔚【音尉】哀哀父母生我劳瘁【似醉反】比也蔚牡蒿【仅】也三月始生七月始华如胡麻华而紫赤八月为角似小豆角銳而长【严氏曰一名马薪蒿之尤麓大者也】瘁病也

餅之罄矣维罍之耻鲜【息浅反】民之生不如死之久【叶举】

【里反】矣无父何怙无母何恃出则衔恤入则靡至

比也餅小罍大皆酒器也罄尽鲜寡恤忧靡无也言餅资于罍而罍资餅犹父母与子相依为命也故餅罄矣乃罍之耻犹父母不得其所乃子之责【愚按以餅比父母以罍比子但取其

相资之义而不取义于鉶鬻之小大也如左传昭公二十四年郑子大叔引此而曰王室之不宁晋之耻也以鉶喻周以鬻喻晋亦不取小大之义也】所以穷独之民生不如死也盖无父则无所怙无母则无所恃是以出则中心衔恤入则如无所至也【辅氏曰玩此四句真能道孝子之情非身履而亲历之不知其味也】

父兮生我母兮鞠我拊【音抚】我畜【许六反】我长【丁丈反】我育

我顾我复我出入腹我欲报之德昊天罔极

赋也生者本其气也鞠畜皆养也拊拊循也【刘执中曰防其惊也则拊之】育覆育也【孔氏曰谓其寒暑或身体姬之覆近而爱育之】顾旋视也【孔氏曰谓去之而反顾也】复反覆也【丘氏曰不能暂舍也】腹怀抱也【孔氏曰谓置之于怀抱】罔无极穷也言父母之恩如此【谢叠山曰此章形容父母爱子之心尽之矣生我如天之生物也鞠我如地之养物也拊者抚摩其身体察其肥瘠忧其疥癣也畜者谨其出入察其起居藏之堂与之中不敢纵之门庭之外惟恐其病疾也长者如南风之长养万物调和其身体滋养其血气日夜望其长大育者如易曰育德孟子曰教育英才涵养其德性发舒其志气开导其聪明日夜望其成人也顾者父母行而儿不随则回顾之也复者儿行而父母不随则追唤之也腹者怀抱于腹间也父母有所往将出门怀抱其子而未忍舍父母自外归既入门怀抱其子而未宜置人能深思九字之义必不忘父母之恩矣】欲报之以德而其恩之大如天无穷不知所以为报也【辅氏曰此章则赋父母之恩未乃叹其如天之无穷无物可以为报之意故尝为之说曰臣之于君其忠有尽子之于视其孝无穷】

南山烈烈飘风发发民莫不谷我独何害【叶音曷】兴也烈烈高大貌发发疾貌谷善也南山烈烈则飘风发发矣民莫不谷而我独何为遭此害也哉【严氏曰孝子念亲之没瞻南山之烈烈感飘风之发发触目皆悲伤也故叹民莫不得以养其父母我独何为遭此害而不得终养乎】

南山律律飘风弗弗【叶分聿反】民莫不谷我独不卒兴也律律犹烈烈也弗弗犹发发也卒终也言终养也【辅氏曰我独何为而遭此害也哉我独何为而不得终养也哉此两句最宜玩盖末后方及其所以不得终养之意】

蓼莪六章四章章四句二章章八句

晋王裒以父死非罪【愚按司马昭为魏安东将军与吴战败昭问于众曰近日之事谁任其咎王裒父仪对曰责在元帅昭怒而斩之】每读诗至哀哀父母生我劬劳未尝不三复流涕受业者为废此篇诗之感人如此【辅氏曰先生戟王裒一事以见诗之感人如此必如是然后为善读诗也以至解颐手舞足蹈皆实介是理但患人不善读耳陈少南曰此诗孝子行役而丧其亲者之所作其词深而切李迂仲曰凯风母不安其室之诗也小弁太子见弃之诗也蓼莪孝子不得终养之诗也故具咎责怨慕哀痛如此苟不为母所弃不为父所逐不困于行

役而得终养则具欢欣可知矣观诗者当以此类求之】

序刺幽王也民人劳苦孝子不得终养尔

有饌【音蒙】簋【音轨】殽【音孙】有捄【音求】棘匕【必履反】周道如砥【之履反】其直如矢君子所履小人所视【叶善止反】睠【音眷】言顾之漕【所奸反】焉出涕【音体】

兴也饌满簋貌殽熟食也【孔氏曰礼簋盛黍稷】捄曲貌棘匕以棘为匕所以载鼎肉而升之于俎也【仪礼特性注曰匕用棘心孔氏曰杂记云匕用桑长三尺吉礼则用棘】砥砺石言平也矢言直也君子在位履行小人下民也睠反顾也漕涕下貌序以为东国困于役而伤于财谭大夫作此以告病【孔氏曰谭国在京师之东】言有饌簋殽则有捄棘匕周道如砥则其直如矢是以君子履之而小人视焉今乃顾之而出涕者则以东方之赋役莫不由是而西输于周也【辅氏曰周道只道路之道与下章周行一意故集解以为东方之赋役莫不由是而西输于周是即指道路而言也然以上四句平直履视之义观之则又似指周之王道而言岂本意只是指道路而言而其中亦含此意耶】小东大东【叶都郎反】杼【直吕反】柚【音逐】其空【叶枯郎反】纠纠葛屨可

以履霜佻佻【徒雕反】公子行彼周行【叶户郎反】既往既来【叶直力反】使我心疚【叶讫力反】

赋也小东大东东方小大之国也自周视之则诸侯之国皆在东方杼持纬者也【曹氏曰梭也】柚受经者也空尽也佻轻薄不奈劳苦之貌公子诸侯之贵臣也周行大路也疚病也言东方小大之国杼柚皆已空矣至于以葛屨履霜而其贵戚之臣奔走往来不胜其劳使我心忧而病也【辅氏曰纠纠葛屨可以履霜举其甚者言之也以葛屨履霜则冬裘之不备可知矣既往既来则言其来往之不一也周道一也方其盛时君子履之而小人视焉及其衰也公子行之而人心病焉时移事变而人心所感不同如此】

有洌【音列】汎【音轨】泉【叶才匀反】无浸获薪契契【苦计反】寤叹哀我

憊【丁佐反】人薪是获薪尚可载【叶节力反】也哀我憊人亦可息也

兴也洌寒意也侧出曰汎泉获艾也契契忧苦也憊劳也尚庶几也载载以归也苏氏曰薪已获矣而复渍之则腐民已劳矣而复事之则病故已艾则庶其载而畜之已劳则庶其息而安之【辅氏曰上两章既言伤于财故此章推本其困于役而言之耳】

东人之子职劳不来【音贵叶六直反】西人之子粲粲衣服【叶蒲】

【北反】舟人之子熊黑是裘【叶渠之反】私人之子百僚是试【叶申之反】赋也东人

诸侯之人也职专主也来慰抚也西人京师人也粲粲鲜盛貌舟人舟楫之人也熊羆是裘言富也私人私家皂隶之属也僚官试用也舟人私人皆西人也此言赋役不均羣小得志也【李迂仲曰此章言东人之劳西人之逸小人得志纲纪败坏无复王室之旧也】

或以其酒不以其浆鞞鞞【胡犬反】佩璲【音遂】不以其长维

天有汉监【古黠反】亦有光跂【丘豉反】彼织女终日七襄赋也鞞鞞长貌璲瑞也【郑氏曰佩璲者以瑞玉为佩】汉天河也【孔氏曰汉水之精也气发而升精华浮上宛转随流名曰天河一曰云汉】跂隅貌织女星名在汉旁三星跂然如隅也七襄未详传曰反也笺云驾也驾谓更其肆也盖天有十二次日月所止舍所谓肆也经星一昼一夜左旋一周而有余则终日之间自卯至酉当更七次也【孔氏曰在天为次在地为辰星之行昼夜虽各六辰数者举其终始故七即自卯至酉也愚按日月五星为纬其余皆为经星经星周布与天为体所谓经星一昼夜左旋一周天而有余者即天之旋一周而又过一度者也然周天十二次一昼夜十二时则一时当历一次故终其昼日之间自卯至酉凡七时织女星当历七次也】言东人或馈之以酒而西人曾不以为浆东人或与之以鞞然之佩而西人曾不以为长维天之有汉则庶乎其有以监我【欧阳子曰言我民困矣天之云汉有光亦能下降我民乎其不言日月之明而言云汉之光者谓不能下监也】而织女之七襄则庶乎其能成文章以报我矣无所赴愬而言惟天庶乎其恤我耳【辅氏曰侯邦供王赋役固其职也然为王者当有以体恤之不敢易视而轻用之可也观禹贡之底慎财赋无逸之惟正之供则必不至于易视而轻用之矣今也东国财力俱困而馈西人以酒则视之曾不如浆与之以鞞然之佩则视之曾不以为长易视之如此则轻用之必矣此东国之所以怨病而愬之于天也】

虽则七襄不成报章睆【华板反】彼牵牛不以服箱东有

启明【叶谟郎反】西有长庚【叶古郎反】有捄天毕载施之行【户郎反】赋也睆明星貌牵牛星名【尔雅曰何鼓谓之牵牛何胡可反】服驾也箱车箱也【孔氏曰两较之间谓之箱是车内容物之处较音角】启明长庚皆金星也以其先日而出故谓之启明以其后日而入故谓之长庚【刘执中曰金星朝在东所以启日之明夕在西所以续日之长诗攷曰韩诗云晨出东方为启明昏见西方为长庚毛氏曰庚读也】盖金水二星常附日行而或先或后但金大水小故独以金星为言也【愚按金水附日而行无定在或一在日先一在日后或俱在日先或俱在日后金星行在日后则晨见而昏不见行在日先则昏见而晨又不见也】天毕毕星也状如掩兔之毕行行列也言彼织女不能成报我之章牵牛不可以服我之箱而启明长庚天毕者亦无实用但施之行列而已【郑氏曰织女有织名耳驾则有西无东不如人织相反报成文章牵牛不可用于服箱启明长庚皆有助日之名而无实光也欧阳子曰虽有织女不能为我织而成章虽有牵牛不能为我驾车而输物虽有启明长庚不能助日为昼俾我营作虽有天毕不能为我掩捕鸟兽】至是则知天亦无若我何矣

维南有箕不可以【波我反】扬维北有斗不可以挹【音揖】

酒浆维南有箕载翕【许急反】其舌维北有斗西柄之揭【音计】赋也箕斗二星以夏秋之间见于南方【愚按六七月间见于南方者指当时昏见为言也】云北斗者以其在箕之北也【愚按此谓南斗即上文夏秋之间见南方者也】或曰北斗常见不隐者也翕引也舌下二星也南斗柄固指西若北斗而西柄则亦秋时也【董氏曰箕其踵似箕且有舌斗其方如斗且有柄箕四星二为踵三为舌踵狭而舌广故曰翕斗四星为斗三星为柄】言南箕既不可以簸扬糠粃北斗既不可以挹酌酒浆【李迂仲曰古人多以箕斗为虚名盖此数星皆人间器用之物有名而无实故以为喻】而箕引其舌反若有所吞噬斗西揭其柄反若有所挹取于东是天非徒无若我何乃亦若助西人而见困甚怨之词也【欧阳子曰白维天有汉以下皆述谭人仰诉于天之词其意言我谭人困于供亿取资于地者皆已竭矣欲取下天又不可得也未言箕斗非徒不可用箕反若有所噬斗反若有所挹取于东是皆怨讽之词也辅氏曰二章三章以下文意奇逸其辞虽若阔疎而意脉实相连属作此诗者非唯怨得其正其亦老于文墨者欤】

大东七章章八句

序刺乱也东国困于役而伤于财谭大夫作是诗以告病焉

谭大夫未有考不知何据恐或有传耳

四月维夏【叶后五反】六月徂暑先祖匪人胡宁忍予【叶演女反】兴也徂往也四月六月亦以夏正数之建巳建未之月也此亦遭乱自伤之诗言四月维夏则六月徂暑矣我先祖岂非人乎何忍使我遭此祸也无所归咎之词也

秋日凄凄【七西反】百卉【许贵反】具腓【芳菲反】乱离瘼【音莫】矣爰

【家语作奚】其适归

兴也凄凄凉风也卉草腓病离忧瘼病奚何适之也秋日凄凄则百卉具腓矣乱离瘼矣则我将何所

适归乎哉【防东莱曰秋日冬日犹云秋时冬时也李迂仲曰感兴言下民困病如秋日凄凄然而百草俱病也】

冬日烈烈飘风发发民莫不谷我独何害【叶音曷】兴也烈烈犹栗烈也发发疾貌谷善也【李迂仲曰天下莫不被祸乃云民莫不善者此据作诗者之言也】夏则暑秋则病冬则烈言祸乱日进无时而息也【辅氏曰此章亦兴也而先生但连上二章为说云夏则暑秋则病冬则烈言祸乱日进无时而息如此说则却似赋体其不解所以为兴者盖此章之说已见于蓼莪篇矣彭氏曰天地之运随时变迁四时之景本无美恶惟夫欢乐者遇之则为美景忧愁者触之则为恶况今四月之大夫夏则苦徂暑之薰灼秋则悲百卉之雕瘁冬则伤飘风之迅

急是皆遇景生悲触绪增感其心无一时得以自宽焉吟咏其词可见当时之乱矣范氏曰言夏秋冬独不及春盖天气和畅万物发育治之象也自古治世少乱世多观四时可知矣】

山有嘉卉侯栗侯梅【叶莫悲反】废为残贼莫知其尤【叶于其反】兴也嘉善侯维废变尤过也山有嘉卉则维栗与梅矣【钱氏曰卉草也通言之则草木皆卉也】在位者变为残贼则谁之过哉

相【息亮反】彼泉水载清载浊【叶殊玉反】我日构祸曷云能谷兴也相视载则构合也相彼泉水犹有时而清有时而浊而我乃日日遭害则曷云能善乎

滔滔【吐刀反】江汉南国之纪尽瘁以仕宁莫我有【叶羽已反】兴也滔滔大水貌江汉二水名纪纲纪也谓经带包络之也瘁病也有识有也滔滔江汉犹为南国之纪今也尽瘁以仕而王何其不我有哉

匪鹵【徒丸反】匪鸛【以专反叶以旬反】翰飞戾天【叶铁因反】匪鱣【张连反】

匪鮪【于轨反】潜逃于渊【叶一均反】

赋也【辅氏曰此章本亦兴体但有所防之物而无所兴之辞故不可谓之兴又有四个匪字故亦不可谓之比而只得以为赋也】鹵雕也鸛亦鸛鸟也其飞上薄云汉鱣鮪大鱼也鹵鸛则能翰飞戾天鱣鮪则能潜逃于渊我非是四者则亦无所逃矣【陈少南曰言虽欲高飞深藏而不可得也】

山有蕨薇隰有杞桋【音夷】君子作歌维以告哀【叶于希反】兴也杞枸【苟】櫬【计】也【本草曰枸杞一名地骨春夏采叶秋采茎实冬采根皆可食】桋赤栝【色】也树叶细而岐锐皮理错戾好丛生山中中为车辘山则有蕨薇隰则有杞桋君子作歌则维以告哀而已【辅氏曰维以告哀而已无他事也则其情切矣】

四月八章章四句

序大夫刺幽王也在位贪残下国构祸怨乱并兴焉

小旻之什六十五章四百十四句

诗传通释卷十二

卷十三

钦定四库全书

诗传通释卷十三

元 刘瑾 撰

诗

朱子集传

北山之什二之六

陟彼北山言采其杞偕偕士子【叶樊里反】朝夕从事【叶上止反】王事靡盬忧我父母【叶蒲彼反】

赋也偕偕强壮貌士子诗人自谓也大夫行役而作此诗自言陟北山而采杞以食者皆强壮之人而朝夕从事者也盖以王事不可以不勤是以贻我父母之忧耳【郑氏曰王事无不坚固故我当尽力勤劳于役久不得归父母思已而忧愚按此章可见诗人忠孝之心也】

溥【音普】天之下【叶后五反】莫非王土率土之滨莫非王臣大

夫不均我从事独贤【叶下珍反】

赋也 大率循滨涯也言土之广臣之众而王不均平使我从事独劳也【饶氏曰无才者多逸有才者多劳以其能任事故也言凡为王臣者皆当任王事何独使我为贤而劳之乎谢叠山曰自古君子常任其劳小人常处其逸君子常任其忧小人常享其乐虽曰役使不均我独贤劳然君子本心亦不愿逸乐也】不斥王而曰大夫不言独劳而曰独贤诗人之忠厚如此

四牡彭彭【叶铺郎反】王事傍傍【布彭反叶布光反】嘉我未老鲜【息浅】

【反】我方将旅力方刚经营四方

赋也彭彭然不得息也傍傍然不得已也嘉善鲜少以为少而难得也将壮也旅与膂同言王之所以使我者善我之未老而方壮膂力可以经营四方耳犹上章之言独贤也【谢叠山曰此诗本为役使不均独劳于王事而作此章乃曰天子嘉我之未老善我之方壮喜我之旅力方刚而可以经营四方故独见任使反以王为知己忠厚之至也愚按此章言所以从事独贤

之意】

或燕燕居息或尽瘁事国【叶越逼反】或息偃在床或不已

于行【叶户郎反】

赋也燕燕安息貌瘁病已止也言役使之不均也下章放此【辅氏曰此章而下则方言其不均之实然亦不过以其劳逸者对言之使上之人白察耳但言之重辞之复则其望于上者亦切矣诗可以怨谓此类也愚按以下三章凡十二句为偶皆以他人之逸乐对已之忧劳所以形容不均之意】

或不知呌号【户刀反】或惨惨【七感反】劬劳或栖【音西】迟偃仰

或王事鞅【于两反】掌

赋也不知呌号深居安逸不闻人声也鞅掌失容也言事凡劳不暇为仪容也【辅氏曰燕安也重言之见安之甚也或燕燕而自居于休息或尽瘁而力为国事或息偃在牀以自逸或不已于行以自苦或深居而不接人声或忧惨而自极劬劳或栖迟于家而偃仰自适或烦劳于国而仪容不整或耽乐饮酒以自乐或惨惨畏咎以自忧或出入风议而亲近从容或靡事不为而疎远劳勩】

或湛【都南反】乐饮酒或惨惨畏咎【巨九反】或出入风【音讽】议

【叶鱼羈反】或靡事不为

赋也咎犹罪过也出入风议言亲信而从容也北山六章三章章六句三章章四句【李迂仲曰孔子云公则説若不均则虽征役未甚劳苦而人亦怨矣观大东之诗则有粲粲衣服者有葛屨履霜者北山之诗则有息偃在床者有不已于行者则天下安得而説服哉胡庭芳曰补传云大东言赋之不均北山言役之不均】

序大夫刺幽王也役使不均已劳于从事而不得养其父母焉

无将大车祗【音支】自尘兮无思百忧祗自疢【刘氏曰当作疢与瘖同眉贫反】兮

兴也将扶进也大车平地任载之车驾牛者也只适疢病也此亦行役劳苦而忧思者之作言将大车则尘污之思百忧则病及之矣【辅氏曰夫行役者进而有王事之期程唯恐其有不期之悔退而有家事之多端唯恐其有意外之虞所可忧者因不一而足也故曰百忧戒之以无思者言姑置之勿以为念可也不然适所以自病而已矣】

无将大车维尘防防【叶莫迴反】无思百忧不出于颍【古迴反】兴也防防昏晦也颍与耿同小明也在忧中耿耿然不能出也

无将大车维尘雝【于勇于容二反】兮无思百忧祇自重【直勇直龙】

【二反】兮

兴也雝犹蔽也重犹累也

无将大车三章章四句

序大夫悔将小人也

此序之误由不识兴体而误以为比也

明明上天照临下土我征徂西至于艮【音求】野【叶上与反】二月初吉载离寒暑心之忧矣其毒大【音泰】苦念彼共【音恭下章并同】人涕零如雨岂不懷归畏此罪罟【音古】

赋也征行徂往也艮野地名盖荒远之地也二月亦以夏正数之建卯月也初吉朔日也毒言心中如有药毒也共人僚友之处者也懷思罟网也大夫以二月西征至于歲暮而未得归故呼天而诉之【辅氏曰明明上天照临下土宜无不察也故呼而诉之】复念其僚友之处者且自言其畏罪而不敢归也【谢叠山曰僚友虽以恭敬自持然上无明君下无贤相无爱惜善类不知果能免祸否所以念之深至于涕零也辅氏曰言其涉行之遠歷时之久故其心之忧如中药之毒而甚苦也共人即靖共尔位之寮友也寮友不一而足有出者有处者宜也已之征役固劳苦矣然以其所谓罪罟譴怒蹙急反覆观之则寮友之处者亦岂有乐事哉此所以思之而涕零如雨又自言我亦岂不懷归而相与共事哉正以畏不测之罪而不敢归尔罪罟言其以罪而加人如罔罟之取物而物有不及知者也不言思其室家而欲归乃言思其寮友者善为辞也然室家之思固亦在其中矣】昔我往矣日月方除【直虑反】曷云其还歲聿云莫【音慕】念

我独兮我事孔庶心之忧矣憚【丁佐反】我不暇【叶胡故反】念彼共人矻矻【音眷】懷顾岂不懷归畏此譴怒

赋也除除旧生新也谓二月初吉也庶众憚劳也矻矻勤厚之意譴怒罪责也言昔以是时往今未知何时可还而歲已莫矣盖身独而事众是以勤劳而不暇也【辅氏曰矻矻懷顾言已之于寮友勤厚矻矻然懷思而顾念之也譴怒则明言其罪贵之及耳】昔我往矣日月方奥【于六反】曷云其还政事愈蹙【子六反】

歲聿云莫采萧获菽心之忧矣自诒伊戚【叶子六反】念彼共人兴言出宿岂不懷归畏此反覆【芳福反】

賦也奧暖【孔氏曰即春温亦謂二月也】蹙急詔遺戚忧兴起也反覆傾側无常之意也言以政事愈急是以至此歲暮而犹不得归【輔氏曰采萧获菽則歲莫之事也】又自咎其不能見几遠去而自遺此忧至于不能安寢而出宿于外也【鄭氏曰夜卧起宿于外忧不能宿于内也謝疊山曰兴言出宿又不止于睠睠懷顧矣】

嗟尔君子无恒安处靖共尔位正直是与神之聽之

式谷以女【音汝】

賦也君子亦指其僚友也【謝疊山曰即所謂共人也】恒常也靖与靜同【謝疊山曰靖如自靖自獻之靖凡事謀之心而安也共如温共朝夕之共凡事共敬而不敢慢也君子本共又勉之以靖共也】与犹助也谷祿也以犹与也上章既自傷悼此章又戒其僚友曰嗟尔君子无以安处为常言当有劳时勿懷安也当靖共尔位惟正直之人是助則神之聽之而以谷祿与女矣

嗟尔君子无恒安息靖共尔位好【呼报反】是正直神之

聽之介尔景福【叶笔力反】

賦也息犹处也好是正直愛此正直之人也介景皆大也【輔氏曰居乱朝事暗主与同邪之人共处易得随风而靡惡直丑正故戒之以正直是与好是正直則神明所祐而福祿至焉不必求之于人也】

小明五章三章章十二句二章章六句【呂東萊曰前三章皆悔仕乱世厭于劳役欲安处休息而不可得故每章有懷归之叹然而知其不可归矣故四章遠戒其同列卒章則又申言之胡庭芳曰此詩豈西征之大夫寄其僚友之处者乎歐陽子曰大雅明明在上謂之大明小雅明明上天謂之小明自是名篇者偶为志別尔了不关詩義也陳壽翁曰此詩因已之久役于外而思僚友之安处于内者且于已无賢劳之恨而謂忧感之自诒于彼无憎疾之辭而勉以为正直之是助哀而不傷怨而不怒視北山之詩稍庶防馬豈賦北山者有父母故其辭極哀怨賦小明者已无父母故共辭頗和平也欤】

序大夫悔仕于乱世也

鼓钟将将【七羊反】淮水汤汤【音伤】忧心且伤淑人君子懷允不忘

賦也將將聲也淮水出信陽軍桐栢山至楚州漣水軍入海【愚按信陽軍即今汴梁路信陽

州漣水军即今淮西道安东州漣水县并隸河南省】汤汤沸腾之貌淑善懷思允信也 此诗之义未详王氏曰幽王鼓钟淮水之上为流连之乐久而忘反闻者忧伤【李迂仲曰声之所感皆因人之哀乐将亡之政其民困故闻其声以悲以见乐与政通而不专系于音也】而思古之君子不能忘也【辅氏曰懷允不忘言其伤今思古而信不能忘也】

鼓钟喈喈【音皆叶居奚反】淮水潋潋【户皆反叶贤鸡反】忧心且悲淑

人君子其德不回【叶乎为反】

赋也喈喈犹将将潋潋犹汤汤悲犹伤也回邪也【辅氏曰悲甚于伤乐所以象德其德不回则言古之君子乐与德称也】

鼓钟伐鼗【古毛反叶居尤反】淮有三洲忧心且妯【敕留反】淑人

君子其德不犹

赋也鼗大鼓也周礼作鼗云鼗鼓寻有四尺【愚按集传所引周礼考工记鞀人文也然地官鼓人又云以鼗鼓鼓役事则字亦作鼗矣注云长丈二尺即寻有四尺也】三洲淮上地【吕东莱曰三洲作诗者赋当时所见也】苏氏曰始言汤汤水盛也中言潋潋水流也终言三洲水落而洲见也言幽王之从于淮上也妯动犹若也言不若今王之荒乱也【辅氏曰伐鼗举乐器之大者言之以见其乐之盛也妯甚于悲谓常动而不息也其德不犹言与今之君子不相似也将将喈喈伐鼗言其乐之盛也汤汤潋潋三洲言其时之久也且伤且悲且妯言其忧之甚也乐之盛作之久也而民心之忧益甚则与古之王者忧民之忧乐民之乐者异矣】鼓钟钦钦鼓瑟鼓琴笙鼗同音以雅以南【叶尼心反】以箫

【以灼反】不僭【子念反叶七心反】

赋也钦钦亦声也鼗乐器以石为之琴瑟在堂笙鼗在下同音言其和也雅二雅也南二南也箫箫舞也僭乱也言三者皆不僭也 苏氏曰言幽王之不德岂其乐非古欤乐则是而人则非也【濮氏曰但时非古之时闻其乐祇见其可伤也孟子告齐宣王者可以观矣】

鼓钟四章章五句

此诗之义有不可知者今姑释其训诂名物而略以王氏苏氏之說解之未敢信其必然也【胡庭芳曰欧公云鼓钟序但言刺幽王不知刺何事据诗文则是作乐于淮上矣然旁考诗书史记皆无幽王东巡之事书曰徐夷并兴盖自成王时徐夷及淮夷已皆不为周臣宣王时尝遣将征之亦不自往初无幽王东至淮徐之事然则不得作乐于淮上矣当阙其所未详严氏谓古事亦有不见于史而因经以见者诗即史也其论固当然而诗文亦不明言其为幽王也故集传以为未详又曰未敢信其必然得之矣】

序刺幽王也

此诗文不明故序不敢质其事但随例为刺幽王耳实皆未可知也

楚楚者茨言抽【敕留反】其棘自昔何为我蓺【鱼世反】黍稷我黍与与【音余】我稷翼翼我仓既盈我庾维亿以为酒食以享以祀【叶逸织反】以妥【汤果反】以侑【音又叶夷益反】以介景福【叶笔力反】赋也楚楚盛密貌茨蒺藜也抽除也我为有田禄而奉祭祀者之自称也与与翼翼皆蕃盛貌露积【如字又音渍】曰庾【孔氏曰甫田言曾孙之庾如坻如京是积粟也故曰露积周语云野有庾积】十万曰亿享献也妥安坐也礼曰诏妥尸【郊特牲注曰尸始入祝则诏主人拜安尸使之坐】盖祭祀筮族人之子为尸【李宝之曰曲礼云为人子者祭祀不为尸则尸筮无父者皆用孙之伦有爵者为之】既奠迎之使处神坐而拜以安之也【少牢礼曰祝设几于筵上祝酌奠主人西面再拜祝出迎尸于庙门外尸入升筵祝主人皆拜妥尸尸不言荅拜遂坐李实之曰祭统云君迎牲而不迎尸别嫌也尸在庙门外则疑于臣在庙则全于君】侑劝也恐尸或未饱祝侑之曰皇尸未实也【少牢曰尸告饱祀独侑曰皇尸未实侑尸又食主人不言拜侑尸又三饭】介大也景亦大也此诗述公卿有田禄者力于农事以奉其宗庙之祭【呉伯丰问自后稷以农事肇祀其诗未尝不睠睠于此孟子亦曰礼曰诸侯耕助以供粢盛粢盛不洁不敢以祭古之人未有不先成民而后致力于神者恐不必专指公卿言之先生荅曰此诸篇在小雅而非天子之诗故止得以公卿言之盖皆畿内诸侯矣】故言蒺藜之地有抽除其棘者古人何乃为此事乎盖将使我于此蓺黍稷也【辅氏曰首四句推本而言以见其不忘所自也王氏以为我仓既盈则无所藏之而露稍为庾其数至亿者是也然此亦甚言之以见有余之意耳】故我之黍稷既盛仓庾既实则为酒食以享祀妥侑而介大福也

济济【子礼反】跄跄【七羊反】絜尔牛羊以往烝尝或剥或亨

【普庚反叶铺郎反】或肆或将祝祭于祊【补彭反叶补光反】祀事孔明【叶谟郎反】先祖是皇神保是飨【叶虚良反】孝孙有庆【叶祛羊反】报以介福万寿无疆

赋也济济跄跄言有容也【辅氏曰古之祭祀用人甚多此言济济跄跄者谓几与祭之人皆有容仪也】冬祭曰烝秋祭曰尝剥解剥其皮也亨煮熟之也肆陈之也【苏氏曰肆谓陈其骨休于俎也】将奉【捧】持而进之也【辅氏曰剥亨肆将各有其人皆蒙济济跄跄一句】祊庙门内也孝子不知神之所在故使祝博求之于门内待賓客之处也【记郊特牲曰索祭祀于祊不知神之所在彼乎于此乎注云索求神也愚按门内待賓之处恐即大门之内屏墙之外人君生时所宁立见賓之地在寢谓之宁在庙谓之祊恐其神或在此故使祀祭于其处也】孔甚也明犹备也着也【辅氏曰王氏云凡祀裸鬯则求诸陰炳萧则求诸阳索祭祀于祊则求诸陰阳之间蓋魂无不之神无不在求之之备如此祀事所以孔明也者是矣集传又以为明字兼备着两义者尤善】皇大也君也【辅氏曰君也者如府君之谓所以尊之也】保安也神保盖尸之嘉号楚辞所谓灵保亦以巫降神之称也【灵保神巫也神降而托于巫蓋身则巫而心则神也今诗中不說巫当便是尸也愚按祖考之神降而安于尸之身故

因以号尸也】孝孙主祭之人也庆犹福也执爨【七乱反】蹠蹠【七亦反叶七略反】为俎孔硕【叶常约反】或燔【音烦】或

炙【之敕反叶陟略反】君妇莫莫【音麦叶木各反】为豆孔庶【叶陟略反】为賓为客【叶克各反】献酬【市由反】交错礼仪卒度【叶徒洛反】笑语卒获【叶黄郭反】神保是格【叶刚鹤反】报以介福万壽攸酢

赋也爨灶也【毛氏曰饗饗廩饗也孔氏曰饗饗以煮肉廩饗以炊米少牢云饗饗在门东南北上廩饗在饗饗之北】蹠蹠敬也俎所以载牲体也硕大也燔烧肉也炙炙肝也皆所以从献也特牲主人献尸賓长以肝从主妇献尸兄弟以燔从是也【燔者火烧之名炙者远火之称以难熟者近火易熟者远之故肝炙而肉燔也仪礼特牲馈食曰主人洗角酌醕尸賓长以肝从主妇洗爵酌亚献尸兄弟长以燔从李实之曰羞肝亦以俎】君妇主妇也莫莫清静而敬至也【王介甫曰执爨贱者也贱者蹠蹠则贵者可知也君妇尊者也尊者莫莫则卑者可知也辅氏曰莫莫有冲漠之意唯清静而敬之至者方有此意思曰君妇者君即上也又所以尊称之也】豆所以盛内羞庶羞主妇荐之也【郑氏曰二羞所以尽欢心内羞则醕食粢食庶羞羊臠豕臠皆有馘醕醕音移臠音熏臠音梏馘音志李宝之曰内羞谷物庶羞牲物】庶众也賓客筮而戒之使助祭者【辅氏曰为俎为豆为賓为客四为字足意皆有为之之意故先生解为賓为客云筮而戒之使与祭者是也】既献尸而遂与之相献酬也主人酌賓曰献賓饮主人曰酢主人又自饮而复饮賓曰酬賓受之奠于席前而不举至旅而后少长相劝而交错以徧也【愚按特牲主人醕尸主妇亚献賓三献毕主人遂酌以献賓賓饮献爵主人饮酢爵遂以觶酌于西方之尊以酬賓又自饮再酌饮賓賓奠觶于荐南至旅酌乃举其觶酬长兄弟遂自饮更酌于东方之尊以饮长兄弟长兄弟卒觶酌于西方之尊以饮受旅者其众賓及众兄弟交错以徧皆如初仪交错犹东西也】卒尽也度法度也获得其宜也【李宝之曰笑语得宜者古者于旅也语】格来酢报也【辅氏曰礼仪卒度言其礼仪尽合法度也笑语卒获言其于旅而语之时其笑语无不得其宜也此神保之所以来格介福之所以来报万壽之所以来酢也】

我孔熯【而善反】矣式礼莫愆【叶起中反】工祝致告徂賚孝孙

【叶须伦反】苾【蒲必反】芬孝祀【叶逸织反】神嗜饮食卜尔百福【叶笔力反】如防【音机】如式既齐既稷既匡既敕永锡尔极时万时亿赋也熯竭也善其事曰工苾芬香也卜予也【予与同】防期也春秋传曰易防而哭是也式法齐整稷疾匡正敕戒极至也礼行既久筋力竭矣而式礼莫愆敬之至也于是祝致神意以嘏【假】主人【辅氏曰徂賚孝孙郑氏以为徂往也賚予也所以重释上句致告之义如言以其所致告者徂而予孝孙也集传失解此二字】曰尔饮食芳洁故报尔以福禄使其来如几其多如法尔礼容庄敬故报尔以众善之极使尔无一事而不得乎此【辅氏曰礼容庄敬解既齐既稷既匡既敕二句故报尔以众善之极解永锡尔极一句使尔无一事而不得乎此解时万时亿一句】各随其事而报之以其类也【李宝之曰工祝致告以下皆序嘏主人之词】少牢嘏词【少牢曰主人醕尸尸酢主人佐食取黍授尸尸执以命祝祝受以东北面嘏主人曰云云】曰皇尸命工祝承

致多福无疆于女【音汝】孝孙【注曰承犹传也】来【注曰读曰厘赐也李宝之曰亦若赉】女孝孙使女受禄于天宜稼于田眉寿万年勿替引之【注曰引长也言无废止时长如是也】此大夫之礼也【愚按羊豕曰少牢少牢馈食诸侯之大夫祭礼也曲礼又曰凡祭大夫以索牛者谓天子之大夫也此诗为天子公卿之礼故有絜尔牛羊之文也】礼仪既备【叶蒲北反】钟鼓既戒【叶讫力反】孝孙徂位【叶力入反】工祝

致告【叶古得反】神具醉止皇尸载起鼓钟送尸神保聿归诸宰君妇废彻【直列反】不迟诸父兄弟备言燕私【叶息夷反】赋也戒告也【辅氏曰礼仪既备言其礼之无不举也钟鼓既戒言其乐之无不奏也如此则祭祀以毕矣】徂位祭事既毕主人往阼阶上西面之位也致告祝传尸意告利成于主人言孝子之利养成毕也【少牢曰主人出立于阼阶上西面祝出西阶东面告利成注曰利犹养也成毕也】于是神醉而尸起送尸而神归矣【孔氏曰尸与神为节度者也神无形故尸象马少牢曰告利成毕祝入主人降立于阼阶东西而尸遂出于庙门外李宝之曰尸在庙门外则疑于臣故送迎尸皆以庙门为断】曰皇尸者尊称之也鼓钟者尸出入奏肆夏也【周礼大司乐曰尸出入奏肆夏钟师注曰先击钟次击鼓以奏时迈也】鬼神无形言其醉而归者诚敬之至如见之也诸宰家宰非一人之称也废去也【郑氏曰诸宰彻去诸饌君妇笲豆而已】不迟以疾为敬【刘执中曰不敢怠缓如神犹在也】亦不留神惠之意也祭毕既归賓客之俎同姓则留与之燕以尽私恩所以尊賓客亲骨肉也【愚按仪礼主人之俎佐食彻之尸俎则佐食彻而有司归之賓俎则有司彻而归之祝及兄弟众賓之俎则皆自彻而出拜賓于门外而不敢留归賓俎而不敢后所以尊賓也主人以阼俎豆笲及尸祝兄弟之庶羞宴族人于堂主妇以祝豆笲及姑姊妹之俎宴内兄弟于房所以亲亲也】乐具入奏【叶音族】以绥后禄尔殽既将莫怨具庆【叶祛羊反】

既醉既饱【叶补苟反】小大稽首神嗜饮食使君寿考【叶去九反】孔惠孔时维其尽【叶子忍反】之子子孙孙勿替【天帝反】引之赋也凡庙之制前庙以奉神后寝以藏衣冠【愚按庙及寝皆南向庙屋五架中架以南通谓之堂以北则分其东为房西为室此大夫之制也室有户牖户东而牖西牖之内为奥神位所在也房之东室之西近南各有箱尔雅所谓室有东西箱曰庙者是也庙之后别为寝以藏祖宗之遗衣冠祭时则授尸以服之其寝如庙之制而无东西箱尔雅所谓室无东西箱曰寝者是也】祭于庙而燕于寝故于此将燕而祭时之乐皆入奏于寝也【孔氏曰上章云备言燕私此章即言燕私之事又曰燕祭不得同乐而云皆入者歌咏虽异乐器则同故皆入也】且于祭既受禄矣故以燕为将受后禄而绥之也尔殽既进与燕之人无有怨者而皆欢庆醉饱稽首【董氏曰稽首头拜至地也】而言曰向者之祭神既嗜君之饮食矣是以使君壽考也又言君之祭祀甚顺甚时无所不尽【董氏曰内尽礼外尽物】子子孙孙当不废而引长之也

楚茨六章章十二句

吕氏曰楚茨极言祭祀所以事神受福之节致详致备所以推明先王致力于民者尽则致力于神者详观其威仪之盛物品之丰所以交神明逮羣下至于受福无疆者非德盛政修何以致之【辅氏曰一章言黍稷既成为酒食以祭祖考二章言絜牛羊以为牲求陰阳以备着三

章言俎豆有硕多之实主妇有静敬之德賓客之贤献酬之礼四章言行礼之久筋力虽竭而式礼莫愆祝致神意以嘏予主人之事五章言礼乐备举祭事既毕留同姓而燕之事六章则言燕私之事而并载燕者之庆辞也愚按诗中言济济跄跄蹀蹀莫莫卒度卒获式礼莫愆齐稷匡敕者威仪之盛此德盛所致也仓庚之积牛羊之絜俎豆之硕庶饮食之苾芬者物品之丰此政修所致也德与政仪与物内外两尽而本末兼备故以之交神明则为妥侑为烝尝以之速羣下则为献酌为燕私曰万壽无疆曰万壽攸酢曰卜尔旨福曰以绥后祿所谓受福无疆也又按周礼乐师之教乐仪大馭之馭玉路记玉藻言君子佩玉皆曰行以肆夏趋以采芻或谓采芻即楚茨也】

序刺幽王也政烦赋重田莱多荒饥饉降丧民卒流亡祭祀不飨故君子思古焉

自此篇至车牵凡十篇似出一手词气和平称述详雅无风刺之意序以其在变雅中故皆以为伤今思古之作诗固有如此者然不应十篇相属而絕无一言以见其为衰世之意也窃恐正雅之篇有错脱在此者耳序皆失之【楚茨之诗精深宏 如何做得变雅辅氏曰精深宏四字說尽此诗之义诚敬之至威仪之敕鬼神之享福壽之报此其所谓精深也礼乐之备品物之丰逮及之徧施被之遠此其所谓宏博也读者更熟玩而深索之】

信彼南山维禹甸【田见反叶徒邻反】之畇畇【音匀】原隰曾孙田【叶地因反】之我疆我理南东其亩【叶满彼反】

赋也南山终南山也甸治也畇畇垦辟【音辟】貌【孔氏曰垦耕其地辟除草莱以成柔田也】曾孙主祭者之称曾重也自曾祖以至无穷皆得称之也疆者为之大界也理者定其沟涂也【刘执中曰疆谓有夫有畛有涂有道有路以经界之也理谓有遂有沟有洫有浍有川以疏道之也】畝塋也长乐刘氏曰其遂东入于沟则其畝南矣其遂南入于沟则其畝东矣此诗大指与楚茨略同此即其篇首四句之意也【辅氏曰此诗亦是诗人述公卿有田祿者力于农事以奉宗庙之祭也】言信乎此南山者本禹之所治【董氏曰雍州之山荆岐既旅终南惇物则禹固治之矣严氏曰言禹甸治之则平水患理沟洫皆在其中愚按禹平水土大舜美其功曰地平天成万世永赖今考于诗尤信也其见于小雅则有此诗大雅则曰丰水东注维禹之绩又曰奕奕梁山维禹甸之鲁颂则曰纘禹之绪商颂则曰禹敷下土方又曰设都于禹之绩可以见禹功之在人心可以见人心之知所本也】故其原隰垦辟而我得田之于是为之疆理而顺其地势水势之所宜或南其畝或东其畝也【愚按地之势东南下水势皆趋之故顺其势以纵为遂以横为沟而或南其畝东其畝也】上天同云雨【于付反】雪雰雰【敷云反】益之以霡【亡革反】霂【音木】

既优既渥【叶乌谷反】既霑既足生我百谷

赋也同云云一色也将雪之候如此雰雰雪貌霡霂小雨貌【陆农师曰三农之事雪则欲盛而徧故言雰雰雨欲微而润故言霡霂】优渥霑足皆饶洽之意也冬有积雪春而益之以小雨润泽则饶洽矣【彭氏曰上章言地利此章言天时俗云蝗产子于地中至春夏而出地若

冬有雪寒气逼之深入于地春夏不能出矣一雪入地三尺三雪则入地九尺故三白为丰年之兆也】疆场【音亦】翼翼黍稷彧彧【于六反叶于逼反】曾孙之穡以为酒

食畀【必寐反】我尸賓寿考万年【叶尼因反】

赋也场畔也【前汉书注曰至此易主故曰易】翼翼整饬貌彧彧茂盛貌畀与也言其田整饬而谷茂盛者皆曾孙之穡也【愚按诗人本欲言此章之事而先言首章田畝之垦辟疆理次章雨雪之滋生百谷而以此章首二句承上章之意言之也】于是以为酒食而献之于尸及賓客也【丘氏曰与尸谓献熟食并酌齐献尸是也与賓谓助祭之賓酌齐献尸尸酌酢賓并祭未燕同姓于寢是也此祭始终用酒食之事愚按三献尸之后主人亦有献賓之礼】陰阳和万物遂而人心懽悦以奉宗庙则神降之福故寿考万年也【辅氏曰首章言我之得以垦辟夫田者禹之功也二章言我之得以生长夫谷者天之赐也此章首句则重言首章之意二句则重言二章之意可见其不忘所自也第三句方言此乃曾孙之穡郑氏谓敛获曰穡是也曾孙既有此穡则以为酒食奉祭祀以尽我之孝心又皆不忘其本之意也至于遠不忘乎大禹甸治之功近不忘乎上天饶洽之赐与夫孝奉宗庙之祭是又皆可以膺受多福而不忝愚按集传所谓陰阳和者亦承上章雨雪饶洽之意也】

中田有廬疆場有 【叶攻乎反】是剥是菹【側居反】献之皇祖

曾孙寿考【叶孔五反】受天之祜【侯古反】

赋也中田田中也菹酢【音醋】菜也祜福也一井之田其中百畝为公田内以二十畝分八家为廬舍以便田事【董氏曰每家廬舍二畝半孔氏曰古者宅在都邑农时则出而就田须有廬舍后汉书注曰井田法人受私田一百畝公田十畝廬舍直内贵人也公田次之重公也私田在外贱私也】于畔上种以尽地利【王介甫曰地无遗利也】成剥削淹渍以为菹而献皇祖贵四时之异物顺孝子之心也

祭以清酒从以騂【息营反】牡享于祖考【叶去久反】执其鸞刀

以啓其毛取其血膋【音聊叶音劳】

赋也清酒清洁之酒郁鬯之属也【严氏曰犹鳧鬯言尔酒既清烈祖既载清酤也郁鬯者礼家以为酿秬为酒煮鬱金香草和之其氣芬芳而条暢也】騂赤色周所尚也【孔氏曰三代各用其所尚之毛色】祭礼先以郁鬯灌地求神于陰【董鼎曰酒以灌地降神取其馨香下达】然后迎牲执者主人亲执也鸞刀刀有铃也膋脂膏也【孔氏曰力环有铃其声中节膋者肠间脂也】啓其毛以告纯也取其血以告杀也取其膋以升臭也合之黍稷实之于萧而燔之以求神于阳也【孔氏曰楚语云毛以示物物色也是毛以告纯以脂膏合之黍稷寘之萧乃以火烧之合其馨香之气是升臭也谢叠山曰祭祝之事各有司存执刀啓毛取血膋必躬亲之何也事死如事生事亡如事存子孙之养祖考必身亲其劳自致其力然后尽其心马

耳】记曰周人尚臭灌用鬯臭【絶句一以鬯字絶句】郁合【如字一音阁】鬯【絶句】臭陰达于渊泉灌以圭璋用玉气也既灌然后迎牲致陰气也【郑氏曰灌以圭瓚酌鬯始降神也已乃迎牲于庭杀之天子诸侯之礼也】萧合黍稷臭阳达于墙屋故既奠然后炳【音熱】萧合羶【馨同】芎【香同郑氏曰奠谓荐孰时也萧芎蒿也染以脂合黍稷烧之也】凡祭慎诸此魂气归于天形魄归于地故祭求诸陰阳之义也【天地陰阳之气交合便成人氣便是魂精便是魄到得将死热气上出所谓魂升下体渐冷所谓魄降所以祭祀燎以求诸阳灌以求诸陰也问祖先已死以何而求曰只是以我之气承接其气便是有求底道理古人于祭祀极重直是要求而得之商人求诸阳便先作乐发散即阳气以求之周人求诸陰便焚燎鬯以陰去求之

又曰如言殂落殂升也是防之游落是魄之降祭求诸阳所以求其魂求诸陰所以求其魄】

是烝是享【叶虚良反】苾苾芬芬祀事孔明【叶谟郎反】先祖是皇

报以介福万寿无疆

赋曰烝进也或曰冬祭名【严氏曰烝畀祖妣之烝不必谓烝尝之烝辅氏曰若以为冬祭则其义亦如楚茨二章董氏說上章既言有酒有牲以享于祖考故此章于是言以是牲酒为冬祭之烝而饮食苾芬祭事备着先祖于是既大且尊而降福无疆也】

信南山六章章六句【愚按李宝之曰大夫之祭不裸不荐血腥而自荐熟始故名其礼曰馈食天子诸侯则荐熟以前有裸鬯荐血腥之礼今考此诗与楚茨虽大指略同而楚茨独言荐熟此诗则言清酒血膋意楚茨为天子大夫之祭礼此诗或诸侯为王朝公卿者之礼欤】序刺幽王也不能脩成王之业疆理天下以奉禹功故君子思古焉

曾孙古者事神之称序专以为成王则陋矣

倬【陟角反】彼甫田【叶地因反】歲取十千【叶仓新反】我取其陈食【音嗣】我农人自古有年【叶泥因反】今适南畝【叶满彼反】或耘或耔【音子叶獎里反】黍稷薿薿【鱼起反】攸介攸止烝我髦【音毛】士【鉏里反】

赋也倬明貌甫大也十千谓一成之田地方十里为田九万畝而以其万畝为公田盖九一之法也【郑氏曰井田之法九夫为井井税一夫其田百畝井十为通通税十夫其田千畝通十为成成方十里成税百夫其田万亩】我食禄主祭之人也陈旧粟也农人私百畝而养公田者也有年丰年也适往也耘除草也耔離本也蓋后稷为田一畝三畎广【去声】尺深【去声】尺而播种【上声】于其中苗叶以上稍耨垆草因墾其土以附苗根垆尽畎平则根深而能【音耐】风与旱也薿茂盛貌【陈器之曰按西汉志叶上有生字墾作隤汉书曰赵过能为代田一畝三畎歲代处故曰代田古法也耔附根也言苗稍壮每耨輒附根比盛暑垆尽而根深能风与旱故擬擬而盛也】介大烝进髦俊也俊士秀民也古者士出于农而工商不与焉管仲曰农之子恒为农野处而不昵其秀民之能为士者必足赖也即谓此也【国语管

仲曰农从事于田野少而习焉其心安焉不见异物而迁焉故其父兄之教不肃而成子弟之学不劳而能故农之子云云注曰昵近也秀民民之秀出者也辅氏曰言农夫而终之以髦士所以重农也】此诗述公卿有田禄者力于农事以奉方社田祖之祭【辅氏曰楚茨信南山二诗皆是述公卿有田禄者力于农事以奉其宗庙之祭故首皆推言昔人垦辟之功而我得以耕治以奉祭祀之意甫田之诗乃述公卿有田禄者力于农事以奉方社田祖之祭故首言有年之多与蓄积之富以见于神不可不报之意】故言于此大田岁取万畝之入以为禄食及其积之久而有余则又存其新而散其旧以食农人补不足助不给也盖以自古有年是以陈陈相因所积如此然其用之之节又合宜而有序如此所以粟虽甚多而无红腐不可食之患也【谢叠山曰民生于三代之前其命制乎君民生于三代之后其命制乎天吾求其所以制命之道矣取民常少与民常多敛散得宜丰凶有备新者方收入廩陈者即取以食农人补不足助不给皆取其陈者也从古以来岂无水旱霜蝗吾民常如有年者上之人敛散得其道也愚按岁取万畝之入取之有常也积粟有余而能散以周农则用之合宜也于有余之中必散旧而存新则用之有序也存新散旧而无红腐之患又见其不至于暴弃天物也】又言自古既有年矣今适南畝农人方且或耘或耔而其黍稷又已茂盛则是又将复有年矣故于其所美大止息之处进我髦士而劳之也

以我齐【音咨】明【叶谟郎反】与我牺羊以社以方我田既臧农

夫之庆【叶祛羊反】琴瑟击鼓以御【牙嫁反】田祖以祈甘雨以介我稷黍以谷我士女

赋也齐与粢同曲礼曰稷曰明粢此言齐明便文以协韵耳牺羊纯色之羊也社后土也以句【音勾】龙氏配【孔氏曰后】【土者地之大名也郑云社者五土之神能生万物者也以古之有大功者配之祭法共工氏之霸九州也其子曰句龙能平九州死以配神社而祭之】方秋祭四方报成万物周礼所谓罗弊献禽以祀祊【音方】是也【夏官大司马曰中秋猕田罗弊致禽以祊祊注云罗弊罔止也秋田用罔皆杀而罔止众皆献其所获禽焉祊当为方声之误也秋田主祭四方报成万物】臧善庆福御迎也田祖先嗇也谓始耕田者即神农也周礼籥章凡国祈年于田祖则吹豳雅击土鼓以乐田畯是也【孔氏曰谓神农始教造田谓之田祖先为稼穡谓之先嗇神其农业谓之神农名殊而实同也王介甫曰生为田畯死为田祖若乐工之死而为乐祖也】谷养也又曰善也言仓廩食而知礼节也言奉其齐【音咨】盛【音成】牺牲以祭方社而曰我田之所以善者非我之所能致也乃赖农夫之福而致之耳又作乐以祭田祖而祈雨庶有以大其稷黍而养其民人也【胡庭芳曰此章分两节农夫之庆以上秋报也琴瑟击鼓以下又是春祈也彭氏曰齐明牺羊此祀社方之礼也鼓钟琴瑟此祀田祖之乐也我田既臧农夫之庆此报于社方者然也以祈甘雨介稷黍谷士女此祈于田祖者然也】曾孙来止以其妇子【叶獎里反】饁【于輒反】彼南畝【叶滿彼反】田畯

【音俊】至喜攘【如羊反】其左右【叶羽已反】尝其防否【叶补美反】禾易【以鼓反】长畝【同上】终善且有【叶羽已反】曾孙不怒农夫克敏【叶母鄙反】赋也曾孙主祭者之称非独宗庙为然曲礼外事曰曾孙某侯某武王祷名山大川曰有道曾孙周王发

是也饁饷攘取防美易治长竟有多敏疾也 曾孙之来适见农夫之妇子来饁耘者于是与之偕至其所而田峻亦至而喜之乃取其左右之饁而尝其防否言其上下相亲之甚也【辅氏曰防则幸而喜矣否则惨然为之不乐也不曰取而曰攘者以公卿之贵而食农者之粗粝彼必有所不敢献者故攘而取之以见上下相亲如家人父子之无间也吕东莱曰此言省耕之时曾孙在上畊者在下田峻往来其间劝劳而抚摩之熙然其若一家也曰攘者喜之甚而取之疾以言其相亲无间也】既又见其禾之易治竟畝如一而知其终当善而且多是以曾孙不怒而其农夫益以敏于其事也【吕东莱曰不曰喜而曰不怒者若不敏于农则怒矣彭氏曰喜怒非自外至田峻言喜曾孙言不怒则其上下相与皆诚心之至也】

曾孙之稼如茨【才私反】如梁曾孙之庾【羊主反】如坻【直基反】

如京【叶居良反】乃求千斯仓乃求万斯箱黍稷稻粱农夫之庆【叶祛羊反】报以介福万寿无疆

赋也茨屋盖言其密比也【孔氏曰谓以茅覆屋言其积聚高大如屋茨耳】梁车梁言其穹隆也【愚按小戎所谓梁辀是也】坻水中之高地也京高丘也箱车箱也 此言收成之后禾稼既多则求仓以处之求车以载之而言凡此黍稷稻粱皆赖农夫之庆而得之是宜报以大福使之万寿无疆也其归美于下而欲厚报之如此【辅氏曰夫以时敛散补助不足而劳来劝相以致农夫之敏者固赖乎上之人而火耕水耘沾体涂足劳苦自竭以致禾稼之登者则实农夫之力也归美于彼而欲报之厚宜矣若夫用其力享其奉而曰予不戕礼则然矣则是末世薄俗之所为古无是事】甫田四章章十句

序刺幽王也君子伤今而思古焉

此序专以自古有年一句生説而不察其下文今适南畝以下亦未尝不有年也

大田多稼既种【章勇反】既戒既备乃事【叶上止反】以我覃【以冉反】耜【叶养里反】俶载南畝【叶满洧反】播厥百谷【叶工洛反】既庭且硕【叶常约反】曾孙是若

赋也种择其种也戒饬其具也覃利俶始载事庭直硕大若顺也 苏氏曰田大而种多故于今歲之冬具来歲之种戒来歲之事凡既备矣然后事之取其利耜而始事于南畝【王介甫曰畝大抵以南为正故每曰南畝】既耕而播之其耕之也勤而种之也时故其生者皆直而大以顺曾孙之所欲【辅氏曰农夫以百谷庭硕为顺曾孙之欲则上之意孚于下而下之意顺乎上矣】此诗为农夫之词以颂美其上若以答前篇之意也【吕东莱曰大田多稼总言之也以下至卒章自始及末以次陈之愚按此章言田事脩饬而苗生盛美也】

既方既皂【叶子苟反】既坚既好【叶许苟反】不稂【音郎】不莠【余久反】去

【起吕反】其螟【莫延反】蟊【音特】及其蠹【莫侯反】贼无害我田穡【音稚】田

祖有神秉畀炎火【叶虎委反】

赋也方房也谓孚甲始生而未合时【孔氏曰穗上已有孚甲孚者米外之粟皮甲者在孚外若铠甲之在人表】实未坚者曰阜【刘执中曰谷粒之生而未充满曰阜】稂童梁莠似苗皆害苗之草也【孔氏曰稂莠苗既似禾实亦似粟董氏曰莠秕草也】食心曰螟食叶曰螽食根曰蠹食节曰贼皆害苗之虫也【孔氏曰此四种虫皆蝗也】穉幼禾也【孔氏曰虫灾禾穉者偏甚】言其苗既盛矣【郑氏曰尽生房矣尽成实矣尽坚熟矣尽齐好矣而无稂莠择种之善民力之专时气之和所致之】又必去此四虫然后可以无害田中之禾然非人力所及也故愿田祖之神为我持此四虫而付之炎火之中也【辅氏曰既方既阜既坚既好自禾之秀而言以至于成实也其察之密矣又必无稂莠以分其土力无虫蝗以戕其根株然后害不及其穉禾穉禾犹且不害则其庭硕者可知矣然稂莠则人力足以除之虫蝗则非人力所及也故愿田祖之神持此四虫付之炎火之中也】姚崇遣使捕蝗引此为证夜中设火火边掘坑且焚且瘞盖古之遗法如此【愚按此章言苗既秀实而愿其无损也】

有渰【于检反】萋萋【七西反】兴雨祁祁雨【于付反】我公田遂及

我私【叶息夷反】彼有不获穉此有不斂【力检反】穧【才讎反】彼有遗秉此有滞穗伊寡妇之利

赋也渰云兴貌萋萋盛貌祁祁徐也云欲盛盛则多雨雨欲徐徐则入土公田者方里而井井九百畝其中为公田八家皆私百畝而同养公田也【方一里为一井其田九百畝中百畝为公田外八百畝为私田公田以为君子之禄而私田野人之所受也愚按司马决以六尺为步步百为畝畝百为夫是一畝之田实积百步而方十步一夫之田实积百畝而方十畝为方一百步以九夫为一井则方三夫为方三百步古者以三百步作一里所谓方一里为一井也】穧束秉把也滞亦遗弃之意也【刘执中曰穧谓穗之低小刈获之所不及者穧谓刈而遗忘秉缚之所不及者秉谓来而辇载之所不尽者滞谓刈而折乱秉获之所不通者皆绿丰稔故也】言农夫之心先公后私故望此云雨而曰天其雨我公田而遂及我之私田乎冀怙君德而蒙其余惠使收成之际彼有不及获之穉禾此有不及斂之穧束彼有遗弃之禾把此有滞漏之禾穗而寡妇尚得取之以为利也此见其丰成有余而不尽取又与鰥寡共之既足以为不费之惠而亦不弃于地也不然则粒米狼戾不殆于轻视夫物而慢弃之乎【谢叠山曰三代盛时君之爱民无所不用其极民之爱君亦无所不用其极农夫望雨如饥渴之望饮食也惟愿其田中之洋溢今所愿者公田之雨优渥霑足其余波及我私田也尊君亲上之心亦厚矣穉有不获穧有不斂秉有遗穗有滞此乐岁粒米狼戾之时也农夫何见而乃能留有余不尽之和以养鰥寡此上好仁而下好义也辅氏曰既无稂莠之害又无虫蝗之害则其不可无者雨而已故此章又言其望云与雨先公田而后私曰如此则成有年矣鰥寡孤独圣人虽不欲有此等人然亦不能使其无也但发政施人则先及之而已雨我公田尊君之义也伊寡妇之利及众之仁也陈寿翁曰此章欲雨公田不至知有已而不知有君利及寡妇不至知有已而不知有人忠厚若此其豳风之气象乎愚按此章复愿其雨泽溥及而收成有余也】曾孙来止以其妇子饁彼南畝【子畝并见前篇】田峻至喜来

方禋【音因】祀【叶逸织反】以其骍黑与其黍稷以享以祀【同上】以介景福【叶笔力反】

赋也精意以享谓之禋 农夫相告曰曾孙来矣【刘执中曰曾孙以其西成乃出郊省民之敛也愚按此诗为农夫之词故以此为农夫相告言曾孙之来省敛与上篇章防不同也】于是与其妇子饁彼南畝之获者而田畯亦至而喜之也【王介甫曰喜其趋获事也】曾孙之来又禋祀四方之神而赛祷焉四方各用其方色之牲此言骍黑举南北以见其余也【吕东莱曰南方用骍北方用黑孔氏所谓略举二方以为韵句是也】以介景福农夫欲曾孙之受福也【愚按卒章言其收获之后而报祀获福也】大田四章二章章八句二章章九句

前篇有击鼓以御田祖之文故或疑此楚茨信南山甫田大田四篇即为豳雅其详见于豳风之末亦未知其是否也【吴伯丰问楚茨以下四篇先生谓即豳雅反覆读之其辞气与七月载芟良耜等篇大抵相类断无可疑】然前篇上之人以我田既臧为农夫之庆而欲报之以介福此篇农夫以雨我公田遂及我私而欲其享祀以介景福上下之情所以相赖而相报者如此非盛德其孰能之【辅氏曰上之欲报其下者如此则是君以民为体也下之欲报其上者如此则是民以君为心也上下之情相类以为一则君之德固厚而民之德亦厚也李迂仲曰楚茨信南山甫田大田其始皆言黍稷次言祭祀乃以福祿终之张文潜曰受莫大之福而其君有安宁壽考之乐此天下至美极治之时也而其本于仓廩之盈原隰之治田庐之修耕耘之时而后及于祭祀礼乐之事也蓋田事备则衣食足衣食足而礼乐备礼乐备而和平兴和平兴而人君有壽考安乐之盛此诗人探其本而要其终言之序如此诗攷曰萧望之云爰及矜人哀此鰥寡上惠下也雨我公田遂及我私下急上也】

序刺幽王也言矜寡不能自存焉

此序专以寡妇之利一句生說

瞻彼洛矣维水泱泱【于良反无韵未详】君子至止福祿如茨韮【音昧】韠【音闇】有奭【许力反】以作六师

赋也洛水名在东都会诸侯之处也【问洛水或云两处曰此只就洛邑言之】泱泱深广也君子指天子也茨积也韮茅搜所染色也【李宝之曰茅搜一名旧可以染绛韦昭谓急疾呼茅搜成韮故因以名其所染也】韠韠也合韦为之【孔氏曰是蔽膝之衣李宝之曰合韦为之故谓之韠】周官所谓韦弁兵事之服也【愚按韦弁详见六月常服注】奭赤貌作犹起也六师六军也天子六军【愚按天子六军出自六乡蓋一万二千五百家为乡凡起徒役毋过家一人故一万二千五百家为二军六军总七万五千人也】此天子会诸侯于东都以讲武事而诸侯美天子之诗言天子至此洛水之上御戎服而起六师也

瞻彼洛矣维水泱泱君子至止韠【补顶反】琫【必孔反】有珌

【賓一反】 君子万年保其家室

賦也鞞容刀之鞞今刀鞘【音笑】也琫上飾珌下飾亦戎服也【毛氏曰天子玉琫而珌珌諸侯璚琫而璊珌璊音遙蕩音蕩璊音求孔氏曰珌璊甲也黃金謂之璊】

瞻彼洛矣維水泱泱君子至止福祿既同君子万年

保其家邦【叶卜工反】

賦也同猶聚也

瞻彼洛矣三章章六句【詩多有酬酢應荅之篇瞻彼洛矣是臣歸美其君君子指君也當時朝防于洛水之上而臣祝其君如此裳裳者華又是君報其臣桑扈鴛鴦皆然陳壽翁曰講武事而不忘武備乃所以久福祿而保國家之道也知此則後世之廢武備而不戒不虞如晉武者其不能久安長治宜也】

序刺幽王也思古明王能爵命諸侯賞善罰惡焉

此序以命服為賞善六師為罰惡然非詩之本意也【濮氏曰洛邑初成成王嘗往受諸侯之朝宣王復命諸侯于此序所謂明王即指此矣安知非當時美之之時何以別其為思古欤以君子至止為諸侯來受爵命以作六師為使之攝卿士以行軍而因以賞善罰惡稱之何其誕妄而不忤也】

裳裳者華其叶湑【思呂反】兮我覯之子我心寫【叶想與反】兮我心寫兮是以有譽處兮

興也裳裳猶堂堂董氏云古本作常常棣也湑盛貌覯見處安也此天子美諸侯之辭蓋以答瞻彼洛矣也言裳裳者華則其叶湑然而美盛矣我覯之子則其心傾寫而悅樂之矣夫能使見者悅樂之如此則其有譽處宜矣此章與蓼蕭首章文勢全相似【輔氏曰為諸侯而使天子見之悅樂如此是宜有譽處矣先生正以此章與蓼蕭首章文勢相似故知其為天子美諸侯之詩以荅瞻彼洛矣也】

裳裳者華芸其黃矣我覯之子維其有章矣維其有

章矣是以有慶【叶墟羊反】矣

興也芸黃盛也章文章也有文章斯有福慶矣【輔氏曰文章則德之冊中而彪外者德之彰著如此則固宜其有福慶也】

裳裳者华或黄或白【叶仆各反】我覲之子乘其四骆乘其

四骆六轡沃若

兴也言其车马威仪之盛

左【叶祖戈反】之左【同上】之君子宜【叶牛何反】之右【叶羽已反】之右【同上】之

君子有【叶羽已反】之维其有【同上】之是以似【叶养里反】之

赋也言其才全德备以左之则无所不宜以右之则无所不有维其有之于内是以形之于外者无不似其所有也

裳裳者华四章章六句

序刺幽王也古之仕者世禄小人在位则谗谄并进弃贤者之类絶功臣之世焉

此序只用似之二字王說

此山之什十篇四十六章三百三十四句

诗传通释卷十三

卷十四

<经部,诗类,诗传通释

钦定四库全书

诗传通释卷十四

元 刘瑾 撰

诗

朱子集传

桑扈之什二之七

交交桑扈【侯古反】有莺其羽君子乐【音洛】胥【叶思吕反】受天之祜【侯古反】

兴也交交飞往来之貌桑扈窃脂也莺然有文章也君子指诸侯胥语词祜福也此亦天子燕诸侯之诗言交交桑扈则有莺其羽矣君子乐胥则受天之祜矣颂祷之词也【辅氏曰四章虽皆颂祷之辞然亦寓期望戒励之意愚按此章及三四章末句皆所谓颂祷之词也】

交交桑扈有莺其羽君子乐胥万邦之屏【卑郢反】兴也领颈屏蔽也言其能为小国之藩卫盖任方伯连师之职者也【王介甫曰屏之为物御外以蔽内也】

之屏之翰【叶胡见反】百辟【音璧】为宪不戢【莊立反】不难【叶乃多反】受

福不那

赋也翰干也所以当墙两边障土者也辟君宪法也言其所统之诸侯皆以之为法也戢敛难慎那多也不戢戢也不难难也不那那也盖曰岂不敛乎岂不慎乎其受福岂不多乎【辅氏曰此章又言不独为万邦之屏翰其所统之诸侯又皆以其所为为法则其德亦威矣方且戢且敛而不敢自恃其难其慎而不敢少忽则其受福又岂不多乎哉百辟为宪有期之之意不戢不难有戒之之意王介甫曰戢则不肆不放逸难则不易不傲慢然则受福岂不多也胡庭芳曰此亦戒之之词也】古语声急而然也后放此【愚按菀柳云不尚文王云不显不时大明韩奕皆云不显其光生民云不宁不康清庙云不显不承以至嵩高维天之命烈文执竞皆言不显并仿此义】

兕【徐履反】觥【古横反】其觶【音求】防酒思柔彼交匪敖【五报反】万
福来求

赋也兕觥爵也觥角上曲貌【周颂作琖】防美也思语词也敖傲通交际之间无所傲慢则
我无事于求福而福反来求我也【辅氏曰彼交匪敖亦有戒意】

桑扈四章章四句【陈壽翁曰即维周之翰四国于蕃文武吉甫万邦为宪等语参之则此为
天子燕诸侯而颂祷之诗无疑也】

序刺幽王也君臣上下动无礼文焉

此序只用彼交匪敖一句生說

鸳鸯于飞毕之罗之君子万年福禄宜【叶牛何反】之

兴也鸳鸯匹鸟也【郑氏曰言其止则相偶飞则为双性驯偶也】毕小罔长柄者也罗罔也
君子则天子也此诸侯所以答桑扈也鸳鸯于飞则毕之罗之矣君子万年则福禄宜之矣亦
颂祷之词也【愚按四章皆为颂祷之词】

鸳鸯在梁戢其左翼君子万年宜其遐福【叶笔力反】兴也石絶水为梁戢敛也张子曰禽
鸟并栖一正一倒戢其左翼以相依于内舒其右翼以防患于外盖左不用而右便故也遐遠
也久也

乘【绳证反】马在廐【音救】摧【采卧反】之秣【音末叶莫佩反】之君子万年
福禄艾【鱼蓋反叶鱼肺反】之

兴也摧莖秣粟【释文曰摧莖刍也秣谷饲马也】艾养也苏氏曰艾老也言以福禄终其身
也亦通乘马在廐则摧之秣之矣君子万年则福禄艾之矣

乘马在廐秣之摧【叶徂为采卧二反】之君子万年福禄绥【叶宣佳士果二反】之
兴也绥安也

鸳鸯四章章四句【辅氏曰鸳鸯之诗乃下祷上之词故尤更明易上之祷下犹且述其德桑
扈是也下之祷上则亦无此意但拯其颂祷之情而已鸳鸯是也若不敢有拟议其德者敬之
至也】

序刺幽王也思古明王交于万物有道自奉养有节焉

此序穿凿尤为无理

有頍【缺婢反】者弁实维伊何尔酒既防尔殽既嘉【叶居何反】岂伊异人兄弟匪他【汤何反】萑【音鸟】与女萝【力多反】施【以豉反】于松柏【叶逋莫反】未见君子忧心奕奕【叶弋灼反】既见君子庶几説【音悦】怿【叶弋灼反】

赋而兴又比也【愚按此章诸本皆作赋而比今详章首六句曰弁曰酒曰殽曰兄弟皆述宴时之实事其体属赋而其六句之中实维伊何与岂伊异人语意相应又似兴体七句八句则皆属比疑此章当为赋而兴又比及考辅氏童子问本正作赋而兴又比令从之辅氏曰首言与宴者其弁顿然只是赋体又贴一句实维伊何则以兴起下二句岂伊异人兄弟匪他也此则兴体至于萑萝则为比也】頍弁貌或曰举首貌弁皮弁【辅氏曰弁者冠之大名爵弁则士祭服韦弁即戎冠从禽非常服也惟皮弁上下通服故知皮弁也】嘉防皆美也匪他非他人也萑寄生也叶似当芦子如覆盆子赤黑甜美【本草曰一名寓木凡桑榲树檉柳杨枫等树上皆有之此物自感造化之气而生别是一物也】女萝兔丝也蔓连草上黄赤如金【释文曰在草曰兔丝在木曰松萝】此则比也君子兄弟为賓者也奕奕忧心无所薄【伯博二音】也此亦燕兄弟亲戚之诗故言有頍者弁实维伊何乎尔酒既防尔殽既嘉则岂伊异人乎乃兄弟而匪他也又言萑萝施于木上以比兄弟亲戚纏绵依附之意是以未见而忧既见而喜也

有頍者弁实维何期尔酒既防尔殽既时岂伊异人

兄弟具来【叶陵之反】萑与女萝施于松上【叶时亮反】未见君子忧心忉忉【兵命反叶兵旺反】既见君子庶几有臧【叶才浪反】

赋而兴又比也【愚按此章体制与上章同】何期犹伊何也时善【辅氏曰以时为善何也曰物得其时则善矣与维其时矣之时同】具俱也忉忉忧盛满也臧善也

有頍者弁实维在首尔酒既防尔殽既阜【方九反】岂伊

异人兄弟甥舅【巨九反】如彼雨【于付反】雪先集为霰【苏荐反】死丧【去声】无日无几【居岂反】相见乐【音洛】酒今夕君子维宴赋而兴又比也【愚按上两章前六句赋中兼兴此章赋中似无兴意第七第八句则仍是比疑此章当为赋而比】阜犹多也甥舅谓母姑姊妹妻族也【尔雅曰谓我舅者吾谓之甥母之昆弟为舅母之从父昆弟为从舅妻之父为外舅姑之子为甥舅之子为甥妻之兄弟为甥姊妹之子为甥】霰雪之始凝者也将大雨雪必先微温雪自上下遇温气而抟谓之霰久而寒胜则大雪矣【孔氏曰大戴礼曾子曰阳之専气为霰盖成陰之气在雨水则凝滞而为雪阳气搏而胁之不相入则消散而下因水而为霰】言霰集则将雪之候以比老至则将死之徵也【刘辰翁曰霰则知有雪矣老

则知有死矣相防之始为此危语相感动以极欢趋耳】故卒言死丧无日不能久相见矣但当乐饮以尽今夕之欢笃亲亲之意也

頍弁三章章十二句

序诸公刺幽王也暴戾无亲不能宴乐同姓亲睦九族孤危将亡故作是诗也

序见诗言死防无日便谓孤危将亡不知古人劝人燕乐多为此言如逝者其耄他人是保之类且汉魏以来乐府犹多如此如少壮几时人生几何之类是也

间闕车之牵【胡瞎下介二反】兮思变【力充反】季女逝【石列石例二反】兮匪饥匪渴德音来括虽无好友【叶羽已反】式燕且喜

赋也间闕设牵声也牵车轴头铁也无事则脱行则设之昏礼亲迎者乘车变好貌逝往括防也此燕乐其新昏之诗故言间闕然设此车牵者盖思彼变然之委女故乘此车往而迎之也匪饥也匪渴也望其德音来括而心如饥渴耳虽无他人亦当宴饮以相喜乐也

依彼平林有集维鷮【音骄】辰彼硕女令德来教【叶居爻反】式

燕且誉好【呼报反】尔无射【音亦叶都故反】

兴也依茂木貌鷮雉也防小于翟走而且鸣其尾长肉甚美【埤雅曰鷮尾六尺字从乔者尾长而走且鸣则其首尾乔如也孔氏曰语云四足之美有麋两足之美有鷮】辰时硕大也尔即季女也射厌也依彼平林则有集维鷮辰彼硕女则以令德来配已而教诲之【辅氏曰辰彼硕女令德来教言硕女适及其时而以美德来配已而教诲之也】是以式燕且誉而悦慕之无厌也

虽无防酒式饮庶几虽无嘉殽式食庶防虽无德与

女【音汝】式歌且舞

赋也防嘉皆美也汝亦指季女也言我虽无防酒嘉殽美德以与女女亦当饮食歌舞以相乐也陟彼高冈析【星歷反】其柞【才洛反】薪【叶音襄】析其柞薪其叶

湑【思吕反】兮鲜【息浅反】我觐尔我心寫【叶想羽反】兮

兴也陟登柞栎湑盛鲜少觐见也陟冈而析薪则其叶湑兮矣我得见尔则我心写兮矣

高山仰【叶五刚反】止景行行【叶五郎反】止四牡騑騑【孚非反】六轡

如琴觐尔新昏以慰我心

兴也仰瞻望也景行大道也如琴谓六轡调和如琴瑟也【孔氏曰六轡缓急调和如琴瑟也】慰安也高山则可仰景行则可行马服御良则可以迎季女而慰我心也此又举其始终而言也表记曰小雅曰高山仰止景行行止子曰诗之好仁如此【刘辰翁曰此二句极思慕之情而好仁者以之此古人善读诗也】乡【音向】道而行中道而废【郑氏曰废喻力极罢顿不能复行则止也】忘身之老也不知年数之不足也俛焉日有孳孳毙而后已【辅氏曰表记之言虽非诗之本防然读者能如此则能有益于己矣时过而学者可常常涵咏此数语以自警】

车牵五章章六句【辅氏曰一章言其望之甚切故得之甚喜也二章言德之有誉故好之无厌也三章则自谦之辞言我虽无以子女而女则宜有以相乐也四章则言我心倾写于女以见诚之至也五章则举其始终而言之上四句言其始下二句言其终前已极言之矣故此但言其略耳愚按此诗皆言悦慕贤女之意故其未得之也望其德音来括而心如饥渴既得之也喜其今德来教而心如输写至于宴乐之也又叹为欢之无美具而且恐无德以相与证之闕睢亦可谓得性情之正者也】

序大夫刺幽王也褒姒疾妬无道并进谗巧败国德泽不加于民周人思得贤女以配君子故作是诗也

以上十篇并已见楚茨篇

营营青蝇止于樊【音烦叶汾干反】岂弟君子无信防言

比也营营往来飞声乱人听也青蝇污秽能变白黑【欧阳子曰齐诗匪鸡则鸣苍蝇之声盖其飞声之众可以乱听犹言聚蚊成雷也蝇之为虫污白使黑污黑使白喻佞人变乱善恶也郑氏曰青蝇秽物驱之使去而复还以比小人态状可恶而又难远】樊藩也君子指王也诗人以王好听谗言故以青蝇飞声比之而戒王以勿听也【陈少南曰谗言多由持心倾险而后入故君子当持心乐易不聽谗言也】

营营青蝇止于棘防人罔极交乱四国【叶越逼反】

兴也棘所以为藩也【孔氏曰棘榛即为藩之物】极犹已也

营营青蝇止于榛【士巾反】防人罔极构【古豆反】我二人兴也构合也犹交乱也已与聽者为二人【陈壽翁曰谗人罔极之祸其末至于乱四国其始先于构二人聽者察于其始而早絕之庶乎不至于罔极也】

青蝇三章章四句【愚按首章以青蝇与君子对言故知以蝇声比谗古下二章以青蝇与谗

人对言故知属兴此比兴相似而不同者凯风诗亦然】

序大夫刺幽王也

賓之初筵左右秩秩【无韵未详后三四章仿此】筵豆有楚殽【户交反】核【户革反】
维旅酒既和防饮酒孔偕【音皆叶举里反】钟鼓既设【叶书质反】举醻【市由反】逸
逸大侯既抗【叶居郎反】弓矢斯张射夫既同献尔发功发彼有的【叶丁药反】以祈尔
爵

赋也初筵初即席也【孔氏曰铺陈曰筵借之曰席】左右筵之左右也【丘氏曰谓筵上左右之人】秩秩有序也楚列貌殽豆实也核筵实也【郑氏曰豆实菹醢也筵实桃梅之属孔氏曰殽是总名此文殽核与筵豆相对故分之耳其实殽亦为核】旅陈也和防调美也孔甚也偕齐一也设宿设而又迁于下也大射乐人宿悬厥明将射乃迁乐于下以避射位是也【郑氏曰钟鼓于是言既设者将射改县也愚按大射仪有乐人宿县之文盖将射于学宫先一宿各县钟磬鼓镛于堂下东西北三面乡射礼则有乐正命迁乐于下之文集传所引乃参约大射乡射礼文以明此钟鼓既设之义耳射皆用乐者盖诸侯之射则先行燕礼大夫士之射则先行乡饮礼故也然此章乃言人君燕射燕在路寝自有常悬之乐谓宿设者先儒以为更整理之耳】举醻举所奠之醻爵也【按仪礼主人酌賓曰献賓既酢主人主人又自饮而献賓曰酬賓受之奠于席前而不举至旅而遂举所奠之爵交错以徧也】逸逸往来有序也【愚按往来者东西交错也】大侯君侯也天子熊侯白质诸侯麋侯赤质大夫布侯画以虎豹士布侯画以鹿豕【郑氏曰所谓兽侯也燕射则张之熊麋虎豹鹿豕皆正面画其头象于正鹄之处耳君画一臣画二阳奇陰耦之数也其画皆毛物也李寶之曰言质者以白与赤采其地而后画布侯者直画而已】天子侯身一丈其中三分居一白质画熊其外则丹地画以云气【愚按凡侯有中有身有上下舌兽侯以布为之天子与圻外诸侯皆用布九幅每幅阔二尺其高一丈八尺九幅之布最中一幅广一丈八尺即所谓中也中之上下各二幅连中幅共高一丈所谓身也身之上下又各二幅以为舌据侯中之广一丈八尺以三分之一为正鹄则正鹄当广六尺此燕射之侯不设正鹄则于正鹄之处以白采其地而画熊为的又于其侧以丹色为质画云气为饰自麋侯以下其饰皆然】抗张也凡射张侯而不系左下纲中掩束之【乡射礼注曰綉持舌绳也不系者事未至也李寶之曰舌维持侯者纲所以系之于植者侯向堂以西为左掩向东也植音值】至将射司马命张侯弟子脱束遂系下纲也【愚按侯有上下左右舌故有左右上下纲绳出于舌外以持舌而系之也又有维以缀侯身侯舌之四角而系之】大侯张而弓矢亦张节也射夫既同比其耦也【郑氏曰比选次其才相近者也李寶之曰射每二人相对以决胜负曰耦】射礼选羣臣为三耦【李寶之曰三耦使大夫士为之若燕射则天子诸侯同一侯三耦】三耦之外其余各自取匹谓之众耦献犹奏也发发矢也的质也【孔氏曰侯中所射之处为质也】祈求也爵射不中者饮丰上之觶【音寘】也【仪礼曰卒射司射命设丰弟子奉丰升设于西楹之西胜者之弟子洗觶升酌奠于丰上不胜者进取觶少退立卒觶进奠于丰上注曰丰形盖似豆而卑】衛武公饮酒悔过而作此诗此章言因射而饮者初筵礼仪之盛【愚按左右有序者仪之盛也筵豆酒殽陈列者礼之盛也而武公于立言之首特以初筵发之者若将不保其终也】酒既调美而饮者齐一至于设

钟鼓举醑爵【愚按燕射主于饮酒而于献酢旅酬之后司射乃命纳射器司马命张侯乐正命迁乐于是乃射故此诗言大侯既抗于设钟鼓举醑爵之后也】抗大侯张弓矢而众耦拾【钳入声】发【孔氏曰拾更也射者更代发矢】各心竞云我以此求爵汝也

籥舞笙鼓乐既和奏【叶宗五反】烝衎【苦旦反】烈祖以洽百礼

百礼既至有壬有林锡尔纯嘏子孙其湛【都南反叶持林反】其湛曰乐【音洛】各奏尔能【叶奴金反】賔载手仇【音拘叶求其二音】室人入又【叶由怡二音】酌彼康爵以奏尔时【叶酬时二音】

赋也籥舞文舞也烝进衎乐烈业洽合也百礼言其备也【孔氏曰百礼事神之众礼也】壬大林盛也言礼之盛大也锡神锡之也尔主祭者也嘏福湛乐也各奏尔能谓子孙各酌献尸尸酢而卒爵也【愚按特性三献之后长兄弟洗觚献尸尸饮毕酢之长兄弟受而卒爵少牢下篇三献之后亦有二人洗觶酌献之礼各奏尔能之义其谓此类欤】仇读曰防【音拘】室人有室中之事者谓佐食也【郑氏曰賔佐尸食者】又复【去声】也賔手挹酒室人复酌为加爵也【特性曰众賔酌为加爵注曰献礼既成多之为加也刘辰翁曰入又者更迭再酌也】康安也酒所以安体也或曰康读曰抗记曰崇玷康【抗】圭【玉藻注曰崇高也为高玷亢所受圭奠于上焉】此亦谓玷上之爵也时时祭也苏氏曰时物也此言因祭而饮者始时礼乐之盛如此也【王介甫曰先王用酒常以祭祀必有礼乐有大礼始有大乐以和之有备乐斯有备礼以成之籥舞笙鼓有备乐也以洽百礼有备礼也辅氏曰毛氏谓籥舞笙鼓者谓秉籥而舞与笙鼓相应长乐刘氏曰言文舞则武舞见矣言笙鼓则八音举矣因射而饮者饮在射先因祭而饮者饮在祭后上二章皆言凡饮之初礼乐之盛如此则必不至于乱也愚按此言祭宴礼乐之盛亦防上章初筵之意然武公因酒过作诗宜于深自惩创若大禹恶而絶之也今二章乃皆盛陈饮酒之礼者盖酒非有过也饮者常至于过也饮者之于初筵亦未有过也其终既醉则不能无过也公之自悔自戒亦慎终如始而已岂必废燕射祭祀之礼而后免于酒祸哉】

賔之初筵温温其恭其未醉止威仪反反【叶分遭反】曰既

醉止威仪幡幡【叶分遭反】舍【音舍】其坐迁屡舞僊僊其未醉止威仪抑抑曰既醉止威仪怵怵【毗必反】是曰既醉不知其秩

赋也反反顾礼也幡幡轻数【音朔】也迁徙屡数也僊僊轩举之状抑抑慎密也【孔氏曰慎密谓慎礼而密静】怵怵媢【音薛】嫚【音慢】也秩常也此言凡饮酒者常始乎治而卒乎乱也【庄子曰以礼饮酒者始乎治常卒乎乱注云始初筵温温秩秩之时也乱幡幡怵怵载号载呶之时也辅氏曰温温其恭威仪反反抑抑始乎治也幡幡怵怵屡迁屡舞终乎乱也才饮酒稍不谨必至于此】賔既醉止载号【乎毛反】载呶【女交反】乱我边豆屡舞傲

傲【起其反】是曰既醉不知其邮【叶于其反】侧弁之俄屡舞僊僊【素多反】既醉而出并受其福【叶笔力反】醉而不出是谓伐德饮酒孔嘉【叶居何反】维其令仪【叶牛何反】

赋也号呼呶讙也【孔氏曰唱叫也】傲傲倾侧之状邮与尤同过也侧倾也俄倾貌僊僊不止也出去伐害孔甚令善也此章极言醉者之状因言宾醉而出则与主人俱有美誉醉至若此是害其德也【辅氏曰傲傲比僊僊则甚矣侧弁之俄屡舞僊僊则又甚也不知其邮亦甚于不知其秩】饮酒之所以甚美者以其有令仪尔今若此则无复有仪矣【苏氏曰此章申言其乱而终悔之也】凡此饮酒或醉或否【叶补美反】既立之监或佐之史彼醉

不臧不醉反耻式勿从谓无俾大【音泰】怠【叶养里反】匪言勿言匪由勿语由醉之言俾出童羖【音古】三爵不识【叶失志二音】矧【失引反】敢多又【叶夷益夷豉二反】

赋也监史司正之属燕礼乡射恐有解【懈】倦失礼者立司正以监之察仪法也【乡饮酒礼乡射礼皆曰相为司正燕礼曰射人为司正吕东莱曰淳于髡云赐酒大王之前执法在傍御史在后此古人君燕饮之制犹存于战国者也或立之监即执法也乡射注所谓立司正以监察仪法者也或佐之史即御史也董氏所谓佐之史以书之者也】谓告由从也童羖无角之羖羊必无之物也识记也言饮酒者或醉或不醉故既立监而佐之以史则彼醉者所为不善而不自知使不醉者反为之羞愧也安得从而告之使勿至于大怠乎告之若曰所不当言者勿言所不当从者勿语【辅氏曰欲其不至于昏醉而但告之使勿太怠者何也曰凡溺于酒者其病根只在一怠字上稍自谨飭者便不至若是汉人谓无事故饮者亦此意也无事则怠矣匪言勿言匪从勿语应前章则号呼讙呶而云也言自言也语与人语也苟不可从则岂可语人哉】醉而妄言则将罚汝使出童羖矣设言必无之物以恐之也汝饮至三爵已昏然无所记况敢又多饮乎又丁宁以戒之也

賓之初筵五章章十四句

毛氏序曰卫武公刺幽王也韩氏序曰卫武公饮酒悔过也今按此诗意与大雅抑戒相类【愚按此时之意欲以自警抑诗之意亦以自警也此诗之意恐醉酒而伐德犹抑诗所谓颠覆厥德荒湛于酒也此诗之意反覆以威仪为言犹抑诗言抑抑威仪敬慎威仪敬尔威仪不愆于仪也此诗言载号载呶勿言勿语之意犹抑诗言慎尔出语无易由言也以至此诗有童羖之语抑诗亦有彼童而角之喻其语意多相类也然抑诗凡言女言尔集传皆以为武公使诵诗者命已之辞今按此诗凡言賓言尔者恐亦武公自谓也】必武公自悔之作当从韩义【董鼎曰史鸿渐云卫人何其服酒酷之训世守于无穷也始也商俗淫湎武王以酒诰戒之幽王之世上下沈湎武公饮酒自悔作賓之初筵见卫人非特上时闻训不敢自越于禁防又能以其所以禁防者传为子孙法焉愚按酒酷言禁酒之意以为父母庆克羞耆羞馈祀则皆可用酒乃若反开饮酒之端者亦若武公谨酒而言因射而饮因祭而饮之意也夫酒】【之为祸内则防人之德外则防人威仪谨酒之要亦惟致力于二者而已故此诗言德者一而言威

仪者】【五酒诰言德者八而言威仪者一详略可互相备矣武公此诗其真有得于武王康叔之家法欤】序卫武公刺时也幽王荒废嬖近小人饮酒无度天下化之君臣上下沈湎淫液武公既入而作是诗也

韩诗説见本篇此序误矣

鱼在在藻有颁【符云反】其首王在在镐岂【苦怪反】乐【音洛】饮酒兴也藻水草也颁大首貌岂亦乐也此天子燕诸侯而诸侯美天子之诗也言鱼何在乎在乎藻也则有颁其首矣王何在乎在乎镐京也则岂乐饮酒矣鱼在在藻有莘【所巾反】其尾王在在镐饮酒乐岂【叶去几反】兴也莘长也

鱼在在藻依于其蒲王在在镐有那【乃多反】其居兴也那安居处也【辅氏曰此诗与鸳鸯相类辞虽简而意则切矣不颂其德者德盛而非言之所能尽亦尊敬之至而不敢加以形容也但美其乐饮安居其位则非盛德其孰能之】鱼藻三章章四句

序刺幽王也言万物失其性王居镐京将不能以自乐故君子思古之武王焉

此序意与楚茨等篇相类

采菽采菽筐【音匡】之筥【音举】之君子来朝【音潮】何锡予【音与】之虽无予之路车乘【绳证反】马又何予之 袞【古本反】及黼【音斧】兴也菽大豆也君子诸侯也路车金路以赐同姓象路以赐异姓也【周礼中车曰金路钩樊纓九就同姓以封象路朱樊纓七就异姓以封注云金路以金饰诸末钩娄颌之钩以金为之樊马大带也纓马鞅樊纓皆以五采罽饰之而九成象路以象饰无钩以朱饰勒而已其樊纓饰七成樊音盘罽音计】

袞 衣而画以卷【袞】龙也黼如斧形刺之于裳也【孔氏曰以龙首卷然谓之袞吕东莱曰 者衣之色袞画于衣九章之第一章也黼綉于裳九章之第八章也上公之服】周制诸公袞冕九章已见九罏篇【郑氏曰一曰龙二曰山三曰华虫四曰火五曰宗彝皆画六曰藻七曰粉米八曰黼九曰黻皆綉衣五章裳四章】侯伯鷩【鷩】冕七章则自华虫以下【郑氏曰鷩画以雉谓华虫也其衣三章裳四章】子男毳冕五章衣自宗彝以下而裳黼黻【郑氏曰毳画虎蜼谓宗彝也其衣三章裳二章】孤卿絺【知上声】冕三章则衣粉米而裳黼黻【郑氏曰絺刺粉米无画也衣一章裳二章】大夫 冕则 衣黻裳而已【郑氏曰 者衣无文裳刺黻而已是以谓 焉凡冕服皆 衣纁裳五服同冕者首饰尊也】此天子所以答鱼藻也采菽采菽则必以筐筥盛之君子来朝则必有以锡予之又言今虽无以予之然已有路车乘马 袞及黼之赐矣其言如此者好之无已意犹以为薄也【陈少南曰虽无予之者好之之心无已也上公九章其服用袞诸侯岂皆上公而有是赐哉诗人取其锡予之至厚者耳】觶【音必】沸【音弗】檻【胡览反】泉【叶才匀反】言采其芹【巨斤反】君子来朝

言观其旂【巨依反叶巨斤反】其旂淠淠【匹弊反】鸾声嘒嘒【呼惠反】载骖【七南

反】载驷君子所届【叶居气反】

兴也霿沸泉出貌檻泉正出也【孔氏曰正出涌泉也李迂仲曰水泉从下上出曰涌泉】芹水草可食淠淠动貌嘒嘒声也【王介甫曰嘒嘒言其声之细无敢驰驱故也】届至也霿沸檻泉则言采其芹诸侯来期则言观其旂见其旂闻其鸾声又见其马【董氏曰载驷则驷也载驷则駟也】则知君子之至于是也

赤芾【音弗】在股邪幅在下【叶后五反】彼交匪纾【音舒叶上与反】天子

所予【音与】乐【音洛】只【音止】君子天子命【叶弥并反】之乐只君子福禄申之

赋也胫本曰股邪幅偃也邪纏于足如今行滕所以束胫在股下也【孔氏曰滕絨也名行滕者言行而絨束之也郑氏曰偃束其胫自足至滕故曰在下彭氏曰陈氏云带裳幅舄昭其度也幅虽防而有等差之度故并观之】交交际也纾缓也言诸侯服此芾偃见于天子恭敬齐【咨斋二音】邀不敢纾缓则为天子所予而申之以福禄也【郑氏曰天子赐之神则以福禄中重之董氏曰天子之命则有命服有命爵有命车其命之则路车乘马 袞及黻是也古者发大命颁爵禄必自其祖庙示不敢専则以德受命其得于神也宜矣】

维柞之枝其叶蓬蓬乐只君子殿【多见反】天子之邦【叶卜】

【工反】乐只君子万福攸同平平【婢延反】左右亦是率从兴也柞见车牵篇蓬蓬盛貌殿镇也【孔氏曰军行在后曰殿取镇重之义故曰殿镇也】平平辩治也左右诸侯之臣也率循也维柞之枝则其叶蓬蓬然乐只君子则宜殿天子之邦而为万物之所聚又言其左右之臣亦从之而至此也

泛泛【芳剑反】杨舟紉【音弗】纼【力弛反】维之乐只君子天子葵

之乐只君子福禄膍【类尸反】之优哉游哉亦是戾【叶郎之反】矣兴也紉紉【音律孔氏曰孙炎云紉大索也李巡曰所以维持舟者】纼维皆系也言以大索纼其舟而系之也葵揆也揆犹度也膍厚戾至也泛泛杨舟则必以紉纼维之乐只君子则天子必葵之【辅氏曰天子葵之言天子能葵度诸侯之心而知其底蕴也】福禄必膍之于是又叹其优游而至于此也

采芣五章章八句【国语注曰此诗王赐诸侯命服之乐也辅氏曰首章之意至矣言其宠锡之厚而心犹以为不足也二章则言其始来之时见其车旂而喜其至三章则言其始见天子时恭敬齐邀而为天子之所予四章则言其德足以镇天子之邦为万福之所聚而又喜其左右之臣相从而至五章则申言之而又叹其至也优游自适而无勉强不得已之意一有勉强之心则怠矣】序刺幽王也侮慢诸侯诸侯来朝不能锡命以礼数征防之而无信义君子见防而思古焉同上

骅骝【息营反】角弓翩【匹然反】其反【叶分遄反】矣兄弟昏姻无胥远【叶于圆反】矣

兴也骅骝弓调和貌角弓以角饰弓也【孔氏曰弓人以六材为弓谓干角筋胶丝漆也】翩反貌弓之为物张之则内向而来弛之则外反而去有似兄弟昏姻亲踈远近之意胥相也此刺王不亲九族而好谗佞使宗族相怨之诗言

骅骝角弓既翩然而反矣兄弟婚姻则岂可以相远哉【欧阳子曰弓之为物其体往来诗人以兴九族之亲王若亲之以恩则内附若不以仁恩结之则亦离叛而去矣】

尔之远【同上】矣民胥然矣尔之教矣民胥效矣

赋也尔王也上之所为下必有甚者【欧阳子曰王与骨肉如此则下民亦将效上之所为也辅氏曰王位在德元风俗之枢机也故尔远则民然尔教则民效其应甚连不可不谨也远字承上章而言】

此令兄弟绰绰有裕【预与二音】不令兄弟交相为瘵【同上】赋也令善绰宽裕饶瘵病也言虽王化之不善然此善兄弟则绰绰有裕而不变彼不善之兄弟则由此而交相病矣盖指防己之人而言也

民之无良相怨一方受爵不让【叶如羊反】至于已斯亡赋也一方彼一方也相怨者各据其一方耳若以责人之心责己爱己之心爱人使彼己之间交见而无蔽【辅氏曰即大学絜矩之道也】则岂有相怨者哉【王介甫曰民防其良心不参彼己之曲直则各相怨于一方】况兄弟相怨相防以取爵位而不知逊让终亦必亡而已矣【辅氏曰此章始则诏之以相怨之由终则戒之以不逊之祸其晓之也切矣欧阳子曰贪争不已至于亡身也刘辰翁曰末句犹云至于亡斯已也】老马反为驹【叶去声】不顾其后【叶下故反】如食【音嗣】宜餍【于据反】

如酌孔取【叶音娶】

比也餍饱孔甚也言其但知防害人以取爵位而不知其不胜任如老马惫矣而反自以为驹不顾其后将有不胜任之患也又如食之已多而宜饱矣酌之所取亦已甚矣【辅氏曰老马反为驹不顾其后此必指当时实事而言盖时有谗己以取其爵位而不度其己之不胜任者如食宜餍以比其贪黷之无厌如酌孔取以比其攫取之太甚】母教猱升木如涂涂附君子有徽猷小人与属【音蜀叶殊】

【遇反】

比也猱獠猴也【陆玕曰楚人谓之沐猴老者为獠长臂者为猱】性善升木不待教而能也

涂泥附着徽美猷道属附也言小人骨肉之恩本薄王又好防佞以来之是教猱升木又如泥涂之上加以泥涂附之也苟王有美道则小人将反为善以附之不至于如此矣【刘执中曰小人乐于不善王又疎薄骨肉以倡之是教猱升木也小人乐于不善而王又益之以不善之教是以涂涂附其壁且相着不可脱矣非所以为上之道也故陈为上之道曰君子有徽猷小人与属也先王有至德要道民用和睦正其五品为之孝友是之谓徽猷吕东莱曰上之化下速于影响导之以恶既易如此况于有善道以化之小民其有不与属者乎胡庭芳曰母教云中二章尔教之义而禁止之也君子小人以位言辅氏曰君者民之表上者下之倡民之善恶亦惟其上之所道且罪不在于民也望于上者切而责于人者恕诗人之情当理矣愚按大学传曰上老老而民兴孝上长长而民兴弟上恤孤而民不倍上有徽猷而下之与属者其机盖如此】

雨【于付反】雪漙漙【符骄反】见睍【乃见反】曰【音越韩诗刘向作聿下章放此】消

莫肯下【遐稼反】遗式居娄【力在反荀子作屡】骄

比也漙漙盛貌睍日气也张子曰防言遇明者当自止【愚按盛雪见日气则自消正如此也】而王甘信之不肯贬下而遗弃之更益以长慢也

雨雪浮浮见睍曰流如蜚如髦【叶莫侯反】我是用忧比也浮浮犹漙漙也流流而去也蜚南蜚也髦夷髦也书作髡【孔氏曰髦西夷之别名牧誓曰及庸蜀羌髡防卢彭濮人彼髡此髦音义同】言其无礼义而相残贼也【王介甫曰粲然有文以相接驩然有恩以相爱中国之道也中国道尽则如蜚如髦矣是夫乱之道也故我是用忧也】

角弓八章章四句【愚按尧之协和万邦必以亲九族为本中庸之九经必以亲亲为先所系之大如此而其道则惟在于尊其位重其禄同其好恶此先王所以有常棣伐木頍弁行苇诸诗之深仁原泽也今若此诗所刺则防其治国平天下之本矣诗人所以于卒章深致其忧也】序父兄刺幽王也不亲九族而好防佞骨肉相怨故作是诗也【孔氏曰骨肉谓族亲也以其父祖上世同稟血气而生如骨肉之相附】

有苑【音鬱】者柳不尚息焉上帝甚蹈【战国防作上天甚神】无自防焉俾予靖之后予极焉

比也柳茂木也尚庶几也上帝指王也蹈当作神言威灵可畏也防近靖安极求之尽也王者暴虐诸侯不朝而作此诗言彼有苑然茂盛之柳行路之人岂不庶几欲就止息乎以比人谁不欲朝事王者而王甚威神使人畏之而不敢近耳使我朝而事之以靖王室后必将极其所欲以求于我盖诸侯皆不朝而已独至则王必责之无已如齐威王朝周而后反为所辱也【史记鲁仲连曰齐威王朝周居岁余周烈王崩齐王朝周怒于齐曰天崩地坼天子下席东藩之臣因齐后至则斲威王怒曰叱嗟而母婢也卒为天下笑故生则朝之死则叱之诚不忍其

求也】或曰兴也下章放此【辅氏曰前章只是比体以人愿息于柳陰以比人愿庇于王者耳若以为兴则不尚息焉无自防焉两句意思各别】

有苑者柳不尚惕【欺例反】焉上帝甚蹈【见上】无自瘵【例界反叶】

【子列反】焉【战国防作也】俾予靖之后予迈【叶力制反】焉【愚按战国策荀卿谢楚王书曰云云诗曰上天甚神毋自瘵焉】

比也惕息瘵病也迈过也求之过其分也

有鸟高飞亦传【音附】于天【叶铁因反】彼人之心于何其臻曷

予靖之居以凶矜

兴也传臻皆至也彼人斥王也居犹徒然也凶矜遭凶祸而可怜也鸟之高飞极于天耳彼王之心于何所极乎言其贪纵无极求责无己人不知其所至也如此则岂予能靖之乎乃徒然自取凶矜耳苑柳三章章六句

序刺幽王也暴虐无亲而刑罚不中诸侯皆不欲朝言王者之不可朝事也

桑扈之什四十三章二百八十二句

诗传通释卷十四

卷十五

钦定四库全书

诗传通释卷十五

元 刘瑾 撰

诗

朱子集传

都人士之什二之八

彼都人士狐裘黄黄其容不改出言有章行归于周万民所望【叶音亡】

赋也都王都也黄黄狐裘色也【孔氏曰狐之黄者多】不改有常也章文章也周镐京也乱离之后人不复见昔日都邑之盛人物仪容之美而作此诗以叹惜之也【辅氏曰容则德之符也言则德之发也容言如是则其德可知故为万民所仰望也或曰先生以此时为乱离之后所作如此则东迁之后诗也曰厉王流死于彘之后都邑岂能如旧哉何必束迁之后乎故先生但以周为镐京也】

彼都人士台笠缙撮【七活反叶相悦反】彼君子女绸【直留反】直

如髮【叶方月反】我不见兮我心不説【音悦】

赋也台夫【扶】须也【陆玕曰莎草也可以为簔笠】缙撮缙布冠也其制小仅可撮其髻也【孔氏曰缙布冠制小故言撮若是帛为冠则有制度不得言撮王介甫曰台笠缙撮在野与众皆作之服】女都人贵家之女也绸直如髮未详其义然以四章五章推之亦言其髮之美耳彼都人士充耳琇【音秀】实彼君子女谓之尹吉我不见

兮我心苑【于粉反】结【叶缴质反】

赋也琇美石也以美石为璵尹吉未详郑氏曰吉读为姑【其入声】尹氏姑氏周之昏姻旧姓也人见都人之女咸谓尹氏姑氏之女言其有礼法也【孔氏曰常武曰王谓尹氏春秋昭公十三年尹氏立王子朝世为公卿周之旧族也韩奕云为韩姑相攸言汾王之甥左传郑石癸曰姑吉人也后稷之元妃也是姑与周室为昏姻也世贵旧姓昏连王室故见都人之女有礼法者谓之尹吉也】李氏曰所谓尹吉犹晋言王谢唐言崔卢也【愚按晋之江左王谢唐

之山东崔卢皆一时之望族为世所称也】苑犹屈也积也彼都人士垂带而厉【叶落盖反】彼君子女卷【音权】髮如蜃【仞迈】

【反】我不见兮言从之迈

赋也厉垂带之貌【孔氏曰礼大带垂三尺】卷髮鬢傍短髮不可敛者曲上卷然以为饰也蜃蜃【释】虫也尾末捷【干】然似髮之曲上者【释文曰捷举也长尾为蜃短尾为蜎】迈行也盖曰是不可得见也得见则我从之迈矣思之甚也

匪伊垂之带则有余匪伊卷之髮则有旃我不见兮

云何吁【喜俱反】矣

赋也旃扬也吁望也说见何人斯篇此言士之带非故垂之也带自有余耳女之髮非故卷之也髮自有旃耳言其自然闲美不假修饰也然不可得而见矣则如何而不望之乎

都人士五章章六句

序周人刺衣服无常也古者长民衣服不贰从容有常以齐其民则民德归壹伤今不复见古人也

此序盖用缁衣之误

终朝采緑不盈一掬【弓六反】予髮曲局薄言归沐

赋也自旦及食时为终朝緑王刍也【尔雅注叶蓐也今呼鸚脚莎】两手曰掬局卷【权】也犹言首如飞蓬也【谢叠山曰妇人夫不在不事容饰故伯兮曰自伯之东首如飞蓬】妇人思其君子而言终朝采緑而不盈一掬者思念之深不专于事也【埤雅曰蓝緑皆易得之物今以忧思贰之故虽终朝采掇而不尽一掬一防也】又念其髮之曲局于是舍之而归沐以待其君子之还也【辅氏曰薄言归沐恐君子之或归也好饰者妇人之性】

终朝采蓝【卢谈反】不盈一防【尺占反叶都甘反】五日为期六日

不詹【音占叶多甘反】

赋也蓝染草也【濮氏曰蓝可以为靛染青以之靛音奠】衣蔽前谓之防即蔽膝也詹与瞻同五日为期去时之约也六日不詹过期而不见也【刘执中曰既逾于期犹未瞻见也六日不詹未久也尚且望而忧之又况于迟久而弗归耶】

之子于狩【尺救反】言韞【勅亮反】其弓【叶姑 反】之子于钓言纶

之防

赋也之子谓其君子也理丝曰纶 言君子若归而欲往狩耶我则为之韞其弓欲往钓耶我则为之纶其绳望之切思之深欲无往而不与之俱也【丘氏曰今遠行从役久而不归思其如此而不可得也辅氏曰防而韞弓钓而纶绳本非妇人之事望之切思之深设言其如此以见其欲无往而不与之俱是虽夫妇之正情然使其形于言焉则怨旷甚矣】

其钓维何维鲂【音房】及鱮【音叙叶音湑】维鲂及鱮薄言观者

【叶掌与反】

赋也于其钓而有获也又将从而观之亦上章之意也【辅氏曰此章承上章末句而言亦喜幸之词也】

采芣四章章四句

序刺怨旷也幽王之时多怨旷者也

此诗怨旷者所自作非人刺之亦非怨旷者有所刺于上也

芄芃【蒲东反】黍苗陰雨膏【古报反】之悠悠南行召伯劳【力报反】之

兴也芃芃长【上声】大貌悠悠遠行之意 宣王封申伯于谢命召穆公往营城邑故将徒役南行而行者作此言芃芃黍苗则唯陰雨能膏之悠悠南行则唯召伯能劳之也

我任【音壬】我輶【力展反】我车我牛【叶鱼其反】我行既集盖云归

哉【叶将黎反】

赋也任负任者也【孔氏曰谓器物人所负持】輶人挽【晚】车也【周礼乡师注曰輶车人挽行所以载任器也止以为蕃营輶一斧一斤一凿一耜一鋤周加二贩二筑以十五人而輶愚按我任我輶载任器于輶车也】牛所以驾大车也【愚按我车我牛驾牛于重载之车也】集成也营谢之役既成而归也【王介甫曰此章见召伯之遇役矢如此】

我徒我御我师我旅我行既集盖云归处

赋也徒步行者御乘车者五百人为旅五旅为师春秋传曰君行师从卿行旅从【孔氏曰旅

属于师徒行御车乃是师旅之人别而言之厯数以类上章也王介甫曰此章见召伯之遇征夫如此】

肃肃谢功召伯营之烈烈征师召伯成之

赋也肃肃严正之貌谢邑名申伯所封国也今在邓州信阳军【愚按今河南省有邓州及信阳市是也】功工役之事也营治也烈烈威武貌征行也【辅氏曰言其师旅之所以得如是烈烈然威武者皆召伯有以成之也然则兵岂能自为强弱哉顾上之人所以御之者如何耳】

原隰既平泉流既清召伯有成王心则宁

赋也土治曰平水治曰清言召伯营谢邑相其原隰之宜通其水泉之利【谢叠山曰疆其土田事毕则原隰平矣治其沟洫事毕则泉流清矣】此功既成宣王之心则安也【吕东莱曰中伯之体势不重则无以以镇定南服召穆公身为卿士岂得辞其忧责哉宣王虽深居九重宵旰之虑固未尝一日忘之也必待召公告厥成功而王心始宁焉此真知职分者也】

黍苗五章章四句

此宣王时诗与大雅崧高相表里

序刺幽王也不能膏润天下卿士不能行召伯之职焉

此宣王时美召穆公之诗非刺幽王也

隰桑有阿其叶有难【乃多反】既见君子其乐【音洛下同】如何兴也隰下湿之处宜桑者也【孔氏曰桑宜在湿润之所隰之近畔宜桑】阿美貌难盛貌皆言枝叶条垂之状此喜见君子之诗言隰桑有阿则其叶有难矣既见君子则其乐如何哉词意大防与菁莪相类然所谓君子则不知其何所指矣或曰比也下章放此【愚按所谓下章者指二章三章也所谓比者盖以隰桑枝叶颜色之美比君子容貌威仪之盛亦与菁莪比意相类】

隰桑有阿其叶有沃【乌酷反叶郁防反】既见君子云何不乐兴也沃光泽貌【刘执中曰光润如膏之沃也】

隰桑有阿其叶有幽【叶于交反】既见君子德音孔胶【音交】兴也幽黑色也胶固也

心乎爱【叶许既反】矣遐不谓矣中心藏之何日忘之赋也遐与何同表记作瑕郑氏注曰瑕之言胡也谓犹告也言我中心诚爱君子而既见之则何不遂以告之而但中心藏之将使何日而忘之邪【丘氏曰诗人自道其爱贤之意如此王介甫曰所谓盛德至善不能忘也】

楚辞所谓思公子兮未敢言意盖如此【九歌注曰思之而本敢言惧其渎也】爱之根于中者深故发之迟而存之久也

隰桑四章章四句

序刺幽王也小人在位君子在野思见君子尽心以事之

此亦非刺诗疑与上篇皆脱简在此也

白华【音花】菅【音奸】兮白茅束兮之子之远俾我独兮

比也白华野菅也已沤为菅【孔氏曰沤之柔韧异其名谓之为菅因谓在野未沤者为野菅耳】之子斥幽王也俾使也我申后自我也幽王娶申女以为后又得褒姒而黜申后故申后作此诗言白华为菅则白茅为束二物至防犹必相须为用何之子之远而俾我独耶【读诗之法且如此章盖言白华与茅尚能相依而我与子乃相去之远何哉】

英英白云露彼菅茅【叶莫侯反】天步艰难之子不犹比也英英轻明之貌白云水上轻清之气当夜而上腾者也露即其散而下降者也【陈少南曰云为质而露为泽】步行也天步犹言时运也犹图也或曰犹如也言云之泽物无防不被今时运艰难而之子不图不如白云之露菅茅也【张子曰英英白云且均露及菅茅何天步艰难而之子不若是乎谢叠山曰岂天运当艰难国家将亡幽王之心所以不能如天之公溥乎】

漉【符彪反】池北流浸彼稻田【叶他因反】啸歌伤怀念彼硕人比也漉流貌北流丰镐之间水多北流硕人尊大之称亦谓幽王也言小水防流尚能浸灌王之尊大而不能通其宠泽所以使我啸歌伤怀而念之也【谢叠山曰啸歌伤怀所谓长歌之哀过于恸哭也】

樵【徂焦反】彼桑薪印【五纲反】烘【火东反】于煇【市林反】维彼硕人

实劳我心

比也樵采也桑薪薪之善者也印我烘燎也煇无釜之灶可燎而不可烹饪者也【孔氏曰无釜之灶其上燃火谓之烘本为此灶止以燃火照物若今火炉也】桑薪宜以烹饪而但为燎燭以比嫡后之尊而反见卑贱也【欧阳子曰此弃妻自伤失职也】

鼓钟于宫声闻【音问】于外念子懞懞【七到又】视我迈迈比也懞懞忧貌迈迈不顾也鼓钟于宫则声闻于外矣念子懞懞而反视我迈迈何哉【程子曰此章自伤其诚意之不能动王也懞懞然忧戚而曾不能感动视我迈迈而去】

有鹖【音秋】在梁有鹤在林维彼硕人实劳我心

比也鰲秃鰲也【埤雅曰一名扶老状如鹤而大长颈赤目头高八尺】梁鱼梁也苏氏曰鰲鹤皆以鱼为食然鹤之于鰲清浊则有

问矣今鰲在梁而鹤在林鰲则饱而鹤则饥矣幽王进褒姒而黜申后譬之养鰲而弃鹤也

鸳鸯在梁戢其左翼之子无良二三其德

比也戢其左翼言不失其常也【愚按戢其左翼以相依于内舒其右翼以防患于外此禽鸟匹耦并栖之常也】良善也二三其德则鸳鸯之不如矣【王介甫曰鸳鸯能好其匹雄雌相从不失其性也幽王无良不一其德鸳鸯之不如也谢叠山曰鸳鸯不失其匹耦幽王乃防其良心嬖妾废后有愧于鸳鸯矣卫诗云士也罔极二三其德亦刺夫妇之相弃背也与此意合】

有扁【步兴反】斯石履之卑兮之子之远俾我疴【都礼反叶裔移】

【反】兮

比也扁卑貌俾使疴病也 有扁然而卑之石则履之者亦卑矣如妾之贱则宠之者亦贱矣【愚按夫之有妇所以相配故宠贱者以配已则已亦贱矣程子尝论娶孀妇而曰娶失节者以配身是已失节亦此章之意也】是以之子之远而俾我疴也

白华八章章四句【辅氏曰一章则言夫妇之常理二章则言时运之使然三章始言其体尊势大而反不如小水之尚能溉物四章然后自叹其以嫡后之尊而反见卑贱其言亦可谓有序矣五章又疑已虽念王而王不顾已何哉六章始以鰲比褒姒而叹王之举措取舍之非宜七章则遂言王之二三其德曾不若鸳鸯之有常八章方极其意而谓王不自爱重宠嬖贱妾以轻贱其身所以使我忧之而成病其言有序而不乱其怨有则而不流即其言以观其人则申后其亦贤矣哉李迂仲曰此诗大抵与绿衣相类彼专以绿衣取譬此则多譬喻体虽不同而发明嫡妾之分则一也愚按此诗章多而句少八章皆为比体一章以一事为喻反覆讽咏以泄其情而犹不能绝念于王可谓怨而不怒者矣一诗之中首以之子称王斥之也继称硕人尊之也继而称子亲之也继又称硕人又称之子怨者之词固有不暇整也】

序周人刺幽后也幽王取申女以为后又得褒姒而黜申后故下国化之以妾为妻以孽代宗而王弗能治周人为之作是诗也

此事有据序盖得之但幽后字误当为申后

刺幽王也下国化之以下皆衍说耳又汉书注引此序幽字下有王废申三字虽非诗意然亦可补序文之缺

縣蜚黃鳥止于丘阿道之云远我劳如何饮【于鳩反】之食【音嗣】之海之命彼后車謂之載之

比也縣蜚鳥聲阿曲阿也【孔氏曰卷阿云有卷者阿知丘阿是丘之曲中也】后車副車也此防賤勞苦而思有所托者為鳥言以自比也蓋曰縣蜚之黃鳥自言止于丘阿而不能前蓋道遠而勞甚矣當是時也有能飲之食之教之海之又命后車以載之者乎

縣蜚黃鳥止于丘隅豈敢憚行畏不能趨飲之食之

教之海之命彼后車謂之載之

比也隅角【丘隅岑蔚之處】憚畏也趨疾行也

縣蜚黃鳥止于丘側豈敢憚行畏不能極飲之食之

教之海之命彼后車謂之載之

比也側傍極至也國語云齊朝駕則夕極于魯國縣蜚三章章八句

序防臣刺亂也大臣不用仁心遺忘防賤不肯飲食教載之故作是詩也

此詩未有刺大臣之意蓋方道其心之所欲耳若如序者之言則褊狹之甚無復溫柔敦厚之意

幡幡【孚煩反】瓠葉采之亨【叶鋪郎反】之君子有酒酌言嘗之賦也幡幡瓠葉貌此亦燕飲之詩言幡幡瓠葉采之亨之至薄也【李迂仲曰瓠葉新生可以為菹】然君子有酒則亦以是酌而嘗之蓋述王人之謙詞言物雖薄而必與賓客共之也

有兔【他故反】斯首炮【白交反】之燔【音煩叶汾干反】之君子有酒酌

言獻【叶虛言反】之

賦也有兔斯首一兔也猶數魚以尾也毛曰炮加火曰燔亦薄物也獻獻之于賓也【謝疊山曰瓠葉以為菹不必嘉蔬一兔以為殽不必異饈先王之燕賓客真德實意而已矣】

有兔斯首燔之炙【音只叶陟略反】之君子有酒酌言酢【才洛反】

之

赋也炕【抗】火曰炙谓以物贯之而举于火上以炙之酢报也賓既卒爵而酌主人也

有免斯首燔之炮【叶蒲侯反】之君子有酒酌言醕【市周反】之赋也醕导饮也【主人酌以献賓曰献賓酢主人主人又自饮而复饮賓曰酬其主人又自饮者是导賓使饮也但賓受之而不饮奠于席前胡庭芳曰主人既饮酢爵欲以酬賓又酌而先自饮以道之然后复酌而进于賓故谓之醕】

瓠叶四章章四句【陈壽翁曰燕饮之礼在诚不在物此聊举一二以见其防薄谦词耳燕饮之诗有盛言其丰者鱼丽是也有谦言其薄者此诗是也】

序大夫刺幽王也上弃礼而不能行虽有牲牢饗饔不肯用也故思古之人不以防薄废礼焉

序說非是

渐渐【并士衔反下同】之石维其高矣山川悠遠维其劳矣武人东征不遑朝【叶直高反】矣

赋也渐渐高峻之貌武人将帅也遑暇也言无朝旦之暇也将帅出征经歷险遠不堪劳苦而作此诗也【欧阳子曰渐渐高石悠遠山川序其所经歷险阻遠道之劳耳】

渐渐之石维其卒【在律反】矣山川悠遠曷其没【叶蒲笔反】矣

武人东征不遑出矣

赋也卒崔嵬也谓山颠之末也曷何没尽也言所登歷何时而可尽也不遑出谓但知深入不暇谋出也有豕白蹄【音的】丞涉波矣月离于毕俾滂【普郎反】沱【徒河反】

矣武人东征不遑他【汤河反】矣

赋也蹄蹄烝众也离月所宿也毕星名豕涉波月离毕将雨之验也【埤雅曰马喜风豕喜雨故天将雨则豕进涉水波也毕是漉鱼底义漉漉鱼则其汁水淋漓而下若雨然毕星名义蓋取此今毕星上有一柄下开两义形亦类毕故月宿之则雨胡庭芳曰毕星好雨月水之精离毕而雨星象相感如此】张子曰豕之负涂曳泥其常性也今其足皆白众与涉波而去水患之多可知矣此言久役又逢大雨甚劳苦而不暇及他事也【欧阳子曰履险遇雨征行所尤苦故以为言】

渐渐之石三章章六句【辅氏曰不遑朝矣犹可言也至于不遑出不遑他则其情危而可哀甚矣古采薇出车之诗作时岂容有此事哉世之治也同未尝无征伐之师也然行者之劳未尝自言而上之人则汲汲然以言其劳之可念世之乱也上之人未尝念其劳而言之也而行

者则自言其劳苦而不置焉夫使劳者自言而上之人不加恤焉则鸟在其为民之父母也】序下国刺幽王也戎狄叛之荆舒不至乃命将率东征役久病于外故作是诗也

序得诗意但不知果为何时耳

苕【音条】之华【音花】芸【音云】其黄矣心之忧矣维其伤矣

比也苕陵苕也本草云即今之紫葳蔓生附于乔木之上其华黄赤色亦名凌霄【本草注曰紫葳一名陵苕蔓生依大木歲夕廷引至巔有花其花夏乃盛愚按芸者黄之盛也】诗人自以身逢周室之衰如苕附物而上虽荣不久故以为比而自言其心之忧伤也

苕之华其叶青青【子零反】知我如此不如无生【叶桑经反】比也青青盛貌然亦何能久哉

牂【子桑反】羊坟【扶云反】首三星在罍【音柳】人可以食鲜【息浅反】

可以饱【叶蒲苟反】

赋也牂羊牝羊也坟大也羊瘠则首大也【莆川郑氏曰牝羊本首小今也羸瘠反首大而身小】罍筍也罍中无鱼而水静但见三星之光而已言饥馑之余百物雕耗如此苟且得食足矣岂可望其饱哉

苕之华三章章四句

陈氏曰此诗其词简其情哀周室将亡不可救矣诗人伤之而已

序大夫闵时也幽王之时西戎东夷交侵中国师旅并起因之以饥馑君子闵周室之将亡伤已逢之故作是诗也

何草不黄何日不行【叶户郎反】何人不将经营四方

兴也草衰则黄将亦行也周室将亡征役不息行者苦之故作此诗言何草而不黄何日而不行何人而不将以经营于四方也哉

何草不 【叶胡匀反】何人不矜【古顽反韩诗作鰥叶居陵反】哀我征夫

独为匪民

兴也 赤黑色也既黄而 也无妻曰矜言从役过时而不得归失其室家之乐也哀我征夫

岂独为非民哉【谢叠山曰东山采薇出车杕杜诸诗序情闵劳皆以室家之望者为説同为天民血气嗜欲岂有异哉先王以民待民幽王之待民如犬马耳故曰哀我征夫独为匪民】

匪兕【徐履反】匪虎率彼旷野【叶上与反】哀我征夫朝夕不暇

【叶后五反】

赋也率循旷空也言征夫非兕非虎何为使之循旷野而朝夕不得闲暇也

有芄【薄工反】者狐【与车叶】率彼幽草有栈【士板反】之车行彼

周道

兴也芄尾长貌栈车役车也周道大道也言不得休息也

何草不黄四章章四句【辅氏曰苕之华言国家之衰微时物之凋耗人民不聊其生天运穷矣何草不黄言士民役使之繁数征行之劳苦上之人视之与禽兽无异人事极矣周室至是无可为矣此黍离之所以降为国风也】

序下国刺幽王也四夷交侵中国背叛用兵不息视民如禽兽君子忧之故作是诗也【李迂仲曰文王之民无不得其所矣而犹视之如伤此周之所以兴也幽王之民愁苦甚矣而幽王曾不之恤视民如禽兽此周之所以亡也兴亡之鉴岂远乎哉】

都人士之什十篇四十三章二百句

诗传通释卷十五

卷十六

钦定四库全书

诗传通释卷十六

元 刘瑾 撰

诗

朱子集传

大雅三

説见小雅【大雅非圣贤不能为平易明白正大光明熊去非曰按小雅集传云正大雅防朝之乐受厘陈戒之辞文王大明绵三篇国语皆以为两君相见之乐朱子谓特举其一端而言其实天子诸侯防朝之乐也今诵其诗则于其咏歌洋溢之中而凜然有严重斋庄之意犹使人有所兴起况亲闻其乐者乎皇矣追述大王王季之德业与大明绵诗同意生民人推本后稷所以积行累功之由朱子疑为郊祀之后受厘颁胙之诗旱麓诗中有玉瓚享祀神劳等语或亦受厘之乐思齐追述大任大姒大姜之德言文王御家在宫之事为详疑此入而燕处之乐灵台岂亦出而游观之乐乎若棫朴言文王之德下武有声皆兼言武王之事其乐或用之宗庙或用之朝廷今皆不可知若行苇以下四篇为受厘之辞公刘以下三篇为陈戒之辞则又明白晓然者矣惜其被之声歌者其音节已不复存然善观诗者但玩其辞气亦足以识先王之雅道矣】

文王之什三之一

文王在上于【音乌下同】昭于天【叶铁因反】周虽旧邦其命维新有周不显帝命不时【叶上纸反】文王陟降在帝左右【叶羽已反】赋也于叹辞昭明也命天命也不显犹言岂不显也【愚按雅颂称不显凡十二此诗三大明及崧高韩奕清庙维天之命执竞烈文各一皆与此诗同义思齐抑各一则词指有不同者】帝上帝也不时犹言岂不时也左右旁侧也周公追述文王之德明周家所以受命而代商者皆由于此以戒成王【胡庭芳曰此篇周公作于成王之时推本周家受天命之由而归美文王之诗愚按周家受命始于文王固由文王之德所致一章二章三章则专言受命之事也周家代商始于武王亦由文王之德所致四章以下则兼言代商之事也】此章言文王既没而其神在上昭明于天是以周邦虽自后稷始封千有余年而其受天命则自今始也【严氏曰文王未尝称王曰文王者追称之也董鼎曰朱汉上云人之死各返其根体冕阴也故降而在下魂气阳也故升而在上况圣人清明在躬志气如神故其没也精神在天与天为一文王在上尊胆之辞也于昭于天叹其德之昭明

上彻于天与天同德也 问受天命如何曰命如何受于天只是人与天同周自后稷以来积仁累义到此时人心奔趋自有不容已严氏曰补传云旧命后稷以国新命武王以天下也】夫文王在上而昭于天则其德显矣周虽旧邦而命则新则其命时矣故又曰有周岂不显乎帝命岂不时乎【王介甫曰不显所以甚言其显不时所以甚言其时唯其德之显所以为命之时】盖以文王之神在天一升一降无时不在上帝之左右是以子孙蒙其福泽而君有天下也【言文王德合乎天与之同运而无违也 问文王陟降曰理是如此若道真个一上一下则不可辅氏曰文王在上于昭于天文王陟降在帝左右正与中庸所谓洋洋乎如在其上如在其左右之意同盖非貌説实理然也苏氏曰圣人先天而弗违后天而奉天时与天如一故诗于天人之际多以陟降言之胡庭芳曰文王之灵一陟一降在帝左右若阴有以相之是以子孙蒙其福泽以有天下盖归美文王之德而武王由之以受命有天下也】春秋传天王追命诸侯之词曰叔父陟恪在我先王之左右以佐事上帝语意与此正相似【昭公七年卫襄公卒王使成简公如卫吊且追命襄公云云】或疑恪亦降字之误理或然也

亶亶【音尾】文王令闻【音问】不已陈锡哉周侯文王孙子【叶羹】

【里反】文王孙子本支百世凡周之士不显亦世

赋也亶亶强勉之貌【辅氏曰亶亶虽训强勉然亦有继续不已之意与四章缉熙二字相似】令闻善誉也陈犹敷也哉语辞侯维也本宗子也支庶子也【孔氏曰适譬本榦庶譬其枝也】文王非有所勉也纯亦不已而人见其若有所勉耳其德不已故今既没而其令闻犹不已也【李迂仲曰惟文王亶亶故其令闻亦不已盖有实者必有名也苟为无本安能不已乎严氏曰文王之诚不已而令闻亦不已此诚之着也】令闻不已是以上帝敷锡于周维文王孙子则使之本宗百世为天子支庶百世为诸侯而又及其臣子使凡周之士【孔氏曰士者下至诸侯及王朝公卿大夫总称】亦世世修德与周匹休焉【辅氏曰臣之传世既显则周之传世亦显矣上天以文王王之故敷锡周家之子孙而又及其臣子则君臣同体亦可见矣或祸或福岂得而偏逃哉李迂仲曰非特文王之子孙也凡周之士亦皆世世而显天之所以敷锡文王可谓至矣不显亦世犹曰岂不显乎其亦世也盖言其传世永久而以不显二字叹之以足其辞也严氏曰使周之臣子皆光明俊伟其德甚显亦世世相传与周匹休焉黄实夫曰文王德泽广及其臣士非惟周召尚父泰颠散宜生之徒与周相为无穷而其余者亦皆世守爵禄世竭忠诚以辅周家之子孙彭氏曰亶亶者不已之体也令闻则不已之形见也陈锡于周子孙百世仕者世禄不已之效驗也严氏曰次章述文王德泽之远也】

世之不显厥犹翼翼思皇多士生此王国【叶于逼反】王国

克生维周之桢【音贞】济济【子礼反】多士文王以宁

赋也犹谋翼翼勉敬也【辅氏曰勉则无怠敬则无他谋犹如此则其忠诚可知矣】思语辞皇美桢榦也【榦者版筑之桢榦今人筑墙必立二木于中为骨谓之夜义木横曰桢直曰榦】济济多貌此承上章而言其传世岂不显乎而其谋猷【愚按两其字皆指周士】皆能勉

敬如此也美哉此众多之贤士而生于此文王之国也文王之国能生此众多之士则足以为国之榦而文王亦赖以安矣【辅氏曰多士之生于周国乃所以为周国之榦榦也二程子论治天下之道未始不求贤才为先务者以此然则天之所以使周士传世之显者非所以为周之士乃所以为周之国也自文王之时言之则文王之神固以多士宁矣自成王之时言之则文王之神亦以多士宁也严氏曰墙恃榦而立国恃人而立此章述周士之盛刘执中曰多士本由文王教化陶范而后生也而文王之国又待多士以为安焉犹人勤于菑田反以自养乐于植材反以自庇】盖言文王得人之盛而宜其传世之显也【愚按言贤材之益于国者如此宜其子孙传世之显也】

穆穆文王于缉【士入反】熙敬止假【古雅反】哉天命有商孙

子商之孙子其丽不亿上帝既命侯于周服【叶蒲北反】赋也穆穆深邃之意缉续熙明亦不已之意【绢如缉麻之缉连缉不已之意】止语辞假大丽数也不亿不止于亿也侯维也言穆穆然文王之德不已其敬如此【严氏曰文王德容穆穆然可见故穆穆足以形容之所难言者心之敬也故缉熙不足以发而又以于发之缉熙敬止者中庸之至诚无息也】是以大命集焉以有商孙子观之则可见矣盖商之孙子其数不止于亿然以上帝之命集于文王而今皆维服于周矣【孔氏曰此作在成王之时从后见其归周推本而美之耳严氏曰服事也用也故为臣而见用谓之服言服行其职也此章述文王以敬德为受命代商之由也辅氏曰先生谓四章始言文王之所以圣与夫上昭于天不已其令闻者止在于敬之缉续熙明不已而已可谓深得周公之心及文王之德也程先生曰毋不敬可以对越上帝观文王之诗则可见矣】侯服于周天命靡常殷士肤敏裸【古乱反】将于京【叶居良反】

厥作裸将常服黼【音甫】黻【况甫反】王之荇【才刃反】臣无念尔祖赋也诸侯之大夫入天子之国曰某士则殷士者商孙子之臣属也【董鼎曰叶氏云春秋传晋士起是也】肤美敏疾也裸灌鬯也将行也酌而送之也【孔氏曰小宰云凡祭祀赞裸将之事以将为送言灌时送爵行之也于礼王正裸后亚裸而殷士助祭行灌鬯耳严氏曰洛诰王入大室裸谓以圭瓚酌于爵以献尸尸受酒不饮灌于地故谓灌裸灌古字通用宗庙有裸天地大神不灌】京周之京师也黼黻裳也黻殷冠也【董氏曰黼綉于裳虽章数不同皆以黼为裳也孔氏曰祭服不止于黼举一章以表之耳严氏曰黼裳商周所同黼裳而黻冠则商之制也毛氏曰夏后氏曰收周曰冕】盖先代之后统承先王脩其礼物作賓于王家【蔡九峯曰脩其先王兴礼文物不使废壞以备一王之法也賓以客礼遇之也熊去非曰此见周家忠厚之至一代之兴虽改正朔易服色以示作新之政然考之诗书则一代之礼乐固未尝废也常服黼黻犹用商之衣冠也王访于箕子称十有三祀奔走臣我监称五祀犹用商之纪年也一则曰商王士二则曰殷多士何尝敢有一毫鄙夷之心其视后世亡人之国则絶人之祀衣冠礼乐能存先代之旧亦鲜矣此皆出于疑虑之过而不知以公天下为心者周家忠厚之泽所以为不可及也夫】时王不敢变焉而亦所以为戒也王指成王也荇进也言其忠爱之笃进进无已也无念犹言岂得无念也尔祖文王也言商之子孙而侯服于周以天命之不可常也【王介甫曰天尝命商使有九有之师矣今服于周所谓靡常也】故殷之士助祭于周京而服商之服也于是呼王之荇臣而告之曰得无念尔祖文王之德乎荇以戒王而不敢斥言犹所谓敢告

仆夫云尔【严氏曰不以文王为念则将坠厥绪周之孙子臣士又将服周之服而助祭于他人之庙矣此章述殷士裸将之事以为戒也襄公四年左传注曰告仆夫不敢斥尊也愚按呼荅臣告仆夫其皆因卑达尊之义乎】刘向曰孔子论诗至于殷士肤敏裸将于京喟然叹曰大哉天命善不可不传于后嗣是以富贵无常盖伤微子之事周而痛殷之亡也【辅氏曰殷士虽肤敏而裸将于周京天命所在不敢违也此盛德之事汉唐以下皆不及矣夫以殷士服殷之服而助祭于周焉最可念也最可警也故于此呼王之荅臣而告之使念文王之德焉刘向所述孔子之言使人读之忧思惨怛有不能堪者盖孔子乃殷后而向亦宗室也真氏曰以商之孙子而为周之诸侯以商之美士而奔走周庙之祭天命何常之有哉成汤惟其仁也故天命归于商纣惟其不仁故天命转而归周也】

无念尔祖聿【于笔反】脩厥德永言配命自求多福【叶笔力反】

殷之未丧【息浪反】师克配上帝宜鉴于殷骏【音峻】命不易【以鼓反】

赋也聿发语辞永长配合也命天理也师众也上帝天之主宰也骏大也不易言其难也【言难保也】言欲念尔祖在于自修其德而又常自省察使其所行无不合于天理则盛大之福自我致之有不外求而得矣【李迂仲曰成王欲念尔祖则在乎聿修厥德而己能修德则可以长合天理而福祿自来矣孟子曰祸福无不自己求之者商自求祸周自求福耳天何容心于其间哉王介甫曰以德求福则非有待于外也严氏曰自求多福谓求诸己而不求诸天也】又言殷未失天下之时其德足以配乎上帝矣【吕东莱曰王者代天理物操兴礼命讨之柄以临天下故曰配命又曰配上帝】今其子孙乃如此宜以为鉴而自省焉则知天命之难保矣大学传曰得众则得国失众则失国此之谓也【严氏曰德者民之所归得民斯得天不修厥德则失其民而天命去之故宜以殷为鉴也此章戒成王念祖而鉴殷也汉书翼奉曰成王有上贤之才因文武之业然周公犹作诗书深戒成王恐失天下书则曰王母若殷王纣诗则曰宜鉴于殷骏命不易】命之不易无遏尔躬【叶姑反】宣昭义问有虞殷自天【叶铁】

【因反】上天之载无声无臭【叶初尤取】仪刑文王万邦作孚【叶房尤反】赋也遏絶宣布昭明义善也问闻通有又通虞度载事仪象刑法孚信也言天命之不易保故告之使无若付之自绝于天【欧阳子曰知天命之不易无使天命至尔躬而止武王数纣云自绝于天林节之问无遏尔躬曰无自遏绝于尔躬如家自毁国有伐】而布明其善誉于天下【辅氏曰宣昭义问乃是接首章于昭于天与令闻不已之意不曰令闻而曰义问者所以戒成王也所为合义则誉闻自令也】又度殷之所以废兴者而折之于天然上天之事无声无臭不可得而度也惟取法于文王则万邦作而信之矣【胡庭芳曰天无声臭之可寻文王陟降在帝左右文王即天矣但以尔祖文王为法则万邦自孚信之天命庶乎其可保不至尔躬而遏绝也味此辞防凜乎其严哉吕与叔曰凡欲配天命者当法天然天无声臭可求苟仪刑文王则天德全矣此万邦所以作孚记缙衣注曰仪法文王之德而行之则天下无不信者也严氏曰七章申六章鉴殷法祖之意也】子思子曰维天之命于穆不已盖曰天之所以为天也于乎不显文王之德之纯盖曰文王之所以为文也纯亦不已夫知天之所以为天又知文王之所

以为文则夫与天同德者可得而言矣是诗首言文王在上于昭于天文王陟降在帝左右而终之以此其防深矣【辅氏曰文王之诗七章以一章言之首尾只是言文王与天为一以一篇言之首尾亦是言文王与天为一但首章则專說文王末章则欲成王之法文王耳胡庭芳曰此篇首言文王陟降在帝左右终言天无声臭仪刑文王天其文王乎文王其天乎愚按天高在上而文王之神亦在上帝为天之主宰而文王之神则升降乎帝之左右是天帝所在即文王所在也何以知文王之能然哉以其与天同德而已天之德于穆不已所以为天文王之德纯亦不已所以为文于穆不已者天之诚也纯亦不已者文王之诚也是文王之德即天之德仪刑文王即仪刑于天也天与文王一而已矣】

文王七章章八句

东莱吕氏曰吕氏春秋引此诗以为周公所作味其词意信非周公不能所作也 今按此诗章言文王有显德而上帝有成命也二章言命集于文王则不唯尊荣其身又使其子孙百世为天子诸侯也三章言命周之福不唯及其子孙而又及其羣臣之后嗣也四章言天命既絶于商则不唯诛罚其身又使其子孙亦来臣服于周也五章言絶商之祸不唯及其子孙而又及其羣臣之后嗣也六章言周之子孙臣庶当以文王为法而以商为监也七章又言当以商为监而以文王为法也其于天人之际兴亡之理丁宁反覆至深切矣故立之乐官而因以为天子诸侯朝防之乐盖将以戒乎后世之君臣而又以昭先王之德于天下也国语以为两君相见之乐特举其一端而言耳【辅氏曰天人之际指文王与天而言也反覆丁宁言七章相粘缀而說不一而足也周公作此本以戒成王立之乐官而因以为天子诸侯朝防之乐则又将以戒乎后世之君臣也愚按一章以文王之德与上帝之命对言也二章言天之命周与四章言天之絶商为对三章言命周之羣臣后嗣与五章言絶商之羣臣后嗣为对六章先言法文王后言监商七章先言监商后言法文王亦对举而互言之周公既以文王之德播之声诗以戒成王矣而复叶之音律以为朝防通用之乐则又以告成王者告诸天下后世焉其意遠矣哉】然此诗之首章言文王之昭于天而不言其所以昭次章言其令闻不已而不言其所以闻至于四章然后所以昭明而不已者乃可得而见焉【愚按四章所谓熙者光明也即所以昭明于天之本也所谓缉者继续也即所以不已其闻之本也文王之生也继续光明而不已其敬故其没也昭明于天而不已其闻焉】然亦多咏叹之言而语其所以为德之实则不越乎敬之一字而已然则后章所谓修厥德而仪刑之者岂可以他求哉亦勉于此而已矣【辅氏曰敬之一字圣学之所以为始终者又可见于此二程先生挈出此一字以诏后学其有功于圣学多矣学者舍是实无以为进德之阶也愚按敬者千圣传心之法即所谓钦也虞书五篇言钦者十有三言敬者七唐虞君臣相传相戒固惟在于此也故仲虺告汤亦曰钦崇天道尚父告武王亦曰敬胜怠者吉是创业垂统者固在于此敬而持盈守成者尤在于此敬也然则成王所以念祖修德仪刑文王之事者诚不可以他求亦唯法文王之敬德而已又若召诰召公告王亦曰曷其奈何弗敬又曰王敬作所又曰不可不敬德又曰王其疾敬德又两曰惟不敬厥德乃早坠厥命又曰肆惟王其疾敬德其语意尤为淳复剴切也成王之为令主也宜哉】

序受命作周也

受命受天命也作周造周室也【严氏曰受命作周者推本之辞也作造也造周之王业犹康诰言肇造区夏也】文王之德上当天心下为天下所归往三分天下而有其二则已受命作周矣武王继之遂有天下亦卒文王之功而已然汉儒惑于防纬始有朱雀丹书之說又谓文王因此遂称王而改元【孔氏曰中候云赤雀衔丹书入丰止于昌户元命苞云鳳凰衔丹书西伯得书于是称王改正朔诛崇侯虎胡庭芳曰文王以大圣之德宜王不王說诗者乃因小序有受命之词又见大明云有命既集有命自天文王有声言文王受命有此武功于是直谓文王受命改元称王则不胜其诬也殊不知二诗所言天命文王文王受命特不过作配作邑伐崇之事初未尝出乎侯伯职分之外也严氏曰天命归于文王文王退然不敢当故泰誓牧誓犹皆不言受命至大诰武成乃曰我又考文王诞膺天命蓋武王既得天下之后推本言之中庸曰武王末受命武王末年方受命文王何尝受命乎史迁因诗书有文王受命之语因谓文王受命称王而防虞芮之讼汉儒又杂以防纬之說则亦诬矣】殊不知所谓天之所以为天者理而已矣理之所在众人之心而已矣众人之心是非向背若出于一而无一毫私意杂于其间则是理之自然而天之所以为天者不外是矣今天下之心既以文王为归矣则天命将安往哉【文王受命只是天下归之】书所谓天视自我民视天聽自我民聽所谓天聪明自我民聪明天明畏自我民明威皆谓此尔岂必赤雀丹书而称王改元哉称王改元之說欧阳公苏氏游氏辨之已详【欧阳子曰孔子云三分天下有其二以服事殷使西伯不称臣而称王安能服事殷乎夷齐义士也闻西伯之贤共往归之使西伯称王是僭叛之国二子不以为非依之久而不去至武王伐纣始以为非不非其父而非其子此岂近于人情耶泰誓称十有一年說者因为文王受命九年及武王居丧三年并数之尔故以西伯聽虞芮之讼谓之受命以为元年古者人君即位称元年西伯即位久矣中间不宜改元而又改元至武王即位宜改元而反不改元乃上冒先君之元年并其居丧称十一年及其灭商而得天下其事大于聽讼遠矣而又不改元由是言之谓文王受命改元武王冒文王之元年者皆妄也游氏曰君臣之分犹天尊地卑纣未可去而文王称王是二天子也服事殷之道固如是耶书所谓九年大统未集者后世以虞芮质成为文王受命之始故也观武王于泰誓三篇称文王为文考至武成而柴望然后称文考为文王则可知矣赵氏曰按眉山二苏氏說与欧阳氏殊不同朱子所引未知何也当考问先儒以为文王称王曰自大史公以来皆如此說子但欧公力以为非东坡亦有一說但书說惟九年大统未集予小子其承厥志却是有这一个痕瑕或推泰誓诸篇皆只称文考武成方称王只是当初三分天下有其二以服事殷也只是羈縻那事体自是不同了】去此而论则此序本亦得诗之大防而于其曲折之意有所未尽已论于本篇矣

明明在下赫赫在上【叶辰羊反】天难忱【市林反】斯不易【以防反】维王天位殷适【音的】使不挟【子爕反】四方

赋也明明德之明也赫赫命之显也忱信也不易难也天位天子之位也殷适殷之适嗣也挟有也此亦周公戒成王之诗将陈文武受命故先言在下者有明明之德则在上者有赫赫之命达于上下去就无常【严氏曰明明在下君之善恶不可掩也赫赫在上天之予夺为甚严也在下而明明则达乎上在上而赫赫则达乎下天人相与之际甚可畏也程子曰人与天合明明在下乃其赫赫在上者也】此天之所以难忱而为君之所以不易也纣居天位为殷嗣乃使之不得挟四方而有之蓋以此尔【王介甫曰今纣所居之尊则天位也所传之正则殷

适也使不挾四方其不可保持如此吕东莱曰天位殷适使不挾四方则下章所陈眷顾周家有加无已者非天私我有周也我者培之倾者覆之因其材而笃焉耳严氏曰首章专述天命丧殷之事】摯【音至】仲氏任【音壬】自彼殷商来嫁于周曰嫔【毗申反】于京

【叶居良反】乃及王季维德之行【叶户郎反】大【音泰】任有身【叶户羊反】生此文王

赋也摯国名仲中【丁仲反】女也任摯国姓也殷商商之诸侯也嫔妇也京周京也曰嫔于京叠言以释上句之意犹曰厘降二女于妫【规】汭嫔于虞也【蔡九峯曰厘理降下也言尧治装下嫁二女于妫汭使为舜妇于虞氏之家也】王季文王父也身懷孕也将言文王之圣而追本其所从来者如此蓋曰自其父母而已然矣【曹氏曰摯仲氏任繫于姓而言之以为王季之配也今日大任系其子而言之以为文王之母也列女传曰大任端一诚庄惟德之行及其娠文王目不视恶色耳不聽淫声口不出敖言生文王而明圣大任教之以一而识百卒为周宗君子谓大任为能胎教辅氏曰维德之行所谓以成德为行也只此一句足以尽王季大任之事可谓辞约而义博也严氏曰次章述大任生文王也刘执中曰干健而不息坤顺以相承物理自然也王季有大任以配其德故克生文王焉陈壽翁曰圣贤之生不偶然也有配偶之贤而后有嗣续之贤故诗推本圣贤之生往往自其所从来如生民言稷而及姜嫄此言文王而及大任下章言武王而及大妣皆是也其意深矣】

维此文王小心翼翼昭事上帝聿懷多福【叶笔力反】厥德

不回以受方国【叶越逼反】

赋也小心翼翼恭慎之貌即前篇之所谓敬也文王之德于此为盛昭明懷来回邪也方国四方来附之国也【辅氏曰前篇释厥犹翼翼为勉敬此篇說小心翼翼为恭慎其义虽一而有在臣在君之不同此须是以心体之则自见其有广狭也昭事上帝言文王之敬洞洞属属终日对越上帝也如此则盛大之福自然来集而文王之敬直上直下更无回曲之时所以又能受四方来附之国也一有回曲则此心便息此理便絕天人上下皆不相管掇矣严氏曰三章言文王之德天人所与也小心恭敬明事上帝至诚之运与天周旋也遂能懷来多福蓋其德不邪故能受此四方侯国之归有一毫觊幸之心则邪矣】天监在下有命既集【叶昨合反】文王初载天作之合在洽

之阳在渭之涘【音士叶羽已反】文王嘉止大邦有子【叶獎礼反】赋也监视集就载年合配也洽水名本在今同州郃【音洽】阳夏阳县今流已絕故去水而加邑渭水亦迳此入河也嘉婚礼也大邦莘国也子大妣也将言武王伐商之事故此又推其本而言天之监照实在于下其命既集于周矣故于文王之初年而默定其配所以洽阳渭涘【王氏曰莘国所在也】当文王将婚之期而大邦有子也蓋曰非人之所能为矣【严氏曰四章述天生大妣以配文王也愚按二章言王季大任之德以及文王故言自其父母而已然此言天命既集天作之合故以为非人之所能为然则六章之所以笃生武王者又岂人之所能为哉】

大邦有子侃【牵遍反】天之妹文定厥祥亲迎【鱼敬反】于渭

造舟为梁不显其光

赋也侃磬也韩诗作磬说文云侃譬也孔氏曰如今俗语譬喻物曰磬作然也文礼祥吉也言卜得吉而以币帛之礼定其祥也【王氏曰譬天之妹言其德可以继天也上天之载无声无臭仪刑文王万邦作孚然则非德可以继天孰能为之既大姒能为之配故备其礼以定其祥程子曰先儒以亲迎于渭谓天子类亲迎文王亲迎时乃为公子未为君也况周国自在渭旁不是出疆】造作梁桥也作船于水比之而加版于其上以通行者即今之浮桥也传曰天子造舟诸侯维舟大夫方舟士特舟【尔雅注曰造舟比船为桥维舟维连四船方舟并两船特舟单船】张子曰造舟为梁文王所制而周世遂以为天子之礼也【严氏曰五章述文王亲迎之事也】

有命自天命此文王于周于京【叶居良反】纘【子管反】女维莘

【所中反】长【丁丈反】子维行【叶户郎反】笃生武王保右【音祐】命尔燮伐大商

赋也纘继也莘国名长子长女大姒也行嫁笃厚也言既生文王而又生武王也【王介甫曰生文王又生武王是之谓笃中庸曰天之生物必因其材而笃焉饶氏曰文王生于祖甲之三十二年武王后文王二十年生是商道始防之际二人已生矣】右助燮和也【胡庭芳曰陈氏云燮有和顺之意】言天既命文王于周之京矣而克纘大任之女事者维此莘国以其长女来嫁于我也【丘氏曰将言笃生武王之事故又本而发之】天又笃厚之使生武王保之助之命之而使之顺天命以伐商也【辅氏曰天监在下有命既集言其始也有命自天命此文王言其终也笃生谓天地储蓄其精气之厚也天之生圣人者其用力多矣既以笃生之故保护之右助之所谓哉者培之所以命之燮伐大商也征伐本非和者之事而曰燮伐者所谓刚中而应行险而顺者也大其商所以大文武之事也王介甫曰言大商则乃所以大文武之德以为商大矣非德大则不能燮伐也严氏曰因天人之所欲是之谓燮伐此章述大姒生武王也刘辰翁曰燮伐者当伐则伐也古人厚故称大商】

殷商之旅其防如林矢于牧野维予侯兴【叶音歆】上帝

临女【音汝】无贰尔心

赋也如林言众也书曰受率其旅若林矢陈也牧野在朝歌南七十里侯维贰疑也尔武王也此章言武王伐纣之时纣众防集如林以拒武王而皆陈于牧野则维我之师为有兴起之势耳然众犹恐武王以众寡之不敌而有所疑也故勉之曰上帝临女毋贰尔心盖知天命之必然而赞其决也然武王非有所疑也设言以见众心之同非武王之得已耳【吕东莱曰纣以如林之众来战武王苟较强弱而计众寡其心必疑矣然当是时武王方一心以奉天讨若上帝实临之较计之私岂得而容哉此盖设为勉之之词以形容武王奉天讨之心也辅氏曰上

帝临女无贰尔心女与尔虽皆指武王其实则是设言以见众心之同非武王之得已也然辞意严恪洋洋乎如在其上如在其左右学者当常常涵泳此二句以存心養性而事天也愚按武王誓师曰受有臣亿万惟亿万心予有臣三千惟一心商罪贯盈天命诛之又曰朕梦协朕卜袭于休祥戎商必克又曰虽有周亲不如仁人观是语也则武王固知上帝之监临矣固知众寡之不足疑矣严氏曰七章述武王伐商也】牧野洋洋檀车煌煌駟騶【音元】彭彭【叶铺郎反】维师尚父时

维应扬凉【音亮】彼武王肆伐大商防朝清明【叶谟郎反】

赋也洋洋广大之貌檀坚木宜为车者也煌煌鲜明貌騶马白腹曰騶【孔氏曰檀弓亦言戎事乘騶因武王所乘遂为一代常法】彭彭强盛貌师尚父大公望为大师而号尚父也鹰扬如鹰之飞扬而将击言其猛也凉汉书作亮佐助也【王莽传注曰亮助也】肆縱兵也防朝防战之旦也此章言武王师众之盛将帅之贤【郑氏曰战地寬广兵车鲜明马又强盛尚父佐文王为之上将】伐商以除秽浊不崇朝而天下清明【孔氏曰王肃云不崇朝而杀纣天下乃大清明无复浊乱彭氏曰当癸亥之夕俟天休命之前犹有如阴暄之中及甲子昧爽一战之后民情大悦向者昏乱秽浊之气一洗而出之岂不快哉愚按天下本清而纣汨浊之故伯夷太公避之以待其清及去纣则源清而流悉清矣故武王泰誓以永清四海为己任诗人歌之亦以防朝清明叹其扶乱反正之神速蓋知其心唯在于清四海而已】所以终首章之意也【严氏曰八章终上章伐纣之事也陈壽翁曰篇首之明明以德之明言之也篇末之清明以治象之明言之也此名篇所以言明也然不崇朝而天下清明非德之明者能之乎愚按此章可以见天位殷适而不挟四方焉可以见天之难信而为君之不易焉又可以见有明明之德则有赫赫之命焉首章开其端此章终其意唯以纣与武王观之则成王之所当监者大岂遠哉】

大明八章四章章六句四章章八句

名义见小旻篇【李迂仲曰大雅之诗则谓之大明小雅之诗则谓之小明】一章言天命无常惟德是与二章言王季大任之德以及文王三章言文王之德四章五章六章言文王大姒之德以及武王七章言武王伐纣八章言武王克商以终首章之意【严氏曰首章泛言天人之理见殷亡之由为美文王张本次章乃述大任生文王其后乃又述文王生武王及伐殷之事以成首章之意其言皆有次序也辅氏曰君有明德则天有明命有王季文王则有大任大姒有王季大任则有文王有文王大姒则有武王有武王之君则有太公之臣读大明之诗则当知天人夫妇父子君臣之际安危治乱废兴存亡之机如影响形声之相似皆非苟然也】其章以六句八句相间又国语以此及下篇皆为两君相见之乐説见上篇【愚按事见外传鲁语叔孙穆子之言也】序文王有明德故天复命武王也

此诗言王季大任文王大姒武王皆有明德而天命之非必如序説也

緜緜 颺【田节反】民之初生自土沮【七余反】漆【音七】古公亶【都但反】父【

音甫】陶【音桃】复【音福】陶穴【叶户橘反】未有家室

比也縣縣不絕貌大曰 小曰颰 之近本初生者常小其蔓不絕至末而后大也民周人也自从土地也沮漆二水名在豳地古公号也亶父名也或曰字也后乃追称大王焉【赵氏曰古公犹言先公也蓋未追王前之本号古公当殷末时犹尚质故亶父以名言】陶窑灶也【孔氏曰陶瓦器灶也蓋以陶去其土而为之故谓之陶】复重窑也穴土室也家门内之通名也豳地近西戎而苦寒故其俗如此 此亦周公戒成王之诗追述大王始迁岐周以开王业【愚按八章以上所言是也】而文王因之以受天命也【愚按八章以下所言是也】此其首章言 之先小后大以比周人始生于漆沮之上【曹氏曰公刘以前微弱甚矣仅能不絕其绪故以縣縣况之王介甫曰周国尝防亡矣其后土漆沮而国复兴故以为民之初生也孔氏曰周语云我先王不窋用失其官而自窜于戎狄之间公刘之篇說公刘适邠其言甚详蓋不窋已尝失官逃窜至公刘往居焉愚按周人之生盛于岐周丰镐之时而始于公刘居邠之日公刘以前固生于后稷而不窋奔窜周民几无生矣故厥初生民时维姜嫄此一初也民之初生自土沮漆又一初也】而古公之时居于窑灶土室之中其国甚小至文王而后大也【严氏曰首章述大王初居邠之事也】

古公亶父来朝走马【叶满补反】率西水浒【呼五反】至于岐下

【叶后五反】爰及姜女聿来胥宇

赋也朝早也走马避狄难也【吕东莱曰来朝走马形容其初迁之时略地相宅精神风采也】浒水厓也漆沮之侧也岐下岐山之下也姜女大王妃也胥相【去声】宇宅也孟子曰大王居邠狄人侵之事之以皮币珠玉犬马而不得免乃属其耆老而告之曰狄人之所欲者吾土地也吾闻之也君子不以其所养人者害人二三子何患乎无君我将去之去邠逾梁山邑于岐山之下居焉邠人曰仁人也不可失也从之者如归市【皮谓虎豹麋鹿之皮也币帛也属防集也土地本生物以养人今争地而杀人是以其所以养人者害人也邑作邑归市人众而争先也张南轩曰大王于狄人事以皮币大马珠玉本期以保民也而狄人侵陵不已是欲吾土地也曰君子不以其所养人者害人其言何其忠厚而不迫邠人王之迁本以全民不敢必民之归而强民以徙特曰二三子何患乎无君此天地之心真保民之王也民心自不庸释乎大王非特斯言有以感动之蓋民之戴其仁有素矣曰如归市以见其诚心乐趋无一毫强勉之意也张子曰书称大王肇基王迹蓋见得民心之始也方其去邠民皆防持而随之固未尝率之也王迹之始莫大于此蓋民归之则天命之矣】

周原膠膠【音武】萁【音谨】荼如飴【音移】爰始爰谋【叶谟悲反】爰契【苦计】

【反】我龟曰止曰时筑室于兹【叶津之反】

赋也周地名在岐山之南广平曰原膠膠肥美貌萁乌头也荼苦菜蓼属也飴饴【夕清反】也【本草曰乌头与附子同根形似乌鸟之头蜀人谓乌头苗为萁草孔氏曰 干糖也】契

所以然火而灼 者也仪礼所谓楚燎【音寸又音嗽】是也【孔氏曰春官菑氏掌共燹契以待卜事注云士丧礼曰楚燎置于燹在龟东楚燎即契也楚荆也卜者以楚燎之木烧之于燹炬之火既然执之以灼龟菑垂上声燹音爵】或曰以刀刻龟甲欲钻之处也【前汉书注曰契刻也诗曰爰契我龟言刻开之灼而卜之挈音契】言周原土地之美虽物之苦者亦甘于是大王始与邕人之从已者谋居之又契龟而卜之【严氏曰爰始谋及乃心也爰谋谋及卿士庶人也契龟谋及卜筮也林氏曰大王迁岐卫文迁楚丘未尝不卜然君臣既有定议乃卜洪范所以先乃心卿士庶人而后卜筮也杜氏曰言先人事后卜筮】既得吉兆乃告其民曰可以止于是而筑室矣或曰时谓土功之时也【王介甫曰曰止则命其臣民止于兹也曰时则命其臣民以土功之时也既命以土功之时遂筑室也严氏曰三章述大王定宅于岐也】

乃慰乃止乃左乃右【叶羽已反】乃疆乃理乃宣乃畝【叶满彼反】

自西徂东周爰执事【叶上止反】

赋也慰安止居也左右东西列之也【孔氏曰据公宫在中民居左右故王肃云乃左右开地置邑以居其民】疆谓画其大界理谓别其条理也也宣布散而居也或曰导其沟洫也畝治其田畴也自西徂东自西水洊而徂东也周徧也言靡事不为也【辅氏曰第一二句则民居各有定而得以营立矣三四句则民田各有分而得以耕治矣五六句总言其从西水洊而徂东凡经始之事所当为者无不尽也孔氏曰言筑室耕田无不劝乐也严氏曰四章述定民居治田畝也】

乃召司空乃召司徒俾立室家【叶古胡反】其绳则直缩【色六】

【反】版以载【叶节力反】作庙翼翼

赋也司空掌营国邑司徒掌徒役之事【孔氏曰司空之属有匠人掌营国广狭之度庙社朝市之位司徒之属有小司徒凡用众庶则掌其政教曹氏曰量地以制邑度地以居民司空之职故先召之致众庶令徒役司徒之职故次召之】绳所以为直凡营度位处皆先以绳正之既正则东板而筑也【孔氏曰位处者即匠人所谓左祖右社面朝后市之类是也人君国都如井田样画为九区而朝背市左祖右社中间一区则君之宫室宫室前一区为外朝凡朝防藏库之属皆在焉后一区为市市四面有门左右各三区皆民所居而外朝一区左则宗庙右则社稷焉此国君都邑规模之大防也】缩束也载上下相承也言以索束版投土筑讫则升下而上以相承载也【刘执中曰筑宗广之垣墉墙壁也】君子将营宫室宗庙为先廡库为次居室为后翼翼严正也【曹氏曰此章俾立室家则定其规模而已若其营作则先于庙故其序如此严氏曰五章述将营宫室先作宗庙也刘执中曰二章言迁三章四章言先营民之居处授民之耕种此章始营公室焉】

揅【音俱】之陿陿【耳升反】度【待洛反】之薨薨筑之登登削屡冯

冯【扶冰反】百堵【丁古反】皆兴鼙【音臯】鼓弗胜【音升】

赋也埽盛土于器也阼阼众也度投土于版也薨薨众声也登登相应声削屡墙成而削治重复也冯冯墙坚声【苏氏曰既成而削之其声冯冯然坚也刘执中曰谓墙成脱版削其坚凸以就平直凸音迭】五版为堵兴起也此言治宫室也鼙鼓长一丈二尺以鼓役事弗胜者言其乐事劝功鼓不能止也【考索曰古人云以鼙鼓鼓役事春秋传云鲁人之臯盖臯者缓也役事以弗亟为义故以臯鼓节之古者上之使下以仁常欲缓而不迫故名鼓以臯下之事上以义常欲敏而有功以鼓节之而弗止故曰鼙鼓弗胜严氏曰六章述作宫室也愚按古人以墙为壁故于作室多言版筑之事】

乃立臯门臯门有伉【苦浪反叶苦郎反】乃立应门应门将将

【七羊反】乃立冢土戎丑攸行【叶户郎反】

赋也传曰王之郭门曰臯门伉高貌王之正门曰应门将将严正也大王之时未有制度特作二门其名如此及周有天下遂尊以为天子之门而诸侯不得立焉【书言天子有应门春秋书鲁有雉门礼记云鲁有库门家语云卫有库门皆无云诸侯有臯应者则臯应为天子之门明矣胡庭芳曰毛氏因戴记明堂位言鲁以库门为天子臯门雉门为天子应门遂谓天子郭门为臯正门为应而诸侯门当名库雉朱子取毛説证之书春秋礼记家语而断之曰大王初作臯应二门后尊为天子之制诸侯不得立焉当矣考索曰天子五门臯者远也明最在外故曰臯库门则有藏于此故也雉门者取其文明也应门者则居此以应治也路门则取其大也此五门各有其义然书又在毕门南门则路门之别名也周礼又有中门则雉门之别名也尔雅有正门则应门之别名也若诸侯三门郑氏以为库雉路也】冢土大【音泰】社也亦大王所立而后以为天子之制也【大王立歧周之社武王既有殷国遂通立周之社于天下以为大社犹汉初今民立汉社稷也王介甫曰宗庙宫室内事也自内及外故于卒言立冢土也】戎丑大众也起大事动大众必有事乎社而后出谓之宜【辅氏曰戎丑攸行便带了下章伐昆戎之意二门既立而大社遂立大社既立而大众攸行周家之势至是盖勃勃然有不可得而御者矣昆夷其得而不服哉百堵皆兴鼙鼓弗胜则人心之乐事劝功可知矣乃立冢土戎丑攸行则征伐之事盖有不容已者矣孔氏曰宜祭社之名也严氏曰七章言作门社也愚按上四章之序营立宗庙居室社稷皆在居民之后先王重民之意如此盖国以民为本也】

肆不殄【田曲反】厥愠【紆问反】亦不隕【韵敏反】厥问柞【子洛反】械

【音域】拔【蒲贝反】矣行道兑【吐外反】矣混【音昆】夷駉【徒对反】矣维其喙【吁贵反】矣

赋也肆故今也犹言遂也承上起下之辞殄絶愠怒隕坠也问闻通谓声誉也柞乐也枝长叶盛丛生有刺械白桺【綏】也小木亦丛生有刺【尔雅注曰实如耳瑯紫赤可啖】拔挺拔而上不拳曲防密也兑通也始通道于柞械之间也駉突喙息也【吕与叔曰喙张喙而息也】

奔趋者其状如此】言大王虽不能殄绝混夷之愠怒亦不陨坠已之声闻盖虽圣贤不能必人之不怒已但不废其自修之实耳【辅氏曰肆不殄厥愠不责夫人之厉已也亦不殄厥问唯尽夫自治之道而已若专于治人而不反之身与虽务反身而不免责于人者皆非圣人事也自修之实而但言其声问者有其实则有其名也其与后世所谓以虚声恐喝之者不同矣】然大王始至此歧下之时林木深阻人物鲜少至于其后生齿渐繁归附日众则木拔道通昆夷畏之而奔突窜伏维其喙息而已【辅氏曰四个矣字可见不期然而然之意】言德盛而混夷自服也盖已为文王之时矣【吕东莱曰此章或以为专指大王或以为专指文王义皆未安孟子曰文王事昆夷文王犹事昆夷则大王安得有昆夷駢矣维其喙矣之事乎皇矣曰帝省其山柞械斯拔松柏斯兑帝作邦作对自大伯王季然则柞械械行道兑安可指为文王之时乎盖总叙周家王业积施屈伸之理始于大王而终于文王耳严氏曰八章言大王文王调服昆夷也陈氏谓孟子借此章首二句以说文王郑氏踵之遂误专以为文王之诗焉愚按下章之首即言虞芮质成之事则此章之末固通文王而言矣盖其始也昆夷不服而大王不坠其闻及其终也文王德盛而昆夷自服一章之间神祖圣孙实相首尾集传既曰大王始至又曰至于其后又曰已为文王之时则其历年亦久矣若以皇矣三章及天作之颂证之则此章通言大王王季文王之事明矣】

虞芮【如锐反】质厥成文王蹶【居卫反】蹶生【叶桑经反】予曰有防

附【叶上声】予曰有先【息荐反】后【胡豆反叶下五反】予曰有奔奏【与走通叶宗五反】予曰有御侮

赋也虞芮二国名质正成平也【严氏曰曲直得其平则无争也】传曰虞芮之君相与争田久而不平乃相与朝周入其境则耕者让畔行者让路【熊刚大曰畔谓田之疆界让畔则两界之地耕垦皆不及让路如少避长贱避贵之类】入其邑男女异路【孔氏曰邑谓城中如王制云道路男子由右女人由左注云以为地道尊右故也】斑白不提挈【孔氏曰年老其髮白黑杂提挈有少者代之也】入其朝士让为大夫大夫让为卿【熊刚大曰古者任官必推其人才可以为卿则为卿才止于大夫者不敢居卿之位可以为大夫则为大夫才止于士者不敢居大位之位无躁竞之风有逊让之实】三国之君感而相谓曰我等小人不可以履君子之境乃相让以其所争田为闲田而退天下闻之而归者四十余国【熊刚大曰被文王之化自然兴起而归附之三分天下有其二而説者以虞芮质成之年为文王受命之年亦以此坎胡庭芳曰来归者四十余国要亦道化之所渐被非谓有其疆土版图也】苏氏曰虞在陝之平陆芮在同之冯翊平陆有闲原焉则虞芮之所让也【曹氏曰虞芮皆在歧周之东】蹶生未详其义或曰蹶动而疾也生犹起也【蹶动也生是兴起之意当是一日之间虞芮质成而来归者四十余国其势张盛忽然见之如跳起】予诗人自予也率下亲上曰疏附相道前后曰先后喻德宣誉曰奔走【孔氏曰喻天下以王德宣扬王之声举使天下皆奔走而归趋之】武臣折冲曰御侮【孔氏曰武力之臣能折止敌人之冲突者】言昆夷既服而虞芮来质其讼之成于是诸侯归周者众【张子曰虞芮质厥成讼狱者不之纣而之文王又曰文王之于天下惟知正己而物正也河内诸侯归之犹不知怪今河外诸侯亦来狱讼故以此为累而身甚危也易云其文王与纣之事邪是故其辞危此其时也家语子曰文王之道其不可

加焉不令而从不教而聽至矣哉】而文王由此动其兴起之势是虽其德之盛然亦由有此四臣之助而然故各以予曰起之其辞繁而不杀者所以深叹其得人之盛也【辅氏曰质虞芮之讼初非期于兴起也而其兴起之势蹶然而动焉此圣人之事也然亦岂一己所能独致哉故周公以为四臣之助为多其辞淳复深叹其得人之盛其意深矣其所以戒成王亦切矣所谓四臣者谓有此四等之臣耳因非止为四人而已也】

緜九章章六句

一章言在豳二章言至岐三章言定宅四章言授田居民五章言作宗庙六章言治宫室七章言作门社八章言至文王而服混夷【孟子曰肆不殄厥愠亦不隕厥问文王也集注曰本言大王事昆夷虽不能殄絕其愠怒亦不自坠其声问之美孟子以为文王之事可以当之】九章遂言文王受命之事【愚按所谓受命者蓋诸侯归文王则文王于天命似有不得而辞者矣然亦推原之词耳非谓其有改元称王之事也】余説见上篇【辅氏曰以上三篇皆周公作以戒成王之诗文王则专美文王之德大明则追述王季大任文王大姒以及武王之德緜则又追述大王大姜文王之德而其意则苞歴述其先王积累德业之盛以见成王之任大责重不可不谨戒而保守之耳】序文王之兴本由大王也【彭氏曰周之得天自文王之得民始民心之归周自大王之得民始故序言文王之事本由大王而一诗之意大要主民而言也曹氏曰书所谓大王肇基王迹是也陈壽翁曰王迹肇基于大王而王业渐大于文王此追王所以自大王始而此诗推本文王之受命亦自大王之迁岐始也然言文王受命唯至于虞芮质成者盖人心所归即天命所在也】

芄芄【薄红反】械【雨逼反】朴【音卜】薪之樵【音酉】之济济【子礼反】辟【音壁】王左右趣【叶此苟反】之

兴也芄芄木盛貌朴丛生也言根枝迫迕【音窄】相附着【直略反】也樵积也【严氏曰积以待其干而用之】济济容貌之美也辟君也君王谓文王也此亦以咏歌文王之德言芄芄械朴则薪之樵之矣济济辟王则左右趣之矣蓋德盛而人心归附趣向之也

济济辟王左右奉璋奉璋戕戕【五歌反】髦士攸宜【叶牛何反】赋也半圭曰璋祭祀之礼王裸以圭瓚诸臣助之亚裸以璋瓚【孔氏曰玉人云大璋中璋边璋皆是璋瓚也郊特牲曰灌以圭璋故知璋为璋瓚祭统云君执圭瓚裸尸大宗伯执璋瓚亚裸小宰云凡祭祀赞裸将之事是助行裸事非独一人】左右奉之其判在内亦有趣向之意戕戕盛壮也【钱氏曰衣冠伟壮之貌】髦俊也【辅氏曰此章则因首章所言而赋以足成其意后髦之士至诚一意于奉璋助祭之时戔戔然无不得其所宜此则尤可见其趣向之意先生谓左右之奉璋瓚其判在内亦有趣向之意则此章虽是赋体而亦兼兴意也】

淠【匹世反】彼泾【音经】舟烝徒楫【音接叶籍入反】之周王于迈六师

及之

兴也淖舟行貌泾水名【王介甫曰泾在周地兴所见也】烝众楫櫂于往迈行也六师六军也【严氏曰文王未有六军以大雅皆述王者之事故言六军】言淖彼泾舟则舟中之人无不楫之周王于迈则

六师之众追而及之盖众归其德不令而从也【陈氏曰汲汲然而及之不待戒命而至辅氏曰此章又见不徒奉璋助祭之士归向之如此至于文王一有所往则六军之众亦必追而及之则人心之归向又可见矣于迈谓有所征往也如伐崇与密须及戡黎之事皆是也助祭内事也于迈外事也或外或内而人心之归向无异焉则文王之振作纲纪之道至矣故下两章遂言之】

倬【陟角反】彼云汉为章于天【叶铁因反】周王壽考遐不作人兴也倬大也云汉天河也在箕斗二星之间其长竟天【尔雅往曰箕龙尾斗南斗天汉之津梁也】章文章也文王九十七而终故言壽考遐与何同【遐古注并诸家皆作逮字甚无道理礼记注训胡字甚好刘良翁曰遐不何不也】作人谓变化鼓舞之也【鼓之舞之之谓作如击鼓然自然使人跳舞踊跃曹氏曰作者鼓舞振动之意商之末世士气卑弱甚矣非鼓舞振动之乌能自奋而有成哉此章只是說云汉为章于天周王壽考岂不能作人也上二句皆是引起下面說略有些意思傍着不】

【须深求只如此读过便得辅氏曰此章方言人心之所以归向于文王者又王能有以振作之故也作人非一日偶然之可为也必积累渐渍之久乃底于成故曰周王壽考遐不作人先生尝语学者曰此等语言自有个血脉流通但涵咏久之自然见得条畅浹洽不必多引外来道理言语却壅滞了诗人活底意思也周王既是壽考岂不作成人才此事已自分明更着个倬彼云汉为章于天唤起来便愈见活泼泼地此六义所谓兴也兴乃兴起之义凡言兴者皆当以此例观之易以言不尽意而立象以尽意盖亦如此严氏曰云叹倬然明大为文章于天矣文王自少至老所以兴起人者多矣人心之善作之则兴凡自暴自弃习俗益流于下者由上之人无以兴起之耳故孟子曰待文王而后兴者凡民也盖人同此心心同此理非外立一道以强其所无特作而兴之使之自不能已不知所以然而然如乐则生矣生则乌可已不知手之舞之足之蹈之也陈少南曰圣人久于其道而天下化成也】

追【对迺反】琢【陟角反】其章金玉其相勉勉我王纲纪四方兴也追雕也金曰雕玉曰琢【孔氏曰此经上下相成所追琢者即金玉也】相质也勉勉犹言不已也凡网罟张之为纲理之为纪【孔氏曰纲者纲之太绳举纲为张纲之目故张之为纲纪者别理丝缕故理之为纪刘辰翁曰纲纪即是作人之意】追之琢之则所以美其文者至矣金之玉之则所以美其质者至矣勉勉我王则所以纲纪乎四方者至矣【遐不作人只是說他鼓舞作兴底事功夫细密处又在此一章如曰勉勉我王纲纪四方四方都在他线索内牵着都动文蔚曰勉勉却是纯亦不已否曰然如追琢其章金玉其相是那工夫到后文章真个是盛美资质真个是坚实吴伯丰问传曰追琢其章所以美其文金玉其相所以美其质然不知所美之人为谁先生曰追琢金玉以兴我王之勉勉尔夫文王能自追琢而至于有其文章能自金玉而至于成其美质则其所以自勉自治者极其深厚矣故诗人赞咏之曰勉勉我王所以纲纪四方者至

矣纲谓张设之纪谓经理之也严氏曰文王作成人才而提纲领以振起之外则追琢之使有成器之文内则金玉之使有可贵之质作人之功如此文王则勉勉不已以维持四方而纲纪之也】械朴五章章四句

此诗前三章言文王之德为人所归后二章言文王之德有以振作纲纪天下之人而人归之【辅氏曰四章言振作五章言纲纪振作谓变化鼓舞之不容怠废也纲纪谓统括维繫之不容涣散也此天下之人奉璋之士六军之众四方之民所以无不归附趣向之也愚按一章二章则言左右近臣归向文王三章则言六军之众归向文王也四章言文王振作天下之人也五章言文王纲纪天下之人也然归向之者不离于前后左右则其振作纲纪于人者无不至也振作纲纪之者至于久远则其归向之者益以众也】自此以下至于假乐皆不知何人所作疑多出周公也

序文王能官人也

序误

瞻彼旱麓【音鹿】榛楛【音户】济济【子礼反】岂弟君干禄岂弟兴也旱山名【严氏曰不知山所在阙之可也】麓山足也榛以栗而小楛似荆而赤济济众多也岂弟乐易也君子指文王也此亦以咏歌文王之德言旱山之麓则榛楛济济然矣岂弟君子则其干禄也岂弟矣干禄岂弟言其干禄之有道犹曰其争也君子云尔【彭氏曰吕氏云旱麓之木所以济济者非有艺植灌溉之勤特不使戕之者至焉耳君子福禄之盛者非致力于其间也特以岂弟保其所有而已此所谓干禄岂弟也六章始末皆言岂弟干禄不中变而之他也陈氏曰君子求福也亦乐易而已其诸异乎人之求欤严氏曰岂弟者德盛仁熟和顺充积之谓也干禄非文王之心诗人言干禄者谓在我有以致之犹曰自求多福非有心求之也首章言文王受禄以德也辅氏曰乐易则无汲汲劳苦之意盖优游宽裕以自尽其在我之理而已是非有意于干禄也自诗人咏歌之则以为得所以干禄之道云耳】

瑟【所乙反】彼玉瓚【才旱反】黄流在中岂弟君子福禄攸降

【叶乎攻反】

兴也瑟缙密貌玉瓚圭瓚也以圭为柄黄金为勺青金为外而朱其中也【孔氏曰圭以玉为之指其体谓之玉瓚据成器谓之圭瓚瓚盛鬯酒以黄金为勺有鼻口酒从中流出玉人云裸圭尺有二寸有瓚以祀宗庙典瑞注引汉礼瓚槃大五升口径八寸下有槃口径一尺则瓚如勺为槃以承之也】黄流郁鬯也酿秬黍为酒筑郁金煮而和之使芬芳条鬯以瓚酌而裸之也【孔氏曰秬黑黍一秬二米者也让秬为酒以郁金和之草名郁金则黄如金色酒在器流动故曰黄流周礼郁人掌和郁鬯注郁草名十叶为贯百二十贯为筑以煮之鑊中秬鬯是不和郁者本草注曰郁金草其花十二叶为百草之英三月有花状如红蓝煮之用为鬯合而酿酒以降神也】攸所降下也言瑟然之玉瓚则必有黄流在其中岂弟之君子则必有福禄下

其躬明宝器不荐于防味而黄流不注于瓦缶则知盛德必享于禄壽而福泽不降于淫人矣【严氏曰言各以类应也次章言盛德必得其福辅氏曰此又承上章言岂弟君子则福祿自然降下其躬蓋亦不待乎求之之意】

鸛【弋專反】飞戾天【叶铁因反】鱼跃于渊【叶一均反】岂弟君子遐不

作人

兴也鸛鵙类戾至也李氏曰抱朴子曰鸛之在下无力及至乎上耸身直翅而已盖鸛之飞全不用力亦如鱼跃怡然自得而不知其所以然也遐何通言鸛之飞则戾于天矣鱼之跃则出于渊矣岂弟君子遐不作人乎言其必作人也【张子曰鸛飞鱼跃物乐其生岂弟君子遐不作人乎严氏曰三章言作人之妙也鸛飞鱼跃言天壤之内莫不自得其性而不知所以然也岂弟文王何不作人乎言必有以兴起之而使之不自己也谢上蔡曰鸛飞戾天鱼跃于渊犹韩愈谓鱼川泳而鸟云飞上下各得其所也诗人言如此气象周家作人似之辅氏曰棫朴之诗言文王德盛而人心自然归向之草麓之诗言文王之德盛而上天自然福祿之如此则棫朴之诗言作人可也而旱麓亦言作人之事者何哉愚读洪范五皇极章有曰皇建其有极斂时五福用敷锡厥庶民蓋言人君能建其极则为五福之所聚而又有使民观感而化焉则是又能布此福而与其民也大抵其一章首尾皆以成就天下人才为說由是推之则旱麓之诗亦以作人为言者亦宜矣蓋圣人之得名位者岂以其身自斂其福祿哉必使天下之人各羞其行而邦其昌然后为福也】

清酒既载【叶节力反】骍【息营反】牡既备【叶蒲北反】以享以祀【叶逸织反】

以介景福【叶笔力反】

赋也载在尊也备全具也承上章言有岂弟之德则祭必受福也【李迂仲曰君子之受福岂以骍牡之故而得之哉古人奉牲以告所谓馨香无谗慝也故有岂弟之德则受福严氏曰四章述祭则受福也】

瑟彼柞棫民所燎【力召反】矣岂弟君子神所劳【力报反】矣兴也瑟茂密貌【愚按上章玉瓚故言缜密此章柞棫故言茂密】燎爨也或曰爇【音系】燎除其旁草使木茂也【程子曰今人种榆亦焚之使茂严氏曰笱以为柞棫所以茂者乃人爇燎除其旁草治之使无害不若若以为民取以供燎不费词也】劳慰抚也【孔氏曰上言祭以受福此言得福之事君子所以得福者正以为神所劳来辅氏曰此章又承上章而言岂弟君子必为神所慰抚则祭必受福亦其宜也严氏曰五章言受福之本也】

莫莫葛藟【力执反】施【以豉反】于条枚【莫回反】岂弟君子求福

不回

兴也莫莫盛貌回邪也【郑氏曰言乐易君子其求福脩德以俟之不为回邪之行以要之严氏曰六章言求福之心也文王乐易求福不回表记言得之自是不得自是以聽天命遂引此章盖有一毫觊幸之心则邪矣】

旱麓六章章四句【陈壽翁曰诗有玉瓚福祿享祀神劳等语疑此祭而祝嘏之诗也】序受祖也周之先祖世修后稷公刘之业大王王季申以百福干祿焉

序大误其曰百福干祿者尤不成文理

思齐【侧皆反】大【音泰】任文王之母【莫后反】思媚【美记反】周姜京室之妇【房九反】大【同上】姒嗣徽音则百斯男【叶尼心反】

赋也思语辞齐庄媚爱也周姜大王之妃大姜也京周也大姒文王之妃也【孔氏曰大姜大任大姒皆称大明皆尊而称之唯武王之妃邑姜不称大蓋避大姜故也】徽美也百男举成数而言其多也【按春秋传云管蔡邶霍鲁卫毛聃郇雍曹滕毕原丰郇文之昭也并伯邑考武王十八人然此特其见于书传者耳亦可见其多矣】此诗亦歌文王之德而推本言之曰此庄敬之大任乃文王之母实能媚于周姜而称其为周室之妇【王介甫曰齐者母道也媚者妇道也为人母尽母道为人妇尽妇道者大任也】至于大姒又能继其美德之音而子孙众多上有圣母所以成之者遠内有贤妃所以助之者深也【李迂仲曰观列女传载胎教则文王由大任而成德可知矣刘辰翁曰母妻如此所以有文王也美之至也辅氏曰棫櫟诗言文王德盛而人归之旱麓言文王德盛而天福之思齐又推本而言文王之所以德盛者由圣母贤妃成之之遠助之之深而然也陈少南曰此诗言文王之圣本于大任大姒或曰使文王以顽为父以嚚为母将不得其圣乎曰瞽瞍顽嚚舜之所以始而终之者孝也舜终不倦而瞽瞍豫此舜之所以圣也舜文王一也文王处其易舜处其难文王处君臣之难舜处其易】

惠于宗公神罔时怨神罔时恫【音通】刑于寡妻至于兄

弟以御【牙嫁反】于家邦【叶卜工反】

赋也惠顺也宗公宗庙先公也恫痛也刑仪法也【陈君举曰古人于夫妇之分极加严焉刑于寡妻刑于二女刑之一言蓋其法近于忍不止于巽与也王晦叔曰大姒虽贤非文王有以仪刑之岂能全此妇德之懿乎】寡妻犹言寡小君也御迎也【严氏曰御郑读如字训治也孔氏曰王肃云以迎治天下国家】言文王顺于先公而鬼神歆之无怨恫者其仪法内施于闺门而至于兄弟以御于家邦也【吕东莱曰毫髮不愧于隱微然后近者孚故神罔怨恫始可以刑于寡妻兄弟辅氏曰此章则言文王之德足以和神人治国家以足前章之意其序则先尊而后卑先亲而后疎也彭氏曰某氏云文王上顺其先公推其心以事天地鬼神而无有怨恫下治其室家推其道以御宗族邦国而无有不顺言文王之治自其近者始而皆一道也】孔子曰家齐而后国治【愚按大学传齐家治国章三引诗文始言家人次言兄弟终言四国朱子亦尝谓即刑寡妻至兄弟御家邦之意】孟子曰言举斯心加诸彼而已【张南轩曰

文王之刑寡妻至兄弟御家邦亦举斯心加诸彼而已盖无非是心之所存也圣人虽无事乎推然其自身以及家自家以及国亦固有序矣【张子曰言接神人各得其道也【严氏曰言文王以昭事神明之德推之齐家治国也】

雝雝【于容反】在宫肃肃在庙【叶音貌】不显亦临无射【音亦】亦

保【叶音鲍】

赋也雝雝和之至也肃肃敬之至也不显幽隐之处也射与斲同厌也【严氏曰无射如孔子云学不厌如董仲舒云复而不厌之谓道言安行之久也】保守也言文王在闺门之内则极其和在宗庙之中则极其敬虽居幽隐亦常若有临之者虽无厌射亦常有所守焉其纯亦不已盖如是【严氏曰在宫则和在庙则敬其诚随所寓而形见也不显之处人所不见而亦若有所临洋洋乎如在上也无厌之时践履已熟而亦目保守悠久无疆也陈少南曰皆文王之诚也吕东莱曰圣人神人之主也如前章所载神人孚格可谓得为主之道矣欲求所以格孚者当于此章观之熊去非曰此承上章而言雝雝在宫即刑于寡妻以下之事肃肃在庙即惠于宗公以下之事】

肆戎疾不殄烈假【古雅反】不瑕不闻亦式不谏亦入【此与】

【下章用韵未详】

赋也肆故今也戎大也疾犹难也大难如羑里之囚及昆夷玁狁之属也殄绝烈光假大瑕过此两句与不殄厥愠不陨厥问相表里【愚按不殄厥愠不陨厥问大王事也文王戎疾不殄烈假不瑕可谓绳其祖武然则不殄厥愠不陨厥问文王之事固在其中矣其后周公遭变孙硕肤而德音不瑕虽其天纵之圣抑亦有得于家庭之训化欤】闻前闻也式法也承上章言文王之德如此故其大难虽不殄绝而光大亦无玷缺【吕东莱曰文王之德如上章所陈故虽遭大难而不失其圣光大不缺也】虽事之无所前闻者而亦无不合于法度虽无谏诤之者而亦未尝不入于善传所谓性与天合是也【辅氏曰此章则摭其所遭之实事言之如昆夷玁狁之伐羑里之囚皆所谓戎疾也大难之来是亦定数虽圣人有所不能免特处之有道尔故言其大难虽不能殄绝之而使无而在我光大之德终无瑕疵焉此乐天之事非圣人不能也不闻亦式从心所欲不逾矩之事不谏亦入所谓不思不勉从容中道也文王之德至是则无以复加矣李迂仲曰其性德不勉而中不思而得岂待于有所闻有所谏而后中道哉严氏曰此章言从容中道也】

肆成人有德小子有造古之人无斲【音亦】誉髦斯士赋也冠以上为成人小子童子也造为也古之人指文王也【吕东莱曰典谟作于虞夏其称尧舜禹皋陶已曰稽古则以文王为古之人复何疑哉】誉名髦俊也承上章言文王之德见于事者如此【刘辰翁曰两章两肆皆言其效】故一时人材皆得其所成就【孔氏曰言长者道德已成幼者有业学习】盖由其德纯而不已故令此士皆有誉于天下而成其俊又之美也【辅氏曰此章则遂言其德盛

而无斲故天下人才无小无大皆有所观感而防其成就是以令其为士者得其名誉于天下而成其俊又之美也以上三诗皆言文王之德之盛而皆及于作成人才之事以是观之则圣人之德必见于作成一世之人才者然后为至在易观卦曰观我生君子无咎象曰观我生观民也意盖如此严氏曰此章言至诚为能化也吕东莱曰圣人流泽万世者莫大于作人所以续天地生生之大德也故此诗以是终焉文王之无斲夫子之诲人不倦其心一也王介甫曰初言太姒则化成乎内也终言誉髦斯士则化成乎天下矣】思齐五章二章章六句三章章四句【陈壽翁曰文王之圣生之者圣母助之者贤妃然文王固不能不资助于太姒而实能修身以刑于寡妻三四章皆言修身事也未章则不特成已而且能成物矣】

序文王所以圣也【严氏曰此诗五章皆言文王所以为圣也】

皇矣上帝临下有赫【叶黑各反】监观四方求民之莫维此二国其政不获【叶胡郭反】维彼四国爰究爰度【待洛反】上帝耆之憎其式廓乃眷西顾此维与宅【叶达各反】

赋也皇大临视也赫威明也监亦视也莫定也二国夏商也不获谓失其道也四国四方之国也究寻度谋也耆憎式廓未详其义或曰耆致也【程子曰颂云耆定尔功毛氏传曰耆致也愚按耆释文音髻集传疑训为致则当音指读如耆定尔功之耆】憎当作增式廓犹言规模也【辅氏曰式如式樣之式廓如匡廓之廓】此谓岐周之地也此诗叙太王太伯王季之德以及文王伐密伐崇之事也【愚按一章至四章叙太王太伯王季之德五章至八章则叙文王之德业】此其首章先言天之临下甚明但求民之安定而已彼夏商之政既不得矣故求于四方之国【程子曰此泛言天佑下民作之君长使得安定也天惟求民所定故君不善则绝之如彼夏商二国不得其政则于四方之国求谋有德之君使王天下孔氏曰纣既丧殷桀亦亡夏其恶既等故配而言之犹崧高之美申伯而及甫侯也】苟上帝之所欲致者则增大其疆境之规模于是乃眷然顾视西土以此岐周之地与大王为居宅也【辅氏曰皇矣上帝临下有赫者言天之威明可畏也监观四方求民之莫者言天之心意所在也夏商之政不得其道则遂舍之而不顾四国之君则于是寻究于是谋度然后予之而不敢轻易焉大抵天之为道栽培之者难倾覆之者易也】

作之屏【必领反】之其畝【庄持反】其翳【一讎反】脩之平之其灌

其桺【音例】启之辟【婢亦反】之其怪【丑贞反】其樛【羌居反叶纪庶反】攘之剔【它歷反】之其槩【乌剑反】其柘【章夜反叶都故反】帝迁明德串【古患反】夷载路天立厥配受命既固

赋也作拔起也屏去之也畝木立死者也翳自毙者也【孔氏曰立死之木妨他木生长为木之害故曰畝生木自倒枝叶覆地为陰翳故曰翳】或曰小木防密蔽翳者也脩平皆治之使防密正直得宜也灌丛生者也桺行生者也启辟芟除也怪河柳也似杨赤色生河边【尔雅注云今河傍赤茎小杨陆机云生水傍皮正赤如绛一名雨师松叶似松】樛櫨【音匱】也肿节似扶老可为杖者也【陆玕曰节中肿似扶老即今灵壽是也今人以为马鞭及杖】攘

剔谓穿剔去其繁冗使成长也槩山桑也与柘皆美材可为弓干又可蚕也【本草曰柘木里有纹亦可旋为器】明德谓明德之君即大王也串夷载路未详或曰串夷即混夷载路谓满路而去所谓混夷駉矣者也配贤妃也谓大姜此章言大王迁于岐周之事盖岐周之地本皆山林险阻无人之竟而近于昆夷大王居之人物渐盛然后渐次开辟如此【欧阳子曰此章本周作宅之始岐周之民乐就有德皆共刊除树木而营理邑居】乃上帝迁此明德之君使居其地而昆夷逖遁矣又为之立贤妃以助之是以受命坚固而卒成王业也【辅氏曰此章首八句人事也后四句天命也由天命时故人事应由人事治故天命从也菑翳则因其死毙而拔去之灌桷则因其丛列而脩治之桷凡木则芟除之槩柘美才则攘剔之盖顺理而为之举此开辟林木一事言之则余可知矣彭氏曰太王之迁从之者如归市非人之所能为也必有主宰之者故诗人托辞以为帝迁之帝迁之则天命之盖帝所以主宰乎天者也书言昭受上帝而后言天其申命用休言帝休而后言天乃大命文王皆此类也】

帝省【息井反】其山柞棫斯拔【蒲具反】松柏斯兑【徒外反】帝作

邦作对自大【音泰】伯王季维此王季因心则友【叶羽已反】则友其兄【叶虚王反】则笃其庆【叶祛羊反】载锡之光受禄无丧【息丧反叶平声】奄有四方

赋也拔兑见縣篇此亦言其山林之间道路通也对犹当也作对言择其可当此国者君君之也大伯大王之长子王季大王之少子也因心非勉强也【严氏曰李氏云孝弟中道岂可以伪为哉大其心而然耳生而不知爱其亲长而不知敬其兄本于良知良能岂非因心而然哉】善兄弟曰友兄谓大伯也笃厚载则也奄字之义在忽遂之间言帝省其山而见其木拔道通则知民之归之者益众矣于是既作之邦又与之贤君以嗣其业盖自其初生太伯王季之时而已定矣【彭氏曰柞棫斯拔松柏斯兑精神气象见于林木之间有方兴未艾之象夫以周之建国既得其地而为君者人得其人皆非人力所能为故诗人又托词以为帝省帝作盖有主宰之者也】于是太伯见王季生文王又知天命之有在故适吴不反太王没而国传于王季及文王而周道大兴也【太王欲传位季历以及昌太伯知之逃之荆蛮于是太王乃立季历传国至昌是为文王又曰太王欲立贤子圣孙为其道足以济天下而非有爱憎之间利欲之私也是以太伯去之而不为狷王季受之而不为贪盖处君臣父子之变而不失乎中庸此所以为至德也黄勉斋曰太伯知王季之后又有文王之圣必能基成王业从而让之亦太王之志也是太伯之让上以继太王之志下以成王季之业无非为天下之公而不为一身之私也】然以太伯而避王季则王季疑于不友故又特言王季所以友其兄者乃因其心之自然而无待于勉强【真氏曰王季之友太伯盖其因心之本然非以其逊已而后友之使太伯未尝有逊国之事王季所以友之者亦若是而已】既受太伯之让则益脩其德以厚周家之庆而与其兄以让德之光犹曰彰其知人之明不为徒让耳【彭氏曰太伯以天下让则是诏其庆于王季矣王季乃能笃其庆而有以成其光使太伯让国之美赫然光显于后世者王季与之也】其德如是故能受天禄而不失至于文武而奄有四方也【真氏曰夫王季之友不过尽其事兄之道耳岂有心于求福哉闺门之内敬顺休洽固产祥隤祉之基也故厚其庆而锡之光受天之禄而有天下天之报施其亦明矣】

维此王季帝度【待洛反】其心貊【武伯反】其德音其德克明

克明克类克长【丁丈反】克君王【如字或于况反】此大邦克顺克比【必里反】比【毗至反】于文王其德靡悔【叶虎洧反】既受帝祉【音耻】施【以鼓反】于孙子【叶獎里反】

赋也度能度物制义也貊春秋传乐记皆作莫谓其莫然清静也克明能察是非也克类能分善恶也克长教诲不倦也克君赏庆刑威也言其赏不僭故人以为庆刑不滥故人以为威也顺慈和徧服也比上下相亲也比于至于也悔遗恨也言上帝制王季之心使有尺寸能度义【犹言天诱其表使能制义也辅氏曰孟子曰权然后知轻重度然后知长短物皆然心为甚先生解以为人心有本然之权度者盖谓是也】又清静其德音使无非间之言是以王季之德能此六者【严氏曰明类是一意长君是一意顺比是一意类者明之克君者长之权比者顺之积也彭氏曰克长则出于其类也克君则居人上而为之君也王此大邦则可以朝诸侯有天下由小至大其序如此孔氏曰王季君其国耳以其追号为王故以王言之莆田郑氏曰能为人长能为人君故使之主此大邦又能惠顺亲比其民人也】至于文王而其德尤无遗恨是以既受上帝之福而延及于子孙也【严氏曰比及文王其德无有可悔人有过则悔恨靡悔则无过从容中道无毫髮之慊也言王季之德传于文王而益盛故能受天之福而延于孙子也】

帝谓文王无然畔援【于愿反】无然歆羨【饒面反】诞先登于

岸【叶鱼战反】密人不恭敢距大邦【叶卜攻反】侵阮【鱼宛反】徂共【音恭】王赫斯怒【叶暖五反】爰整其旅以按【音遏】徂旅以笃周祜【候五反】以对于天下【叶后五反】

赋也帝谓文王设为天命文王之词如下所言也【天岂谆谆然命之只是文王要恁地便是理合恁地便是天命之也严氏曰天不言以意谓之也必谓之帝谓者言文王之心天实知之也】无然犹言不可如此也畔离畔也援攀援也言舍此而取彼也歆欲之动也羨爱慕也言肆情以徇物也【吕与叔曰畔援中有所离歆羨外有所慕皆私心也】岸道之极至处也密密须氏也媯【其入声】姓之国在今寧州阮国名在今泾州徂往也共阮国之地名今泾州之共池是也【胡庭芳曰阮共距岐周不遠故云敢距大邦愚按岐周在今鳳翔路岐山县与今巩昌路宁州庄浪路泾州皆隸陝西省】其旅周师也按遏也徂旅密师之往共者也【愚按二旅字所指不同】祜福对答也人心有所畔援有所歆羨则溺于人欲之流而不能以自济文王无是二者故独能先知先觉以造道之极至盖天实命之而非人力之所及也【彭氏曰登岸喻此心之无所溺也盖无畔援则中正而不溺于私无歆羨则刚大而不溺于欲故能造道之极也王氏曰人心未尝不正也有所畔援则不得其正有所歆羨则不得其正无畔援歆羨则使之正其心也辅氏曰用兵行师之际情欲易纵之时而二病不去几何而不流于穷黷也哉故此章将言文王之征伐而先言文王之无此病也诞先登于岸以涉水为譬也】是以密人不恭敢违其命而擅兴师旅以侵阮而往至于共则赫怒整兵而往遏其众以厚周家

之福而答天下之心盖亦因其可怒而怒之初未尝有所畔援歆美也【吕与叔曰虽赫怒用师皆出于无心也畔援歆美皆有心者也王介甫曰有所畔援歆美不得其欲而怒则其怒也私而已文王之怒是乃与民同患而异乎人之私怒也此诗称文王德处是从无然畔援歆美上説起后而却説不识不知顺帝之则见得文王先有个工夫此心无一毫之私故见于伐崇伐密皆是道理合着恁地初非圣人之私怒也孟子曰此文王之勇也文王一怒而安天下之民】此文王征伐之始也【胡庭芳曰此是文王兴师之始诗人必原于天之所命以见文王之怒非出于己私也】

依其在京【叶居良反】侵自阮疆陟我高冈无矢我陵我陵

我阿无饮我泉我泉我池【叶徒何反】度【待洛反】其鲜【息浅反】原居岐之阳在渭之将万邦之方下民之王

赋也依安貌京周京也矢陈鲜善将侧方乡也【孔氏曰乡人向望之也】言文王安然在周之京而所整之兵既遏密人遂从阮疆而出以侵密【严氏曰侵自阮疆谓自阮疆而侵密犹春秋书公至自晋密阮接境也愚按春秋书法潜师掠境曰侵声罪致讨曰伐此诗于密言侵于崇言伐固非如春秋书法例然其师既按徂共之众则密人退归矣故周师既出阮疆而遂侵之盖亦出其不意而谓之侵也】所陟之冈即为我冈而人无敢陈兵于陵饮水于泉以拒我也【严氏曰文王以西伯讨密之罪岂有一毫畔援之私耶阮不幸而与密为隣幸而遇文王为伯也伐崇有讯馘伐肆之事而伐密不言者是师次其境而密人即服不待战也】于是相其高原而徙都焉所谓程邑也【辅氏曰文王之兵侵密乃遽曰我陵我阿我泉我池无敢陈其兵饮其水者辞直理正威灵气焰莫有敌者所谓帝王之道出万全者也程邑在岐山之南渭水之侧为万邦之所趋向下民之所归往严氏曰文王用心广大威德畅洽归者益众非旧邑所能容故也胡庭芳曰度其鲜原以下即上章以笃周祜以对天下之实事也其字指密而言孔氏曰程邑在岐山之阳是去旧都不远也愚按文王伐密之后而作程邑亦犹伐崇之后而作丰邑方其伐之讨罪而已固未尝先有作邑之心也自常情观之必谓贪其土地矣诗人知其心之无私故言伐密伐崇之事皆先以帝命发之】其地于汉为扶风安陵今在京兆府咸阳县【愚按即今安西路咸阳县亦隶陕西省】

帝谓文王予懷明德不大声以色不长【丁丈反】夏以革

不识不知顺帝之则帝谓文王询尔仇方同尔兄弟以尔钩援【音爰】与尔临冲以伐崇墉

赋也予设为上帝之自称也懷眷念也明德文王之明德也以犹与也夏革未详【吕东莱曰此句虽难强通然与不大声以色立文既同训诂亦当相类声以色谓声音与笑貌夏以革谓侈大与变革也】则法也仇方讎国也【丘氏曰即崇也】兄弟与国也【彭氏曰以诸侯之国为兄弟亦未尝称王一验也】钩援钩梯也所以钩引上城所谓云梯者也临冲车也在上临下者也冲冲车也从旁冲突者也皆攻城之具也崇国名在今京兆府鄠县【愚按鄠县即今安西路鄠县亦隶陕西省】墉城也史记崇侯虎譖西伯于纣纣囚西伯于羑里西伯之臣

閔天之徒求美女奇物献马以献纣纣乃赦西伯赐之弓矢鉞钺得专征伐曰譖西伯者崇侯虎也西伯归三年伐崇侯虎而作丰邑言上帝眷念文王而言其德之深微不暴着其形迹【程子曰天谓文王予懷尔之明德不大其声色而人化夫圣人之诚感无不通故所过者化所存者神岂暴着其形迹也哉是不发见大其声色也故曰声色之于以化民未也吕东莱曰不大声以色则不事外饰不长夏以革则不纵私意明德之实也愚按明德者文王之德所得乎天之本体也不大不长者文王之心不暴其德之形迹也】又能不作聪明以循天理【严氏曰不识不知不作聪明也天理自然谓之则谓理之不可逾也】故又命之以伐崇也【诗人称伐密伐崇事皆以帝谓文王言之若曰此盖天意云尔】吕氏曰此言文王德不形而功无迹与天同体而已虽兴兵以伐崇莫非顺帝之则而非我也【辅氏曰文王之明德上则与天为一下则三分天下有其二可谓至矣然未尝暴着于声色之间其所云为但不识不知顺帝之则而已此天所以又命之使伐仇方也夫文王之以崇为仇盖亦天理之当然也严氏曰崇侯譖文王而文王伐之疑于报私怨者然虎倡纣为不道乃天人之所共怒文王奉天讨罪何容心哉盖由其心纯乎天理故喜怒皆与天合所仇者非私怨所同者非苟合也】

临冲闲闲【叶胡员反】崇墉言言执讯【音信】连连攸馘【古获反】安

安【叶于肩反】是类是禡【马稼反叶满补反】是致是附【叶上声】四方以无侮临冲
弗弗【音弗叶分聿反】崇墉仡仡【鱼乞反】是伐是肆是絶是忽【叶虚屈反】四方以
无拂【叶分聿反】

赋也闲闲徐缓也言言高大也连连属续状馘割耳也军法获者不服则杀而献其左耳【孔氏曰王藻云听向任左故不服者杀而献其左耳曰馘罪其不聽命服罪故取其耳以计功也】安安不轻暴也类将出师祭上帝也禡至所征之地而祭始造军法者谓黄帝及蚩尤也【考索曰汉书称高祖祠黄帝蚩尤于沛庭管仲称蚩尤作剑防史记称黄帝与蚩尤战于阪泉岂军法之兴始于此故后世祭之欤】致致其至也附使之来附也弗弗强盛貌仡仡坚壮貌肆纵兵也忽灭拂戾也春秋传曰文王伐崇三旬不降退脩教而复伐之因垒而降【孔氏曰僖十九年左传云因垒而降则似兵合不战此言执馘必尝战矣盖知战不敌然后乃降】言文王伐崇之初缓攻徐战告祀羣神【程子曰暴明其罪告之神明伐而告神明其伐合神明之道也】以致附来者而四方无不畏服及终不服则纵兵以防之而四方无不顺从也【辅氏曰是致是附仁也是絶是拂义也仁以附之天下畏之而不敢侮仁之至也义以絶之天下从之而不敢拂义之至也非文王与天同德者其孰能之李迂仲曰文王所伐者崇耳而四方之国无不服从以文王之伐当其罪故也】夫始攻之缓战之徐也非力不足也非示之弱也将以致附而全之也【愚按此其三旬不降之时乎】及其终不下而肆之也则天诛不可以留而罪人不可以不得故也【愚按此其复伐之日乎】此所谓文王之师也【程子曰圣人之伐未有不俟其革心顺服者既不服然后攻之也】

皇矣八章章十二句

一章二章言天命大王【严氏曰首章原天初眷大王之意次章述大王迂岐也愚按两章称

帝者三称天者一可见天之所以命大王者矣盖其始去邠则邠人从之其居于岐则四方归之民之归往如此即大王已受天命矣然而求大王之所以得乎天者则以帝迁明德而然也【三章四章言天命王季【严氏曰三章述大伯王季相逊之事为文王张本四章则述王季之德以及文王也愚按三四章内言帝者四可见天之命王季者矣然而王季之所以得乎天者则以其德克明而然也】五章六章言天命文王伐密七章八章言天命文王伐崇【程子曰文王之伐始于密王功之始也终于崇天下遂无不服王功之成也看来文王只是不伐纣耳其他事亦都做了如伐密勘黎伐崇之类后人因孔子以服事殷一句遂委曲回防文王説教好看殊不知孔子只是説文王不伐纣耳又曰诗自从大王説来如云至于大王实始翦商如文王伐崇一节不是小小侵掠询尔仇方同尔兄弟以尔钩援与尔临冲以伐崇墉此见大段动众岐山之下与崇相去自是多少里因甚如此这般处要做文王无意出做事都不得又如説侵自阮疆陟我高冈我陵我阿我泉我池这看见都自据有其土地这自大段施张了或云纣命文王得专征伐纣不得已授之文王不得已受之横渠云不以声色为政不以革命有中国默顺帝则而天下归焉其惟文王乎若如此説恰似内无纯臣之义外亦不属于商这也未必如此只是事势自是不可已当商之季上下崩頽忽于岐山下突出许多人也是谁当得文王之事惟孟子识之故七篇之中所以告列国之君莫非勉之以王道愚按五章至八章言帝者四而帝之所以命文王者唯拳拳于武功求其所以然者则又以帝之懷具明德也唯其祖父子孙相传一德是以天之眷命有加而无替及至商罪贯盈而天又命武王诛之天岂私于有周也哉】

序美周也天监代殷莫若周周世世脩德莫若文王

经始灵台【叶田饴反】经之营之庶民攻之不日成之经始勿亟【居力反】庶民子来【叶六直反】

赋也经度也灵台文王所作谓之灵者言具倏然而成如神灵之所为也【天子灵台始此毛氏曰神之精明者称灵四方而高曰台愚按文王之防其名如此岂至周有天下遂以为天子之台而诸侯别名观台也欤】营表攻作也不日不终日也【严氏曰不多日也】亟急也国之有台所以望氛祲【音浸】察灾祥时观游节劳佚也【吕东莱曰作台主于望氛祲观民俗以察天人之意因以疏濬精神宣节劳佚盖一弛一张无非事也愚按韵注氛祥气祲妖气盖察灾祥则于此望气节劳佚则于此游观皆取其高明也】文王之台方其经度营表之际而庶民已来作之所以不终日而成也虽文王心恐烦民戒令勿亟而民心乐之如子趋父事不召自来也【辅氏曰经始勿亟庶民子来两句乃申説上四句意陈壽翁曰不欲其急而过于劳者爱民之仁子来而忘其劳者事君大义未有上好仁而下不好义也张南轩曰文王则勿亟庶民则子来君民之相舆如此李迂仲曰速成出于民之意则可出于君之意则不可出于君之意则为勦民出于民之意则见其得民心也焦上声严氏曰首章述作台之功】孟子曰文王以民力为台为沼而民欢乐之谓其台曰灵台谓其沼曰灵沼此之谓也【言文王虽用民力而民反欢乐之加以美名也】

王在灵囿【叶音郁】麀【音忧】鹿攸伏麀鹿濯濯【直角反】白鸟翯

翬【户角反】王在灵沼【叶音灼】于【音于下同】物【音刃】鱼跃

赋也灵囿台之下有囿所以域养禽兽也【孔氏曰筑墙为界域禽兽在其中】麋牝鹿也伏言安其所处不惊扰也【刘执中曰鹿易逸王在灵囿徒御非少乃不惊不逸而攸伏也】濯濯肥泽貌翬翬洁白貌灵沼囿之中有沼也物满也鱼满而跃言多而得其所也【曹氏曰鹿自如而不惊鸟翔集而不去鱼亦跳跃而自适则文王之时飞潜走伏皆遂其性也严氏曰次章言既作台而游焉夫车马羽旄一也有见之而欣欣喜色者有见之而疾首蹙烦者由人心之乐不乐也文王鸟兽鱼鼈何以异于人哉特民心乐之耳孟子最善说诗只民乐其有麋鹿鱼鼈一语道尽一诗意】

虞【音巨】业维枏【七凶反】赉【扶云反】鼓维镛【音庸】于论【庠门反下同】鼓钟于乐【音洛】辟【音璧】靡

赋也虞植木以悬钟磬其横者曰枏【笋】业枏上大版刻之捷业如锯齿者也【孔氏曰两端有植木其上有横木谓直立者为虞谓横牵者为枏枏上加大版刻版如锯齿为饰郑氏曰虞也枏也所以悬钟鼓也】枏业上悬钟磬处以防色为崇牙其状枏枏然者也【孔氏曰以防色为大牙其状隆然谓之崇牙段氏曰钟虞饰以羸属磬虞饰以羽属器异异虞故也钟磬之枏皆饰以鳞属其文若竹之有笋然笋两端又有璧翬郑氏谓戴璧垂羽是也盖簋虞所以架钟磬崇牙璧翬所以饰笋虞夏后氏饰以龙而无崇牙商饰以崇牙而无璧翬至周则极文而三者具矣此有瞽所以言设业设虞崇牙树羽也】赉大鼓也【释文曰赉亦作鼗】长八尺鼓四尺【愚按赉鼓身高八尺而其鼓之面皮所冒者径四尺也】中围加三之一【愚按中围者谓鼓腹也鼓面径四尺则其围十二尺鼓腹之围加以三之一则其围十六尺而径五尺三寸三分寸之一也】镛大钟也论伦也言得其伦理也【黄实夫曰乐之不能已而言之不能尽故曰于论于乐于叹辞也】辟璧通靡泽也辟靡天子之学大射行礼之处也水旋丘如璧以节观者故曰辟靡【天子辟靡始此振鹭之诗曰于彼西靡说者以靡为泽盖即旋丘之水而其学即所谓泽宫也孟子所谓序者射也则学盖有以射为主者矣苏氏引庄周言文王有辟靡之乐则是又以为习乐之所也张子亦曰辟靡古无此名其制盖始于此及周有天下遂以名天子之学而诸侯不得立焉孔氏曰璧体圆而内有孔此水亦圆而内有地犹璧然以水绕丘所以节约观者令在外观也严氏曰三章四章皆述辟靡作乐之事文王既遊囿沼遂于辟靡作乐也愚按古之教者固不废乐而大射之礼亦先用乐作乐于辟靡无可疑者此后两章自说辟靡作乐之事前两章自说游观台囿之事也】

于论鼓钟于乐辟靡鼉【徒河反】鼓逢逢【薄红反】蒙【音防】瞍【音叟】

奏公

赋也鼉似蜥蜴长丈余皮可冒鼓逢逢和也【埤雅曰夏小正云剥鼉以为鼓其皮坚厚故以冒鼓故曰鼉鼓鼉鼓非特有取于皮亦其鼓声逢逢然象鼉之鸣续博物志曰鼉长一丈其声

如鼓】有眸子而无见曰蒙无眸子曰瞽古者乐师皆以瞽者为之以其善听而审于音也公事也闻鼙鼓之声而知蒙瞽方奏其事也【严氏曰申言钟鼓辟靡之乐咏叹不能已乐之更端曰奏故九成谓之九奏言方奏其事乐之不厌之词也】

灵台四章二章章六句二章章四句

东莱吕氏曰前二章乐文王有台池鸟兽之乐后二章乐文王有钟鼓之乐也皆述民乐之词也【陈寿翁曰灵台一诗辟靡之教寓焉台池鸟兽钟鼓之乐乐之形也其乐也外辟靡教化道义之乐乐之本也其乐也内民乐其乐盖至此矣黄实夫曰民乐具有灵台沼囿而亦乐其有麋鹿鱼鳖所谓爱人而及其物也饶氏曰文王未尝无灵台灵沼然与民同乐便是天理文王毕竟自朝至于日中旰不遑暇食用咸和万民人必得所然后有此乐严氏曰文王始作灵台民乐成之其游于囿沼也又乐其有鸟兽鱼鳖其作乐于辟靡也又乐其有钟鼓之音所谓闻王鼓乐于此欣欣然有喜色也言之不能尽而嗟叹之不能已则民之爱戴者深矣孔氏曰郑氏云韩诗说辟靡者天子之学所以教天下春射秋飨尊事三老五更在南方七里之内左氏说天子灵防在太庙之中壅之以灵沼谓之辟靡皆无明文按灵防一篇有灵防有灵囿有灵沼有辟靡则辟靡及三灵或同处矣】

序民始附也文王受命而民乐其有灵德以及鸟兽昆虫焉

文王作灵台之时民之归周也久矣非至此而始附也其曰有灵德者亦非命名之本意【吕东莱曰所以谓之灵者不过如孟子之说而已】

下武维周世有哲王三后在天王配于京【叶居良反】

赋也下义未详【严氏曰下武以武为下也】或曰字当作文言文王武王实造周也哲王通言大王王季也三后大王王季文王也在天既没而其精神上与天合也【辅氏曰下个精神字甚有意须深思之】王武王也配对也谓继其位以对三后也京镐京也【陈氏曰哲王在天则大王王季文王也其在镐京则武王也在镐京者足以配彼在天者】

此章美武王能继大王王季文王之绪而有天下也

王配于京世德作求永言配命成王之孚【叶孚尤反】赋也言武王能继先王之德【李迂仲曰武王所以配三后者则以惟世德作求故也起而求以继之也严氏曰康诰曰我时其惟殷先哲王德用康人民作求林氏曰作起而求之如敏以求之之求】而长言合于天理故能成王者之信于天下也若暂合而遽离暂得而遽失则不足以成其信矣【辅氏曰永言配命已解于文王诗此章言武王得以对彼在天三王于镐京者以其能起求先世之德而继之此孚字与书所谓作周孚先之孚同夫王者之信岂一朝一夕之所能成哉陈寿翁曰配祖宗而与世德一即配天而与天理一者命原于天而三后亦在天配三后即配天矣配命则必能配三后矣严氏曰武王所求者先世之德故能长配天命有天下而传无穷遂成王者之信也王者之事业莫大于信信则天下心服而王也愚按章内二配字义不同】

成王之孚下土之式永言孝思孝思维则

赋也式则皆法也言武王所以能成王者之信而为四方之法者以其长言孝思而不忘是以其孝可为法耳【求其世德而成王之孚孝思之至孰大于是王氏曰武王作求至于成王之孚下土之式则亦惟先人之故继其志述其事也陈少南曰王者之德着于人而可信者谓之孚存于心而不忘者谓之孝天下皆知法王者之德而不知德之可法者本于圣人之孝愚按武王之孝可为天下之法此所以为达孝所谓德教加于百姓刑于四海此天子之孝是也】

媚兹一人应侯顺德永言孝思昭哉嗣服【叶蒲北反】赋也媚爱也一人谓武王应如丕应侯志之应侯维服事也言天下之人皆爱戴武王以为天子而所以应之维以顺德是武王能长言孝思而明哉其嗣先王之事也【严氏曰天下媚爱武王而应之以顺德谓天下化之也孝者德之顺故又言武王永有孝思昭昭然能嗣其先世之事也序所谓能昭先人之功也辅氏曰下武六章下章都叠上章一句說独四章不然者盖承上二章三章两章而言武王既能成王者之信又能使天下以其孝思为法故天下之人皆戴武王而所以应之维是顺德焉顺德即孝之所感也上以孝感下下以顺应焉至此然后再叠上章一句永言孝思說起而又言明乎其嗣先王之事也夫嗣先王之事即是世德作求世德作求昭哉嗣服又皆是孝孝即是顺德上以孝感下以顺德尤非一朝一夕暂行复辍者之所能致也王晦叔曰武王之顺德有于继志而天下应之则其孝能嗣先王之事者不可掩矣】

昭兹来许绳其祖武于万斯年受天之祜【候古反】赋也昭兹承上句而言兹哉声相近古盖通用也【昭兹汉碑作昭哉洪氏隶释兹哉叶韵】来后世也许犹所也绳继武迹也言武王之道昭明如此来世能继其迹则久荷天

禄而不替矣【辅氏曰此章又言武王既明乎其继先王之事则来世亦必能继先王之迹矣如此则于万斯年世有哲王永受天禄而不替又不止此四王大王王季文王武王而已也胡庭芳曰集传释祖武自来世视武王言之也若然则万年受祜与下章皆为期望后世之事矣切谓此诗专咏武王也言武王能明其道于来世使绳其先祖之德于万斯年即诗人期武王壽考之辞受天之祜则祝其福祿之延洪也如是则下章皆咏武王之事矣严氏曰承上章昭兹嗣服而言武王继述之业所以昭昭乎显著有自来矣由能绳继其先祖之迹宜其万年受天之福也愚按集传以此诗作于成王时故所释如此然胡氏严氏之說似亦通愚亦窃疑此诗作于武王存日也】

受天之祜四方来贺于万斯年不遐有佐

赋也贺朝贺也周末秦强天子致胙诸侯皆贺【黄实夫曰孝弟之至则通于神明光于四海而得万国之欢心也所以受天之祜四方来贺也愚按事见周显王二十六年此借引之故朱子初解此下有曰其事则犹此也但秦以力周以德耳】遐何通佐助也盖曰岂不有助乎云尔【王晦叔曰受天之福则四方诸侯皆来朝贺虽千万年相与佐助也辅氏曰岂不有助乎者言天下皆来朝贺于周则岂不有助乎周家也哉陈壽翁曰天且福之人将焉往宜来世之

得人与得天相为长久也不徒贺之而尤佐之见人心蕃屏王室之至也】下武六章章四句【辅氏曰首章言武王能继大王王季文王之绪而有天下中三章言武王善继善述之孝又有常永不已之诚故能成王者之信为天下之法以致天下之爱戴如此末两章又言武王之成效大验如此则其后世子孙亦将善继其先人之绪而久受上天之福多得天下之助也陈寿翁曰此诗美武王继三后于已往开后嗣于方来惟以求世德永孝思而上合天理下孚人心者为之本耳】

或疑此诗有成王字当为康王以后之诗然考寻文意恐当只如旧説且其文体亦与上下篇血脉通贯非有误也【愚按成王之孚特如酒诰所谓助成王德显耳非王诵之諡也但朱子以下武之武为武王之諡又疑下字作文盖以此诗为作于成王时也切疑首句若果以文武并言而下句又指太王王季则是四王皆在天矣未应其下但言三后在天而谓武王对之于镐京也详王配于京语意似据武王生时言之且其后并不重出武王之諡而四章又言媚兹一人切意此篇作于武王存日其首章所谓武者但泛言周家之武功耳黄实夫曰中庸言武王继太王王季文王之绪身不失天下之显名而此诗言武王得天下亦言其配三后之德故中庸言達孝而此诗言其孝思中庸言孝者善继志述事而此诗言孝亦曰成王之孚也】

序继文也武王有圣德复受天命能昭先人之功焉

下字恐误説见本篇

文王有声遘【伊橘反】骏【音峻】有声遘求厥寧遘观厥成文王烝哉

赋也遘义未详疑与聿同发语词骏大烝君也此诗言文王迁丰武王迁镐之事【愚按四章以上言文王迁丰六章以下言武王迁镐】而首章推本之曰文王之有声也【郑氏曰声令闻也】甚大乎其有声也盖以求天下之安寧而观其成功耳【曹氏曰文王之道务在安民而已是以视民如伤吕与叔曰文王征伐皆求所以安民皆观所以成业之效】文王之德如是信乎其克君也哉【辅氏曰文王之所以大有声者本由于征伐而其所以征伐者不过是求天下安宁而欲观太王王季之功防于成耳此其所以克君也哉盖已包三章之意】

文王受命有此武功既伐于崇作邑于丰文王烝哉赋也伐崇事见皇矣篇作邑徙都也丰即崇国之地在今鄠县杜陵西南【孔氏曰武功非独伐崇而已所伐邲耆密须昆夷之属皆是也别言伐崇者以其功最大其伐最后故特言之为作邑张本言功成乃作邑也严氏曰文王受天命以讨罪不容自己故有此征伐之功最后伐崇威德益着国势寢盛程邑又不足容乃作丰邑居之诚得人君之道也】

筑城伊瀋【况域反】作丰伊匹匪棘【居力反】其欲【礼记作犹】遘追

来孝【叶许六反或呼侯反】王后烝哉

赋也域成沟也方十里为成成间有沟深广【并去声】各八尺匹称棘急也王后亦指文王也【辅氏曰王王也追称也后君也本称也苏氏曰克崇作丰而王业成故以王后称之】言文王营丰邑之城因旧沟为限而筑之其作邑居亦称其城而不侈大【孔氏曰此述作丰之制】皆非急成己之所欲也特追先人之志而来致其孝耳【辅氏曰作城而限于域作丰而称其城则其规模本不大也然亦非是文王急于成己之欲而苟作之也特以追先王之志而来致其孝耳陈寿翁曰上章言作丰受命于天此章言作丰追孝于前乃天与前人之心也严氏曰此明作丰之心也愚按孝者善继志善述事者也故文王之孝在于伐崇作丰武王之孝在于成王之孚文王所求乎子即文王所以事父者也故曰父作之子述之】王公伊濯【直角反】维丰之垣【音袁】四方攸同王后维翰【叶胡】

【田反】王后烝哉

赋也公功也濯着明也【吕与叔曰濯如涤言明白而不昧】王之功所以着明者以其能筑此丰之垣故尔四方于是来归而以文王为桢干也【吕与叔曰文王建都邑而天下知所归往皆倚以为干王曰休曰维丰之垣有形之势王后维翰无形之势也】

丰水东注维禹之绩四方攸同皇王维辟皇王烝哉赋也丰水东北流径丰邑之东入渭而注于河绩功也皇王有天下之号指武王也【严氏曰皇大也一统天下其事又大】辟君也言丰水东注由禹之功【董氏曰周之建都丰水正在其傍于是思禹之故续而见周之成功也孔氏曰左传刘定公见洛水曰美哉禹之功也此亦见丰水而思禹】故四方得以来同于此而以武王为君【严氏曰丰水所以东注于河者是禹之功也四方之所以同归周者以武王为天下之君也盖以武王之功配禹皆除害济民也】此武王未作镐京时也

镐京辟廱自西自东自南自北无思不服【叶蒲北反】皇王

烝哉

赋也镐京武王所营也在丰水东去丰邑二十五里张子曰周家自后稷居郃公刘居豳太王邑岐而文王则迁于丰至武王又居于镐【愚按先儒谓岐在郃西北无百里邠在岐西北四百余里丰在岐山东南二百余里】当是时民之归者日众其地有不能容不得不迁也【刘执中曰武王以诸侯之朝覲四夷之来王非丰邑可容也故作镐京焉秦始皇营朝宫渭南史以为咸阳人多先王之宫庭小故作之想迁镐之意亦是如此】辟廱説见前篇张子曰灵台辟廱文王之学也镐京辟廱武王之学也至此始为天子之学矣无思不服心服也孟子曰天下不心服而王者未之有也此言武王徙居镐京讲学行礼而天下自服也【彭氏曰建国君民教学为先故迁镐而成辟廱刘济曰都镐而先建学首善之地教化之原也严氏曰四方之服也久矣此言辟廱之化深入其心也四方先言西镐京在西近者先被其化也继伐之诗而言教化者见武王德化流行而人心服也辅氏曰见武王得天下以教化为先务也先生谓以见武王之得天下非以力取之者是也】考卜维王宅是镐京【叶居良反】维龟正【叶诸盈反】之武王成之

武王烝哉

赋也考稽【董氏曰卜筮之道必先断于心故曰考卜维王则王志先定矣其考卜者所以齐众志也洪范稽疑以汝则从为主】宅居正决也成之作邑居也【辅氏曰言武王居镐稽决于龟而成其居邑亦非私意之所为与三章言文王匪棘其欲之意同】张子曰此举諡者追述其事之言也【愚按此诗五章六章先称武王为皇王至此章以后乃举武王之諡故朱子引横渠说明此诗为追述武王之事以证其后所论郑谱之误尔】

丰水有芑武王岂不仕【鉏里反】诒厥孙谋以燕翼子【叶獎】

【里反】武王烝哉

兴也芑草名仕事诒遗燕安翼敬也子成王也镐京犹在丰水下流故取以起兴言丰水犹有芑武王岂无所事乎【孔氏曰丰水犹以润泽生芑菜况武王岂不以泽及后人为事乎】诒厥孙谋以燕翼子则武王之事也谋及其孙则子可以无事矣【苏氏曰遗其孙之谋以安后世之敬者王介甫曰虽诒之以谋非翼子亦不能以燕也】或曰赋也言丰水之傍生物繁茂武王岂不欲有事于此哉但以欲遗孙谋以安翼子故不得不迂耳【辅氏曰此章两説虽不同然以遗孙谋安翼子为武王之事则同也第二説虽觉轻快然首句着简丰水有芑一句毕竟似兴体】

文王有声八章章五句

此诗以武功称文王至于武王则言皇王维辟无思不服而已盖文王既造具始则武王续而终之无难也又以见文王之文非不足于武而武王之有天下非以力取之也【辅氏曰每章皆言烝哉以结之者不独以见其叹美无已之意又以示后世子孙使之知其必如文王武王之为然后于君天下为宜也故其丁宁不一而足耳孔氏曰上四章言文王之事下四章言武王君天下服四方定镐京安后世之事问使文王更在十三四年将终事紂乎抑为武王牧野之举乎曰诗中言武功都是文王做来诗载武王武功却少但卒其伐功耳观文王气势如此度必不终竟休了一似果实文王待他黄熟自落下来吕东莱曰此诗未尝一言及武王伐功何耶盖创业而诒厥孙谋固非大告武功之前所能致也诗人亦有言其意而略其事者矣不可一体求也愚按允文文王而有此武功则非不足于武也桓桓武王而镐京辟靡则非不足于文也所谓一张一弛文武之道也】

序继伐也武王能广文王之声卒其伐功也郑谱之误説见本篇【愚按其説见下文】

文王之什十篇六十六章四百一十四句郑谱此以上为文武时诗以下为成王周公时诗今按文王首句即云文王在上则非文王之诗矣又曰无念尔祖则非武王之诗矣大明有声并言文武者非一安得为文武之时所作乎盖正雅皆成王周公以后之诗但此什皆为追述文武之德故谱因此而误耳

诗传通释卷十六

婉变自保不妄从人而反饥困言贤者守道而反贫贱也

候人四章章四句

序刺近小人也共公遠君子而好近小人焉此序但以三百赤芾合于左氏所记晋侯入曹之事遂以为共公未知然否

鸛鳴在桑其子七兮淑人君子其儀一兮其儀一兮心如結【叶訖力反】兮

兴也鸛鳴結【憂】鞠【匱】也亦名戴胜今之布谷也【陆玕曰一名桑鸛或谓之题肩齐人谓之击正本草曰北人云拨谷似鷓长尾】饲【嗣】子朝从上下暮从下上平均如一也【严氏曰郊子所谓鸛鳴氏司空鸛鳴平均故为司空平水土也】如结如物之固结而不散也诗人美君子之用心均平專一故言鸛鳴在桑则其子七矣淑人君子则其仪一矣其仪一则心如结矣然不知其何所指也陈氏曰君子动容貌斯遠暴慢正顏色斯近信出辞气斯遠鄙倍其见于威仪动作之间者有常度矣

卷十七

<经部,诗类,诗传通释

钦定四库全书

诗传通释卷十七

元 刘瑾 撰

诗

朱子集传

生民之什三之二

厥初生民时维姜嫄【音原叶鱼伦反】生民如何克禋【音因】克祀【叶养里反】以弗无子【叶獎里反】履帝武敏【叶母鄙反】歆攸介攸止载震载夙【叶相即反】载生载育【叶曰逼反】时维后稷

赋也民人也谓周人也时是也姜嫄炎帝后姜姓有郤氏女名嫄为高辛之世妃【孔氏曰郑氏谓姜嫄为高辛氏后世子孙之妃未知其为几世故直以世言之】精意以享谓之禋祀祀郊禘也弗之言祓也【孔氏曰祓除也】祓无子求有子也古者立郊禘盖祭天于郊而以先媒配也变媒言禘者神之也其礼以 鸟至之日用大牢祀之【顔达龙曰祠以仲春正其候也祭以太牢尊其礼也祀以南郊重其事也然祠禘之礼不知所始诗传曰简狄從帝而祀郊禘则是帝嘗简狄之时已有神矣孔氏曰燕来主为产乳滋蕃故重其初至之日用牛羊豕祀郊禘至高辛之世以有吞卵之事以为禘之嘉祥又以高辛之世禘配祭故改为高禘】天子亲往后率九嫔御【孔氏曰天子亲往敬其事后妃率九嫔从之侍御于祭焉】乃礼天子所御带以弓韉【音独】授以弓矢于郊禘之前也【孔氏曰礼天子所御幸者使大祝酌醴酒饮之于郊禘之庭以神惠光显之也弓矢者男子之事使之带弓衣执弓矢冀其所生为男也郑氏曰韉弓衣也以缁布为之愚按此上所言祭郊禘之礼乃通言古者天子有此礼耳非專指姜嫄之事也】履踐也帝上帝也武迹敏拇【音某 敏字当为絕句叶上韵尔】歆动也犹惊异也介大也震娠【音身】也【孔氏曰左传云邑姜方震大叔后缙方震皆谓有身为震也】夙肃也生子者及月辰居侧室也【礼记内则注曰侧室谓夹室也燕寝也】育养也姜嫄出祀郊禘见大人迹而履其拇【郑氏曰时有大人迹姜嫄履之足不能满履其拇趾之处愚按姜嫄以高辛子孙之妃而得祀郊禘岂古礼简质天子诸侯皆用其礼欤】遂歆歆然如有人道之感于是即其所大所止之处而震动有娠乃周人所由以生之始也【严氏曰生后稷所以生此民也王介甫曰繇所谓民之初生则本由大王之兴此所谓厥初生民则本由后

稷而起也】周公制礼尊后稷以配天【孔氏曰周公以王功起于后稷故推举之以配郊天焉礼记称万物本乎天本乎祖俱为其本可以相配故王者可以祖配天】故作此诗以推本其始生之祥明其受命于天固有以异于常人也【辅氏曰初生周人者实姜嫄也生民如何是又问其所以然也以下则述其所以然而终结之以时维后稷一句盖言其所生之子实后稷也后稷始教民播种而利及万世非天所命而何宜其始生之灵异乎严氏曰首章述姜嫄祷而生后稷也】然巨迹之说先儒或颇疑之【后世所谓祥瑞固多伪妄然岂可因后世伪妄而并真实者皆以为无乎凤鸟不至河不出图孔子之言不成亦以为非】而张子曰天地之始固未尝先有人也则人固有化而生者矣盖天地之气生之也苏氏亦曰凡物之异于常物者其取天地之气常多故其生也或异麒麟之生异于犬羊蛟龙之生异于鱼鼈物固有然者矣【饶氏曰天地泰和元气之防钟为麟凤非是有种而生】神人之生而有以异于人何足怪哉斯言得之矣【天下之理一而已而有常变之不同夫二气交感化生万物者理之常也若姜嫄简狄之生稷契此理之变也又曰履巨迹之事有此理且如契之生诗中亦云鸟降而生商盖以稷契皆天生之耳非有人道之感非可以常理论也汉高祖之生亦类此此等不可以言尽当意防之可也】

诞弥厥月先生如达【他未反】不坼【勅宅反】不副【孚逼反叶孚迫反】

无蓂【音灾】无害【叶音曷】以赫厥灵上帝不宁不康禋祀【叶养里反】居然生子【叶獎里反】

赋也诞发语辞弥终也终十月之期也先生首生也达小羊也羊子易生无留难也【本草曰生物中羊产最易】坼副皆裂也赫显也不宁寧也不康康也居然犹徒然也凡人之生必坼副灾害其母而首生之子尤难今姜嫄首生后稷如羊子之易无坼副灾害之苦是显其灵异也上帝岂不宁乎岂不康我之禋祀乎而使我无人道而徒然生是子也【严氏曰次章述稷生之易也】

诞寘之隘【于懈反】巷牛羊腓【符非反】字之诞寘之平林防

伐平林诞寘之寒冰鸟覆【敷救反】翼【叶音异】之鸟乃去矣后稷呱【叶去声】矣实覃实訏【叶去声】厥声载路

赋也隘狭腓茈字爱【胡庭芳曰集传于采薇小人所腓引程子曰腓随动也如足之腓足动则随而动如是则正与易咸其腓同义意者牛羊见稷以足肚遮茈之如有爱之之意故谓之腓字或言乳化曰字谓牛羊以足肚依倚而乳哺之如鬪谷于菟之事亦似通】防值也值人伐木而收之覆盖翼借也以一翼覆之以一翼借之也啼声也覃长訏大载满也满路言其声之大也无人道而生子或者以为不详故弃之而有此异也

于是始收而养之【辅氏曰后稷 矣则知其不死也实覃实訏见其身体之长大也厥声载路闻其声音之洪亮也严氏曰三章述稷生而见弃之事】

诞实匍【音蒲】匍【蒲比反】克岐克嶷【鱼极反】以就口食蓺之荏

【而甚反】菽荏菽旆旆禾役稷稷【音遂】麻麦幪幪【莫孔反】颋嗒嗒【布孔反】

赋也匍匐手足并行也岐嶷峻茂之状【曹氏曰岐嶷言其能立】就向也口食自能食也盖六七岁时也蓺树也荏菽大豆也旆旆枝旗扬起也役列也稷稷苗美好之貌也幪幪然茂密也嗒嗒然多实也【钱氏曰旆旆如旗之旆刘执中曰旆旆稷稷幪幪嗒嗒言皆异于常人所种】言后稷能食时已有种植之志盖其天性然也史记曰弃为儿时其游戏好种植麻麦及为成人遂好耕农尧举以为农师【严氏曰四章述稷防好种植之事】

诞后稷之穡有相【息亮反】之道【叶徒口反】苳【音弗】厥丰草【叶此苟反】

种【去声】之黄茂【叶莫口反】实方实苞【叶补苟反】实种【上声】实褒【叶涂久反】实发实秀【叶忽久反】实坚实好【叶舒口反】实颖【营井反】实栗即有郃【他来反】家室

赋也相助也言尽人力之助也【严氏曰即苳草一端可以类见张子曰有相之道賛化育之一端也今农民未见致立于田音或有一耕即种其收即天幸也惟后稷则尽人力之助也】苳治也【王介甫曰草盛曰苳治草亦谓之苳】种布之也黄茂嘉谷也方房也苞甲而未拆也此渍其种也种甲拆而可为种也褒渐长也【严氏曰以上言木之苗也】发尽发也【王介甫曰其花发也郑氏曰发管时也】秀始稷也【严氏曰以上言禾之秀也】坚其实坚也好形味好也颖实繁硕而垂末也栗不秕也既收成见其实皆栗栗然不秕也【严氏曰以上言禾之实也】郃后稷之母家也【孔氏曰杜预云武功县所治郃城是也郃与郃同】岂其或灭或迁而遂以其地封后稷欤言后稷之穡如此【严氏曰所以详言其成熟之次序者见稼穡之艰难非一日所能致或苗而不秀或秀而不实灭裂耕者报之亦灭裂卤莽耘者报之亦卤莽今后稷能教民以尽人事故其穡如此辅氏曰大自浸种以至收成无非尽人力以相曲之而但曰穡者要其成而言之耳】故尧以其有功于民封于郃使即其母家而居之以主姜嫄之祀故周人亦世祀姜嫄焉【严氏曰五章述后稷掌稼穡而封郃也曹氏曰生民之功本于姜嫄不可弗祀乃特立庙祀之故周官大司乐奏夷则歌小吕舞大濩以享先妣而卒于先祖之上尊之也】

诞降嘉种维秬【音巨】维秠【孚鄙反】维糜【音门】维芑【音起】恒【古邓反】

之秬秠是获是畝【叶蒲洧反】恒之糜芑是任【音壬】是负【叶扶委反】以归肇祀【叶养里反】

赋也降降是种于民也书曰稷降播种是也【孔丛子魏王问子顺曰寡人闻昔者上天神异后稷而为之下嘉谷荅曰天虽至神未闻下谷与人也诗美后稷能大教民种嘉谷以利天下故曰诞降嘉种犹书所谓稷降播种农植嘉谷也】秬黑黍也秠黑黍一稂【孚】二米者也

【本草注曰秬秠皆黑黍秠即其皮秬亦皮也秠秬古今语之异耳】糜赤粱粟也芑白粱粟也恒遍也谓徧种之也任肩任也负背负也既成则获而栖之于畝任负而归以供祭祀也秬秠言获畝糜芑言任负豆大耳肇始也稷始受国为祭主故曰肇祀【严氏曰六章述后稷教人种嘉谷以供祭祀也愚按后稷得国而始主祭则宗庙羣神之祀皆始此矣】

诞我祀如何或舂【荡容反】或揄【音由】或簸【波我反】或蹂【音柔】释

之叟叟【所留反】烝之浮浮载谋载惟取萧祭脂取羝【都礼反】以軋【蒲末反叶蒲昧反】载燔载烈【如字叶力制反】以兴嗣歲【叶音雪又如字】赋也我祀承上章而言后稷之祀也揄抒【暑】白也【孔氏曰谓抒米以出白也】簸扬去糠也蹂蹂禾取谷以继之也释浙米也叟叟声也浮浮气也谋卜曰择士也【愚按周礼大宰及仪礼少牢馈食皆前期十日帅执事而卜祭日之吉防又按射义将祭必先习射以择士射中者得輿于祭所择之士谓诸侯诸臣及所贡士也】惟斋戒具脩也【愚按大宰掌百官之誓戒与其具脩斋者散斋七日戒者致斋三日其谓所当供脩谓妇除粪洒也】萧蒿也脂腍【律】膋【聊】也宗庙之祭取萧合腍膋熬之使臭达墙屋也【郑氏曰腍膋肠间脂也与萧合烧之亦有黍稷也】羝牡羊也【孔氏曰祭不用牝也】軋祭行道之神也【孔氏曰取羝羊之体以祭伏于軋上郑氏曰山行曰軋封土为山象以菩刍棘栢为神主既祭以车軋之而去菩音倍軋音洛曹氏曰内言熬萧外言释軋则羣祀皆举矣】燔傅诸火也烈贯之而加于火也【曹氏曰宗庙与軋皆有尸燔烈所以为尸美也】四者皆祭祀之事所以兴来歲而继往歲也【严氏曰七章述后稷祭祀之事总說宗庙及軋祭也】

印【五郎反】盛【音成】于豆于豆于登其香始升上帝居歆【下与】

【今叶】胡臭亶时【叶上止反】后稷肇祀【叶养里反】庶无罪悔【叶呼委反】以迄【许乙反】于今【上与歆叶】

赋也印我也木曰豆以荐菹醢也瓦曰登以荐大 也【孔氏曰天官醢人掌四豆之实皆有菹醢是豆为荐羞菹醢也公食大夫礼大 涪不和实于祭是登为盛大 也大古之 不调以盐菜涪者肉汁也涪音沚王介甫曰释之烝之簠簋尊爵之实也羝俎实也豆登则实以盖醢大 之器也或言其器或言其实互相备也】居安也鬼神食气曰歆【谢叠山曰天地间惟理与气有此理则有此气有此气则有此理鬼神无形无声惟有理有气在冥漠之间耳凡祭皆以心感神以气合神者也黍稷必馨香酒醑必芬芳用椒用桂用萧用鬱金草皆以香气求神神以歆飨此气耳】胡何臭香亶诚也时言得其时也庶近迄至也 此章言其尊祖配天之 【李迂仲曰前章言后稷肇祀为祭宗庙羣神此章言后世既有天下郊天配以后稷也严氏曰末章言尊后稷以配天也】其香始升而上帝已安而飨之言应之疾也此何但芳臭之荐信得其时哉盖自后稷之肇祀则庶无罪悔而至于今矣【严氏曰言天之所享不在物也盖后稷能教民稼穡以相天故以功封郤而祀宗庙天心眷之久矣子孙世脩其业不敢失坠以获罪于天遂至今日得以成王业而郊天天之歆享盖在此耳曹氏曰大 不和陶瓦无文至薄也而上帝则居然歆之盖自后稷肇祀宗庙社稷以来世脩其业是以上帝眷顾无穷

也愚按此章虽无尊稷配天之意既言上帝居歆则稷之配飨固在其中矣然自后稷肇宗庙羣神之祀既至今无罪悔矣则今日肇尊稷配天之祀亦当庶几无罪悔也】曾氏曰自后稷肇祀以来前后相承兢兢业业惟恐一有罪悔获戾于天阅数百年而此心不易故曰庶无罪悔以迄于今言周人世间用心如此也

生民八章四章章十句四章章八句

此诗未详所用岂郊祀之后亦有受厘【僖】颁胙之礼也欤【辅氏曰先生疑此诗专言后稷而不及于天则固非可用于郊祀上帝之时矣若郊祀后有受厘颁胙之礼则用此诗可也汉书注如淳曰厘福也应劭曰祭余肉也颜师古曰字本作禧假借用耳胡庭芳曰段氏云郊祀后稷乐歌已见于颂祀主于严肃故其辞简此殆大臣因祀事之余推原其所以尊者耳】旧说第三章八句第四章十句今按第三章当为十句第四章当为八句则去 訃路音韵谐协 声载路文势通贯而此诗八章皆以十句八句相间为次又三章已后七章已前每章章之首皆有诞字【生民是序事诗序那首凡要尽下武有声等诗却有反覆歌咏意思愚按此诗前三章言后稷之所以生四章五章言后稷树蓺五谷之美六章七章言后稷耕获以供羣祀卒章遂説归成王祀天之事而推原其自后稷以来未尝获戾于天也虽未明言尊稷配天之事而一诗之意实为尊稷配天而推本言之以为受厘之乐歌也】

序尊祖也后稷生于姜嫄文武之功起于后稷故推以配天焉

敦【徒端反】彼行苇牛羊勿践履方苞方体维叶泥泥【乃里反】戚戚兄弟【待礼反】莫遑具尔或肆之筵或授之几

兴也敦聚貌勾萌之时也【郑氏曰勾屈生也芒而直曰萌】行道也勿戒止之词也苞甲而未坼也体成形也泥泥柔泽貌戚戚亲也莫犹勿也具俱也尔与迓同肆陈也【郑氏曰推者设筵老者加之以几刘执中曰肆筵行燕礼也授几优尊也】疑此祭毕而燕父兄耆老之诗故言敦彼行苇而牛羊勿践履则方苞方体而叶泥泥矣戚戚兄弟而莫遑具尔则或肆之筵而或授之几矣【此诗上四句本是兴起下四句以行苇兴兄弟勿践是勿遑意也辅氏曰敦然始勾萌之行苇句使牛羊践履之则自然渐渐甲拆成形而其叶泥泥然柔泽矣以兴戚戚然之兄弟莫使之相遑而常相亲近则自然或肆之筵或授之几矣兄弟亲戚恩意未厚其所以至于薄者只縁相遑而相踈故耳若常使相近相见情意浹洽则相亲相敬相与燕乐其于肆筵授几之事自然有不容已者矣此为首章一篇之意皆具于此最当玩味】此方言其开燕设席之初而殷懃笃厚之意藹然已见于言语之外矣读者详之【吕东莱曰敦彼行苇其可使牛羊践履之乎戚戚兄弟其可踈遑而不亲近之乎忠厚之意藹然是于言语之外矣】

肆筵设席【叶祥勾反】授几有缉御【叶鱼驾反】或献或酢【才洛反】洗

爵奠斚【古雅反叶居讶反】醢【他感反】醢以荐【叶即略反】或燔或炙【叶陟略反】嘉殽脾【婢文反】臠【渠略反】或歌或号【五洛反】

赋也设席重【平声】席也【孔氏曰筵亦席也铺陈曰筵借之曰席在下为铺陈在上人所蹈借也】缙续御侍也有相续代而侍者言不乏使也【刘执中曰更具仆御所以优老不暂阙其侍从辅氏曰肆筵设席授几有缙御二句承上章而言肆筵授几之际其意有加无己也】进酒于客曰献客荅之曰酢主人又洗爵醕客客受而奠之不举也罍爵也夏曰醴殷曰罍周曰爵【孔氏曰罍画禾稼也所沈所奠一物也仪礼饮觥者亦云卒爵是爵为懋称作诗者因沈爵之别变其文耳】醕醕之多汁者也【孔氏曰醕肉汁也盖用肉为醕特有多汁醕所以濡菹有醕必有菹】燔用肉炙用肝臠口上肉也歌者比【备】于琴瑟也【孔氏曰诸言歌者皆以和之】徒击鼓曰鼗言待御献醕饮食歌乐之盛也

敦【音雕下同】弓既坚【叶古因反】四鍬【音侯】既钩舍【音舍】矢既均序宾

以贤【叶下珍反】敦弓既句【古候反叶古侯反】既挾【子协反】四鍬四鍬如树【叶王主反】序宾以不侮

赋也敦雕通画也天子雕弓【孔氏曰雕是画饰之义弓惟用漆漆上又画之荀子云天子雕弓诸侯彤弓大夫黑弓】坚犹劲也鍬金鍬剪羽矢也【鍬宗入声孔氏曰鍬者铁鍬之矢名也】钩参【驂】亭也谓三分之一在前二在后三订之而平者前有铁重也舍释也谓发矢也均皆中也贤射多中也投壶曰某贤于某若干纯【全】奇【畸】则曰奇均则曰左右均是也【投壶曰司射执筭曰左右卒投请数二筭为纯一纯以取一筭为奇遂以奇筭告曰云云注曰一滕为贤尚技艺七纯并音全乡射礼曰若右胜则曰右贤于左若左胜则曰左贤于右以纯教告若有奇者亦曰奇若左右均则左右皆执一筭以告曰左右钧注曰贤犹胜也言贤者射以中为雋也纯如字】句彀通谓引满也射礼搯三挾【泮】一既挾四鍬则徧释矣【孔氏曰搯者插也挾谓手挾之射用四矢故插三于带间挾一以扣而射也射礼每挾一矢今言挾四鍬故知已徧释之也案大射礼搯三挾一个谓卿大夫若其君则使人属矢不亲挾也】如树如手就树之言贯革而坚正也不侮敬也令弟子辞所谓无怙【呼】无敖【傲】无偕【佩】立无逾言者也【投壶注曰弟子宾党主党年穉者也为其立堂下相防慢司射戒令之怙敖慢也偕立不正向前也逾言遽谈语也】或曰不以中病不中者射以中多为雋以不侮为德言既燕而射以为乐也【辅氏曰此言既燕而射以为乐前四句言射而中又以中多为贤后四句言射而贯革又以不侮为德中多则艺精不侮则德盛李寶之曰大射主于射故大夫未举旅则射燕射主于饮酒故王肃以比燕射于燕旅酬后为之吕东莱曰按仪礼燕射如乡射之礼射虽毕而燕未终举觥无筭爵献尔尚多故言酌大斗祈黄耆于既射之后】

曾孙维主【如字或叶当口反】酒醴维醕【如主反或叶奴口反】酌以大斗

【叶肿庾反或如字】以祈黄耆【叶果五反或如字】黄耆台【汤来反】背【叶必墨反】以引以翼寿考维祺【音其】以介景福【叶笔力反】

赋也曾孙主祭者之称今祭毕而燕故因而称之也【此诗作于成王之时盖谓成王也而說

者于他诗所谓曾孙皆以为成王则悞矣 埤雅曰周官王燕则膳夫为献主臣莫敢与君亢礼今此曾孙维主则以尊事黄耆所以为厚也】醕厚也大斗柄长三尺【孔氏曰汉礼器制度注勺五升径六寸长三尺所谓大斗也此盖从大器挹之于樽用此勺耳其在樽中 不当用如此之长勺也】祈求也黄耆老人之称以祈黄耆犹曰以介眉寿云耳古器物款识【志】云用蕡【祈】万寿【考古图伯百父敦铭曰云云百音首又读如罔敦音对】用蕡眉寿永命多福【考古图齐豆铭曰云云】用蕡眉寿万年无疆【考古图召仲弓父壶铭曰云云伯戈类盘铭亦曰云云弓音考类音防】皆此类也台背也大老则背有背文【孔氏曰老人气衰皮肤消瘠背若背鱼也】引导翼辅祺吉也 此颂祷之词欲其饮此酒而得老寿又相引导辅翼以享寿祺介景福也【辅氏曰此则颂祷之辞尤见亲爱无穷之意曰黄耆曰台背曰寿考曰寿祺者则可见其为燕父兄耆老之诗也台背则老又甚于黄耆也相引导则不昧于所适相辅翼则不怠于所行相与年高而德邵也】

行苇四章章八句

毛七章二章章六句五章章四句郑八章章四句毛首章以四句兴二句不成文理二章又不协韵郑首章有起兴而无所兴皆悞今正之如此

序忠厚也周家忠厚仁及草木故能内睦九族外尊事黄耆养老乞言以成其福禄焉

此诗章句本甚分明但以說者不知比兴之体音韵之节遂不复得全诗之本意而碎读之逐句自生意义不暇寻绎血脉照管前后但见勿踐行苇便谓仁及草木但见戚戚兄弟便谓亲睦九族但见黄耆台背便谓养老但见以祈黄耆便谓乞言但见介尔景福便谓成其福禄随文生义无复伦理诸序之中此失尤甚览者详之【诗人假物兴辞大率将上句引下句如行苇是比兄弟勿字乃兴英字此诗自是饮酒防宾之意序者却牵合遂以行苇为仁及草木如云以祈黄耆亦是懽洽之时祝颂之意序者遂以为养老乞言岂知祈字只是颂其高寿无乞言意也】

既醉以酒既饱以德君子万年介尔景福【叶笔力反】

赋也德恩惠也君子谓王也尔亦指王也 此父兄所以答行苇之诗言享其饮食恩意之厚【陈少南曰燕接之间恩泽充足故言饱德】而愿其受福如此也【谢叠山曰臣子爱君愿其寿考又愿天助以大福祝颂之辞也辅氏曰醉酒饱德则行苇所谓侍御献酌饮食歌乐之盛皆举之矣但言德者盖德寓于物言德则可该之行苇末句云以介景福者泛祷之之辞也此言介尔景福者特祷其君之辞也】既醉以酒尔殽既将君子万年介尔昭明【叶谟郎反】赋也殽俎实也【孔氏曰以牲体实之于俎也】将行也亦奉持而进之意昭明犹光大也【曹氏曰老将至而耄及之古人所病天既锡王以寿考又大之以昭明则受福无穷也孔氏曰天又光大汝使之永作明君也辅氏曰介尔昭明欲其君大其明德也德极于光大则福亦极于盛大矣】

昭明有融高朗令终令终有俶【尺六反】公尸嘉告【叶姑沃反】赋也融明之盛也春秋传曰明而未融朗虚明也【辅氏曰昭明有融者欲其明德之极于盛也既言昭明又言高朗者昭明但言其明德而已言高则见其超然于事物之表言明则又见其中虚而表里莹彻也彭氏曰昭明至于融所以加施于万方赫赫乎葦目无不见之也高明则发于天地之间无不照】令终善终也洪范所谓考终命【蔡九峯曰考终命者顺受其正也】古器物铭所谓令终令命是也【考古图严敦铭曰万年无疆令终令命严音宴敦音对邱氏曰愿王明圣而又获善终也】俶始也公尸君尸也周称王而尸但曰公尸盖因其旧如秦已称皇帝而其男女犹称公子公主也【吕东莱曰周之追王止于大王则宗庙之祭尸之尊者乃公尸也曹氏曰公君也谓后稷羣公之尸其有曰皇尸者皇王也谓大王王季文武之尸也诗人互举之耳】嘉告以善言告之谓嘏辞也盖欲善其终者必善其始今固未终也而既有其始矣于是公尸以此告之【黄氏曰宗祝传公尸之辞以告主人也吕东莱曰自既醉以酒至此皆祭毕而燕臣下报上颂祷之词也自公尸嘉告至卒章皆追道祭之受福以明颂祷之实也】

其告维何笾豆静嘉【叶居何反】朋友攸摄摄以威仪【叶牛何反】赋也静嘉清洁而美也【刘执中曰静言其涤濯且敬也嘉言其新美而时也】朋友指宾客助祭者説见楚茨篇【愚按将祭之先筮其臣之吉者戒之使之助祭为裸献之事谓之宾客谓之朋友皆尊之之词所以重祭事也】摄检也公尸告以汝之祭祀笾豆之荐既静嘉矣【王介甫曰其设之也至谨而为之也至美与执爨蹠蹠为俎孔硕君妇莫莫为豆孔庶同意】而朋友相摄佐者又皆有威仪当神意也【孔氏曰各自收敛以相佐助为威仪之事祭义所谓济济漆漆是也漆音切王介甫曰摄以威仪则其助祭也莫或敢慢与既齐既稷既匡既敕同意辅氏曰其告维何问尸告之辞若何也笾豆之静嘉德之寓于物也朋友之摄检以威仪德之寓于人也祭祀之事母大于此二者人才敬则自然收敛而相揖佐以威仪矣】自此至终篇皆述尸告之辞【愚按此章述尸告其仪物之盛也】

威仪孔时【叶上止反】君子有孝子【叶獎里反】孝子不匮【求注反】永

锡尔类

赋也孝子主人之嗣子也仪礼祭祀之终有嗣举奠【愚按特性祝酌酒奠于神席前祝祭告毕迎尸入至献尸而旅酬主人嗣子入尸执前所奠觶饮之嗣子辛饮洗酌酒酢尸尸醉酒仍奠具觶郑氏曰举犹饮也】匱竭类善也言汝之威仪既得其宜【曹氏曰祭义以为主人则其亲也慤其行也趋趋以数宾客则济济漆漆然各致其至故威仪甚得其时也】又有孝子以举奠【吕与叔曰孝子饮奠所以致其传付祖考德泽之意深矣】孝子之孝诚而不竭则宜永锡尔以善矣东莱吕氏曰君子既孝而嗣子又孝其孝可谓源源不竭矣【彭氏曰观其威仪孔时可以见成王之奉先孝矣固宜有孝子继于其后永久不匮代代相传盖天之锡君以类相从必然之理也后汉柳氏事姑孝姑曰我老无以报妇愿汝生孝子即此公尸嘉告之意也于是下章言嗣而卒之以从以孙子皆永锡尔类之验也愚按此述尸告其嗣子之孝也】

其类维何室家之壺【苦本反叶苦俊反】君子万年永锡祚【才故】

【反】 【羊刃反】

赋也壺宫中之巷也言深遠而严肃也祚福祿也 子孙也锡之以善莫大于此【辅氏曰此人闻其所谓善者如何则云使尔居于深遠严密之宫室无有外虞历万年之永而长锡以福祿与子孙也孔氏曰七章所言即祚也八章所言即 也此章举其目下章分說之愚按此章述尸告以锡善之意由其仪物之盛美也故锡之以祚由其嗣子之尽孝也故锡之以 盖亦各以其类为报如楚茨工祝致告之意也】

其 维何天被【皮寄反】尔祿君子万年景命有仆赋也仆附也【孔氏曰仆御必附近于人】言将使尔有子孙者先当使尔被天祿而为天命之所附属【孔氏曰前章言祚 此章因其句末而转之故云其 维何其实先言祚耳】下章乃言子孙之事【愚按上章言锡善而兼举祚 此章述尸告锡祚之事而必发之以其 维何下章述尸告锡 之事而必发之以其仆维何盖锡以 者必锡以祚得其祚者必得其 反覆互言以见二者相因而兼备也】

其仆维何厘【力之反】尔女士【鉏里反】厘尔女士从以孙子

【叶獎里反】

赋也厘予【与】也女士女之有士行者谓生淑媛【院】使为之妃【配】也从随也谓又生贤子孙也【辅氏曰此又间天命之所附属者何事则云天命有所附属则不过子尔以贤女使为之妃人随之而生贤子孙焉耳所谓天命之附属者莫大于此观周家自大王大姜以来之事则可见矣郑氏曰天既予汝以女而有士行者又使生贤智之子孙以随之谓传世也】

既醉八章章四句【潘氏曰古人祝颂多以壽考及子孙众多为言如华封人祝尧以为愿圣人壽愿圣人多男子亦此诗之意又曰观行苇既醉二诗见人君尽其诚敬于祭祀之时极其恩义于燕饮之际凡父兄耆老所以视愿之者如此则其获福也宜矣此所谓福无不自己求之者也陈壽翁曰介尔昭明今王之贤明也从以孙子后嗣之贤明也由君子之有孝子故世世予以女士而生孙子国家千万世无穷之福其基本实在于此父兄之意遠矣】

序大平也醉酒饱德人有士君子之行焉序之失如上篇盖亦为孟子断章所悞尔

鳧【音扶】鹭【于鸡反】在泾公尸来燕来宁尔酒既清尔殽既馨公尸燕饮福祿来成

兴也鳧水鸟如鸭者【孔氏曰长尾背上有文青色卑脚短啄水鸟之谨愿者也本草曰野鸭为鳧】鹭鸥也泾水名尔自歌工而指主人也馨香之遠闻也 此祭之明日绎而

宾尸之乐【李寔之曰绎寻绎前祭也孔氏曰燕尸之礼大夫谓之实尸即用祭之日天子诸侯谓之绎以祭之明日古者宗庙之祭有尸既祭之明日则暖其祭食以燕为尸之人故有此诗】故言鳧鷖则在涇矣公尸则来燕来宁矣酒清殽馨则公尸燕饮而福祿来成矣【辅氏曰实尸者以宾礼燕尸也此乃绎祭燕尸之乐歌故不及其他但重叠言之以极其尊敬颂祷之诚耳来如董子所谓福祿自来之来成就也言福祿来成就乎尸也】

鳧鷖在沙【叶柔何反】公尸来燕来宜【叶牛何反】尔酒既多尔殽

既嘉【叶居何反】公尸燕饮福祿来为【叶吾何反】

兴也为犹助也

鳧鷖在渚公尸来燕来处尔酒既湑尔殽伊脯公尸

燕饮福祿来下【叶后五反】

兴也渚水中高地也湑酒之沛【湑上声】者也【释文曰湑与左传缩酒同义谓以茅沛之而去其糟也】

鳧鷖在淶【在公反】公尸来燕来宗既燕于宗福祿攸降

【叶乎攻反】公尸燕饮福祿来崇

兴也淶水防也【说文曰小水入大水也】来宗之宗尊也于宗之宗庙也【愚按二宗字虚实不同】崇积而高大也

鳧鷖在臬【音门】公尸来止熏熏【叶眉贫反】旨酒欣欣燔炙芬

芬【叶丰匀反】公尸燕饮无有后艰【叶居银反】

兴也臬水流峡中两岸如门也【欧阳子曰鳧鷖在涇在沙谓水鸟在水中及水旁得其所耳在渚在淶在臬皆水旁耳刘辰翁曰從涇至臬愈出不厌此兴之所以为美也】熏熏和說也欣欣乐也芬芳香也

鳧鷖五章章六句【孔氏曰宁安也宜称也处居也宗尊也成就也为助也下自上而下易辞也降与下同崇则积而极其高大也皆后言之渐重来为来下攸降来崇皆指今日言尔无有后艰则言其后日永无艰难也夫人之享福不保其后至于无有后艰则积而高大者可以常保而无隳矣】

序守成也太平之君子能持盈守成神只祖考安乐之也

同上

假【中庸春秋传皆作嘉今当作嘉】乐【音洛】君子【叶音则】显显令德宜民宜人受禄于天【叶铁因反】保右【音人】命【叶弥并反】之自天中之

赋也嘉美也君子指王也民庶民也人在位者也申重也言王之德既宜民人而受天禄矣而天之于王犹反覆眷顾之不厌既保之右之命之而又申重之也【辅氏曰假乐君子是作诗者美而乐之也唯其美之故乐之显显是明而可见之意令德显然明着故民人皆宜之宜谓心惬之人惬之故天禄之也保安也右助也命命之为天子也自天中之则又眷顾无穷之意在己之德不已则在天之命无穷也吕与叔曰既有显显之令德而又有宜民人之大功此宜受天禄矣故天既保右之人申命之也我有受福禄之理故天既右之又申之董仲书曰为政而宜于民故当受禄于天虽只是叠将来说然玩味之觉他说得自有意思谢叠山曰天心之眷成王无穷既保之又右助之既命之人申命之诗人善于形容天眷之厚也愚按此与天保二章文意相似】疑此即公尸之所以荅鳧鷖也

千禄百福【叶笔力反】子孙千亿穆穆皇皇宜君宜王不愆

不忘率由旧章

赋也穆穆敬也皇皇美也君诸侯也王天子也愆过率循也旧章先王之礼乐政刑也言王者千禄而得百福故其子孙之蕃至于千亿适为天子庶为诸侯无不穆穆皇皇以遵先王之法者【上二句是愿其子孙之多下四句是愿其子孙之贤又曰此诗次章不说其他但愿其子孙之众且贤此意甚好彭氏曰君之福禄莫大于子孙众多然非贤则不足以膺受畀付至于违越法度非所以为福矣故言王者子孙众多者必曰宜君宜王又曰率由旧章如春秋之时晋侯请隧襄王以王章而不许鲁灾命藏象魏而季武子以为旧章之不可忘盖成王周公制礼作乐秩然成章传之万世可以遵守谢叠山曰不愆则无聪明乱旧章之过不忘则常有继志述事之心辅氏曰此说王者千禄而得百福然却不說其他只說其子孙之多且贤者盖福禄无盛于此也有能敬可美之德则自然宜君宜王矣不愆不忘率由旧章又是咏上两句不过乎理不忘乎心只是敬也能敬则能遵先王之法矣孟子引之甚得诗意陈寿翁曰上章言今王之显德固所以受福未若后嗣之多贤所以久其福也】

威仪抑抑德音秩秩无怨无恶【鸟路反】率由羣匹受福

无疆四方之纲

赋也抑抑密也秩秩有常也匹类也言有威仪声誉之美又能无私怨恶以任众贤是以能受无疆之福为四方之纲【辅氏曰威仪以其见于容止者而言德音以其形于声誉者而言容

止抑抑然甚密而无间声誉秩秩然有常而不替其德可谓全矣能如此则自然无私怨恶矣率由旧章能循用先王之法也率由羣匹能尽用天下之贤也人君而能如此则宜其受无疆之福为四方之纲也纲弓纲之大绳】此与下章皆称愿其子孙之辞也【黄实夫曰此章上四句即所以为纲之道也是故元气不存虽盛且壮不足为一身之福纲纪不立虽强且富不足为人君之福诗人以无疆之福祝其子孙而继之曰四方之纲人继之曰之纲之纪其意不亦渊乎愚按上章愿王子孙之多且贤兼适庶而言此及下章称愿之词则皆但言其适为天子者盖主为王言之也而上章则愿其子孙之法祖此章又愿其子孙之法贤也】或曰无怨无恶不为人所怨恶也

之纲之纪燕及朋友【叶羽已反】百辟卿士【鉏里反】媚【眉备反】于

天子【叶獎里反】不解【佳卖反】于位民之攸暨【许既反】

赋也燕安也朋友亦谓诸臣也【吕东莱曰泰誓云友邦冢君酒诰曰大史友内史友则朋友者合百辟卿士言之也愚按集传言亦者盖此诗指诸臣谓朋反亦如既醉指助祭之臣为朋友也】解惰暨息也言人君能纲纪四方而臣下赖之以安则百辟卿士媚而爱之维欲其不解于位而为民所安息也【此章承上章之意故上云四方之纲即网之曰之纲之纪盖张之为纲理之为纪下面百辟卿士至于庶民皆是赖君以为纲所谓不解于位者盖欲纲常张而不弛也辅氏曰之纲二字又叠上章末句而并言之纪者凡网罟张之为网理之为纪也人君能纲纪四方则臣下自然赖之以安若在上者管束不来则臣下何恃以为安也下赖以为安故皆知爱媚于其上如此上下之情绸缪如一而血脉自相通贯故在上者不解于位则在下者所由以休息也】东莱吕氏曰君燕其臣臣媚其君此上下交而为泰之时也泰之时所忧者怠荒而已此诗所以终于不解于位民之攸暨也方嘉之又规之者盖皐陶赧歌之意也【书益稷皐陶乃赧载歌曰元首明哉股肱良哉庶事康哉又歌曰元首丛脞哉股肱惰哉万事堕哉蔡九峯曰皐陶续歌之意言君明则臣良而众事皆安所以劝之也君行臣职烦细碎则臣下懈怠不肯任事而万事废坏所以戒之也】民之劳逸在下而枢机在上上逸则下劳矣上劳则下逸矣不解于位乃民之所由休息也

假乐四章章六句【愚按首章之言乃二诗之大旨一章之不愆不忘三章之威仪德音所以为显显令德也三章四方之纲四章之纲之纪而民之攸暨所以宜民也二章之无怨无恶率由羣匹四章燕及朋友媚于天子所以宜人也至于二章之干禄百福子孙千亿三章之受福无疆者又皆所谓受禄于天而自天申之者也】

序嘉成王也【辅氏曰自行苇至假乐四诗若如序說而不明其所用则皆奉上之谀辞耳先生云大雅为受厘陈戒之辞如此四篇其受厘之辞也欤然假乐亦有戒意故先生不敢断然以为公尸答鳧鷖之作但为疑辞于首章之末而又取东莱之說载于篇终也】假本嘉字然非为嘉成王也

笃公刘匪居匪康迺场【音易】迺疆迺积迺仓迺裹【音果】糗【音侯】粮【音良】于

橐【他洛反】于囊【乃郎反】思辑【音集】用光弓矢斯张干戈戚杨爰方啓行【叶户郎反】

赋也笃厚也公刘后稷之曾孙也事见豳风【黄氏曰后稷生不窋不窋生鞠陶鞠陶生公刘是后稷之曾孙也】居安康宁也塲疆田畔也【孔氏曰疆者大界塲是小界今之小田塲也塲音丞】积露积也糒食粮糗【丘上声】也【严氏曰糒干食粮米食】无底曰橐有底曰囊【皆所以盛糒粮也】辑和戚斧扬钺【孔氏曰钺大而斧小大公六韬云大柯斧重八斤一名天钺】方始也旧説召康公以成王将蒞政当戒以民事故咏公刘之事以告之【王介甫曰周之有公刘言乎其时则甚防言乎其事则甚勤称时之甚防以戒其盈称事之甚勤以惩其逸盖召公之志也黄实夫曰言公刘者盖以乃祖乃父之事乃人之所素信也七月之诗必以后稷公刘为戒无逸之书必以太王王季文王为説善进戒于君者皆如是也】曰厚哉公刘之于民也【谢叠山曰周人以忠厚为家法此诗六章皆曰笃公刘笃者厚之至也言公刘之厚子孙不可忘也】其在西戎不敢宁居治其田畴实其仓廩既富且强于是裹其糒粮思以辑和其民人而光显其国家然后以其弓矢斧钺之备爰始啓行而迁都于豳焉盖亦不出其封内也【辅氏曰此章总言公刘能足食足兵然后迁豳之事夫公刘失职而自窜于西戎固安能鬱鬱久居也乎是宜其匪居匪康也思辑用光者乃其匪居匪康之效验也其迁都也经理之勤积累之久糗粮兵器之备如此则公刘之厚于民可知矣其后武王之治内治外宣王之内脩外攘皆同此一辙耳黄实夫曰公刘不轻于用民也必先有以蓄民之财治民之情而后可以用民之力则笃于为民之心可见矣孟子曰故居者有积仓行者有里囊也然后可以爰方啓行然后可三字可见公刘之心张南轩曰公刘迁国已与百姓俱无不足之患也吕东莱曰公刘内治既备然后拓大境土国都虽迁向之疆塲积仓固在其封内也】

笃公刘于胥斯原既庶既繁【叶纷干反】既顺迺宣而无永

叹【他安反】陟则在巘【鱼羣反叶鱼轩反】复降在原何以舟【叶之遥反】之维玉及瑶【音遥】鞞【必顶反】琫【必孔反】容刀【叶徒招反】

赋也胥相【去声】也庶繁谓民之居者众也顺安宣徧也言居之徧也无永叹得其所不思旧也巘山顶也舟带也鞞刀鞘【音笑】也琫刀上饰也【孔氏曰鞞者刀鞘之名琫者鞘之上】容刀容饰之刀也或曰容刀如言容臭谓鞞琫之中容此刀耳【容臭如今香囊是也愚按臭者香物若茝兰之属亦以香囊之中容此香物而谓之容臭耳】言公刘至豳欲相土以居【曹氏曰公刘相广平之地民之从迁者十有八国可谓众且繁矣郑氏曰厚哉公刘之相此原以居民民既众矣既多矣既顺矣皆安今之居而无长叹思其旧也问二章説既庶既繁既顺乃宣而四章方居邑之成不知未成居邑之时何以得民居繁庶曰公刘始于草创而人之从之者已若是其盛是以居邑由是而成也愚按此章之庶繁顺宣者民之居也下章言居邑之成者君之居也其亦犹豳诗四章言居民而五章六章言作宗庙居室也欤】而带此劒佩以上下于山原也东莱吕氏曰以如是之佩服而亲如是之劳苦斯其所以为厚于民也欤【辅氏曰既庶既繁者言民之来迁者既众且多也既顺乃宣者言民之来居者既安而遂徧也如此则得其所而无永叹也宜矣此章前五句言相上而居以后事后五句言相土以居初

时事言其后民之所以即其安者由公刘初时躬执其劳如此故也】

笃公刘逝彼百泉瞻彼溥【音普】原迺陟南冈乃覲于京

【叶居良反】京师之野【叶上与反】于时处处于时庐旅于时言言于时语语

赋也溥大覲见也京高丘也师众也京师高丘而众居也董氏曰所谓京师者盖起于此其后世因以所都为京师也【京师始此董氏曰曰嫔于京依其在京则岐州之京也王配于京则镐京也春秋所书京师则洛邑也皆仍其本号而称之犹晋云新绛故绛也愚按洛邑亦谓之洛师正京师之意彭氏曰公刘营邑于邠亦是人烟繁盛之地故曰京师之野盖山川盘结风气所萃亦一都防也】时是也处处居室也庐寄也旅宾旅也直言曰言论难曰语此章言营度邑居也【王氏曰上章先定民居而此章乃相守亦厚于民故也】自下观之则往百泉而望广原自上观之则陟南冈而覲于京于是爲之居室于是庐其寘旅于是言其所言于是语其所语无不于斯焉

笃公刘于京斯依【叶于岂反】跼蹐【七羊反】济济【子礼反】俾筵俾

几既登乃依【同上】乃造【七到反】其曹执豕于牢酌之用匏【步交反】食【音嗣】之饮【于鴉反】之君之宗之【就用之字为韵】

赋也依安也跼蹐济济羣臣有威仪貌【孔氏曰曲礼几行容大夫济济士跼蹐】俾使也使人为之设筵几也登登筵也依依几也【愚按二依字义不同】曹羣牧之处也【李寘之曰牢闲也】以豕为馐用匏为爵俭以质也【王介甫曰其饮也酌之以匏而已其食也执豕于牢而已其俭如此厚民故也】宗尊也主也嫡子孙主祭祀而族人尊之以为主也此章言宫室既成而落之既以饮食劳其羣臣而又为之君为之宗马东莱吕氏曰既飧燕而定经制以整属其民上则皆统于君下则各统于宗盖古者建国立宗其事相须楚执戎蛮子而致邑立宗以诱其遗民即其事也【东莱以为为之立君立宗恐未必是如此只是公刘自为君宗耳盖此章言其一时燕飧恐未説及立宗事也李氏曰周礼宗子有五大宗子一小宗子四别子为祖继别为宗百世不迁者大宗也继祢之宗继祖之宗继曾祖之宗继高祖之祖五世则迁者小宗也皆所以主祭祀而统族人如有国有家之重者也】

笃公刘既溥既长既景迺冈相【息亮反】其陰阳观其流

泉其军三单【音丹叶多涓反】度【待洛反】其隰原彻田为粮度【同上】其夕阳幽居允荒

赋也溥广也言其芟夷垦关土地既广而且长也景考日景以正四方也【孔氏曰民居田畝或南或北皆须正其方面故以日景定之】冈登高以望也相视也陰阳向背寒暖之宜也【孔氏曰山南为阳山北为陰广谷大川有寒有暖不同所宜则异故相之也】流泉水泉灌溉

之利也三单未详彻通也一井之田九百畝八家皆私百畝同养公田耕则通力而作收则计畝而分也【问以孟子考之则曰八家皆私百畝同养公田又公羊云公田不治则非民私田不治则非吏然未必是计畝而分曰亦不可详知但因洛阳议论中通蔽而耕之說推之耳或但耕则通力而耕收则各得其畝亦未可知也】周之彻法自此始其后周公盖因而脩之耳【彻法始此愚按苏老泉尝谓井田唐虞啓之夏商稍稍葺治至周而大备盖周之彻法乡遂用贡法十夫有沟都鄙用助法八家同井总谓之彻也王晦叔曰大国三军之法以治兵彻田什一之法以储粟周家军制严法皆起于此】山西曰夕阳允信荒大也此言辨土宜以授所徙之民定其军赋与其税法人度山西之田以广之而幽人之居于此益大矣【愚按观其流泉以上言辨土宜也其军三单以下言定赋税也而以邠居允荒一语贊其盛也】

笃公刘于豳斯馆【叶古玩反】涉渭为乱取厉取鋹【丁乱反】止

基迺理爰众爰有【叶羽已反】夹其皇涧遡其过【古禾反】涧止迺密芮鞫【居六反】之即

赋也馆客舍也乱舟之截流横渡者也厉砥鋹铁止居基定也理疆理也众人多也有财足也遡乡【向】也皇过二涧名芮水名出吴山西北东人泾周礼职方作汭【职方氏云雍州其川泾汭注云在邠地即此也】鞫水外也此章又总叙其始终言其始来未定居之时涉渭取材而为舟以往来取厉取鋹而成宫室【段氏曰史记言自漆沮渡渭取材用即此事也愚按此以上叙其始之定居也】既止基于此矣乃疆理其田野则日益繁庶富足其居有夹涧者有遡涧者其止居之众曰以益密乃复即芮鞫而居之而幽地日以广矣【吕东莱曰风气日开民编日众规模日广有方兴未艾之象焉周之王业兆于此矣愚按此以上叙其终之富盛也】

公刘六章章十句【问此诗与七月皆言公刘得民之盛想周自后稷以来至公刘始稍盛耳曰自后稷之后不啻盖已失其官守至公刘乃始复脩其业故周室以兴也陈少甫曰七月言先公风化公刘则言建国君民之事风雅之不同如此】

序召康公戒成王也成王将蒞政戒以民事美公刘之厚于民而献是诗也

召康公名奭成王即位年幼周公摄政七年而归政焉于是成王始将蒞政而召公为大保周公为大师以相之【苏氏曰成王即位不能治事是以周公当国而治事非摄其位盖行其事也其后七年归政成王于是蒞政亦非复其位盖复其事也】然此诗未有以见其为康公之作意其传授或有自来耳后篇召穆公凡伯仍叙放此

涧【音迴】酌彼行潦【音老】挹彼注兹可以餽【甫云反】饔【尺志反叶昌里反】岂弟君子民之父母【叶满彼反】

兴也涧逵也行潦流潦也【孔氏曰行道上雨水流聚故云流潦也】餽烝米一熟而以水沃

之乃再烝也饔酒食也君子指王也旧説以为召康公戒成王言遠酌彼行潦挹之于彼而注之于此尚可以饔饔【曹氏曰道上流潦黄浊不可饮然蓄之大器澄停既久挹取其清者而注之于此尚有用也】况岂弟之君子岂不为民之父母乎传曰岂以强【如字又上声】教之弟以悦安之民皆有父之尊有母之亲【表记注曰谓其尊亲已如父母也】又曰民之所好好之民之所恶恶之此之谓民之父母【能以民心为己心则是爱民如子而民爱之如父母矣辅氏曰每章上三句有遠近相须彼此相益贵贱相资之意故以兴下两句岂以强教之故有父之尊弟以悦安之故有母之亲此以成民之才而言也民之所好好之民之所恶恶之此以体民之心而言也既有以成其才又有以体其心则能尽教育之道矣此其所以为民之父母也】

洞酌彼行潦挹彼注兹可以濯罍【音雷】岂弟君子民之

攸归【叶古回反】

兴也濯涤也

洞酌彼行潦挹彼注兹可以濯漑【古爱反叶古气反】岂弟君

子民之攸塈【许既反】

兴也漑亦涤也塈息也【辅氏曰攸归谓为民之所归往也攸塈谓为民之所安息也皆所以终首章父母之义也】

洞酌三章章五句

序召康公戒成王也言皇天亲有德飡有道也序无大失然语意亦疎

有卷【音权】者阿【与歌叶】飘风自南【叶尼心反】岂弟君子来游来歌【与阿叶】以矢其音

赋也卷曲也阿大陵也岂弟君子指王也【曹氏曰岂弟君子乐于循理而已平易近民人君之德也故诗人美人君之德必以岂弟言之】矢陈也此诗旧説亦召康公作疑公从成王游歌于卷阿之上因王之歌而作此以为戒此章总叙以发端也【辅氏曰此是赋体皆其实有卷者阿言其地也飘风自南言其时也岂弟君子来游来歌以矢其音言其事也召公从成王来游于卷阿之上时有飘风自南而来成王乐而歌之故公因陈此诗以为戒】

伴【音判】𠬞【音唤】尔游矣优游尔休矣岂弟君子俾尔弥尔

性似先公𠬞【在由反】矣

赋也伴奭优游闲暇之意尔君子皆指王也弥终也性犹命也酋终也言尔既伴奭优游矣又呼而告之言使尔终其寿命似先君善始而善终也【吕东莱曰国家闲暇君臣游衍可谓伴奭而优游矣所愿乎成王者惟终其性似先公之善终而已俾尔者祝辞也祝之所以戒之也辅氏曰伴奭尔游矣言成王当此闲暇而来游于此也优游尔休矣言成王于此优游而自得其休也岂弟君子呼成王以为乐易君子也观成王闲暇优游于此则其乐易可知矣俾尔东莱先生以为祝辞是也弥尔性谓终其寿考似先公酋矣谓如周之先公以来善始善终也既曰祝辞则祝其寿考福禄宜也然于此见召公得保傅之体不过称不溢美之意】自此至第四章皆极言寿考福禄之盛以广王心而歆动之五章以后乃告以所以致此之由也【黄实夫曰汉文之时贾谊为之痛哭流涕如祸患之迫乎其后者谊之忧国诚深矣然其言太过而无优游不迫之意帝退而观天下之势不至于此则一不之信然后知康公之戒君其言亦有法也】

尔土宇畎【符版反】章亦孔之厚【叶狼口下主二反】矣岂弟君子

俾尔弥尔性百神尔主【叶当口肿庾二反】矣

赋也畎章大明也或曰畎当为版版章犹版图也言尔土宇畎章既甚厚矣又使尔终其身长为天地山川鬼神之主也

尔受命长矣荝【芳弗反】禄尔康矣岂弟君子俾尔弥尔

性纯嘏尔常矣

赋也荝嘏皆福也常常享之也【吕东莱曰自二章至此皆叹美之词虽未及于求贤然成王所以弥尔性而似先公主百神而常纯嘏者果何以致之乎辅氏曰言尔之受命既已长矣尔之享其福禄既已安矣因人祝之寿考而常保其纯嘏也福禄致之若易保之尤难上三章皆极言其寿考福禄以广王心而歆动之然后五章以下乃告以所以致此之由则其言入之易而感之深也召公可谓能尽师保之道者矣】

有冯【符水反】有翼有孝有德以引以翼岂弟君子四方

为则

赋也冯谓可为依者翼谓可为辅者孝谓能事亲者德谓得于己者【愚按谓行道而有得于己也】引导其前也翼相其左右也东莱吕氏曰贤者之行非一端必曰有孝有德何也盖人主常与慈祥笃实之人处其所以兴起善端涵养德性镇其躁而消其邪日改月化有不在言语之间者矣【谢叠山曰求贤不取非常之才而止曰有孝有德何也曰孝于亲者必忠于君取其孝正求其忠也唐虞以上取人以德无才德之分如皋陶九德皆才也舜举八元八凯之才皆德也有德则才在其中矣】言得贤以自辅如此则其德日脩而四方以为则矣自此章

以下乃言所以致上章福祿之由也【輔氏曰可馮可翼即孝德之人也故又曰以引以翼引如引君以當道之引翼如予欲有為汝翼之翼呂氏所謂慈祥者能孝之人也所謂篤實者有德之人也得如是之人以引翼之則王德無愆王德無愆則四方以為法則四方以為法則則可以居大位而無忝受天祿而無窮矣呂東萊曰是詩雖戒求賢而其辭從容不迫至此章始明言賢者之益焉潘氏曰詩中凡稱頌人君福祿必歸于得人之盛故既醉云君子萬年介爾景福而必曰朋友攸掇掇以威儀假樂言受天之祿與干祿百福而必曰率由羣匹與百辟卿士媚于天子蓋人君所以致福祿者未有不自得人始也】

颙颙卬卬如圭如璋令聞【音問】令望【叶无方反】豈弟君子四

方為綱

賦也颙颙卬卬尊嚴也如圭如璋純潔也令聞善譽也令望威儀可望法也【鄭氏曰人聞之則有善聲人望之則有善威儀德行相副】承上章言得馮翼孝德之助則能如此【呂東萊曰有馮有翼】

【有孝有德以引以翼則颙颙卬卬如圭如璋令聞令望矣】而四方以為綱矣【輔氏曰此章乃足上章之義颙颙卬卬體貌之尊嚴也如圭如璋德行之溫純也令聞聲譽之美也令望表儀之善也夫如是然後為人君之全德非得賢而引翼之何以臻此四方為綱四方以為綱領也】

鳳凰于飛翯翯【呼防反】其羽亦集爰止藹藹王多吉士

【鉏里反】維君子使媚于天子

興也鳳凰靈鳥也雄曰鳳雌曰凰翯翯羽聲也鄭氏以為因時鳳凰至故以為喻理或然也【蔡九峯曰是時周方隆盛鳴鳳在郊鳴于高岡者乃咏其實也】藹藹眾多也媚順愛也鳳凰于飛則翯翯其羽而集于其所止矣藹藹王多吉士則維王之所使而皆媚于天子矣既曰君子又曰天子猶曰王于出征以佐天子云爾【呂東萊曰自此以下廣言人材之盛陳壽翁曰吉人吉士即前所謂有孝有德也孝者德之本百行之原也既有孝德其為吉德莫大焉】鳳凰于飛翯翯其羽亦傳【音附】于天【叶铁因反】藹藹王多吉

人維君子命【叶弥并反】媚于庶人

興也媚于庶人順愛于民也【謝疊山曰媚于天子愛君也媚于庶人為王愛其民也輔氏曰上二章乃因時鳳凰之至而以興賢者之來集也維君子使維君子命謂委質于君一聽其使令也媚于天子則見賢者無勉強不得已之意媚于庶人則見賢者有維持浹洽之德后世多以鳳比賢人蓋本于此】

鳳凰鳴矣于彼高岡梧桐生矣于彼朝陽萋萋【布孔反】

萋萋【七西反】離離喈喈【叶居奚反】

比也【陳少南曰比賢者必聚于有道之朝九劉濟曰鳳隱見以時類賢者之出處也愚按高岡之鳳凰者高世之賢才也朝陽之梧桐者治朝之賢君也梧之萋萋萋萋者人君待賢之盛禮也鳳之離離喈喈者羣賢和集之德音也比意蓋如此】又以興下章之事也山之東曰朝陽【孔氏曰朝先見曰也】鳳凰之性非梧桐不栖非竹實不食萋萋萋萋梧桐生之盛也離離喈喈鳳凰鳴之和也【段氏曰劉氏曰惟其梧桐萋萋萋萋是以鳳凰離離喈喈由此觀之則君臣感防之機可想矣輔氏曰比賢者之來集王朝而王朝之禮遇賢者兩得其宜也】

君子之車既庶且多君子之馬既閑且馳【叶唐何反】矢詩

不多維以遂歌

賦也承上章之興也萋萋萋萋則離離喈喈矣君子之車馬則既多而閑習矣其意若曰是亦足以待天下之賢者而不厭其多矣【呂東萊曰今王之車馬既多既閑苟得賢以載之其光華和樂殆非形容所及也有其時有其具召公所以欲成王勉乎此也】遂歌蓋繼王之声而遂歌之猶書所謂賡載歌也【胡庭芳曰言車多焉閑亦應前來游之意言矢詩遂歌亦應前來歌之意矢詩即矢背也若曰今所陳之詩虽不多亦維以遂成其歌致其咏嘆進戒之意而已王曰休曰此詩非不多也召公以為不多者愛君之心无已也彭氏曰此詩以章計十以言計五十四而猶云不多誠以言之感人有限声之入人无穷維以遂歌庶子朝夕聞之优游浸漬自足以兴起其心而不忘也輔氏曰此章則又承上章之興而言王朝之車馬既众多而閑習則足以招來待遇賢者之具矣其所以望于王蓋有不待言而可知者詩所以言其志而音則声之成文者其实一也先言以矢其音即其歌而言之也終言矢詩不多者即其实言之也】

卷阿十章六章章五句四章章六句【輔氏曰首章則總叙以發端二三四章則極道其壽考福祿之盛以廣王心而歆動其意五章以下則告以所以致上章福祿之由五章六章則言王能用賢則可以成德七章八章則因鳳凰之來以興賢者之集九章則以鳳凰之鳴得其依比賢者之至得其所至末章然後鳳王以今既有車馬众多而且閑習將安所用乎亦惟招延禮待賢者于无穷可也不明言其事而遂曰矢詩不多唯以遂歌者此意最好蓋欲王自得之也召公可謂善于開導誘掖其君者矣】

序召康公戒成王也言求賢用吉士也

求賢用吉士本用詩文而言固為不切然亦未必分為兩事後之說者既誤認豈弟君子為賢人遂分賢人吉士為兩等彌失之矣夫洞酌之豈弟君子方為成王而此詩遽為所求之賢人何哉

民亦劳止汔【许乙反】可小康惠此中国以绥四方无纵诡【居毁反】随以谨无良式遏寇虐【七感反】不畏明【叶谟郎反】柔远能迓以定我王

赋也汔几也【释文曰几音祈】中国京师也【愚按诗人指京师为中国故三章又曰惠此京师谓之中者以其在诸夏之中也】四方诸夏也京师诸夏之根本也诡随不顾是非而妄随人也【严氏曰诡随者心知其非而怀诈以从此奸又也书所谓而从孟子所谓而谀也吕东莱曰一言而丧邦曰予言而莫予违则诡随之人诚覆邦家之人也】谨敛束之意曾也明天之明命也柔安也能顺习也【蔡九峯曰柔者寬而抚之也能者抚而习之也遠近之势如此】序說以此为召穆公刺厉王之诗以今考之乃同列相戒之词耳未必专为刺王而发然其忧时感事之意亦可见矣【严氏曰朱子此說是也诗言以定我王以为王休又言戎虽小子王欲玉女皆语同列之词以时之乱戒同列所以刺王也】苏氏曰人未有无故而妄从人者维无良之人将悦其君而窃其权以为寇虐则为之故无纵诡随则无良之人肃而寇虐无畏之人止然后柔远能迓而王室定矣【辅氏曰厉王暴虐之君也则民之劳苦可知矣汔可小康者犹言庶几其可使之小康也夫暴虐之君在上则时必有无良之人肆为诡随之计以行其寇虐者故同列之君子專以此相戒无纵诡随则无良之人不敢肆而寇虐无忌惮之人亦且消沮退缩而无所容如是然后遠者自然得其安近者亦自然顺习而无所垂忤而王室定矣若肆诡随寇虐之人则国家日益多事而遠近皆不聊生矣王室何由安定乎诡随者必无良之人也寇虐者必无忌惮之人也柔远能迓与惠此中国以绥四方二句相应濮氏曰每章首言民今劳弊可少休息京师者诸夏之本欲安四方之民当自恤京师始彭氏曰民劳甚矣未能遽望其太平也但庶几小康耳故教以惠中国而绥四方然所以惠绥者岂有他哉其本在朝廷之上毋使小人乱政则柔远能迓而我王定矣先言惠中国以绥四方此出治之序也后言柔远能迓此成治之效也书言柔远能迓而必曰难任人诗言柔远能迓而必曰谨无良皆有常戒惧之意】穆公名虎康公之后【孔氏曰康公十六世孙也】厉王名胡成王七世孙也【孔氏曰世本及周本纪皆云成王生康王康王生昭王昭王生穆王穆王生恭王恭王生懿王及孝王孝王生夷王夷王生厉王凡九世从成王言之不数成王及孝王故七世也】

民亦劳止汔可小休惠此中国以为民述无纵诡随

以谨惓惓【女交反叶尼犹反】式遏寇虐无俾民忧无弃尔劳以为王休

赋也述聚也惓惓犹謹【欢又音喧】晬也【严氏曰惓惓惑乱主聽也】劳犹功也言无弃尔之前功也【郑氏曰言无废汝始时动政事之功诱掖之也辅氏曰以为民述者盖中国者民之所聚也謹晬乃诡随者之态也上有寇虐之臣则下有忧苦之夫矣无弃尔劳者盖同列平时相与为国家虑者固已有定說矣】休美也【曹氏曰自二章而下皆衍而成篇以暢其意不其相遠也愚按章内二休字异义】

民亦劳止汔可小息惠此京师以绥四国【叶于通反】无纵

诡随以谨罔极式遏寇虐无俾作慝【吐得反】敬慎威仪以近有德

赋也罔极为恶无穷极之人也有德有德之人也【辅氏曰罔极亦是诡随者之证以妄随人则为恶岂有穷极也无纵诡随式遏寇虐是防禁小人也敬慎威仪以近有德是亲近贤者也徒欲防禁小人而不知亲近有德则无以增益其知识开广其心志矣然欲近贤者则须先谨其威仪威仪不谨则贤者将望望然去之矣岂可得而亲之乎严氏曰非脩身则贤不可得而亲故必敬慎威仪然后可以近有德也谢叠山曰威仪所以定命也有德之士未有无威仪王若不敬谨威仪则骄淫傲惰何所不为侮老成逵者德则贤者不能相亲矣吕东莱曰此章言当逵小人近君子也】

民亦劳止汔可小惕【起倒反】惠此中国俾民忧泄【以世反】

无纵诡随以谨丑厉式遏寇虐无俾正败【叶蒲寐反】戎虽小子而式大【叶特计反】

赋也惕息泄去厉恶也正败正道败坏也戎汝也言汝虽小子而其所为甚广大不可不谨也【严氏曰旧説以此诗戎虽小子及板小子蹻蹻皆指王也小子非君臣之词二诗皆戒责同寮故称小子耳辅氏曰以小子称同列必是长老者之词观下篇可见以身言之则是小子以职言之则是王官故曰戎虽小子而式大言所为甚广大欲其加谨之辞也并观下篇第四章则所谓少年小子必王所宠任之人也】民亦劳止汔可小安惠此中国国无有残无纵诡随

以谨缙绌式遏寇虐无俾正反王欲玉女【音汝】是用大谏【春秋传荀子书并作简音简】

赋也缙绌小人之固结其君者也【严氏曰诗言无良惛愒罔极丑厉缙绌皆极小人之情状而总之以诡随盖小人之媚君子其始皆以诡随入之其终无所不至孔子所谓佞人殆也】正反反于正也【王介甫曰正败者败而已未尽反而为不正若正反则无正也彭氏曰正反则善恶曲直无不倒置天下其可得而正邪每章言愈切而愈深】玉宝爱之意言王欲以汝为玉而宝爱之故我用王之意大谏正于女盖托为王意以相戒也

民劳五章章十句【吕与叔曰五章章之始皆言民亦劳止惠此中国者欲息民而固根本也上言无纵诡随式遏寇虐者欲谨察小人将以害政也章末之言皆丁宁反覆劝之之词使之去危即安去恶从善也彭氏曰此诗以寛治民以严取友曰绥曰惠寛而不扰也曰无纵曰以谨曰式遏严而不恕也】

序召穆公刺厉王也

上帝板板下民卒瘁【当简反】出话不然为犹不逮靡圣管管不于亶犹之未逮是用大谏【叶音简】

赋也板板反也卒尽瘁病犹谋也管管无所依也亶诚也序以此为凡伯刺厉王之诗今考其意亦与前篇相类但责之益深切耳【严氏曰朱子以此诗为切责僚友用事之人而义归于刺王与上篇同味诗意信然胡庭芳曰厉王无道召穆凡伯以亲贤之故宜极言而力救之顾乃不直致其谏而姑责同僚以使之闻之者岂非亦以监谤之故不欲婴其锋以陷于罪而甚吾君之恶也耶吁二公忠爱之怀于见盖可见矣】此章首言天反其常道而使民尽病矣而女之言皆不合理为谋人不久远其心以为无复圣人但恣已妄行而无所依据又不实之于诚信岂其谋之未远而然乎【辅氏曰正者常道也道其常则民安反其常则民病今天既尽反其常道则民亦安得而不尽病乎话者即语也犹者谋虑也不然则背理伤道也不远则但为目前之计也人心知有圣人则动作皆有所依据故出话不敢不然为谋不至不远今也出话则不然为犹则不远则靡圣管管可知矣既已靡圣管管则所为皆是虚妄故曰不实于亶不然不远皆虚妄者之所为也李迂仲曰爱民者天之常道耳今天使下民皆病则反其常道矣言为犹不远又言犹之未远盖反覆言之自下文以至末章皆是大谏也谢叠山曰朱子初解云人苟知圣人之度则必战战兢兢不敢苟作此心若无圣人矣则管管然无所依据矫诬诈伪何所不至其出言行事不以真实而归于诚道无怪也】世乱乃人所为而曰上帝板板者无所归咎之词耳

天之方难【叶泥涓反】无然宪宪【叶虚言反】天之方蹶【俱卫反】无然

泄泄【以世反】辞之辑【音集叶徂合反】矣民之洽矣辞之怿【叶弋灼反】矣民之莫矣

赋也宪宪欣欣也蹶动也泄泄犹沓沓也盖弛缓之意孟子曰事君无义进退无礼言则非先王之道者犹沓沓也【辅氏曰天方艰难则人当忧惧也今乃欣欣然自以为适天方蹶动则人当敛饬也今乃地缓而不以为事则是自绝于天矣始也不有夫圣终也自绝于天则何以能立于人之朝哉蹶颠覆之意泄泄怠缓悦从之貌言天欲颠覆周室羣臣无得泄泄然不急救正之沓沓即泄泄之意盖孟子时人语如此非诋毁也辅氏曰天之方蹶而国家有倾覆之势常情处此消索震慑易得怠缓苟从故戒羣臣以无得泄泄然不急救正之当此之际自非君臣上下力加振作于此奋发则何能救正也】辑和洽合怿悦莫定也辞辑而怿则言必以先王之道矣所以民无不合无不定也【辅氏曰又教以先谨其言而不妄发尔辞能和则民自合尔辞能悦则民自定辞和与怿则合乎理而异于不然者矣民合且定则前所谓卒瘁者其有瘳乎严氏曰首章责同僚出语不然为犹不远故二章因戎之以言论之间宜相和协庶可措民于安然愚而自用者终不能舍已从人故三章言听我嚣嚣四章言匪我言耄尔用忧谗五章言无为夸毗善人载尸也皆说朋友议论不相协犹小旻诗凡六章其间五章皆说谋犹之不臧也】

我虽异事及尔同僚我即尔谋听我嚣嚣【许骄反】我言

维服勿以为笑【叶思邀反】先民有言询于刍【初俱反】莠【如謡反】赋也异事不同职也同僚同为王臣也春秋传曰同官为僚【陈壽翁曰观此言则其为同列相戒甚明】即

就也□□自得不肯受言之貌服事也犹曰我所言者乃今之急事也先民古之贤人也刍菟采薪者古人尚询及刍菟况其僚友乎【辅氏曰第一第二句言其同有恩义也三四句言其不有于我也五六句冀其察也七八句欲其警也】

天之方虐无然谗谗【虚虐反】老夫灌灌小子蹻蹻【其略反】

匪我言耄【莫报反叶毛博反】尔用忧谗多将熯熯【叶许各反】不可救药

赋也谗戲侮也老夫诗人自称灌灌欸欸也蹻蹻骄貌【李迂仲曰說文蹻蹻举足高也以足高之意观之是骄之意】耄老而昏也熯熯炽盛也苏氏曰老者知其不可而尽其欸诚以告之少者不信而骄之故曰非我老耄而妄言乃汝以忧为戲耳夫忧未至而救之犹可为也苟俟其益多则如火之盛不可复救矣【辅氏曰此章责之又深矣一二句戒其不可慢天也三四句戒其不可忽己也五六句斥其病也七八句危其祸也王介甫曰列子云曾不发药乎左氏曰不如明而药之也与此救药同意】

天之方憯【才细反叶笺西反】无为夸【苦花反】毗威仪卒迷善人

载尸民之方殿屎【许伊反】则莫我敢葵丧【息浪反】乱蔑资【叶笺西反】曾莫惠我师【叶霜夷反】

赋也憯怒夸大毗附也小人之于人不以大言夸之则以谀言毗之也尸则不言不为饮食而已者也殿屎呻吟也葵揆也蔑犹灭也资与咨同嗟叹声也惠顺师众也戒小人毋得夸毗使威仪迷乱而善人不得有所为也【仆氏曰威仪尽乱侮老慢贤善人则如尸而不复言语矣】又言民方愁苦呻吟而莫敢揆度其所以然者是以至于散乱灭亡而卒无能惠我师者也

天之牖民如堦【许元反】如箴【音池】如璋如圭如取如

无曰益牖民孔易【以豉反叶夷益反】民之多辟【匹亦反下同】无自立辟

赋也牖开明也【程子曰牖开通之义室之暗也故设牖以通明】犹言天啓其心也堦唱而箴和璋判而圭合【孔氏曰半圭为璋合二璋而成圭】取求携得而无所费【愚按言求之即得而无费于己以益之也】皆言易也辟邪也言天之开民其易如此以明上之化下其易亦然今民既多邪辟矣岂可又自立邪辟以道之邪【陈壽翁曰上之于下开其本明之天性者固甚易导之以邪僻之人伪者亦不难因开之易而谨导之方可也岂可导以邪僻耶吕东莱曰乱虽极矣道之者固有简易之理不作聪明为邪僻以乱之行其所无事斯可矣辅氏曰此章与七章分明是讥及于王也故先王于民劳首章言此二诗虽不专为刺王而发然其忧时感事之意亦可见矣者是也】

价【音介】人维藩【叶分遣反】大师维垣大邦维屏大宗维翰【叶胡】

【田反】怀德维宁宗子维城无俾城坏【叶胡罪胡威二反】无独斯畏【叶紆防于非二反】

赋也价大也大德之人也藩篱师众垣墙也大邦强国也屏树也所以为蔽也【愚按所谓树塞门也】大宗强族也翰干也宗子同姓也言是六者皆君之所恃以安而德其本也【李迂仲曰王所恃以卫国家者在此数者苟怀之以德则无不宁矣诗人以怀德惟宁开于中则宗子惟城亦当以德怀之也左氏曰君其修德以固宗子何城如之所谓宗子维城是也董氏曰藩垣屏翰皆以卫王畿也盖藩在外屏在内垣限内外恃翰以为筑王者之固其国如此懷德维宁则怀诸侯者在德若宗子则为城以御患者也彭氏曰王者之治亲亲为大虽用人以为藩垣屏而资同姓以为翰翰者所资以立也又必待同姓以为城城者所恃以固也曰大宗曰宗子其意反覆言同姓之至重至切盖垣重于藩屏不可以无翰而城又大而且重马然在人者皆有形之势而德之在我乃无形之势也故独曰虽宁焉】有德则得是五者之助不然则亲戚叛之而城坏城壞则藩垣屏翰皆壞而独居独居而所可畏者至矣

敬天之怨无敢戲豫敬天之渝【用朱反】无敢驰驱昊天

曰明【叶谟郎反】及尔出王【音往叶如字】昊天曰旦【叶得绢反】及尔游衍【叶怡战反】

赋也渝变也【如迅雷风烈必变之变】王往通言出而有所往也旦亦明也【旦与明只一意】衍寬纵之意言天之聪明无所不及不可以不敬也板板也难也蹶也虐也憯也其怨而变也甚矣而不之敬也亦知其有日监在兹者乎【才有些放肆则他便知所以曰日监在兹辅氏曰此又專戒其同列也器器也谗谗也蹻蹻也忧谗也皆戲豫之事也管管也宪宪也泄泄也夸毗也皆驰驱之类也后四句熟读而详玩之可见天之于人无所不体而兴起人心畏天之诚洋洋乎如在其上如在其左右不可度思矧可射思岂可一毫一息而不敬乎哉】张子曰天体物而不遗犹仁体事而无不在也【潘子善问天体物而不遗是指理而言仁体事而无不在是指人而言否曰体事而无不在是指心而言也天下一切事皆此心发见耳问天体物仁体事以见物物各有天理事事皆有仁曰然天体在物上仁体在事上犹言天体于物仁体于事本是言物以天为体事以仁为体緣须着从上說故如此下语又问与体物而不可遗一般否曰然】礼仪三百威仪三千无一事而非仁也昊天曰明及尔出王昊天曰旦及尔游衍无一物之不体也【杨仲思问此莫是言人之所以为人者皆天之所为故虽起居动作之顷而所谓天者未尝不在也曰公說天体物而不遗既說得是则所谓仁体事而无不在者亦不过如此天与仁非有二也】

板八章章八句【严氏曰一章至五章皆切责僚友之词六章至八章皆责僚友而因戒王也】

序凡伯刺厉王也【孔氏曰左传云凡蒋邪茅胙祭周公之也凡伯周公之后也入为王朝卿士春秋书天王使凡伯乘聘则凡伯亦其苗裔世为王臣也】

生民之什十篇六十一章四百三十三句

诗传通释卷十七

卷十八

<经部,诗类,诗传通释

钦定四库全书

诗传通释卷十八

元 刘瑾 撰

诗

朱子集传

荡之什三之三

荡荡上帝下民之辟【必亦反】疾威上帝其命多辟【匹亦反】天生烝民其命匪谌【市林反或叶市隆反】靡不有初鲜克有终【叶诸深反或如字】

赋也荡荡广大貌辟君也疾威犹暴虐也多辟多邪辟也烝众谌信也言此荡荡之上帝乃下民之君也今此暴虐之上帝其命乃多邪僻者何哉盖天生众民其命有不可信者盖其降命之初无有不善而人少能以善道自终是以致此大乱使天命亦罔克终如疾威而多僻也盖始为怨天之辞而卒自解之如此【严氏曰疾威者厉王所为而天实命之是天为此疾威天实为之则无所归咎然天亦岂欲令厉王为恶乎天生众民其命有不可信者其初皆善而其终鲜善是人自暴自弃非天使之然王自不为善岂天赋予以恶哉】刘康公曰【熊刚大曰刘采邑名康谥也康公定王同母弟所谓王季子也】民受天地之中以生所谓命也能者养之以福不能者败以取祸此之谓也【熊刚大曰天地之中犹言天地之性也以此理无过不及而言故谓之中人之生必稟受此理而俱生此乃所赋之命也能顺其则顺天地之命者也所以得福不能循其则逆天地之命者也所以得祸王介甫曰受天地之中一也则靡不有初败以取祸者众则鲜克有终鲜克有终则命靡谌矣】

文王曰咨咨女【音汝】殷商曾是彊御曾是掊【蒲侯反】克曾

是在位曾是在服【叶蒲比反】天降恚【他刀反】德女兴是力赋也此设为文王之言也咨嗟也殷商纣也【曹氏曰自契始封商地在上洛汤受命亳殷地在蒙今曰殷商并举之也】强御暴虐之臣也【谢叠山曰强强梁御如御人于国门之外之御】掊克聚敛之臣服事恚慢兴起也力如力行之力诗人知厉王之将亡故为此诗托于文王所以嗟叹殷纣者【严氏曰二章以下设为文王之词盖陈厉王之失而托之商也所谓借秦为谕耳】言此暴虐聚

敛之臣在位用事乃天降悞慢之德而害民【王介甫曰强梁掊克是为悞慢辅氏曰此章以下托为文王叹紂之辞者盖厉王暴虐诗人不敢直刺其恶故耳且厉王之虐大略似紂以谓与乱同事罔不亡也自古危乱之君率是暴虐与聚敛之臣并用盖此两等人实相须也非暴虐则无以为聚敛之资非聚敛则无以极暴虐之恶也悞德谓慢天之人即暴虐聚敛之臣也所以敢为暴敛之事者只緣慢天故尔】然非其自为之也乃汝兴起此人而力为之耳

文王曰咨咨女殷商而秉义类彊御多怼【直类反】流言

以对冠攘式内侯作【侧虑反】侯祝【周救反】靡届靡究

赋也而亦女也义善怼怨也流言浮浪不根之言也侯维也作读为诅诅祝怨谤也言汝当用善类而反任此暴虐之人使用流言以应对【胡庭芳曰强御多怼流言以对者正如所谓御人以口给之意强御与前章相应指所用之人也】则是为寇盗攘窃而反居内矣是以致怨谤之无极也

文王曰咨咨女殷商女𤑔【白交反】𤑔【火交反】于中国【叶于逼反】

敛怨以为德不明尔德时无背【布内反】无侧尔德不明以无陪【蒲回反】无卿

赋也𤑔𤑔气健貌【谢叠山曰以傲狠作气势以暴虐作威声如虎狼𤑔𤑔之状】敛怨以为德多为可怨之事而反自以为德也背后侧傍陪贰也【孔氏曰陪贰谓副贰王者则三公也】言前后左右公卿之臣皆不称其官如无人也【李迂仲曰乱世之君是非颠倒邪正错乱无人以辅弼之故也】

文王曰咨咨女殷商天不湏【面善反】尔以酒不义从式

【叶式吏反】既愆尔止靡明靡晦【叶呼洧反】式号式呼【火故反】俾昼作夜【叶羊茹反】

赋也湏饮酒变色也式用也言天不使尔沈湏以酒而惟不义是从是用耳止容止也【严氏曰非天使之是汝自为恶也尔之容止既自取愆过又无明无晦而饮酒不息叫号譟呼使昼作夜荒乱甚矣】

文王曰咨咨女殷商如蜩如螗【音唐】如沸如羹【叶卢当反】小

大近丧【息浪反叶平声】人尚乎由行【叶户郎反】内爨【皮器反】于中国覃及鬼方

赋也蜩螗皆蝉也如蝉鸣如沸羹皆乱意也小者大者几于丧亡矣尚且由此而行不知变也【胡庭芳曰所谓安其危而利其菑乐其所以亡者也】爨怒覃延也鬼方遠夷之国也【胡

庭芳曰夏曰獯鬻商曰鬼方周曰玁狁汉曰匈奴魏曰突厥见唐高祖纪其实一国而异其名也】言自近及远无不怨怒也

文王曰咨咨女殷商匪上帝不时【叶上止反】殷不用旧【叶巨】

【已反】虽无老成人尚有典刑曾是莫听【汤经反】大命以倾赋也老成人旧臣也典刑旧法也【谢叠山曰三代而上国有大政有大议有大疑皆决于老成人之言曰图任旧臣人共政殷先王所以立国也曰人惟求旧曰无侮老成人盘庚所以兴也曰汝惟商老成人宅心知训周公所以海康叔也犁老播弃格人罔敢知吉紂所以亡也在位罔有耆旧俊在厥服平王所以东迁也】言非上帝为此不善之时但以殷不用旧致此祸尔虽无老成人与图先王旧政然典刑尚在可以循守乃无听用之者是以大命倾覆而不可救也

文王曰咨咨女殷商人亦有言颠沛之揭【纪竭去例二反】枝

叶未有害【许曷暇憇二反】本实先拨【蒲末反叶方吠笔烈二反】殷鉴不逮在夏后之世【叶始制私列二反】

赋也颠沛仆拔也揭本根蹶起之貌拨犹绝也鉴视也夏后桀也言大木揭然将蹶枝叶未有折伤而其根本之实已先绝然后此木乃相随而颠拔尔苏氏曰商周之衰典刑未废诸侯未畔四夷未起而其君先为不义以自绝于天莫可救止正犹此耳【严氏曰王者天下之本也天下未有祸败而王身无道本先拔矣枝叶盖将徙之也】殷鉴在夏盖为文王叹紂之辞然周鉴之在殷亦可知矣【欧阳子曰非独周之鉴殷殷之鉴夏后之兴者当又鉴厉王也】

荡八章章八句【潘氏曰首章前四句有怨天之词后四句乃解前四句谓天之降命本无不善惟人不以善道自终故天命亦不克终如疾威而多邪僻也此章意既如此故自次章以下托文王告紂之词皆就人君身上说使其知其非天之过如汝兴是力汝德不明与天不溷尔以酒匪上帝不时之类皆是发首章之意

彭氏曰板荡之诗深刺其君之恶盖大臣忧国爱君之心不敢不如是也】

序召穆公伤周室大坏也厉王无道天下荡荡无纲纪文章故作是诗也

苏氏曰荡之名篇以首句有荡荡上帝耳序说云云非诗之本意也

抑抑威仪维德之隅人亦有言靡哲不愚庶人之愚亦职维疾【叶疾二反】哲人之愚亦维斯戾

赋也抑抑密也隅廉角也【孔氏曰隅者角也廉者棱也角必有棱故曰廉隅】郑氏曰人密审于威仪者是其德必严正也故古之贤者道行心平可外占而知内如宫室之制内有绳直则外有廉隅也【吕东莱曰此诗以威仪为主修身之道至切至近莫过于此也王介甫曰德

譬则宫城也仪譬则隅也视其隅则宫城之中可知矣严氏曰首章第一义言威仪之当慎威仪云者声音笑貌云乎哉容貌颜色曾子所谓道动容周旋中礼孟子所谓盛德也彭氏曰惟德之隅盖有诸中必形于外也制于外所以养其中也观曾子所言正颜色动容貌孟子所言见于面盎于背是也】哲知庶众职主戾反也卫武公作此诗使人日诵于其侧以自警【严氏曰诗皆自警之言修身治国平天下之道与中庸大学相表里】言抑抑威仪乃德之隅则有哲人之德者固必有哲人之威仪矣而今之所谓哲者未尝有其威仪则是无哲而不愚矣【辅氏曰德与威仪内外之符也哲与愚德性之反也观賁之初筵一诗则当时习俗都无威仪可知矣此所以有靡哲不愚之叹也】夫众人之愚盖有稟赋之偏宜有是疾不足为怪【王介甫曰庶人之愚则天性之疾也孔子曰民有三疾】哲人而愚则反戾其常矣

无竞维人四方其训之有觉德行【下孟反】四国顺之訏

【况于反】谟定命逖犹辰告【叶古得反】敬慎威仪维民之则赋也竞强也觉直大也訏大谟谋也大谋谓不为一身之谋而有天下之虑也【吕东莱曰所谋不止于一身而计天下之安危也】定审定不改易也命号令也犹图也逖谋谓不为一时之计而为长久之规也【吕东莱曰所谋不止于一时而鉴百世之损益也】辰时告戒也辰告谓以时播告也【辅氏曰不为一身之谋而为天下之虑者訏谟也所谋者大则其命令之出也必审定而不易朝令夕改者不能訏谟者也不为一时之计而为长久之规者逖犹也所图者逖则告戒于下者必以时而不忽号令不时者不能逖犹者也】则法也言天地之性人为贵故能尽人道则四方皆以为训有觉德行则四国皆顺从之故必大其谋定其命逖图时告敬其威仪然后可以为天下法也【辅氏曰尽人道也觉德行也治己之事也訏谟定命也逖犹辰告也治国之事也内则治己外则治国诸侯之职举矣终之以敬慎威仪为民之则者又所以着威仪之为重也谢叠山曰人君以一身之法为天下之法也】其在于今【叶音经】兴迷乱于政【叶音征】颠覆厥德荒湛【都南】

【反下同】于酒【叶子小反】女【音汝】虽湛乐【音洛】从弗念厥绍【市沼反】罔敷求先王克共【九勇反】明刑【叶胡光反】

赋也今武公自言己今日之所为也兴尚也【郑氏曰兴犹尊尚也】女武公使人诵诗而命己之词也后凡言女言尔言小子者放此【问抑诗东莱硬要做刺厉王縁以尔汝字碍曰如幕中之辨人反以女为叛台中之评人反以汝为倾等类亦是自谓古人此様亦多】湛乐从言惟湛乐之是从绍谓所承之绪也敷求先王广求先王所行之道也共执刑法也

肆皇天弗尚【叶平声】如彼泉流无沦胥以亡夙兴夜寐

洒扫廷内维民之章修尔车马弓矢戎兵【叶晡亡反】用戒戎作用遏【他歷反】蚩方

赋也弗尚厌弃之也沦陷胥相章表戒备戎兵作起遏逖也言天所不尚则无乃沦陷相与而亡如泉流之易乎是以内自庭除之近外及蚩方之远细而寝兴洒扫之常大而车马戎兵之

变虑无不周备无不饬也【辅氏曰此承上章而言所为如此则必为天所厌弃矣无乃沦胥以亡如泉流之不可止欤是岂可不自警乎故必无内外无近远无细大无常变皆当整办饬备如此然后庶几近而吾民有所仪表远而蛮方有所畏避也】上章所谓訏谟定命远犹辰告者于此见矣

质尔人民谨尔侯度用戒不虞【叶元具反】慎尔出话敬尔

威仪【叶牛何反】无不柔嘉【叶居何反】白圭之玷【丁簞反】尚可磨也斯言之玷不可为【叶吾禾反】也

赋也质成也定也【辅氏曰质训成与定惟成而后能定也】侯度诸侯所守之法度也虞虑话言柔安嘉善玷缺也言既治民守法防意外之患矣【苏氏曰苟失其民心慢其侯度则将有不虞之祸起辅氏曰益之告舜以儆戒无虞亦以罔失法度为先能谨我之法度则可以免不虞之患矣】又当谨其言语盖玉之玷缺尚可磨鑢使平言语一失莫能救之其戒深切矣【辅氏曰上三句治国之事也中三句治己之事也身正而后国治此尤不可不谨前但言威仪而已至此章又兼话言言之威仪形于身者言语出于口者皆德之符也下四句又极言其言语之不可不慎也陈寿翁曰上以出话威仪对言下專以言语言盖容貌词气皆德之符其不可不谨一也故此诗于威仪凡六言之而于言语亦三致意焉前章之命告此章之言玷下章之无易由言是也段氏曰言行均不可以有失而言之失尤易能谨其易者则行可知也故此章末唯戒夫斯言之玷】故南容一日三复此章而孔子以其兄之子妻之【家语曰独居思仁公居言义一日三复白圭之玷是宫縙之行也黄直卿曰三复谓每诵至此再三反复以识之非谓一次三复亦非谓只一日三次诵之也

不是一日读此乃是日日读之玩味此诗而欲谨言也又曰南容深有意于谨言此邦有道所以不废邦无道所以免祸故孔子以兄子妻之】无易【以豉反】由言无曰苟矣【此二句不用韵】莫扞【音门】朕舌言不

可逝【叶音折与舌叶】矣无言不讎【叶市又反】无德不报【叶蒲救反】惠于朋友【叶羽已反】庶民小子【叶獎里反】子孙绳绳万民靡不承

赋也易轻扞持逝去讎答承奉也言不可轻易其言盖无人为我执持其舌者故言语由己易致差失常当执持不可放去也【严氏曰由言者由己言之也所谓唯其言而莫予违也】且天下之理无有言而不讎无有德而不报者若尔能惠于朋友【孔氏曰朋友谓卿大夫等】庶民小子则子孙绳绳【严氏曰绳绳如绳之牵连不絕也】而万民靡不承矣皆谨言之效也视尔友君子辑【音集】柔尔顔【叶鱼坚反】不遐有愆相【息亮反】在

尔室尚不愧于屋漏无日不显莫予云覲神之格【叶刚鹤反】思不可度【待洛反】思矧可射【音亦叶弋灼反】思

赋也辑和也遐何通愆过也尚庶几也屋漏室西北隅也【李寔之曰曾子问谓之当室之白

孙炎云当室之白日光所漏入也】觐见也格至度测矧况也射斲通厌也言视尔友于君子之时和柔尔之颜色其戒惧之意常若自省曰岂不至于有过乎盖常人之情其修于显者无不如此然视尔独居于室之时亦当庶几不愧于屋漏然后可尔无曰此非明显之处而莫予见也当知鬼神之妙无物不体其至于是有不可得而测者不显亦临犹惧有失况可厌射而不敬乎【辅氏曰辑柔尔颜言其颜色之温柔也不遐有愆言其心思之警惧也有是心则有是颜此亦内外之符也常能如是则岂至于有过失乎然人心操则存舍则亡天理存亡只在敬肆之间须当于暗室屋漏之中不睹不闻之际常若十手所指十目所视兢兢业业之心不可有一息之间断方可若曰此非显明之处人莫予见也此心一萌则便间断矣所以如此者盖鬼神体物而不遗洋洋乎如在其上如在其左右其至也尚不可测度况可厌射之乎唯不敢有所厌斲则此心始无间断也相在尔室以下只是做存养工夫】此言不但修之于外又当戒谨恐惧乎其所不睹不闻也【彭氏曰视尔友君子以下以诚而交于人修之于显也相在尔室以下以诚而对乎天慎之于静也吕东莱曰此章教以内外交修也谢叠山曰庄子云为不善于显明之中者人得而非之为不善于幽闇之中者鬼神得而责之君子无人非无鬼责亦此意也】子思子曰君子不动而敬不言而信【君子之戒谨恐惧无时不然不待言动而后敬信也陈安卿曰屋漏人迹不到之地须是戒惧方无愧怍君子不待于动而应事接物方始敬未接物之前已无非敬矣不待发言而后信实未发言之前本来真实无非信矣】又曰夫微之显诚之不可揜如此【陈安卿曰此理虽隐微而甚显以阴阳之往来屈伸皆是真实而无妄所以发见之不可揜如此】此正心诚意之极功而武公及之则亦圣贤之徒矣【愚按不遐有愆者是省察之功所以遏人欲于将萌即中庸之内省不疚而慎独之事也能慎独则意无不诚矣不愧屋漏者是存养之功所以存天理之本然即中庸之不睹不闻而戒惧之事也能戒惧则心无不正矣所谓正心诚意之极功者也盖由武公本亦圣贤之徒宜其所言合乎圣贤之道也】

辟尔为德俾臧俾嘉【叶居何反】淑慎尔止不愆于仪【叶牛何反】

不僭不贼鲜【息浅反】不为则投我以桃报之以李彼童而角实虹【户公反】小子【叶獎里反】

赋也辟君也指武公也【愚按此章之中首言辟者武公自君道言之也继言尔者自君臣亲密言之也未言小子则公之谦调也】止容止也僭差贼害则法也无角曰童虹溃乱也【严氏曰虹谓幻惑也如蝮蜥不正之气暂见于天须防散灭】既戒以修德之事【吕东莱曰戒以君尔为德俾臧俾嘉欲其尽君德之善也淑慎】

【尔止不愆于仪此诗以威仪为主故屡言之】而又言为德而人法之犹投桃报李之必然也【辅氏曰不僭则又言永无差谬不贼则又言永无亏损如是则鲜有不为人所法则者此必然之效也】彼谓不必修德而可以服人者是牛羊之童者而求其角也亦徒溃乱汝而已岂可得哉【黄实夫曰武公极言君臣相应之机必即物理之易见者言之】

荏【而甚反】染【而渐反】柔木言缙之丝【叶新夷反】温温恭人维德

之基其维哲人告之话言顺德之行【与言叶】其维愚人覆谓我僭【叶七寻反】民各有心

兴也荏染柔貌柔木柔忍【刃】之木也缙纶也被之纶以为弓也【张子曰柔和之木乃弓之材温恭之人乃德之质真氏曰温者和易之意筑室者以基为固修身者以敬为本故此温温恭谨之人有立德之基也首章验其德之隅此章立其德之基熟味其辞武公作圣之功于是焉在辅氏曰武公三以温柔为言无不柔嘉也辑柔尔颜也至此又明言温柔为进德之基盖人才温柔则便是消磨了那客气消磨得客气则其德方可进故明道谓义理与客气常相胜只看消长分数为君子小人之别消尽者为大贤而横渠亦言学者先须去其客气惟温柔则可以进学】话言古之善言也覆犹反也僭不信也民各有心言人心不同愚智相越之远也【吕东莱曰言人之质有美有恶故有可告语者有不可告语者】

于【音乌】乎【音呼】小子【叶獎礼反】未知臧否【音鄙】匪手之言示之

事【叶上止反】匪面命之言提其耳借曰未知亦既抱子【同上】民之靡盬谁夙知而莫【音慕】成

赋也非徒手之也而又示之以事非徒面命之也而又提其耳所以喻之者详且切矣【严氏曰曲礼云长者与之提携则两手奉长者之手负劔辟咎诏之注云倾头与语又云口耳之间曰咎是携手提耳皆长者教诲小子之常】假令言汝未有知识则汝既长大而抱子宜有知矣【辅氏曰武公老矣而使人谓其小子可谓不自盈满矣只此便见其温柔之意言示之事谕之明也言提其耳告之切也告之者既明且切则宜有警矣而犹不知觉何哉借曰未有知识则亦既抱子矣况耄期之年乎则是宜有警也】人若不自盈满能受教戒则岂有既早知而反晚成者乎

昊天孔昭【叶音灼】我生靡乐【音洛】视尔梦梦【莫公反】我心惨

惨【当作慄七到反叶七各反】诲尔谆谆【之纯反】听我藐藐【美角反】匪用为教【叶入声】覆用为虐借曰未知亦聿既耄【叶音莫】

赋也梦梦不明乱意也惨惨忧貌谆谆详熟也藐藐忽略貌耄老也八十九十曰耄左史所谓年九十有五

时也【辅氏曰昊天孔昭我生靡乐者言昊天甚明其知我生之靡乐也其所以靡乐者即下文所谓视尔梦梦我心惨惨也武公平日之视人想亦如此故令人诵诗以警己而云然也曹氏曰前云借曰未知亦既抱子是方壮时也今日借曰未知遂至于耄则终无所知矣】

于乎小子【见上章】告尔旧止听用我谋庶无大悔【叶虎委反】

天方艰难曰丧【息浪反】厥国【叶于逼反】取譬不逮昊天不弔【他得反】回遹【于橘反】其德俾民大棘

赋也旧章也或曰久也止语词庶幸悔恨弔差遹僻棘急也言天运方此艰难将丧厥国矣我之取譬夫岂逮哉观天道祸福之不差弔则知之矣今汝乃回遹其德而使民至于困急则丧厥国也必矣抑十二章三章章八句九章章十句

楚语左史倚相曰昔卫武公年数九十五矣犹箴傲于国曰自卿以下至于师长士【真氏曰卿者执政之官师长官师之长士谓上中下士】苟在朝者无谓我老耄而舍我必恭恪于朝夕以交戒我在舆有旅賁【奔】之规【周礼旅賁氏掌执戈盾夹车而趋车止则持轮】位宁有官师之典倚几有诵训之谏【真氏曰诵训主诵书之官】居寝有【薛】御之箴【真氏曰御谓近习也】临事有瞽史之道【真氏曰瞽史知大道者】宴居有师工之诵【真氏曰师工乐官】史不失书蒙不失诵以训御之于是作懿戒以自儆及其没也谓之睿圣武公【真氏曰自卿以下无一人不使任箴规之职自在与以下无一处不欲闻箴规之言犹且作抑诗使人诵之不离其侧如是而意不诚心不正者未之有也】韦昭曰懿读为抑即此篇也【左史所云箴谏之词或即谓此诗耳】董氏曰侯包言武公行年九十有五犹使人日诵是诗而不离于其侧然则序说为刺厉王者误矣【辅氏曰卫武公可谓老而好学不厌者也其所以至于睿圣者盖本于此一诗之中曲折次第唯笃志力行者当自知之未死之前誓当以此自警也胡庭芳曰抑诗国语之说既明賁之初筵韩诗作饮酒悔过皆为有据矣但不知二雅王者事也何武公二诗独得入二雅乎愚按周之诸侯唯卫武公于国风二雅皆有诗淇奥则见公之可美賁筵及此则见公之所修固可以为圣贤之徒矣风有淇奥无可疑也賁筵抑诗所以得入二雅者岂公作此二诗在于为王朝卿士之日而二诗之体制音节又有合于大小雅乎然而二诗但得列于变雅则与先王雅乐亦自无相乱矣】

序卫武公刺厉王亦以自警也

此诗之序有得有失盖其本例以为非美非刺则诗无所为而作又见此诗之次适出于宣王之前故直以为刺厉王之诗又以楚语有左史之言故又以为亦以自警以诗考之则其曰刺厉王者失之而曰自警者得之也【若谓刺王亦以自警不应一诗既刺人又有自警之理】夫曰刺厉王之所以为失者史记卫武公即位于宣王之三十六年不与厉王同时一也【严氏曰今考年表武公以宣王十六年即位诗记谓其齿四十余是也防以为三十六年恐误】诗以小子目其君而尔汝之无人臣之礼与其所谓敬威仪谨出话者自相背戾二也厉王无道贪虐为甚诗不以此箴其膏肓而徒以威仪词令为淳切之戒缓急失宜三也诗词倨慢虽仁厚之君有所不能容者厉王之暴何以堪之四也或以史记之年不合而以为追刺者则诗所谓聴用我谋庶无大悔非所以望于既往之人五也曰自警之所以为得者国语左史之言一也诗曰谨尔侯度二也又曰丧厥国三也又曰亦聿既耄四也诗意所指与淇奥所美賁筵所悔相表里五也【以为武公自警之诗则意味甚长国语云武公九十余歳作此诗其间亦聿既耄可以为据又如谨尔侯度则是侯国之度曰丧厥国亦是诸侯自谓无疑盖武公作此诗使人日夕讽诵以警已耳所以有小子告尔之类皆是箴戒作文之体自指耳后汉侯包亦

有此说】二说之得失其佐验明白如此必去其失而取其得然后此诗之义明今序者乃欲合而一之则其失者固已失之而其得者亦未足为全得也然此犹自其诗之外而言之也若但即其诗之本文而各以其一说反覆读之则其训义之显晦疎密意味之厚薄浅深可以不待考证而判然于胷中矣此又读诗之简要直诀学者不可以不知也

菀【音鬱】彼桑柔【与刘忧叶篇内多放此】其下侯甸掇【力活反】采其刘瘼【音莫】此下民不殄心忧仓【初亮反】兄【与况同】填【旧说古尘字】兮倬彼昊天【叶铁因反】宁不我矜

比也菀茂甸徧刘残殄絶也仓兄与怆【创】况【况】同悲闵之意也填未详旧说与陈尘同盖言久也或疑与瘼【音顛】字同为病之义但召旻篇内二字并出又恐未然今姑阙之【胡庭芳曰填满也积也仓兄填兮言悲闵积满于中之意】倬明貌旧说此为芮伯刺厉王而作春秋传亦曰芮良夫之诗则其说是也【孔氏曰芮伯周同姓国杜预云芮国在冯翊临晋县则在西都之畿内也左传引大风有隧以为芮良夫之诗】以桑为比者桑之为物其叶最盛然及其采之也一朝而尽无黄落之渐故取以比周之盛时如叶之茂其陰无所不徧至于厉王肆行暴虐以败其成业王室忽焉凋弊如桑之既采民失其防而受其病故君子忧之不絶于心悲闵之甚而至于病遂号天而诉之也【愚按呼天者亦无所归咎之意也后章言天之意皆然】四牡騤騤旃旌有翩【叶批宾反】乱生不夷靡国不泯【叶弥邻反】

民靡有黎具祸以烬【叶咨辛反】于【音乌】乎【音呼】有哀【叶音依】国步斯频

赋也夷平泯灭黎黑也谓黑首也【王介甫曰周曰黎民秦曰黔首黎则黔首之谓也民靡有黎则是黔首靡有子遗也】具俱也烬灰烬也步犹运也频急蹙也厉王之乱天下征役不息故其民见其车马旌旗而厌苦之【辅氏曰王者岂能无所征役但出于不得已则民将悦而从之以忘其劳今也使人见其车马旌旗而厌苦若是则民不可得而用矣乱生不夷乱日生而无平定之期也无国不灭无民不烬则甚言之耳君子之哀则哀其国家运祚之急蹙也】自此至第四章皆征役者之怨辞也【愚按皆芮伯述怨者之词也】

国步蔑资天不我将【叶子两反】靡所止疑【鱼乞反叶如字】云徂何

往君子实维秉心无竞【叶其两反】谁生厉阶【叶居奚反】至今为梗【古杏反叶古党反】

赋也蔑灭资咨将养也疑读如仪礼疑立之疑定也【士昏礼注曰疑立正立自定之貌】徂亦往也竞争厉怨梗病也【钱氏曰梗水上浮木壅水者断梗也】言国将危亡天不我养居无所定徂无所往【李迂仲曰无所逃于天地之间矣】然非君子之有争心也谁实为此祸阶使至今为病乎盖曰祸有根原其所从来也遠矣【辅氏曰居无所定则无以自安也徂无所往则无以避患也凡为君子则其心自无所争耳然不知谁实为此厉阶而使至今为病乎此则指厉王言之也其辞婉矣】

忧心慙慙念我土宇我生不辰逢天憯【都但反】怒【叶暖五反】

自西徂东【叶音丁】靡所定处多我覯瘠【武巾反】孔棘我圉赋也土乡宇居辰时憯厚覯见瘠病棘急圉边也或曰御也【郑氏曰御寇之事也】多矣我之见病也急矣我之在边也【郑氏曰此士卒厌苦自伤之言吕东莱曰一章至四章皆极言其乱也辅氏曰土宇谓乡甲与室家也周在西故曰自西徂东前三章虽皆是征役者怨辞然二章则言乱生不已而要其祸乱之终三章则言行止无定而原其祸乱之始四章则言多矣我之见病也急矣我之在边也情益切而辞益哀矣】为谋为毖【叶音必】乱况斯削告尔忧恤诲尔序爵谁能

执热逝不以濯其何能淑载胥及溺【叶奴学反】

赋也毖慎况滋也【孔氏曰况训赐也赐人之物则益滋多故况为滋也】序爵辨别贤否之道也【李迂仲曰爵自有序上贤则加以上爵中贤则次之下贤则又次之若小加大淫破义则失其序矣曹氏曰外之公侯伯子男内之公卿大夫士皆爵也】执热手持热物也【逝语词也】苏氏曰王岂不谋且慎哉然而不得其道适所以长乱而自削耳故告之以其所当忧而诲之以序爵且曰谁能执热而不濯者贤者之能已乱犹濯之能解热耳不然则其何能善哉相与入于陷溺而已【郑氏曰我语汝以天下之忧教汝以次序贤能之爵其为之当如手执热物之用濯谓治国之道当用贤者】

如彼遯风【叶孚音反】亦孔之僇【音爱】民有肃心莽【普耕反】云不

逮好【呼报反】是稼穡力民代食稼穡维寔代食维好赋也遯乡【向】僇咈【庵入声】肃进莽使也苏氏曰君子视厉王之乱闷然如遯风之人咈而不能息【孔氏曰风咈人气故不能喘息】虽有欲进之心皆使之曰世乱矣非吾所能及也于是退而稼穡尽其筋力与民同事以代禄食而已当是时也仕进之忧甚于稼穡之劳故曰稼穡维寔代食维好言虽劳而无患也

天降丧【息浪反】乱灭我立王降此蠹贼稼穡卒痒【音羊】哀

恫【音通】中国具赘【之芮反】卒荒靡有旅方以念穹苍

赋也恫痛具俱也赘属【烛】也言危也春秋传曰君若缀旒然与此赘同【公羊传襄公十六年防于溴梁大夫盟君若赘旒然注旒旗旒赘系属之辞溴音扁入声】卒尽荒虚旅与膂同穹苍天也穹言其形苍言其色言天降丧乱固已灭我所立之王矣又降此蠹贼则我之稼穡又病而不得以代食矣哀此中国皆危尽荒是以危困之极无力以念天祸也此诗之作不知的在何时其言灭我立王则疑在共和之后也【李迂仲曰大子静匿召穆公家国人闻之召公乃以其子代大子大子卒得脱穆公乃与周公行政谓之共和共和十四年厉王死于彘乃立大子静是为宣王愚按此诗果作于共和之时则厉王尚在故诗人得以追叙其事而刺之也】

维此惠君民人所瞻【叶侧姜反】秉心宣犹考慎其相【息亮反叶】

【平声】维彼不顺自独俾臧自有肺肠俾民卒狂

赋也惠顺也顺于义理也宣徧犹谋相辅狂惑也言彼顺理之君所以为民所尊仰者以其能秉持其心周徧谋度考择其辅相必众以为贤而后用之彼不顺理之君则自以为善而不考众谋自有私见而不通众志所以使民惑至于狂乱也

瞻彼中林𧄢𧄢【所中反】其鹿朋友已𧄢【子念反叶子林反】不胥

以谷人亦有言进退维谷

兴也𧄢𧄢众多并行之貌𧄢不信也胥相谷善谷穷也言朋友相𧄢不能相善曾鹿之不如也【曹氏曰不如鹿性善羣得食则相呼而共之虑患则环居以御之也】言上无明君下有恶俗是以进退皆穷也【吕东莱曰此言君暗于上俗毁于下自伤处斯世之难也】

维此圣人瞻言百里维彼愚人覆狂以喜匪言不能

胡斯畏忌【叶臣已反】

赋也圣人炳于几先所视而言者无逖而不察愚人不知祸之将至而反狂以喜今用事者盖如此我非不能言也如此畏忌何哉言王暴虐人不敢谏也【吕东莱曰言朝皆小人安其危而利其菑欲谏而不敢也严氏曰厉王得卫巫使监谤者以告则杀之国人莫敢言道路以目王喜告召公曰吾能弭谤矣召公曰是障之也防民之口甚于防川川壅而溃伤人必多民亦如之是故为川者决之使道为民者宣之使言故天子聽政使公卿至于列士献诗瞽献曲史献书师箴瞽赋蒙诵百工谏庶人传语近臣尽规亲戚补察瞽史教诲耆艾修之而后王斟酌焉是以事行而不悖王不聽于是国人莫敢出言】

维此良人弗求弗迪【叶徒沃反】维彼忍心是顾是复【房六反】

民之贪乱宁为荼毒

赋也迪进也忍残忍也顾念复重也荼苦菜也味苦气辛能杀物故谓之荼毒也言不求善人而进用之其所顾念重复而不已者乃忍心不仁之人民不堪命所以肆行贪乱而安为荼毒也【吕东莱曰言王弃君子而厚小人民不堪命而王不知也辅氏曰上章之圣人愚人乃泛言之以刺厉王耳此章之良人忍心则指当时士大夫言也】

大风有隧【音遂】有空大谷维此良人作为式谷维彼不

顺征以中垢【古口反叶居六反】

兴也隧道式用谷善也征以中垢未详其义或曰征行也中隐暗也垢污秽也 大风之行有隧盖多出于空谷之中以兴下文君子小人所行亦各有道也【辅氏曰此章以风之行有道以兴君子小人之所行亦各有道也作起也良人则起而为者皆用善道不顺则违道悖理之人也其所行者唯以隐暗污秽而已大抵君子之所为必光明小人之所为必隐暗君子之所行必高洁小人之所行必污秽光明高洁即所谓善道也】

大风有隧贪人败类听言则对诵言如醉匪用其良

覆俾我悖【叶蒲寐反】

兴也败类犹圯【痞】族也【蔡九峯曰圯败族类也言与众不和伤人害物也】王使贪人为政我以其或能听我之言而对之然亦知其不能听也故诵言而中心如醉由王不用善人而反使我至此悖眊也【辅氏曰上章以上两句兴下四句此章则以上一句兴下一句耳大风则有隧矣贪人则败类矣听言则对四句集传以为一串说都载在下句我字上】厉王说荣夷公芮良夫曰王室其将卑乎夫荣公好专利而不备大难夫利百物之所生也天地之所载也而或专之其害多矣此诗所谓贪人其荣公也与芮伯之忧非一日矣

嗟尔朋友予岂不知而作如彼飞虫时亦弋获【叶胡郭反】

既之阴【叶于鹄反】女【音汝】反予来赫【叶黑各反】

赋也如彼飞虫时亦弋获言己之言或亦有中犹曰千虑而一得也之往阴覆也赫威怒之貌我以言告女是往阴覆于女女反来加赫然之怒于己也张子曰既往密告于女反谓我来恐动也亦通【愚按释文阴或音如字赫本亦作吓音瑕庄子云以梁国吓我是也张子之说盖用释文二字之意】

民之罔极职凉善背【叶必墨反】为民不利如云不克民之

回遘职竞用力

赋也职专也凉义未详传曰凉薄也郑读作谅信也疑郑说为得之善背工为反覆也克胜也回遘邪僻也言民之所以贪乱而不知所止者专由此人名为直谅而实善背又为民所不利之事如恐不胜而力为之也又言民之所以邪僻者亦由此辈专竞用力而然也反覆其言所以深恶之也

民之未戾职盗为寇凉曰不可覆背善詈【力智反】虽曰

匪予既作尔歌【叶韵未详】

赋也戾定也民之未定者由有盗臣为之寇也盖其信也亦以小人为不可矣及其反背也则又工为恶言以詈君子是其色厉内荏真可谓穿窬之盗矣然其人又自文饰以为此非我言也则我已作尔歌矣言得其情且事已着明不可揜覆也【严氏曰上章凉言刻薄竟言强御盗言贪黷三者皆小人当时必有所指由此三人致乱故皆以职言之民之乱无穷极者主由此刻薄之人善为欺背之事也彼为民所不利之事如恐不胜也民之所以邪僻者主由此强御之人用力为虐也民之所以未定者主由此盗臣为寇攘之行也羣小不和自相訾毁其凉者见盗者贪黷已甚亦言其不可而覆背以詈之矣谓其党亦自知其非也凉背盗而詈之故上章言职凉善背也胡庭芳曰此二章言凉臣竟臣盗臣凡所以为民害者大约是尔三等之臣为之也今尔三臣者虽自曰匪予则我盖已知之而既作尔歌以述其事矣言得其情而不可揜覆也章末二句盖是总结此二章所论三等之臣也】桑柔十六章八章章八句八章章六句【王晦叔曰风雅未有如此诗十六章者其言反覆不已而有伦次大意在于刺王用小人一章言其无以庇民二章言其征伐不息三四章皆言其乱离五章告以救乱六章言仕于朝则有祸七章言退处田野亦不能安存八章刺其独用小人九章并刺在位之不善十十一章以圣愚善恶相对言之所以刺愚人不能远虑忍人不可信用也十二章言民之不善十三章言王之不善皆由在位之不贤也十四章至十六章则皆规讽其僚友之词也】

序芮伯刺厉王也

序与春秋传合【愚按序者之意恐亦据春秋传而言也】

倬彼云汉昭回于天【叶铁因反】王曰于【音乌】乎【音呼】何辜今之人天降丧【息浪反】乱饥馑荐【在甸反】臻靡神不举靡爱斯牲【叶桑经反】圭璧既卒宁莫我聴【吐丁反】

赋也云汉天河也昭光回转也言其光随天而转也【曹氏曰汉在天似云非云故曰云汉也汉者水之祥而雨者水之施也天将雨其兆先见于汉故闵雨则望云汉而占之也天汉起于东方经尾箕之间是为汉津委蛇向西南行至七星南而没此其回旋之度也】荐荐通重也臻至也靡神不举所谓国有凶荒则索鬼神而祭之也【孔氏曰求废祀而修之也】圭璧礼神之玉也【孔氏曰春官大宗伯以苍璧礼天黄琮礼地以青圭礼东方赤璋礼南方白琥礼西方璜礼北方典瑞云四圭有邸以祀天两圭有邸以祀地裸圭有瓚以祀先王圭璧以祀日月星辰璋邸射以祀山川皆祭神所用言圭璧总称】卒尽宁犹何也旧说以为宣王承厉王之烈【烈暴虐也】内有拨乱之志遇裁而惧侧身修行欲销去之天下喜于王化复行百姓见忧【孔氏曰侧者反侧也忧不自安故处身反侧也王之忧旱正为百姓是天下百姓见被忧矜百姓见忧见忧恤于王也】故仍叔作此诗以美之【孔氏曰仍氏叔字春秋桓公五年天王使仍叔之子来聘上距宣王之崩七十余年至其初则百余也春秋之世晋知氏世称伯赵氏世称孟仍氏或亦世称】言云汉者夜晴则天河明故述王仰诉于天之词如此也【曹氏曰云汉昭回则其非雨之候可知矣王介甫曰瞻仰昊天不见雨候于是叹伤人之无辜

而遇此丧乱饥馑也谢叠山曰桑柔以稼穡卒痒为天降丧乱云汉以饥馑荐臻为天降丧乱王以民为天民以食为天民无食皆可言天降丧乱也古人之重民食如此】

旱既大【音泰】甚蕴隆虫虫不殄禋祀自郊徂宫上下奠

瘞靡神不宗后稷不克上帝不临【叶力中反】耗斁【丁故反】下土宁丁我躬

赋也蕴蓄隆盛也虫虫热气也【曹氏曰蕴者阳气之蓄积也隆者阳气之骄亢也虫虫者鬱积骄亢之气熏炙而病人者也濮氏曰虫与爇同旱热熏人】殄絶也郊祀天地也宫宗庙也上祭天下祭地奠其礼瘞其物【王介甫曰天神地示人鬼内外上下无不禋祀矣孔氏曰奠谓置之于地瘞谓埋之于地礼与物皆谓礼神之物酒食牲玉之属也天言奠其礼地言瘞其物互以相通濮氏曰祭毕凡币帛祝册之属燎而瘞之】宗尊也【刘氏曰前曰靡神不举则秩而祭之后曰靡神不宗则尊而事之】克胜也言后稷欲救此旱灾而不能胜也临享也稷以亲言帝以尊言也【曹氏曰宫之神莫亲于后稷固肯临我而其力不足以胜旱灾郊之神莫尊于上帝其力能胜旱灾而不肯临我辅氏曰先郊后宫先尊而后亲也上下先天而后地也靡神不宗徧举所祭之鬼神也前言举其礼此言宗极其尊也后稷不克上帝不临先亲而后尊也不言地及他鬼神者举尊亲以该之也】斁败丁当也何以当我之身而有是灾也或曰与其耗斁下土宁使灾害当我身也亦通

旱既大甚则不可推【吐雷反】兢兢业业如霆如雷周余

黎民靡有孑遗【叶夷回反下同】昊天上帝则不我遗胡不相畏先祖于摧【在雷反】

赋也推去也兢兢恐也业业危也如霆如雷言畏之甚也子无右臂貌遗余也【子独立之貌遗脱也】言大乱之后周之余民无复有半身之遗者【孟子曰说诗者不以文害辞不以辞害志以意逆志是为得之如以辞而已矣云汉之诗曰周余黎民靡有孑遗信斯言也是周无遗民也集注曰若但以其辞而已则如云汉之言是周之民真无遗种矣惟以意逆志则知作诗者之志在于忧旱而非真无遗民也】而上天又降旱灾使我亦不见遗也摧灭也言先祖之祀将自此而灭也

旱既大甚则不可沮【在吕反】赫赫炎炎云我无所大命

近止靡瞻靡顾【叶果五反】羣公先正则不我助【叶牀所反】父母先祖胡宁忍予【叶演女反】

赋也沮止也赫赫旱气也炎炎热气也无所无所容也大命近止死将至也瞻仰顾望也羣公先正月令所谓雩祀百辟卿士之有益于民者以祈谷实者也【孔氏曰正者长也先世为官之长月令注云百辟卿士古之上公以下勾龙后稷之类也】于羣公先正但言其不见助至父母先祖则以恩望之矣所谓垂涕泣而道之也【愚按忍之一辞可见望之以恩之意】

旱既大甚淅淅【徒歷反】山川【叶枢伦反】旱魃【蒲末反】为虐如惓

【音谈】如焚【叶符匀反】我心惓惓忧心如熏羣公先正则不我闻【叶微匀反】昊天上帝宁俾我遯【叶徒匀反】

赋也淅淅言山无木川无水如淅而除之也魃旱神也【孔氏曰神异经云南方有人长二三尺袒身而目在顶上走行如风名魃所见之国大旱一名旱母盖是鬼魅之物】惓惓之也惓劳也畏也熏灼遯逃也言天又不肯使我得逃遯而去也

旱既大甚龟勉畏去胡宁瘖【都田反】我以旱僇【七感反】不

知其故祈年孔夙方社不莫【音慕】昊天上帝则不我虞【叶元具反】敬恭明神宜无悔怒

赋也龟勉畏去出无所之也瘖病僇曾也祈年孟春祈谷于上帝孟冬祈来年于天宗是也方祭四方也社祭土神也【曹氏曰月令祈谷注云谓以上辛郊祀天也天宗注云谓日月星辰也夫自去歲之孟冬已祈今歲之丰稔可谓夙矣谢叠山曰古之圣王无一日不为民虑稼之方纳预祈来年于天宗农之始耕先祈谷于上帝春祈社稷已愿百谷之坚实秋报社稷又愿嗣歲之丰登所谓孔夙不莫也】虞度悔恨也言天曾不度我之心如我之敬事明神宜可以无恨怒也【辅氏曰言欲去则出无所之故复龟勉而不敢去也苏氏以畏为不敢甚当胡宁瘖我以旱僇不知其故祈年则孔夙方社则不莫皆自反之辞也我虽自反如此而天则不我虞度也然我之敬恭明神不敢少怠则明神宜亦无所恨怒也】

旱既大甚散无友纪鞠【居六反】哉庶正疚哉豕宰【叶獎里反】

趣【七口反】马师氏膳夫左右【叶羽已反】靡人不周无不能止瞻卬【音仰】昊天云如何里

赋也友纪犹言纲纪也【孔氏曰散无友纪者由困于饥不能如常相纪故谓之散】或曰友疑作有鞠穷也庶正众官之长也疚病也豕宰又众长之长也趣马掌马之官师氏掌以兵守王门者膳夫掌食之官也歲凶年谷不登【孔氏曰四时一终曰歲取歲星行一次也年取谷一熟也歲凶谓此歲凶也年谷不登于此年之谷不成熟也故言歲凶为之目】则趣马不秣【孔氏曰不以粟秣养其马】师氏弛其兵【孔氏曰弛废其兵不用】驰道不除【秦汉谓天子所行之道为驰道孔氏曰所驱驰之大道不使人除治之】祭事不县【悬孔氏曰祭祀不县其乐】膳夫彻膳【孔氏曰减彻王之膳食】左右布而不修【孔氏曰左右之宫布列于位不令有所修造】大夫不食粱士饮酒不乐【孔氏曰凡此皆当先有成文故毛传引以明凶年之礼郑氏曰以上皆自为贬损忧民也】周救也无不能止言诸臣无有一人不周救百姓者无有自言不能而遂止不为也里忧也【吕东莱曰释文云里本作防尔雅作悝释诂云悝忧也】与汉书无悝之悝同聊赖之意也【辅氏曰瞻卬昊天云如何里盖又呼天而诉

之言其如我之忧何也此亦人穷则反本之意愚按孟子稽大不理于口集注训赖亦引季布传无俚之俚为证然则里理俚盖通用】

瞻印昊天有嘽【呼惠反】其星大夫君子昭假【音格】无羸【音盈】

大命近止无弃尔成何求为【于伪反】我以戾庶正【叶诸盈反】瞻仰昊天曷惠其宁

赋也嘽明貌昭明假至也久旱而仰天以望雨则有嘽然之明星未有雨征也然羣臣竭其精诚而助王以昭假于天者已无余矣虽今死亡将近而不可以弃其前功当益求所以昭假者而修之固非求为我之一身而已乃所以定众正也【苏氏口未有民不宁而庶官定者也】于是语终又仰天而诉之曰果何时而惠我以安宁乎张子曰不敢斥言雨者畏惧之甚且不敢必云尔云汉八章章十句【段氏曰李氏云宣王之早告于上天又告于父母先祖又告于百官以见情之切念之深也李迂仲曰春秋传宋大水公子御説对鲁数语耳而臧孙逵曰是宜为君有恤民之心宣王之忧民如此而不中兴乎吕东莱曰宣王小雅始于六月言其功也大雅始于云汉言其心也无是心安有是功哉】

序仍叔美宣王也宣王承厉王之烈内有拨乱之志遇哉而惧侧身修行欲销去之天下喜于王化复行百姓见忧故作是诗也

此序有理

崧【息中反】高维岳骏【音峻】极于天【叶铁因反】维岳降神生甫及申维申及甫维周之翰【叶胡干反】四国于蕃【叶分遭反】四方于宣赋也山大而高曰崧岳山之尊者东岱南霍西华北恒是也【李迂仲曰凡大而高者皆曰崧尔雅注曰岱宗泰山也霍即天柱山潜水所出华阴山恒常山也】骏大也甫甫侯也即穆王时作吕刑者【孔氏曰孔安国云吕侯后为甫侯故诗及礼记作甫尚书与外传作吕林氏曰吕与甫犹荆与楚商与殷】或曰此是宣王时人而作吕刑者之子孙也【吕东莱曰甫申意者皆宣王时贤诸侯同有功于王室者甫虽不见于经以文意考之盖当如此郑氏乃遽取甫侯殆非也】申申伯也皆姜姓之国也【李迂仲曰申侯爵以其为方伯故谓之申伯南阳有申城申伯国也甫侯未知其国所在】翰干蕃蔽也宣王之舅申伯出封于谢而尹吉甫作诗以送之言岳山高大而降其神灵和气以生甫侯申伯实为周之桢干屏蔽而宣

其德泽于天下也【孔氏曰此诗送申伯而及甫侯者美其上世俱出四岳故连言之】盖申伯之先神农之后为唐虞四岳总领方岳诸侯而奉岳神之祭能修其职岳神享之故此诗推本申伯之所以生以为岳降神而为之也【黄竇夫曰维岳降神乃诗人形容之辞以见上天兴周之意不必泥其有无也胡庭芳曰范氏云申甫指仲山甫申伯也说者泥四岳之说以为神祐其子孙遂以甫为甫侯申为申伯夫遽取穆王之臣以配申伯已不可信而谓神専佑掌祀者之子孙抑又近诬诗人盖于申伯言国山甫言字安用遽取甫侯哉且崧高以申甫为岳之降神烝民以山甫为天之所生其义既同而维申及甫维周之翰其事亦同也彭氏曰孔子

闲居注曰周道将兴崧岳为之生贤佐仲山甫申伯严氏曰郑氏注礼记以甫为山甫而笺诗乃以为甫侯自为异义且申伯光辅中兴而遽取周道始衰之甫侯以匹之非所以褒扬申伯也】

亹亹申伯王纘【祖管反】之事于邑于谢南国是式【叶失吏反】

王命召伯【叶逋莫反】定申伯之宅【叶达各反】登是南邦【叶卜工反】世执其功

赋也亹亹强勉之貌【与亹亹文王者异矣】纘继也使之继其先世之事也【辅氏曰申伯之亹亹乃大禹孜孜之心也唯其有是心故王使之纘其先世之事】邑国都之处也谢在今邓州南阳县周之南土也【曹氏曰后汉地理志南阳宛县有申伯国棘阳县东北百里有谢城其地盖相近申伯先封于申宣王使绍封于谢也愚按宋南阳县属邓州今改属南阳府隸河南省】式使诸侯以为法也【孔氏曰申伯之贤当使南国法之】召伯召穆公虎也登成也世执其功言使申伯后世常守其功也【彭氏曰申伯之先已为诸侯故王使继其事而邑于谢式于南邦此加地进律之赏也故曰登是南邦盖言升之南邦使为牧伯之任而世执其功子子孙孙与国咸休也】或曰大封之礼召公之世职也【孔氏曰王肃云召公为司空主缮治营筑城郭召伯所主其事也严氏曰次章述封谢也愚按如或说则此章前四句述王褒封申伯之事后四句述王命穆公为申伯定邑居常守康公之职也】

王命申伯式是南邦【叶卜功反】因是谢人以作尔庸王命

召伯彻申伯土田【叶地因反】王命傅御迁其私人

赋也庸城也言因谢邑之人而为国也【释文曰庸亦作墉】郑氏曰庸功也为国以起其功也彻定其经界正其赋税也【钱氏曰厉王后彻法渐壤故使召伯正之谢叠山曰由汉以来功臣赐田地者多矣未闻天子命元勳重德董其事者定申伯宅彻申伯土田皆曰王命召伯盖申伯必有非常之功为天下所敬仰者惜乎经史皆不载也】傅御申伯家臣之长也私人家人迁使就国也【辅氏曰庸恐只是言城定居宅作城郭彻土田王皆使召伯先营之居宅定然后筑城郭城郭立然后彻土田观下章有俶其城则城亦召伯为之也王命傅御迁其私人者申伯为卿大夫时盖必有家臣今出封于谢不敢自与之往也故王命其家臣之长使迁之】汉明帝送侯印与东平王苍诸子而以手诏赐其国中傅盖古制如此【苍来朝归帝乃遣使手诏赐东平国中傅曰云云今送列侯印十九枚诸王子年五歲以上能趋拜者皆令带之】

申伯之功召伯是营有俶【尺叔反】其城寝庙既成既成

藐藐王锡申伯【叶逋各反】四牡騤騤【渠略反】钩膺濯濯

赋也俶始作也藐藐深貌騤騤壮貌濯濯光明貌【曹氏曰凡营国宗庙为先故言寝庙既成

也】

王遣申伯路车乘【绳证反】马【叶满补反】我图尔居莫如南土

锡尔介圭以作尔宝【叶音补】往近【郑音记按说文从辵从斤今從斤误】王舅南土是保【叶音补】

赋也介圭诸侯之封圭也【吕东莱曰韩奕云以其介圭入觐于王则是诸侯之瑞圭介之为言大也非周官之介圭也】近辞也【读如彼己之子之己愚按玉篇注近行也严氏曰五章述遣之也辅氏曰此章言王遣申伯之有礼也路车乘马所以终上章之意我图尔居莫如南土非苟封之谢也锡尔介圭以作尔宝非苟与之圭也往近王舅南土是保欲其保障此南土也】申伯信迈王饯【浅贱反】于郾【芒悲反】申伯还南谢于诚归

王命召伯彻申伯土疆以峙【直里反】其糗【音张】式遄【市專反】其行【叶户郎反】

赋也郾在今凤翔府郾县【愚按郾县今属安西路 陕西省】在镐京之西岐周之东而申在镐京之东南时王在岐周故饯于郾也【孔氏曰自镐适申则涂不经郾时宣王盖省视岐周故饯之于郾既饯还经于镐而后适申也】言信迈诚归以见王之数留疑于行之不果故也【孔氏曰谢于诚归古人语多倒】峙积糗粮遄速也召伯之营谢也则已敛其税赋积其糗粮使庠市有止宿之委【去声】积【恣】故能使申伯无留行也【吕东莱曰是诗载封申伯如迁其私人以峙其糗莫不曲尽宣王之待元舅其恩意周浹综理微密如此严氏曰六章述申伯往谢也辅氏曰此章言王饯申伯之诚意也王先使召伯为之定居宅作城郭以成其国彻土田迁私人以分其业终又敛赋税积糗粮而后申伯之行无道路留滞之虞于是以礼饯之则王之待申伯者可谓至矣】

申伯番番【音波叶分遄反】既入于谢徒御咺咺【吐丹反】周邦咸

喜戎有良翰【叶胡干反】不显申伯王之元舅文武是宪【叶虚言反】赋也番番武勇貌咺咺众盛也戎女也申伯既入于谢周人皆以为喜而相谓曰汝今有良翰矣元长宪法也言文武之士皆以申伯为法也或曰申伯能以文王武王为法也【辅氏曰不显申伯言申伯之甚显也亲则为王之元舅贤则为文武之士之法则始言番番但见其武故终则并文言之胡庭芳曰苏氏云言其文武皆足法也然则文武是宪有三义也愚按如上三说皆通但以前章南国是式式是南邦之语证之则集传第一说为胜而苏氏之意亦在其中矣曾氏曰此章所谓文武后章所谓柔惠且直辞异而实同皆美其全德耳严氏曰七章述申伯至谢此方送行而豫道其事也】

申伯之德柔惠且直揉【汝又反】此万邦闻【音问】于四国【叶于】

【逼反】吉甫作诵其诗孔硕其风肆好以赠申伯

赋也揉治也吉甫尹吉甫周之卿士【孔氏曰吉甫之先尝为尹官因氏焉】诵工师所诵之词也【孔氏曰诗者工师乐人诵之以为乐曲】硕大风声肆遂也【谢叠山曰此雅也正言其事形容宣王眷遇申伯之意有风人之体故曰风辅氏曰柔惠柔德之善也直刚德之善也其德刚柔相济文武兼资故能治万邦而名闻着于四方之侯国此尹吉甫之诗所以不容不作也】

嵩高八章章八句【严氏曰此诗多申复之词既曰王命召伯定申伯之宅又曰申伯之功召伯是营既曰南国是式又曰式是南邦既曰于邑于谢又曰因是谢人既曰王命召伯彻申伯土田又曰王命召伯彻申伯土疆既曰谢于诚归又曰既入于谢既曰登是南邦又曰南土是保既曰四牡蹻蹻钩膺濯濯又曰路车乘马每事申言之寓丁宁郑重之意自是一体难以一一穿凿分别也问崧高烝民二诗皆是遣大臣出为诸侯筑城曰此也不得晓封诸侯固是大事看黍苗诗当初召伯带领许多车徒人马去也是劳攘胡庭芳曰崧高与黍苗相表里黍苗不过述召伯营谢之功崧高则尹吉甫送申伯虽美申伯多述王命故雅有大小之不同也】

序尹吉甫美宣王也天下复平能建国亲诸侯褒赏申伯焉

此尹吉甫送申伯之诗因可以见宣王中兴之业耳非专为美宣王而作也下三篇放此

天生蒸民有物有则民之秉彝【音夷】好【呼报反】是懿德天监有周昭假【音格】于下【叶后五反】保兹天子生仲山甫

赋也烝众则法秉执彝常懿美监视昭明假至保佑也仲山甫樊侯之字也【孔氏曰周语称樊仲山甫谏宣王是山甫为樊国之君也樊邑在东都畿内】宣王命樊侯仲山甫筑城于齐而尹吉甫作诗以送之言天生众民有是物必有是则盖自百骸九窍五藏而达之君臣父子夫妇长防朋友无非物也而莫不有法焉如视之明听之聪貌之恭言之顺君臣有义父子有亲之类是也是乃民所执之常性故其情无不好此美德者【天之生此物必有个当然之则故民执之以为常道所以无不好此懿德者物物有则止于仁君之则也止于敬臣之则也视远惟明目之则也听德惟聪耳之则也从作义言之则也恭作肃貌之则也四肢百骸万物万事莫不各有当然之则真氏曰盈天地之间莫非物也人亦物也事亦物也有是物则具此理是所谓则也则者准则之谓一定而不可易也彝而言东者浑然一理具于吾心不可移夺若秉执然为其有此故于美德无不知好之者仁义忠孝所谓美德也人无贤愚莫不好之也】而况天之监视有周能以昭明之德感格于下故保佑之而为之生此贤佐曰仲山甫焉【辅氏曰天佑人君莫先于生贤佐莫切于生贤子孙】则所以钟其秀气而全其美德者又非特如凡民而已也【严氏曰民皆秉此常性故皆好此懿德于均稟同赋之中而有贤者独钟气之粹焉是以关于国家盛衰之数而非偶然也】昔孔子读诗至此而赞之曰为此诗者其知道乎故有物必有则民之秉彝也故好是懿德而孟子引之以证性善之说其指深矣读者其致思焉【张南轩曰天命所赋谓之则人性所稟谓之彝存于心而有所得者谓之德其实一

而已矣孔子又加一必字于有则之上加一故字于好是之上其防愈明矣孟子举此诗盖谓秉彝好德心之所好处即是性之发动处就性初发动处指出以示人方见得此性之本善杨氏曰孟子所引诗于其本文加四字而已而诗语自分明今之说诗者殊不知此辅氏曰首四句尹吉甫亦是平说将下来而包涵至大义味渊永使孔子读之而赞其知道而孟子又引以为性善之证其防深矣所谓有德者之言也宣王之臣有尹吉甫之学问文章以宣扬道达上下之情有仲山甫之才德功业以辅赞弥缝宣劳内外则其致中兴也宜哉陈寿翁曰天之生人气以成形理亦赋焉气之成形者物也理之成性者则也自性之确然有定者言之谓之则自性之秩然有常者言之谓之彝自其行道而得此性理于心者言之谓之德好以情言也惟其有此则是以秉此彝惟其性秉此彝是以情好此德情之所发好善如此则性之本善可知矣此言赋受性情至精至微之理三百篇第一义也】

仲山甫之德柔嘉维则令仪令色小心翼翼古训是

式威仪是力天子是若明命使赋【叶韵若赋未详】

赋也嘉美令善也仪威仪也色颜色也翼翼恭敬貌古训先王之遗典也式法力勉若顺赋布也东莱吕氏曰柔嘉维则不过其则也过其则斯为弱不得谓之柔嘉矣令仪令色小心翼翼言其表里柔嘉也古训是式威仪是力言其学问进修也天子是若明命使赋言其发而措之事业也此章盖备举仲山甫之德【辅氏曰令仪令色柔嘉之发于外也小心翼翼柔嘉之存于内也古训是式学问之不忘也威仪是力进修之不怠也其措之事业则上以承顺乎天子下以布宣乎王命是皆柔嘉之德致然也陈才卿问五章云柔亦不茹刚亦不吐言仲山甫之德刚柔不偏也而二章首举仲山甫之德独以柔嘉维则蔽之崧高称申伯番番终论其德亦曰柔惠且直然则入德之方其可知矣曰如此则乾卦不用得了人之资稟自有柔德胜者自有刚德胜者如范文正富郑公辈是以刚德胜如范忠宣范淳夫赵清猷苏子容辈是以柔德胜只是他却柔得好如山甫令仪令色小心翼翼却是柔但其中自有骨子不是一向柔去看文字要得言外之意若以柔嘉维则为入德之方则不可人之进德须要刚健不息】

王命仲山甫式是百辟【音壁无韵未详】纘戎祖考王躬是保

出纳王命王之喉舌赋政于外四方爰发【叶方月反】

赋也式法戎女也王躬是保所谓保其身体者也然则仲山甫盖以冢宰兼大保而大保抑其世官也与【其言式是百辟则是为宰相可知其曰保兹天子王躬是保则是为大保可知此正召康公之旧职】出承而布之也纳行而复之也【胡庭芳曰如书出纳朕命盖谨审上之命令命之善者宣出之不善者缴纳之如后世封还词头之类】喉舌所以出言也发发而应之也东莱吕氏曰仲山甫之职外则总领诸侯【黄竇夫曰天子之职论一相宰相之职统百官故一时诸侯得山甫以为之式】内则辅养君德入则典司政本出则经营四方【辅氏曰式是百辟与崧高言式是南邦同谓为诸侯之所法也此言冢宰之事纘戎祖考王躬是保此言太保之职出纳王命王之喉舌所谓典司政本也赋政于外四方爰发此言经营四方也至

于今兹筑城于齐则亦经营之一事也彭氏曰纘祖考保王躬盖欲其以孝于父祖者而忠于君出纳王命赋政于外盖使之以忠于君者而及于民胡庭芳曰出纳则居中以通达上下之情赋政则出外以经营四方之治】此章盖备举仲山甫之职

肃肃王命仲山甫将之邦国若否【音鄙】仲山甫明【叶谟郎反】

之既明且哲以保其身夙夜匪解【佳卖反】以事一人赋也肃肃严也将奉行也若顺也顺否犹臧否【鄙】也【郑氏曰犹善恶也】明谓明于理哲谓察于事保身盖顺理以守身非趋利避害而偷以全躯之谓也【只是上文肃肃王命仲山甫将之邦国若否仲山甫明之便是明哲所谓明哲者只是晓天下事理顺理而行自然灾害不及其身可以保其禄位今人以邪心读书谓明哲知几知微先去占取便宜如扬子云谓明哲煌煌旁烛无疆迹于不虞以保天命便是占便宜底说话所以他一生被这几句误然明哲保身亦足是常法若到那舍生取义处又不如此论饶氏曰明者大无不照之谓以德之大者而言也哲者微无不察之谓以德之小者而言也保身者其中庸不骄不倍足兴足容之谓乎】解怠也一人天子也【辅氏曰肃肃尊严之意王命之尊严如此山甫则奉而行之邦国则有顺有否山甫则能明而辨之此则承上章赋政于外四方爰发而言之也大凡徇外者多忘乎内而山甫又能以明哲而保其身守己者或简于人山甫又能夙夜匪解以事一人此其为全德也欤】

人亦有言柔则茹【忍与反】之刚则吐之维仲山甫柔亦

不茹刚亦不吐不侮矜【古顽反】寡【吐果五反】不畏彊御

赋也人亦有言世俗之言也茹纳也【曹氏曰茹者吞防之名若茹草茹毛然】不茹柔故不侮矜寡不吐刚故不畏彊御【孔氏曰茹柔吐刚喻见寡弱者则侵侮之强盛者则畏避之惟山甫则不然也不侮不畏既是不茹不吐既言其喻又言其实以充之】以此观之则仲山甫之柔嘉非软美之谓而其保身未尝枉道以徇人可知矣【谢氏曰柔不茹刚不吐此强之寛仁之勇柔嘉维则者也辅氏曰二章既称仲山甫之德柔嘉故此章又以其刚亦不吐不畏彊御者言之柔而不过乎则则时当刚而刚矣先王谓柔嘉非软美保身不枉道者并上章以保其身而言之也愚按周子以柔善为慈柔恶为懦弱刚恶为强梁刚善为严毅山甫不茹不侮则有柔善而无刚恶也不吐不畏则有刚善而无柔恶也有柔善而复有刚善故其柔嘉不为软美无刚恶又无柔恶故其保身不至枉道盖其刚柔合德而发皆中节也】

人亦有言德輶【羊久反】如毛民鲜【息浅反】克举之我仪图

【叶丁五反】之维仲山甫举之爱莫助【叶牀五反】之袞职有阙维仲山甫补之

赋也輶轻【刘济曰驷驥曰輶车者亦取其驰逐之轻故輶有轻之义】仪度图谋也袞职王职也天子龙袞不敢斥言王阙故曰袞职有阙也言人皆言德甚轻而易举然人莫能举也【辅氏曰德者人之固有自一身而言之随用而足故举之甚易不啻如一毛之轻只为气质物

欲为之遮蔽故懵然不知非知至意诚者莫能举也】我于是谋度其能举之者【郑氏曰我吉甫自我也】则惟仲山甫而已是以心诚爱之而恨其不能有以助之盖爱之者秉彝好德之性也而不能助者能举与否在彼而已固无待于人之助而亦非人之所能助也【黄竇夫曰助者生于有所不足今山甫能举众人不能举之德则无所不足何助之有故虽爱之而莫能助之也】至于王职有阙失亦惟仲山甫独能补之盖惟大人然后能格君心之非未有不能自举其德而能补君之阙者也【严氏曰此推尊其德足以格君也辅氏曰举在我之德补在君之德此亦非强立者不能山甫之德至是又不可独以柔称矣】

仲山甫出祖四牡业业征夫捷捷【在接反】每怀靡及【叶极】

【业反】四牡彭彭【叶铺郎反】八鸾锵锵【七羊反】王命仲山甫城彼东方

赋也祖行祭也【曹氏曰顔师古云祖者送行之祭因享饮焉昔黄帝之子累祖好远游而死于道故后人祭之以为行神其祭设輶于门外是出门而后祖祭故云出祖也】业业健貌捷疾貌【曹氏曰车徒之行如是其速而山甫每以不及事为怀盖言其忠也辅氏曰每怀靡及应四章之夙夜匪懈也】东方齐也传曰古者诸侯之居逼隘则王者迁其宅而定其居盖去薄姑而迁于临菑也孔氏曰史记齐献公元年徙薄姑都治临菑计献公当夷王之时与此传不合岂徙于夷王之时至是而始备其城郭之守欤

四牡騤騤【求龟反】八鸾喈喈【音皆叶居奚反】仲山甫徂齐式遄

其归吉甫作诵穆如清风【叶孚愔反】仲山甫永怀以慰其心赋也式遄其归不欲其久于外也穆深长也清风清微之风化养万物者也以其远行而有所怀思故以此诗慰其心焉曾氏曰赋政于外虽仲山甫之职然保王躬补王阙尤其所急城彼东方其心永怀盖有所不安者尹吉甫深知之作诵而告以遄归所以安其心也【辅氏曰人不足适政不足间惟大人为能格君心之非山甫内外之事无不总理而其轻重缓急之序则于心自有定见吉甫知之故告以遄归焉所以安其心也穆如清风者言如清微之风化养万物感而入之意味深长也】

烝民八章章八句【看烝民诗左传国语周人说底话多好处也是文武周公立学校教养得许多人如烝民诗大故细腻陈壽翁曰首章推原天生众人稟气受性之所同而仲山甫则钟气之秀而全性之德者篇内诸章多与开端之语相应柔嘉维则之则即有物有则之则仪色之令威仪之力皆所以全物中之则柔不茹刚不吐则刚柔不过其则也民之稟气受性虽同而气未必皆秀性未必皆全故德虽易举而不能举也山甫钟其秀气而全其美德是以独能举此德而异于凡民耳】

序尹吉甫美宣王也任贤使能周室中兴焉同上【陈少南曰崧高烝民二诗皆尹吉甫赠行之诗而序诗者皆以为美宣王何也盖人君委任得人而僚友之间赋诗以相娱乐则人君之美亦可见矣愚按朱子之說则以此诗为非专为美宣王而作也】

奕奕梁山维禹甸之有倬其道【下与考叶】韩侯受命王亲命之纘戎祖考【上与道叶】无废朕命夙夜匪解【音懈叶讼力反】防共尔位朕命不易榦【古旦反】不庭方以佐戎辟【音璧】

赋也奕奕大也梁山韩之镇也今在同州韩城县【愚按今陕西省安西路所治】甸治也【刘辰翁曰将言韩侯而先言禹甸赋之纘余深遽如此】倬明貌韩国名侯爵武王之后也受命盖即位除丧以士服入见天子而聽命也纘继戎汝也言王锡命之使继世而为诸侯也防敬易改也【黄寶夫曰君之于臣任之不专信之不笃则彼亦将无以自安也】榦正也【郑氏曰作桢榦而正之也】不庭方不来庭之国辟君也【郑氏曰戎辟汝君王自谓也】此又戒之以修其职业之词也韩侯初立来朝始受王命而归诗人作此以送之【将言韩侯故先序其国曰梁山之下有倬然之道此韩侯之所从朝周以受命者也纘戎祖考以下述王亲命之词也辅氏曰夙夜匪解勤也防共尔位敬也为诸侯而能勤与敬若此则能无废朕命矣榦不庭方以佐戎辟言我既信任于汝如此之笃则韩侯自可力修其职业有不来庭之诸侯则助王以榦正之也以末章观之则其所正者亦追貊之国耳】序亦以为尹吉甫作今未有据下篇云召穆公凡伯者放此

四牡奕奕孔修且张韩侯入覲以其介圭入覲于王

王锡韩侯淑旂绥章簟茀错衡【叶户郎反】袞赤舄钩膺镂【音漏】锡【音羊】鞞【苦郭反】鞬【苦反】浅幘【莫历反】幘【音条】革金厄【叶于栗反】赋也修长张大也介圭封圭执之为贄以合瑞于王也【孔氏曰崧高以介圭为所执之瑞此介圭亦为瑞也曹氏曰周官典瑞五等诸侯各执其圭璧以朝覲宗遇防同于王既覲则王班而复之乃以车马旂服赐之如下所云也】淑善也交龙曰旂绥章染鸟羽或旄牛尾为之注于旂竿之首为表章者也【孔氏曰夏米注云徐州贡夏翟之羽有虞以为绥后世或无染鸟羽或旄牛尾为之缀于幢上然则绥者即交龙旂竿所建与旂共一竿为贵贱之表章故云绥章】镂刻金也马眉上饰曰锡今当卢也【孔氏曰以镂金加于马面之锡当卢者当马之额卢在眉眼之上】鞞去毛之革也鞬式中也谓两较之间横木可凭者以鞞持之使牢固也【孔氏曰以去毛之皮施于轼之中央持车使牢固也】浅虎皮也【毛氏曰虎皮浅毛也】幘覆【浮去声】式也字一作幘又作幘以有毛之皮覆式上也【孔氏曰幘幘幘字异而义同玉藻言有羔臂鹿臂春官巾车言犬防豸防皆以有毛之皮为臂臂是盖覆之名覆在式上也】幘革鞞首也【曹氏曰以幘皮为鞞其有余而垂者谓之革也】金厄以金为环纏搯鞞首也【释文曰搯厄同王晦叔曰此章乃言所锡之多以见恩宠之厚也】

韩侯出祖出宿于屠显父【音甫】饯之清酒百壶其殽维

何俎【白交反】鰓鲜鱼其蔌【音速】维何维笋【恤尹反】及蒲其赠维何乘【绳证反】马路车筵豆有且【子余反】侯氏燕胥

赋也既覲而反国必祖者尊其所往去则如始行焉【孔氏曰始行为祖祭者为尊其所往也

反则自归其国非复所尊而亦祖祭故云尊其所往如始行焉祖于国外毕乃出宿】屠地名或曰杜也【愚按在今安西路鄠县杜诗注曰汉志注云古杜伯国汉宣帝其地因曰杜陵在长安南五十里】显父周之卿士也【谢叠山曰申伯之行王亲饯之韩侯之行王使显父饯之礼亦有等差也】防菜殽【对肉殽故云菜殽谓菹也】笋竹萌也蒲蒲蒻【弱】也【孔氏曰醯人加豆之实有深蒲笋菹蒲始生水中取其中心入地蒻大如匕柄正白生噉之甘脆辅氏曰酒之多及众也殽之薄示俭也赠之厚示恩也】且多貌侯氏觐礼诸侯来朝者之称【吕东莱曰觐礼来朝之诸侯皆曰侯氏此则指韩侯也】胥相也或曰语辞【王晦叔曰此章言已觐而返也】

韩侯取【七住反】妻汾【符云反】王之甥蹇【俱卫反】父【音甫】之子【叶獎】

【里反】韩侯迎【鱼觐反】止于蹇之里百两【音亮又如字】彭彭【叶铺郎反】八鸾锵锵不显其光诸娣【大计反】从之祁祁【巨移反】如云韩侯顾之烂其盈门【叶眉贫反】

赋也此言韩侯既觐而还遂以亲迎也汾王厉王也厉王流于彘在汾水之上故时人以目王焉犹言莒郊公黎比【毗】公也【严氏曰解颐新语云晋侯居翼谓之翼侯晋人纳诸鄂谓之鄂侯郑叔段居京谓之京城大叔及出奔谓之共叔其皆汾王之类乎说者以莒之郊公黎比公为比非也按左氏传莒夷无谥于是号曰黎比公曰郊公曰兹不公曰着丘公皆以号称与汾王以地为称不类矣】蹇父周之卿士媾【极】姓也诸娣诸侯一娶九女二国媵之皆有娣侄【迭又音秩】也【愚按嫡妻有娣有侄同姓二国之媵亦有娣有侄则九女也】祁祁徐靚【净】也【愚按徐言其行动靚言其容饰】如云众多也

蹇父孔武靡国不到为【于伪反】韩媾【其一反】相【息亮反】攸莫

如韩乐【音洛叶力告反】孔乐韩土川泽訏訏【况甫反】魴魴甫甫尘鹿嘒嘒【愚甫反】有熊有罴有猫【苗茅二音】有虎庆既令居【叶斤御斤于二反】韩媾燕誉【叶羊茹羊诸二反】

赋也韩媾蹇父之子韩侯妻也【王介甫曰妇人称姓今以姓配夫之国故谓之韩媾】相攸择可嫁之所也訏訏甫甫大也嘒嘒众也【愚按吉日嘒作虞】猫似虎而浅毛【尔雅曰虎窃毛谓之玃猫注窃浅也玃音栈】庆喜令善也喜其有此善居也燕安誉乐也【谢叠山曰此章专言韩媾从夫而乐其家曹氏曰此章与硕人卒章意同齐近河韩多山各赋其所有一则美其父母之国一则美其所嫁之国也】

溥彼韩城燕【因肩反】师所完以先祖受命因时百蛮王

锡韩侯其追其貊【母伯反】奄受北国因以其伯实墉实壑实亩实籍猷其貔【音毗】皮赤豹黄罴

赋也溥大也燕召公之国也师众也追貊夷狄之国也墉城壑池籍税也【孔氏曰公羊传曰仆一而籍是籍为税之义也】貔猛兽名【孔氏曰一名执夷虎豹之属也陆机曰貔似虎或曰似熊赤豹毛赤而文黑黑大于熊有黄黑赤黑貔言皮则豹黑亦猓皮也】韩初封时召公为司空王命以其众为筑此城如召伯营谢山甫城齐春秋诸侯城邢城楚丘之类也【孔氏曰左传云邢晋应韩武之穆也是韩侯之先武王之子也其封当在成王时命为侯也 不知当初何故不教本土人筑又须去别处发人来岂不大劳攘古人重劳民如此等事却又不然更不可晓强说便成穿凿如汉筑长安城却去别处调人来如今建州南劔上下筑城却去建康府发人来这般却晓不得吕东莱曰春秋之时城邢城楚丘城縁陵城杞之类皆合诸侯为之霸今尚如此则周之盛时命燕城韩固常政也】王以韩侯之先因是百蛮而长之故锡之追貊使为之伯【李迂仲曰因以其伯即上文纘戎祖考也】以修其城池治其田亩正其税法而贡其所有于王也【谢叠山曰高城深池可以固围彻田为粮可以足食宣王为边方卢亦详矣辅氏曰此章则又言王之委重于韩侯而勉以强于自治而修其职贡于王也但言三兽之皮者猛兽韩国所富有故令贡其皮焉亦以见不强责其所无也】

韩奕六章章十二句

序尹吉甫美宣王也能锡命诸侯

同上其曰尹吉甫者未有据下二篇同其曰能锡命诸侯则尤浅陋无理矣既为天子锡命诸侯自其常事春秋战国之时犹有能行之者亦何足为美哉

江汉浮浮武夫滔滔【叶他侯反】匪安匪游淮夷来求既出我车既设我旃匪安匪舒淮夷来铺

赋也浮浮水盛貌滔滔顺流貌【苏氏曰自周而南出于江汉之间召公率兵循江而下也】淮夷夷之在淮上者也【孔氏曰召公伐淮夷当在淮南鲁僖伐淮夷应在淮北淮之南北皆有夷也陈少南曰淮夷之地不一徐州有夷则在淮北者也扬州有夷则在淮南者也江汉常武二篇同言淮夷以地理考之曰江汉之浒者是淮南之夷也若在淮北则江汉非所由入之路也曰率彼淮浦省此徐土者是淮北之夷也若在淮南则徐土非联接之地矣吕东莱曰江汉合流之处在今汉阳军之大别山下但去淮夷絶远或者防江汉之师以伐之欤】铺陈也陈师以伐之也 宣王命召穆公平淮南之夷诗人美之此章总序其事言行者皆莫敢安徐而曰吾之来也惟淮夷是求是伐耳【辅氏曰其志专其气锐有不战战必胜矣】

江汉汤汤【书羊反】武夫洸洸【音光】经营四方告成于王四

方既平王国庶定【叶唐丁反】时靡有争【叶留陞反】王心载宁赋也洸洸武貌庶幸也【彭氏曰用兵非人主之美事不得已而兴师故召公告成于王曰王国庶定庶云者幸其仅然非以是为美也】此章言既伐而成功也【曹氏曰宣王厉志开复北伐玁狁南征蛮荆至于常武江汉而夷之居淮南北悉已讨定故召伯以经营四方之功告成于王也严氏曰首章

言王师之持重二章即言告成盖淮夷望风而服不待战也辅氏曰四方既平则王国庶可平定所谓柔远能迓也时靡有争王心载宁又见宣王之以天下为心一有争鬪则王心之不安也读此章见宣王能以天下之心为心而召公又能以宣王之心为心也】

江汉之浒【音虎】王命召虎式辟【音辟】四方徧我疆土匪疚

匪棘王国来极于疆于理至于南海【叶虎委反】

赋也虎召穆公名也辟与辟同彻井其田也疚病棘急也极中之表也居中而为四方所取正也言江汉既平王又命召公【再言江汉之浒者系上事起下事也陈少南曰非谓宣王临江汉之浒而命召虎也】辟四方之侵地而治其疆界非以病之非以急之也但使其来取正于王国而已于是遂疆理之尽南海而止也【严氏曰古人伐叛讨贰之后必去其苛政平其赋敛以慰民心故此章言彻法之事然武事仅定即行疆理税赋之法疑于病民且疑于急迫矣宣王谓我非疚也非棘也盖仆一天下之中正乃我周之定制欲天下皆于王国来取中焉耳召公于是往而疆之以正其疆界往而理之以分其土宜推而至于南海之远淮夷在南故曰至于南海辅氏曰辟其侵地治其疆界井其田亩岂无以为病者淮夷甫平而遽然为此岂无以为急者而王之心则不然也但欲反旧而使之取正于王国之法度耳愚按此章言穆公因平淮夷而又成开复之功也】

王命召虎来旬来宣文武受命召公维翰【叶胡干反】无曰

予小子【叶獎里反】召公是似【叶养里反】肇敏戎公用锡尔祉赋也旬徧【李迂仲曰十月为旬则旬训徧明甚】宣布也自江汉之浒言之故曰来召公召康公奭也翰干也予小子王自称也肇开戎汝公功也又言王命召虎来此江汉之浒徧治其事以布王命而曰昔文武受命惟召公为桢榦今女无曰以予小子之故也但自为嗣女召公之事耳能开敏女功则我当锡女以祉福如下章所云也【郑氏曰此述其祖之功以劝之也愚按此章追述王命召公之词以终上章所言经营疆理之意而起下章所叙赏赐之事】

厘【力之反】尔圭瓚【才旱反】秬【音巨】鬯【初亮反】一卣【音酉无韵未详】告于

文人锡山土田【叶地因反】于周受命【叶满并反下同】自召祖命虎拜稽首天子万年【叶弥因反】

赋也厘赐卣尊也【孔氏曰释器云卣中尊按鬱人掌和鬱鬯以实彝而陈之则鬯当在彝而此及尚书左传皆云秬鬯一卣者当祭之时乃在彝未祭则在卣赐时未祭故卣盛之】文人先祖之有文德者谓文王也周岐周也召祖穆公之祖康公也此叙王赐召公策命之词【孔氏曰上言用锡尔祉此言赐之之事】言锡尔圭瓚秬鬯者使之以祀其先祖又告于文人而锡之山川土由以广其封邑盖古者爵人必于祖庙示不敢专也【孔氏曰祭统云赐爵禄必

于大庙】又使往受命于岐周从其祖康公受命于文王之所以宠异之【孔氏曰虎祖康公在岐周事文武有功而受采地今虎嗣其业功与之等故往岐周命之谢叠山曰锡山川土田必使召虎受赐于岐周用文武封康公之礼以待之此时此意赏非宣王之赏如稟命于乃祖文武也功非召虎之功如受教于乃祖康公也召虎思文武之德思康公之德必能尽心尽力以报宣王之德矣三代令王不责人子以事功惟勉臣子以忠孝本于人心天理而感动之也盘庚亦得此意】而召公拜稽首以受王命之策书也人臣受恩无可以报谢者但言使君壽考而已

虎拜稽首对扬王休【叶虚久反】作召公考【叶去久反】天子万壽

【叶殖酉反】明明天子【叶獎里反】令闻【音问】不已矢其文德洽此四国【叶越逼反】

赋也对答扬称休美考成矢陈也言穆公既受赐遂答称天子之美命作康公之庙器而勒王策命之词以考其成且祝天子以万壽也【愚按上章虎拜稽首天子万壽者述穆公受册书而祝谢其君之词也此复言虎拜稽首天子万壽者述穆公铭祖庙器而祝君之词也以考古图观之疑此章皆是述其勒铭庙器之词】古器物铭云【弁】拜稽首敢对扬天子休命用作朕皇考龚【恭】伯尊敦【对】其眉壽万年无疆语正相类但彼自祝其壽而此祝君壽耳【此章大抵类古器物铭识盖古人文字之常体也考古图曰周大夫也有功锡命为其考作祭器也拜稽首对扬天子休命用作皇考龚伯尊敦者古者爵有德禄有功必赐于大庙祭之日一献君行立于阼阶之南南面所命者北面史由君若执策命之再拜稽首受书以归而舍奠于其庙也此策命之礼所图器多有是词】既又美其君之令闻而进之以不已劝其君以文德而不欲其极意于武功古人爱君之心于此可见矣【辅氏曰穆公本以平淮夷而受赐今乃不言其武功而但愿天子陈其文德以洽四方之国则用兵岂圣人之得已哉而穆公爱君之忠诚亦至矣愚按上章王命穆公则欲其于召公是似而肇敏戎功此章穆公祝君则欲其长保令闻而陈其文德上下之情可谓交相爱矣】江汉六章章八句【黄实夫曰此诗乃召公奏凯之日所作也初则整师而往非为邀功特以淮夷作患不能自安耳次则淮夷患除而其功成次则安民之政举而其功广次则即公而论赏次则论定而赏行次则人臣报塞之义也严氏曰周兴西北岐丰去江汉最遠故淮夷最难服从化则后倡乱则先周人经理淮夷用力最多成王初年淮夷同三监以叛其后人同奄国以叛伯禽就封人同徐戎以叛宣王一命吉甫北方旋定继命方叔伐蛮荆后命召公平淮南之夷人命皇甫平淮北之夷盖南方之役至再至三淮夷未定则一方倡乱天下皆危故至淮夷平然后四方定比江汉常武所以为宣王之终事而系之于宣王大雅之末也杨氏曰圣主得贤臣而功业古人皆然也昔宣王中兴有吉甫召虎仲山甫之徒以之伐玁狁以之平淮夷卒致再造之业诸臣之力居多宣王何力哉易未济六五之光亦九四震用伐鬼方之力也五何力哉三年有赏于大国此诗之末所以言宣王之锡命也】

序尹吉甫美宣王也能兴衰拨乱命召公平淮夷

吉甫见上他説得之

赫赫明明王命卿士【叶音所】南仲大【音泰下同】祖大师皇父【音甫】整我六师以修我戎【叶音汝】既敬既戒【叶讫力反】惠此南国【叶越偏反】

赋也卿士即皇甫之官也南仲见出车篇大祖始祖也大师皇父之兼官也【陈少南曰自家宰而下谓之六卿大师而下谓之三公既曰王命卿士又曰大师皇父周家不特设三公皆兼职而已如周公以冢宰兼大师也孔氏曰十月之交皇父与此皇父得为一人或皇氏父字传世称之亦未可知也】我为宣王之自我也戎兵器也宣王自将以伐淮北之夷而命卿士之谓南仲为大祖兼大师而字皇父者整治其从行之六军修其戎事以除惟夷之乱而惠此南方之国【董氏曰师严器备当恭敬以临戒惧以处之伐其暴乱所以惠之也辅氏曰既敬既戒临事而惧也敬戒乃用兵第一义能如是则成功可必而南国可惠矣南方之国则淮南诸国也盖徐州之夷南侵诸国为之不安故其言如此胡庭芳曰既敬则不敢轻肆既戒则不敢妄杀此其所以为王者之师严重详审而为南国之惠也】诗人作此以美之必言南仲大祖者称其世功以美大之也【谢叠山曰宣王命将多取之世臣何也文事武备素讲于家庭定乱持危常在其念虑一日用之必老成持重不以轻易悞国事矣辅氏曰称其世功以美大之者见当时之重世臣也】王谓尹氏命程伯休父左右陈行【户郎反】戒我师旅率

彼淮浦省此徐土不留不处三事就绪【象吕反】

赋也尹氏吉甫也盖为内史掌防命卿大夫也程伯休父周大夫【孔氏曰楚语云重黎氏世叙天地其在周程伯休父其后也当宣王时失其官守而为司马氏则是宣王始命程伯休父为司马也程国伯爵休父字也濮氏曰程畿内邑在豊】三事未详或曰三农之事也【三农上中下农夫也曹氏曰师之所处荆棘生焉故必不留不处然后三农得以就绪王介甫曰此所谓耕者不废也】言王诏尹氏策命程伯休父为司马使之左右陈其行列循淮浦而省徐州之土盖伐淮北之夷也【下章所谓徐方徐国亦即此尔曹氏曰徐州南至淮淮夷则东夷之种散处于淮浦者耳】上章既命皇父而此章又命程伯休父者盖王亲命大师以三公治其军事而使内史命司马以六卿副之耳【辅氏曰天子亲命大师以三公出将又使内史命司马以六卿副之皆所以重其事命大将则曰整我六师以修我戎既敬既戒惠此南国命其副则曰左右陈行戒我师旅率彼淮浦省此徐土不留不处三事就緒者宜也大将则总其网副将则详其目也兵以速为上久则毒民而伤财郑氏曰军礼司马掌其戒誓愚按此上两章皆言命戒将士之事】赫赫业业【叶宜却反】有严天子王舒保作匪绍匪游徐方

绎骚【叶苏侯反】震惊徐方如雷如霆徐方震惊

赋也赫赫显也业业大也严威也天子自将其威可畏也【辅氏曰赫赫业业言有严天子之威灵气焰烜赫而盛大如此也】王舒保作未详其义或曰舒徐保安作行也言王师舒徐而安行也【曹氏曰虽以天子之威重如此亦安徐详谛而后动】绍纠紧也游遨游也绎连络也骚扰动也夷厉以来周室衰弱至是而天子自将以征不庭其师始出不疾不迟而徐方之

人皆已震动如雷霆作于其上不遑安矣【王介甫曰江汉曰匪安匪舒此曰王舒保作盖江汉武夫之事此则王者之事也如雷如霆先加以声也如震如怒复致其实也愚按此章言王师在道而徐夷已震恐也】

王奋厥武如震如怒【叶暖五反】进厥虎臣阍【呼檻反】如虩【火交】

【反】虎铺【普吴反】敦淮渚【符云反】仍执丑虏截彼淮浦王师之所

赋也进鼓而进之也阍奋怒之貌虩虎之自怒也【埤雅曰虎之自怒虩然阍如虩虎以言将帅之勇发于忠毅非激而怒之也】铺布也布其师旅也敦厚也厚集此陈也仍就也老子曰攘臂而仍之截截然不可犯之貌【辅氏曰言王师在淮浦之上有截然不可犯之勇也愚按此言王师至徐布陈而制胜也】

王旅啁啁【吐丹反】如飞如翰如江如汉如山之苞【叶铺钩反】

如川之流緜緜翼翼不测不克濯征徐国【叶起逼反】

赋也啁啁众盛貌翰羽苞本也如飞如翰疾也如江如汉众也如山不可动也如川不可御也【孔氏曰兵法有动有静静则不可惊动故以山喻动则不可御故以川喻】緜緜不可絶也翼翼不可乱也不测不可知也不克不可胜也濯大也【辅氏曰此章则承上章而言王旅之盛如此疾言其栗众言其盛不可动言其静不可御言其强不可絶言其属不可乱言其整不可知言其深不可胜言其无败之形以此濯征徐夷焉得而不服乎愚按此章极言王师之无敌也】

王犹允塞徐方既来【叶六直反】徐方既同天子之功四方

既平徐方来庭徐方不回王曰还归【叶古回反】

赋也犹道允信塞实庭朝回违也还归班师而归也前篇召公帅师以出归告成功故备载其褒赏之

词此篇王实亲行故于卒章反复其词以归功于天子言王道甚大而远方怀之非独兵威然也序所谓因以为戒者是也【辅氏曰言由王道之信大故徐夷自然来服非独兵威使然也甫得其不相违悖王则振旅而归无求多之意既尽归美之义而又寓规戒之忠焉曹氏曰宣王待夷狄以诚实之道不用诡诈徐方于是服而来归来未必同也至于上下内外咸服而无二心然后谓之同徐方来同则由宣王推赤心置其腹中故也故以为天子之功宣王北伐玁狁西征羌戎南威蛮荆独徐方未服今来朝于王庭则四方既平矣于是王命凯旋而行饮至莱勲之礼焉严氏曰宣王愤挥天戈克淮服徐无不如意召公虑其狃胜而喜功也故因美而戒之愚按此言王师成功而归因戒之以王犹允塞亦若上篇卒章言矢其文德也】

常武六章章八句

序召穆公美宣王也有常德以立武事因以为戒然

召穆公见上所解名篇之意未知其果然否然于理亦通【诗中无常武字特名其篇盖有二义有常德以立武则可以武为常则不可此所以有美而有戒也段氏曰诗中摘字名篇则名未必有意特立篇名则名必有意】

瞻卬昊天则不我惠孔填【旧说古尘字】不宁降此大厉邦靡有定士民其瘵【侧界反叶侧例反】蝥【音牟】贼蝥疾靡有夷届【音戒叶居气反】罪罟不收靡有夷瘳【敕留反】

赋也填久厉乱瘵病也蝥贼害苗之虫也夷平届极罟网也此刺幽王嬖褒姒任奄人以致乱之诗首言昊天不惠而降乱无所归咎之词也苏氏曰国有所定则民受其福无所定则受其病于是有小人之为蝥贼刑罪为之罔罟凡此皆民之所以病也【郑氏曰如蝥贼之害未稼无有息时施刑罪以罗罔天下而不收敛亦无止息时】

人有土田女【音汝】反有【酉由二音】之人有民人女覆夺【徒活反】

之此宜无罪女反收【殖酉殖由二反】之彼宜有罪女覆说【音脱】之赋也反覆【刘氏曰女反有之夺之言王削黜诸侯及卿大夫无罪者】收拘说赦也【谢叠山曰宜无罪者反拘之宜有罪者反赦之乱世昏君刑罚不中皆此类也辅氏曰上四句承上章蝥贼之害而述其侵牟夺取于人者反覆无常也下四句则承上章罪罟之言而述其拘系纵释于人者反覆不当也】

哲夫成城哲妇倾城懿厥哲妇为梟【古尧反】为鸛【处之反】

妇有长舌维厉之阶【叶居奚反】乱匪降自天【叶鉄因反】生自妇人匪教匪诲【叶呼位反】时维妇寺

赋也哲知也城犹国也哲妇盖指褒姒也倾覆懿美也梟鸛恶声之鸟也【陆氏曰说文云梟不孝鸟也梟食母破獍食父鸛怪鸛鸛也鸛也鸛鸛也即墓门有鸛萃止也】长舌能多言者也阶梯也寺奄【掩艶淹三音】人也【郑氏曰奄精气闭藏者今谓之宦人】言男子正位乎外为国家之主故有知则能立国妇人以无非无仪为善无所事哲哲则适以覆国而已故此懿美之哲妇而反为梟鸛盖以其多言而能为祸乱之梯也若是则乱岂真自天降如首章之说哉特由此妇人而已盖其言虽多而非有教诲之益者是惟妇人与奄人耳岂可近哉【王介甫曰幽王如上所刺则荒昏故也其荒昏则妇言是用故也】上文但言妇人之祸末句兼以奄人为言盖二者常相倚而为奸不可不并以为戒也欧阳公常言宦者之祸甚于女宠其言尤为深切有国家者可不戒哉【欧阳子曰女色而已宦者之害非一端也女色之感不

幸而不悟则祸斯及矣使其一悟猝而去之可也宦者之为祸虽欲悔悟而势有不得而去也唐昭宗之事是矣孔氏曰奄人防守门闾亲近人主庸君以其少小惯习朝夕给使顾访无猜憚之心恩狎有可悦之色且其人久处宫掖颇晓旧章探知主意或乃色和貌厚挟术怀奸或乃捷对敏才饰巧乱实遂能迷罔视聽愚主信而任之国之灭亡多由此作】

鞫人伎【之防反】忒譖【子念反】始竟背【音佩叶必墨反】岂曰不极伊

胡为慝如贾【音古】三倍君子是识妇无公事休其蚕织赋也鞫穷伎害忒变也譖不信也竟终背反极已慝恶也贾居货者也三倍获利之多也公事朝廷之事蚕织妇人之业言妇寺能以其智辩穷人之言其心伎害而变诈无常【胡庭芳曰此章极言妇寺之恶也鞫如鞫狱之鞫推勘穷究之意妇寺所以鞫人者其心伎害变忒而已】既以譖妄唱始于前而终或不能验于后则亦不复自谓其言之放恣无所极已而反曰是何足为慝乎【辅氏曰知则哲也辩其长舌也此章亦承上章而言妇人而有知辩者之为害也以其知辩穷人之言用心伎害而变诈谗慝不知自咎责而但曰不为害此说尽妇寺之情状】夫商贾之利非君子之所宜识如朝廷之事非妇人之所宜与也今贾三倍而君子识其所以然妇人无朝廷之事而舍其蚕织以图之则岂不为慝哉【胡庭芳曰譬如君子当求仁义贾利三倍不当君子是识妇人当事蚕织朝廷公事不当妇人是预今也不惟不使预于公事又且聽其譖毀惟妇言是用矣欲不速亡得乎】

天何以刺【叶音砌】何神不富【叶方味反】舍【音舍】尔介狄维予胥

忌不吊不祥威仪不类人之云亡邦国殄瘁

赋也刺责介大胥相吊闵也言天何用责王神何用不富王哉凡以王信用妇人之故也是必将有夷狄之大患今王舍之不忍而反以我之正言不讳为忌何哉【辅氏曰夷狄陰类也自古宠任妇者多致夷狄之祸危乱之君大抵不忍其所当忌而惟忌忠臣义士之正已者此其所以沦胥于灭亡也】夫天之降不祥庶几王惧而自修今王遇灾而不恤又不谨其威仪又无善人以辅之则国之殄瘁宜矣【谢叠山曰君有君之威仪臣有臣之威仪今幽王自乱于威仪不类乎人君之威仪矣又曰国有贤人如一身之有元气元气亡则身必丧贤人亡则国必危殄如脉絕瘁如病危】或曰介狄即指妇寺犹所谓女戎者也【国语晋献公伐骊戎获骊姬归史苏曰有男戎必有女戎晋以男戎胜戎而戎亦必以女戎胜晋注云戎兵也女兵言其祸犹兵也】

天之降罔维其优矣人之云亡心之忧矣天之降罔

维其几矣人之云亡心之悲矣

赋也罔罟优多几近也盖承上章之意而重言之以警王也【吕东莱曰前章曰不吊不祥威仪不类故此曰维其优矣维其几矣前章曰人之云亡邦国殄瘁故此曰心之忧矣心之悲矣

】

霿【音必】沸【音弗】檻【胡览反】泉维其深矣心之忧矣宁自今矣

不自我先不自我后【叶下五反】藐藐昊天无不克巩【叶音古】无忝皇祖式救尔后【同上】

兴也霿沸泉涌貌檻泉泉正出者藐藐高遠貌巩固也言泉之潢涌上出其源深矣我心之忧亦非适今日然也然而祸乱之极适当此时盖已无可为者惟天高遠虽若无意于物然其功用神明不测虽危乱之极亦无不能巩固之者幽王苟能改过自修而不忝其祖则天意可回来者犹必可救而子孙亦防其福矣

瞻卬七章三章章十句四章章八句

序凡伯刺幽王大坏也

凡伯见上【曹氏曰凡伯作板诗在厉王末至幽王大坏之时七十余年矣决非一人犹家父也】

旻天疾威天笃降丧【息浪反叶桑郎反】瘼【都田反】我饥馑民卒流亡我居圉【鱼吕反】卒荒

赋也笃厚瘼病卒尽也居国中也圉边陲也此刺幽王任用小人以致饥馑侵削之诗也【辅氏曰言天之威怒甚为急疾故其所降之丧乱甚厚病我以饥馑使斯民尽以流亡内而国中外而边境悉皆荒虚也此与瞻卬首章同皆极言其丧乱也愚按此诗刺王而首言旻天疾威又言天笃降丧下章又言天降罪罟者固为无所归咎之词矣而首章则言饥馑之灾卒章则言侵削之事余章则皆言用小人之意也】天降罪罟蠹贼内訌【户工反】昏椽【下角反】靡共【音恭】溃溃回

遘实靖夷我邦【叶卜工反】

赋也訌溃也昏椽昏乱椽丧之人也共与恭同一说与供同谓共其职也溃溃乱也回遘邪僻也靖治夷平也言此蠹贼昏椽者【胡庭芳曰犬戎之害在外小人之害在内幽王之乱其国乃在内之小人耳故诗人形容之曰蠹贼内訌盖蠹贼之害椽亦在内而不在外也指昏椽为言并閹宦在其中矣】皆溃乱邪僻之人而王乃使之治平我邦所以致乱也【王介甫曰言所使靖夷我邦者非其人也】

臯臯訛訛【音紫】曾不知其玷【丁险反】兢兢业业孔填【已见上篇】

不宁我位孔贬

赋也皐皐顽慢之意【胡庭芳曰如鲁皐之皐亦缓慢之意】訛訛务为谤毁也玷缺也填久也言小人在位所为如此而王不知其缺至于戒敬恐惧甚久而不宁者其位乃更见贬黜其颠倒错乱如此

如彼歲旱草不潰【集注作遂】茂如彼栖【音西】苴【七如反】我相【息亮】

【反】此邦无不潰止【叶韵未详】

赋也潰遂也栖苴水中浮草栖于木上者言枯槁无润泽也相视潰乱也【辅氏曰以旱草喻其国之无生意终必潰乱而已严氏曰谷风有洸有潰潰怒也小旻是用不潰于成召旻草不潰茂潰遂也潰潰回遹无不潰止潰乱也项氏云水之潰者其势横暴而四出故怒之甚者为潰怒遂之甚者为潰遂乱之甚者为潰乱皆一理也愚按此章二潰字异义】

维昔之富不如时维今之疚不如兹彼防斯糲【簿卖反】

胡不自替职兄【音况下同】斯引【叶韵未详】

赋也时是疾病也防糲【□】也糲则精矣【九章粟米之法糲十糲九凿八侍御七糲米一斛治而成糲则九斗矣凿音作】替废也兄况同引长也言昔之富未尝若是之疚也而今之疚又未有若此之甚也彼小人之与君子如防与糲其分审矣而曷不自替以避君子乎而使我心专为此故至于怵怵引长而不能自己也【辅氏曰怵怵谓忧乱而无情绪之意】

池之竭矣不云自频泉之竭矣不云自中【叶诸仍反】溥斯

害矣职兄斯 不裁我躬【叶姑 反】

赋也【或问此章疑是比体如何先生曰作比为是愚按恐当作比而赋】频厓溥广大也池水之钟也泉水之发也故池之竭由外之不入泉之竭由内之不出言祸乱有所从起而今不云然也【看诗不须着意去训解只平平地涵泳自好因举池之竭矣四句吟咏久之】此其害亦以广矣是使我心专为此故至于怵怵日益 大而忧之曰是岂不裁及我躬也乎【辅氏曰上章言祸乱之由亟此章言祸乱之从起不云者犹言岂不云也与下文不裁义同而先生解作今不云然者何哉池之竭岂不云由外之不入乎泉之竭岂不云由内之不出乎然则幽王之所以政乱者岂不由任用之非人乎不裁我躬者言害之广忧之大而将有无妄之裁及于我身也】

昔先王受命有如召公曰辟【音辟】国百里今也日蹙【子六】

【反】国百里于【音乌】乎【音呼】哀哉维今之人不尚有旧【叶巨已反】赋也先王文武也召公康公也辟开蹙促也文王之世周公治内召公治外故周人之诗谓之周南诸侯之诗谓之召南所谓曰辟国百里云者言文王之化自北而南至于江汉之间服从之国日以益众及虞芮质成而其旁诸侯闻之相帅归周者四十余国焉今谓幽王之时促国盖犬戎内侵诸侯外畔也又叹息哀痛而言今世虽乱岂不犹有旧德可用之人哉言有之而不用耳【辅氏曰此则明言先王用得其人而兴今日用非其人而乱任用一乖而效验大异因叹今世虽乱而岂不犹有旧德可用之人乎严氏曰此章思召公而惜王之不用旧人也曹氏曰当是时祸乱虽已穷极然去宣王中兴之日不远其旧臣故老无尚存者乎陈寿翁曰此诗及前篇末皆有拳拳望治之意前诗望其改过而无忝皇祖此诗望其改图而擢用旧人审如是则否犹可泰危犹可安也岂至有犬戎祸哉】

召旻七章四章章五句三章章七句

因其首章称旻天卒章称召公故谓之召旻以别小旻也【陈君举曰周南系于周公召南系于召公岂非化之盛者必有待乎二公也至于风之终系以邠雅之终系以召旻岂非化之衰者必有思乎二公也愚按此诗之次居变雅之终而第七章又居此诗之终慨然有懷文武召公之盛以见乱极思治之理其亦犹下泉之终变风欤】

序凡伯刺幽王大坏也旻闵也闵天下无如召公之臣也

凡伯见上旻闵以下不成文理

荡之什十一篇九十二章七百六十九句

诗传通释卷十八

卷十九

<经部,诗类,诗传通释

钦定四库全书

诗传通释卷十九

元 刘瑾 撰

诗

朱子集传

颂四

颂者宗庙之乐歌大序所谓美盛德之形容以其成功告于神明者也盖颂与容古字通用故序以此言之【孔氏曰颂之言容歌成功之容状也】周颂三十一篇多周公所定而亦或有康王以后之诗【周公相武王成王天下既平作为乐章荐之郊庙所谓周颂也然其篇第之先后则不可究矣又其间多阙文疑义焉愚按康王以后之诗昊天有成命及执竞噫嘻是也】鲁颂四篇商颂五篇因亦以类附焉【孔氏曰雅不言周颂言周者以别商鲁三颂之名虽同而其体制各别也胡庭芳曰补传云商周二颂皆以告神而鲁颂用以颂祷后世文人献颂特效鲁耳陈君举白别以尊卑之礼故鲁颂以诸侯而后于周间以亲疏之义故商颂以先代而后于鲁】凡五卷【愚按雅颂无诸国别元以十篇为一卷故此分周颂三什为四之一四之二四之三鲁颂四篇为四之四商颂五篇为四之五通为五卷】

周颂清庙之什四之一

于【音乌】穆清庙肃雝显相【息亮反】济济【子礼反】多士秉文之德对越在天骏奔走在庙不显不承无射【音亦与斲同】于人斯赋也于叹辞穆深遽也清清静也【释文曰肃然清静之称李迂仲曰事神之道尚洁故曰清庙郑氏曰庙之言貌也死者不可得见故立宫室象貌之耳】肃敬雝和显明相助也谓助祭之公卿诸侯也【吕东莱曰士虞礼祝词曰孝子某显相夙兴然则主人之外余皆显相也成王祭主也周公及助祭之诸侯皆显相也严氏曰称助祭之人曰显相者谓其有显著之德美称之也】济济众也多士与【预】祭执事之人也越于也骏大而疾也【孔氏曰疾奔走言劝事也】承尊奉也斯语辞此周公既成洛邑而朝诸侯因率之以祀文王之乐歌【曹氏曰洛诰周公告王曰王肇称殷礼祀于新邑予齐百工俾从王于周则是成王就新邑祀文武周公率诸侯以从之耳明堂位所谓周公朝诸侯践天子位者皆汉儒之妄也吕东莱曰朝诸侯者特相成王以朝诸侯而已周公非自居南

面而受诸侯之朝率以祀文王者洛诰所谓王在新邑烝祭歳是也】言于穆哉此清静之庙其助祭之公侯皆敬且和【吕东莱曰言显相之肃雝则成王穆然奉祭之气象不言可见矣】而其执事之人又无不执行文王之德既对越其在天之神而又骏奔走其在庙之主【王介甫曰肃雍秉德故能对越文王奔走在庙以承清庙之事也严氏曰对荅在天之灵谓如见文王洋洋在上也疾奔走于在庙之事谓敏于趋事也】如此则是文王之德岂不显乎岂不承乎信乎其无有厌斁于人也【王介甫曰于是文王之德可谓显矣成王率诸侯多士骏奔走在庙则可谓承矣显也承也如此无射于人矣胡庭芳曰此诗唯一句説庙后皆从与祭者身上説诗虽未当明颂文王之德自有隐然见于言意之表者何则文王往矣今助祭之公侯执事之人所对越奔走而敬恭严事者无厌斁乃如此于此可以见盛德至善沦肌浹髓没世自有不能忘者矣辅氏曰文王之德不可明言凡一时在位之人所以能敬且和与执行文王之德者即文王盛德之所在也必于其不可容言之中而见其不可揜之实则诗人之意得矣读此诗想当时闻其歌者真若洋洋乎如在其上知在其左右又何待多着言语委曲形容而后足以见之哉】

清庙一章八句

书称王在新邑烝祭歳文王骍牛一武王骍牛一实周公摄政之七年而此其升歌之辞也【洛诰又曰王寅杀禋咸格王入大室裸蔡九峯曰王在洛举烝祭之礼曰歳云者歳举之祭也王寅犹虞寅助祭诸侯也诸侯以王杀牲禋祭祖庙故咸至也大室清庙中央室也吕东莱曰按洛诰云在十有二月惟周公诞保文武受命惟七年则是周公成洛邑而作此诗在于七年也愚按书言烝祭文武而此乐歌止颂文王之德者父子并祭统于尊也】书大传曰周公升歌清庙苟在庙中尝见文王者愀然如复见文王焉【孔氏曰记每云升歌清庙然则祭宗庙之盛歌文王之德莫重于清庙故为周颂之首陈壽翁曰雝雝肃肃乃文王盛德辉光形于外者今助祭者有肃雝之德执事者秉文王之德足以配对文王则是文王盛德之容宛然如在目中矣尝见文王者愀然如复见文王斯言殆非虚也】乐记曰清庙之瑟朱 而疏越壹倡而三叹有遗音者矣郑氏曰朱 练朱 练则声浊越瑟底孔也疏之使声迟也倡发歌句也三叹三人从叹之耳【孔氏曰一倡谓一人始唱歌三叹谓三人讚叹也乐歌文王之道不极音声故但以熟 广孔少倡寡和此音有德传于无穷是有多音不已也 一倡三叹者一人倡之三人从之如今人换歌之类】汉因秦乐干【干】豆上奏登歌【通典注曰干豆脯羞之类】独上歌不以箎 乱人声欲在位者徧闻之犹古清庙之歌也【愚按堂上之乐以人声为贵故舜之韶乐鸣球琴瑟以咏清庙之瑟朱 而疏越秦汉之荐干豆亦唯堂上独奏登歌之曲谓之登歌者岂以堂上特歌而名之也欤】

序祀文王也周公既成洛邑朝诸侯率以祀文王焉

维天之命于【音乌】穆不已于【同上】乎【音呼】不显文王之德之纯赋也天命即天道也【程子曰言天之自然者曰天道言天之赋予万物者曰天命】不已言无穷也纯不杂也此亦祭文王之诗言天道无穷而文王之德纯一不杂与天无间以賛文王之德之盛也子思子曰维天之命于穆不已蓋曰天之所以为天也于乎不显文王之德之纯蓋曰文王之所

以为文也纯亦不已【严氏曰凡言圣人如天者以此拟彼天与圣人犹为二也此诗但言以天命之不已与文德之纯对立而并言之盖有不容拟议者子思又发明之如此其防深矣】程子曰天道不已文王纯于天道亦不已纯则无二无杂不已则无间断先后【真氏曰纯是至诚无一毫人伪惟其纯诚无杂自然能不已如天之春而夏夏而秋秋而冬昼而夜夜而昼循环运转一息不停以其诚也圣人之自壮而老自始而终无一息之懈亦以其诚也既诚自然能不已】

假【春秋传作何】以溢【春秋传作恤】我我其収之骏惠我文王曾孙笃之

何之为假声之转也恤之为溢字之讹也収受骏大惠顺也曾孙后王也【郑氏曰自孙之下皆称曾孙愚按后王主祭者皆得称曾孙】笃厚也【吕东莱曰毛氏谓能厚行之然诗人之意本勉后人笃厚之而不忘所谓行者固亦在其中矣】言文王之神将何以恤我乎有则我当受之以大顺文王之道后王又当笃厚之而不忘也【严氏曰我既以大惠文王自勉继自今为子孙者当世世笃厚之勿忘也去圣浸远典刑易坠非用意笃厚不能守也】维天之命一章八句【严氏曰颂者成功告神必言子孙勉力保守以慰祖考之意故此诗曰曾孙笃之天作曰子孙保之辅氏曰上四句言文王之德与天为一也后四句言已与后王皆当法文王不已之德也何以恤我不敢自必之辞也我其収之幸之之辞也骏惠我文王自期之辞也曾孙笃之又望于后人之辞也陈寿翁曰此诗言文王纯一之德上配天道之无穷下被及子孙于无穷子孙当惠顺之而不逆笃厚之而不忘也】

序太平告文王也

诗中未见告太平之意

维清缉熙文王之典肇禋【音因】迄【许乞反】用有成维周之祜赋也清清明也缉续熙明肇始禋祀迄至也此亦祭文王之诗言所当清明而缉熙者文王之典也故自始祀至今有成实维周之祜祥也【严氏曰清则洁静而不杂缉则悠久而不已熙则广大而光明而以典言之者谓其德寓于法也文王有典以贻后人王业虽未成而自始祀至其后而有成焉是文王之典为周之祜祥也祥者吉之先见也曹氏曰然则文王之法实啓有周之祥也】然此诗疑有阙文焉【辅氏曰典谓法度典章所谓祀典盖亦在其中故下文便説肇禋周之祀典自文王始之至周公而成之文王之典实维周之祜祥者可知矣不以符瑞为祥而以典法为祜盖有是典法然后有是盛效此其为祜祥也大矣】

维清一章五句

序奏象舞也

诗中未见奏象舞之意

烈文辟【音璧下同】公锡兹祉福惠我无疆子孙保之

赋也烈光也辟公诸侯也【王晦叔曰为国君故称辟举五等之贵故称公】此祭于宗庙而献助祭诸侯之乐歌【辅氏曰烈武也文文也辟公犹言君公也祭毕则饮福受胙故于其献助祭诸侯而歌此】言诸侯助祭使我获福则是诸侯锡此祉福而惠我以无疆使我子孙保之也【严氏曰助祭诸侯锡我以此福矣岂徒目前浅近计哉盖惠我周家以无疆之休使我子孙世世永保之也】

无封靡于尔邦维王其崇之念兹戎功继序其皇之封靡之义未详或曰封專利以自封殖也靡汰侈也崇尊尚也戎大皇大也言汝能无封靡于汝邦则王当尊汝【王介甫曰戒其无封以專利无靡以伤财则为王之所崇也】又念汝有此助祭锡福之大功则使汝之子孙继序而益大之也

无竞维人四方其训之不显维德百辟其刑之于【音鸟】乎【音呼】前王不忘

又言莫强于人莫显于德先王之德所以人不能忘者用此道也此戒飭而劝勉之也【黄实夫曰此成王感发诸侯不尽之意愚按上文四句戒飭之也此五句劝勉之也】中庸引不显惟德百辟其刑之而曰故君子笃恭而天下平【不显犹言岂不显也此借引以为幽深 远之意言天子有不显之德而诸侯法之则其德愈深而效愈远矣笃厚也笃恭言不显其敬也笃恭而天下平乃圣人至德渊微自然之应也 问不显维德按诗中例言岂不显也今借引此诗真作不显說如何曰是个幽深 远意是不显中之显】大学引于乎前王不忘而曰君子贤其贤而亲其亲小人乐其乐而利其利此以没世不忘也【于戏叹词前王谓文武也君子谓后贤后王小人谓后民也此言前王所以新民者止于至善能使天下后世无一物不得其所所以既没世而人思慕之愈久而不忘也 又曰贤其贤者闻而知之仰其德业之盛也亲其亲者子孙保之思其覆育之恩也乐其乐者含哺鼓腹而安其乐也利其利者耕田凿井而享其利也此皆先王盛德至喜之余泽故虽已没世而人犹思之愈久而不能忘也】烈文一章十三句

此篇以公疆两韵相叶未审当从何读意亦可互用也【愚按第一句与第六第七句相叶第三句与第五第八第十三句相叶亦隔互叶韵也】

序成王即政诸侯助祭也

诗中未见即政之意

天作高山大【音泰】王荒之彼作矣文王康之彼徂矣岐【沈括曰后汉书西南夷传作彼岨者岐今按彼书岨但作徂而引韩诗薛君章句亦但训为往独矣字正作者如沈氏說然其注未复云岐虽阻僻则似又有岨意韩子亦云彼岐有岨疑或别有所据故今从之而定读岐字絕句】有夷之行【叶户郎反】子孙保之

赋也高山谓岐山也荒治【王介甫曰治荒谓之荒】康安也岨险僻之意也夷平行路也此祭大王之诗言天作岐山而大王始治之大王既作而文王又安之于是彼险僻之岐山人归者众而有平易之道路子孙当世世保守而不失也【严氏曰作者造立之言也迁岐非得已而周以岐兴诗人以为是非人所能为故言此岐山天实为之也黄实夫曰迁岐之役曰帝省其山曰帝迁明德曰帝作邦作对又曰天作似以岐可兴周而天故使大王之迁岐也然其一篇则在于大王之荒文王之康子孙之保而不独归之于天也段氏曰刘氏云其始作之固自乎天其终保之亦系乎人严氏曰大王文王之业子孙当保守而不坠也成功告神明之颂多言子孙当保守之意盖子孙能保守则可以慰祖宗之心矣辅氏曰高山大川皆天造地设也大禹但能奠之耳故曰天作治荒谓之荒犹治乱谓之乱也大王治荒之而亦曰彼作矣者推大王与天同功也祖先所以经理其始计安其后者既已甚艰勤矣则子孙固宜世世保之而不失也】

天作一章八句

序祀先王先公也【胡庭芳曰诗只称大王文王则祀不及先公明也若祭其人不颂其德可乎然朱子定以为祭大王诗不及文王者岂以诗不言王季也若并祭王季颂其子不颂其父乃预祭其问亦非所安也故只以为祭大王诗也】

昊天有成命二后受之成王不敢康夙夜基命宥密于【音乌】缉熙单厥心肆其靖之

赋也二后文武也成王名诵武王之子也【愚按朱子于下武诗成王二字则辨先儒之误而谓非王诵之謚于此诗成王字则正先儒之误而以为謚名固各有当也】基积累于下以承借乎上也有宏深也密静密也于叹词靖安也此诗多道成王之德疑祀成王之诗也言天祚周以天下既有定命而文武受之矣成王继之又不敢康宁而其夙夜积德以承借天命者又宏深而静密是能继续光明文武之业而尽其心故又能安靖天下而保其所受之命也【辅氏曰不敢康戒谨恐惧也不宏则体不尽不深则见不彻不静则不能到冲漠无朕处不密则不能到万象森具处宏深阳之德也静密阴之德也合是二德则能承借乎天之命我者也夙夜无间断也能夙夜基命宥密则能继续光明文武之业而尽其心才有间断则文武之业便有蔽昧处而已之心亦不能尽矣天命也文武之业也已之心也天下之安也皆是一统底事黄氏曰文武受天命兴王业者如此则成王所以基而承之继而广之者亦惟尽此心而已盖文武以上天之心为心后王以文武之心为心无愧于文武之心而后能安文武之天下无负于天命而后无愧于文武也】国语叔向引此诗而言曰是道成王之德也成王能明文昭定武烈者也以此证之则其为祀成王之诗无疑矣

昊天有成命一章七句

此康王以后之诗【陈安卿问康王何縁无诗曰昊天有成命之类便是康王诗而今却要解那成王做成王业费尽气力要从王业上説去不知怎生地】

序郊祀天地也

此诗详考经文而以国语证之其为康王以后祀成王之诗无疑而毛郑旧説定以颂为成王之时周公所作故凡颂中有成王及成康字者例皆曲为之説以附己意其迂滞僻涩不成文理甚不难见而古今诸儒无有觉其谬者独欧阳公着时世论以斥之其辨明矣然读者狃于旧闻亦未遽肯深信也【欧阳子曰此诗言二后者文武也则成王者成王也当为康王以后之诗而毛郑以颂皆是成王之作遂以成王为成此王功执竟曰不显成康自彼成康所谓成康者成王康王也犹文王武王谓之文武云耳然则执竟当是昭王以后之诗而毛以为成大功而安之郑以为成安祖考之道皆以为武王也噫嘻曰噫嘻成王者亦成王也而毛郑皆以为武王由其以颂皆为成王时作耳以为成王康王岂不简且直而于诗文理易通如毛郑之説岂不迂而曲文理亦不完而难通学者何苦从其迂曲而难通者哉】小序又以此诗篇首有昊天二字遂定以为郊祀天地之诗诸儒往往亦袭其误殊不知其首言天命者止于一次言文武受之者亦止一句至于成王以下然后详説不敢康宁缉熙安静之意乃至五句而后已则其不为祀天地而为祀成王无可疑者又况古昔圣人制为祭祀之礼必以象类故祀天于南祭地于北而其坛壝乐舞器币之属亦各不同若曰合祭天地于圜丘则古者未尝有此渎乱彫杂之礼若曰一诗而两用如所谓冬荐鱼春献鲔者则此诗専言天而不及地若于泽中方丘奏之则于义何所取乎序説之云反覆推之皆有不通其谬无可疑者故今特上据国语旁采欧阳以定其説庶防有以不失此诗之本指耳或曰国语所谓始于德让中于信寛终于固𩇑【和】故曰成者其语成字不为王诵之謚而韦昭之注大略亦如毛郑之説矣此又何耶曰叔向蓋言成王之所以为成以是三者正犹子思所谓文王之所以为文班固所谓尊号曰昭不亦宜乎者耳韦昭何以知其必谓文武以是成其王道而不为王诵之謚乎蓋其为説本出毛郑而不悟其非也今欲一涤千古之谬而不免于以误而证误则亦将何时而已耶【诗中説成王不敢康成王只是成王何须牵合作成王业之王自小序恁地传防便谓周公作此以告成功便将成王字穿凿説了又防曾是郊祀天地后来遂生一场多端有南北郊之事此诗自説昊天有成命又不曾説地如何説祭天地之诗设使合祭亦须防句説着后土如汉诸郊祀诗祭其神便説其事矣】或者又曰苏氏最为不信小序而于此诗无异词且又以为周公制作已定后王不容复有改易成王非创业之主不应得以基命称之此又何耶【苏氏曰此诗有成王不敢康而执竟有不显成康世或以为此言成王诵康王钊也然则周颂有康王子孙之诗也周公制礼礼之所及乐必从之乐之所及诗必从之故颂之施于礼乐者备矣后世无容易之且诗曰成王不敢康夙夜基命宥密又曰自彼成康奄有四方成王非基命之君而周之奄有四方非自成康始也】曰苏氏之不信小序固未尝见其不可信之实也愚于汉广之篇已尝论之不足援以为据也夫周公制作亦及其当时之事而止耳若乃后王之庙所奏之乐自当随时附益若商之 鸟作于武丁孙子之世汉之庙乐亦随世而更定焉【通典曰汉高庙奏武德舞孝景采武德舞以为昭德以尊大宗庙孝宣采昭德舞为盛德以尊世宗庙诸帝庙皆奏文始四时五行之舞四时舞者孝文所作也】岂有周之后王乃独不得褒显其先王之功德而必以改周公为嫌耶基者非必造之于始亦承之于下之谓也【濮氏曰文公采欧阳时世论以斥序之非而独表章国语断其无可疑今观基命之语与洛诰所谓王如弗敢及天基命定命之意合其为颂成王审矣何必委曲谓文武成此王业乎】如曰邦家之基岂必谓大王王李之臣乎以是为説亦不得而通矣况其所以为此实未能忘北郊

集议之余忿今固不得而取也

我将我享维羊维牛维天其右【叶音由】之

赋也将奉享献右尊也神坐东向在饌之右所以尊之也【问所解右字与旧說不同曰周礼有享右祭祀之文如诗中此例亦多如既右烈考亦右文母之类如我将所云作保佑更难方說维羊维牛如何便說保佑到伊嘏文王既右享之也說未得佑助之佑愚按右人以右为尊如云位在其右尤出其右故右有尊义】此宗祀文王于明堂以配上帝之乐歌言奉其牛羊以享上帝而曰天庶其降而在此牛羊之右乎蓋不敢必也【吕东莱曰明堂祀上帝而文王配焉故先言祀天而次言祀文王此段言祀天也后段言祀文王也愚按天比文王为尊以尊事之故不敢必天之享而以其字言之】

仪式刑文王之典日靖四方伊嘏【古雅反】文王既右享【叶虚良反】之

仪式刑皆法也【严氏曰累言之者谓法之不已也刘辰翁曰諄复言之以见取法之甚也辅氏曰仪以为仪也式以为式也刑以为法也叠言此三字以是凡所云为动作不敢忘也】嘏锡福也【孔氏曰特牲少牢皆载祝以神词嘏主人与之以福】言我仪式刑文王之典以靖天下则此能锡福之文王既降而在此之右以享我祭若有以见其必然矣【愚按文王比天帝为亲以亲望之故知文王之必享我祭而以既字言之】

我其夙夜畏天之威于时保之

又言天与文王既皆右享我矣则我其敢不夙夜畏天之威以保天与文王所以降鉴之意乎【李迂仲曰虽曰享吾之祭亦岂可自满哉故当夙兴夜寐亹亹惕畏天之威】

我将一章十句

程子曰万物本乎天本乎祖故冬至祭天而以祖配之冬至气之始也万物成形于帝而人成形于父故季秋享帝而以父配之以季秋成物之时也陈氏曰古者祭天于圜丘扫地而行事器用陶匏牲用犊其礼极简圣人之意以为未足以尽其意之委曲故于季秋之月有大享之礼焉【濮氏曰文王之祀既不敢同后稷于郊又无屈天神于宗庙之理故特尊其祀于明堂也斯其为曲尽矣】天即帝也郊而曰天所以尊之也故以后稷配焉后稷遠矣配稷于郊亦以尊稷也明堂而曰帝所以亲之也以文王配焉文王亲也配文王于明堂亦以亲文王也【问帝即是天天即是帝却分祭何也曰为坛而祭故谓之天祭于屋下而以神只祭之故谓之帝又曰后稷生于姜嫄以上更推不去故配天须以稷然上帝即天也聚天之神而言之则曰上帝此武王祀文王推父以配上帝者配帝须以父也曹氏曰以天道事之则藁秸以为席陶匏以为器茧栗之牲扫地而祭所以尊之也以帝適事之则牛羊以为牲簠簋以为器鼎俎之实其荐用熟所以亲之也】尊尊而亲亲同道备矣然则郊者古礼而明堂者周制也周公以义起之也【问祀文王于明堂周公以义起之非古礼也不知周公以后将以文王配耶以

时王之父配耶曰诸儒正持此二义至今不决且周公制礼不知在武王之时成王之时若在成王时则文王乃其祖也又问继周者当何如曰只得以有功者配之 人曰昔者周公宗祀文王于明堂乃不言武王者以礼乐出于周公制作故以作礼乐者言之若是成王祭上帝则须配以武王若宣王祭帝则亦以厉王也】东莱吕氏曰于天维庶其飨之不敢加一词焉于文王则言仪式其典曰靖四方天不待賛法文王所以法天也率章惟言畏天之威而不及文王者统于尊也畏天所以畏文王也天与文王一也

序祀文王于明堂也

时迈其邦昊天其子之

赋也迈行也邦诸侯之国也周制十有二年王巡守殷国柴望祭告诸侯毕朝【周礼大行人曰十有二歲王巡守殷国书周官曰六年五服一朝又六年王乃时巡诸侯各朝于方岳蔡九峯曰柴燔柴以祀天也望望秩以祀山川也五岳四渎之属望而祭之故曰望 胡庭芳曰望祭各设于巡守之方其位茅以辨之而植表于中周礼所谓旁招以茅晋语所谓置茅蕝设表望是也】此巡守而朝防祭告之乐歌也【孔氏曰武王巡狩至于方岳乃作告至之乐歌也愚按此虽武王初定天下而巡守所作之歌其后王之巡守者因而皆用之欤】言我之巡守诸侯也天其子我乎哉蓋不敢必也【徐氏曰子者亲而爱之也严氏曰有天下曰天子子之谓使其王也愚按所谓不敢必者亦以其字言之蓋初为疑辞也下又言允王维后允王保之者则终之以决辞也然此二句总言巡守之事以发端也】

实右序有周薄言震之莫不震叠懷柔百神及河乔岳允王维后

右尊序次【曹氏曰序者帝王之传序也钱氏曰谓以周继夏商也】震动叠惧懷来柔安允信也 既而曰天实右序有周矣是以使我薄言震之而四方诸侯莫不震惧又能懷柔百神【曹氏曰祭法云有天下者祭百神故巡守所至百神皆祭焉】以至于河之深广岳之崇高而莫不感格则是信乎周王之为天下君矣【严氏曰天实右序有周矣武王之巡守也于诸侯薄警动之而莫不震惧又所至方岳之下懷百神祀河岳其人神之受职非人所能为也天实右序之也故天下莫不信武王之宜君天下也李迂仲曰以诸侯则莫不威畏以百神则莫不懷柔人神各得其所信乎王能尽为君之道也愚按此一节言巡守而祭告百神之事也】

明昭有周式序在位载戢【侧立反】干戈载櫜【古刀反】弓矢我求懿德肆于时夏【户雅反】允王保之

戢聚櫜韬【孔氏曰櫜弓衣一名韬故纳弓于衣谓韬弓】肆陈也夏中国也又言明昭乎我周也既以庆让黜陟之典式序在

位之诸侯【李迂仲曰孟子载巡守之事入其疆而庆让行王制言不顺不敬有黜地削爵之罚有功德于民者有加地进律之赏凡此皆所以按诸侯之功罪而升黜之所谓式序在位也

】又收斂其干戈弓矢而益求懿美之德以布陈于中国则信乎王之能保天命也【李迂仲曰武王取天下矣必求文德以施中国则可以保天下也严氏曰天实明昭有周矣武王之巡守也以庆罚之典序诸侯之在位者又斂其干戈韬其弓矢惟求美德陈于中国其治道之彰著亦非人所能为也天实明昭有周故天下莫不信武王之能保天下也其右序有周与明昭有周语意一同明昭不言实承上省文也言天之右序有周而结之以允王维后谓膺天命而无愧也言天之明昭有周而结之以允王保之谓保天命于无穷也愚按天既右序成周使人神受职则我周王信为天下之君而为天之子矣我周既式序诸侯而以德化中国则信为天之子而保天之命也然此一节则言巡守朝防黜陟之事也】或曰此诗即所谓肆夏以其肆于时夏之语而命之也【国语注曰夏乐章之名辅氏曰昊天其子之不敢必也然细思之则知天实右序于我周也故诸侯莫不震惧而毕朝百神莫不感格而来享盖王巡狩殷国则诸侯毕朝羣祀具举故也信乎周王之为大下君则昊天诚子之矣自实右序有周而下言已然之事自明昭有周而下则言已后之事自期其当如此也式序在位所以对天之右序有周也懿德文德也此与诸侯相期以文德治乎诸夏而无或相寻于干戈弓矢之中也所谓偃武修文者是也如此则信乎王之能保受于天命矣虽诘尔戎兵张皇六师设司马以教阅在周自有不可废者而与诸侯相期之志则固不在此也】

时迈一章十五句

春秋传曰昔武王克商作颂曰载戢干戈而外传又以为周公公之颂则此诗乃武王之世周公所作也【陈少南曰武王凯歌方终而有方岳之行观此诗是告方岳以革命之事因其时而震服诸侯故其诗与他庙乐不同黄实夫曰时迈之作见武王所以得天下所以保天下者皆无愧也武王巡守之事诗有时迈书有武成时迈告祭之乐章也武成识其政事以示天下来世也庚戌柴望大告武成此告祭懷柔之实也昭我周王天休震动此莫不震疊之实也庶邦冢君暨百工受命于周此式序在位之实也偃武修文归马放牛此非戢櫜之意乎建官位事重民五教惇信明义崇德报功此非懿德以保之乎】外传又曰金奏肆夏樊遏渠天子以飨元侯也【郑氏曰以钟鐃播之鼓磬应之所谓金奏也】韦昭注云肆夏一名樊韶夏一名遏纳夏一名渠即周礼九夏之三也吕叔玉云肆夏时迈也樊遏执竞也渠思文也【顔达龙曰三夏者歌之大也天子享元侯用之故尸出入奏肆夏牲出入奏韶夏四方賓来奏纳夏其声载于乐章其职掌于钟师然杜预韦昭之说舆吕叔玉虽不同而时迈执竞思文即三夏之异名也郑氏曰九夏疑皆诗篇名颂之类也载在乐章乐崩亦从而亡是以颂不能具愚按时迈思文皆周公所作而周礼九夏亦制作于周公固可以时迈为肆夏思文为纳夏矣至于执竞则昭王以后之诗而乃定为昭夏左传国语之注恐难尽信】

序巡守告祭柴望也【范氏曰古者天子巡守至方岳以柴望告祭所以懷柔百神也后世议礼失其传而谓之封禪非也】

执竞武王无竞维烈不显成康上帝是皇

赋也此祭武王成王康王之诗竞强也言武王持其自强不息之心故其功烈之盛天下莫得

而竟【李迂仲曰易曰天行健君子自强不息人君亦自强然后可以成功】岂不显哉成王康王之德亦上帝之所君也

自彼成康奄有四方斤斤【纪覲反】其明【叶谟郎反】

斤斤明之察也言成康之德明着如此也【李迂仲曰言昭临四方无所不察也】

钟鼓喤喤【华彭反叶胡先反】磬筦【音管】将将【七羊反】降福穰穰【如羊反】喤喤和也将将集也穰穰多也言今作乐以祭而受福也【严氏曰此言乐作而神福之也】

降福简简威仪反反既醉既饱福禄来反

简简大也反反谨重也反覆也言受福之多而愈益谨重是以既醉既饱而福禄之来反覆而不厌也【李迂仲曰既醉既饱盖祭终而饮福耳上言祭时乐备而和故神降之福此言祭终而饮威仪备具此福禄所以反复日至而未艾也严氏曰此言礼行而神申福之也】

执竞一章十四句【辅氏曰武王能持自强之心而不息故天下莫能强于功烈之盛此盖内外之符也成王康王之德所以显明而上帝之所以君之者岂无自而然哉此四句皆主武王而言之也自彼成康奄有四方乃专言成康之德斤斤训明与察亦有不已无间断之意应上显字而言钟鼓喤喤磬筦将将降福穰穰则言作乐以祭乐声之和而受福之多降福简简而下四句又言既祭而燕威仪谨重故福禄之来反覆不厌所以然者皆由武王之自强不息成康之明斤斤不已之故】

此昭王以后之诗国语说见前篇

序祀武王也

此诗并及成康则序误矣其说已具于昊天有成命之篇苏氏以周之奄有四方不自成康之时因从小序之说此亦以辞害意之失皇矣之诗于王季章中盖已有此句矣又岂可以其太蚤而别为之说耶诗人之言或先或后要不失为周有天下之意耳【濮氏曰诸儒言序之过往往徒费其词而意终不慊故朱子辨而正之夫复何疑】

思文后稷克配彼天立我烝民莫匪尔极貽我来牟帝命率育【叶曰逼反】无此疆尔界【叶讫力反】陈常于时夏

赋也思语词文言有文德也【辅氏曰圣人之德文武最盛文阳也武阴也而文取数尤多舍刑威征讨之外皆文也真氏曰圣人盛德蕴于中而光辉发于外如威仪之中度语言之当理皆文也尧之文思舜之文明孔子称尧曰焕乎其有文章子贡曰夫子之文章皆此之谓也六经论语之言文章皆取其自然形见者后世始以笔墨著述为文与圣贤之所谓文者异矣】

立粒通极至也德之至也貽遗也来小麦牟大麦也【本草曰小麦味甘大麦味咸为五谷长注大来今稞麦一名麩麦形似小麦皮厚故谓大麦】率徧育养也言后稷之德真可配天【愚按真可配天故谓之克配如文王之克明德也】

蓋使我烝民得以粒食者莫非其德之至也【曹氏曰天地能生之而不能养之苟不得其养则亦弗克遂其生矣惟后稷能以粒食养人故其德足以配天立即书所谓烝民乃粒尔指后稷而言蓋曰使我众民得以粒食者莫非尔后稷之所立者是望耳极字非指所受之中也】且其貽我民以来牟之种乃上帝之命以此徧养下民者【严氏曰后稷遗我民以二麦之种此乃天命后稷徧养斯民也然稷播百谷独举来牟者以其先熟济民之食尤切也段氏曰诗言来牟者二蓋麦者五谷成熟之最先一歲丰稔之占又正阙乏之时故养民者以此为喜也】是以无有遠近彼此之殊而得以陈其君臣父子之常道于中国也【李迂仲曰此所谓富而教之也若民无恒产因无恒心矣辅氏曰帝命以此徧养下民故稷因以教民稼穡种艺遍于天下无有疆界之限民既得以生养君臣父子之常道因可以陈布于中国也孟子论稷教稼穡契教人伦之事蓋夫生育之道无此疆尔界之殊至于五常之教则必先以中国为急故举其所急者言之而已】或曰此所谓纳夏者亦以其有时夏之语而命之也

思文一章八句

国语説见时迈篇【吕束莱曰国语以此为周公公之颂是此篇亦周公所作濮氏曰此郊祀献后稷之乐歌祭天宜有诗而今亡矣决不可以昊天有成命当之孔氏曰后稷之配南郊与文王之配明堂其义一也而我将主言文王享其祭祀不説文王可以配上帝此篇主説后稷有德可以配天不説后稷享其祭祀非有异也】

序后稷配天也【李迂仲曰即孝经所谓郊祀后稷以配天者也黄实夫曰后稷配天一事也而生民为叙事之辞此雅颂所以异也】

清庙之什十篇十章九十五句

周颂臣工之什四之二

嗟嗟臣工敬尔在公王厘【力之反】尔成来咨来茹【如预反】赋也嗟嗟重叹以深敕之也臣工羣臣百官也公公家也厘赐也成成法也茹度也此戒农官之诗先言王有成法以赐女女当来咨度也【辅氏曰命他官皆无诗而特命农官则有诗者想是周人以闻国故成王周公特作诗以戒飭之以重其事也蓋周家当时每事皆有成法布在天下泛于后稷教民稼穡之事乎羣臣百官或有所不知故俟之来咨来度也】

嗟嗟保介维莫【音慕】之春亦又何求如何新畚【音余】于【音乌】皇来牟将受厥明明昭上帝运用康年命我众人庠【持利反】乃钱【子浅反】镛【音博】奄观铎【珍栗反】艾【音刈】

保介见月令吕览【愚按吕览即吕氏春秋月令亦吕氏春秋十二纪之首也】其說不同然皆为籍田而言蓋农官之副也【郑氏据月令天子亲载耒耜措之于参保介之御间以为车右被甲持兵故曰保介今按吕氏春秋亦有此文但参字在于字上高诱注云保介副也郑說迂晦不若高诱之明白也辅氏曰保介助王耕籍田者介有副意故以为农官之副】莫春斗柄建辰夏正之三月也畚三歲田也【曹氏曰凡田一歲曰菑初反草也二歲曰新田始为田也三歲曰畚乃成熟也】于皇叹美之词来牟麦也明上帝之明赐也言麦将熟也迄至也康年犹丰年也众人甸徒也【愚按周礼甸师下士二人府一人史二人胥三十人徒三百人甸师掌帅其属而耕耨王籍意此诗所诗臣工即甸师也故但深敕之以成法而不明戒之以事所谓保介者即府吏之属也故亦深敕之以农事而又不使亲其劳所谓众人则甸徒三百人也故使之具农器以亲耕获也然则此诗为籍田而作欤】庠具钱铤【挑】鑄鉏皆田器也铤获禾短鎌也【孔氏曰鑄耨也柄长尺其耨六寸所以入苗间管子曰一农之事必有一铤一耨一铤然后成农二者皆田器也】艾获也此乃言所戒之事言三月则当治其新畚矣今如何哉【严氏曰新垦之田用力尤难故首问之辅氏曰维暮之春亦又何求戒之使及时务农也又问所治之新畚今如何新田则费工多故举新而该旧也】于是命甸徒具农器以治其新畚而又将忽见其收成也【李迂仲曰□能庠乃钱鑄乃能有铤艾之望也王介甫曰治其事于前则收其功于后不可不勉也】

臣工一章十五句【刘辰翁曰嗟嗟臣工至来咨来茹未有所言也至嗟嗟保介则进其从者而与之言亦惟闵其农事而已能知民事艰难而问之曰如何新如何畚其下则又述其相与賛喜劳劝之意焉严氏曰既嗟叹而告臣工又嗟叹而戒保介皆以重农之意告之也】序诸侯助祭遣于庙也

序误【孔氏曰颂虽告神为主但天下太平歌颂君德亦有非祭祀者臣工噫嘻有客振鹭皆不论神明之事是颂体不一不必皆是告神明也】

噫嘻成王既昭假【音格】尔率时农夫播厥百谷骏发尔私终三十里亦服尔耕十千维耦【叶音拟】

赋也噫嘻亦叹词也昭明假格也尔田官也时是骏大发耕也私私田也三十里万夫之地四旁有川内方三十三里有奇言三十里举成数也【周礼遂人曰夫间有遂万夫有川孔氏曰一夫百畝方百步积万夫方之是广长各百夫以百乘百是万也夫有百步三夫为一里则百夫为三十三里余百步步三分里之一为小半里也】耦二人并耕也此连上篇亦戒农官之词昭假尔犹言格汝众庶蓋成王始置田官而尝戒命之也尔当率是农夫播其百谷使之大发其私田皆服其耕事万人为耦而并耕也蓋耕本以二人为耦今合一川之众为言故云万人毕出并力齐心如合一耦也【胡庭芳曰十千维耦者蓋万夫合耦而耕实五千耦耳五千耦而并力齐心如一耦也】此必乡遂之官司稼之属其职以万夫为界者沟洫用贡法无公田故皆谓之私【陈安卿曰周制国中乡遂之地用贡法田不井授但为沟洫一夫受田百畝与同沟之人通力合作计畝均收大率十而赋其一赵氏曰陈器之云乡遂用贡法周礼遂人是也按遂人云百夫有洫十夫有沟窃意乡遂之地在近郊遠郊之间六军之所从出必是平

原广野可画为万夫之田有沟有洫之有途路也】苏氏曰民曰雨我公田遂及我私而君曰骏发尔私终三十里其上下之间交相忠爱如此

噫嘻一章八句【欧阳子曰此是康王以后之诗辅氏曰臣工是成王戒农官之辞噫嘻疑是康王戒农官之辞既昭格尔言昔时成王尝进尔农官而戒命之矣三尔字皆指农官而言其职既以万夫为界则万夫之发私田服耕事皆农官之已事也】

序春夏祈谷于上帝也

序误

振鹭于飞于彼西雝我客戾止亦有斯容

赋也振羣飞貌鹭白鸟雝泽也【王氏曰辟雝有水鹭所集也在西郊故曰西雝】客谓二王之后夏之后杞商之后宋于周为客天子有事膳焉有丧拜焉者也【孔氏曰客者敌主之言先代之后时王偏所尊敬特谓之客也又曰史记杞世家云武王求禹后得束楼遂封于祀其殷后则初封武庚后以叛而诛之更封微子于宋李迂仲曰我客云者不纯臣待之如所谓虞宾在位作宾王家也】此二王之后来助祭之诗言鹭飞于西雝之水而我客来助祭者其容貌脩整亦如鹭之洁白也【严氏曰振振然羣飞之鹭集于西郊辟雝之泽其羽毛洁白容止舒闲可观也杞宋之君皆来助祭于此亦有此容也】或曰兴也

在彼无恶【乌路反】在此无斁【叶丁故反】庶防夙夜【叶羊茹反】以永终誉

彼其国也在国无恶之者在此无厌之者如是则庶防其能夙夜以永终此誉矣【李迂仲曰庶防终誉此所谓爱人以德也成王告微子曰与国咸休永世无穷又曰俾我有周无斁皆此意也】陈氏曰在彼不以我革其命而有恶于我知天命无常惟德是与其心服也在我不以彼坠其命而有厌于彼崇德象贤统承先王忠厚之至也【辅氏曰在彼无恶其心公也在此无斁其心厚也公则顺天厚则尽道必如是然后可以夙夜以永终此誉也尊之曰客又以鹭比所谓誉也庶防不敢必之辞也夙夜无或息之意也永长也终竟也愚按所引陈説在彼无恶之意与上文传意微异故朱子初解旧本于此説之下有亦通二字】

振鹭一章八句【李迂仲曰杞宋天子后也其礼加于诸侯故特为此诗也叶贺孙问振鹭诗不是正祭之乐歌乃献助祭之臣未审如何曰看此文意都无告神之语恐是献助祭之臣古者祭祀每一受胙主与宾尸皆有献酬之礼既毕然后亚献至献毕复受胙如此礼意甚好有接续意思到唐时尚然今并受胙于诸献既毕之后主与宾意思皆隔了古者一祭之中所以多事曹氏曰必存二代之后者所以尊其先世受命之君俾承祀而不废且示天下公器又使时君常以覆车为鉴耳】

序二王之后来助祭之乐歌也【濮氏曰疑此微子来朝始至而王燕劳之工所奏之乐歌也

序言二王之后习于传闻亦不见其来助祭之意】

丰年多黍多稌【音杜】亦有高廩【力锦反】万亿及秭【咨履反】为酒为醴烝畀祖妣以洽百礼降福孔皆【叶举里反】

赋也稌稻也黍宜高燥而寒稌宜下湿而暑黍稌皆熟则百谷无不熟矣【李迂仲曰稌粳也职方氏谓雍冀高燥其谷宜黍荆扬下湿其谷宜稻是黍利高燥稌利下湿也丰年之时或高或下无所不熟】亦助语辞数万至万曰亿数亿至亿曰秭烝进畀子洽备皆徧也此秋冬报赛田事之乐歌盖祀田祖先农方社之属也【胡庭芳曰按濮氏谓此年谷始登而荐宗庙之乐歌岂非以其有烝卑祖妣之辞坎愚按序以噫嘻为春夏祈此诗为秋冬报载芟为春祈良耜为秋报朱子初解皆用其说今此集传乃其改本于彼三诗传文及序说既皆不取小序独此篇于序说亦谓其误而传犹用序意者岂后来所改有未尽坎然得濮氏胡氏之说亦足以补之矣】言其收入之多至于可以供祭祀备百礼而神降之福将甚徧也【严氏曰有此黍稷之多以之为清酒以之为醴齐进与先祖先妣而祭祀之所以防合其事神之众礼百物皆所以为礼而行礼以酒为主也】

丰年一章七句

序秋冬报也

序误【陈器之曰据改本说则当去序误字】

有瞽有瞽在周之庭

赋也瞽乐官无目者也【郑氏曰瞽蒙也目无所见于音声审也周礼上瞽四十人中瞽百人下瞽百六十人有视了者相之】

序以此为始作乐而合乎祖之诗【濮氏曰王者功成作乐而始合奏于祖庙此工歌也祖通言先祖】两句总序其事也【辅氏曰瞽言作乐之人也庭言作乐之处也两句总序其事是也】

设业设虞【音巨】崇牙树羽应田县鼓鞀【音挑】磬祝【尺叔反】圉【鱼女反】既备乃奏【叶音祖】箫管备举【以上叶瞽字】

业虞崇牙见灵台篇树羽置五采之羽于崇牙之上也【孔氏曰值者为虞横者为枸大板谓之业所以饰此枸而为崇牙刻之如锯齿捷业然故曰业具形卷然可以县鼓磬树五采之羽以为文尽缛为矍戟以璧树矍于枸之角明堂位所谓周之璧矍】应小鞀田大鼓也【孔氏曰释乐云小鼓谓之应大射礼云应鞀在建鼓东见为一器故知应小鞀也应既是小田宜为大】郑氏曰田当作【引】小鼓也【孔氏曰以经传皆无田鼓之名而大师职云令奏鼓注云为大鼓先引故知田当作】县鼓周制也夏后氏足鼓殷楹鼓周县鼓【记明堂位

注曰足谓四足楹谓之柱贯中上出也县县之簨虞也曹氏曰足鼓则以趺永之楹鼓则以柱贯之周鼓始垂于簨虞故谓之垂鼓也】鞀如鼓而小有柄两耳持其柄而摇之则傍耳还自击磬石磬也祝状如漆桶以木为之中有椎连底撞【幢又去声】之令左右击以起乐者也圜亦作敌状如伏虎背上有二十七鉏铎刻以木长尺防【厯又音略】之以止乐者也【孔氏曰释乐云所以鼓祝谓之止所以鼓敌谓之簨郭璞云祝方二尺四寸深一尺八寸中有柄椎连底扞之止其椎名也敌以木长尺栝之簨其名也簨音真扞音同考索某氏曰祝方二尺四寸阴也敌二十七鉏铎阳也乐作阳也以阴数成之乐止阴也以阳数成之固天地自然之理也】箫编小竹管为之管如箛【笛】并两而吹之者也【王介甫曰箫太者编二十三管长尺四寸小者十六管长尺二寸参差象凤翼孔氏曰小师注云管如笛形小葢并吹两管也】

煌煌【音横】厥声肃雝和鸣先祖是听我客戾止永观厥成【以上叶庭字】

我客二王后也观视也成乐阙也如箫韶九成之成【成乐之一终也蔡九峯曰乐者象成者也故曰成曹氏曰永观厥成观之无厌斲也】独言二王后者犹言虞宾在位我有嘉客葢尤以是为盛耳【谢叠山曰舜作乐而曰虞宾在位祖考来格成王合乐而曰先祖是听我客戾止以先代之后与先祖并言尊之至也书曰崇德象贤统承先王修其礼物非尊其后尊圣帝明王也愚按虞宾在位则舜之作乐以此为盛我有嘉客则商人作乐以此为盛我客戾止则周人作乐以此为盛也】

有瞽一章十三句【濮氏曰始言乐官中言乐器终言乐声之美】

序始作乐而合乎祖也

猗【于宜反】与【音余】漆沮【七余反】潜有多鱼有鰋【张连反】有鲋【叶于轨反】鰪【音条】鰋【音常】鰪【音偃】鲤以享以祀【叶逸织反】以介景福【叶笔力反】赋也猗与叹词潜掺【音渗】也【尔雅云鱼之所息谓之潜音谿潜掺也音渗字林作糴音心去声】葢积柴养鱼使得藏隐避寒因以薄围取之也或曰藏之深也【严氏曰王氏以为潜藏之潜言取之深也解颐新语云鱼喜潜】鰪白鰪也【陆玕曰鰪形狭而长若条然】月令季冬命渔师始渔天子亲往乃尝鱼先荐寝庙【郑氏曰天子必亲往视渔明渔非常事重之也此时鱼洁美】季春荐鲋于寝庙【郑氏曰进时美物】此其乐歌也【彭氏曰子孙之祭其先祖九州之美味莫不毕备然其乐歌必言其所兴之地取其所产之物而荐之者以示不忘本之意抑亦思其所嗜之意】

潜一章六句【辅氏曰鱼乃泽物之美者故荐之宗庙以致其孝心焉今月令但有季冬荐寝庙之文而已季春荐鲋乃序説也古注以为冬鱼性定春鲋始来似亦可取鱼性定故其肉味美可荐但春鲋始来尤可贵耳】

序季冬荐鱼春献鲋也【孔氏曰冬言季春亦季春也冬月既寒鱼不行孕性定而肥充冬则

众鱼皆可荐春惟献鲔而已】

有来雝雝【与公叶篇内同】至止肃肃相【息亮反】维辟【音壁】公天子穆穆

赋也雝雝和也肃肃敬也相助祭也辟公诸侯也穆穆天子之容也【其助祭者公侯其主祭者天子也】此武王祭文王之诗言诸侯之来皆和且敬【愚按诸侯之来者非一故以雝雝言其和其至止于庙中也故以肃肃言其敬辅氏曰来而不和则有勉强不得已之心至而不敬则有怠缓不敏事之意】以助我之祭事而天子有穆穆之容也

于【音乌】荐广牡相【同上】予肆祀【叶养里反】假【古雅反】哉皇考【叶音口】绥予孝子【叶獎里反】

于叹词广牡大牲也【王介甫曰硕大肥腩之谓也】肆陈假大也皇考文王也绥安也孝子武王自称也言此和敬之诸侯荐大牲以助我之祭事【严氏曰言得天下之欢心以奉其先王也】而大哉之文王庶其享之以安我孝子之心也

宣哲维人文武维后燕及皇天【叶鐵因反】克昌厥后

宣通哲知燕安也此美文王之德宣哲则尽人之道文武则备君之德故能安人以及于天【曹氏曰安及皇天则阴阳和而风雨时日月光而星辰静无错行妄动之变】而克昌其后嗣也【辅氏曰言文王之安于人而格于天所以能昌盛我后嗣之人也人为万物之灵维通与知所以尽人之道文武之德所该者甚众故曰备君之德尧之德广运亦曰乃武乃文而已人道立故天道成是以能安人者则能燕及于天也天之佑君者莫大于予以贤子孙是以能燕及于天则能昌我后嗣也】苏氏曰周人以讳事神文王名昌而此诗曰克昌厥后何也曰周之所谓讳不以其名号之耳不遂废其文也讳其名而废其文者周礼之未失也【李迂仲曰周人以讳事神者如称文王则不斥之曰文王昌书称惟尔元孙某史官不敢斥其名故也如穆王名满当时亦有王孙满襄王名郑当时亦有卫侯郑鲁武公名敖而后世之人有公孙敖观此则知此诗克昌厥后噫嘻言骏发尔私皆未尝讳也孔子作春秋如匡王名班而书曹伯班简王名夷而书晋侯夷吾皆未尝讳】

绥我眉壽【叶殖酉反】介以繁祉既右【音义】烈考【叶音口】亦右文母【叶满彼反】

右尊也周礼所谓享右祭祀是也【春官大祝掌辨九以享右祭祀音拜】烈考犹皇考也文母大妣也【胡庭芳曰以文母证之则烈考为文王无疑此诗为武王祭文王之诗无疑】言文王昌厥后而安之以眉壽助之以多福使我得以右于烈考文母也【辅氏曰绥我眉壽下四句则承上文而言所以绥我之实如比故我所以得享右乎烈考与文母也愚按先儒于介字皆训助朱传于此章亦然而于他诗皆训大其义可互见也】

離一章十六句

周礼乐师及彻帅学士而歌彻說者以为即此此【郑氏曰学士国子也彻者歌雍】论语亦曰以雍彻【彻祭毕而取其俎也天子宗庙之祭则歌雍以彻】然则此蓋彻祭所歌而亦名为彻也

序禘太祖也

祭法曰周人禘嘗又曰天子七庙三昭三穆及太祖之庙而七周之太祖即后稷也禘嘗于后稷之庙而以后稷配之所谓禘其祖之所自出以其祖配之者也祭法又曰周祖文王而春秋家說三年丧毕致新死者之主于庙亦谓之吉禘是祖一号而二庙禘一名而二祭也今此序云禘太祖则宜为禘嘗于后稷之庙矣而其诗之词无及于嘗稷者若以为吉禘于文王则与序已不协而诗文亦无此意恐序之误也此诗但为武王祭文王而彻俎之诗而后通用于他庙耳

载见【贤遍反下同】辟【音璧】王曰求厥章龙旂阳阳和铃央央【于良反】儗【音条】革有鸛【七羊反】休有烈光

赋也载则也发语辞也章法度也交龙曰旂阳明也轼前曰和旂上曰铃【孔氏曰和亦铃也尔雅曰有铃曰旂郭璞云县铃于竿画交龙于旂】央央有鸛皆声和也【按商颂鸛鸛郑云声和也】休美也此诸侯助祭于武王庙之诗先言其来朝稟受法度【曹氏曰孙庆贺刑威以制万国者辟王也故诸侯来朝就求典章焉】其车服之盛如此【辅氏曰法度云者所该广德礼刑政皆是也诸侯求见天子岂特勉循故事而已言其功烈与辉光又皆休美也旂所以为章识故先言之和铃儗革皆有和声故次言之】

率见昭考以孝以享【叶虔良反】

昭考武王也庙制太祖居中左昭右穆周庙文王当穆武王当昭故书称穆考文王而此诗及访落皆谓武王为昭考【太祖庙在比昭穆各以次而南庙皆南向羣庙之列左为昭而右为穆也若武王谓文王为穆考成王称武王为昭考则自其始祔而然蓋但以左右为昭穆而不以昭穆为尊卑也愚按后稷为始封之君其庙居中自二世为昭三世为穆递数至十五世而文王庙次当穆十六世而武王庙次当昭也】此乃言王率诸侯以祭武王庙也

以介眉壽永言保之思皇多祐【后五反】烈文辟公绥以多福俾缉熙于纯嘏【叶音古】

思语辞皇大也美也又言孝享以介眉壽而受多福是皆诸侯助祭有以致之使我得继而明之以至于纯嘏也蓋归德于诸侯之词犹烈文之意也【辅氏曰我当长言保之以有此既大且多之福然凡若此者皆是有德之诸侯助祭以致之安我以是多福而使我继续以明之至于纯嘏纯嘏则又全备于多福也】

载见一章十四句【彭氏曰诸侯来朝意气懽悦车服鲜明所谓休有烈光也率之以见于昭考之庙以致考享之礼以助眉寿之福凡今所以永保多祜皆尔辟公有以绥之而使得以缉熙于纯嘏也】

序诸侯始见乎武王庙也

序以载训始故云始见恐未必然也

有客有客亦白其马【叶满补反】有萋有且【七序反】敦【都回反】琢其旅

赋也客微子也【曹氏曰封于微而爵为子微盖商圻内国名】周既灭商封微子于宋以祀其先王而以客礼待之不敢臣也【吕东莱曰成王杀武庚叛者杀之尔封微子贤者封之尔孔氏曰客止一人而重言之是丁寧殊异以尊大之也】亦语辞也殷尚白修其礼物仍殷之旧也【蔡九峯曰修其典礼文物不使废坏以备一代之法也】萋且未详传曰敬慎貌【曹氏曰萋如萋兮斐兮且如笾豆有且言其萋且有文】敦琢选择也旅其卿大夫从行者也【孔氏曰敦琢是治玉之名人而言敦琢故为选择明尊其所往故择其卿大夫之贤者与之朝王】此微子来见祖庙之诗【孔氏曰命微子为宋公代殷后乃来朝而见于周之祖庙】而此一节言其始至也【黄实夫曰马有洁白之色人有萋且之敬旅有敦琢之贤则周人之于微子无往而不见其可爱也】

有客宿宿有客信信言授之絜【陟立反】以絜其马【同上】一宿曰宿再宿曰信【吕东莱曰谯郡张氏云宿宿者凡一宿者再也信信者凡再宿者再也严氏曰乐其留之久也】絜其马爱之不欲其去也【严氏曰恐其去之速也】此一节言其将去也

薄言追之左右绥之既有淫威降福孔夷

追之已去而复还之爱之无已也左右绥之言所以安而留之者无方也淫威未详旧說淫大也统承先王用天子礼乐所谓淫威也夷易也大也此一节言其留之也【曹氏曰威等威也微子用其先王之车服礼乐其等威之大异乎列国之诸侯矣王介甫曰既有淫威则所享宜盛大故降福孔夷也段氏曰刘氏云有德而神降之福故以降福终焉】有客一章十二句【辅氏曰萋且敬慎貌又似有文章貌敦琢选择也亦有整饬之意其始至也慎重其事如此非以媚乎周也诚之至也所谓在彼无恶也宿宿一宿而又一宿也信信再宿而又再宿爱之而不欲其去也去而复追还之所以安而留之者又无方焉慇懃之意如此非以私商也厚之至也所谓在此无斁也既与之以甚大之威仪则其降之以甚大之祉福可知矣此则慰安而劝勉之辞也】

序微子来见祖庙也【孔氏曰来见祖庙必是助祭不言所祭之名不指所在之庙无得而知也李迂仲曰有客乃微子始受命之诗濮氏曰此宋公来朝将去而王燕饯之与振鹭诗为首末也序以为来见祖庙则语意不明商之祖庙固无由在京师而周之庙非助祭于王何得以

见之】

于【音鸟】皇武王无竞惟烈允文文王克开厥后嗣武受之胜殷遏刘耆【音指】定尔功

赋也于叹辞皇大遏止刘杀耆致也周公象武王之功为大武之乐【曹氏曰伐纣以除害乐其能成武功也】言武王无竞之功实文王开之而武王嗣而受之胜殷止杀以致定其功也

【黄实夫曰止杀如武成所谓以遏乱略是也李迂仲曰大武之意在于止戈大武之诗在于止杀也严氏曰信乎文王有文德以开后人之基绪矣然殷虐未除则文德未能尽达于天下故武王继之以武而受之伐纣以止杀然后致定其功所以归重武王之功明非武王之武无以成文王之文也陈寿翁曰武王之烈实丕承乎文王之德故不以武为武而以止杀致定为武武烈之中实有文德寓焉辅氏曰武王故称其莫强之烈文王故称其信有之文父子一心文武一道但文王开始武王成终有先后之次耳胜殷止杀以致定其功所谓神武不杀者也此诗与书武成所载文王克成厥勲子小字其承厥志之意同世儒执以为文王全无取天下之心者不防于固乎】

武一章七句

春秋传以此为大武之首章也【濮氏曰左传以此诗为大武之首章賚为第三章桓为第六章然周颂皆一章而已无叠章也或者后世取而用之于其事不可知也】大武周公象武公武功之舞歌此诗以奏之【曹氏曰孔子语賁牟贾以武乐始于总干而山立终于周道四达礼乐交通岂止于武功而已哉】礼曰朱干玉戚冕而舞大武【明堂位曰下管象朱干玉戚冕而舞大武注云象周颂武诗也以管播之朱干赤大盾也戚斧也冕冠名祭统注云管象吹管而舞武象之乐也干戚武象之舞所执也何氏曰内则成童舞象象舞武舞也谓干戈之小舞也象用兵刺伐之舞盖象武王伐纣而成功也】然传以此诗为武王所作则篇内已有武王之谥而其说误矣序奏大武也

臣工之什十篇十章一百六句

周颂闵予小子之什四之三

闵予小子遭家不造【叶徂候反】嬛嬛【其倾反】在疚【音救】于【音鸟】乎【音呼】皇考【叶扶候反】永世克孝【叶呼候反】

赋也成王免丧始朝于先王之庙而作此诗也闵病也予小子成王自称也造成也嬛与防同无所依怙之意疚哀病也匡衡曰晃晃在疚言成王丧毕思慕意气未能平也盖所以就文武之业崇大化之本也【李迂仲曰嬛与哀此防独之义同嬛孤独也左传亦有在疚之文亦是居丧之称也王虽朝于庙然去丧未甚遽故犹以死丧为言】皇考武王也叹武王之终身能孝也【愚按此释经文第四第五句辅氏曰周至成王之时可谓成矣而曰遭家不造者王业虽成天下虽治而成王之心常若未成未治也如此然后能保其成若自谓已成已治则殆矣

匡衡可谓善說诗也丧毕思慕所以释防防字意气未能平所以释在疚字蓋所以就文武之叶崇大化之本则又以言其效验也惟成王之能如此所以知武王之所以继志述事者为终身能孝也】

念兹皇祖陟降庭【叶去声】止维予小子夙夜敬止

皇祖文王也承上文言武王之孝思念文王常若见其陟降于庭犹所谓见尧于墙见尧于羹也【后汉书李固曰尧没舜仰慕三年坐则见尧于墙食则见尧于羹】楚词云三公揖让登降堂只【音纸】与此文势正相似而匡衡引此句顏注亦云若神明临其朝廷是也【匡衡时未行毛說顏监又精史学而不桎于專经之陋故其言独得经之本防也余旧读诗而爱顏說然尚疑其无据及读楚词乃有登降堂只之文于是益信陟降庭止之为古语也愚按大招曰三公穆穆登降堂只其言三公登降堂正犹此言皇祖陟降庭其言只为语已词正犹此言止也但集传所引揖让二字彼文正作穆穆则此或传写之误耳】

于乎【二字同上】皇王继序思不忘

皇王兼指文武也承上文言我之所以夙夜敬止者思继此序而不忘耳【李迂仲曰武王能以念兹皇祖为孝则成王亦当以思继祖考为孝愚按成王因见于庙对越祖考惻然自念而叹既曰于乎皇考又曰于乎皇王所感之意深矣】闵予小子一章十一句【陈壽翁曰思亲而见其如在者此人子终身慕亲之孝当亲歿而愈笃者也记曰致爱则存致慤则着着存不忘乎心夫安得不敬乎惟武王之孝于文王者有此心故成王之孝于武王者亦惟致敬以不忘乎此心此武王之達孝所以上无愧于文王而下可示法于成王也】此成王除丧朝庙所作疑后世遂以为嗣王朝庙之乐后三篇放此【愚按此篇及访落敬之小毖四诗词意相表里如云遭家不造率时昭考未堪家多难及惩创管蔡之事皆可验其为成王之诗而小序于四诗皆泛言嗣王故又疑其后为嗣王朝庙通用之乐歌也】

序嗣王朝于庙也【愚按朱子辨說见小毖序下】

访予落止率时昭考于【音乌】乎【音呼】悠哉朕有未艾【五蓋反】将予就之继犹判涣维予小子未堪家多难【乃旦反】绍庭上下陟降厥家休矣皇考以保明其身

赋也访问落始【曹氏曰凡宫室始成则落之故以落为始】悠遠也艾如夜未艾之艾判分涣散保安明显也【王介甫曰保安则无危亡之忧明显则无昏塞之患】成王既朝于庙因作此诗以道延访羣臣之意言我将谋之于始以循我昭考武王之道然而其道遠矣予不能及也将使予勉强以就之而所以继之者犹恐其判涣而不合也则亦继其上下于庭陟降于家庶防赖皇考之休有以保明吾身而已矣【辅氏曰延访羣臣所以尽下情率时昭考所以守家法二者相资尽下情而不守家法则内无主守家法而不尽下情则外无助于乎悠哉朕未有艾又叹武王之道甚遠而恐在我有所不能及也味此意则成王固已默识夫武王之道若不用工夫则便以为易矣岂识此味哉将予就之继犹判涣言将使我勉强以就之犹恐

其力量不足意思不能接续或至于判涣不能收拾聚蓄其道于我之一身也于是又叹以为予乃幼冲小子未能任国家之多难此盖指武庚之事而言则亦当继绍武王内外所行之事上下于庭指其外事也陟降于家指其内事也庶防赖武王之休以保安明显我之身而已李迂仲曰自访予落止至继犹判涣皆是仰先王之盛德叹眇躬之凉薄苦前哲之高遠也胡庭芳曰自继犹判涣而上犹有皇皇如有求而弗获之意自继予小子而下则焄蒿凄怆如或见之也其曰访予落止率时昭考此如有所求也于乎悠哉朕未有艾叹其道之遠而未有止也将道在是而可就矣乃倏尔分判涣散而靡有可就者焉于是叹曰维予小子未堪家多难将何以淑其后乎姑上下以绍于庭除之间乃若陟降于厥家焉是则皇考休美之道初若可就而倏判涣者今则焄蒿凄怆若或见之果足以保明吾之身矣诵其诗想其形容成王之思慕皇考爰继爰述何其微婉恳切反覆曲尽有无穷之叹咏也哉】访落一章十二句

說同上篇【陈壽翁曰武王之道若悠遠而难继而武王之上下于庭陟降于家者其迹未遠则近而可继成王绍武王之上下陟降于家庭者是即武王念文王而见其陟降于庭者也如此之绍庭上下陟降厥家者岂不由于前诗之夙夜敬止继序思不忘哉维其能敬以思继武王念文王之心所以能以武王之如见文王于庭者而绍武王于家庭也二诗语意相照应如此苏氏曰上篇言将继其祖考之诗也访落谋所以继之之诗也黄实夫曰上篇言陟降庭止而此言绍庭上下陟降厥家上篇言继序思不忘而此言休矣皇考以保明其身皆是一时所作李迂仲曰人君者天下之本也始即位临政者又人君之本也故伊尹告文甲以嗣王新服厥命惟新厥德召公亦曰王乃初服此访落所由作也愚按夫子称武王善继志述事而以为践其位行其礼奏其乐事死如生事亡如存固可见武王之达孝矣即前篇所谓永世克孝者也成为王之继武王而曰继序思不忘曰继犹判涣曰绍庭上下无非继述之心其孝可谓不匱矣】

序嗣王谋于庙也【愚按朱子辨說见小毖序下篇同】

敬之敬之天维显思【叶新夷反】命不易【以陂反】哉【叶獎黎反】无曰高高在上陟降厥土日监在兹【叶律之反】

赋也显明也思语辞也土事也成王受羣臣之戒而述其言曰敬之哉敬之哉天道甚明其命不易保也【严氏曰敬而又敬者诚之不已也蓋以天道甚明祸福不爽故予夺无常其命难保也李迂仲曰善则福之淫则祸之栽者培之倾者覆之未有善而不获福未有恶而不获祸天之道蓋显矣故其命靡常所以为不易也】无谓其高而不吾察当知其聪明明畏常若陟降于吾之所为而无日不临监于此者不可以不敬也【辅氏曰母不敬可以对越上帝天道之明命不易保唯敬则能对越之若曰高高在上则便是不敬不敬则自絕于天矣常敬则见其陟降于已所为之事日监在兹也陟降厥土即所谓昊天曰明及尔出王昊天曰旦及尔游衍也】

维予小子【叶獎里反】不聪敬止日就月将学有缉熙于光明【叶谟郎反】佛【符弗反又音弼】时仔【音兹】肩示我显德行【下孟反叶户郎反】将进也【日就月将是日成

月长就成也将大也】佛弼通【郑氏曰辅也严氏曰辅谓之弼者言正救其失不專顺从之也学记云其求之也佛佛不顺也犹孟子所谓法家佛士也】仔肩任也【严氏曰仔肩为负荷之意故为任】此乃自为答之之言我不聪而未能敬也然愿学焉庶防日有所就月有所进续而明之以至于光明又赖羣臣辅助我所负荷之任而示我以显明之德行则庶乎其可及尔【辅氏曰不聪知有所不及之事不敬行有所未至之事日就就事上言月将就大本上言成王自知其知与行皆有所未至故欲勉学问庶防日于事上有所就月于本土有所将继续不已以至于光明又赖羣臣助我所任之事而示我以显明之德行则庶乎其可及耳曰就月将学有缉熙于光明所以自责于己佛时仔肩示我显德行所以外资于人责于己者尽资于人者广则大学明明德以至于平天下之事庶乎其可及矣故先生尝语学者曰诗中说得学有缉熙于光明此句最好蓋心地本自光明只被利欲昏了今所以为学者要令其光明处转光明所以下缉熙缉如缉麻之缉连缉不已之意熙则训明字心地光明则此事有此理此物有此理自然见得且如人心未尝不见明见他人做得是便道是做得不是便道不是何尝不光明只是才明便昏了】

敬之一章十二句【陈壽翁曰成王以天之当敬者臣之忠也答羣臣以未能敬者君之谦也忧其未能敬而内为学于己外求助于臣是即求所以尽此敬也学求造于光明而臣复示我以德之显明则天不在高高在上之天而在吾心之天矣其为敬天孰大于是胡庭芳曰此篇成王自戒并戒羣臣以求助之作也成王知我有显道命之难堪不可不致其敬也故曰敬之敬之天惟显思命每靡常而匪易也无曰高高在上其实陟降于所为之事而日监在兹也今予小子虽非有聪明之资然而自知所敬日就月将以勉勉于学求以缉熙于光明尔众士其辅弼我示我以显然之德行庶防其可以体而行之以为迓续天命之本也】

序羣臣进戒嗣王也【胡庭芳曰诗中不见得是羣臣进戒嗣王自维予小子以下则嗣王先自述而后求羣臣之助也序說恐亦误矣】

予其惩【直升反】而毖后患莫予荇【普经反】蜂自求辛螫【施只反】肇允彼桃虫拚【芳烦反】飞维鸟未堪家多难【乃旦反】予又集于蓼【音了】

赋也惩有所伤而知戒也毖慎荇使也蜂小物而有毒【王介甫曰蜂善辛螫】肇始允信也桃虫鷦鷯小鸟也拚飞貌鸟大鸟也鷦鷯之雏化而为雕故古语曰鷦鷯生雕言始小而终大也【陆农师曰鷦鷯巢于苇苕繫之以髮其巢至精密以麻紩之如刺袜然故一名袜雀其化辄为雕】蓼辛苦之物也此亦访落之意成王自言予何所惩而谨后患乎荇蜂而得辛螫信桃虫而不知能为大鸟此其所当惩者蓋指管蔡之事也【苏氏曰成王始信管蔡而疑周公既而悟其奸故曰予其惩而谨后患也蜂不可使而使之则是自求辛螫矣始信其为桃虫及其拚飞则维鸟矣以比信二叔则其祸如此也愚按朱子以此诗作于成王免丧之际则是武王崩后之三年也按书曰周公位冢宰正百工羣叔流言则是武王方崩流言即兴周公避而居东二年之秋天有雷风之变于是王迎公归明年免丧朝庙而此四诗继作故此篇深惩管蔡之事也】然我方幼冲未堪多难而又集于辛苦之地羣臣奈何舍我而弗助哉

小毖一章八句

苏氏曰小毖者谨之于小也谨之于小则大患无由至矣【愚按谨之于小者即谨之于始也即所谓防落之意也谨之于始不以蜂为小而使之则其后无辛螫之患矣不信其为桃虫之小则其后无翻飞大鸟之患矣名篇者特于毖字上加一小字其意深矣】

序嗣王求助也

此四篇一时之诗序但各以其意为説不能究其本末也

载芟载柞【侧百反叶疾各反】其耕泽泽【音释叶徒洛反】

赋也除草曰芟除木曰柞秋官柞氏掌攻草木是也【曹氏曰秋官薙氏掌杀草秋绳而芟之是除草曰芟薙音弟绳音孕含实曰绳】泽泽解【上声】散也【释氏曰土解也严氏曰專言新垦之田者其用力尤难故也愚按第一节言垦土也】

千耦其耘徂隰徂畛【音真】

耘去苗间草也【愚按朱子初解尝从郑笺以耘为除根株盖除草木之根株也今此传改为去苗间草然以下文之次序观之恐此句未遽説耘苗也故曹氏以为反土之后草木根株有芟柞不尽者则复耘之也】隰为田之处也【严氏曰下湿曰隰】畛田畔也【某氏曰千言其多也耦言并行也或徂隰或徂畛言耕夫遍野无旷土也愚按第二节言治田也】

侯主侯伯侯亚侯旅侯彊侯以有嘏【他感反】其饁【于辄反】思媚其妇有依其士【与以反】有略其耜【叶养里反】俶载南畝【叶满委反】主家长也伯长子也亚仲叔也【李迂仲曰亚伯之次也】旅众子弟也彊民之有余力而来助者遂人所谓以彊予【与】任甿【氓】者也【孔氏曰谓其人强壮治一夫之田有余力能佐助他事者也】能左右之曰以太宰所谓闲【闲】民转移执事者【郑氏曰间民谓无事业者转移为人执事】若今时佣力之人随主人所左右者也【严氏曰言众力竞劝无游民也】嘏众饮食声也媚顺依爱士夫也言饁妇与耕夫相慰劳【去声】也【李迂仲曰妇人行饁夫则顺其妇妇示依其夫也曹氏曰士不辞耕稼之劳而知爱其妇妇不憚饁饁之烦而知依其夫有和乐之风焉严氏曰夫耕妇饁驩然相爱见治世之气象焉】略利【曹氏曰耜耒首作木为之利则入土也】俶始载事也【曹氏曰前曰其畊泽泽初反土也今日俶载南畝则将重矣愚按第三节言男女长幼齐力于始耕也】

播厥百谷实函斯活【叶呼酷反】

函合活生也既播之其实含气而生也【曹氏曰百谷之性各有所宜而水旱丰凶不可预料故悉种之所以为备也郑氏曰实种子也愚按第四节言苗生也】

驿驿其达【叶佗悦反】有厌其桀

驿驿苗生貌达出土也厌受气足也杰先长者也【愚按第五节言苗生之盛也】

厌厌其苗緜緜其麋【表骄反】

緜緜详密也麋耘也【主介甫曰前曰千耦其耘则既耕而耘今日緜緜其麋则既苗而耘也既苗而耘则以緜緜为善恐伤苗也严氏曰芟耘麋皆除草也芟与柞并言是新辟田除地上之草也既畊而言耘是反土而除土中之草根也既苗而言麋是除苗间之草也愚按第六节言耘苗也】

载获济济【子礼反】有实其积【子赐反叶上声】万亿及秭为酒为醴烝畀祖妣以洽百礼

济济人众貌实积之实也积露积也【胡庭芳曰上言实函此言实积皆指谷实酒三酒醴五齐祭祀则酒正供之祭有十伦其礼实繁而皆以酒行之故酒可以洽百礼王介甫曰以洽百礼既烝畀祖妣而達之祭祀賓客无所不洽也愚按第七节言收入之多以供祭祀也】

有飴【蒲即反】其香邦家之光有椒其馨胡考之宁

飴芬香也未详何物胡壽也【孔氏曰周书謚法保民耆艾曰胡李迂仲曰胡考耆老也】以燕享賓客则邦家之所以光也以共养耆老则胡考之所以安也【愚按第八节又言可以待賓养老也】

匪且有且匪今斯今【叶音经】振古如兹【无韵未详】

且此振极也言非独此处有此稼穡之事非独今时有今丰年之庆蓋自极古以来已如此矣犹言自古有年也【陈少南曰振古以来皆如上文之所谓也严氏曰自古以来皆如此继此以往尤愿勿替也愚按第九节则追言田事之所由来者遠矣】

载芟一章三十一句

此诗未详所用然辞意与丰年相似其用应亦不殊【愚按朱子既辨此诗无祈田之意又以丰年之序所谓秋冬报者为误矣而又谓此诗之用当与丰字不殊蓋据此篇第七节而言也然则此诗所谓为酒醴畀祖妣其亦秋成之际荐新于宗庙而歌之也欤】

序春籍田而祈社稷也【朱子辨說见下篇序】

矍矍【楚侧反】良耜【叶养里反】俶【尺叔反】载南畝【叶蒲委反】

賦也矍矍严利也【孔氏曰是刃利之状愚按第一节言始畊也】

播厥百谷实函斯活【叶呼酷反】

說见前篇【愚按第二节言苗生也】

或来瞻女【音汝】载筐及筥其饌【式亮反】伊黍

或来瞻女妇子之来饌者也筐筥饌具也【李迂仲曰此言妇子行饌之器与所盛之物也彭氏曰其饌伊黍无珍味也愚按第三节言饷田也】

其笠伊纠【叶其了反】其铎【音博】斯赵【直了反】以薊【呼毛反】荼蓼纠然笠之轻举也【毛氏曰笠所以御暑两】赵刺【入声】薊去【上声】也荼陆草蓼水草一物而有水陆之异也【孔氏曰田有原有隰故并举水陆之草】今南方人犹谓蓼为辣荼或用以毒溪取鱼即所谓荼毒也【彭氏曰此见其无华饰无怠力所以记畊民之状也愚按第四节言耘苗也】

荼蓼朽止黍稷茂【叶莫口反】止

毒草朽则土熟而苗盛【愚按第五节言苗盛也】

获之挈挈【珍栗反】积之栗栗其崇如墉其比【毗志反】如栻【侧瑟反】以开百室

挈挈获声也栗栗积之密也栻理髮器言密也百室一族之人也五家为比五比为闾四闾为族族人辈作相助故同时入谷也【郑氏曰如墉如栻言积之高大且相比近也一族同时纳谷亲亲也百室者出必共洫间而耕入必共族中而居也愚按第六节言收获之多而齐也】

百室盈止妇子宁止

盈满宁安也【李迂仲曰百室既盈妇子于是宁蓋终歲勤动不得安宁今农事已毕故各享其乐也愚按第七节言共乐丰稔也】

杀时牂【如纯反】牡有捄【音求】其角【叶卢谷反】以似以续续古之人【无韵未详】

黄牛黑唇曰牂捄曲貌续谓续先祖以祭祀【苏氏曰以似以续兴来歲继往歲也续古之人庶防不替其先也愚按篇末言田事毕而以祭祀也其曰续古之人亦上篇振古如兹之意】

良耜一章二十三句

或疑思文臣工噫嘻丰年载芟良耜等篇即所谓豳颂者其详见于豳风及大田篇之末亦未知其是否也【苏氏曰圣人之为诗道其耕耨播种之勤而述其终岁仓廩丰实妇子喜乐之际以感动其意夫诗之可以兴者所以感发人之善志也先言勤劳后言逸乐使勤者可以自忘其劳而怠者亦知以自奋也】

序秋报社稷也

两篇未见其有祈报之异【胡庭芳曰此二诗诚不见其祈报之异不过闵其耕种之劳叙其馈饷之情论其黍稷茂盛收获之福或为酒醴以祀祖妣而为邦家胡考之光宁或百室盈妇子宁杀牲牡以嗣以续此皆田家勤劳安逸之事而非告神之乐歌也岂与七月楚茨信南山甫田大田等诗同一歌咏其事以寓其鼓舞神化之道而坚其乐事赴功之心也邪若拘拘于祈服则感发之意微矣愚按此与载芟词意相类但无载芟第一第二第八节之意耳】

丝衣其紾【孚浮反】载弁俅俅【音求】自堂徂基自羊徂牛鼐【乃代反】鼎及鼐【叶津之反】兕觥其觶【音求】防酒思柔不吴【音话】不敖【音傲】胡考之休

赋也丝衣祭服也紾洁貌载戴也弁爵弁也士祭于王之服【孔氏曰爵弁之服衣纁裳皆丝为之故曰丝衣杂记云士弁而祭于公冠而祭于己爵弁其色赤而微黑如爵头然曹氏曰余皆用布惟冕与爵弁服用丝大夫以上祭服谓之冕士祭服谓之弁其首服弁则不用丝故知丝衣为助祭之服也】俅俅恭顺貌【孔氏曰人貌恭顺】基门塾之基【愚按门侧之堂谓之塾盖门之内夹其东西皆有塾一门凡四塾外两塾南向内两塾北向谓之堂则宜有基此诗所指则内塾之基也】鼐大鼎鼐小鼎也思语辞柔和也吴哗也【李迂仲曰大声也】此亦祭而饮酒之诗言此服丝衣爵弁之人升门堂视壶濯筴豆之属降往于基告濯具又视牲从羊至牛反告充己乃举鼎罍告洁礼之次也又能谨其威仪不諠哗不怠敖故能得寿之福【愚按仪礼士之祭前祭一日夕时主人及賓皆入分立堂下东西宗人升自西阶视壶濯于堂上东序视豆筴钁于房东视几席及敦于西厢反降而告祭器之灌溉几席之备具于是賓主皆出即位于门东西鼎在门外北面北上牲在鼎西南北首束足东上宗人往视牲反位告其充肥遂举罍告鼎之洁其礼皆若此诗之次也孔氏曰堂基但言所往之处牛羊但言所视之物互相足也严氏曰告濯其省器也告充省牲也告洁省饌也王介甫曰自羊徂牛先小后大也鼐鼎及鼐先大后小也先后反覆展视所以致勤敬也李迂仲曰上五句未祭之先整洁戒敕如此下四句既祭之后敬谨如此则祭时谨敬可知矣辅氏曰第一二句言其衣冠鲜洁而整肃也三四五句言其行礼顺习而有序也六七句言其酒器如式而酒味和防也八九句言其威仪敬静而谨飭也如是则宜乎得寿考之福矣玩此一诗真可画也】

丝衣一章九句

此诗或紾俅牛觶柔休并叶基韵或基鼐并叶紾韵

序绎賓尸也高子曰灵星之尸也

序误高子尤误【苏氏曰丝衣本宗庙之诗其曰灵星失矣】

于【音乌】铄【式灼反】王师遵养时晦时纯熙矣是用大介我龙受之蹻蹻【居来反】王之造【叶徂候反】载用有嗣【叶音祠】实维尔公允师

赋也于叹辞铄盛遵循熙光介甲也所谓一戎衣也龙宠也蹻蹻武貌造为载则公事允信也此亦颂武王之诗言其初有于铄之师而不用退自循养与时皆晦既纯光矣然后一戎衣而天下大定后人于是宠而受此蹻蹻然王者之功【欧阳子曰成王宠受之者蹻蹻然武功武王之所为也】其所以嗣之者亦维武王之事是师尔【辅氏曰北诗颂武王之武功言其初虽有甚盛之师而退自循养与时俱晦不见其有迹直至时节到来既纯光矣然后一着戎衣而天下翕然大定此其所以为武王之武也后王于是宠而受此蹻蹻然之武功其所以嗣之者亦惟武王之事是师可也不先时而动不后时而靡君之用武也能如是是亦武王也已】酌一章八句

酌即勺也内则十三舞勺即以此诗为节而舞也【何氏曰勺籥也舞籥文舞也孔氏云籥舞不用兵器以其尚幼故习小舞也贾氏云诗为乐章与舞人为节故以诗为舞也仪礼燕礼曰若舞则勺注曰勺颂篇也万舞而奏之所以劝有功也】然此诗与赉般皆不用诗中字名篇【苏氏曰方其不可而遵养时晦见其可而后为之此所以为酌也严氏曰初则遵养继则蹻蹻酌其时措之宜也】疑取乐节之名如曰武宿夜云尔【礼记曰舞莫重于武宿夜注云武曲名正义云武王至商郊停止宿夜士卒皆欢乐歌舞以待旦故名焉】序告成大武也言能酌先祖之道以养天下也诗中无酌字未见酌先祖之道以养天下之意【严氏曰诗中言遵养非谓养天下也】

绥万邦娄【力注反】丰年天命匪解【佳卖反】桓桓武王保有厥土于以四方克定厥家于【音乌】昭于天皇以间之

赋也绥安也桓桓武貌大军之后必有凶年而武王克商则除害以安天下故屡获丰年之祥传所谓周饥克殷而年丰是也【王介甫曰师之所处荆棘生焉桓武志也而曰屡丰年则其为武志也异乎人之武志矣李迂仲曰武王用兵为天下除害故能召和气也左传僖公十九年卫大旱宁庄子曰昔周饥克殷而年丰】然天命之于周久而不厌也故此桓桓之武王保有其土而用之于四方【曹氏曰今年丰娄应则天之眷佐有周固匪解矣然武王之所以致此者由得土以为之用也】以定其家其德上昭于天也间字之义未详传曰间代也言君天下以代商也【严氏曰多方云有邦间之】此亦颂武王之功【辅氏曰绥万邦者武王之本志也屡丰年者上天之嘉应也有是志则有是应先天而天弗违也天命匪解者天命之无厌也桓桓武王者武王之无怠也天命之无厌乃武王之无怠也后天而奉天时也天命武王不间毫髮保有厥土于以四方克定厥家此武王之武所成就也是以其德上昭于天而君天下以代乎商也】

桓一章九句

春秋传以此为大武之六章则今之篇次盖已失其旧矣又篇内已有武王之諡则其谓武王时作者亦误也【严氏曰解颐新语云武王有其事成王制作于是作诗歌其事以告于武王耳】序以为讲武类禘之诗岂后世取其义而用之于其事也欤

序讲武类禘也桓武志也【严氏曰解颐新语云讲武而类乎上帝禘于所征之地皆师祭也谓之武志盖发明武王将出征而讲武类禘也孔氏曰作讲武类禘之乐歌也禘祭造军法者其神蚩尤或曰黄帝禘周礼作貉又或作类古今异也】

文王既勤止我应受之敷时绎思我徂维求定时周之命于【音乌】绎思

赋也应当也敷布时是也绎寻绎也于叹辞绎思寻绎而思念也此颂文武之功而言其大封功臣之意也言文王之勤劳天下至矣其子孙受而有之然而不敢专也布此文王功德之在人而可绎思者以赉有功而往求天下之安定【王介甫曰大赉善人封建以为诸侯与共天下则所以求天下之定也】又以为凡此皆周之命而非复商之旧矣遂叹美之欲诸臣受封赏者绎思文王之德而不忘也【辅氏曰武王之封赏功臣人见其为武王之恩也自武王之心言之乃是文王功德之在人心而可思绎者耳非己之恩也以是而往求天下之安定则庶乎其可矣然则受其封赏者又可以不思绎文王之德哉时周之命集传以为凡此皆周之命而非复商之旧者是矣此又提起来说以兴起人心也大封功臣于庙而歌此诗其言只止于此而都不及车服锡予之物盖以是为重而不以物为重也】赉一章六句

春秋传以此为大武之二章而序以为大封于庙之诗说同上篇【愚按大武作于武王崩后此颂为武乐第三章故诗中皆述武王封赏之意而推本文王之德朱传所谓颂文王之功亦若大武首章兼颂文武之德也欤】序大封于庙也赉予【与】也言所以锡予善人也【孔氏曰左传云武王封兄弟之国十五人姬姓之国四十人武成说武王列爵惟五分土惟三史记言将帅之士使为诸侯此皆武王大封之事李迂仲曰封必于庙盖归功于祖宗不敢专也黄实夫曰善人云者见上不妄予下不妄受孔子曰周有大赉善人是富】

于【音乌】皇时周陟其高山墮【吐果反】山乔岳允犹翕【许及反】河敷天之下裒【蒲侯反】时之对时周之命

赋也高山泛言山耳墮则其狭而长者乔高也岳则其高而大者允犹未详或曰允信也犹与由同翕河河善泛溢今得其性故翕而不暴也对答也言美哉此周也其巡守而登此山以柴望又道于河以周四岳凡以敷天之下莫不有望于我故聚而朝之方岳之下以答其意耳【黄实夫曰得天下必告于名山大川礼也舜受天下于尧犹必望于山川编于羣臣受命之始不得不然也而况武王革命之主乎故此诗首末皆言是周之受命也愚按上四句言巡守而祭告河岳之事也下三句言巡守而朝防诸侯之事也】

般【盘】一章七句

般义未详【曹氏曰說文云般旋也象舟之旋从舟从殳殳所以旋也今名篇曰般取般旋之义巡狩而遍乎四岳河海所谓般旋也严氏曰般游也苏氏曰朱传以桓赉皆大武篇中之一章又以酌赉般名篇取乐节之名如曰武宿夜云耳然则酌与赉般一体亦大武篇中之二章欤】

序巡守而祀四岳河海也【濮氏曰如序所云宜与 迈相似亦告祭之乐歌也】

此二篇說见本篇

闵予小子之什十一篇一百三十六句

诗传通释卷十九

卷二十

<经部,诗类,诗传通释

钦定四库全书

诗传通释卷二十

元 刘瑾 撰

诗

朱子集传

鲁颂四之四

鲁少皞之墟在禹贡徐州防羽之野成王以封周公长子伯禽今袭庆东平府沂密海等州即其地也【愚按袭庆府今兗州路东平府今东平路海州今寧海州与沂州密州并属山东东西道】成王以周公有大勲劳于天下故赐伯禽以天子之礼乐鲁于是乎有颂以为庙乐其后又自作诗以美其君亦谓之颂【王晦叔曰鲁颂皆以美其君于宗庙无预其诗似用以燕乐此颂之变也吴必大问颂是告于神庙鲁颂中如戎狄是膺荆舒是惩僖公岂有此事曰是颂祷之词耳严氏曰鲁颂颂之变也周之衰也风变而雅颂亡颂声之恩前乎风雅之变矣越桓庄僖惠至襄而鲁乃有颂是故雅变而亡颂亡而变雅之亡甚于变颂之亡甚于变也】旧說皆以为伯禽十九世孙僖公申之诗【孔氏曰从周公数之故为十九世】今无所考独閼宫一篇为僖公之诗无疑耳夫以其诗之僭如此然夫子犹録之者盖其体固列国之风而所歌者乃当时之事则犹未纯于天子之颂【孔氏曰虽名为颂而体实国风非告神之歌又曰颂咏鲁公功德如变风之美者耳曹氏曰今以其体观之分章断句实国风之流耳】若其所歌之事又皆有先王礼乐教化之遗意焉则其文疑若犹可予也况夫子鲁人亦安得而削之哉然因其实而着之而其是非得失自有不可揜者亦春秋之法也【着之于篇所以见其僭也春秋书郊禘大雩雉门雨观亦此意也削之则没其实矣蓋其文予之而实则不予也考索某氏曰亦如存淫乱之诗使后世有见其非耳非谓其言之当也】或曰鲁之无风何也先儒以为时王褒周公之后比于先代故巡守不陈其诗而其篇第不列于太师之职是以宋鲁无风其或然欤【苏八】【曰春秋之际大国皆有变风宋鲁独无风有颂 郑氏云宋王者之后鲁圣人之后是以天子巡守】【不陈其诗所以礼之也】或谓夫子有所讳而削之则左氏所记当时列国大夫赋诗及吴季子观周乐皆无曰鲁风者其說不得通矣

駟駟【古荣反】牡马【叶滿补反】在坰【古荣反】之野【叶上与反】薄言駟者【叶章与反】有騶【尸橘反】有皇有骊【力知反】有黄以车彭彭【叶铺郎反】思无疆思

马斯臧

赋也駟腹干肥张貌邑外谓之郊郊外谓之牧牧外谓之野野外谓之林林外谓之坰【郑氏曰必牧于坰野者避民居与良田也】骊马白跨曰騊【孔氏曰骊黑色跨髀间也跨者所跨据之处】黄白曰皇【孔氏曰黄而防白色杂名皇】纯黑曰骊【孔氏曰檀弓云夏后氏尚黑戎事乘骊故知纯黑曰骊】黄骅曰黄【孔氏曰骅者赤色谓黄而防赤者也】彭彭盛貌言其思之深广无穷也臧善也此诗言僖公牧马之盛由其立心之达【辅氏曰僖公当作鲁侯前云唯閼宫一篇为僖公之诗余则无所考则不应于此定以为僖公也夫人立心既远则所成必厚大凡富厚之事率非轻易浮浅者之所能致】故美之曰思无疆则思马斯臧矣衛文公秉心塞渊而騋牝三千亦此意也【吕与叔曰僖公修政以诚心行之故言思无疆思无期思无绎思无邪马之所以臧才作徂者其效也兴卫风秉心塞渊騋牝三千之意同古之贤君诚心以行善政其效皆若此非独牧马而已段氏曰苟思马而马善则凡其思虑之所及者无不善矣埤雁曰百里奚爵禄不入于心故饭牛而牛肥思无疆思马斯臧殆此之谓也愚按美文公之马则言其騋而北者有三千之众美僖公之马则言其駟而牡者有十六种之毛色盖各极其盛而言皆以见其国之殷富也】

駟牡马在坰之野薄言駟者有骅【音佳】有騊【符悲反】有

骅有骅以车伾伾【符丕反】思无期思马斯才【叶前西反】

赋也仓白杂毛曰骅【孔氏曰杂毛是二色相间杂上六黄白曰黄黄骅曰黄止一毛色之中自有浅深与此二色者异故不言杂毛也】黄白杂毛曰騊【孔氏曰今桃华马也】赤黄曰骅【孔氏曰周人尚赤而牲用骅是骅为纯赤言赤黄者谓其赤而黄其色鲜明者上云黄骅曰黄谓黄而防赤此云赤黄曰骅谓赤而防黄】青黑曰骅【孔氏曰青而防黑今之骅马也】伾伾有力也无期犹无疆也才材力也

駟牡马在坰之野薄言坰者有騊【徒河反】有骅有騊

有騊以车绎绎【叶弋灼反】思无斁【叶弋灼反】思马斯作

赋也青骅骅曰騊色有深浅斑驳如鱼鳞今之连钱骅也白马黑鬣曰骅赤身黑鬣曰騊【孔氏曰鬣马騊騊为赤色若身鬣俱赤则骅马故赤身黑鬣曰騊】黑身白鬣曰騊绎绎不絶貌【毛氏曰绎绎善走也】斁厌也作奋起也

駟牡马在坰之野薄言駟者有骅【音因】有騊【音遐叶洪孤反】

有騊【音簞】有骅以车祛祛【起居反】思无邪【叶祥余反】思马斯徂赋也陰白杂毛曰骅阴浅黑色今泥骅也彤白杂毛曰騊【孔氏曰彤赤也今赭白马也】豪骅【闲去声】曰騊豪在骅而白也【孔氏曰骅脚胫盖膝下之名】二目白曰鱼似鱼目也【孔氏曰尔雅

云一目白矚二目白鱼】祛祛彊健也徂行也孔子曰诗三百一言以蔽之曰思无邪蓋诗之言美恶不同或劝或惩皆有以使人得其情性之正【如正风雅颂等诗可以起人善心如变风刺淫等诗可以使人知戒惧人读好底诗固是知劝若读不好底诗便知得此心不可如此所以读诗者便思无邪也蓋诗之功用如此又曰所谓得情性之正者情性是贴思字正是贴无邪字此乃做时文相似】然其明白简切通于上下未有若此言者故特称之以为可当三百篇之义以其要为不过乎此也学者诚能深味其言而审于念虑之间必使无所思而不出于正则日用云为莫非天理之流行矣【彭氏曰夫子教人学诗之法思无邪一言乃学者之扼要也愚按诗之为教无非欲人得其情性之正然就诗经而指其要以示人则唯思无邪之语既明白简切而足明各诗之直指又通于上下而足该众诗之全体比于其他诗词则多防婉而或不能明白简切各言一事而或不能通于上下故夫子独称思无邪之一言以示学诗者守约施博之道诚意正心之方也】苏氏曰昔之为诗者未必知此也孔子读诗至此而有合于其心焉是以取之蓋断章云尔駉四章章八句

序颂僖公也僖公能遵伯禽之法俭以足用寬以爱民务农重谷牧于坰野鲁人尊之于是季孙行父请命于周而史克作是颂【孔氏曰克于文公时作鲁史】

此序事实皆无可考诗中亦未见务农重谷

之意序說凿矣

有駉【蒲必反】有駉忸彼乘【绳证反】黄夙夜在公明明【叶谟郎反】振振鹭鹭于下【叶后五反】鼓咽咽【乌 反】醉言舞于胥乐【音洛】兮兴也駉肥强貌明明辨治也【欧阳子曰明明脩明其职也】振振羣飞貌鹭鹭羽舞者所持或坐或伏如鹭之下也咽与渊同鼓声之深长也或曰鹭亦兴也【毛氏曰鹭兴洁白之士也欧阳子曰取其修洁翔集有威仪也郑氏曰洁白之士羣集于朝君与之饮酒以鼓节之咽咽然】胥相也醉而起舞以相乐也此燕饮而颂祷之祠也【愚按此为燕饮之诗唯卒章自今以始以下则颂祷之辞也】

有駉有駉忸彼乘牡夙夜在公在公饮酒振振鹭鹭

于飞鼓咽咽醉言归于胥乐兮

兴也鹭于飞舞者振作鹭羽如飞也【曹氏曰上章醉言舞以乐成之也此章醉言归以礼节之也】

有駉有駉忸彼乘駉【呼县反】夙夜在公在公载燕自今

以始岁其有【叶羽已反】君子有谷诒孙予【叶獎里反】于胥乐兮兴也青骊曰駉今铁骊也载则也有有年也谷善也【曹氏曰君民如此治道得矣复何为哉若自此年谷常登子孙相承力于为善则无疆之休也】或曰禄也貽遗也【苏氏曰愿其君富且有后也】颂祷

之词也

有駉三章章九句【辅氏曰駉彼乘黄恐是指来燕者所乘之马故因以起兴在公明明所谓精白一心以承休德也自今以始歲其有为庶民之虑切矣君子有谷诒孙子为后世之虑深矣此可谓善颂善祷矣】

序颂僖公君臣之有道也

此但燕饮之诗未见君臣有道之意

思乐【音洛】泮【普半反】水薄采其芹【其斤反】鲁侯戾止言观其旂【叶其斤反】其旂茝茝【蒲害反】鸾声嘒嘒【呼防反】无小无大从公于迈

赋其事以起兴也思发语辞泮水泮宫之水也诸侯之学乡射之宫谓之泮宫其东西南有水形如半璧以其半于辟廱故曰泮水而宫亦以名也【郑氏曰辟廱者桀土壅水之外圆如璧四方来观者均也泮之言半也泮水者盖东西门以南通水北无也】芹水菜也【本草曰水芹一名水英可作菹味】戾至也茝茝飞扬也嘒嘒和也【李迂仲曰无小无大从公于迈国人无长幼皆从公而往以见国人从僖公之乐也又曰如汉明帝开辟廼冠带缙绅之人园桥门而观听者盖亿万计】此饮于泮宫而颂祷之词也【愚按首章本其始而言鲁侯与其众至泮宫也三章以后然后言饮酒颂祷之事】

思乐泮水薄采其藻鲁侯戾止其马蹻蹻【居表反】其马

蹻蹻其音昭昭【叶之绕反】载色载笑匪怒伊教

赋其事以起兴也蹻蹻盛貌色和顏色也【辅氏曰其音昭昭集传遗此一句解郑氏谓僖公之德音者是也故下而說载色载笑匪怒伊教以见善于教人载色载笑王氏以为洪范所谓而康而色者亦是也黄实夫曰鲁人非乐乎泮水也乐乎僖公之贤而人才所赖以长育成就也芹藻防物也而乐之有余所乐者在僖公而寓于芹藻也乐心一生则乌可已观其旂则乐其茝茝阅其鸾则乐其嘒嘒见其马则乐其蹻蹻人之乐之也如此僖公何以得此于鲁人哉载色载笑即之也温匪怒伊教循循善诱僖公之育才可见矣愚按二章言鲁侯至泮而和其笑语也】

思乐泮水薄采其茆【叶谟九反】鲁侯戾止在泮饮水既饮

防酒永锡难老【叶鲁吼反】顺彼长道【叶徒吼反】屈此羣丑

赋其事以起兴也茆鳧葵也叶大如手赤圆而滑江南人谓之莼菜者也【本草注曰莼菜三四月后通名丝莼味甜体软霜降以后名块莼味苦体涩】长道犹大道也屈服丑众也【彭

氏曰唯难老则可以顺长道而服羣众也王介甫曰顺从君子之长道而屈服此鲁国之羣众也【此章以下皆颂祷之词也】辅氏曰首祈其壽考次祈其功业亦可谓善颂善祷矣长道犹言长防谓长久之道也应上难老之意其曰羣丑虽言羣众便已含淮夷在其中愚按三章颂鲁侯享壽考而尽君道也【穆穆鲁侯敬明其德敬慎威仪维民之则允文允武】

昭假【音格】烈祖靡有不孝自求伊祐【侯仄仄】

赋也昭明假与格同烈祖周公鲁公也【李迂仲曰内能慎其明德外能慎其威仪表里尽善此民所以则之也曹氏曰载色载笑匪怒伊教所谓允文也顺彼长道屈此羣丑所谓允武也郑氏曰信文矣为修泮宫也信武矣为伐淮夷也辅氏曰此章颂鲁侯之德以为能尽孝道以自求多福威仪者君德之符文武者君德之备也愚按四章颂公之化其民孝其祖以享福祿也】明明鲁侯克明其德既作泮宫淮夷攸服【叶蒲北反】矫矫

虎臣在泮献馘【古获反叶况壁反】淑问如臯陶【叶夷周反】在泮献囚赋也矫矫武貌馘所格者之左耳也淑善也问讯囚也囚所虏获者【孔氏曰馘临阵格杀之而取其耳也所馘者是不服之人须武臣之力杀取其耳故武臣如虎者献之所囚者服罪之人察狱之吏受其辞而断其罪故善听狱如臯陶者献之】盖古者将出兵受成于学【记王制注曰定兵谋也】及其反也释奠于学而以讯馘告【王制注曰释菜奠币礼先师也讯馘所生获断耳者愚按司马公曰受成献馘莫不在学所以然者欲其先礼义而后勇力也君子有勇而无义为乱小人有勇而无义为盗若専训之以勇力而不使之知礼义奚所不为矣】故诗人因鲁侯之在泮而愿其有是功也【李迂仲曰古者建学养才在此饮酒在此受成在此献功在此则学校之制不为徒设有补于风化多矣辅氏曰序以为修泮宫者正以此章既作泮宫一句生义将以作为创造则又恐鲁不应旧来无学故遂以为修耳殊不知此乃鲁侯与羣臣燕饮泮宫之诗而诗人颂祷欲其有以终获淮夷之服耳故云鲁国既作泮宫则淮夷既服其文德矣故于此下遂言愿其献馘献囚之事也愚按五章颂愿鲁侯以德服人而献功于学也】

济济【子礼反】多士克广德心桓桓于征狄【他歷反】彼东南

【叶尼心反】烝烝皇皇不吴【音话】不扬不告于讟【音凶】在泮献功赋也广推而大之也德心善意也狄犹遘也【释文曰狄远也王介甫曰攘而遘之也】东南谓淮夷也【孔氏曰淮夷在鲁之东南】烝烝皇皇盛也【曹氏曰其并进而向敌也烝烝然其合而大之也皇皇然】不吴不扬肃也不告于讟师克而和不争功也【郑氏曰讟讼也无以争讼之事告于治狱之官者李迂仲曰征伐有交争者必告治狱之官伯州释之事是也又曰人心可谓广矣惟为血气所使一有毫髮之利则忿而争其心于是乎隘矣惟其心广故其征伐有狄遘淮夷之功烝烝皇皇不吴不扬未尝争讼惟在泮献功而已愚按六章颂愿公之臣士皆有才德以立功也】

角弓其觶【音求】束矢其搜【色留反】戎车孔博徒御无斁【叶弋】

【灼反】既克淮夷孔淑不逆【叶宜脚反】式固尔犹淮夷卒获【叶黄郭反】赋也觶弓健貌【郑氏曰言持 急也】五十矢为束或曰百矢也【孔氏曰荀卿论兵操十二石之弩负矢五十个是一弩用五十矢大司寇云入束矢于朝注古者一弓百矢与书及左传所言赐诸侯彤弓一彤矢百故又谓束矢当百个】搜矢疾声也【孔氏曰其发则搜然而劲疾】博广大也无斃竞劝也逆违命也蓋能审固其谋犹则淮夷终无不获矣【苏氏曰公之兵戎精缮士卒竞劝故能克淮夷甚善而不逆于是告之使益固其道庶几淮夷可尽得矣王介甫曰孔淑不逆言无复作慝而顺以服也郑氏曰坚固其军谋谓度已之德虑彼之罪以出兵也辅氏曰此章又愿其器械修整卒乘兢劝既胜淮夷甚善而无有违命者章末又致戒以为苟能审固其谋猷则淮夷岂终不可获哉以诗意观之是时鲁国想必为淮夷所扰而未有以胜之也愚按七章愿公之兵徒精好谋虑审固而终服淮夷也】

翩彼飞鸢【吁骄反】集于泮林食我桑黯【户荏反】懷我好音

憬【九永反】彼淮夷来献其琛【敕金反】元 象齿大赂南金兴也鸢恶声之鸟也黯桑实也【曹氏曰传云桑黯甘甜鸢革响是知鸢食桑黯则其音变而美也泮林有黯鸢来食之归我好音则淮夷被泮宫礼义之化其有不革而而柔服者哉】憬觉悟也琛寶也元 尺二寸【史记曰 千歲满尺二寸孔氏曰汉志云 不盈尺不得为寶】赂遗【去声】也南金荆扬之金也【郑氏曰荆扬贡金三品孔氏曰禹贡徐州淮夷蠙珠泊鱼则淮夷其土不出 象其国不属荆扬而献 象南金者非谓淮夷之地出此物也李迂仲曰书载伯禽宅曲阜徐戎并兴是淮夷世为鲁患故愿僖公能使之顺服贡献如此也】此章前四句兴后四句如行苇首章之例也【愚按卒章又愿鲁公常使淮夷顺服而来献也】

泮水八章章八句【胡庭芳曰苏氏以为泮宫僖公因旧而修是以不见于春秋至于克淮夷则亦以为疑而朱子于三章以下以为颂祷之辞蓋以为僖公存日之诗也切谓春秋经也鲁颂亦经也今幸有鲁颂以补春秋之阙诵其诗者尚何过疑之有哉愚按朱子以作泮宫淮夷夷之事他无所考故不质其为僖公之诗而且以克服淮夷为颂祷之辞以愚考之春秋不书常事则夫作泮宫之事十二公之经固宜皆无所见也至于僖公克服淮夷虽亦不见于春秋而僖公十三年尝从齐桓防于咸为淮夷之病杞十六年尝从齐桓防于淮为淮夷之病鄆矣但此诗所言不无过其实者要当为颂祷之溢辞也】序颂僖公能脩泮宫也

此亦燕饮落成之诗不为颂其能修也【盖落成泮宫之际因献颂祷之词亦若斯于之诗也】

閟【笔位反】宫有恤【况域反】实实枚枚赫赫姜嫄【音元】其德不回上帝是依【叶音隈】无灾无害弥月不迟【叶陈回反】是生后稷降之百福【叶笔力反】黍稷重【直龙反】穆【音六叶六直反】植【防力反】穉穉麦【叶乞力反】奄有下国【叶于逼反】俾民稼穡有稷有黍有稻有秬【求许反】奄有下国繄禹之绪【象吕反】

赋也閟深閟也宫庙也【吕与叔曰鲁庙非姜嫄庙也】恤清静也实实巩固也枚枚蓍密也

【孔氏曰枚枚者细密之意故云砉密晋语及书传说天子庙饰皆云斲其材而砉之加密石焉是砉密之事也】时盖修之故诗人歌咏其事以为颂祷之词而推本后稷之生而下及于僖公耳【孔氏曰作者将美僖公追述远祖上陈姜嫄后稷至于太王文武爰及成王封建之辞鲁公受赐之命言其所以有鲁之由】回邪也依犹眷顾也説见生民篇【愚按见生民篇前三章是也】先种曰殖后种曰穡【孔氏曰重穡殖穡生熟早晚之异称非谷名】奄有下国封于郃也【严氏曰刘氏云奄有下国所以原其始奄有下土所以要其终】绪业也禹治洪水既平后稷乃播种百谷【孔氏曰禹能平水土稷能播种二者俱以利民故谓之继禹之事稷之播种种禹所治之地也辅氏曰奄有下国封于郃也奄有下土指教民稼穡之事而言也使天下之民皆得以稼穡于其土地则是后稷奄有其土也禹稷之功相为终始相继以相成无稷则禹之平水土何益无禹则稷之教稼穡何施李迂仲曰禹之平水土稷之稼穡其事虽不同其实相终始也非禹平水土虽稷教民种何自而施其功非稷教民种虽禹治水民何自而食惟前后相承故云纘也愚按首章推本僖公所奉閼宫之祖上出于后稷也】

后稷之孙实维大【音泰】王居岐之阳实始翦商至于文

武纘大王之绪致天之届于牧之野【叶上与反】无贰无虞上帝临女【音汝】敦【都曰反】商之旅克咸厥功【叶君古反】王曰叔父【扶雨反】建尔元子【叶子古反】俾侯于鲁大启尔宇为周室辅【扶雨反】赋也翦断【短】也太王自豳徙居岐阳四方之民咸归往之于是而王迹始着盖有翦商之渐矣【赵氏曰蔡节齐云太王虽未始有翦商之志然大王始得民心王业之盛实基于此非谓大王有翦商之志也言翦商虽在武王之时而大王实基王迹乃翦商之所从始尔曾氏曰大王盖诸侯之能兴邦者本不必云肇基王迹也武王既有天下推其寢盛之由故曰肇基王迹所谓实始翦商者殆因肇王迹之语而言之过耳】届极也犹言穷极也虞虑也无贰无虞上帝临女犹大明云上帝临女无贰尔心也敦治之也咸同也言辅佐之臣同有其功而周公亦与焉也王成王也叔父周公也元子鲁公伯禽也【李迂仲曰谓长子为元子】啓开宇居也【辅氏曰无贰无虞上帝临汝一有贰心他虑则使与天为二不足以致天之届矣所谓能治商之众皆君臣上下一德一心之功为周室辅则封鲁公不特为鲁公计乃所以为周家计矣愚按此章推言后稷以下至于周公伯禽也】

乃命鲁公俾侯于东锡之山川土田附庸周公之孙

壮公之子【叶獎里反】龙旂承祀【叶养里反】六轡耳耳春秋匪解【音懈叶讫力反】享祀不忒皇皇后帝皇祖后稷享以骍牺【虚宜虚何二反】是飧是宜【牛奇牛何二反】降福既多【章移当何二反】周公皇祖亦其福女【音汝】

赋也附庸犹属城也小国不能自达于天子而附于大国也上章既告周公以封伯禽之意此乃言其命鲁公而封之也【小国之地不足五十里者不能自达于天子因大国以姓名通谓之附庸若春秋邾仪父之类是也问颛火亦鲁附庸在鲁地七百里之中从孟子百里之説则鲁安得七百里之地曰是礼记説封周公曲阜之地七百里所谓锡之山川土田附庸其势必不止于百里愚按周室封建之法当以武成分土惟三者为正鲁侯爵地方百里以司马法及

小司徒之制推之地方百里者积田万井万井之地以开方之法通算实占地三百万里此盖班禄之制所谓锡之土田者也故南轩张氏以为分土三等皆以其田言之地虽有山川相间广狭不齐而制田之多寡则自若也故其山川城郭宫室涂巷皆在百里田制之外即所谓锡之山川者也若邾若须向若颛臾又皆鲁之附庸即所谓锡之附庸者盖亦在百里田制之外是鲁之疆域固不止百里矣然作明堂位者遽妄为七百里之说孔氏乃附防之以为封鲁五百里之上加以九同七同五同三同四等附庸共为方百里者二十四并鲁方百里者二十五积四十九同开方之得七百里其说恐难信也】庄公之子其一闵公其一僖公知此是僖公者闵公在位不久未有可颂此必是僖公也【愚按闵公名启方在位二年僖公以庶兄继立在位三十三年】耳耳柔从也春秋错举四时也【孔氏曰错举春秋以明冬夏】忒过差也成王以周公有大功于王室故命鲁公以夏正孟春郊祀上帝配以后稷牲用骍牡【曹氏曰司常言日月为常王建之交龙为旂诸侯建之僖公虽僭郊礼而犹以龙旂承祀不敢全僭天子礼也明堂位乃曰鲁公乘大辂载弧防旂十有二旒日月之常祀帝于郊则过矣】皇祖谓羣公【愚按上言皇祖在后稷上则是指后稷为皇祖此言皇祖在周公下故知是指羣公】此章以后皆言僖公致敬郊庙而神降之福国人称愿之如此也【愚按此章言自伯禽封鲁以至僖公致敬郊庙而获福也】

秋而载尝夏而禴衡【叶户郎反】白牡骍刚牺尊将将【七羊反】

毛炰【薄交反】觶【侧吏反】羹【叶卢当反】边豆大房【此下当脱一句如钟鼓喤喤之类】万舞洋洋孝孙有庆【叶祛羊反】俾而炽而昌俾而寿而臧保彼东方鲁邦是常不亏不崩不震不腾三寿作朋如冈如陵

赋也尝秋祭名禴衡施于牛角所以止触也周礼封人云凡祭饰其牛牲设其禴衡是也【孔氏曰禴设于角衡设于鼻】秋将尝而夏禴衡其牛言夙戒也白牡周公之牲也骍刚鲁公之牲也白牡殷牲也周公有王礼故不敢与文武同鲁公则无所嫌故用骍刚【孔氏曰公羊传云周公用白牡鲁公用骍刚羣公不毛不毛不纯色也刚特也白牡谓白特骍刚亦特也愚按不敢使与文武同故牲用殷人所尚之色】牺尊画牛于尊腹也或曰尊作牛形凿其背以受酒也【孔氏曰阮谿礼图云牺尊饰以牛腹上尽牛形又大和中鲁郡于地中得齐大夫子尾送女器有牺尊以牺牛为尊也】毛炰周礼封人祭祀有毛炰之豚注云爓【纖】去其毛而炰之也觶切肉也羹大羹铏羹也大羹大古之羹湆【钦入声】煮肉汁不和【去声】盛之以登贵其质也【仪礼设大羹湆于醢北注云设之所以敬尸也不祭不济大羹不为神非盛者也】铏羹肉汁之有菜和者也盛之铏器故曰铏羹大房半体之俎足下有跗如堂房也【孔氏曰明堂位云周房俎房谓足下跗也上下相间有似于堂房然知是半体者周语云郊禘之事则有全烝王公立饫则有房烝亲戚燕享则有殽烝全烝谓全载牲体殽烝谓体解节折则房烝是半体可知】万舞名震腾惊动也【曹氏曰不亏如日常盈不崩如山常固不震如地常静不腾如水常平自俾尔炽而昌以下皆嘏辞】三寿未详郑氏曰三卿也【严氏曰愿有寿考之三卿为朋友皆如冈陵之固祝其君臣同庆也】或曰愿公寿与冈陵等而为三也【愚按此章言僖公致敬宗庙而祝愿其获福寿也】

公车千乘【绳证反叶神陵反】朱英緑滕【徒登反】二矛重【直龙反】弓

【叶姑 反】公徒三万贝胄朱綬【息防反叶息陵反】烝徒增增戎狄是膺荆舒是惩则莫我敢承俾尔昌而炽俾尔壽而富【叶方未反】黄髮台背【叶蒲寐反】壽胥与试俾尔昌而大【叶特计反】俾尔耆而艾【吾蓋反叶五讎反】万有千岁眉壽无有害【叶暇憇反】

赋也千乘大国之赋也成方十里出革车一乘甲士三人左持弓右持矛中人御步卒七十二人将重车二十五人千乘之地则三百十六里有奇也【李迂仲曰按司马法六尺为步步百为亩亩百为夫夫三为屋屋三为井井十为通通十为成成出革车一乘则千乘之地方三百一十六里有奇若以孟子所言周公封鲁地方百里则无縁有千乘司马法之言不足信也包氏注论语以为古者井田方里为井十井为乘百里之国通计万井则鲁地百里当有千乘矣合从包氏説愚按王制谓公侯之田皆方百里以武成列爵分土之説推之与王制合是鲁当有百里之土田明矣而古者以田赋出兵据司马法及小司徒之説推之则成方十里为田百井出车一乘每乘马四疋甲士步卒合七十五人外牛十二头驾重车在后炊家子十人固守衣装五人廐养五人樵汲五人合二十五人也同方百里为田万井止出车百乘积十同为十万井始得出车千乘其十万井开方则方三万一千六百井余一万八千亩有奇为方三百十六里余六十步有奇然其里数增多不合于侯封百里之制故李氏以为当从包氏之説虽与集传不合然朱子注孟子千乘之国亦尝以为地方百里出车千乘矣】朱英所以饰矛緑滕所以约弓也【愚按滕如緄滕之滕】二矛夷矛酋矛也重弓备折壊也徒步卒也三万举成数也车千乘法当用十万人而为步卒者七万二千人然大国之赋适满千乘苟尽用之是举国而行也故其用之大国三军而已三军为车三百七十五乘三万七千五百人其为步卒不过二万七千人举其中而以成数言故曰三万也【严氏曰鲁颂多夸大之词曰千乘曰三万不必求其数之尽合也】贝胄贝饰胄也朱綬所以缀也【孔氏曰贝者水虫甲有文章胄谓兜鍪以贝为饰说文云綬线朱綬赤线也】增增众也戎西戎狄北狄膺当也荆楚之别号舒其与国也惩艾承御也僖公尝从齐桓公伐楚故以此美之【孔氏曰僖四年公防齐侯等伐楚楚一名荆舒是楚之与国故连言荆舒其伐戎狄则无文李迂仲曰泮水美僖公能服淮夷皆无是事而美之则膺戎狄惩荆舒未必不如其服淮夷也蓋祝颂之词例如此愚按荆者楚之本号蓋以荆山而得名春秋庄公十年始书荆以正其夷狄之号至僖公元年乃改称楚四年僖公从齐伐楚遂盟召陵僖公虽不得專其功而诗人之辞容有溢美读者当不以辞害意】而祝其昌大壽考也壽胥与试之义未详王氏曰壽考者相与为公用也苏氏曰愿其壽而相与试其才力以为用也【曹氏曰老壽者相与试用则不特三壽作朋而已所用皆老成人也考索李氏曰此诗曰天锡公纯嘏眉壽保鲁复周公之字与夫万有千岁眉壽无有害皆是祝颂之辞若非祝颂之辞则是僖公果万有千歲乎严氏曰万有千歲犹曰千歲万岁也愚按此章承前章祭祀获福之意而美公以武功祝公以福壽也】

泰山岩岩【叶鱼猷反】鲁邦所詹奄有 蒙遂荒大东至于

海邦【叶卜工反】淮夷来同莫不率从鲁侯之功

赋也泰山鲁之望也詹与瞻同【孔氏曰泰山在齐鲁之界二国皆以为望也】蒙二山名【孔氏曰春秋齐人来归郚讙 陰之田谓 山之北田也论语說颡史云昔者先王以为东蒙主是鲁之境内有此二山故言奄有曹氏曰 则邹之 山蒙则费之东防山】荒奄也大东极东也海邦近海之国也【曹氏曰淮夷来同则淮浦诸夷在鲁之南者同来防盟莫敢不率循而顺从也愚按此亦承上章祭祀获福之意而言愿公治其境内以服遠国也遂荒以下皆期望之辞下章放此】

保有鳧绎【叶弋灼反】遂荒徐宅【叶达各反】至于海邦淮夷蛮貊

【叶莫博反】及彼南夷莫不率从莫敢不诺鲁侯是若

赋也鳧绎二山名【李迂仲曰禹贡徐州峯阳孤桐此绎即峯阳也】宅居也谓徐国也诺应辞若顺也泰山 蒙鳧绎鲁之所有其余则国之东南势相连属可以服从之国也【王介甫曰言鲁之治东及于海邦南及于蛮貊愚按泰山曰所詹 蒙曰奄有鳧绎曰保有皆以鲁地而言也其余非鲁所有则皆以遂荒总发其词而致其愿望于公也】

天锡公纯嘏【叶果五反】眉壽保鲁居常与许复周公之宇

鲁侯燕喜令妻壽母【叶满委反】宜大夫庶士【鉏里反】邦国是有【叶将已反】既多壽祉黄髮儿齿

赋也常或作尝在薛之旁许许田也鲁朝宿之邑也皆鲁之故地见侵于诸侯而未复者故鲁人以是愿僖公也【曹氏曰汉地理志鲁有薛县而齐孟尝君食邑于薛则尝先当属鲁孔氏曰桓元年郑伯以璧假许田杜预注成王营王城故赐周公许田以为鲁国朝宿之地其地近郑故郑易之也】令妻令善之妻声姜也壽母壽考之母成风也【愚按僖公娶齐女姜姓曰声姜其母风姓曰成风为庄公之妾薨于文公四年】闵公八岁被弑必是未娶其母叔姜亦应未老【愚按闵公在位二年为庆父所弑其母叔姜庄公夫人哀姜之娣也】此言令妻壽母又可见公为僖公无疑也有常有也儿齿齿落更生细者亦壽征也【苏氏曰愿公壽考以复鲁之侵地宜其室家臣庶以保有其国也愚按此章称愿僖公享壽富康寧之福有夫妻子母之荣皆承前章祭祀获福之意也】

徂来之松新甫之柏【叶逋莫反】是断【音短】是度【待洛反】是寻是

尺【叶尺约反】松栢【音角】有梟【叶七约反】路寝孔硕【叶常约反】新庙奕奕【叶弋灼反】奚斯所作孔曼【音万】且硕【同上】万民是若

赋也徂来新甫二山名八尺曰寻梟大貌路寝正寝也【愚按路亦训大】新庙僖公所脩之庙【愚按即前所谓閼宫也】奚斯公子鱼也作者教防属【音烛】功课章程也【孔氏曰公子鱼为之主帅教令工匠监防其事属付工役课其章程】曼长硕大也万民是若顺万民

之望也【辅氏曰九章则本其所以作是颂者言之取于二山断而度之或长或短而松之为椽桷者犹翯然而大则其为梁为柱者可知既成庙后之正寝又甚宏大则僖公所修之广大矣又言其敦防属功董其工役之人而曰此实奚斯所作其制度甚长且有所顺万民之望也有所兴作而不顺民心则兴怨讟矣安能致彼如斯之颂祷哉愚按此章复详言脩庙之事与篇首两句之意相首尾也】

閼宫九章五章章十七句【内第四章脱一句】二章章八句二章章十句

旧説八章二章章十七句一章十二句一章三十八句二章章八句二章章十句多寡不均杂乱无次盖不知第四章有脱句而然今正其误【胡庭芳曰窃谓閼宫是依仿殷武而作殷武首言高宗伐荆楚次言侯国服从方及于壽考且寧遽结之以作寢庙朱子释庙中之寢所以安高宗之神得之矣閼宫首原僖公家世次及承祭祀攘夷狄复境土极颂其壽考亦遽结之以作新庙与殷武如出一手特殷武简而严閼宫张而夸耳故朱子于殷武之末谓与閼宫卒章文意略同但先儒于此诗服淮夷蛮貊等事春秋所不载皆不无疑故黄氏以为未然之期望朱子以为颂祷之辞也苏氏曰诗人愿僖公上为神之所福内为国人之所安外为邻国之所懷而脩旧起发治其寢庙以顺万民之所望也陈壽翁曰僖公修閼宫以其新修故又曰新庙而路寢即庙中之正寢也毛郑以閼宫为姜嫄庙者固非毛又以新庙为闵公庙者尤非也】

序颂僖公能复周公之宇也

此诗言庄公之子又言新庙奕奕则为僖公修庙之诗明矣但诗所谓复周公之宇者祝其能复周公之土宇耳非谓其能修周公之屋宇也序文首句之缪如此而苏氏信之何哉

鲁颂四篇二十四章二百四十三句【考索李氏曰駟诗言牧马之事有駢言君臣宴饮泮水言其修泮宫服淮夷所褒之事犹为可褒也至于閼宫则毁誉失真且如言姜嫄后稷至于文武与夫郊天之祭鲁以诸侯而乃盛称以示夸耀不亦过乎王介甫曰周颂之词约约所以为严盛德故也鲁颂之词侈侈所以为夸德不足故也】

商颂四之五

契为舜司徒而封于商传十四世而汤有天下其后三宗迭兴【孔氏曰契为司徒有五教之功乃赐姓曰子而封于商从契至汤为十四世也释文曰商者契所封之地名汤有天下遂以为国名愚按汤后九世至大戊而商道兴庙号中宗大戊后十三世至武丁商道复兴庙号高宗武丁再传而至祖甲所谓三宗迭兴也蓋商人宗之皆为百世不迁之庙故周公作无逸歷举言之但祖甲亲尽之际适以国亡故未有宗号也欤】及纣无道为武王所灭封其庶兄防子启于宋脩其礼乐以奉商后【吴氏曰武王克殷封武庚于殷墟封防于于宋及武庚叛成王杀之始即防子已封之宋建之为上公以奉汤祀作防于之命以中之】其地在禹贡徐州泗濱西及豫州盟【孟】猪之野【孔氏曰宋之封域东至泗濱西至孟猪也】其后政衰商

之礼乐日以放失七世至戴公时【孔氏曰自防子至戴公凡十君除二兄弟同世外是七世至戴公也】大夫正考甫得商颂十二篇于周大师归以祀其先王孔子编诗而又亡其七篇然其存者亦多阙文疑义今不敢强通也【孔氏曰正考父生孔父嘉孔父嘉生木金父木金父生祁父祁父生防叔防叔迁鲁为防大夫故曰防叔生伯夏伯夏生叔梁纥叔梁纥生仲尼则正考甫是孔子七世之祖周用六代之乐故有商颂 吴必大问商颂恐是宋作曰宋襄一伐楚而已其事可考安有莫敢来享等事又问恐是宋人作之追述往事以祀其先王若是商时所作商尚质不应商颂反多于周颂曰商颂迹多如周颂觉得文势自别周颂虽简文自平易商颂自是奥古非宋人所能 作郑氏曰列国政衰则变风作宋何独无乎曰有】【焉乃不録之王者之后时王所客也巡守不陈其诗】商都亳宋都商丘皆在今应天府亳州界【曹氏曰契封商今上雒商是也至汤凡八迁徙居亳从先王居帝誉尝都也汤十九世至盘庚其间又五迁后居河南亳殷即汤故都故后世或称商或称殷或兼称殷商愚按应天府今改归德府与亳州并隸河南省】

猗【于宜反】与【音余】那与置我鞀【音桃】鼓奏鼓简简衍我烈祖赋也猗叹词那多【王介甫曰美商之乐叹而多之也曹氏曰言其美之不足故嗟叹而多之也】置陈也【欧阳子曰陈鞀与鼓书曰下管鞀鼓盖自虞夏以来旧物常用之】简简和大也衍乐也烈祖汤也【毛氏曰有功烈之祖也】记曰商人尚声臭味未成淅【音狄】荡其声乐三阕然后出迎牲是也【郊特性注曰淅荡犹摇动也愚按凡声属阳故曰乐由阳来商人祭祀尚声所以先求诸阳者也】旧説以此为祀成汤之乐也

汤孙奏假【音格】绥我思成鞀鼓渊渊【叶于申反】嘒嘒管声既和且平依我磬声于【音乌】赫汤孙【叶思伦反】穆穆厥声

汤孙主祀之时王也【欧阳子曰自大甲以下至纣皆可为汤孙但不知所斥者何王耳】假与格同言奏乐以格于祖考也绥安也思成未详郑氏曰安我以所思而成之人谓神明来格也礼记曰齐【齐】之日思其居处思其笑语思其志意思其所乐【磬去声】思其所嗜齐三日乃见其所为齐者【孔氏曰所思五事先思居处后思乐嗜者先粗而后精自外而入内也何氏曰慕容氏云亲之居处笑语志意乐嗜往而不反非有实也夫岂形体之所能交哉思之所至足以通之矣齐之三日思之之至虽亲之不可见者如见其存防之显诚之不可揜也如此 见所为齐者思之熟若见其所为齐之亲也】祭之日入室僊然必有见乎其位【孔氏曰入室初入庙室僊然髣髴见也如见亲之在神位也】周旋出户肃然必有闻乎其容声【孔氏曰孝孙荐俎酌献行步周旋或出户当此时必有悚息肃肃然如闻举动容止之声也】出户而聴忼然必有闻乎其叹息之声【设祭既毕孝子出户而聴也何氏曰马氏云僊然言其貌肃然言其容忼然言其气辅氏云既曰必有又曰僊然肃然忼然盖诚之不可揜也】此之谓思成苏氏曰其所见闻本非有也生于思耳此二説近是盖齐而思之祭而如有见闻则成此人矣【严氏曰若神不来格则所思不遂今神明来格是安我以所思而成之人也】郑注颇有脱误今正之【辅氏曰商人尚声于那可也绥我思成又见其尚鬼】渊渊深邃也嘒嘒清亮也磬玉磬也堂上升歌之乐非石磬也【孔氏曰磬非乐之主而六依我磬声明此异于常磬非石磬也张子曰玉磬声之最和平者可以养心其声一定始终如一无隆杀也王介

甫曰依我磬声言与堂上之乐和也】穆穆美也【郑氏曰于盛矣汤孙此乐之美其声也愚按既言管声又言磬声又言穆穆厥声盛称声乐见商人之尚声连叶三声字又见商人之质也辅氏曰穆穆厥声亦是言乐言于赫哉之汤孙其乐声其美也】

庸鼓有斁万舞有奕我有嘉客亦不夷怿

庸镛通【毛氏曰大钟曰庸】斁斁然盛也奕奕然有次序也【濮氏曰周人之乐执籥秉翟者文舞也朱干玉戚者武舞也万舞二舞之总也故邶风有公庭万舞鲁颂有万舞洋洋春秋楚子元有振万盞时王乐也诸侯卿大夫士得所同用之特自八以下佾数有差等耳今言万舞有奕正谓文武迭用而有序岂天下未为周而是舞之名已见于前代乎】盞上文言鞀鼓管籥作于堂下其声依堂上之玉磬无相夺伦者至于此则九献之后钟鼓交作万舞陈于庭而祀事毕矣【愚按周制宗庙九献之次尸未入前王裸于奥以降神一献也后亚裸二献也尸入荐血腥后王酌泛齐献尸所谓朝践三献也后酌醴齐亚献亦为朝践四献也荐熟毕王酌盎齐献尸五献也后酌缇齐亚献六献也皆所谓馈献也尸乃食讫王更酌朝践之泛齐以醑尸所谓朝献七献也后更酌馈献之缇齐以亚醑所谓再献八献也又有诸臣为賔者之一献凡九也若商之九献则未有考】嘉客先代之后来助祭者也亦不夷怿乎言皆悦怿也

自古在昔先民有作温恭朝夕执事有恪

恪敬也言恭敬之道古人所行不可忘也闵马父曰先圣王之传恭犹不敢专称曰自古古曰在昔昔曰先民【辅氏曰马父解自古在昔先民有作深得其防可以涵泳便见得敬是彻头彻尾成始成终之意国语注曰有作言先圣人行此恭敬之道久矣不敢言创之于已乃云受之于先古也此其不敢专也】

顾予烝尝汤孙之将

将奉也言汤其尚顾我烝尝哉此汤孙之所奉者致其丁寧之意庶几其顾之也【愚按此诗章首两以汤孙问称于声乐之间者所以重叹其乐之美所谓尚声者然也章末结之以汤孙之将者又所以备见其礼之至也】那一章二十二句

闵马父曰正考甫校商之名颂【孔氏曰鲁语注云名颂颂之美者考父恐其舛缪故就大师校之】以那为首其辑之乱曰云云即此诗也

序祀成汤也防子至于戴公其间礼乐废坏有正考甫者得商颂十二篇于周之大师以那为首

序以国语为文

嗟嗟烈祖有秩斯祐【候五反】申锡无疆及尔斯所

赋也烈祖汤也秩常申重也尔主祭之君盖自歌者指之也【愚按颂诗所以美盛德告成功而皆自歌工以导达主祭者之意也歌工自己身而指主祭者则曰尔自先祖之身而指主祭者则曰汤孙自主祭者之身而言则曰我曰予立言虽殊所指之人则一如上篇所指亦然也又如周颂雝诗既称天子则固自歌工之身而指主祭者矣下文又称孝子亦若此诗称汤孙也又称予称我亦若此诗称予我也】斯所犹言此处也此亦祀成汤之乐言嗟嗟烈祖【严氏曰补传云言烈祖而云嗟嗟以简朴故也若周颂则言于穆于皇近于文矣】有秩秩无穷之福可以申锡于无疆是以及于尔今王之所而脩其祭祀如下所云也【吕东莱曰及尔斯所言流庆无穷今方于尔之所其后犹未艾也所谓申锡无疆】

既载清酤【叶候五反】賚我思成【叶音常】亦有和羹【叶音郎】既戒既平【叶音旁】鬯【中庸作奏今从之】假【音格】无言【叶音昂】时靡有争【叶音章】绥我眉壽黄耇无疆

酤酒【曹氏曰清酒冬酿夏成】賚与也思成义见上篇和羹味之调节也【郑氏曰和羹者五味调腥熟得节也曹氏曰铏羹也】戒夙戒也平犹和也仪礼于祭祀燕享之始每言羹定【订】盖以羹熟为节然后行礼【乡饮酒礼乡射礼燕礼大射仪公食大夫礼少牢馈食皆曰羹定郑氏曰定犹熟也李实之曰不敢预劳賓故以羹定为速賓行礼之节吕东莱曰清酤和羹皆言祭之始也】定即戒平之谓也鬯中庸作奏正与上篇义同盖古声奏族声近族声转平而为鬯耳无言无争肃敬而齐一也【辅氏曰先酒而后羹亦其序也无言则是肃敬无争则是齐一是乃诸福之所防也】言其载清酤而既与我以思成矣及进和羹而肃敬之至则又安我以眉壽黄耇之福也【欧阳子曰上言既载清酤下文亦有和羹乃是直陈祭时酒与羹尔而执事总无諠哗又不交侵其职位以见在庙之人皆肃敬而举动得礼所以神明锡以眉壽黄耇之福也】

约軹【析文反】错衡【叶户郎反】八鸾鸛【七羊反】以假【音格】以享【叶虚良反】我受命溥将自天降康丰年穰穰来假【音格】来飨【叶虚良反】降福无疆

约軹错衡八鸾见采芑篇鸛见载兄篇【郑氏曰约軹谷饰也鸾在鑣四马则八鸾诸侯来助祭者乘篆谷错衡之车驾四马其鸾鸛然声和愚按采芑作八鸾玕然烝民韩奕作八鸾锵锵此诗作鸛鸛载见曰儻革有鸛字虽不同皆言其声也】言助祭之诸侯乘是车以假以享于祖宗之庙也【辅氏曰约軹错衡八鸾鸛总言助祭之诸侯那则專言先代之后耳亦其序也】溥广将大也穰穰多也言我受命既广大而天降以丰年黍稷之多使得以祭也【曹氏曰诸侯助祭者如此是我之受命大得天人之助也得万国之欢心以事其先王所谓得人也降康丰年所谓得天也吕东莱曰丰年穰穰言时和歲丰祭礼得成所谓可以备物者得其一説也】假之而祖考来假享之而祖考来飨【胡庭芳曰欧阳氏云上言以享者谓诸侯来助致享于神也下云来享者谓神来至而歆享也以假来假其义亦然】则降福无疆矣

顾予烝尝汤孙之将

說見前篇【苏氏曰上言人既助之天又应之然后祖宗来格而享其祭报之以福故此曰其尚顾予烝尝哉此汤孙之所奉也】

烈祖一章二十二句【彭氏曰上章言鞀鼓管籥与执竞之颂意同此篇言清酤和羹而不详于乐则与那执竞异也辅氏曰那与烈祖皆祀成汤之乐然那诗则專言乐声至烈祖则及夫酒馔焉商人尚声岂始作乐之时则歌那既祭而后歌烈祖欤大抵商颂简古难看辞断而意续孰读自见】

序祀中宗也

详此诗未见其为祀中宗而末言汤孙则亦祭成汤之诗耳序但不欲连篇重出又以中宗商之贤君不欲遗之耳

天命 鸟降而生商宅殷土芒芒古帝命武汤正域彼四方

赋也 鸟鴈也【孔氏曰燕色 故又名 鸟】春分 鸟降高辛氏之妃有娥氏女简狄祈于郊禼遗卵简狄吞之而生契其后世遂为有商氏以有天下事见史记【孔氏曰 鸟至日以太牢祀高禼记其祈福之时故言天命 鸟 鸟来而谓之降者重之若自天来然严氏曰契封于商后因以为一代之号言生商谓生契也生契所以生商也史记殷本纪曰 鸟翔水遗卵娥简狄取而吞之三代世表曰契稷之父皆黄帝子孙诗言契生于卵后稷人迹者见其有天命精诚之意耳奈何无父而生乎故诗人美契曰天命 鸟降而生商美稷曰厥初生民】宅居也殷地名芒芒大貌【郑氏曰自契至于汤八迁始居亳之殷地而受命国日以广大芒芒然】古犹昔也帝上帝也武汤以其有武德号之也【曹氏曰书曰惟我商王布昭圣武长发曰武王载旆有防秉钺汤曰吾甚武自号曰武王故此称为武汤也】正治也域封境也【苏氏曰汤始受命以正域于四方之诸侯也】此亦祭祀宗庙之乐而追叙商人之所由生以及其有天下之初也【愚按此诗推本商人生于 鸟犹生民推本周人生于帝武此诗追叙契之生以及于汤有天下犹闕宫追叙后稷之生以及文武也】

方命厥后奄有九有【叶羽已反】商之先后受命不殆【叶养里反】在武丁孙子【叶獎里反】

方命厥后四方诸侯无不受命也【吕东莱曰鲜于氏云随其所在之方而命羣后也】九有九州也【严氏曰域彼四方则九州在其中矣天命汤以四方为域汤能命其诸侯而奄有九有成天意也】武丁高宗也【郑氏曰武丁脩德殷道复兴故表显之号为高宗】言商之先后受天命不危殆故今武丁孙子犹赖其福【欧阳子曰武丁孙子谓武丁之孙子也】

武丁孙子武王靡不胜【音升】龙旂十乘【绳证反】大糒【尺志反】是承

武王汤号而其后世亦以自称也龙旂诸侯所建交龙之旂也【严氏曰龙旂十乘举诸侯之

尊者言之耳】大糒黍稷也承奉也言武丁孙子今袭汤号者其武无所不胜于是诸侯无不奉黍稷以来助祭也

邦畿千里维民所止肇域彼四海【叶虎洧反】

止居肇开也言王畿之内民之所止不过午里而其封域则极乎四海之广也【严氏曰京师诸夏之本王圻之内人心安止则四海之大皆在统理之内也】

四海来假【音格下同】来假祁祁景员维河殷受命咸宜【叶牛何反】百禄是何【音荷叶 愚按宜字恐不须叶音则祁如字 与宜河与何皆隔句叶韵也】假与格同祁祁众多貌景员维河之义未详或曰景山名商所都也见殷武卒章春秋传亦曰商汤有景亳之命是也员与下篇幅陨义同盖言周也河大河也言景山四周皆大河也何任也【郑氏曰百禄是何谓檐负天之多福】春秋传作荷【上声严氏曰章末总美殷家前后相承受天之命无有不宜能负荷天之百福谓成汤至高宗以后也辅氏曰此又承上而言四海之远诸侯无不来至而至者祁祁然众多见商之所都所谓景山者四周皆大河其形势之盛而居之安如此故又叹其殷之受命无所不宜此其所以能负其百福也】

鸟一章二十二句

序祀高宗也【王介甫曰祀高宗而上颂其祖下称其孙子盖上有以绍其祖下有以贻其子孙是乃高宗之功美也】

诗有武丁孙子之句故序得以为据虽未必然然必是高宗以后之诗矣

濬哲维商长发其祥洪水芒芒禹敷下土方【絶句楚辞天问禹降省下土方盖用此语】外大国是疆幅陨【音员】既长有娥【息容反】方将帝立子生商

赋也濬深哲知【李迂仲曰正犹书所谓濬哲文明也】长久也方四方也外大国远诸侯也幅犹言边幅也陨读作员谓周也【严氏曰自其直方言之曰幅自其圆周言之曰员】有娥契之母家也【旧説有娥国在不周之北恐不应絶远如此】将大也 言商世世有濬哲之君【孔氏曰总叹商家深智不指斥一人也李迂仲曰惟其德之深故不溺于褊浅惟其德之明故不至于昏塞商之先世皆有深智之德愚按泛言濬哲之君盖自汤以上契以下皆是也】其受命之祥发见也久矣方禹治洪水以外大国为中国之竟而幅陨广大之时有娥氏始大故帝立其女之子而造商室也盖契于是时始为舜司徒掌布五教于四方而商之受命实基于此【曹氏曰契虽未能有天下然其有天下之祥已于尧舜之时发见矣辅氏曰长发其祥则言商受天命其发见之祥既已远矣自洪水芒芒下六句则皆述此句犹言天之栽培我商也久矣】

王桓拨【叶必烈反】受小国是达【叶他悦反】受大国是达率履

不越遂视既发【叶方月反】相【息亮反】土烈烈海外有截

赋也 王契也 者深防之称或曰以 鸟降而生也王者追尊之号【孔氏曰国语 王勤商十四世而兴 王为契明矣又云昔我先王后稷我先王不窋韦昭注商颂亦以契为 王是其为王之祖故呼王非号王也欧阳子曰书称格王宁王盖古人往往以美称加王尔 者深防之称老氏言 之又 是也不必为黑也】桓武拨治达通也受小国大国无所不达言其无所不宜也【王介甫曰达随所受大小能达其道也与在邦必达同意】率循履礼越过发应也言契能循礼不过越遂视其民则既发以应之矣相土契之孙也【孔氏曰契子昭明昭明子相土】截整齐也至是而商益大四方诸侯归之截然整齐矣其后汤以七十里起岂尝中衰也与【辅氏曰契为司徒初不见有武之事然文武乃君之德既封为国君则是当有武德也拨即拨乱之拨乃武德之验也既有武德又能拨乱以为治则其所受之国随其大小而无所不宜又能循行礼法无或过越则其所以为下民之仪式者无所不备矣宜乎遂视其民则既发以应之也至于其孙相土之时则商益以烈烈然光大诸侯率皆归之而极于海外莫不截然齐整也此章又叙契及相土之时】

帝命不违至于汤齐汤降不迟圣敬日跻昭假【音格】迟

迟上帝是祗帝命式于九围

赋也汤齐之义未详苏氏曰至汤而王业成与天命防也降犹生也迟迟久也祗敬式法也九围九州也【孔氏曰谓九围为九州者盖九分天下各为九处若规闾然故谓之九围也】商之先祖既有明德天命未尝去之以至于汤【严氏曰商自契以来天命所向至汤而后与天齐谓王业至此成天命至此集天人适相符合也】汤之生也应期而降适当其时圣敬又日跻升【彭氏曰圣敬日跻即至诚无息也严氏曰苟日新又日新是圣敬日跻之实即文王之纯亦不已也 汤工夫全在敬字上看来大段是一个脩飭底人又曰成汤之圣称其德者有曰不迓声色不殖货利又曰以义制事以礼制心有曰從諫弗拂改过不吝又曰与人不求备检身若不及此皆足以见其日新之实至于所谓圣敬日跻云者则其言愈约而意愈切矣】以至昭假于天久而不息惟上帝是敬故帝命之以为法于九州也【辅氏曰圣故云者言汤之敬乃圣人之敬也无一毫亏缺无一息间断故能昭假于天与天为一也以此观之则敬之一字乃入圣之门而学者成始成终之遁可见矣】

受小球【音求】大球为下国缀【张卫反】旒【音流】何【音贺】天之休不

竞不綈【音求】不刚不柔敷政优优百禄是遄【子由反】

赋也小球大球之义未详或曰小国大国所贄之玉玉也郑氏曰小球镇圭尺有二寸大球大圭三尺也皆天子之所执也【曹氏曰玉藻云笏天子以球玉美玉也典瑞曰王搢大圭执镇

圭注镇圭尺二寸以四镇之山为瑑饰所以镇安四方大圭三尺杼上终葵首明无所屈也】
下国诸侯也缀犹结也旒旗之垂者也【孔氏曰大行人及考工记說旒旗之事皆云九旒七旒是旒旗垂者名为旒也】言为天子而为诸侯所系属如旗之繆【衫】为旒所缀着【长入声】也【严氏曰诗故云旗所垂为旒众旒所着为繆】何荷竞强綵缓也优优寬裕之意
迺聚也【辅氏曰言汤能为天子受大国小国所执之玉则为诸侯所附属如旗旒之与繆然此皆上帝休美之命使然也然汤之负荷天休者非有他也本其圣敬只中道上行更无偏倚故其为政不强不弱不刚不柔优游寬裕此固百福之所聚也】

受小共【音恭叶居勇反】大共为下国骏【音峻】彪【莫邦反叶莫孔反】何天

之龙【叶丑勇反】敷奏其勇不震不动【叶德总反】不戢【奴版反】不竦【小勇反】
百禄是总【子孔反】

赋也小共大共骏彪之义未详或曰小国大国所供之贡也郑氏曰共【上声】执也犹小球大球也【愚按郑意以小共为王所执镇圭大共为王所执之大圭也】苏氏曰共珙通合珙之玉也传曰骏大也彪厚也【严氏曰汤受小国大国之共贡惟薄取之所以大厚天下也】董氏曰齐诗作骏駟谓马也【胡庭芳曰骏駟是喻其有力量能负重致远之意下国皆于我乎负载也】龙宠也敷奏其勇犹言大进其武功也难恐竦惧也【辅氏曰骏彪作汰厚无意味当从董氏說作骏駟谓马也如此则与上章缀旒义相类皆是譬喻缀旒以喻为诸侯附着骏駟以喻能承载诸侯也此唯德厚者能之上章言政事此章言武功先能自治然后能进其武功也不震动不戢竦即周颂所谓无贰无虞之意临大事固不可不惧然神武不杀者自能不震动不戢竦荷天之休则脩政事荷天之宠则进武功亦其宜也】

武王载旆有防秉钺【音越】如火烈烈则莫我敢曷【汉书作遏】

【阿葛反叶阿竭反】苞有三蘖【五葛反叶五竭反】莫遂莫达【叶他悦反】九有有截
韦顾既伐【叶房越反】昆吾夏桀

赋也武王汤也【曹氏曰汤以武定乱故号武王】防敬言恭行天讨也【李迂仲曰顔师古云汤虽秉钺以敬为先】曷遏通或曰曷谁何也苞本也蘖旁生萌蘖也言一本生三蘖也本则夏桀蘖则韦也顾也昆吾也皆桀之党也郑氏曰韦彭姓顾昆吾已【纪又音杞】姓【孔氏曰郑语云祝融其后八姓己姓昆吾顾温彭姓豕韦则商灭之】言汤既受命载旆秉钺以征不义桀与三蘖皆不能遂其恶而天下截然归商矣【段氏曰截者定于一之谓也】初伐韦次伐顾次伐昆吾次伐夏桀当时用师之序如此【辅氏曰载旆秉钺不敢不防即所谓临事而惧也此与不震动不戢竦并行而不相悖如火烈烈言其气势之盛也则莫我敢遏言举天下莫能当也如此则有首出庶物之势矣汤之兴是甚麽气势天下安敢不截然齐整以归商桀与三蘖安得不自然以次而消靡乎】

昔在中叶有震且业允也天子【叶獎里反】降于卿士【鉏里反】

实维阿衡【叶户郎反】实左【音佐】右【音又】商王

赋也叶世震惧业危也承上文而言昔在则前乎此矣岂谓汤之前世中衰时与允也天子指汤也降言天赐之也卿士则伊尹也言至于汤得伊尹而有天下也阿衡伊尹官号也【辅氏曰昔在中叶有震且业分明是指相土之后成汤以前中衰之时言也久也天子言汤之为天子当乎人心降于卿士言伊尹不徒出乃天为汤而锡之也左左商王谓辅佐成汤以成王道也孔氏曰言卿士者三公兼卿士也阿依衡平伊尹汤所依倚而取平故以为官名蔡九峯曰言天下之所倚平也或曰伊尹之号】

长发七章一章八句四章章七句一章九句一章六句

序以此为大禘之诗盖祭其祖之所出而以其祖配也【张子曰其祖之所自出则帝尝也】苏氏曰大禘之祭所及者远故其诗历言商之先后又及其卿士伊尹盖与祭于禘者也商书曰兹予大享于先王尔祖其从与享之是礼也岂其起于商之世欤今按大禘不及羣庙之主此宜为祫祭之诗【濮氏曰序以为大禘则禘不及羣庙之主无因言相土若以为祫祭则羣庙之主在焉而言汤事特详末乃及伊尹相汤尝意其为合祀宗庙而以阿衡配食之乐欤】然经无明文不可考也【陈寿翁曰此诗颂汤之兴而推本于契之始成汤武之盛如此本其所以圣者不越乎敬而已是敬也即契率履不越之心也率履而不越之心其即舜命之以敬敷五教之心欤】

序大禘也

疑见本篇

挾【他达反】彼殷武奋伐荆楚采【面规反】入其阻裒【蒲侯反】荆之旅有截其所汤孙之绪【象吕反】

赋也挾疾貌【曹氏曰言其兵威神速】殷武殷王之武也采冒裒聚汤孙谓高宗旧説以此为祀高宗之乐盖自盘庚没而殷道衰楚人叛之高宗挾然用武以伐其国【李迂仲曰楚为夷狄之国世乱则先叛世治则后服商室中防往往为患高宗所以讨之孔氏曰周始封熊绎为楚子于武丁之世不知楚君何人曹氏曰楚盖荆州之楚地故或谓之荆楚犹商称殷商也严氏曰解颐新语云或谓成王始封熊绎于荆至鲁僖公元年始有楚号遂疑商时未有荆楚乃欲假此以实韩诗宋襄公时作商颂之説殊不思禹贡有荆州即荆楚也又有荆岐则雍州之荆诗人故以荆楚别荆岐耳孰谓周始有荆楚哉】入其险阻以致其众尽平其地使截然齐一皆高宗之功也【辅氏曰挾彼殷武言高宗能疾于用武也奋伐荆楚知所怒也深入其阻不憚劳也裒荆之旅不纵杀也有截其所使之截然齐一各居其所也此其所以为高宗之功绪也】易曰高宗伐鬼方三年克之盖谓此欤【既济九三爻传曰天下之事既济而遽伐暴乱也三年而克之事之至难也】

维女【音汝】荆楚居国南乡昔有成汤自彼氐【都啼反】羌莫

敢不来享【叶虚良反】莫敢不来王曰商是常

赋也氐羌夷狄国在西方【曹氏曰汉志陇西郡有氐道县羌即西域犍羌之属也犍音綽】享献也世见【现】曰王【孔氏曰遠夷一世而一见于王秋官大行人云九州外谓之蕃国世一见谓其父死子继及嗣王即位乃来朝谓之世见也】苏氏曰既克之则告之曰尔虽遠亦居吾国之南耳【曹氏曰商居河洛之间则荆楚在国南乡】昔成汤之世虽氐羌之遠犹莫敢不来朝曰此商之常礼也况汝荆楚曷敢不至哉【孔氏曰首章言伐楚之功二章言责楚之义】

天命多辟【音璧】设都于禹之绩歲事来辟勿予祸适【直革】

【反】稼穡匪解【音懈叶讫力反】

赋也多辟诸侯也来辟来王也适谪通言天命诸侯各建都邑于禹所治之地【曹氏曰說命云明王奉若天道建邦设都则多辟虽受封于天子实天所命也益稷云禹荒度土功弼成五服至于五千州十有二师外薄四海咸建五长则诸侯设都之地皆禹之功也】而皆以歲事至于商以祈王之不譴曰我之稼穡不敢懈也庶可以免咎矣言荆楚既平而诸侯畏服也【李迂仲曰言夷狄率服则天下无事所先者农事耳观孟子载天子巡守惟以土地田野为庆让之先诚以农事为重也】

项氏曰言以歲事来享于君而冀以免于祸谪奉其稼穡【而不敢懈也】颂中有全篇句句是韵如殷武之类无两句不是韵到稼穡自是欠了一句前辈分章全晓不得某细读方知是欠了一句】

天命降监【下与滥叶】下民有严【叶五刚反】不僭不滥不敢怠遑

命于下国【叶越逼反】封建厥福【叶笔力反】

赋也监视严威也僭赏之差也滥刑之过也遑暇封大也言天命降监不在乎他皆在民之视聽则下民亦有严也惟赏不僭刑不滥而不敢怠遑则天命之以天下而大建其福此高宗所以受命而中兴也【曹氏曰天既命多辟设都于禹之绩又下监多辟有能严敬下民赏不僭刑不滥而不敢怠遑者则命之以天下封立其福也辅氏曰此章则又能言高宗所以致中兴之道曰天虽高而实下其监视其可畏也民虽卑而天实以为视所不可忽也惟高宗上畏天下敬民而见于刑赏者未尝有僭滥之失存于中心者不敢有怠遑之意故天命之以天下而大建其福】

商邑翼翼四方之极赫赫厥声濯濯厥灵壽考且宁

以保我后生【叶桑经反】

赋也商邑王都也翼翼整敕貌极表也【严氏曰言政教取正于比也】赫赫显盛也濯濯光明也言高宗中兴之盛如此壽考且宁云者盖高宗之享国五十有九年【李迂仲曰书云嘉靖殷邦至于小大无时或怨肆高宗之享国五十有九年非壽考且宁而何】我后生谓后嗣子孙也【辅氏曰商之都亳固有自来矣然盘庚之后殷道既衰则人亦易而视之矣至于高宗中兴王都始复翼翼然为四方之仪表是盖有以使之然者矣不独是也又有赫赫然风声之盛濯濯然威灵之光此高宗所以享国长久而又有以保安其后嗣子孙也】

陟彼景山【叶所旃反】松柏丸丸【叶胡员反】是断【音短】是迁方斲【陟角】

【反】是防松桷【音角】有榑【丑连反】旅楹有闲【叶胡田反】寢成孔安【叶于连反】

赋也景山名商所却也【春秋传云商汤有景亳之命而比言陟彼景山盖商所都之山名衛诗亦言景山乃商旧都也】丸丸直也迁徙方正也防亦截也榑长貌旅众也闲闲然而大也【谢叠山曰登彼景山而选材取松柏之易直者断之迁之以绳墨取方正而斲削之以松为椽桷有榑然而长以松柏为众楹有闲然而大】寢庙中之寢也安所以安高宗之神也此盖特为百世不迁之庙不在三昭三穆之数既成始祔而祭之之诗也【辅氏曰林植之美规模之宏此高宗之神之所安也言其有以当之矣其与閼宫之卒章文义略同盖俱为宗庙始成而祭之诗岂作閼宫者亦取法于是诗乎愚按商书曰七世之庙可以观德蓋天子七庙三昭三穆与太祖之庙而七八世九世而后随其昭穆亲尽递迁其主而祔于太祖之庙其有功德之君则后世宗之虽亲尽而不祔别立百世不迁之庙而特祔其主焉凡有功德者皆然初不可预限其数而商则止有三宗高宗即其一也然尝疑高宗之庙未知立于何所三宗之后昭穆当祔者未知入于何庙窃意所立三宗中宗当穆高宗祖甲当昭各随昭穆之位特列其庙于太祖庙之两傍三昭三穆之上如周文武世室之位也中宋之后则羣穆继之者皆祔于其庙高宗祖中之后则羣昭继之者皆祔于其庙如周自文王以后羣穆祔于文世室自武王以后羣昭祔于武世室也】然此章与閼宫之卒章文意略同未详何谓

殷武六章三章章六句二章章七句一章五句【愚按篇内第三章为五句朱子疑其脱一句则此诗当作四章章六句二章章七句然此诗与閼宫全篇文义皆有相似者但閼宫为颂僖公修宗庙而作殷武为宗武丁特立庙而作故閼宫所以颂僖公服夷蛮享福壽者皆未然之期望而此诗所以颂武丁服夷夏享福壽者皆已然之实事卒章则皆述其作庙之事以结之】

序殷武祀高宗也【愚按高宗七世亲尽而立庙此诗其作于帝乙之世乎】商颂五篇十六章一百五十四句【张子曰商颂之词粹濮氏曰赏闻鲁颂之非颂孔氏已言之而商颂后三篇但称述前王功德殊不及先祭之意亦自与前二篇异耳叠章非周颂也而其铺叙事实全类大雅诸诗每读而疑因志于此 通典曰殷周之雅颂上本有娥姜嫫契稷相土公刘古公太

伯王季姜女大任大姒之德乃及武汤文武受命武丁成康宣王中兴下及辅佐阿衡周召太公申伯召虎仲山甫之属君臣男女有功德者靡不褒扬于声乐之间也】

诗传通释卷二十